



7. Pl. 6.



— ARAZSIS







VERITAS RELIGIONIS CHRISTIANÆ

ET

✓ LIBRORUM QUIBUS INNITITUR

CONTRA

Atheos, Polytheos, Idololatrias,
Mahometanos, & Judæos

DEMONSTRATA

PER

FR. VINCENTIUM LUDOVICUM GOTTI

ORDINIS PRÆDICATORUM

In Bononiensi Universitate Controversiarum Fidei Professore

NUNC

S. R. E. CARDINALEM.


TOMUS I.

Continens Librorum Novi Fæderis examen.



ROMÆ, ex Typographia Rochi Bernabò, MDCCXXXV.

SUPERIORUM PERMISSU.



JESU CHRISTO

VERO DEO ET VERO HOMINI
HUMANI GENERIS REDEMPTORI
CHRISTIANÆ RELIGIONIS AUCTORI.



ERAM Ecclesiam sanguine Tuo fundatam, ac Tuo Divino spiritu gubernatam à calumniis eorum, qui sub reformationis specie eam deformare in dies tentant; & proprio spiritu quaquaversus ducti, deserto Pastore à Te

constituto, segreges à ceteris ovibus facti, errantes ac palabundi nullibi pedem figentes, huc illucque discurrunt; quantum potui gratiâ Tuâ auspicante vindicare sategi, Tuoque Nomini consecravi. Nunc ad Thronum Divinæ Tuæ Majestatis supplex ac provolutus iterum accedo, me ipsum, & qualecumque hoc meum opus humillimè exhibens, in quo quidquid veri bonique est, Tuum est, qui solus veritas ac bonitas es. Non enim satis me egisse existimavi, nisi etiam ex aliarum sectarum, quæ Te non noverunt, & Nomen Tuum non invocant, falsitate, Religionis, quæ Te habet Auctorem, veritatem demonstrarem, ut hac omnibus patefactâ, Populus qui adhuc ambulat in tenebris, videat lucem magnam, & habitantibus in regione umbræ mortis lux Tua oriatur; ac tandem fiat, ut in Nomine Jesu omne genu flectatur Cœlestium, Terrestrium, & Infernorum; & omnis lingua confiteatur, quia Dominus JESUS CHRISTUS in gloria est Dei Patris. Hic præsentis operis est scopus; nimirum, Tui Sanctissimi Nominis,
glo-

*gloria . Tu igitur , qui dixisti sine me
nihil potestis facere , adsis oro , ut quod
intendo perficiam : Fac , ut & ego dicam
omnia possum in eo , qui me confortat ,
& si quid laboravi , repetam , non ego , sed
gratia Dei mecum . Superest , ut opus istud
Tuâ clementiâ suscipere , & Tuâ gratiâ
indefinenter me adjuvare digneris , qua
in Tua , quam defendi , Religione , fide &
opere perseverans , consummato præsen-
tis vitæ cursu ad æternam gloriam , quam
Te sequentibus promissisti , valeam perve-
nire : Quod per merita Passionis Tuæ hu-
millimè deprecor .*

F. Vincentius Ludovicus S.R.E. Cardinalis Gotti
Ordinis Prædicatorum .

IDEA

1000



IDEA ET FINIS OPERIS



N maximo Religionis negotio duo accuratè consideranda sunt. Unum, ut ex tot, quæ mundum occupant, quæque Religionis titulum sibi vindicant, ea, quæ vera sit, eligatur. Alterum, ut verâ Religione semel electâ, ejus dogmatibus fideliter, ac immobiliter adhæreatur, & in obsequium fidei, quam ipsa tradit, intellectus captivetur. A primo defecerunt quotquot, vel Deum non cognoverunt, vel cùm cognovissent, non sicut Deum glorificaverunt (ut ait Paulus Rom. i. à vers. 21.) *Sed evanuerunt in cogitationibus suis. . . . Et mutaverunt gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium.* Ejusmodi fuerunt, & sunt Polythei omnes, qui dum plures Deos admittunt, Divinitatem tollunt: & præsertim Idololatræ, qui eam usque ad homines, imo & usque ad animantia bruta, eorumque imagines dejiciunt. Hi enim omnes evanescentes in cogitationibus suis, dum dicunt se sapientes esse, stulti facti sunt. His accen-

sen-

fendi sunt Mahometani , & Recentiores Judæi , qui licet unum Deum se colere asseverent , eum tamen non sicut Deum glorificant , nec ei , ut oportet , gratias agunt .

A secundo autem declinant Hæretici omnes , qui à vera Religione , quam professi sunt , desertores facti , ejus magisterio obsequi pertinaciter recusant , ac derelinquentes *fontem aquæ vivæ foderunt sibi cisternas , cisternas dissipatas , quæ continere non valent aquas* (ut ait Jeremias c.2. v.13.) Propterea monet S. Augustinus Lib. de vera Religione cap.5. *Neque in confusione Paganorum , neque in purgamentis Hæreticorum , neque in languore Schismaticorum , neque in cæcitate Judeorum querenda est Religio ; sed apud eos solos , qui Christiani , Catholici , & Orthodoxi nominantur , idest integritatis custodes , & recta sectantes .*

Porro cum veram Religionem non esse querendam apud eos , qui Religioni Christianæ per Baptismum initiati , à Fide Catholica , & à coetu fidelium , qui est Ecclesia , per hæresim , aut schisma recesserunt , abundè demonstraverim in *Vera Ecclesia* contra Apologiam pro Ecclesiis Reformatis à *Jacobo Picenino* Calvinista editam ; ostendens , Ecclesias Heterodoxas , nec characteres , nec dogmata veræ Ecclesiæ , ac Religionis à Christo institutæ sibi vindicare posse : quod & de cæteris , quæ quovis seculo hæreses emerferunt , in Theologia Scholastica dogmatica suis locis sparsim præstiti : Superest nunc , ut ad Paganos , aliosque Christum verum Deum , veramque esse ejus Religionem
ne-

negantes sermonem convertam . Quanti enim fecerint suam Religionem Pagani , satis demonstrant persecutiones , quibus Apostolos , aliosque Christi Confessores insectati sunt , adeo ut nihil omiserint , ut eos è terrarum Orbe delerent . Quanti etiam suam Religionem faciant Mahometani , propterea se solos Munfulmanos , idest fideles esse gloriantes , qui de aliena Religione nec audire volunt differentem . Quanti demum suam faciant Judæi , eam contendentes insuperabili pertinacia adhuc esse veram , omnibus compertum est . Quamobrem , ut rem hanc penitus , ac pro dignitate absolvam , statui , contra hos omnes demonstrare , unicam Religionem Christianam esse veram , solam salvos facere credentes ; reliquas verò omnes esse sectas à Deo reprobatas , eorum professores Dæmoniis servire , & non Deo , & tandem non ad æternam vitam , sed ad æternam mortem esse perducendos .

Porro igitur stabilità Dei , & quidem unius , existentia , Deorum pluralitatem quocumque modo , sive in Idolis , sive sine Idolis excogitatem , exterminabo . Deinde Mahometanorum insaniam in aperto ponam , ac Judæorum duritiem conterere satagam . Tandem Christianam esse unicam veram Religionem demonstrabo . Huic veritati magis magisque firmandæ expediens admodum judicavi , quantæ sint auctoritatis Libri , qui ei adtestantur , eorumque seriem exponere . Quia verò ex his alii pertinent ad Novum Testamentum , & Novum sub Christo Fœdus obsignant , tanquam continentes Doctrinam à Christo , sive per se , sive per suos

Apostolos traditam: alii Vetus Testamentum, seu Legem ante Christum à Deo datam exhibent, tanquam Christum, ejusque Evangelium prænuntiantes, ideo de utrisque accuratum examen institutam, ac genuinos à spuris fecernam.

Hisce omnibus præmunitus studiosus Lector Christianus velut in meridie positam suæ Religionis veritatem adspiciet, gratiasque summas agere Deo poterit, quod se in eâ nasci, & educari speciali sua bonitate voluerit: & cui contigerit in Religione falsa nasci, & adolescere, si fortè in hæc inciderit, eaque legerit, divino affulgente lumine ad veritatis cognitionem oculos aperiens, errores quibus hætenus detinebatur, corrigere poterit, ac detestari. Nam juxta Lactantii monitum lib. 2. Instit. cap. 19. *Præferendum est verum omnibus falsis: calcanda terrena, ut cælestia consequamur. Ita enim res se habet, ut quisquis animam suam, cujus origo de cælo est, ad inferna & ima prostraverit, eâ cadat, quò se ipse dejecerit. Ideoque oportet, rationis, ac status sui memorem nonnisi ad superna niti semper, ac tendere. Quod qui fecerit, hic planè sapiens, ac justus, hic homo, hic denique cælo dignus judicabitur, quem suus parens non humilem, nec ad terram more quadrupedum abjectum, sed stantem potiùs ac rectum, sicut eum fecit, agnovit.*

APPROBATIO ORDINIS

JUssu Rm̃i P. N. Fr. Thomæ Ripoll totius Ordinis Prædicatorum Generalis Magistri, novum hoc operosissimum, utilissimum, & sublime ingenii, & studii Em̃i D.D. Fr. Vincentii Ludovici Gotti S.R.E. Cardinalis monumentum, tanta animi voluptate, & admiratione legi, quantâ luculentia splendet. Disserit vir iste omni virtute præstans sapienter, subtiliter & copiosè de auctoritate Librorum sacrorum. Plurium supremæ veritatis Oracula continentium juxta severiorem SS. Patrum, & Interpretum criticem, genuinitatem, & validitatem demonstrat, adversus eos, qui vel eorum existentiam negant, vel eos Divinò afflatu non fuisse exaratos hæreticè pronuntiant. Alios apocryphos, & commentitios, fabellis, & absurdis dogmatibus plenos invicè rejicit, quos vel Hæreticorum fraus, & dolus sub amplissimorum nominum Evangeliorum Apostolorum, & Discipulorum supposuit; vel quos laudavit præposita quorundam Christianorum pietas: quorum omnium sigillatim discutitur fides, & expenditur falsitas. Consulens Eius noster Fidelium utilitati; mira namque in libris sacris elucet, tum pro Fidei defensione, tum pro morum institutione, ut *Gregorius XIII.* scripsit ad Regem Catholicum: *Scripturarum beneficium permagnum esse: nam quod ad Theologiam attinet, quæ est summa philosophia, his libris omnia nostra Religionis, & Divinitatis mysteria explicantur; quod verò ad eam partem attinet, quæ Moralis nominatur; hinc quoque omnia ad omnes virtutes præcepta colliguntur, quibus quidem duabus partibus omnis nostra salutis, & felicitatis ratio continetur, ut nihil esse possit horum Librorum lectione dignius, nihil fructuosius, nihil omni hominum generi accommodatius, nihil majori doctrina, & sapientia refertius.* Si ergo Judæi solatio habuerunt sanctos Libros, ut legitur i. Machab. c. 12. v. 9. *Nos cum nullo horum indigeremus, habentes solatio sanctos Libros, qui sunt in manibus nostris; maxime etiam Fidelibus debet esse solatio opus hoc numeris omnibus absolutum, quo historicè, & criticè, exactiusque, quàm hætenus factum sit, Libri sacri examinantur.*

Debellat insuper acerrimus hic honoris Ecclesiæ vindex Protestantæ, qui inscitia nocte circumdati, sic cæcutiunt, ut velint, quemlibet proprio intellectu posse Sacrarum Scripturarum sensum invenire; cum tamen quidquid in Scripturis est, altum, & Divinum sit, varios subiens sensus admodum obscuros, totque

sint tropi, multæque allegoriæ & hyperbata, quæ eam obscurissimam, difficillimamque reddunt intellectu, ut admonet *D. Petrus* Ep. 2. c. 3. his verbis: *Charissimus frater noster Paulus secundum datam sapientiam scripsit vobis, sicut & in omnibus Epistolis, loquens in eis de his, in quibus sunt quadam difficilia intellectu. Obscuritatem, & altitudinem Prophetorum ænigmatum agnoscetes SS. Patres, non esse rem in superficie, & in promptu positam definiunt, sed thesaurum sententiis altissimis, ambiguis, parabolicis profundè reconditum, cujus puritas, solum Ecclesiæ judicio, discernentis Spiritus Sancti lumine, & Christi auctoritate pretiosum à vili inveniri potest. Hæreticorum quidem vana præsumptio Sacras Scripturas adjectionibus, & detractionibus ad dispositionem instituti sui intervertit. Privatò spiritu, & humanò sensu in Ecclesia Magisteria humanæ institutionis inducit. Bellum indicens veritati, & Apostolicæ doctrinæ, illusiones cordis sui, & pravarum cupiditatum impulsus sequens, solum nititur his, quæ ex falso composuerunt, ne fateantur, ea vera esse, per quæ necessariò sui revincuntur errores.*

At Eminentissimus noster Catholici nominis fidelissimus Defensor, minus dignitate, quàm Hæreticorum excidiis toti Orbi clarissimus, confusus jam, & prostratis in aliis editis Operibus præcipuis nostri temporis Hæreseos Ministris, novum hoc sapientiâ, & eximiâ eruditione refertum instituit Opus. Jucundi ingenii sui redeunt fructus, & desideratissimi studii sui labores; (si labor dici potest, quod ei otium, quies, & voluptas est) ut in Reipublicæ Christianæ eximium prorsus, & singulare emolumentum Sacros Libros ab Hæreticorum peste vindicat; quod ita feliciter obtinuit, ut aptè, & ad laudem ejus magnificè, & verè dicere possint: hic Scriptor omnibus Operibus suis Ecclesiam ditat, Ecclesiam amat, Ecclesiam custodit, Ecclesiam honorat: & quod non minus mirabile est, quam sapientiâ defendit, fidem moribus ornat. Prodeat ergo in lucem ad præclaram Ecclesiæ existimationem, & ut Catholicæ Religionis conserveatur veritas, opus hoc suò ingenio, suis optimis cogitationibus, ac studii dignissimum, quòd apud illustriores omnis litteraturæ, & sapientiæ Magistros, potius auctoris nomine, quàm censoris judicio, comprobabitur. Romæ in Conventu Sanctæ Mariæ super Minervam, die 7. Augusti anni 1734.

*Fr. Cajetanus Benitez de Lugo Sac. Rituum Congregationis
Consultor.*

IMPRIMATUR,

Si videbitur Reverendissimo Patri Sacri Palatii
Apostolici Magistro.

N. Baccarius Episcop. Bojanen. Vicegerens.

APPROBATIONES

I.

Opera Eminentissimi Cardinalis Vincentii Ludovici Gotti clariora sunt sole ; possuntque omnia inoffenso pede decurri ; non ergo quod recognosci indigeret ; sed honoris gratia iussus à Reverendissimo Patre Joanne Benedicto Zuanelli S. P. A. Magistro, Librum inscriptum *Veritas Religionis Christianæ, & Librorum quibus innititur, demonstrata* tota animi jucunditate perusus evolvi, omnique sedulitate penitus introspexi : sanam doctrinam præfert ubique, critice gravem, & moderatam ; Fidem in testimoniis ; pondus in argumentis ; celsam, claram, & firmam sententiam : verbo dicam : vidi Librum doctrinâ uberem, lectione expeditum, instructione perfectum ; menti Auctoris, ac pietati parem. Ut lucem aspiciat publicam, dignissimum cenfeo, ad promovendum Sacrarum Scripturarum studium, ad fovendum amorem solidæ eruditionis, & ad S. R. Ecclesiæ dogmata altius in mente, & corde imprimenda. Ita sentio ex Collegio S. Francisci de Paula ad Montes die 21. Maii 1733.

*Fr. Franciscus Zavarroni Sacra Congregationis Indicis
Consultor S. R. V. Inquisitionis Qualificator, in Collegio
Urbano de Propaganda-Fide Sacræ Theologiæ Professor,
& Ordinis Minimorum Generalis.*

PUlcherrimum Opus, cui titulus: *Veritas Christianæ Religionis, & Librorum, quibus innititur, contra Polytheos, Idololatrias, Mabometanos, & Judæos demonstrata*, ab Eñño & Rñño Dño Dño Vincentio Ludovico Presbyt. Card. Gotti, Ord. Prædicat. concinnè digestum, jussu Rñni P.Fr.Jo:Benedicti Zuavelli, S.P.A.M. quâ potui animadversione legi; ut qui probè noveram meâ potius studendum utilitati, quàm libri censuræ. Gaudet profectò Ecclesia Christi tot aliis tanti Principis voluminibus, tanquam mœniis, & turribus egregiè communita, ac præclarè exornata. Gaudeat ulterius novis, ac certè providis, ejusdem curis, & sollicitudinibus potenter instructa. Conatur clarissimus Auctor Christianæ veritatis radios ob oculos hominum usque adeò vibrare, ut errorum tenebræ prorsus eliminentur; aut si qui adhuc istis involvantur, non tam hominum, quàm vespertilionum more, in medio se lumine cæcutire cognoscant. Quod an feliciter fuerit exequutus, ne quis me nimia putet affectione decipi, liberum unicuique erit experiri. Ipse autem spero, mecum eos, qui legant, facili negotio consensuros. Laudo præterea eruditio-nem, amœnissimam quidem, sed nulla ex parte otiosam: ratio-nem vim acutam; sed ad vanas subtilitates minimè declinatem: strenuam hostes coercendi solertiam; sed quæ Romanæ Ecclesiæ suavitatem præ se ferat; ut magis ad epulas è castro vocasse (quod de Sapientia scriptum est) quàm pugnæ cecinisse, Scriptor Eminentissimus jure putetur. Et ut paucis me expediam, Liber est Auctore suo dignus. Propterea optandum, ut luce publica, ad Ecclesiæ commodum, & Dei gloriam quantocius donetur. Ex Conventu S.Hadriani de Urbe, Regalis, Militarisque Ordin. B. V. Mariæ de Mercede Redemption. Captivor. prid. Kalend. Decembris 1733.

Fr. Didacus Tellius Sac. Theol. Mag. Sacrar. Congreg. Rituum, & Indic. Consultor, Theologus votans Sac. Congreg. Visitat. Apostolica, ac S. Officii Suprema, & Universalis Inquisitionis Qualificator.

IMPRIMATUR.

Fr. Jo: Benedictus Zuavelli Ordinis Prædicatorum
Sacri Palatii Apostolici Magister.

ELEN-

E L E N C H U S

Eorum, quæ in hoc Opere continentur.

C A P U T P R I M U M.

Ostenditur Dari Deum.

- | | | |
|---------|--|---------|
| §. I. | <i>Communis de Deo consensus.</i> | pag. 2. |
| §. II. | <i>Prima Ratio pro Existentia Dei.</i> | 4. |
| §. III. | <i>Secunda Ratio.</i> | 7. |

C A P U T I I.

De Unitate Dei.

- | | | |
|------------|-----------------------|-----|
| §. UNICUS. | <i>Deus unus est.</i> | 12. |
|------------|-----------------------|-----|

C A P U T I I I.

De Idololatria. Quid? Unde orta? Et quando?

- | | | |
|--------|---|-----|
| §. I. | <i>Quid sit Idololatria, & quosaplex.</i> | 17. |
| §. II. | <i>Idololatria Origo.</i> | 19. |

C A P U T I V.

Religio Idololatræ falsa est.

- | | | |
|----------|--|-------|
| §. I. | <i>Dii Paganorum Dii non sunt.</i> | 25. |
| §. II. | <i>Quia Dii facti ab hominibus.</i> | 26. |
| §. III. | <i>Quia eorum gesta Deo indigna.</i> | 28. |
| §. IV. | <i>Quia eorum Sacra inhonesta.</i> | 31. |
| §. V. | <i>Nec Dii sunt quia rerum aliquarum inventores.</i> | ibid. |
| §. VI. | <i>Simulacra Dii non sunt.</i> | 33. |
| §. VII. | <i>Mundus Deus non est.</i> | 38. |
| §. VIII. | <i>Ex discordia opinionum de Diis.</i> | 40. |
| §. IX. | <i>Diversitas sexuum in Diis.</i> | 42. |
| §. X. | <i>Pro Paganis aliqua.</i> | 44. |

C A P U T V.

De Idololatria Hebræorum,

- | | | |
|--------|-------------------------------|-----|
| §. I. | <i>Idololatria Vituli.</i> | 53. |
| §. II. | <i>Polythei apud Hebræos.</i> | 62. |
- CA-

CAPUT VI.

De Polytheis apud Christianos .

§. I. <i>Recensentur Polythei.</i>	64.
§. II. <i>Deus Veteris Testamenti alius non est à Deo Novi Testamenti.</i>	68.
§. III. <i>Solvuntur ea , quæ in speciem favent Hæreticis.</i>	72.

CAPUT VII.

De Religione Judæorum .

§. I. <i>Olim fuit vera Religio.</i>	81.
§. II. <i>Solvuntur opposita.</i>	83.
§. III. <i>Num omnes tenerentur homines legem veterem servare.</i>	87.

CAPUT VIII.

Religio Judaica defuit esse vera .

§. I. <i>Messias venit ex Daniele c.9.</i>	90.
§. II. <i>Ex Daniele c.2.</i>	96.
§. III. <i>De Oraculo Jacobæo Genes. c.49.</i>	99.
§. IV. <i>Herodes fuit alienigena.</i>	107.
§. V. <i>Ex præfato Oraculo probatur adventus Messie.</i>	113.
§. VI. <i>Judæorum evasiones.</i>	114.
§. VII. <i>Ex Aggæo , & Malachia.</i>	121.
§. VIII. <i>Responsiones Judæorum.</i>	122.

CAPUT IX.

De Religione Mahumetana .

§. I. <i>Sectæ Mahumetanae initia , & propagatio.</i>	124.
§. II. <i>Mahumetanorum mores , & instituta.</i>	125.
§. III. <i>Mahumetana Religio falsa est . Prima ratio.</i>	128.
§. IV. <i>Secunda Ratio.</i>	130.
§. V. <i>Tertia Ratio.</i>	136.
§. VI. <i>Quarta Ratio.</i>	137.
§. VII. <i>Quinta Ratio.</i>	145.
§. VIII. <i>Sexta Ratio.</i>	149.

CAPUT X.

De Jesu Christo Religionis Christianæ Auctore.

§. I.	<i>Ostenditur Jesum vixisse.</i>	151.
§. II.	<i>Morte ignominiosa affectum.</i>	153.
§. III.	<i>A mortuis surrexisse.</i>	154.
§. IV.	<i>Verum Messiam fuisse.</i>	163.
§. V.	<i>Judæorum momenta, Jesum non fuisse Messiam.</i>	167.
§. VI.	<i>Jesum fuisse verum Deum & hominem.</i>	174.
§. VII.	<i>Jesum fuisse Deum, miracula ostendunt.</i>	180.

CAPUT XI.

De Veritate Religionis Christianæ.

§. I.	<i>Prima ratio ex præstantia ejus Auctoris.</i>	187.
§. II.	<i>Secunda ratio ex præstantia ejus doctrinæ.</i>	191.
§. III.	<i>Solutio quarundam objectionum.</i>	196.
§. IV.	<i>Tertia ratio ex mirabili ejus propagatione.</i>	204.
§. V.	<i>Religionis Christianæ propagatio admirabilis ratione qualitatis doctrinæ.</i>	206.
§. VI.	<i>Ex qualitate eorum, qui eam propagarunt, & modo, quo propagarunt.</i>	208.
§. VII.	<i>Quia propagata inter persecutiones.</i>	213.
§. VIII.	<i>Quia stabilis, ac permanent.</i>	215.

TRACTATUS

De Auctoritate Librorum Religionis Christianæ.

CAPUT PRIMUM.

De Evangeliiis.

§. I.	<i>Quædam notantur.</i>	219.
§. II.	<i>Evangelium Matthæi revera est Matthæi & hebraicè scriptum.</i>	221.
§. III.	<i>Evangelium Marci.</i>	229.
§. IV.	<i>Lucas.</i>	237.
§. V.	<i>Joannes.</i>	244.
§. VI.		

- §. VI. Apostoli non habuerunt à Christo praeceptum scribendi Evangelia &c.* 247.

CAPUT II.

Alii Libri Novi Foederis Proto-canonicali.

- §. I. Acta, & Epistola Pauli.* 257.
§. II. Epistola prima Petri, & prima Joannis. 267.

CAPUT III.

Pro auctoritate Librorum, de quibus olim dubitatum fuit.

- §. I. A libris, de quibus olim dubitatum fuit, sublata est omnis dubitandi ratio.* 271.
§. II. De Epistola Jacobi. 272.
§. III. Epistola secunda Petri. 277.
§. IV. Epistola secunda, & tertia Joannis. 280.
§. V. Epistola Juda. 283.
§. VI. Epistola ad Hebraeos. 285.
§. VII. Apocalypsis. 297.
§. VIII. Quaedam partes Marci, Luca, & Joannis olim dubia. 302.

CAPUT IV.

De Libris apocryphis Novi Testamenti.

- §. I. De Scriptis Christo suppositis.* 308.
§. II. De Epistola B. V. ad Messianenses. 318.
§. III. Epistola Barnaba. 323.
§. IV. De variis Pseudo-Evangelis apud Catholicos. 327.
§. V. Epistola S. Pauli ad Laodiceenses. 329.
§. VI. Epistola Pauli ad Senecam, & Seneca ad Paulum. 330.
§. VII. Liber Pastoris. 332.
§. VIII. Acta Pauli & Thecla. 336.
§. IX. De variis Liturgiis. 338.
§. X. De Libris Prochóri, Lini, & Abdia Babylonis. 344.
§. XI. Canones dicti Apostolici. 346.
§. XII. Constitutiones dictae Apostolicae. 356.
§. XIII. Canones Antiocheni dicti Apostolorum. 361.

CA-

CAPUT V.

De Libris suppositis ab Hæreticis.

- | | | |
|---------|--|------|
| §. I. | <i>Prædicatio, Evangelium, Actus, & Apocalypsis Petri.</i> | 263. |
| §. II. | <i>Pseudo-Evangella ceterorum Apostolorum.</i> | 364. |
| §. III. | <i>Alii falsi Apostolorum Libri.</i> | 366. |

CAPUT VI.

De Symbolo Apostolorum.

- | | | |
|---------|---|------|
| §. I. | <i>Heterodoxi quid sentiant.</i> | 372. |
| §. II. | <i>Orthodoxorum mens.</i> | 373. |
| §. III. | <i>Defenditur Symbolum ab impugnatoribus.</i> | 378. |



THE UNIVERSITY OF CHICAGO
LIBRARY

1911

CHICAGO, ILL.

1911

1911

1911

THE UNIVERSITY OF CHICAGO
LIBRARY



TRACTATUS

De Veritate Religionis Christianæ.



NIL gratius, atque utilius Catholico Candidato me facturum existimo, quàm si inter tot sectas, quæ terrarum orbem in partes distrexerunt, & adhuc distrahunt, quæque religionis nomen sibi usurpant, eam, quæ sola vera sit, atque Cultores suos ad æternam felicitatem, quam promittit, reverà perducatur, demonstraverim. Non quidem ut eam ipsi persuadeam, quam novi cum Baptismate ab infantia suscepisse, aut quasi dubitem, ne jam susceptæ ipsùm pœniterit, quasi de ejus veritate formidantem, sed ut de felicitate, quam Numinis Providentiâ fortitus est, magis, magisque sibi gratuletur, firmius adhæreat susceptæ veritati, ac bene instructus evadat contrariis erroribus revincendis, vel saltem, ne à contrariis erroribus vincatur.

Religio ergò, si spectes etymologiam (ait D. Tho. 2.2. q 81. c.1.) videtur dicta à relegendo ea, quæ sunt divini cultus, quia hujusmodi sunt frequentèr in corde revolvenda, secundum illud Proverb. 3. In omnibus viis tuis cogita illum; unde secundum Isidorum lib. 10. Etymol. ad lit. R. Religiosus, ait Cicero, à relectione appellatus est, qui retractat, & tanquam relegit ea, quæ ad divinum cultum pertinent. Quamvis etiam (prosequitur D. Tho.) possit intelligi religio ex hoc dicta; quod Deum reeligere debemus, quem amiseramus negligentes, sicut Augustinus dicit 10. de Civitate Dei c. 4. vel potest intelligi religio à religando dicta, unde Augustinus dicit lib. de vera Religione, religet nos religio uni omnipotenti Deo.

Sive autem religio dicatur à frequenti relectione, sive ex iterato

electione ejus, quod negligentè amissum est, sivè dicatur à religatione, religio propriè importat ordinem ad Deum. Ipse enim est, cui principalitèr alligari debemus, tanquam indeficienti principio, ad quem etiam nostra electio assidue dirigi debet, sicut in ultimum finem, quem etiam negligentes peccando amittimus, & credendo, & fidem protestando recuperare debemus, hæc D.Tho. Hinc, si ex Etymologia nominis ad rem significatam transeamus, religio nihil aliud est, quam Virtus reddens debitum honorem alicui, scilicèt Deo: Undè S. Augustinus lib.83. quæst. q.31. Religio (inquit) est, quæ superioris cujusdam naturæ, quam divinam vocant, curam, ceremoniamque adfert. Igitur tot inter modos, quibus homines Deum coluerunt, vel colunt, quæremus: quinam sit Deo debitus, ac verè religiosus, si enim indebitus sit, erit non religiosus, sed sacrilegus. Cùmque totius religionis fundamentum sit Existentia Dei, ne mihi Atheus dicat religionem esse rem inanem, ideoque me veram religionem investigantem operam perdere, cùm nullus verus Deus sit, ideo prius Atheus vincendus à nobis est, & statuendum, numen esse aliquod, seu aliquem dari Deum.

CAPUT I.

Dari Deum ostenditur.

§. I.

Communis de Deo Consensus.

I. **D** Deum esse, supremam videlicèt rerum omnium causam, principium, atque finem, tam apertè, tamque constantèr credidit, ac prædicavit omnis retrò vetustas, tantoque consensu in eandem conspirant sententiam universæ gentes, ut naturæ vox esse videatur, inquit Daniel Huetius concordia rat. & fid. lib. 2. c.1. qui propterea abundanti inductione ostendit, nobilissimos Philosophorum, & si discreparint in definienda Dei natura, in eo tamen convenisse, Deum esse: *Deos esse, inquit Seneca Epist. 117. inter alia sic colligimus, quod ànibus de Diis opinio insita est: nec ulla gens usquam est adeò extrà leges, moresque projecta, ut non aliquos Deos credat. Deum nomine mentis Thales, Xenophanes, Anaxagoras prædicarunt, Pythagoras Deum agnovit, eumque unum, totum in se, principium Univerforum, atque opificem, mentem omnia permeantem, omniumque moderatricem. At clarissimè omnium Plato,*

ac

ac pro rei dignitate de Deo differuit, adeo ut ad Christianæ doctrinæ principia explicanda ejus Philosophiam accommodatorem vetustiores Ecclesiæ Patres censuerint, inter quos D. Augustinus lib. 8. de Civit. Dei c. 9. & 11. neque in hoc, sicut in aliis, Platonem magistrum suum ejuravit Aristoteles: esto enim, ut ait Justinus martyr Paranesi ad Græcos, in eo, quod ad Alexandrum Macedonem scripsit, opere clarè, & disertè Platonis abroget opinionem, non in igneā substantiā Deum esse (ut fortè assererat Plato) inquit, sed quantum quoddam æthereum, & immutabile corpus fingens, ibi Deum esse dixerit; Deum tamen esse, certus fuit, & exquisitis argumentis comprobavit. Deum esse censuerunt Princeps Cynicorum Antisthenes, Coriphæus Stoicorum Zeno; imò Democritus, & Epicurus, licet absōna de iis protulerint, Deos tamen non penitus sustulerunt, ut verum usque adeò sit, quod maximus Tyrius disert. 38. & Ælianus var. Histor. lib. 1. c. 31. pronunciarunt, neminem extare inter Barbaros, sive Indos, sive Celtas, sive Ægyptios, sive alios quoscumque, in quibus hæc incesse dubitatio; sint ne Dii, an non sint. Mitto alias gentes cultioris ingenii, Romanos, Chaldeos, Assyrios, Persas, recentiores Sinenses, Siamenses, Congenses, Æthiopes, his enim omnibus Deum existere persuasum est: unico Verbo, perpauca possunt reperiri gentes, quarum animos non aliqua imbuerit Dei notitia. Dixi perpauca, non enim diffiteor, aliquas fuisse tali lucē carentes, quas inter Æthiopum partem aliquam commemorat Diodorus lib. 3. & Acrothoitas narrat Simplicius in Epicteto, terrā fuisse absorptos, cum omnem Dei cultum respuerent; & nunc etiam esse in utroque orbe aliquos Dei planè inscios, ut est pars Tartarorum, Carai-barum, & Canadensium non pauci; verum harum gentium tanta barbaries est, ut seras potius diceret, quam homines. Quod autem ex viris aliqua eruditione imbutis aliqui Dei naturam sustulerint, ut Euhemerus Misenius, Diogenes Phryx, Hippon, Theodorus, Cyrenus, Diagoras, Mezius, ab Atheniensibus propterea expulsus, quod Deum negaret, & Atheus, id est sine Deo esset, non video; quid paucorum hominum, & in literis mediocrium adversus omnes Philosophorum scholas valere possit auctoritas. Quamquam etiam de istis dici posset, quod accusati sint, velut Athei, non quòd Deum penitus tollerent; sed quòd de vulgaribus Diis malè sentirent, & futilia Græcorum numina deriderent: rarum enim hominum genus est, qui dicant in corde suo non est Deus, inquit Augustinus in psalm. 52. & in psalm. 13. *Nec ipsi enim sacrilegi, & detestandi quidam Philosophi,*

qui perversa, & falsa de Deo sentiunt, ausi sunt dicere: non est Deus. Ideo ergo dixit in corde suo, quia hoc nemo audeat dicere, etiamsi ausus fuerit cogitare. Verum etsi dederim, aliquos revera Deum, & corde, & ore negasse, ut recentior quidam Lucilius natione Italus, qui post suum disseminatum per Gallias Atheismum tandem Tholosæ captus, accusatus, convictus & pertinax aino 1619. 9. Februarii Senatus decreto vivus combustus fuit, indignus vitæ, qui Deum vitæ Authorem negavit, & novissimè Silvester Legni, Julius ejus filius, sociique, qui Romæ deprehensi, ac de Atheismo convicti, post solemnem tantæ impietatis ejurationem Romæ perpetuo carceri damuati fuere præsentî anno 1719. 25. Januarii de his, aliisque, si sunt, cum D. Augustino ferm. 10. de Verb. Domini nunc ferm. 69. dicam: Pauci inveniuntur tantæ impietatis, ut impleatur in eis, quod scriptum est: dixit stultus in corde suo: non est Deus. Insania ista paucorum est: sicut enim magna pietas paucorum est, ita & magna impietas nihilominus paucorum est; & hos propterea crediderim Deum negare, non quia Deum non esse revera arbitrentur, sed ut, Deo, quem nimium sentiunt, ab eorum mente, & corde sublato, liberius effreni servire possint concupiscentiæ, juxta illud Job. 31. 14. Dixerunt Deo recede à nobis, & scientiam viarum tuarum nolumus. His ergo pensatis, statuenda est communis veritas.

§. II.

Prima Ratio pro Existentiâ Dei.

II. **E**X unanimi consensu omnium gentium, paucissimis exceptis, ut supra probatum est, formatur prima Ratio pro existentia Dei hoc discursu, quem optime urget Hugo Grotius de verit. relig. Christianæ lib. 1. §. 2. Quæ ex hominum arbitratu veniunt, nec eadem sunt apud omnes, & sæpè mutantur: Ergo cum Dei notitia, seu existentia alicujus Dei, eadem semper fuerit, & invariata permanserit consensus omnium gentium, apud quas ratio, ac boni mores non planè extincta sunt, sequitur, notionem hanc de existentia Dei, non ex hominum arbitratu, sed ex aliqua alia causa ortum habuisse, & tali, quæ ad totum genus humanum sese extendat. Hæc autem alia esse non potest, quàm, aut oraculum Dei ipsius, qui se ipsum toti generi humano manifestavit: aut traditio, quæ à primis humani generis parentibus ad omnes eorum descendentes derivavit. Si primum admittimus, constat id, de quo quæritur, nempe dari aliquem Deum.

Si

Sj verò posterius, cùm nulla possit reddi idonea ac prudens ratio, cur credamus, primos illos parentes falsum aliquid in re tanti momenti posteris commendasse, & posteros ipsos præsertim ingenio, & moribus cultiores, cæcorum, imò & pecudum more, hunc errorem latis ulnis suscepisse, dicendum est, primos illos parentes inconcussam veritatem docuisse, dum posteris de Dei existentia cognomen reliquerunt. Nec est quod aliquis hic opponat, variis temporibus, imò quovis tempore, non defuisse, qui Deum aliquem dari inficiarentur.

III. Nam hi paucissimi fuerunt, ut nuper dicebam. Quid autem paucorum delirantium vox valere potest contra omnium gentium, Deum uno ore consentium, consensum? Paucitas ipsa, & quod statim intellectis eorum argumentis rejecta universim fuit, ceu blasphemia, eorum opinio, satis apertè ostendit, eos non fuisse locutos ex usu rectæ rationis, quæ hominibus communis est: sed aut ex studio novitatis, quali tenebatur ille, qui negabat, dari motum localem, aut nivem atram esse contendeat; Aut ex mente, animoque corrupto, sicut palato non sano poena est panis, qui sano est suavis, & oculis ægris odiosa est lux, quæ puris est amabilis: præsertim cum & historiæ, & alia scripta doceant, quò quisque fuit doctior, & probior, eò diligentius custoditam ab ipso fuisse Dei notitiam. A pravo ergò ingenio aliquorum, eorum scilicet, quorum interest, ne aliquis sit Deus, idest humanarum actionum iudex, venit hæc à communi hominum sententia discessio. Quamvis & isti, dum verum Deum tollere nituntur, tot sibi Deos, quot sunt cupiditates, quibus serviunt, comminiscuntur. Ità S. Augustinus lib. de vera religione c. 38. *Est enim (inquit) alius deterior, & inferior cultus simulacrorum, quo phantasmata sua colunt, & quidquid animo errante, cum superbia, vel sumore cogitando, imaginati fuerint, religionis nomine observant, donec fiat in anima nihil omnino colendum esse, & errare homines, qui superstitioni se involvunt, & misera se implicant servitute. Sed frustra hoc sentiunt, non enim efficiunt, ut non serviant: remanent quippè ipsa vitia, quibus ut ipsa colenda opinarentur, attrahiti sunt. Serviunt enim cupiditati triplici, vel voluptatis, vel excellentiæ, vel speculaculi. Nego esse quemquam istorum, qui nihil colendum existimant, qui non aut carnalibus gaudiis subditus sit, aut potentiam vanam foveat, aut aliquo spectaculo delectatus insanias. Ita nescientes diligunt temporalia, ut inde beatitudinem expectent. His autem rebus, quibus quisque beatus vult effici, serviat necesse est, velis, nolis. Ità pulchrè ac subtiliter ad rem Augustinus.*

IV. Accedit, quòd quidquid Atheus ponit, ut Deum effugiat: nimirum generum successionem absque ullo principio, sive atomorum concursum, id majores habet difficultates, atque mediocriter apprehendenti satis apparet, non esse credibile. Quod enim nonnulli dixerint, se non credere Deum, quia Deum non vident, quilibet dignoscit talis discursus ineptiam. Dum mentem quilibet habere se credit, quam tamen non videt, animam se habere, dum tamen eam oculis non intuetur. Qua ergò ratione Deus negandus erit, quia oculis non videtur, si mens, & anima, quæ tamen non videntur oculis corporis, non negantur? *Qui fecit hac, quæ oculis video, non istis oculis est inquirendus.* Ait Augustinus in ps. 41.

V. Nec juvat dicere, si capere Dei naturam ingenio, ac mente nostra non possumus, ideò talem esse naturam negandum est. Nam quot sunt ea, quæ credimus, quorum naturam assequi non possumus? Mentem dari, animam esse in nobis credimus: & tamen quis naturam mentis, & animæ certò affecutus est? Porro id cujusque inferioris proprium est, ut quæ se superiora, atque excellentiora sunt, capere non possit. Ne bestia quidem capiunt, quid sit homo, multòque minùs sciunt, qua ratione homines respublicas instituunt, ac gubernent, mare enavigent, astrorum cursus metiantur, & tamen non propter eà homo negandus, quia ejus naturam, atque actiones Bruta comprehendere non valent. Eadem ergò ratione homo, quippe supra bestias nobilitate naturæ constitutus (idque non à se, ut ostenditur) inferre debet, id, à quo superior bestiis ipse est constitutus, non minus esse superius se, quàm ipse sit superior Brutis, ideòque esse aliquam naturam, quæ sui captus modum excedat, sicut sui ipsius natura bestiarum captum excellit.

VI. Demùm si Dei naturam capere suo ingenio non potest, neque ad ejus notitiam proprio discursu pervenire: credat saltem universo generi humano, eam revera dari sibi attestanti, si enim sibi aliquid asserenti vult, ut credatur, cur non velit ipse credere hominum universitati clamanti, Deum existere, naturam nimirum aliquam omnem humanum captum superantem? Hoc argumento Atheum premit S. Augustinus lib. 2. de lib. arbitr. c. 2. *Sed quis ergò illorum insipientium, de quibus scriptum est: dixit insipiens in corde suo: non est Deus, hoc tibi diceret, nec vellet, tecum credere, quod credis, sed cognoscere, utrum vera credideris: primum ab eo quæres, an hoc ex pertinacia dicat, an verò bono animo, seu veritatis cognoscendæ studio. Quod si dixerit, se amore veritatis, & bono animo hoc quærere, ipsi repones: Non cre-*

credo: quod si attestetur ita esse, & roget, ut tibi credatur, tunc contra illum procedes sic. Cur vis ut ego tibi credam, quod dicis, & ego non video, nimirum bonum animum tuum, qui toto orbi attestanti Deum esse, credere non vis, quia non capis, quia non vides? *Tunc ego demonstrarem* (ait Augustinus) *quod cuiusvis facillimum puto, quando esset æquius, cum sibi de occultis animi sui, quæ ipse nosset; vellet alterum credere, qui non nosset, ut etiam ipse tantorum virorum libris, qui secum filio Dei vixisse testatum literis reliquerunt, esse Deum crederet: quia & ea se vidisse scripserunt, quæ nullo modo fieri possent, si non esset Deus: & nimium stultus esset, si me reprehenderet quod illis crediderim, qui sibi vellet, ut crederem.*

VII. Hoc discursu premi potest non solum Atheus, sed & Socinianus, qui cum Arrio negat, Christum esse verum Deum, Deique filium, imò & quivis nostri temporis hæreticus, negans Traditiones Ecclesiæ, & testimonio antiquitatis recusans acquiescere: si enim testimonio hominum ita asserentium credis, dari Deum, etsi Deum non videat, si sibi aliquid asserenti, vult credi ab alio, qui non videat id, quod ipse asserit; cur non vult ipse credere ea, quæ in Scriptura expressa non videt, Patribus asserentibus, se ab Apostolis, aut viris Apostolicis tradita accepisse, quod certe non dicerent, nisi reverà tradita fuissent? *Si ergo utrum sit Deus* (prosequitur Augustinus) *satis esse existimas, quod non temerè tantis viris credendum esse iudicavimus: cur non, quæso te, de iis quoque rebus, quas tanquam incertas, & planè incognitas querere instituimus, similiter putas, eorumdem virorum auctoritatis sic esse credendum, ut de investigatione earum nihil amplius laboremus.*

§. III.

Secunda Ratio.

VIII. **A**ltera communis Ratio pro Existentia Dei est talis. Res aliquas esse, quæ cæperint, & non semper fuerint, experientiâ, sensu, ac omnium confessione constat. Atque hæc res sibi non fuerunt causa, ut essent, nam quod non est, agere non potest, nec res potuit esse antequam esset: sequitur igitur, ut aliundè habuerint sui originem: cumque idem dicendum sit de illo, à quo ortum habent, donec deveniamus tandem ad aliquam causam, quæ esse nunquam cæperit, quæque à seipsa sit non contingenter, sed necessario, sequitur hanc primam causam
da-

dari; & hæc illa erit, quam numinis, seu Dei, voce significamus.

IX. Non latet, Atheorum communem esse responsionem: unam rem esse ab alia, & illam ab alia in infinitum, & æternum, & ideò non inferri, dandum esse unum omnium principium: Quia quamvis nulla sit res in singulari, seu (ut ajunt) divisivè, quæ ab alia non sit, tota tamen illa rerum collectio ab alio non est, sed à se, quia infinita est, æterna, carens principio, autore, & fine.

X. Sed contra. Nam primò. Hæc Atheorum suppositio, creaturarum collectionem esse infinitam, & æternam, cui nititur fundamento? Si enim sensu videmus, quamlibet rem in particulari, quæ modo est, quæque est unum ex membris hanc collectionem componentibus, sic modò esse, ut non semper fuerit, cur hoc idem non est dicendum de tota rerum collectione? Sed dato, rerum collectionem esse infinitam, æternam, carentem durationis initio, id nego, quod sit à se, & quod intra se habeat vim producendi ea membra, quibus componitur, independentem ab alio existente extra se, quod sit improductum, & omnia producens. Ratio est, quia illa collectio non est aliqua res existens extrà membra sua, quasi ab illis distincta, & causans ea; quin imò nil aliud est, quàm omnia membra simul sumpta, quibus illa collectio constituitur, & sit; Acervus enim lapidum non est quid distinctum à lapidibus, sed est omnes lapides simul sumpti, neque acervus componit, constituit, & causat lapides, sed potius lapides componunt, constituunt, & causant acervum, sicut nec homo componit membra, sed membra hominem. Cum ergò quodlibet hujus collectionis membrum, seu quælibet res, ut fatentur Athei, ab alio productum sit, & causatum: qui fieri poterit, ut tota illa collectio constituta per talia membra incausata sit, ac improducta? Certè quod essentialitèr convenit cuilibet membro alicujus collectionis, toti conveniat necesse est. Sicut enim si quælibet pars acervum componens, est lapis, fieri nequit, quin acervus ex illis consurgens sit lapideus, nec potest esse aureus, ita dum quælibet pars componens collectionem rerum habet causam productivam sui, quæ sit extrà ipsam, collectio ex ipsis constituta debet habere causam sui effectricem extra se, nec potest esse improducta, cum collectio nequeat in iis, quæ essentialia sunt, diversæ rationis esse à singulis eam componentibus.

XI. Nec juvat recursus ad seriem infinitam rerum, quarum una ab alia sit. Nam si quælibet harum ab alia est, ergò (inferam ego) omnes ab alio sunt. Nam si Petrus sit à Patre suo, Pater
ab

ab Avo, avus ab Atavo, etiamsi in infinitum fiat recursus, nemo sanæ mentis colliget, illam hominum collectionem non esse ab alio productam, qui enim videt singulos lapides componentes domum ab artifice positos, arguit etiam totam illam lapidum collectionem ab aliquo positam esse, & qui singulas citharæ partes videt non à se coalitas, sed operâ alterius, non poterit, inde inferre, nisi quod cithara ex illis confurgens ab alio facta sit. Cum ergo quælibet res, quæ in mundo est, ab alia sit, inferri debet, quod tota collectio ex illis constituta ab alio sit, etsi in infinitum abeat, quia progressio in infinitum non auferit à rebus id, quod illis essentiale est.

XII. Atheorum insaniam ad oculum demonstrant Patres. Eusebius l. 7. de præparat. Evang. c. 3. sicut domus (inquit) sine Artifice, aut pannus sine texente fieri non potest, ita nec universum hoc sine Authore. Gregor. Nazianz. orat. 2. de Theolog. Quemadmodum citharam quis pulcherrimè constructam conspiciens, aut etiam concertum audiens, nihil aliud, quàm ipsum citharæ conditorem, aut citharedum mente reputat, etiamsi de facie ipsi ignotum; eodem quoque modo nobis, is qui res universas procreavit, ac moderatur, atque conservat, sese declarat, etiamsi animis nostris, ingeniisque comprehendi nequeat. Chrysostomus in psalm. 13. Sic Atheum perstringit. *Non est fundamentum; & quoniam modo stat adificium? Non est carina; & quomodo consistit navigium? Non est fabricator navis; & quomodo navis compacta est? Non est adificator; & quomodo domus facta est? Non est Architectus; & quis urbem condidit? Non est agricola; & quomodo agri tulere manipulos? Non est musicus; & quomodo in mundi Lyra apparet concertus? Non est qui provideat; & quomodo per omnia pervadit providentia? Non est auriga; & quomodo elementorum quatuor currus agitur? Non est statuaris; & quomodo homines veluti quadam statuâ in mundo facti sunt? Non est fornicis constructor; & quis tibi Cæli fornicem construxit? Non est aurifex; & quis veluti discum aureum tanquam in mensa solem in Cælo posuit? Non est qui ferat lampadem; & quis tibi velut lampadem argenteam dedit lunam in nocte? Non est opifex; & quomodo pulchritudo creaturarum testatur creatorem? . . . Quæcumque in mundo sunt, aguntur, & exercentur, habent, qui eis præsit, eaque perficiat; & solus mundus non habet, qui eum administret? Hactenus Chrysostomus.*

XIII. Veritatem hanc apertè prædicat mirabilis, ac pulcherrimus mundi Ordo, quem oculis intuemur. Ea enim, quæ cognitione carent, diriguntur ad certum finem, quod est bonum Universi, & eodem, ac uniformi modo operantur. Non possunt

autem id habere à se ipsis ; sunt enim sicut sagitta in manu potentis , quæ non à se , sed à sagitario in scopum dirigitur : neque ab homine , quia licet omnia propter hominem facta sint , non tamen ita ejus imperio subsunt , ut ab eo ad bonum universi dirigi possint , imò talis ordo sæpè contingit præter , & contra ejus cognitionem , & voluntatem , dirigantur ergò oportet ab aliquo summo provisorè , qui omnia habeat sub imperio posita , & de iis disponat ad fines ab ipso præcognitos , & intentos , sicut familia , & exercitus à Duce , & Rectore , sub cujus dominio sunt , diriguntur . Rector autem iste omnium rerum nequit esse creatura aliqua , quæ sit pars mundi , cum esset in eadem directionis indigentia ; superest igitur , quod sit ens extrâ , ac suprâ omnia , à quo omnia sint , & sit Deus . Hinc Cicero lib.2. de natura Deorum ait . *Quid potest esse tam apertum , tamque perspicuum cum Cælum suspeximus , cælestiaque fuimus contemplati , quàm esse ali-quod numen præstantissima mentis , quo hæc regantur ?* Et lib. de Divinitate . *Præstantem aliquam æternam naturam , & eam suspi-ciendam , adorandamque hominum generi , pulchritudo mundi , ordo-que rerum cælestium cogit confiteri .*

XIV. Dicent Athei , ex certa propensione , quam res quælibet in se , & ex se habet , qua veluti pondere naturali fertur ad bonum sibi , nasci , quòd ad finem suum dirigatur , quin agnoscat aliquem summum Rectorem supra se positum .

XV. Sed infelicitèr ; primò . Nam sæpè contingit , rem naturalem contra propriam inclinationem operari , ut cum aqua , vel lapis fursùm ascendunt ; ab eadem autem natura prodire nequeunt inclinationes contrariæ . Secundò chorda in cithara naturalitèr apta est , & inclinata ad edendum cum aliis chordis concentum , quò mulceant aures ; & tamen nisi adsit manus Citharædi eas pulsantis ordinatè , nullus habebitur sonus . Dato ergò , res omnes naturalibus inclinationibus præditas esse , non haberetur armonia , & concentus adeò mirabilis Universi , nisi esset manus alicujus Supremi , quæ eas tangeret , & ordinatè pulsaret ; eò vel maximè , quod inclinationes , quæ rebus insunt , sunt sæpè numero , ne dum diversæ , sed repugnantes , atque invicem contrariæ , quæ ad unum finem quo modo conciliari possent , nisi adesset directio alicujus supremæ intelligentiæ , cui parerent , & quæ pro universi totius bono causis inter sese pugnantibus uteretur ? Hoc ratiocinio utitur Damascenus lib.1. fidei Orthodoxæ c.3. *Qui enim (inquit) fieri potuisset , ut inter se pugnantes natura , ignis inquam , & aqua , aeris , & terræ ad unius mundi constitutionem cõirent , tenacique adeò non cohererent , ut*

nul-

nullâ ratione solvi possint: nisi omnipotens vis aliqua ea compaginas-
set, ac perpetuâ à dissolutione servaret? Quid est quod ea, quæ in
Cælo, & quæ in terra existunt, quæque aerem pervagantur, & quæ
in aquis degunt: imò etiâ quæ bis anteriora sunt calum, terram,
& aerem, ignis quoque, & aquæ naturam certis disposuit locis? à
quonam commixta hæc sunt, & distributa? Quid est, quod motum
bis impressit, perennique, nec ulla re cohibito cursu ea versat? An
non eorum artifex, qui rebus omnibus rationem, modumque, quo
universum hoc agatur, & regatur indiderit? At quis horum arti-
fex? An non is qui ea condidit, inque rerum naturam produxit?
Nec enim (to automato) seu casui eam vim, facultatemque tribue-
rimus. Sit enim sanè casus, quod extiterint: at cujus tandem erit
ea disposuisse? Verùm illud quoque, si lubet concedamus: cujus
verò erit eadem juxta illas, quibus primum condita sunt, leges conser-
vare & custodire? Alterius profectò, quàm casus: atque hoc, quid-
nam aliud, nisi Deus? Hæc Damascenus. Ad hæc ignorare Athei
non possunt, omnem causam per accidens, quales sunt fortuna
& casus, subnixam esse aliqua causa per se. Si enim Sacrorum
causâ in Templum iturus, in creditorem insperatò inciderim,
fortunâ id factum dixerò. Ubi voluntas mea erit per se causa
itionis in Templum, per accidens autem causa occursum cum
creditore. Et si egula de tecto decedens calvam prætereuntis per-
tundat, casum id vocamus, ubi lapsus quidem per accidens est
causa vulneris: at gravitas lapidis erit causa per se, cur deciderit,
durities item, & acumen, cur vulneret. Quamobrem si casui,
seu fortuito Atomorum concursui, hæc naturæ compages debe-
tûr, quam quæso causam per se adferet Atheus? Dixeris cum
aliquo, mundum hunc non cæco casu, cœca tamen necessitate
extitisse? Quæro. Mundus qui necessariò extitit, vel cœpit exi-
stere in tempore, vel ab æterno fuit? Si in tempore cœpit: ergò
ab aliquo originem cœpit; estò enim ex nihilo aliquid factum
credamus, aliquid tamen factum ab nihilo absurdissimum judi-
camus. Si verò dicant, semper mundum fuisse; ergò infini-
tos habuimus majores, atque in generationibus dabitur infinita
progressio: quod si ita esset, undè tam recens eorum memoria;
qui artes quasque invenerint? Undè item quod illorum nec vola,
nec vestigium supersit, qui infinitis ante nos fuere temporibus?
Hoc argumentum tanti fecit Lucretius lib. 5. ut propterea cœ-
pisse mundum, & satis esse recentem fateretur. Verùm in re
adeò manifesta diutius immorari supervacaneum est. Qui ulte-
riora vellet, adeat S. Thomam tum. 1. p. q. 2. art. 3. tum 1. contrag.
c. 13. & c. ac recolat quæ diximus t. 2. in 1. p. q. 1. dub. 4.

CAPUT II.

De Unitate Dei.

§. UNICUS.

Deus unus est.

I. **S**uperfedere poteram à demonstranda unitate numinis, semel stabilitâ ejus existentia, idem enim est Deum esse, & esse unum; quare scitè Tertullianus lib. 1. contra Marcionem c. 3. *Deus si unus non est, non est.* Quia dignius credimus non esse, quodcumque non ita fuerit, ut esse debeat. Id ut exploratius fiat, per eadem evincamus Deum unum esse, per quâ evicimus, aliquem Deum esse. Primò ergò unum esse Deum eorumdem Paganorum probat consensus. Prisci enim Philosophi, ac Poetæ, etsi plures Deos colerent, unum tamen Deum Deorum, ac summum agnoverunt, ut testantur, ac probant Justinus martyr libro de Monarchia, & in cohortatione ad Gentes. Clemens Alexandrinus in Protreptico, Atenagoras, Lactantius, & quotquot contra Paganos scripsere. Hinc in Concilio Carthaginensi sub Cypriano num. 52. Saturninus Confessor dixit: Gentiles, quamvis Idola colant, tamen summum Deum Patrem Creatorem cognoscunt, & confitentur. Ex literis Longiniani, & Maximi ad Augustinum constat, his, etsi Gentilibus, persuasum fuisse, unum esse Deum summum, ad quem nisi per minores Deos adiri non posset. Sicque *universos mortales communem Patrem concordia Sacrorum discordia venerari, & colere*: quare egregiè Ambrosius epist. 31. *Aurea est lingua Sapientium Litteratorum: sed aurum si diligentius trahes, foris pretium, intus metallum est. Deum loquuntur, simulacrum adorant.*

II. Secundò, unum esse Deum testantur voces illæ vulgares, ac naturales, quas repentina vis mali solebat etiam à Gentilibus excutere *Deus videt, Deus Bonus est, Deus judicabit.* Ex hoc (inter cæteros Tertullianus) animæ testimonio probabat, eam esse errore deceptam paganam fieri, naturalitèr tamen esse Christianam: *Hæc summa delicti est* (ait in Apologetico c. 17.) *nolentium recognoscere, quem ignorare non possunt &c. Quæ (anima) licet carcere corporis pressa; licet institutionibus pravis circumscripta, licet libidinibus & concupiscentiis erigorata, licet falsis diis exancillata, cum tamen respiscit, ut ex crapula, ut ex somno, ut ex ali-*
quo

qua valetudine, & sanitatem suam patitur, & Deum nominat; hoc solo quia propriè verus hic unus Deus, bonus, & magnus. Et, quod Deus dederit, omnium vox est. Judicem quoque contestatur illum: Deus videt, & Deo commendo, & Deus mihi reddet. O testimonium animæ naturalitèr Christianæ! denique pronuncians hæc non ad Capitolium, sed ad Cælum respicit. Novit enim sedem Dei vivi; ab illo, & inde descendit. Idem luculentissimè repetit in lib. de testimonio animæ. Cui accinit Lactantius lib. 2. c. 1. Cum jurant, & cum optant, & cum gratias agunt, non Jovem, aut Deos multos sed Deum nominant; aded ipsa veritas cogente natura etiam ab invitis pectoribus erumpit. Quod repetit lib. 1. c. 11.

III. Tertiò, popolare argumentum suppeditat orbis hujus creatio, & administratio. Hæc enim si pluribus Diis permittatur; ipsorum primò imbecillitatem redarguit, qui quòd singuli minùs valeant, tantæque moli impares sint, cogantur vires sociare, vel si quilibet eorum sufficiens, & par est, cæteri superfluent. Accedit, singulorum imperium tantò fore angustius, quantò inter plures collegas distributus. Cum autem imperium impatiens esse consortii soleat, hinc jurgia, litesque inter Deos confurgerent; quod inter Deos Paganorum non semèl contigisse, cuique in eorum libris mediocriter versato exploratum est, quos meritò subsannat S. Augustinus l. 5. de Civitate Dei c. 9. ubi recensitis Deorum officiis, rixas, quæ inter eos subindè oriuntur, narrat, concludens: *Itane ista est innocentia Deorum, ista concordia? Hæcine sunt numina salubria Urbium, magis ridenda, quàm ludibria theatrorum?*

Verùm quid attinet Polyarchiæ incommoda recensere? præstat audire Lactantium l. de Ira. c. 11. *Si sunt multi (Dii) dum habent singuli potestatis aliquid & numinis, summa ipsa decrescit: nec poterunt singuli habere totum, quod est commune cum pluribus. Unicuique tantum decrit, quantum singuli possidebunt. Non possunt igitur in hoc mundo multi esse rectores; nec in una domo multi Domini; nec in navi una multi gubernatores, nec in armento, aut grege duces multi, nec in uno examine multi reges. Sed nec in Cælo quidem multi soles esse poterunt, sicut nec animæ plures in uno corpore. Aded in unitate natura universa consentit: idem repetit l. 1. Inst. c. 3. ubi fusè probat, Deum debere esse unum.*

IV. Huc redit argumentum aliud, quod ab unitate mundi conficitur. Unum enim opus unum prodit artificem. Nam si plures essent Dii, plures utique mundos fabricassent. Quid enim ad unius structuram opus fuerat conspirare plures, nisi si fortè minùs possent singuli, mutuâque operâ, & commodatitiis manibus

bus indigerent? Deinde si à pluribus factus esset mundus, omnes respiceret, omnibusque obsequeretur, ab omnibus regeretur; quomodo ergò in mundo consisteret Ordo, consonantia, & non potius perturbatio? Hoc argumento urgebat Gentiles Athanasius trac. contra gentes n. 39. *Firmissimum argumentum est, unum universi esse auctorem, quod scilicet non multi sed unus sit mundus. Nam si multi essent Dii, multos, & diversos mundos esse, oporteret. Neque enim decet, vel multos unum mundum construere vel unum à multis edificari: hinc enim non pauca absurda sequerentur. Primum si unus mundus à multis factus esset, id auctorum imbecillitatem argueret.... Enim verò si unus sufficiebat, non multi mutuam inopiam explerent. Atqui in Deo aliquid deesse, non solum dictu impium est, sed omne nefas superat. Quippe nec etiam inter homines perfectum artificem, sed imbecillum appellaverimus, qui non solus, sed cum multis unum opus absoluerit. Quod si singulos mundum universum condere potuisset, sed omnes propter operis communiter mutuum operam contulisset dicatur: illud sanè perverdiculum fuerit, si gloriæ comparanda causâ singuli laboraverint, ne scilicet quis eorum impotens, & infirmus haberetur.... Id etiam silendum non est, si à multis factus est mundus, diversos, & sibi dissimiles motus habuisse. Nam fieri non potuit, quin ad singulos auctores respiciens varios motus habuerit. In illa autem varietate, ut supra dictum est, nullus rursus ordo in mundo servari posset, sed confusa, & perturbata omnia forent. Nam nec navis à multis gubernata recto cursu ferri potest, nisi ejus clavum unus gubernator tenuerit, nec lyra à multis pulsata perfectum concentum efficiet, nisi musicus unus eam percusserit.*

V. His omnibus accedit, quòd si unitas semel à Deo auferatur, constituendi erunt non duo soli, non pauci, sed multi Dii, imò & innumeri. Unitati enim succedit numerus. Ecquis tandem effusam semel divinitatem sistere poterit, ne ultra, ne in plures ebulliat? Numerositas, dato quod Deum non dedeceat, quò major, eò perfectior erit, ideoque Deitati consonantior. Et fecunditas ipsa, si Deo digna, gaudebit in plures, pluresque Deos efflorescere. Ita jam nihil erit vilius divinitate, quia nihil vulgarius. Sic Tertullianus l. 1. contra Marcionem c. 5. *Aut quæ (inquit) ratio duo summa magna composuit? Primò enim exigam, cur non plura, si duo? Quo locupletiores credi oporteret substantiam divinitatis, si numerus ei competere. Honestior, & liberalior Valentinus, qui simul ausus est duos concipere Bythón, & Sigen, cum utque ad triginta eorum sætus, tanquam ælonia, Scrophæ examen divinitatis effudit. Quæcumque ratio plura magna non pati-*
tur

tur admitti, eadem nec duo, ut ipsa plura post unum. Post unum enim numerus. Qua potuit duo admittere, eadem potuit & plura post. Hinc Romani, Unitate à Deo semel excusâ, innumeram Deorum, Dearumque turbam meritò adoptarunt.

- VI. Quartò, Philosophicum Tertulliani argumentum lib. 1. contra Marcionem c. 3. occurrit. Deus est, quo nihil melius est, summum magnum: at quod summum est, nec juxtà se, nec suprà se quidquam esse patitur. Nec enim summum est, cui aliquid adæquatur, summum non est, quod aliquo majus non est; ergò summum magnum non potest, nisi unum esse, si enim duo essent summa, neutrum esset summum, quia neutrum altero majus esset: at quod majus aliquo non est, maximum non est, ergò. Item Deus est, quo nihil melius cogitari potest. At si saltè duo Dii sint æquales sibi, utroque melius aliquid cogitari potest, melius est enim non habere, quàm habere parem. Melius est alia omnia infrà se, quàm juxtà se habere, melius est solùm imperare, quàm consortem pati, melius est in alium dominari; quàm cum alio, melius est nihil eximi suo imperio, quàm aliquid, & hoc summum, eximi: ergò. Adeatur Tertullianus adversùs Marcionem.

Huic rationi affinis est ista: Deus est, quo nihil melius vel esse, vel intelligi potest, ergò nulla planè perfectio ei deesse potest: si autem essent duo Dii, aliquo differrent, alioqui duo non essent, id autem quo differrent, esset aliqua perfectio: quid enim in Deo non perfectum? Ergò aliqua perfectione uterque careret, & quidem summâ, nempe ea, qua æmulus ab eo discreparet. Quin imò tota unius substantia deesset alteri: non ergò esset perfectissimum, cui tantum deesset perfectissimæ substantiæ. Id urget Lactantius lib. 1. c. 3. & Novatianus lib. de Trinitate.

VII. Quintò, idque ferè mathematicum argumentum ante alios prodidit Epiphanius hæresi 41. n. 2. contra Cerdonianos. Nimirum: Unitas inter numeros prima est, omnesque numeros antecellit. Si ergò essent duo prima principia, ante hanc dualitatem esset unitas tanquam principium, infra quod jaceret dualitas. Duo, simul ut principia sint, fieri non potest (inquit Epiphanius) duo enim, si numerentur, singularem numerum excedunt. Cum autem unicus ille, ac primus numerus quærat, duo illa principia uni, & supremo subjiciuntur, à quo velut à causa duo illa pendeant. Neque enim duo illa post singularem numerum, atque unicum, primumque principium, sui esse causa possunt ipsorum.

Hæc ratio supponit, Deum non solùm debere esse unum, sed

sed etiam esse ipsam Unitatem, vel ipsum esse unum: Indè enim fiet, ut omnis numerus ab eo proficiscatur. Hoc autem adeò exploratum est, ut vel ipsi Gentiles Philosophi, qui Deum admiserunt, cognoverint. Id enim fatentur Plato, Plotinus, Proclus, Jamblicus, Sallustius, Simplicius, quorum dicta maxime illustrarunt, ac Mosaicæ, Christianæque Doctrinæ conciliarunt antiqui Patres. Sic ergò Hermes in Pimandro cap. 5. *Unitas omnium principium, radix, atque origo; absque principio verò nihil, initium verò est non principii, sed alterius. Monas ergò principium, omnemque numerum continet, à nullo ipsa contenta, omnemque gignit numerum, nullo numero genita.* Justinus martyr cohortatione ad Græcos pag. mihi 18. Pythagoræ, Platonisque de uno, de ente, de Deo sententiam, ut à mosaicis libris acceptam prædicat. *Pythagoras digna, & ipse Egyptiâ peregrinatione de uno, & singulari Deo sensisse videtur. Unitatem namque rerum omnium originem, eandemque bonorum omnium causam esse dicens, per allegoriam unum, atque eum solum Deum esse docet. Id verò sic se habere, ex eo patet, quòd Monada, idest unitatem, & En, idest, anum differre inter se ait: unitatem, sive solitatem, quispe in eis, quæ intelligentiâ comprehenduntur, unum autem in numeris esse.* De Platone autem ita prosequitur: *Plato verò accepta cum in Egypto esset, sicuti videtur, Mosa, & aliorum Prophetarum de uno, eoque solo Deo doctrina &c.* Inferens, ideo Deum de se ipso non aliud nomen, quàm hoc *ego sum qui sum*, seu quod sit ipsum ens Moyse indicavit, quia Deus quod sit, aut quod unus sit, à se habet, & à nullo accepit. Idem fatetur Eusebius lib. 2. præpar. Evangel. c. 11. Cyrillus Alexandr. lib. 1. contra Julianum ex Ethnicorum suffragiis, præsertim Pythagoræ, hanc veritatem comprobantes. Quos sequuntur omnes tùm Græci, tùm Latini, adeò ut singulos recensere fastidium esset. Hæc ergò satis dicta sint pro stabilienda Divini numinis unitate generatim, nec descendendo ad specialem discussionem eorum, qui hac in re delirarunt, falsis, iisque pluribus Diis, imò innumeris, religiosè, seu verius sacrilegè obsequentibus, quod & in sequentibus successivè præstabimus. Videantur dicta tom. 2. in 1. p. q. 2. dub. 1.



CAPUT III.

Idololatria quid? Unde orta? Et quando?

§. I.

Quid sit Idololatria, & quotuplex.

I. **N**Oto in primis, ab religione vera, & recta, bifariam recedi posse, vel defectu, nimirum veri numinis contemptu, quomodo à vera religione recesserunt Athei, dicti propterea sine Deo, ac religione; vel excessu ejus, cultu nimirum quodam superfluo vitiato, quod Latinis idem est, ac *superstitio* à *superstando*. Non quasi Deus verus vero cultu nimio coli possit, sed quia ad materiem cultus aliquid accedat, quod eum corrumpat. Utrumque hunc modum exposuit Clemens Alexandrinus admonit. ad gentes: *Extrema ignorantia sunt Impietas, & Superstitio, extra qua studendum est manere; & ante ipsum Plutarchus lib. de Iside, & Osiride: Nonnulli à recto itinere aberrantes planè in superstitionem inciderunt: alii velut paludem fugientes superstitionem, imprudentes in precipitium quasi quoddam in impietatem inciderunt.* Corruptur autem divinus cultus, sitque superstitiosus, quando Deus quidem agnoscitur, ac providentia ejus non negatur: sed vel cultus veri Dei præstatur falso numini, vel falso cultu Deus verus coli existimatur: primo modo superstitiosi erant Pagani, qui Deum cognoscentes cultum veri Dei falsis numinibus tribuebant: secundo modo superstitiosus esset, qui verum Deum cultu falso, & à Deo reprobato colere vellet, ut qui verum Deum cultu, ac ritu Judaico, aut Paganico vellet honorare.

II. Tota hæc doctrina sumpta est ex D. Tho. 2.2. q.92. a.1. *Superstitio est vitium religioni oppositum secundum excessum, non quia plus exhibeat in cultum divinum, quam vera religio: sed quia exhibet cultum divinum, vel cui non debet, vel eo modo quo non debet.* Et ibi art.2. *Diversificantur ergò superstitionis species. Primum quidem ex parte modi; secundò ex parte objecti. Potest enim divinus cultus exhiberi, vel cui exhibendus est, scilicet Deo verò, modo tamen indebito; & hæc est prima superstitionis species, vel cui non debet exhiberi, scilicet cuicumque creatura, & hoc est aliud superstitionis genus, quod in multas species dividitur, secundum diversos fines divini cultus. Ordinatur enim primò divinus cultus ad reveren-*

tiam Deo exhibendam, & secundum hoc prima species hujus generis est Idololatria, quæ divinam reverentiam indebitè exhibet creaturæ. Secundò ordinatur ad hoc, quod homo instruatur à Deo, quem colit, & ad hoc pertinet superstitio divinatoria, quæ Dæmones consulit per aliqua pacta cum eis inita, vel tacita, vel expressa. Tertiò, ordinatur divinus cultus ad quandam directionem humanorum actuum secundum instituta Dei, qui colitur, & ad hoc pertinet superstitio quarundam observationum.

Et hæc tria tangit Augustinus in 2. de Doctr. Christiana c. 20. dicens: superstitiosum est quidquid institutum est ab hominibus ad faciendum, & colenda Idola pertineat, & hoc pertinet ad primum: & postea subdit: vel ad consultationes, & pacta quædam significationum cum dæmonibus placita, atque fœderata, quod pertinet ad secundum: & post pauca subdit: ad hoc genus pertineant omnes ligaturæ, & cetera hujusmodi, quod pertinet ad tertium, hæc D. Tho.

III. Ad uberiorem notitiam harum variarum observationum præstat audire Augustinum à D. Thoma citatum sic prosequentem: Sive in præcantationibus, sive in quibusdam notis, quos characteres vocant, sive in quibusdam rebus suspendendis, aut illigandis, vel etiam aptandis quodammodo, non ad temperationem corporum, sed ad quasdam significationes, aut occultas, aut etiam manifestas: quæ mitiore nomine physica vocant, ut quasi non superstitione implicare, sed naturæ prodesse videantur: sicut sunt inaures in summo aurium singularum, aut de struthionum ossibus ansula in digitis, aut cum tibi dicitur supgultienti, ut dexterâ manu sinistram pollicem teneas. His adjunguntur millia inanissimarum observationum; si membrum aliquod salierit, sicut etis ambulanti bus amicis, aut canis, aut puer medius intervenerit: atque illud, quod lapidem calcant, tanquam diremto rem amicitia, minus molestum est, quam quod innocens puerum colapso percutiunt, si pariter ambulanti bus intercurret. Sed bellum est, quod aliquando pueri vindicantur à canibus, nam plerumque tam superstitiosi sunt quidam, ut etiam canem, qui medius intervenerit, ferire audeant non impune, namque à vano remedio citò ille interdum percussorem suum ad verum medicum mittit. Hinc sunt etiam illa, limen calcare, cum ante domum suam transiit; redire ad lectum, si quis dum se calceat sternutaverit; redire domum, si procedens offenderit, cum vestis à foricibus roditur, plus tremere suspitione futuri mali, quam præsens damnum dolere. Unde illud elegantè dictum est Catonis, qui cum esset consultus à quodam, qui sibi à foricibus erosas caligas diceret, respondit non esse illud monstrum, sed verè monstrum habendum fuisse, si forices & caligas roderentur. Hæc faciet de vanis suorum rem-

temporum observationibus Augustinus, quibus si nostrorum innumeras vellemus adicere, quis esset terminus enarrandi?

§. II.

Idololatriæ Origo.

IV. **H**Is duabus ultimis observationum, seu superstitionum speciebus omissis, ad primam, quæ Idololatria est, revertimur; quâ nimirum divinus cultus exhibetur, cui non debet exhiberi, nimirum creaturæ. *Peccata* (inquit Augustinus serm 3. de symbolo ad Cathecumen. c.2.) *& auctor peccati Diabolus separavit animam à Deo, & dum creatura secuta est seductorem, suum deseruit Salvatorem, facta est ruina magna, & erravit anima, ut pro vero Deo coleret Idola, & adoraret ipsa, quæ fecit, deserendo illum, à quo facta est . . . Hinc error omnis, & desertio bonorum, hinc cultus Paganorum, & perversio Hæreticorum. Et erraverunt anima per diversas voluptates, & perversas, ut alii colerent solem, alii lunam, & stellas, alii montes, alii lapides, & quæque virgulta, ut sibi quisque credidit invenisse, non adiutorem Deum, sed deceptorem Diabolum, atque ita per diversa anima erravit à Creatore suo, ut omne, quod dederat ei Deus ad servitium, hoc illa coleret ut Deum.* Hæc Augustinus. Diabolus igitur, qui appetitu divinitatis se ipsum ex empyreo præcipitavit, qui simili prava suasionem eritis sicut Dii Adamum in Paradiso perdidit, hac eadem arte quovis tempore usus est, ut homines à cultu veri Dei ad cultum falforum numinum abstraheret, & ut eos induceret ad serviendum creaturis, qui servire debuerant Creatori, dicente Paulo Rom.1. 25. *Commutarunt veritatem Dei in mendaciam, & coluerunt, & servierunt creaturæ potius, quàm Creatori. Veritatem enim tenere* (ait Alexander Halensis 3. p. Summæ q. 30. ar.1.) *est unum Deum colere: veritatem in mendacium convertere est creaturæ servire pro Creatore. Vera enim religio in unius constas veri Dei servitio. Una enim est vera divinitas. Si ergo Idololatria creaturæ servit pro Creatore, commutat veritatem in mendacium.* Hac fraude impius humani generis hostis non solum insipiens vulgus decipit, sed eos etiam, qui pro sapientibus habebantur: excusâ enim paulatim ab eorum animis Traditione primæva de uno, veroque Deo, in varias, falsasque de divinitate opiniones eos dejecit. Quia igitur crevit in eis nimius terrenorum amor, nec Deum terrenis oculis viderent, coli placuit, quod viderent

atque ita duo flagitia commiserunt, dum honore suo defraudant Deum, & quasi in ejus contumeliam cum non Deo postponunt; *cùm enim cognovissent Deum* (ait Apostolus Rom. i. 21.) *non sicut Deum glorificaverunt, aut gratias egerunt.* Quare in pœnam evanuerunt in cogitationibus suis, & obscuratum est insipiens cor eorum, quia licet cognoscerent Deum, eum tamen in adyta cordis non admiserunt.

V. Totum hoc describit Athanasius Orat. contra gentes n.8. *Postquam enim malitia varias voluptatum species didicit, & rerum divinarum oblita est, corporeis affectibus delectata, atque ad sola præsentia, & vanas, quæ de his habentur, opiniones adtendens, nihil præter aspectabilia existere, solaque temporalia, & corporea bona esse arbitrata est. Sic autem à Deo vero averfa, & se ad imaginem boni Dei factam esse oblita, non amplius Deum Verbum, ad cujus similitudinem creata est, sua facultate videt: sed extra se ipsam posita, ea, quæ non sunt, cogitat, & effingit.* Et post pauca: *Prima ergò Idololatriæ causa est malitia; ut enim homines malitiam, quæ nulla res est, sibi ipsis confingere didicerunt: sic & Deos, qui nulli sunt, sibi quoque commenti sunt... res aspectabiles Deos esse finxerunt, ipsamque creatam naturam præ Deo honorarunt, ac opera potius, quàm operum Authorem, & opificem Dominum Deum, Dei titulo, divinisque honoribus decorarunt.* Hæc Athanasius.

VI. Ut ergò humana mens à Deo ad creaturam se convertit, primò Cælo, Soli, Lunæ, & Astris Dei honorem adscripsit, atque ista non tantum Deos, sed etiam rerum aliarum Authores esse, censuit. Postea tenebrosos cogitationibus deorsum rursus progressi homines æthera, aerem, & ea, quæ in aere sunt, Deos appellere. Idem in malis adhuc procedentes, elementa quoque, & principia compositionis corporum, nempe calidam, & frigidam, siccam, & humidam naturam Deos agnovere. Ut verò qui penitus in profundum ceciderunt, in terra, & cæno terrestrium cochlearum instar repunt: ita impiissimi mortales, homines, hominumque formas, cùm viventium, tum mortuorum inter Deos referre cœperunt. Quin etiam & pejora meditati in lapides, & ligna, in reptilia, aquatilia, & terrea, atque in feras, & bruta animantia divinum, & cœleste Dei nomen transtulerunt, omnesque soli Deo debitos honores illis attribuerunt; alij eò progressi sunt, ut etiam, quæ nullo modo essent, neque in rerum natura existerent, Deos facerent, humanam formam cum brutis permiscentes, naturasque dissimiles in monstri speciem conjungentes, eaque sic adorantes. Ejusmodi sunt Dii illi, qui apud Ægyptios Canis, Serpentis, & Asini caput

put habent, & apud Libyæ populos Ammon arietis capite insignis. Hæc ex Athanasio citato.

VII. Alii impietate latius diffusâ, voluptatem, & cupiditatem, quæ tantæ impietatis occasio fuit, Deos fecere, & adorare, qualis fuit apud eos Amor, & Venus in Papho insula, alii suos principes, aut eorum liberos, vel pro suâ erga eos observantiâ, vel eorundem tyrannidis metu inter Deos numerare ausi sunt. Talis est in Creta celeberrimus apud eos Juppiter, in Arcadia Mercurius, apud Indos Dionysius, sive Bacchus, & apud Ægyptios Isis, Osiris, & Orus. Talis his etiam temporibus, Antinous Adriani Imperatoris Amasius... Cum enim Adriano in Ægypti regione versante, Antinous illius voluptatis minister à vita migrasset, cum Imperator coli iussit &c. Hæc ferè de verbis ad verbum ex Athanasio desumpta sunt.

VIII. Diversitatem Idololatriæ aliter exponit D. Thom. 2.2. q. 94. a. 1. ubi de Idololatriâ ait. *Diversimodè tamen cultus divinus Idolis exhibebatur. Quidam enim per nefariam artem imagines quasdam construebant, quæ virtute Dæmonum aliquos certos effectus habebant, unde putabant in ipsis imaginibus esse aliquid divinitatis, & per consequens quoddam divinus cultus eis deberetur. Et hæc fuit opinio Hermetis Trismegisti, ut Augustinus dicit 8. de Civit. Dei cap. 23. Alii verò non exhibebant cultum divinitatis ipsis imaginibus, sed creaturis, quarum erant Imagines, & utrumque horum tangit Apostolus ad Rom. 1. Nam quantum ad primum dicit, mutaverant gloriam incorruptibilis Dei in similitudinem imaginis corruptibilis hominis, & volucrum, & quadrupedum, & serpentium. Quantum autem ad secundum subdit: coluerunt, & servierunt potius creaturæ, quam Creatori: Horum tamen tertia fuit opinio. Quidam enim aestimabant, quosdam homines Deos fuisse, quos per eorum Imagines colebant; sicut Jovem, Mercurium, & alios huiusmodi. Quidam verò aestimabant, totum mundum esse unum Deum, non propter corporalem substantiam, sed propter animam, quam Deum esse credebant, dicentes, Deum nihil aliud esse, quam animam motu, & ratione mundum gubernantem, sicut & homo dicitur sapiens propter animam, non propter corpus. Unde putabant, toti mundo, & omnibus partibus ejus esse cultum divinitatis exhibendum, Cælo, aeri, aqua, & omnibus ejusmodi partibus: & ad hæc referebant nomina, & imagines suorum Deorum, sicut Varro dicebat, & narrat Augustinus in 7. de Civit. Dei c. 2. & 22. Alii verò, scilicet Platonicæ, posuerunt unum esse summum Deum causam omnium, post quem ponebant, esse substantias quasdam spirituales à summo Deo creatas, quas Deos nominabant; participatione scilicet divinitatis, nos autem*

eos Angelos dicimus; post quos ponebant animas cælestium corporum, & sub his Dæmones, quos dicebant, esse aerea quædam animalia, & sub his ponebant animas hominum, quas per virtutis meritum ad Deorum, vel Dæmonum societatem assumi credebant. Et his omnibus cultum divinitatis exhibebant, ut Augustinus narrat 8. de Civit. Dei c. 14. Has autem duas ultimas opiniones dicebant pertinere ad Theologiam Physicam, quam Philosophi considerabant in mundo, & docebant in scholis. Aliam verò de cultu hominum dicebant pertinere ad Theologiam fabularem, quæ secundum figmenta Poetarum representabatur in Theatris. Aliam verò opinionem de Imaginibus dicebant, pertinere ad civilem Theologiam, quæ per Pontifices celebrabatur in Templis. Hæc D. Thomas.

IX. Advertendum insuper est, Idololatriam haberi posse etiam sine externis Idolis, aut simulacris; si quis enim in mente sua falsum numen pro vero Deo substitueret, illudque coleret, is revera Idolum coleret, quia coleret ut Deum, qui Deus non est, & consequenter coleret nihil. Idolum autem sive exterius fabricatum, sive interius conceptum, nihil est secundum illud Apostoli 1. Cor. 8. 4. *Idolum nihil est in mundo*, quasi diceret Idolum, est omne illud, quod nec numen est, nec vim numinis habet, sed est res vana, & inane hominum commentum, sive fabricatum manu, sive mente conceptum, & ut Deum adoratum: quod evincit, non de solis imaginibus, aut simulacris diviuo honore affectis Idolum usurpari, sed de quocumque falso numine, etiam mente culto. Hinc Romani licet plusquam annis 170. sine simulacris Deos coluerint, teste Varrone apud August. 1. 4. de Civit. Dei c. 31. attamen Idololatriam committebant, cum Halycarnasæo teste lib. 2. adorarent Deos, quos colebant Græci, quibus alios Numa Pompilius adjecit. Unde ait D. Thom. 2. 2. q. 94. a. 1. ad quartum, quodd ex communi consuetudine, qua creaturas quasvis colebant Gentiles sub quibusdam imaginibus, *impositum est hoc nomen Idololatria ad significandam quemcumque cultum creaturæ, etiamsi sine imaginibus fieret.*

X. Quantum ad Idololatriæ Originem, ante diluvium eam fuisse, quidam suspicati sunt. Tempore enim Enos plerique Hebræorum censent, tunc primum in nomine Domini, & in similitudine ejus fabricata fuisse Idola, ita S. Hieron. quest. Hebraic. in Genes. ita sentit Rabbi Maimonides lib. de Idololatria, quamvis Vossius id non approbet. Rursus quum corrupta esset terra coram Deo, & omnis caro corripisset viam suam, propter quod pœnituit Deum fecisse hominem, & statuit eum diluvio delere à facie terræ, ut habetur Gen. 6. credibile est, homines à Deo

Deo vero vitiiis averfos ad falsum Deum colendum sese convertisse . Sed quia hoc nullo firmo argumento sive auctoritate munitur , melius cum Lactantio lib. 2. inst. c. 74. dicimus , Idololatriam post diluvium cœpisse ex filiis Cham . Is enim ob detectam , despectamque Noë Patris nuditatem abdicatus , atque expulsus , profugus in ea parte consedit , quæ nunc Arabia nuncupatur , quæ terra de nomine suo , seu potius filii sui dicta est Chanaan , & posterius ejus Chananæi . Hæc fuit prima gens , quæ Deum ignoravit , quoniam princeps ejus , & conditor maledictus ab eo cultum Dei non accepit , ideòque ignorantiam divinitatis posteris suis reliquit . Qui deinde nimium multiplicati , cum eos angustia locorum suorum capere non possent , vel à parentibus missi , vel sua spontè , cum rerum penuria cogeret , profugi ad quarendas sibi novas sedes huc , atque illuc dispersi , omnes insulas , & orbem totum repleverunt , & à stirpe sanctæ radicis avulsi , novos sibi mores , ac instituta pro arbitrio condiderunt . Sed omnium primi , qui Ægyptum occupaverunt , cœlestia suspicere , atque adorare cœperunt . Et quia neque domiciliis tegebantur propter aeris qualitatem (nec enim ullis in ea regione nubibus subtegitur cœlum) cursus syderum , & defectus notaverunt , dum ea sæpè venerantes curiosius , atque liberius intuerentur . Postea deinde portentificas animalium figuras , quas colerent , commenti sunt , quibusdam prodigiis induci . Cæteri autem , qui per terras dispersi fuerant , admirantes elementa mundi , Cœlum , solem , terram , mare sine ullis imaginibus , ac Templis venerabantur , & his sacrificia in aperto celebrabant , donec successu temporum potentissimis regibus Tempia , & simulacra fecerunt , eaque victimis , & odoribus colere instituerunt . Hæc ex Lactantio , citato loco .

XI. Ex quibus constat , Idololatriam primò sine simulacris , atque imaginibus externis cœpisse . A quo autem tempore cœperit cultus simulacrorum , non est aded certum . Aliqui à tempore Abrahæ repetunt originem Idolorum , cujus Pater Thare dicitur servisse Diis alienis Josue 24. 27. sed Idolorum non fit mentio ante Labanem , cujus Teraphin abstulit Rachel Gen. 31. 19. qui dicuntur etiam Dii peregrini , seu alieni Gen. 35. Unde etiam verisimile est , usitata fuisse Idola tempore Thare , & Nachor : sic , ut primi Idolorum effigiatore fuerint Chaldæi , præeunte Nino Beli filio Assyriorum Rege contemporaneo Thare , qui fieri curasse traditur imaginem Belo Patri suo , qui subditis eam adorandam proposuit , adjectis , quibusdam ritibus superstitionis , teste S. Hieron. in Oseam c. 2. Proximi Ægyptii habere cœ-

cœperunt Idola effigiata, ut colligere est ex Augustino, & ex Historia Exodis tempore enim Mosis Ægyptus Idolis plena erat, & hæc fuisse Idola bestiarum, colligitur celebri Mosis testimonio Exod. 8. 26. qui Pharaoni dicenti: *Sacrificate Deo vestro in terra hac Ægypti*, respondit: *Non potest ita fieri; abominationes enim Ægyptiorum immolabimus Domino Deo nostro? quod si mactaverimus ea, quæ colunt Ægyptii coram eis, lapidibus nos obruent*. Eadem ergo bestię, quas Deo immolabant Hæbræi, Boves, Vituli, Agni, Oves, erant Dii, ac Idola Ægyptiorum, undè ad similitudinem bovis illius Ægyptii petierunt Hæbrei ab Aarone Vitulum in deserto Exod. 32. idèdque pastores ovium, & bubulcos fuisse abominationi Ægyptiis, legitur Gen. 46. 34. quia nimirum, ajunt interpretes communiter, mactant, quæ ipsi colunt. Adeòdque apud Ægyptios excreverat hæc superstitio adorandi Bruta, ut ex hoc Josephus contra Appionem ratiocinetur: Orbem terrarum, si Ægyptiorum sacra susceperisset, brevi bestiarum plenum, inane hominum futurum. Et Cicero lib. 1. de natura Deorum dixerit, firmiores apud Ægyptios opiniones esse de bestiis quibusdam, quàm apud Romanos de sanctissimis Templis, & Simulacris Deorum. Ab Ægyptiis propagata fuit Idololatria ad Persas, Indos, & ad extremos terminos Sinarum teste Kircherio in Prodro-mo c. 4. Certè hodiernæ etiam dictarum gentium consuetudines, ac mores id indicant, cum in India Siniis, Jappone, Tartaria, quin etiam in ipsa America, Solis, Lunæ, Syderum, Terræ, animalium omnis generis cultum non secus, ac in Ægypto ab innumerabili tempore etiam nunc vigere nostri deprehenderint.

XII. Mercurius Trismegistus, qui Mosis tempore floruisse fertur, originem simulacrorum refert ad priscos proavos suos, apud Augustinum 8. de Civit. Dei c. 24. Græci postea, cum prius sine simulacris colerent numen, aliæque gentes, simulacra fecere, ipsique Romani, qui ut supra dicebamus, multo tempore absque simulacris fuere, tandem simulacra, in quibus Deos suos colerent, efformarunt. Scythæ etiam, priusquam effigiata haberent simulacra, adorabant olim acinacem, Arabes lapidem, Persæ fluvium, & ex aliis hominibus, qui erant antiquiores, ligna erigebant insignia, & columnas ex lapidibus ponebant, seu titulos, in quibus Deos suos adorabant. Quare Deus Levit. 26. 1. æqualiter vetuit Judæis, facere Idola, ac titulos erigere, sive insignes lapides. *Non facietis vobis Idolum, & sculptile, nec titulos erigetis, nec insigne lapidem ponetis in terra vestra, ut adoretis eum*. Et numer. 33. 52. *confringite titulos, & statuas commi-*
nu-

nuit. Hinc apparet, Idololatriam sua falsa numina coluisse primò sine titulo, & simulacro externo, deindè coepisse titulos, ac lapides in eorum protestationem erigere, in iisque Deos adorare, tandem cum pervenissent artifices, qui simulacris homines, aut bestias effigiant, coeptum est adorare numina in simulacris, edque magis crevit Idololatria; unde Clemens Alexandrinus in Protreptico ait: *Postquam autem ars floruit, auctus est error*. Hac ergò vanissima religione, quæ toto orbe serperat, Judaicus populus identidem maculatus est, nec ipsum deterrere sat erant comminationes, ac pœnæ, quibus huiusmodi foedifragos multabat Deus, quorum exemplis referta sunt sacræ paginæ. Adveniente tamen Christo, ejusque Evangelio Orbi annunciato, Idola ruere coeperunt, adè ut Roma ipsa, quæ omnium superstitionum asylum facta teste Leone I. serm. 1. in Natali Apostol. *Omnium gentium serviebat erroribus, & magnam sibi videbatur assumpsisse religionem, quia nullam respuebat falsitatem*, veritatis discipula effecta, Idolis confractis, verum Deum cognoscere coeperit, ac veræ Religionis caput evaserit. His prænotatis ad rem veniamus.

CAPUT IV.

Religio Idololatræ, falsa Religio est.

§. I.

Dii Paganorum Dii non sunt.

I. **A**SSERTIO hæc ex dictis cap. 2. probata manet. Vera etenim Religio ea est, quæ vero Deo cultum exhibet; atqui ex probatis, verus Deus unus, imò ipsa unitas, est. Ergò vera Religio ea sola est, quæ uni Deo cultum præstat. Cum ergò religio Paganorum, & Idololatræ non uni, sed innumeris Diis cultum exhiberet; Indè fit, ut vera religio esse non possit. Ad eam exterminandam infudarunt Patres, quorum aliquas rationes subjiciemus.

II. Ulterius ex D. Augustino lib. de vera Religione cap. 55. sic probò. Idololatræ, quibus religio erat colere plures Deos, vel colebant opera, & artefacta hominum, vel bestias, vel homines mortuos, vel dæmones, vel terram, & aquas, vel aerem & ignem, vel astra, vel viventia, puta arbores, vel homines, vel angelos: sed nulli ex his cultus divinus tribuendus est, nec vera religio; ergò &c. Min. probat S. Augustinus citatus sic.

Si essent colenda opera hominum, multò magis colendi essent artifices. qui ea fecerunt, quia meliores illis. Si colendæ essent bestię, multò magis homines, quos tamen colere non debemus. Non sunt colendi ut Dii homines mortui, quia si piè vixerunt, non tales, nempe divinos, à nobis petunt honores, sed illum coli volunt, quo illuminante lætantur. *Honorandi ergò sunt propter imitationem, non adorandi propter religionem.* Si autem malè vixerunt, ubicumque sint, non sunt colendi. Dæmones colendi non sunt, quia hominum hostes de hominum pœnis triumphant. Terra, & aqua colenda non sunt, quia istis lucidior, ac purior est aer, etiam caliginosus. Nec etiam colendus est aer purior, ac serenior, quia luce absente adumbratur, & aere purior est ignis nostri splendor, ac fulgor: nec tamen ignem colere debemus, quoniam ipsum pro voluntate accendimus, & extinguimus. Corpora autem ætherea, atque cœlestia neque colenda sunt, quia licet omnibus cæteris corporibus rectè præponantur, melior tamen est ipsis quæcumque vita. Vitam, qua arbores dicuntur vivere, colere non debemus, quoniam nullus sensus in ea est, sicut nec in capillis, & ossibus, quæ sine sensu præciduntur, hac autem melior est vita sentiens, quam tamen in bestiis colere non debemus. Neque anima ipsa rationalis ut Deus colenda est, etsi perfecta, ac sapiens sit, quia omnis vita rationalis, si perfecta est, incommutabili veritati secum intrinsecus loquenti obtemperat, non obtemperans vitiosa fit; quod autem alteri obtemperat Deus non est; quia non per se excellit, sed per eum, cui obtemperat. Eadem ratione Angeli colendi non sunt, quia nec à se beati sunt, nec nos eos videndo beatos reddunt, sed & ipsi & nos unum videndo Deum beati sumus. Videatur S. Doctor.

§. II.

Quid Dii facti ab hominibus.

III. **E** Vertenda secundò est Idololatria armis, quæ tractat Athanasius orat. contra gentes à num. 9. Et primò sic: Verus Deus debet à se ipso esse Deus, & naturâ talis, non ab alio factus, aut in Deum aliorum, nimirum hominum suffragio, atque arbitrio cooptatus. Atqui Gentilium Dii non naturâ tales sunt, sed hominum voluntate facti; Senatus enim Romanus, Imperatores omnes, quorum virtutes sibi placebant, inter Deos esse decernebat, ac ut Deos coli, jubebat, cæteros autem inter homines relinquebat. Ergò verè Dii non erant; quales enim Dii,

Dii, qui ab hominibus divinitatem emendicabant? Quales efflores divinitatis, qui Deos faciendo potestatem jactarent, ipsi verò se homines esse, ac mortales non inficiarentur? Hi enim, qui Deos faciunt, potius Dii censendi essent, quàm quos ipsi faciunt Deos: si quidem res, quæ facit, eâ quæ sit, præstantior esse debet, & qui aliquem judicat, ejus, qui judicatur, necesse est, ut sit Dominus: Is item, qui aliquid donat, omninò id, quod habet, largitur. Quapropter si, quos ipsi voluerint, Deos esse decernebant, eos sanè primùm Deos quoque esse, oportebat. Vel si homines erant, moriendo suum de his, quos Deos fecerant, suffragium falsum fuisse, aperte arguebant. Cùm ergò omnes Paganorum Dii, ii etiam qui apud Græcos celebrabantur, Juppiter, Neptunus, Apollo, Mercurius, & è fœminis Juno, Ceres, Pallas, Diana, Thefei edictis, quem Græcorum historie præcipuè commendant, divinitatem sint consecuti, quis veros fuisse Deos sibi suadeat? Quo modo illi, qui id sancivere mortui lugentur, hi autem, quos Deos statuerunt, tanquàm Dii adorantur? Incredibilem certè repugnantiam, atque insaniam!

IV. Verùm (prosequimur ex Athanasio) utinam saltem in maribus stetisset Idololatria, neque fœminis divinum honorem detulissent: siquidem etiam mulieres, quas neque ad publica concilia admittere tutum est, divinis honoribus colunt, & venerantur, quales sunt, quæ ut supra nominavimus, Thefei præscripto inter numina sunt relatæ, & apud Ægyptios Isis puella, & adolescentula, atque apud alios Venus. Priscis enim temporibus mos erat, post amissos, quos habuerant charissimos fratres, cognatos, uxores, viros, illos cogente luctus acerbitate picturâ exprimere, & sacrificiis consecrare, quos deindè posteri, simulacra eorum videntes, ut Deos venerati sunt. Verùm qua ratione? Quomodo enim Dii, quos eorum parentes luxere, ut qui Dii non essent? Si enim Deos illos esse persuasum habuissent, minimè ut perditos, & mortuos deslევissent. Quomodo Dii, quos non tantùm non esse Deos, sed nec existere putabant? Si enim adhuc existere putassent, illorum formam imagine non expressissent, ut hanc præ oculis habentes dolorem mitigarent, quem ex eo, quod amplius non existerent, acceperant. Quid ergò stultius, quàm istos tanquam Deos precari, & veri Dei honore prosequi? Legantur Scripturæ sap. 14. 12. ex quibus hæc cum Athanasio defumimus.

§. III.

Quia eorum gesta Deo indigna.

V. **E**vertitur secundò ex eodem Athanasio sic. Si quis illorum, quos Deos prædicabant Gentiles, res gestas velit perpendere, eos non solum non esse Deos, sed homines; imò hominum impiissimos fuisse reperiet. Quid enim, quæso, turpius, quàm illi Jovis amores, & impudicitia, quas apud Poetas legere licet? Quid foedius, quàm cum audis, eum rapere Ganymedem, cum voluptate victum mulieribus servire vides, illarumque causâ brutorum animantium quadrupedum, & volucrum formas, non sine sui periculo induere: ut Patris insidias fugiat, latebras quærere, deindè Saturnum suum Patrem ab illo vinciri, & castrari? An ergò æquum est, illum censi Deum, qui & flagitia commisit, & tantorum scelerum reus est, quæ neque communes Romanorum leges, vel ipsis hominibus facere permittunt? Quis cognitis flagitiis, & stupris, quibus Semelem, Lëdam, Alcmenam, Dianam, Latonam, Majam, Europam, Danaem, & Antropam vitiavit, vel quis perspectâ in propriam fororem impudicâ audaciâ, quam nimirum simul, & fororem, & uxorem habuit, illum non despiciat, ac morte dignum æstimet? Qui ulterius, quos ex stupris procreaverat liberos, Bacchum, Herculem, Dioscurem, Mercurium, Perseum, & Sospitam inter Deos retulit, divinitatis specie ad suam pravitatem tegendam abusus? Quid indignius, ac imbecillius, quàm cum ipsum (Jovem) vides mortem filii sui Sarpedonis graviter ferre, eique opitulari velle, nec posse? Quid miserius, quàm cum cernis, ei insidias ab aliis, qui dicuntur Dii, fieri, Minervâ nempe, Junone, & Neptuno, opemque ferri à Thetide Muliere, & à Centimano Egeone? Hæc sunt heroica facinora Jovis, quem summum inter Deos Pagani venerabantur. Mitto Martis cum Venere adulterium, & utrique paratas à Vulcano insidias, aliosque, quos vocant Deos, ad stupri spectaculum ab eodem Vulcano accersitos adventantes coram; quis enim illorum impudicitiam contueri conspiciens, risum tenere queat, eosque non valdè aspernetur? Quis non rideat, si Herculem viderit præ ebrietate in Omphalem libidinosè insanire? Mitto contentionem implacabilem, qua Dii illi Græcorum, ac Trojanorum causâ apud Ilium inter se pugnant. Quis enim horum imbecillitatem non condemnet, qui nempe mutuâ inter se rixâ etiam homines irritaverint. Martem,

ac

ac Venerem à Diomede vulnerari, Junonem, & Plutonem ab Hercule, Bacchum à Perseo, & Minervam ab Arcade, Vulcanum verò è Cœlo projici, eoque casu Claudum fieri: quis audiat, quin statim hujusmodi naturam Deorum ob flagitia detestetur, ac propter imbecillitatem non Deos, sed homines, eosque imbecilles, atque passibiles agnoscat, magisque eos, qui vulnerant, quàm qui vulnerantur jure merito admiretur. Hæc ex Athanasio, quibus similia exprobrabat Cyrillus Juliano in suis libris contra Julian. Lactantius l. 1. Inst. c. 9. 10. 11. &c. Undè D. Augustinus l. 7. de Civit. Dei c. 17. ait, Deos selectiores *invenisse magis per eorum crimina, quàm per eorum merita*, & eodem lib. cap. 4. observat, famosiores Deos criminibus esse insigniores, cum in aliis Diis minus famosis vix crimina reperiuntur. *Vix quisquam reperitur Deorum non selectorum, qui aliquo crimine famam traxit infamem: vix autem selectorum quispiam, qui non in se notam contumeliæ insignis acceperit.*

VI. Confugiunt hinc Pagani ad ingenium Poetarum contententes, omnia ea probra, quæ de eorum Diis narrantur, figmenta esse Poetarum. Idem respondebat Julianus D. Cyrillo l. 1. contra Julianum, dicens. *At qui Græci fabulas de Diis confinxerunt incredibiles, & portentosas. Nam Saturnum filios devorasse dixerunt, deinde rursus evomuisse. Mox injustas nuptias, Jovis nempe cum matre congressum, susceptisque ex ea liberis, filia nupsisse, eam denique constupratam, alteri collocasse, ajunt. Ad hæc feruntur Bacchi laniatus & membrorum conglutinationes. Hujusmodi res Græcorum fabulis produntur.*

VII. Ad hæc reponerebat Athanasius loco citato n. 16. Si quæ Poetæ narrant commentitia, & falsa sunt: falsa quoque erunt Jovis, Saturni, Junonis, Martis, aliorumque nomina, nec ullus omnino existit Juppiter, vel Saturnus, vel Mars, sed eos quasi existentes ad auditores decipiendos finxerunt Poetæ. Si ergo Poetæ res, quæ non existant, fingunt, quare Deos illos velut existentes colunt?

Dices, nomina quidem non fingi, sed facta falsò illis adscribi. At hoc nihilo tutius est. Nam si facta commenti sunt, cur non & nomina? vel si in vulgandis nominibus veraces sunt, cur non quoque in enarrandis factis veraces erunt? Dicam potius, Poetas fabulatos, ac commentos fuisse, quando illos vocarunt Deos: noverant enim, quæ Deos decet agere, neque unquam hominum notas Diis affinxissent, si eos revera Deos credidissent: actus quippe naturis congruere debent, ut & effectus auctorem testetur, & ex natura actus possit cognosci. Quemadmodum ergo
si quis

si quis veraciter vellet de aqua , & igne disputare , eorūque effectus afferre , nunquam profectō diceret , aquam comburere , & ignem refrigerare ; ita si Deos esse Jovem , cæterosque alios , certum habuissent illorum Scriptores Poetæ , hujusmodi actus illis non adscripissent , quibus eos non Deos , sed homines , non sapientes , sed inhonestos , atque nequissimos fuisse , manifestum fieret .

VIII. At inquires , mentiti sunt , tuque illos falsi arguis . Esto . At quare mentiti sunt , cū eorum vitia retulerunt , & non potius cū prodiderunt aliquas eorum virtutes ? Quare de eorum fortitudine falsa dixisse non vis , nec pro fortitudine imbecillitatem , aut pro imbecillitate fortitudinem commentos esse ? Siquidem , ut vos vultis , proprium Poetarum erat , in omnibus fingere , & mentiri . Atqui cū de hominibus quidem scripserunt , veritatem servavere ; cū autem de iis , quos Deos vocant , sermonem habuerunt , mendaces esse non sunt veriti . Ita planè , dicet aliquis , cū impudica eorum facta narrant . At cū eos laudant , cū Jovem Patrem Deorum , supremumque , ac Olympium , & in Cœlis imperantem prædicant , illos nihil comminisci , sed vera dicere . Sed hoc vanum effugium jam preclusum est . Facta eos fuisse homines palàm demonstrant , sed laudes , quibus eos efferunt , hominum naturam longè superant , utrumque horum secum pugnat ; nam neque proprium est Cœlestium ista agere , neque hominibus ejusmodi laudes debentur . Quid ergo ? Dicam . Non aliud , nisi falsas quidem , & adulationis ergò , fictas fuisse laudes , facta autem vera esse . Nemo enim , qui aliquem laudare aggreditur , ejus vitam vituperat ; sed contra , quorum vita turpis est , ad submovendam vituperationem , quæ inde sequi solet , illas laudibus supra modum extollere mos est , ut & laudum magnitudine auditores decipiant , & illorum , quos laudant , nequitiam occultent . Itaque quemadmodum , qui aliquem laudare instituit , si nullam , vel in factis , vel in moribus laudis materiam repererit , cū nihil nisi turpe in his occurrat , alio commendandi genere uti , cogitur , illique , quem laudat , ea , quæ propriis meritis majora sunt , affingit . Ita cum egregios Poetas Deorum suorum turpitudinis puderet , nomen humanā naturā majus eis apposuerunt , non intelligentes , se commentis , quæ in mortalium conditione minimè quadrant , humana illorum facta non obscurare , vel abscondere , sed potius humanis illorum vitiis apertè demonstrare , Dei notiones illis nequaquam congruere .

§. IV.

Quia eorum Sacra inhonesta .

IX. **V** Erum de talium Deorum impudicis factis iudicium suspendamus. Si vera non erant flagitia, quæ de Diis commentari erant Poetæ: cur in eorum sacris, ac ludis representari sinebant? Debuissent indigna hæc representantes, ac Diis in eorum sacris affingentes punire; cum ergo id non fecerint, imò & talibus obscenis ludis delectari sint, indicium est, vel eos revera talia patrasse, vel eos non esse Deos, qui approbarint ejusmodi obscenitates, à quibus homines etiam honesti abhorrere, consueverunt. Ita S. Augustinus lib. 2. de Civit. Dei cap. 8. rem hanc tractans ait. *At enim non traduntur ista sacris Deorum, sed fabulis Poetarum. Nolo dicere, illa mysteria, quàm ista theatra esse turpiora: hoc dico, quod negantes convincit historia, eosdem illos ludos, in quibus regnant figmenta Poetarum, non per imperitum obsequium sacris Deorum suorum obtulisse Romanos: sed per ipsos Deos, ut sibi solemniter ederentur, & honori suo consecrarentur, acerbè imperando, & quodam modo extorquendo fecisse, quod in primo libro (cap. 32.) brevi commemoratione perstrinxi, & eodem libro cap. 29. Quo pacto igitur Deos, qui talibus delectantur obsequiis, haberi putas in numero sanctarum potestatum, cum homines, per quos eadem aguntur obsequia, non putasti habendos in numero qualiumcumque Civium Romanorum? Adeo enim erant turpia sacra, quæ Diis peragebantur, ut ii, per quos fiebant, infames essent, & Romani dedignarentur, eos numero Civium quocumque modo habere.*

§. V.

Nec Dii sunt, quia rerum aliquarum Inventores .

X. **A**D hæc Pagani dicebant: quidquid sit de vita, moribusque, hos ut Deos veneramus, & colimus, quia nobis utiles fuere. „ Juppiter enim Plasticæ, sive artis figlinæ author „ fuisse dicitur, Neptunus Nauticæ, Vulcanus fabrilis, Minerva „ textilinæ, Apollo musicæ, Diana item venandi artem, vestes „ sive corporis ornatum Juno, Ceres agriculturam; aliique alias „ artes invenerunt, ut apud historicos legitur.

XI. Sed eos refellit Athanasius citatus n. 18. primò. Nam artes ex diligenti naturæ investigatione, & magisterio inventæ sunt.

sunt. „ Ergò si præfati in his artibus, quibus nàvarunt operam,
 „ periti evaserunt, non idcirco Dii, sed potiùs homines existi-
 „ mandi sunt: nec enim artes ab illis sunt profectæ: sed ipsi in ar-
 „ tibus naturam imitati sunt, in quam intuentes, ejusque perce-
 „ pta cognitione, artes excogitaverint. Secundò, si ob inventas
 „ artes Deos eos meritò nuncupandos esse contendant, restat,
 „ ut & alii artium inventores eodem, quo illi, jure Dii appel-
 „ lentur. Etenim literas Phænices invenere, Poesim Heroi-
 „ cam Homerus, Dialecticam Zeno Eleates, Rhetoricam Co-
 „ rax Syracusius, apum opera Aristæus, frumenti sementem,
 „ Triptolemus, leges Lycurgus Spartiates, & Solon Athenien-
 „ sis, literarum ordinem, numerum, mensurasque, & pon-
 „ dera Palamedes: alii denique alias, & varias res hominum
 „ vitæ perutiles, ut testantur Historici, protulerunt. Igitur si
 „ scientia Deos facit, atque idèò Dii sculpti sunt, necesse omni-
 „ nò erit, illos quoque, qui postea aliarum artium autores fuere,
 „ inter Deos numerari, (sicut & apud nos illum, qui typogra-
 „ phicam artem, qui vitriariam, qui pulverem sulphureum, qui-
 „ que tormenta bellica, ac bombas primùm excogitarunt). Vel
 „ fortè, si eos divinis honoribus dignos non judicant, sed homi-
 „ nes esse agnoscunt, consequens est, ut nec Juppiter, nec Juno,
 „ nec alii Dii appellentur, sed verè homines fuisse credantur.
 „ Ita Athanas. Accedit falsum esse, eos dictarum artium reperto-
 „ res fuisse, cùm multo tempore ante illos usu receptæ, ac adin-
 „ ventæ fuerint. Artem enim plasticam quis homines docuit, nisi
 „ Deus, dum hominem formavit de limo terræ? Genes. 2. 7. Nau-
 „ ticism non Neptunus, sed Noè inspirante Domino primus inve-
 „ nit, dum Arcam navis ad instar fabricavit, ut in ea reliquias hu-
 „ mani generis à diluvio præservaret Genes. 6. 14. Tubalcainum
 „ ferrariæ artis inventorem fuisse traditur Genes. 4. 22. Tubalcain,
 „ qui fuit Malleator, & Faber in cuncta opera aris, & ferri; Musica
 „ autem Jubal Gen. 4. 21. qui fuit Pater cantantium Citbarâ, & Or-
 „ gano. Lamechum, dum venationi operam daret, occidisse ex er-
 „ rore Cainum, Hebræorum Traditio est super illa verba Gen. 4. 23.
 „ Lamechi, dicentis: *Occidi virum in vulnus meum*. Cainum etiam
 „ fuisse Agricolam, legitur ibidem c. 4. 2. qui omnes cùm multis sæ-
 „ culis præverint Deos à Paganis confictos, constat, neque hoc
 „ titulo eis convenire divinitatem.

XII. Si dixeris cum Juliano apostata apud Cyrillum lib. 7.
 contra Julianum, Deos, esto non fuerint primi inventores, præ-
 fidere tamen singulos iis artibus, quibus patrocinantur: *Sanat*
corpora nostra Æsculapius, erudiunt musæ nostros animos cùm Æscu-
la-

lapis, & Apolline, & docto Mercurio. Mars autem, & Bellona socii, & adjutores sunt in bello: Vulcanus, quæ ad artes spectant, assignat, & dividit. Hæc autem omnia Pallas cum Jove Virgo matre carens moderatur. Hæc Juliaus.

XIII. Respondetur tamen à D. Cyrillo sic. Constat igitur inter Deos, alios medicinam profiteri, alios eloquentiâ præcellere, alios cædes edocere &c. Denique, ut semel dicam, unusquisque eorum ei maximè idoneus est, ad quod naturâ comparatus dicitur. Ergò quùm unius officii fungendi vices singulis attributæ sint, in cæteris erunt otiosi, & nihil valebunt. At quomodo tales essent Dii? Quis enim audeat, Deum dicere illum esse, qui bono sit aliquo destitutus? cùm Deus potentissimus esse debeat, ac perfectissimè complectens omnia, quæ supremæ naturæ conveniunt? Si quilibet eorum verè Deus est, quare non quilibet potens est sanare, erudire, juvare in bello, artibus præesse &c. omnia præstare? Atqui, dices, peculiaris unicuique virtus est, suæque artis singuli proprium exhibent specimen: ergò, inferam ego, nullus eorum verè Deus est, imò neque homo inter homines præstantissimus. Plures enim inter homines plurium artium magistri præstantissimi sunt, & ipsis Græcorum Diis præstantiores. Fieri enim potest, & sæpè fit, ut quidam artem medicam non ignoret, & rerum bellicarum scientiâ, & eloquentiâ, cæterarumque artium laude commendetur. Ergò vel illi non erant Dii, si ad unam dumtaxat rem apti sunt, & habiles, vel homo potest esse, & aliquando est iis Diis præstantior, cùm in homine uno omnes illorum dotes simul congestas videre liceat. Hæc ex Cyrillo.

§. VI.

Simulacra Dii non sunt.

XIV. **E**Vincitur tertio Idololatrarum vanitas simulacra contentium. Quid enim in illis simulacris adorant? Fortè lapides, ac ligna, ex quibus confecta sunt? Sed non advertunt, se res prorsus similes pedibus conculcare, quarum partes Deos suos nuncupant, & quæ paulò ante in omnes usus assumebant? Si hæc eadem, dum sculpta sunt, venerantur, non cogitant, se non Deos, sed cælatoris artem adorare? Certè quamdiù impolitus est lapis, & materia rudis, tamdiù ista calcant, & ad suos sæpè usus etiam viliores adhibent: cùm verò fictor artem suam in illis exercuerit, & viri, vel mulieris forma materiam figuraverit,

Tom. I.

E

rit,

rit, tunc gratias agunt artifice, jamque ut Deos colunt, quos mercede à Cœlatore emerunt. Quin etiam fictor, quasi oblitus, quæ ipse fabricavit, propriis operibus supplicat, & quæ paulò ante scalpebat, & incidebat, hæc eadem perfectò opere Deos salutat. Atqui si non materia artem, sed ars materia ornavit, & Deum fecit, multò æquius erat ab illis coli artificem, quàm ea, quæ ipse fecerat: tum quia ipse artifex Diis illis artefactis tempore prior est; tum quia, ut voluit, sic illi effecti sunt. Nunc verò rejectâ æquitate, scientiæque, & arte posthabita, ea adorant, quæ scientia, & arte effecta sunt: cùmque ipse homo eorum author moriatur, ea quæ ab illo facta sunt, tanquam immortalia colunt, quibus utique nisi assiduam curam adhibuerint, ex suâ certè naturâ tempore interitura sunt.

XV. Qui sanè miserandi non sunt vel eâ de causâ, quòd ipsi videntes res, quæ non vident, adorent; ipsi audientes, rebus quæ non audiunt, supplicent: ipsi denique, cùm sint homines animâ, & ratione ex suâ naturâ præditi, illos, qui nullo planè modo moventur, sed inanimati sunt, tanquam Deos honorent: & quod stupendum est, quos ipsi in sua potestate habent, & custodiunt, iis ut Dominis serviant. Horum stultitiam enarrat David ps. 113. 4. *Simulacra gentium argentum & aurum opera manuum hominum; os habent, & non loquentur, oculos habent, & non videbunt: aures habent, & non audient &c.* quos proinde Spiritus Sanctus per vocem Isaïæ 44. 9. *Plasta Idoli omnes nihil sunt, & amantissima eorum non proderunt eis; ipsi sunt testes eorum, quia non vident, neque intelligunt, ut confundantur. Quis formavit Deum, & sculptile conflatit ad nihil utile? Ecce omnes participes ejus confundentur: fabri enim sunt ex hominibus, convenient omnes, & stabunt, & pavebunt, & confundentur simul &c.* „ Hinc „ Athanasius. Utinam enim saltem sine figura Deos illis finxisset artifex, ne evidens propriæ stupiditatis argumentum haberent. Simplicium quidem animos adducere potuissent, „ ut sensum Idolis esse crederent, nisi signa sensuum, uti oculos, nares, aures, manus, & os immobilia haberent ad sentiendum. Nunc autem habentes non habent, stantes non „ flant, & sedentes non sedent. Neque enim hæc agendi vim „ habent, sed ut fictori placuit, ita manent, & jacent, nullum- „ que divinitatis indicium exhibent, sed inania prorsus sunt, „ solaque hominum arte existunt. Hæc Athanas. laudatus n. 15.

XVI. His rationibus convicti variè respondebant Æthnici apud Athanasium. Primò, se non negare, hominum, ac bel-
luarum figuras suos Deos esse, sed ideo ita esse, ut Deus per has figu-

figuras ipsis det responsa, atque appareat: nec enim eum, qui oculis videri non potest, aliter posse cognosci, quam per huiusmodi simulacra.

XVII. Verùm eos sic Athanasius perstringit. Quonam modo Deus per hæc simulacra respondet, & cognoscitur? An ob materiam, ex qua constant, an ob formam, quam habent? Si ob materiam, quis ergò formæ usus? Et cur antequam hæc efficiat essent, & tali formâ donata, per quamlibet materiam se videntum Deus non præbebat? Si ob lapidem, lignum, vel aurum loquitur illis Deus, cur Tempia muniunt muris; ut in eo lapidem unum, lignum, aut auri partem includant, cum universa terra hisce rebus sit plena? Si verò dicant, impositam illam formam, seu figuram divini adventus causam esse, cui servit materia auri, ligni, aliarumque rerum? Cur non potius per ipsa vera animalia, quorum effigies sunt simulacra, Deus appareat? Dignior siquidem de Deo opinio haberetur, si per animalia viventia, sive ratione prædita, sive rationis expertia appareret, potius quam in inanimis, ac immobilibus. Imò summam impietatem adversus se ipsos committunt, qui cum vera animalia, quadrupedes, aves, serpentes, seu ob feritatem, seu ob foeditatem fugiant, & abhorreant, horum tamen formas lapide, auro, ligno insculptas Deos faciant. Convenientius sanè erat, ipsa viventia, quam eorum formas, coli. Si dicant, neutrum eorum, neque formam, neque materiam Dei adventus causam esse, sed solam artem cum scientia conjunctam divinum numen evocare. Contra est. Si propter scientiam, & artem Deus ad simulacra accedit, quis rursus materiæ usus, cum ars, & scientia in hominibus resideant? Si enim prorsus propter artem, & scientiam apparet Deus, & idcirco simulacra tanquam Dii coluntur: ipsi profectò homines artis authores multò magis venerandi, & colendi erant, quòd ratione sint præditi, scientiamque & artem in se ipsis habeant.

XVIII. Respondabant secundò alii prestantiores Philosophi apud eundem Athanas. laudatum, altiora dicere rati: nimirum hæc simulacra facta, & expressa fuisse ad divinos Angelos, & Potestates invocandum, & accersendum, ut per hæc simulacra apparentes, Dei cognitionem ipsos docerent, esseque hominibus instar literarum, quarum lectione divinis Angelis per illa advenientibus Dei scientiam percipere possint.

XIX. Attamen si quis (reponit Athanasius) si quis id responsi velit expendere, facile reperiet, non minùs falsam esse istorum opinionem, quam ea, quæ supra à nobis refutata sunt.

Si enim ista fabricata sunt, non ut ipse Deus, sed ut ipsi Angeli illic appareant, cur simulacra, per quæ Potestates invocatis, iisdem, quas invocatis Potestatibus, pluris facitis? Cur vos, qui simulacra hæc Dei cognoscendi gratiâ sculperere dicitis, ipsius Dei honorem, & nomen his ipsis simulacris imponitis? Vos, qui divinam potestatem simulacrorum tenuitatem longe excellere fatemini, & id circò per simulacra non audetis, ipsum Deum, sed solum inferiores potestates invocare, quare prætermisitis Potestatibus, Dei nomen, cujus presentiam formidabatis, lapidibus, ac lignis imposuistis, ea Deos vocare, divinisque afficere honoribus, non verentes? Si, quia ad instar literarum sunt ad Deum contemplandum, æquum certè non est, ea Deo anteferre, neque enim si quis scriptum Imperatoris nomen ipsi Imperatori prætulerit, id impunè facturus est. Certè nomen scriptum nihil aliud, quàm scribentis opus erit. Si ergò quia simulacra Dei præsentiam significant, idèò ut Dei signa divinitate digna judicantur, artificem, qui ea pro sua voluntate insculpsit, Deum fieri, longè convenientius erat, utpotè qui illis potentior sit, ac divinior, eaque ad ejus arbitrium fuerint edita, atque insculpta.

XX. Aliter Hermes Ægyptius, dictus Trismegistus, de Diis suis fabulatus est apud Augustinum lib. 8. de Civit. Dei cap. 23. Dicit enim, alios esse Deos à Summo Deo factos, alios ab hominibus, illos Spiritus vocat, hos statuas esse dicit, quæ veluti corpora Deorum sunt: his autem inesse quosdam Spiritus invitatos, qui valeant, aliquid, sive ad nocendum, sive ad desideria eorum nonnulla complenda, à quibus eis divini honores, & cultus obsequia deferuntur. Hos ergò Spiritus invisibiles per artem quandam visibilibus rebus corporalis materiæ copulare, ut sint quasi animata corpora illis spiritibus dicata, & subdita simulacra: Hoc esse dicit Deos facere, camque magnam, & mirabilem Deos faciendi accepisse homines potestatem. Ita refert Augustinus.

XXI. Hoc tamen falsum esse, ex iisdem Hermetis verbis S. Augustinus evincit. Subdit enim Hermes post descriptam suorum Deorum religionem, *futurum tempus est, quo appareat Ægyptios in cassum pia mente divinitatem sedula religione servasse, & omnis eorum sancta veneratio in irritum casura frustrabitur*. Quibus verbis videtur prædicere tempus, quo Christiana religio omnem Idolorum cultum erat subversura. Quomodo enim vera erat religio, quæ alia religione erat evertenda, quo modo veri Dii, qui alii Deo celsiori erant, nec proprium cultum tueri poterant?

rant? Verum ergo est, quod Spiritus Sanctus Jerem. 16. 20. dicit: *Si faciet homo Deos, & ecce ipsi non sunt Dii*; & Zach. 13. 2. *Erit in illo die, dicit Dominus, exterminabo nomina simulacrorum à Terra, & non jam erit eorum memoria*. Specialiter autem de Ægypto Isaiæ 19. 1. *Et movebuntur manufacta Ægypti à facie ejus, & cor eorum vincetur in eis*. Præstat ergo iterum audire S. Augustinum in psalm. 96. super illa verba: *Confundantur omnes, qui adorant sculptilia*: sic loquentem. *Nonne factum est? Nonne confusi sunt? Nonne quotidie confunduntur? Sculptilia enim sunt manufacta Idola. Quare jam confunduntur omnes, qui adorant sculptilia? quia viderunt omnes populi gloriam ejus &c. . . . Sed existis nescio quis disputator, qui doctus sibi videbatur, & ait: non ego illum lapidem colo, nec illud simulacrum, quod est sine sensu: non ego illud colo, sed adoro, quod video & servo ei, quem non video. Quis est iste? Numen quoddam, inquit, invisibile, quod præsidet illi simulacro. Hoc modo reddendo rationem de simulacris suis, disertis sibi videntur, quia non colunt Idola, & colunt Dæmonia; etenim fratres, sicut dicit Apostolus: *que immolant gentes, dæmoniis immolant, & non Deo*. Nolo vos, inquit, socius fieri dæmoniorum, nam scimus, quia nihil est Idolam . . . Non ergo hinc se excusent, quia quasi Idolis insensatis dediti non sunt, dæmoniis magis dediti sunt, quod est periculosius. Nam si tantum Idola colerent, sicut eos non adjuvarent, ita illis nihil nocerent; si autem adores, & servias dæmonibus, erunt Domini tui. Et qui erunt Domini tui? Invidi tui libertati tuæ necesse est invideant, semper te velint possidere, semper te talem facere, qualem possint tecum trahere &c. Non pigeat lectorem audire Augustinum prosequentem, qui etiam omnes Gentilium excusationes fuitiles, ac vanas ostendit in sequentibus, & ferm. 2. in psal. 113. Verum*

XXII. Quia aliqui erant, qui dicebant, se non adorare Idola; sed id, quod per Idola significatur, eos ita perstringit Augustinus ferm. 197. edit. Monach. S. Mauri: *Et ne quisquam eorum diceret, non simulacrum colo, sed quod significant simulacra, subjecit statim (Apostolus) & coluerunt, & servierunt potius creaturæ, quàm Creatori. Intelligite prudenter. Aut simulacrum enim colunt, aut creaturam. Qui simulacrum colit, convertit veritatem Dei in mendacium. Nam mare veritas est: Neptunus autem mendacium factum ab homine, conversa veritate Dei in mendacium, quia Dens fecit mare, homo autem simulacrum Neptuni. Sed ne dicant, non colo simulacrum, sed solem colo, ideo dixit, coluerunt potius creaturam, quàm Creatorem, . . . Rursus ex eodem Augustino: si verum est, eos non adorare statuam Neptuni, sed mare, quod illa indicant,*

cant, non simulacrum solis, sed solem ipsum: cur quæso sapissimè statuam Neptuni, aut solis adorant, terga vertentes mari, ac soli? Hoc certè non est adorare solem, ac mare, sed statuam; quia si quis, ut vestem regiam adoraret, terga verteret Personæ ipsius Regis, hunc nullus rectè existimaret adorare Regem, sed unicè Vestem, & pluris facere Vestem, quàm Regem: *Homines* (inquit Augustinus in psalm. 113.) *talibus superstitionibus obligati plerumque ad ipsum solem dorsum ponunt, preces fundunt statua, quam solem vocant.*

§. VII.

Mundus Deus non est.

XXIII. **A**T fortè, inquit D. Athanasius, qui inter Paganos sapientiores videri volunt, his argumentis convicti manus dabunt. Verùm tutam, ac invictam sibi illam opinionem autumabunt, qua adducuntur, ut mundum, mundique partes colant, atque in eo gloriabuntur, quod non lapides, ligna, hominumque, & animantium formas venerentur, sed Solem, Lunam, cunctumque cœlestem Mundum, nec non terram, & universam aquarum naturam. Contendent ergò, neminem ostendere posse, res illas naturâ non esse Deos, cùm omnibus manifestum sit, ea neque inanima, neque ratione vacua, sed etiam hominum naturâ superiora esse, eo quòd ipsa in Cœlis, hi in terris habitent.

XXIV. Itaque hæc à nobis discuti, & examinari, par est. Primò enim natura ipsa, quam cèu Deum adorant, contra sui adoratores clamat, dum & ipsa adorat Deum, à quo facta est, & ordinata, à quo regitur, & statuto ordine conservatur: *Cœli* (ajebat psalmes psalm. 18.) *enarrant gloriam Dei, & opera manuum ejus annunciat firmamentum.* Sanè mutua illa partium universi colligatio, qua una ope alterius necessariò eget, eas non esse Deos, sed Dei opera manifestè testatur. Si quis enim naturæ partes sigillatim circumspiciat, & singulas seorsim consideret, ut solem solum, vel solam lunam, itemque terram, & aerem, nec non frigidam, & humidam naturam, nullam omninò istarum sibi satis esse, sed omnes mutua ope indigere, hocque mutuo auxilio consistere inveniet. Sol enim unâ cùm universo Cœlo circumfertur, eoque continetur, nec unquam extra proprium circumlum egreditur. Luna verò, aliaque astra, quantum ex sole pendant, palam testantur. Terram quoque sine pluviis fructus nul-

los edere, cernimus. Pluviæ sine nubibus in terram non decidunt, nubes sine aere non consistunt: Aer non à se sed ab æthere calorem, & lumen à sole mutuatur. Fontes, & fluvii remotâ terrâ non constant, nec terra suâ vi, sed aquarum natura sustinetur, atque in medio universi contracta tenetur. Mare à ventis movetur, ac fertur, quòcumque vis illorum impulerit. Venti ex ardore, & calore orti vi aere consistunt, & per eum ubique flant. Elementa, si ad temperiem non redigantur, non permanent, sed unum aliud opprimit, calor redundante frigore extinguitur, frigus vicissim vi caloris evanescit. Siccitas rursus humore madefit, & humor siccitate exhauritur. Qui igitur fieri potest, ut res illæ Dii fuerint, quæ mutua ope indigent? Vel quo pacto aliquid ab eis petere possumus, quæ mutuam ipsæ exigunt operam? Namque si omnium consensu constat, Deum nulla re indigere, sed solum sibi satis esse, seque ipso plenum esse, omniaque in illo consistere, imo ipsum omnibus dare, ut consistent, quâ quæso ratione solem, & lunam, aliasque creaturæ partes, quæ tales non sunt, sed mutuo auxilio opus habent, Deos appellare, æquum est?

At fortè reponent, singulas quidem universi partes mutuâ ope indigere, secùs tamen totum huiusmodi ex partibus confurgens: hoc enim semel positum sibi ad omnia satis erit, & sufficiet. Hocque erit verus Deus.

XXV. Hæc effutiant falsi sapientes, ut nempè etiam ex hac parte possint redargui. Nam primò, si totum solum Deus est, non autem partes singulæ, cur singulas partes divisim sumtas, nimirum solem, lunam, veluti Deum adorant? Secundò, si partes singulæ Deus non sunt, quia aliquo extraneo indigent, ut consistent, cùm etiam totum indigeat partibus, ut consistat, neque totum Deus erit. Tertiò ex Athanasio laudato n. 28. Si singulæ partes totum simul conjunctæ efficiunt; ergò totum ex singulis partibus constat, quæ singulæ totius partes sunt, & conjunctæ totum sunt. Atqui id Dei notionibus maximè est alienum, Deus enim totum non partes est, neque ex diversis rebus constat, sed ipse constitutionis omnium rerum author est. Rursus si Deus ex partibus constat, sanè sibi ipsi dissimilis, atque ex dissimilibus completus videbitur. Nam si sol est, luna non est; si luna est, sol non est. Ut enim oculus non est auris, nec auris manus, nec venter pectus, sed singula illa propriam habent efficientiam, ex quibus diversis unum corpus constituitur, quod quidem usu conjunctas habet partes, sed quæ tunc dividuntur, cum natura, quæ illas copulavit, easdem Dei jussu separabit; ita si creaturæ naturæ par-

partes in unum corpus coagmentatas Deum appellant, necessarium sequitur, eum in se ipso sui esse dissimilem: imò præterea dividi, cum partes ex natura sua dividuæ sint, & ulterius causam aliquam dari extra illud totum, cujus efficientiâ, sicut illæ partes in unum coaluerunt corpus, ita & possint dividi, & separari, sicque illud totum destrui.

XXVI. Secundò alia ratione horum impietas convinci poterit. Ponere, Deum esse totum constans ex partibus universi est ponere Deum corporeum, utpotè constantem rebus, quas oculis videmus, & manibus contrectamus. Deus autem incorporeus est, nec videri, aut tangi naturâ potest. Item Deus, utpotè omnipotens, à nulla re superari potest, sed omnia vincit, & tanquam Dominus regit. At qui naturam creatam Deum faciunt, huiusmodi prærogativâ Deum spoliant; cum enim sol subter terram est, quominus ejus lumen videatur, terræ umbra impedit; lunam autem sol ipse lucis suæ fulgore per diem abscondit; terræ fructus non rarò grandio lædit: ignis verò aquâ inundante extinguitur &c. Si autem Dii essent, nequaquam se invicem vincerent, & absconderent, sed potius semper simul invicem esse, communesque effectus unâ producere, par esset. Oporteret ergò per dies & noctes solem simul, & lunam, cæteraque sydera par lumen habere, idque omnibus lucere, ac res universas ab illis collustrari.

Quod si ob mutuam inter se oppositionem simul jungi nequeunt, quâ fieri potest, ut quæ invicem pugnant, & simul consistere nequeunt, Dii nominentur, vel eis divini honores tribuantur? Quæ item discordi inter se sunt naturâ, quomodo aliis precantibus pacem præbere, concordiaque authores esse, queunt? qua fiducia potest quis precari solem, cujus effectum scit posse à terra impediri; rogare lunam, quam novit solis luce abscondi posse; terram orare, ut illi det uberes fructus, quam videt sæpissimè siccitate, grandine, aliisque causis, quas ipsa evitare non potest, ne uberes fructus proferat, prohiberi?

§. VIII.

Ex discordia opinionum de Diis.

XXVII. **E**X discordia etiam opinionum, quas Pagani de Diis habent, eos non esse Deos evincit Athanasius laudatus n. 23. Si enim, ut prædicant, ii Dii sunt, cuinam, quæso, illorum se addicet homo? Quis eorum potentior, nec enim iidem
apud

apud omnes sunt Dii, sed quot ferè sunt gentes, tot etiam Dii confinguntur, aded ut singulæ civitates, ac vici Deos vicinorum nesciant, suosque aliis anteponant, & hos solos Deos esse arbitrentur. Nam quoad Ægyptios pertinet, diversæ, ac inter se pugnautes religiones civitatum esse, omnibus constat, vicinosque contraria vicinis semper coluisse. Hinc Crocodillus, quem alii ut Deum colunt, apud vicinos execrationi est. Leo, quem alii ut Deum adorant, à finitimis inventus tanquam fera occiditur: Piscis, quem alii inter numina referunt, ab aliis sanè in cibum capitur. Hinc bella, seditiones, crebræque cædium occasiones inter eos exortæ. Inde, qui apud aliquos putantur Dii, Deorum, quos alii colunt, victimæ sunt & hostiæ, & vicissim aliorum victimæ Dii aliorum sunt. Ægyptii quippe bovem, & Apim, qui vitulus est, venerantur; at alii illos Jovi immolant. Lybiæ quoque populi ovem, seu arietem, quem Ammonem vocant, Deum habent, at idem ab aliis ut victima multis immolatur: Indi Bacchum colunt, quem vinum enigmaticè appellant, quod ipsum aliis alii libant. Alii fluvios, & fontes, & maximè Ægyptii, aquam cæteris rebus præferunt, Deosque agnoscunt: alii nihilominus, & iidem Ægyptii, suas, aliorumque sordes aquis abluunt, & quod inde reliquum est cum contemptu projiciunt. Denique universa Ægyptiorum Idololatria aliorum Diis fit victima.

XXVIII. Quin etiam nonnulli ed impietatis devenere, ut ipsos quoque homines, quorum simulacra, & imagines sunt, suis falsis Diis immolent, & tanquam hostias offerant. Nec advertunt miseri, victimas, quas jugulant, Deorum, quos affingunt, archetypa, atque exemplaria esse, & præstantiora deterioribus se immolare, dum animata inanimis, & ratione prædita motu, ac sensu carentibus sacrificant. Scythæ, qui Tauri dicuntur, Deæ, quam Virginem Dianam appellant, naufragos, & quotquot ex Græcis cœperunt, in sacrificium offerunt. Alii ex bello victores reversi captivos in centurias distribuunt, ex quibus singulis unum seligunt, totque Marti immolant, quot ex qualibet centuria delegerunt. Ægyptii similes victimas Junoni quondam immolabant. Phænices quoque, & Cretenses liberorum cædibus propitium sibi Saturnum reddere putabant. Quin & prisca Romani Latialem, ut vocant, Jovem humauis hostiis colebant. Atque etiam nunc eadem impietate reos esse eos, qui in Indiis, ac Sinis Idola colunt, historici, qui de eorum moribus, ac religione agunt, testantur. Videatur Lactantius lib. 1. instit. cap. 21.

XXIX. Accedunt his impuri, ac fœdi actus, quibus in Deorum sacrificiis sese exercebant; olim enim Phœnicæ mulieres in Idolorum Templis prius prostabant, sui que meretricii quæstus primordia Diis, qui illic colebantur, consecrabant, suam Deam pro stupris propitiâ reddi, benevolamque hoc pacto effici ratæ. Viri quoque propriam ementiti naturam in fœminas se converterunt, rem pergratam, & honorificam Matri Deorum se ita facturos, arbitrati. Omnes denique turpissimis vitiis mancipati, quò in deteriora ruerent, eò suis Diis gratiores reddi, existimabant. Hæc omnia describit Paulus Rom. 1. 26. *Propterea tradidit illos Deus in passiones ignominie. Nam semina eorum immutaverunt naturalem usum in eum usum, qui est contra naturam. Similiter autem & masculi relicto naturali usu femina exarserunt in desideriiis suis in invicem, masculi in masculos turpitudinem operantes, & mercedem, quam oportuit, erroris sui in semetipsis recipientes &c.* Hæc autem, & similia agendo in suorum Deorum cultu, fatentur certè, Deos, quos ipsi colunt, huiusmodi vitam duxisse. Scilicet ex Jove puerorum corruptiones, atque adulteria, ex Venere meretriciam vitam, ex Rhea luxuriam, ex Marte cædes, ex aliis aliis similia didicere, quæ quidem cum leges puniunt, tùm probi homines abhorrent. Num igitur Dii haberi digni sunt, qui talia agunt? An non potiùs pro morum diversitate, ac luxuriâ bestius deteriores sunt habendi? Num qui illos colunt digni sunt, qui homines existimentur? Hæc ex Athanasio.

§. IX.

Diversitas sexuum in Diis.

XXX. **D**Emùm ridicula de suis Diis ostenditur Paganorum opinio apud Lactantium lib. 1. inst. cap. 8., quòd credant, eos, qui ex maris, ac fœminæ coitu progeniti fuere, aliquid divinitatis habere potuisse. Cum Sibylla Erythræa apud Theophil. ad Antolycum dicat: *Non potest ex viri semine, & matrice Deus formatus esse.* Et sanè quid tam remotum à Deo, quàm id opus, quod ipse ad propagandam sobolem mortalibus tribuit, & quod sine substantia corporali non potest esse? Diis ergò, si sunt immortales, & æterni, quid opus est altero sexu, cum successione non egeant, qui futuri sunt semper? Nam profectò in hominibus, cæterisque animalibus diversitas sexus, & generatio nullam habet aliam rationem, nisi ut omnia genera viventium, quoniam sunt conditione mortalitatis obitura, mutua

tuâ possint successione servari ; Deo autem , qui est sempiternus , neque alter sexus , neque successio necessaria est . Dicet aliquis : ut habeat ministros , vel in quos ipse possit dominari . Quid igitur opus est sexu scemineo , cum Deus , qui est omnipotens , sine usu , & opera sceminae possit homines procreare ? Nam si quibusdam minutis animalibus id praestitit , cur existimet aliquis , id Deum non posse ? Rursus si iis , quos Dii generant , ut ministris dominantur , ergo filii per Deos geniti Dii non sunt , quia Deus nullius imperium pati potest . Patet ergo , tam Deos generantes , quam Deos genitos homines fuisse mortales , potentissimos quidem Reges , famâ suarum virtutum celebres , ac memoria beneficiorum caros , in Deos à posteris consecratos . Hæc ex Lactantio .

Idem tractant argumentum ex Christianis Arnobius lib. 3. in principio , & ex Ethnicis Plinius lib. 2. cap. 7. Matrimonia quidem inter Deos credi , tantoque ævo ex his neminem nasci , & alios esse grandævos , semperque canos , alios juvenes , atque pueros , atri coloris , aligeros , claudos , aut editos , & alternis diebus viventes , morientesque , puerilium propè deliramentorum est . Idem sentit Tullius lib. 1. de natura Deorum .

XXXI. Hoc ratiocinio procedit Lactantius suprà laudatus eodem libro cap. 16. Si enim Dii matrimonio juncti filios procreant , vel ergo iis nascuntur quotidie filii novi , cum non vincantur ab hominibus fecunditate , & sic innumerabilium Deorum plena sunt omnia , nullo scilicet moriente . Cur ergo tam pauci coluntur , nisi fortè arbitremur , non generandi causâ , sed tantummodò capiendæ voluptatis causâ duos esse sexus Deorum , & ea exercere , quæ homunculos , & facere , & pati pudent . Cum verò dicantur aliqui ex aliquibus nati , consequens est , ut semper nascantur , siquidem aliquando sunt nati . Vel si aliquando nasci desierunt , scire nos convenit , cur , aut quando desierint . Quid ergo est (non illepidè inquit Seneca in lib. de moralibus Philos.) quare apud Poetas fallacissimus Juppiter desierit liberos tollere ? Utrum sexagenarius factus est ? Et illi lex Papia fibulam imposuit ? An impetravit jus trium liberorum ? An tandem illi venit in mentem : ab alio expectes , alteri quod feceris (Publius Syrius in collect.) & timet , ne quis sibi faciat , quod ipse Saturno ? Hæc Lactantius , qui duobus invictis ratiociniis sequentibus concludit . Primò : si duo sunt sexus Deorum sequitur concubitus : & si coeunt , & domos habeant necesse est ; nec enim carent virtute , aut pudore , ut hoc promiscuè , aut in propatulo faciant , sicut muta videmus facere animalia : Si domos habent , consequens est , ut & urbes habeant . Si habent urbes , &

agros igitur habebunt. Jam quis non videat, quæ sequantur? Arare illos, & colere, quod quidem vietus causâ fit. Ergo mortales sunt. Quod argumentum retroversum idem valet. Si enim agros non habent, ne urbes quidem, si urbes non habent, ne domos quidem. Si domibus carent: ergo & concubitu, si concubitus ab his abest: ergo & sexus fæmineus. In Diis autem videmus, & fæminas esse: ergo Dii non sunt. Secundo, ex duobus sexibus, alter fortior, alter infirmior est. Robustiores enim mares sunt, fæminæ imbecilliores: imbecillitas autem non cadit in Deum: ergo nec fæmineus sexus, Cùm ergo in Diis fæminæ sint, Dii non sunt.

§. X.

Pro Paganis aliqua.

XXXII. **C**ontra ea, quæ diximus, fortè possêt se tueri Paganus: Cur nos Christiani de pluralitate Deorum arguitis, qui in vestra Trinitate tres Personas, hæcque divinas fatemini? Cur nos irridetis, quia ex Diis unum ex alio genitum, nimirum ex Jove Palladem asserimus, qui inter Trinitatis personas unum dicitis Patrem generantem filium, huncque simul cùm Patre tertiam Personam, quæ Spiritus est, producentem asseritis?

XXXIII. Respondetur, nos equidem in S. Trinitate tres distinctas Personas venerari: has tamen fatemur esse substantiâli-
tèr unum Deum, non tres Deos, ut vel infantibus constat. Fatemur quoque, in Deo Patrem esse, ac Filium, Filium à Patre genitum: at non generatione carnali ex concubitu maris, & fæminæ, ut impiè Pagani de suis Diis commenti sunt, sed generatione intellectuali, qualiter ab intelligente procedit Verbum. Asserimus insuper, hunc Filium, seu Verbum genitum, non esse Creaturam, diversam à Patre, ac dissimilem substantiam accipiens, sed ejusdem prorsus naturæ, & consubstantiale Patri, qui eidem eandem divinam naturam modo planè ineffabili communicat, Spiritum autem Sanctum ex mutuo Patris, & Filii naturaliamore in eadem divinitate procedere, dicimus, hæcque tres divinas Personas semper sibi mutuo coexistisse. Ita S. Cyrillus Juliano similia objicienti tum lib. 4. tum lib. 8. his verbis: *Sed forsitan existimat, (Julianus) nos cùm Sanctorum pugnare sententiis, ac tres Deos confiteri, propterea quoddam rectam fidem secuti, Deo & Patri coexistere semper decernimus illum ex ipso, & in ipso, & proprium ejus unigenitum Deum Verbum, adeoque Spiritum*
sum

zum Sanctum quoque, utpotè consubstantialiæ ipsi. Una siquidem divinitatis natura in tribus subsistentiis intelligitur, in Patre nimirum, & Filio, & Spiritu Sancto: à nobis autem nullo modo secatur in naturarum diversitatem, neque verò, quæ prius dicta sunt, à se invicem in diversum substantialitèr abeunt, sed una, & eadem per Sanctam Trinitatem ratio tendit in unam divinitatem naturam colligens, tamen unumquodque per propriam hypostasin intelligatur subsistere. Quare licet unum aliquis Deum dicat, non tamen sine proprio genimine Patrem usquàm intelliget, neque verò sine Spiritu, qui secundum naturam ex ipso procedit, qui & proprius est ejus. Quemadmodum enim, qui dicit hominem, usquequaque meminerit eorum, quæ substantialitèr illi insunt, quæ si adsint, hominem perficiunt, sui autem absint, neutiquam: eodem opinor modo, aliorum quoque nominum significatio necessariam rebus infert observationem. Igitur qui Patrem dicit esse Deum, simul significat cum ipso, & proprium ejus, & ex ipso, & in ipso secundum naturam Filium.... & si opifex semper est, nec in tempore id consecutus est, simul utique est is, per quem omnia operatur, splendor gloriæ ipsius, & character illius substantiæ... &c. Hæc Cyrillus.

XXXIV. Secundò reponent Paganī, se admisisse quidem plures Deos, attamen supra istos cognovisse unum Deum, cujus cæteri Dii essent quasi Virtutes. Ita Maximus Madaiensis ad Sanctum Augustinum ep. nunc 16. aliàs 43. Equidem unum esse Deum summu[m] sine initio, sine prole naturæ, cui Patrem magnum, atque magnificum, quis tam demens, tam mente captus neget, esse certissimu[m]? Hujus nos virtutes per mundanum opus diffusas multis vocalibus invocamus, quoniam nomen ejus cuncti proprium videlicet ignoramus, nam Deus omnibus religionibus commune nomen est. Ita fit, ut dum ejus quasi quædam membra carptim variis supplicationibus prosequimur, totum colere profectò videamur. Idem Seneca lib. 4. de beneficiis cap. 7. Unde Lactantius lib. 1. inst. cap. 11. Convicti de uno Deo, cum id negare non possunt, ipsum se colere affirmant, verum hoc sibi placere, ut Juppiter nominetur.

XXXV. Scio, emundioris naris Gentiles vidisse, unum esse Deum, saltem principem. Verum dum multiplicarunt alios Deos, Deum non sicut Deum glorificaverunt; sed commutaverunt veritatem Dei in mendacium, & servierunt potiùs creaturæ, quàm Creatori, ut ait Paulus Rom. 1. 25., dum Virtutes illas à summo Deo per totum mundum diffusas, quæ certè creaturæ Dei sunt, tanquam Deos colebant. Insuper sibi ipsis repugnabant, dum eas vocabant Deos, & à Summo factas, ejusque ministras esse, asserēbant. Unde Maximus supracitatus episto-
lam

lam suam ad Augustinum claudebat sic: *Dii te servant, per quos & eorum, atque cunctorum mortalium communem patrem, universi mortales, quos terra sustinet, mille modis concordia discordia veneramur, & colimus.* Quomodo ergò veri Dii esse poterant, qui cùm mortalibus communem Patrem habere dicuntur? Quomodo divinitatem habere poterant, qui à Deo facti dicebantur? Rursus Plato apud D. Augustinum 13. de Civit. Dei c. 16. Deos à summo Deo factos dicebat esse corporeos, imò colligatione animæ, & corporis naturâ suâ esse mortales, ac sola voluntate summi Dei factos immortales. Quales autem Dii erant isti, qui nedum ab alio facti erant, sed insuper corporei, ac natura mortales ab alterius gratiosa voluntate immortalitatem acceperant?

XXXVI. At inquires, Deos Paganorum fuisse, sicut apud nos Catholicos bonos Angelos, ac Sanctos; hos enim veneramur, & colimus, non tanquam summum Deum, sed tanquam summi Dei ministros, vel amicos. Sicut autem Pagani ab uno Deo unam rem, ab alio aliam, petebant, puta à Cerere fruges, à Baccho vinum: ita & nos ab uno ex Sanctis rem unam, ab alio aliam, petere solemus. Vel ergò Pagani saltem sapientiores damnandi non sunt, vel damnandi cùm ipsis nos Catholici erimus.

XXXVII. Similia ajebat Maximus supra relatus, cui Augustinus ep. 17. olim 44. respondet. *Ad summam tamen ne te hoc lateat, & in sacrilega convitia imprudentem trahat, scias, à Christianis Catholicis, quorum in vestro oppido etiam Ecclesia constituta est, nullum coli mortuorum, nihil denique ut numen adorari, quod sit factum, & conditum à Deo, sed unum ipsum Deum, qui fecit, & condidit omnia.* Veneramur ergò nos Catholici, & aliquem cultum præstamus Angelis, ac Sanctis, eos invocamus, & adjuutores poscimus, at non tanquam Deos, ac numina colimus, quasi ab iis aliquid expectantes, sed ut per eorum merita, & intercessionem, qui Dei amici sunt, ab ipso Deo id, quod petimus, reportemus. Hinc similia objicienti Fausto Manicheo (lib. 20. contra Faustum c. 4.) *Sacrificia eorum (Deorum) vestistis in agapes, Idola in martyres, quos votis similibus colitis.* Respondit S. Augustinus ibi c. 21. *Populus Christianus memorias martyrum religiosa solemnitate concelebrat, & ad excitandam imitationem, & ut meritis eorum consocietur, atque orationibus adjuvetur: ita tamen ut nulli martyrum, sed ipsi Deo martyrum sacrificemus, quamvis in memoriis martyrum constituamus altaria.* Et Cyrillus lib. 6. contra Julianum id exprobrantem: *Sanctos porro (inquit) martyres, neque Deos esse dicimus, neque divino cultu scilicet illos adorare solemus, sed*

sed affectus, & bonoris, & infra: nos autem, uti dixi, sanctos martyres non dicimus fuisse Deos, sed illos omni veneratione prosequi solemus, eorumque loculos veneramur &c. Hinc patet maximum discrimen inter Paganorum Deos, ac Sanctos nostros; nos enim Sanctos non dicimus Deos, nec eis divinum cultum præstamus, nec dicimus, esse partes, seu membra Dei, sed Dei servos, & creaturas, nec illis Tempia sicut Diis erigimus, neque sacrificia offerimus, sicut Pagani, sed colimus, ac veneramur cultu honoris, non servitutis, non enim Sanctis, sed uni Deo Sanctorum & nostro servimus.

XXXVIII. Quod si ad aliquem eorum pro una potius necessitate, quam ad alterum confugimus, hoc non ideo est, quia putemus unum præsidere uni rei, alterum alteri, sed quia Deus, qui dividit omnia singulis, prout vult, rem aliquam potius ad unius Sancti petitionem, quam alterius concedere, experti sumus. Cæterum omnes pro quacumque re generaliter apud Deum intercessores cognoscimus. Unde S. Augustinus epist. olim 137. nunc 78. ostendens, in aliquibus martyrum memoriis quædam miracula fieri, quæ in aliis non fiunt, ait: *Sicut enim, quod Apostolus dicit, non omnes Sancti habent dona curationum, nec omnes habent dijudicationem spirituum, ita nec in omnibus memoriis Sanctorum ista fieri voluit ille, qui dividit propria, prout vult.* Verum Pagani ex suis Diis ita unum præsidere uni rei putabant, ut alteram, quæ sub præsentia alterius numinis esset, dare non posset, ut advertit S. Augustinus lib. 6. de Civit. Dei cap. 1. propterea concludens: *Porro si à Cerere vinum, à Libero panem, à Vulcano aquam, à Lymphis ignem petere, erroris est, quantum majoris deliramenti esse intelligi debet, si cuiquam istorum pro vita supplicetur æterna?*

XXXIX. Accedit, summam esse differentiam inter Deos Gentilium, & nostros Sanctos. *Sacra enim* (inquit D. Cyrillus lib. 6. contra Julianum) *ipsi fecerunt hominibus, iisque flagitiosis, & impudicis, omnique vitio laborantibus, qualis sanè fuit celeberrimus ille Hercules, quem Jove & Alcmena prognatum dicunt, cui magnum eximiumque certamen attribuunt, quod nocte una quinquaginta virgines stupravit &c.* Nostri verò, quos colimus, Sancti fuere viri pietate, ac heroicis virtutibus insignes, quorum aliqui pro veritate strenuè certaverunt, ac sinceritatem fidei eò usque servarunt, ut animam ipsam propter Deum contemserint, & virtutis adèd mirabilis se ipsos veluti quasdam imagines vitæ hominum proposuerint; quare concludit S. Cyrillus: *Nihil est absurdum, imò necesse erat, eos, qui tam claris facinoribus excelluerunt,*

ornari perpetuis honoribus. Hæc satis sit delibasse, plura enim diximus, cum Sanctorum cultum, & Imaginum venerationem contra Protestantes asseruimus. Interim validum conficimus argumentum ex eo, quod sapientiores inter Ethnicos, magisque ad mores compositi, Deos, vel eos, quos tanquam numina colebant, despicerent, atque aspernarentur. Antisthenes Socratis familiaris, Diogenisque præceptor (apud Clem. Alexandr. lib. 2. Stromat. pag. mihi 406.) Ego, inquit, *Venerem si acciperem, jaculis confunderem, quodd multas nostras pulchras, ac bonas uxores corruerit: & natura vitium dicit Cupidinem, à quo cum vincantur miseri, morbum Deum appellant*. Et lib. 7. Strom. pag. 711. Xenophanes advertens, homines secundum propria genia, & formas sibi Deos suos effingere, dicit, quod *Græci sicut hominibus forma similes, ita iidem quoque, quibus ipsi, animi perturbationibus Deos ponunt obnoxios, & quemadmodum eorum formas sibi similes singuli describunt ... Ethiopes quidem nigros, & sumos, Thracæ autem fulvos & caruleos: ita etiam animos assimilant iis, qui eos effingunt: Barbari quidem agrestes & efferatis moribus; Græci autem mansuetiores, sed in quos tamen cadunt motus & perturbationes*. Quis ergo non excreetur tales Deos, quales ab illismet, qui eos colebant, describuntur?

XL. Reponent Pagani, plura à Diis suis se fuisse consecutos, ab iis accepisse oracula, seu responsa, Deorum simulacra fuisse locuta, ventura prædicendo, ac mirabilia multa patrasse, quæ omnia argumentum fuerunt insidentis in ipsis divinitatis.

Responderi potest primò negando, Idola unquam voces humanis similes revera edidisse, sed ea, quæ tanquam oracula, aut Deorum responsa fatidici venditabant, nimium credulos capientes, astutiâ, & fraudibus sacerdotum numinis intus loquentium accidisse, & plerumque etiam ex forti imaginatione adstantium, dum ventus ingrueret per rimas, aut humiditate, vel siccitate nimia, ligna illa crepitus ederent, suspiria, & quasdam, quasi voces audiri, existimasse. Ita sensit Plutarchus, cui suffragatur Titus Livius, qui pro fabula reputat, Junonis simulacrum fuisse locutum, ac interroganti cuidam, num vellet Romam ire, auditum fuisse, respondere se velle. Aristoteles tribuit humori melanconico divinationes illas, quia, qui illo abundat, ingenio magis valeant, eò quodd acrimonia atræ bilis contrahat spiritus, ut obscura difficiliaque melius perspiciant. Sed communius creditum fuit, fraudibus humanis oracula constituisse. Fraudes has adumbravit Coelius Calcagninus in suo de Oraculis libello. Dixeris etiam, vel illud suspecta reddere oracula, quod ferè

ferè ita essent ambigua, ut, ad eorum intelligentiam altero opus esse oraculo, videretur. Ita qui, ea omnia fictitia fuisse, arbitrati sunt.

XLI. Verùm quia de Diis, ac eorum simulacris aliqua prodigiosa narrantur contigisse, quæque humanum visa sunt excellere, sicut & prædictiones multorum, ad quæ nulla ratione hominis acumen pertigisset: atque hæc iis etiam præstiterè, qui oracula venerant exploratum, hominibus vasis, nec admodum credulis, qui fraudes facillè detexissent. Ideò respondent secundo alii, causas talium mirabilium, & etiam oraculorum fatidicorum fuisse Dæmones. Ita Porphyrius lib. de Dæmonibus, & Jamblicus de Mysteriis sect. 3. c. 18. 19. & 20. ubi ostendit, divinationis causam esse vel Deum, vel Angelos, vel Dæmona, non vatem, aut animam humanam vi Phantasiæ. Et Lactantius Firmianus lib. 2. instit. postquam c. 8. admisit ut verum, simulacrum fortunæ non semel locutum, item Junonis Monetæ juveni illam interroganti, num Romam vellet ire, respondentis, se velle: deinde c. 17. ubi agit de Dæmonibus, eorumque fallacibus inventis, atque portentis: *Offundunt, inquit, tenebras, & veritatem caligine obducunt, ne Dominum, vel Patrem suum norint, & ut illiciant facillè, in Templis se occultant, & sacrificiis omnibus præstò adsunt, eduntque sæpè prodigia, quibus obstupescit homines fidem commodent simulacris divinitatis, ac numinis. Inde est, quod ab augure lapis novacula incisus est, & quod Juno Vejenfis, migrare se Romam velle, respondit &c.* Et Augustinus ipse lib. 4. de Civit. Dei c. 19. loquens de Fortunæ muliebris simulacro, quod dicebatur fuisse locutum, ait, *quod si quidem verum sit, mirari nos non oportet: non enim malignis Dæmonibus etiam sic difficile est salutare.* Dæmonas etiam mirabilia posse facere, vel immutando Phantasiam interiùs, & alios corporeos sensus, vel exteriùs aliquod corpus formando, variasque figuras assumendo, docet D. Tho. 1. p. q. 114. a. 4. ad secundum, q. 16. de malo a. 9. ad secundum, & alibi. Et hoc pacto poterant, etiam aliqua vaticinari, cum aliqua futura in suis causis prænoscant, ea nimirum, quæ ut in pluribus evenire contingit, ut docet idem S. Thom. 1. p. q. 57. a. 3. quia tamen hæc non certò cognoscunt, & multò minùs, si prorsus contingentia sint, ac libera, ut docet idem S. Doct. 1. p. q. 14. a. 13. & q. 57. a. 3. hinc erat, ut oracula verbis ambiguis conciperentur, obscuris, ac perplexis, quò oracula crederentur malè intellecta, si eventus non responderet. Potest etiam dici, non esse absurdum, credere, aliquà divinà dispensatione permisum aliquando fuisse, ut dum consuleretur Dæmon, certa,

ac vera responsa haberentur, sicut Saul consulens Dæmonem per Pythonissam certum suæ mortis oraculum accepit. Non enim, ait D. Thom. 2.2. q. 172. a. 6. *ad primum*, *Propheta Dæmonum semper loquuntur ex Dæmonum revelatione, sed interdum ex inspiratione divina, sicut manifestè legitur de Balaam, cui dicitur Dominus effa locutus num. 22. licet esset propheta Dæmonum, quia Deus nititur etiam malis ad utilitatem bonorum, unde per Prophetas Dæmonum aliqua vera prænunciat, tum ut credibilior fiat veritas, quæ etiam ex adversariis testimonium habet; tum etiam quia, cum homines talia credunt, per eorum dicta magis ad veritatem inducuntur; unde etiam Sybillæ multa vera prædixerunt de Christo. Sed etiam, quando Propheta Dæmonum à Dæmonibus instruuntur, aliqua vera prædicunt, quandoque quidem virtute propriæ naturæ, cujus est auctor Spiritus Sanctus, quandoque etiam revelatione bonorum Spirituum, ut patet per Augustinum 12. de Genes. ad litteram c. 19. Hæc D. Thomas, qui aliqua per bonos Angelos Dæmonibus revelari docuerat 1. p. q. 64. a. 1. & alibi.*

XLII. At excipies: saltem virtute Dæmonum miracula patrari non poterant; leguntur autem multa à Diis Paganorum edita. Apollonius Tyaneus multa egit mirabilia: coram Domitiano loquens evanuit ab oculis adstantium: puellam Romæ defunctam revocavit ad vitam: cum Templum ingressus esset, valvis repente oclusis, nec usquam unquam visus est, ibique auditæ Virginum voces in hunc modum: *veni, veni, in Cælum veni*: aliaque relata à Philostrato. De Vespasiano refert Tacitus hist. lib. 4. c. 81. cæcum, & manu ægrum sanasse, de Hadriano cecæ mulieri visum restituisse, Pannonium natum cæcum Hadrianum febricitantem contigisse, quo facto & Hadrianum febris reliquit, & cæcus visum recepit. Narrat Spartianus, quod Claudia Vestalis Navem ingentem cingulo traxit, aliaque iterum Vestalis aquam cribro pertuso gestavit, quæ omnia quid aliud sunt, nisi prodigia sola virtute, quæ verè divina sit, factibilia?

XLIII. Respondeo, illa ac similia non fuisse vera miracula, sed ludificationes Dæmonum sensus hominum perstringentium, vel non fuisse opera totam naturæ creatæ vim excedentia. Quod dicitur de Apollonio Tyaneo, qui tot præstigiis miserorum oculos fascinavit, ut pro Deo habitus sit à Hierocle comparatus Christo; unde Alexander Imperator Christi, & Apollonii imagines inter suorum Deorum simulacra collocavit, pari honore utrumque profecutus: fuit insignis Magus, ejusque præstigias recenset, detegitque Eusebius, sicut & Philostrati mendacia in libro, quem edidit contra Hieroclem, ubi ostendit, omnia præ-

dicta, vel fabulas esse, vel ope Dæmonis fuisse facta; quod enim à conspectu Domitiani evanuerit, quodque disparuerit, nec amplius visus sit, fabulam reputat, quamvis & hoc Dæmonum opera fieri potuisset. Quod autem puellam à morte revocavit ad vitam, ipsi Philostrato videtur incredibile, ratiocinatur enim dubitando, num vitalis auræ scintilla intra puellam compressa medicos delituerit, quæ mox pluvia ingruente reviviscens, atque excitata in vultu respirantis puellæ prodita sit. Videri potest Eusebius lib. cit. contra Hjeroclem, omnia, quæ de Apollonio narrat Philostratus, vel fabulosa esse, vel magicis prestigiis conficta, solidis argumentis ostendens, aded ut Euphrates Philosphus, aliique Apollonium magiæ accusarint coram Domitiano.

De Vespasiano etiam refert Tacitus ipse, homines ab eo factos, cæcum scilicet, & manu ægrum, non fuisse arte humana infanabiles. *Medici variè disseruere: huic non exesam vim luminis, & redituram, si pellerentur obstantia: illi elapsos in prævum artus, si salubris vis adhibeatur, posse integrari.* Hæc Tacitus. Si ergo uterque poterat arte medica curari, quanto citius arte Dæmonis? De Hadriano Spartianus ipse, qui factum narrat, subdit: *Quamvis Marius Maximus hæc per simulationem facta commemoret, idest per incantationes, & magica remedia ad morbum Hadriani levandum adhibita, ut interpretatur Dio.* Verum Salmastius (Histor. augustæ in Spartian. not.) ita scribit: *Omnia, quæ hic Spartianus narrat verè facta, ea Marius Maximus simulata, & ficta esse, commemorabat, & ad hoc tantum excogitata ab Antonino Pio (quem Hadrianus adoptaverat) ut Hadrianus in spem recuperanda sanitatis induceretur, qui idè se occidere tentabat, quod eam recuperare posse desperaret. Hoc ut prohiberet Antoninus, & Hadrianum bono animo esse juberet, quasi brevi convalesciturum, hac illum arte, & simulatione aggressus est. Induxit mulierem quandam, quæ diceret, somno se monitam, ut insinuaret Hadriano, ne se occideret, quod esset benè valiturus, quod cum non fecisset, esse cæcatam. Jussam tamen Hadriano hæc eadem dicere, & genua ejus osculari, recepturam visum, si ita fecisset. Induxit & Pannonium quendam veterem cæcum, qui à febrientem Hadriano tangeretur ad visum recipiendum, quo facto & illam oculos recepisse, & ab Hadriano febrem discessisse. Hæc sunt, quæ per simulationem facta commemorabat Marius Maximus.*

De diabys autem Vestalibus unâ cingulo trahente ingentem navem, alterâ aquam cribro gestante, id arte, & ope Dæmonum factum asserit Lactantius lib. 2. inst. c. 17. Verum et si

darem id, quod de duabus Vestalibus narratur, fuisse verum miraculum divina virtute patratum, quid ex hoc pro Paganis? Miracula illa (si fuerunt vera) non fuerunt edita in testimonium veritatis religionis paganicae, sed innocentiae, ac castitatis illarum Vestalium immeritis calumniis oppressae: quid ergo mirum, si Deus, cui adeo cara virginitas est, in testimonium illius etiam in foeminis paganis posita, miraculum adhibuerit? Equidem sicut usus est Sybillis, ut testibus veritatis Christianae, quidni poterat uti illis foeminis ad testimonium virginiae integritatis? Sanè si brutis interdum, causâ iustâ accedente, etiam miraculosè opem tulit, cur non idem credi potest in foeminis illis, quæ & si religione seductæ, in castitate tamen servarunt fidem? Operatur (inquit D. Thom. 2.2. q. 178. a. 2.) *ea miracula Deus ad hominum utilitatem, & hoc dupliciter. Uno quidem modo ad veritatis prædicatæ confirmationem, alio modo ad demonstrationem sanctitatis alicujus, quam Deus hominibus vult proponere in exemplum virtutis. Primo modo miracula possunt fieri per quemcumque, qui veram fidem prædicat, & nomen Christi invocat, quod etiam interdum per malos fit, & secundum hunc modum etiam mali possunt miracula facere. . . . Secundo autem modo non fiunt miracula, nisi à Sanctis, ad quorum sanctitatem demonstrandam miracula fiunt, vel in vita eorum, vel etiam post mortem, sive per eos, sive per alios &c. Cum ergo in Vestalibus illis, ea, quæ narrantur, prodigia facta fuerint ad veritatis assertæ, nimirum virginitatis, confirmationem, & insuper ad commendationem castitatis earum, non video, quin potuerint esse vera miracula divina virtute facta. Quapropter ad rem nostram idem Angelicus q. 6. de potentia a. 5. ad quintum loquens de Vestali, aquam in vase perforato de Tiberi portante, nec tamen effusam, ait, non est remotum, quin sit in commendatione castitatis, quod Deus verus per suos Angelos bonos huiusmodi miraculum per retentionem aquæ fecisset, quia si quæ bona in Gentilibus fuerunt, à Deo fuerunt.*



CAPUT V.

De Idololatria Hebræorum.

§. I.

De Idololatria Vituli.

I. **H**ebræos fuisse in Idololatriam nimium pronos, testatur Scripturæ, quæ passim per Prophetas de hoc crimine illos reprehendunt. Morbum hunc in Ægypto, ubi servierunt, contraxere, eoque identidem laboravere positi in Terra Promissionis, pravo exemplo vicinarum gentium, quæ Idololatriæ vacabant, & quibuscum frequenter conversabantur, permoti. Celeberrimus actus Idololatriæ in populo Hebræo fuit, qui narratur Exod. 32. ubi Mosè trahente moram in Sina coram Deo, Populus tædio affectus, ac moræ impatiens, petiit ab Aaron, ut ipsis faceret Deos, qui illum præcederent in itinere per desertum, existimans, fortè Mosem veluti à Deo raptum non amplius rediturum. Quibus Aaron nimium indulgens, ex inauribus, ac monilibus mulierum confecto Vitulo aureo, hunc illis clamantibus n.4. *Hi sunt Dii tui Israel, qui te eduxerunt de terra Ægypti*: proposuit adorandum: sequitur enim v. 5. *quod cum vidisset Aaron, edificavit altare coram eo, & præconis voce clamavit dicens: cras solemnitas Domini est. Surgentesque mane obtulerunt holocausta, & hostias pacificas*. Quæremus ergò in adoratione hujus Vituli, quæ actus ingentis Idololatriæ fuit, & propterea à Deo severè punita, quò directà fuerit illius populi intentio, seu quid intenderit adorare in Vitulo illo.

II. Occasionem huic quæsito dedit Calvinus, qui tum in commentariis ad dictum Caput Exodi, tum in lib. 1. instit. c. 11. §. 9. & 10. asseruit, Hebræos in illo Vitulo sibi representasse, & coluisse verum Deum, concludens: *Nihilominus & Deum æternum Judæi unum, verumque Cali, ac terræ Dominum sub talibus simulacris persuasi erant se colere*, & hac ratione Idololatrias fuisse, non quia falsum Deum colerent, ut Gentiles, sed quia etsi verum Deum colere intenderent, illum tamen sub imagine sensibili colere voluerunt. Et hoc hæresiarca ille excogitavit, ut inde inferret, Idololatriam nos non effugere, qui licet verum Deum colamus, illum tamen sæpè colimus sub imaginibus sensibilibus representatum.

III. Cal-

III. Calvinum sequuntur ejus gregales, quos inter Vossius lib. 1. de orig. & progress. Idololatr. c. 3. arbitrans, *Disdæmoniam* nimirum superstitionem numinis, & Idololatriam non solum esse, cum homo, alium colere Deum, in animum inducat, sed etiam si cultum religiosum mandato Dei adversantem vero Deo præstet, ut si in creatura, tanquam symbolo divinum representante numen, Deum verum adoret. Hanc, inquit, fuisse Idololatriam Israelitarum adorantium in Vitulo Deum, eandem fuisse Michæ in suo simulacro, de quo Judic. 17. & Jeroboami in suis Vitulis, quos in Dan, & Bethel constituit, ut legere est 3. reg. 12. 28. At longè aliter fuisse Idololatræ Achabum, aliosque, qui adorando Baal, Astaroth &c. falsa numina adorabant, & non solum verum numen in imagine falsa, vel cultu irreligioso. Ita Vossius. Videndum est modò, an vera dicant hi Novatores.

IV. Dico: Israelitæ adorantes Vitulum fuerunt Idololatræ, non præcisè quia in illo Vitulo, ceu in symbolo, vel imagine, adoraverint verum Deum: sed quia in illo intenderunt adorare, & colere falsum Deum, qualem adorabant Ægyptii. In prima parte hujus asserti dixi, Israelitas non præcisè fuisse Idololatræ, quia in illo Vitulo adoraverint verum Deum; non diffiteor enim, Idololatriæ, seu superstitionis reum fore, qui sub symbolo vetito, vel sub imagine falsi numinis verum Deum adorare vellet, & ob id etiam damnandos, ut in speciem Idololatræ Israelitas, si sub imagine Vituli instituta ad representandum, & colendum falsum numen Ægyptiorum, intendissent adorare verum Deum, sicut damnandus esset, tanquam superstitiosus, & vehementem Idololatriæ præsumptionem fundaret, qui sub symbolo, aut effigie bovis, vel aliqua inuitata, & ignota imagine, aut ritu paganico intenderet colere verum Deum, quia quod naturâ suâ malum est, vel usu, & consuetudine ordinatum ad falsi numinis, vel religionis contestationem, non potest intentione utentis cobonestari, dicente S. Augustino contra Mendacium c. 7. *Ea, quæ constas esse peccata, nullo bono causâ obtentu, nullo quasi bono fine, nullâ velut bonâ intentione facienda sunt; quæ ratione damnati à Clemente XI. sunt ritus, & cæremoniæ, quas Neophiti Sinenses exhibebant Confusio, ac defunctis, etsi protestarentur, iis se colere, non Confusum, aut defunctos, sed verum Deum. Cum ergò Hebræi adorando Vitulum exterius adorarent, quòd Ægyptii sacrilegè adorabant, non juvaret illos bona intentio, nimirum adorando in illo Vitulo verum Deum.*

V. Censeo igitur (& hæc est secunda pars asserti) Hebræos fuisse

fuisse Idololatrias, quia in illo Vitulo intenderunt colere, & adorare Apim, aut Serapin, quem Ægyptii adorabant, ut Deum in bove, aut vitulo. Et probò primò ex eorundem Hebræorum petitione, qui accedentes ad Aaron Exod. 32. 1. dixerunt: *Surge fac nobis Deos, qui nos præcedant*. Stulta equidem cogitatio, volebant Deum ab homine factum, qui eos doceret viam per desertum, quam illi nesciebant: quomodo enim illam scire poterant Dii, vel Deus, qui tunc erat nasciturus? Si autem intendissent petere purum symbolum veri Dei, quòd eos præcederet, non dixissent: *fac nobis Deos*, sciebant enim, Deum Israel non esse factum, sed factorem omnium. Volebant ergò, ut Aaron sibi faceret Deos, quos viderant in Ægypto, & quibus fortè multi eorum fervierant, quòd evincitur ex facto. Aaron namque eorum mente percepta statim conflavit eis vitulum, eumque illis proposuit adorandum. Sed quare Vitulum? Cur non potius columnam ad modum nubis, vel ignis, sub quibus symbolis eos præcedere verus Deus consueverat? Quia sciebat eos velle Deum, sicut viderant apud Ægyptios, ut docet Hieronymus in cap. 4. Osee, & in cap. 5. Amos; Ægyptii autem colebant bovem fœminam, seu vitulam Isidi sacram nomine Apis, ac Serapis. Unde vitulam potius quàm vitulum conflasse, verosimile censent non pauci, colore nigram, quadratò in fronte candidam, ac maculatam in tergo, ut censet Herodotus, sive in latere dextro, ut alii. Eum ergò Deum voluerunt, quem colebant Ægyptii, at hi in Vitulo non colebant verum Deum, sed Bovem, Apim scilicet, aut Serapin; ergò hunc coluerunt, non verum Deum. Totum hoc confirmat factum Jeroboami, qui ex Ægypto redux, ut averteret populum à sacrificando in domo Domini in Hierusalem, fecit duos Vitulos aureos (more scilicet Ægyptio) dicens: ecce Dii tui Israel, qui te eduxerunt de terra Ægypti, ut legitur 3. reg. 12. 28. Posuitque unum in Bethel, & alterum in Dan. Dicit ne Calvinus, Jeroboamum hos vitulos conflasse, ut populum in eis verum Deum adoraret? At contrarium dicit Scriptura ibi 32. ubi dicitur, Jeroboamum immolasse Vitulis, & cap. 14. 9. Uxor Jeroboam increpatur ab Ahia Propheta his verbis: *vade & dic Jeroboam... operatus es mala super omnes, qui fuerunt ante te, & fecisti tibi Deos alienos, & conflavisti &c.* Dii autem alieni, & conflaviles non erant verus Deus; nec contrarium suspicari licet: si enim Jeroboam nil aliud voluit adorari in Bethel, & Dan, quàm Deum verum, qui adorabatur in Templo Hierosolymitano, quare ibi posuit vitulos, & non posuit Arcam ad formam illius, quæ Sedes Dei erat in Templo Hiero-

solymitano? Quare non video, quomodo Calvinus, & Vossius asserere queant, Hebræos non in alieni Dei cultu peccasse, sed præcisè eo quòd contra Dei præceptum eum in idolo colere voluerint. Verùm etsi gratis darem Calvino, & Vossio, Aaronem & Jeroboamum non intendisse, proponere Vitulos populo, ut in Vitulis adorarent Apim, seu aliud falsum numen, sed ut in illo signo adorarent verum Deum, hoc enim erui posset ex illis verbis Aaronis Exodi 32. 5. clamantis: *Cras solemnitas Domini est*, non Vituli. Et de Jeroboamo etiam ejus mentem, saltem ut solum exteriùs prolata, fuisse, ut Deum, quem adorabat populus in Templo Hierosolymitano, sedentem super Cherubin, adoraret in vitulis, quos posuerat in Dan, & Bethel, ne eundo in Hierusalem cor populi averteretur ab eo ad Roboam. Quare Josephus lib. 8. antiq. Judaic. cap. 3. inducit Jeroboamum ita loquentem populo: *Viri populares notum vobis existimo, quod nullus locus Deo est vacuus, & quod is nullo certo loco includitur, sed ubique vota exaudit, ubique cultores suos respicit. Quare non placeat mihi, hoc tempore, vos Hierosolymam urbem insensam longo itinere proficisci religionis ergò. Homo illud Templum statuit, quemadmodum, & ego duas aureas vitulas consecravi, alteram in Bethelis, alteram in Dana, ut pro locorum opportunitate ex propinquiorebus oppidis ad eas confluentes, illic Deum ritè adoretis. Hoc, inquam, etsi darem, nunquam tamen populum in illis vitulis adorasse verum Deum, sed reverà in vitulis more Ægyptiaco suam adorationem fixisse.*

VI. Hoc ut demonstrarem, recolo, Boum cultum apud Ægyptios frequentissimum fuisse, etiam eo tempore, quo Judæi in Ægypto fuere. Quapropter Pharaoni dicenti Moyfi & Aaron: *Ite, sacrificate Deo vestro.* Respondit Moyses Exodi 8. 25. *Non potest ita fieri: Abominationes enim Ægyptiorum immolabimus Domino Deo nostro. Quod si mactaverimus ea, quæ colunt Ægyptii, coram eis, lapidibus nos obrueat.* Secundò observo, eorum animalium, quæ viva coluerant, imagines, & simulacra in suis Templis erexisse, & adorasse. Ita Pomponius Mela lib. 1. c. 9. *Colunt effigies multorum animalium, atque ipsamet animalia, & Strabo lib. 17. eorum Tempia describens, simulacrum verò nullum, aut non ad hominis formam, sed bestia alicujus effitum.* Tertio observo, Judæos plerosque tempore servitutis Ægyptiacæ superstitionem Ægyptiorum ebibisse, eorumque Diis servivisse, indeque pronitatem ad Idololatriam contraxisse, quam reprehendunt Josue 24. 14. *Auferte Deos, quibus servierunt Patres vestri in Mesopotamia, & in Ægypto.* Ezechiel 20. 7. 8. & cap. 23. 8. *In-*
su-

super fornicationes suas, quas habuerat in Ægypto, non reliquit. Quæ ergo credi potest, Populum assuetum adorare bruta ut Deos, ideoque (ut ait Aaron Exod. 32. 22.) pronum ad malum, proposito sibi vitulo, hunc non adorasse, sed Deum verum; eò vel maxime quia putabant, Deum verum absente Mose ab eis recessisse, ideoque dixerunt: fac nobis Deos, qui nos precedant, huic enim Moyfi, qui nos eduxit de terra Ægypti, nescimus, quid acciderit. Ibid. n. 23.

VII. Manifestius hoc apparet ex verbis ipsius Dei ad Mosem ibid. v. 7. 8. *Peccavit populus tuus.. (non amplius meus, cum me deferuerit, ut exponit Hieron. in cap. 9. Daniel.) feceruntque sibi vitulum confutabilem, & adoraverunt, atque immolantes ei hostias dixerunt: hi sunt Diis tui Israel, qui te eduxerunt de terra Ægypti. Rursus ex verbis Moyfis Deuteron. 32. v. 15. Dereliquit Deum factorem suum, & recessit à Deo salutaris suo; v. 16. Provocaverunt eum in Diis alienis; v. 17. Immolaverunt Dæmoniis, & non Deo; v. 18. Deum, qui te genuit, dereliquisti, & oblitus es Domini Creatoris tui. Quod si non adorassent Vitulum, sed in Vitulo verum Deum, quomodo dici posset, quod immolarunt Vitulo; quod immolarent Dæmoniis, & non Deo; quod dereliquerint Deum; quod obliti fuerint Dei; quod eum provocarint in Diis alienis?*

VIII. Respondet Vossius loco citato, Hebræos dici oblitos Dei, non quia à Deo recesserint alium colendo Deum, sed quia recesserunt, & obliti sunt ejus mandati, nimirum eum colendi, ut oportet, idest non in signo aliquo sensibili. Duplicem, enim ait, esse oblivionem, unam, qua species omnino delentur ex animo, alteram, qua illæ non recoluntur, ut oportet, nempe animo circa alia magis intento: unde fit, ut quis contrarium agat ejus, quod acturus esset, si convenienter recordaretur. Posteriori ratione mulier obliviscitur conjugis sui, sive fœderis conjugalis, quando illecebris plecta sese alteri proxituit. Ac homo item dicitur oblitus Dei, & fœderis divini, cum stultis cogitationibus indulgens alium colere Deum, vel in symbolo interdicto venerari præsumit. Hæc propriè non oblivio est, sed quasi oblivio, sed homo se componit, quasi oblitus: nihilominus in scripturis ipsa etiam numinis oblivio nuncupatur. Hæc Vossius. Pulchra quidem doctrina accepta ex Bonaventura, & Richardo dist. 7. art. 3. q. 1. lib. 1.

IX. Verùm hæc quid ad rem? Hebræos vituli adoratores naturalem Dei, ac beneficiorum ejus oblivionem, ac si species eorum ex ipsorum animis fuerint abolitæ, non fuisse passos, &

ego confiteor . Sed voluntaria oblivione memoriam contrivisse beneficiorum Dei, idest beneficia Dei non recoluisse, ut oporteret, & ita se gessisse, ac si eorumdem non recordarentur, sicut mulier voluntariè obliviscitur viri sui, quando alteri sese prostituit, qua ratione negatur? Fatetur Vossius, Hebræos dici oblitos Dei, quia stultis cogitationibus inhærentes Deum in symbolo interdicto venerari præsumserunt. At cur non fatetur, eos oblitos Dei, quia Deum verum reliquerint, alteri falso Deo adhærendo? Utrumque dicit Scriptura, & oblivionem, & oblivionis modum: *Oblitus es Domini creatoris tui*, ecce oblivionem; at quomodo? *Dereliquit Deum factorem suum: Recessit à Deo salutari suo. Provocaverunt eum in Diis alienis: Immolaverunt Dæmoniis, & non Deo: Deum, qui te genuit, dereliquisti.* Ecce modum. Derelinquere Deum, recedere à Deo, provocare eum in Diis alienis, immolare Dæmoniis, & non Deo, non est præcisè Deum venerari in symbolo interdicto, hoc enim est quidem derelinquere, & recedere à mandato Dei, à vero cultu Dei, non autem à Deo: hoc non est provocare Deum in Diis alienis, hoc non est immolare dæmoniis, & non Deo.

X. Reponet Vossius, hic considerari debere non solum ex proposito humano, sed etiam ex natura rei, & iudicio divino. Atqui utcumque Israelitæ putarent, observantiam suam non in Vitulis, sed in Deo sisti; Deo tamen prorsus averfante hunc cultum, ac quasi à se repellente, non potuit honos ille per Vitulos ad Deum transferri, sed necesse fuit, eum in Vitulis terminari, ideoque iustè potuerunt increpari, quòd Deum dereliquerint, quòd dæmoniis, & non Deo immolarint &c.

XI. Sed contra. Quòd enim Deus averfatus sit illum cultum, & quasi à se repulerit, non facit, ut cultus ille fuerit idolatricus propriè, nec quod tali cultu dici potuerint Deum in Diis alienis provocasse, & immolasse dæmoniis, & non Deo; quia actus pensandus est ex objecto, ac fine ex intentione operantis præfixo; objectum autem illius cultus non fuisset reverentia Idolo, sed Deo; finis etiam præfixus fuisset Deus, quia Judæi illo actu, licet modo indebito, intendissent Deum verum colere, neque ab ipso recedere adorando alium: qui ergò Deus potuisset illos arguere, quòd in Diis alienis illum provocaverint, quòd dæmoniis, & non ipsi immolaverint? Sanè si omnis cultus à Deo rejectus, esset reverà exhibitus alteri, quàm Deo, dici posset, eisdem Israelitis peccantes in solemnitatibus, easque indebitè celebrantes, quas propterea Deus à se repulit, (*Calendas & solemnitates vestras odit anima mea. Isaiæ 1. 14.*) in iis pro-

provocasse Deum in Diis alienis, & in earum sacrificiis immolasse dæmoniis, & non Deo; quin imò omni actu malo, utpotè à Deo rejecto, & in creatura sistente, hominem fieri idololatram, dicique posse, eum non Deo, sed dæmoniis litare. Cùm ergo per Moysen pronunciaverit Deus, adoratores Vituli sacrificasse dæmoniis, & non Deo, provocasse Deum in Diis alienis, dicendum est, eos non solum veneratos fuisse Deum modo indebito, quæ est species superstitionis ab Idololatria distincta, sed honorem Deo debitum alteri à Deo contulisse. Videatur D. Thom. 2.2. q.93. a.1. & 2.

XII. Probo secundo assertum ex psalm.105. *Fecerunt vitulum in Horeb, & adoraverunt sculptile* (ergò non Deum verum) & *mutaverunt gloriam suam* (Deum, qui erat gloria populi illius) *in similitudinem Vituli comedentis fenum. Obliti sunt Deum* &c. Sed quid clarius testimonio Pauli 1. Cor.10.7. *Neque Idololatræ efficiamini, sicut quidam ex ipsis, quemadmodum scriptum est: sedit populus manducare, & bibere, & surrexerunt ludere.* Si ergò fuerunt Idololatræ, adoraverunt Vitulum, non Deum in Vitulo. Hinc Hieronymus in cap.5. Amos: *Ex eo tempore, quo aurum in caput Vituli transformarunt dicentes: isti sunt Dii tui Israel, qui te eduxerunt de terra Egypti, omnia quæ fecerunt, non Deo, sed Idolis scisse, monstrantur: adducens ulterius verba Stephani act. 7.41. Et Vitulum fecerunt in diebus illis, & obulerunt hostias simulacro: & latabantur in operibus manuum suarum.* Si ergò hostias obtulerunt simulacro, igitur eas non obtulerunt Deo. Hujus veritatis testis est etiam D. Augustinus enarrat. in psalm.73. *Inde & Vitulus ille, quem adoravit populus infidelis apostata, quarens Deos Egyptiorum, dimittens eum, qui liberavit de servitute Egyptiorum.* Testis S. Basilius Seleuciens. orat.6. *Vitulum in deserto, sicut in Egypto adorabant.* In Egypto autem non adorabant Vitulum, ut signum veri Dei, sed adorabant Vitulum ut Deum eo modo, quo illum adorabant Egyptii. Unde Philo Judæus lib. de temulentia p.197. *Prævaricari ausus est, ut corpus Deum sibi fingeret, & Typhum Egyptio more coleret, cujus signum erat juvenco aureus: circa quem choreas ducendo insani carmen concinunt.* Et lib.3. de vita Moysi: *Obliti veri Dei cæperunt, amulari signum Egypti, facto juvenco aureo ad imitationem animalis ejus regionis sacratissimi, cui prophana sacra faciebant, & choreas agebant inconditas.* Et lib. de specialibus legibus p.614. *unius veri Dei cultu exploso, & consecrato juvenco aureo ad exemplar Typhi Egyptiaci, vacabant prophanis sacrificiis, & festis nefariis, inconcinnisque choreis.* Hæc Philo, in hoc solum errans,

quodd putet, Vitulum illum fuisse *Typhoni* sacrum, cum tamen *Osfiridis* symbolum fuisse, certum sit: cujus in honorem Apidem, & Mnevin sacros boves ab Ægyptiis fuisse cultos, testantur Diodorus Siculus, & Strabo lib. 17. Pomponius Mela lib. 1. cap. 9. Plutarchus in *Iside* &c.

XIII. Sed audiantur Calvinus, & Vossius. Dicunt, non esse credibile, Israelitas recens egresfos ex Ægypto, atque Dei prodigia in gratiam eorum edita adhuc sub oculis habentes, eorum fuisse oblitos, sed solum quævisse symbolum Dei veri, quodd eos visibiliter præcederet. Ita Calvinus lib. 1. instit. cap. 13. §. 8. *Deum quidem esse noverant, cujus experti virtutem erant in tot miraculis: sed propinquum sibi esse, non confidebant, nisi oculis cernebant corporeum vultus ejus symbolum. A præeunte ergo imagine volebant cognoscere, Deum itineris sui esse ducem.* Calvino subscribit Vossius. Quare secundum istos, quum Israelitæ dixerunt Aaroni: *fac nobis Deos, seu Deum, qui nos præcedant*: fuit idem, ac dicere fac nobis symbolum, quo dignoscamus, Deum nos præcedere. Et cum dixerunt *hi sunt Dii tui Israel*, qui te eduxerunt de terra Ægypti, respexerunt ad verum Deum; quia falsi Dii eos non eduxerant, hinc Aaron id audiens exclamavit: *Cras solemnitas Domini est*. Eò vel maximè, quia hebraicè *Dii tui* idem est, ac *Elohim tui*: & satis constat, nomen *Elohim* tribui uni Deo Israelis. Ita Vossius.

XIV. Sed infœliciter: clamant enim contra hujusmodi interpretationes Scripturæ & PP. textibus supra laudatis. Incredibile equidem videtur, populum tot beneficiis cumularum insurrexisse in suum benefactorem, dum essent beneficia adhuc recentia. Attamen verum est. *Incrassatus est dilectus* (ait Moyses Deuter. 32. 15.) & *recalcitravit, incrassatus, impinguatus, dilatatus, dereliquit Deum factorem suum, & recessit à Deo salutare suo*. Beneficia, quæ Deo vero accepta referre debuerant, corrupti mente Diis Ægyptiorum tribuerunt, ideoque formato vitulo dixerunt: *Hi sunt Dii tui Israel, qui te eduxerunt de terra Ægypti*. Ita S. Athanasius (in illud quicumque dixerit verbum modò in epist. 4. ad Serapionem) qui postquam arguit Hebræos, qui Dei operâ à Christo patrata dixerunt, esse opera Beelzebub; subdit: *Verum non insolens est isthæc eorum insania. Si quidem horum Patres eadem mente præditi, in eremo, cum nuper ex Ægypto egressi essent, vitulo à se confato Dei erga se beneficia referentes, dicebant: hi sunt Dii tui Israel, qui te eduxerunt de terra Ægypti. Ob hanc itaque blasphemiam protinus ex iis, qui talia ausi fuerant, natio non pauci, sed plurimi occisi sunt*. Neque officit: quodd *Dii tui*

sui, respondeat Hebraico *Elohim*. Unde enim probat Vossius, nomen *Elohim* soli vero Deo tribui? Eusebius (Præparat. Evangel. lib. 11. cap. 6. de recta nominum apud Hebr. impositione) quod à nobis (inquit) *Dei nomine exprimitur, id ipsum* (Hebræi) *Elohim dicere consueverunt ab El, ut videtur, quod apud illos robur, potestatemque significat: ut Dei nomen apud ipsos ab ejus potestate, ac robore derivetur*. Falsò igitur putantes Hebræi, illius falsi nominis potestate se eductos ex Ægypto, dixerunt de Vitulo: *Hi sunt Dii, Elohim tui*. Pravâ ergò voluntate decepti obliti practicè sunt Dei sui, ac ita se gesserunt, ac si ab illo beneficia se accepisse non recordarentur, eadem falso numini referendo.

XV. Hæc pro veritate dixi. Cæterùm etsi darem Calvinò, & Vossio hoc falsum, nimirùm, Hebræos peccasse, quòd verum Deum adoraverint in Vitulo, non dabo tamen id, quod inferunt, peccare scilicet, ac Idololatrias esse omnes, qui Deum in imaginibus venerantur, etiam Christianos. Nam primò Hebræis datum fuerat præceptum de non facienda similitudine ulla, quod præceptum utpote positivum illos obligabat, non autem obligat modò Christianos. Secundò quia Hebræi symbolum Dei, quæfiverunt in simulacro paganico, & licèt in eo adorare intenderint verum Deum, quia tamen illum adorarunt ritu Gentili, eorum cultus fuit reprobatus à Deo. Christiani in signum Dei assumunt eas similitudines, ac formas, sub quibus Deus ipse apparuit Prophetis. Tertiò Hebræi, ut Calvinus ipse fatetur, restringebant Dei præsentiam ad signum, seu symbolum, nec propinquum sibi esse credebant Deum, nisi oculis cernerent corporeum ejus symbolum; idèdque cùm moram trahente Moyse in monte, non amplius viderent columnam nubis, & ignis, quæ eos consueverant præcedere, crediderunt, se à Deo derelictos. At Catholici non hac laborant insaniâ: Deum ubique præsentem norunt, sibi semper adesse credunt, quamvis per imagines magis excitentur ad ejus præsentiam considerandam, sicut Hebræis data fuerat Arca, ut in ea specialem Dei præsentiam conciperent, ac venerarentur, & columna nubis per diem, atque ignis per noctem specialem Dei præsentiam attestabatur. Peccarunt ergò, non quia per signum exteriùs figurari præsentiam Dei crediderunt, sed quia taliter Dei præsentiam collocarunt in signo sensibili, ut sine isto Deum non crediderint ipsis esse præsentem, restringentes Dei præsentiam ad signum sensibile. Hinc autem sequitur, vetitum quidem esse in imaginibus credere restrictam Dei præsentiam, non autem vetitum usum Imaginum ad exci-

tan-

tandam considerationem præsentia Dei, eamque venerandam: Sicut estò vetitum sit, credere in Templo sic conclusam Dei præsentiam, ut alibi non sit, non tamen vetitum, habere Temppla, atque Templum locum credere, cui specialiter Deus adsit preces exaudiendo; nec propter abusum aliquorum circa Temppla tollenda ideo Temppla sunt, ut Calvinus ipse fatetur lib.4. inffit. cap.1. §.5., damnans proinde Xersem, quòd *Magorum consilio omnia sustulerit Temppla, quòd absurdum putaret, Deos quibus omnia patere debent, parietibus, & tegulis includi*. Eadem ergò ratione non sunt tollendæ imagines Dei, quia hoc non *est figere Deum terrenis mediis, sed potius vehiculis quibusdam nos sursum efferre ad Deum in caelesti gloria-contuendum*. Sed de his uberius cum de sacris Imaginibus, ac earum veneratione tractavimus.

§. II.

Politheï apud Hebræos.

XVI. **P** Ræter Politheïsmum Paganorum non defuerunt Politheï, tum apud Hebræos, tum etiam apud Christianos. De primis cursim agemus in præsentî §., eos purè recensendo, cum refutata ex dictis maneat eorum insania. Hi fuerunt Ranatitæ, Muscaronitæ, Musoritæ, Puteoritæ, Fortunatitæ, Theopphetitæ, Molochitæ, Remphanitæ, & alii.

XVII. Ranatitæ Philastrio teste de hæres. cap.11. dicebantur, qui Ranas colebant: cum enim Moïsi imperio infestatos ab illis Ægyptios viderent, existimarunt, hac vanâ observantiâ iram se posse placare divinam.

XVIII. Muscaronitæ, sic dicti à Musca, & Accaron, Philastrio teste cap.13., erant apud eosdem Judæos hi, qui in Civitate Accaron Muscas adorabant, seu potius Beelzebub dæmoniorum Principem, qui erat Deus Accaron, dictus propterea Muscarum Deus, quia sædo Muscæ colebatur Sacrificio: ad hunc misit Ochozias nuntios eum consulturus, num de sua infirmitate, qua laborabat, convalesceret. Verum divino monitu Elias ob id ei mortem prænuñciavit hisce verbis 4. reg. 1.3. *Nunquid non est Deus in Israel, ut eatis ad consulendum Beelzebub Deum Accaron? Quamobrem de lecto, super quem ascendisti, non descendes, sed morte morieris*. Hunc indicabant Pharisei, quum per contumeliam opera Christi ascribebant Beelzebub, dicentes Lucæ 11. 15. *in Beelzebub Principe dæmoniorum ejicit dæmonia*, quos acutissimè redarguit Christus.

XIX. Mu-

XIX. Musoritæ eodem Philastrio teste cap. 12. erant apud Judeos adoratores murium. Hujus abominationis origo fuit hæc. Cum Philistiim Arcam Dei bello captam in Idolio Dagon reposuissent, ut legitur 1. reg. 5. 6., aggravata est manus Dei super illos, atque inter alias plagas, ebullierunt villæ, & agri in medio regionis eorum, & nati sunt mures. Quod videntes, de suorum Sacerdotum consilio remittentes Arcam, quinque muribus aureis juxta numerum Provinciarum Philistiim eam donarunt. Qui mures maximo in honore à quibusdam Judæis habiti, & tanquam numina culti fuere, propterea Musoritæ vocatis.

XX. Puteoritæ eodem Philastrio auctore c. 20. fuere Judæi Puteos colentes, quos in altum fodiebant, indeque aquam haurientes salutarem appellabant, in ea quidpiam salutis reponentes. Proinde objurgati per Jeremiam cap. 2. 13. *Me dereliquerunt fontem aquæ vivæ, & foderunt sibi cisternas dissipatas, quæ continere non valent aquas.* Cui arrisit Christus Joann. 4. cum promittens mulieri Samaritanæ aquam, & respondente illa: neque in quo haurias habes, & puteus altus est, reposuit: *Omnis, qui bibit ex aqua hac, sitiet iterum* (fortè enim puteus ille erat unus ex superstitiosis) *qui autem biberit ex aqua, quam ego dabo ei (nimirum baptismatis) non sitiet in æternum.*

XXI. Fortunatitæ teste Philastrio cap. 15. erant inter Judæos, qui fortunam, seu Reginam cœli colebant, putantes, ut tradit Alexander ab Alexandr. Genial. dierum lib. 1., eos, qui illam religiosè colerent, magnis incrementis augendos, qui verò minimo cultu eam prosequerentur, aut etiam despectui haberent, plurimis malis esse affligendos. Per Reginam Cœli putat S. Hieronymus ab iis intelligi Lunam, eò quòd præ cæteris astris hæc inferiora regat; Vel militiam Cœli, puta solem, lunam, aliæque sydera; sicque accipi debet, quòd dicitur 2. paralip. 33. 3., quòd Manasses adoravit militiam Dei; planetæ enim, & astra in cœlo tanquam milites Dei ordinata acie incedunt, pugnant, vibrantque fulmina in hostes, cum opus fuerit. Fortunatitas increpat Jeremias cap. 7. 17. dicens: *Mulieres conspergunt adipem, ut faciant placentas Regina Cœli, & cap. 44. 18. iterum increpiti responderunt. Ex eo autem tempore, quo cessavimus sacrificare Regina Cœli, & libare ei libamina, indigemus omnibus; & gladio, & fame consumti sumus.*

XXII. Tophethitæ Philastrio teste cap. 19. ex Judæis ii erant Idololatræ, qui filios, filiasque suas in holocaustum vivas offerebant in Tophet, idest in luco, seu sylvâ Idolo Moloch celeberrimâ, in valle filiorum Ennon posita, psallentibus inter-

rim

rim Sacerdotibus altissima voce, tubisque, & tympanis (unde ortum loci nomen Tophet, quod est tympanum) perstreperantibus, ne miserorum puerorum ejulatus audiretur à parentibus, vel affinis, quibus persuadebant, infantes hac via à Diis ad æthera rapi; contra quos ore Domini clamant Prophetæ, David ps. 105. 37. *Immolaverunt filios suos, & filias suas demoniis: Isaias cap. 30., Ezechiel cap. 16., eisque mala comminatur Hieremias cap. 7. Edificaverunt excelsa Tophet, quæ est in valle filii Ennon, ut incenderent filios suos, & filias suas igni, quæ non præcepi, nec cogitavi in corde meo; ideo ecce dies venient dicit Dominus, & non dicetur amplius Tophet, & vallis filii Ennon, sed vallis interfectionis, & sepelientur in Tophet, eo quod non sit locus &c.* Quodd impletum esse, ait Hieronymus in dictum caput, ab anno nono Sedecie Regis usque ad annum duodecimum, obsidente Nabuchodonosor Rege Babylonis Hierusalem.

XXIII. Molochitæ, & Remphanitæ apud eosdem erant, qui Moloch, & Rempham Idola colebant, numina Ammonitarum, iisdem filios, ac filias suas initiantes contra præceptum Domini Levit. 18. & 20.; objurgati propterea per Hieremiam cap. 32., & Amos cap. 5. Moloch illis erat idem, quod Consiliarius, & Rempham idem, quod sydus illud, quod luciferum vocant, quodque dicitur Venus unus ex septem planetis, de quo S. Stephanus art. 7. 42. *Convertit autem Deus, & tradidit servire militiæ cali, sicut scriptum est in libro Prophetarum: nunquid victimas, & hostias obtulisti mihi annis 40. in deserto domus Israel? Et suscepisti tabernaculum Moloch, & Sydus Dei vestri Rempham, figuras, quas fecisti adorare eas.* Hæ inter alias sunt species Idololatrarum apud Judæos insipientes, quos satis fuerit recensuisse, quum ex supra dictis contra Idololatræ Paganos rationibus maneat refutata.

CAPUT VI.

De Polytheis apud Christianos.

§. I.

Recensentur Polythei.

Non defuere ex Christianis infecti maculâ Polytheismi. Hi sunt Carpocratiani, Gnostici, Cerdoniani, Valentiniani, Marcionitæ, Appellitæ, Manichei, Severiani, A. banenses, Albigenes. Omnes hi, aliique Dei unitatem disceperere.

I. Car-

I. Carpocratiani à Carpocrate genere Alexandrino, qui secundo seculo Hadriano Imperatore, & Xisto Pontifice erupit, dicti sunt. Hic homo nequissimus, omnemque libidinis usum licitum docens, inter alia teste S. Augustino lib. de hæresibus cap. 7. *Negabat à Deo factum, sed à nescio quibus virtutibus, mundum.* Ejus discipuli imagines Christi proponebant cum imaginibus Philosophorum, Platonis, Homeri, & Pythagoræ, ac aliorum, & (refert D. Augustinus) *Setta ipsius fuisse traditur quadam Marcellina, quæ colebat Imagines Jesu, & Pauli, & Homeri, & Pythagoræ, adorando, incensumque ponendo.*

II. Gnostici, ut ait D. Augustinus ibi cap. 6., qui sic appellari voluerunt propter excellentiam scientiæ, ut hoc specioso nomine turpitudines, ac obscenitates, quas usu habebant, velarent, vel à Nicolaitis, vel à Basilide, vel à Carpocrate orti putantur. Hi inter cætera multa de Deo, ejusque natura fabulati sunt. Principes 369. seu minores Deos invehabant, cuique cælo insidentes, in octavo collocantes Christum unâ cum Barbelone, seu universorum parente, ita ex S. Epiphanio hæres. 26., quos arguit S. Irenæus lib. 1. contra hæreses cap. 33. & 34., & S. Augustinus addit: *dicuntur quoque bonum Deum, & malum Deum habere in suis dogmatibus, quam insaniam adoptasse postea Manichæos, infra dicemus.*

III. Cerdoniani Cerdonem habuere parentem. Hic ex Syria Romam profectus eodem secundo seculo sub Higinio Papa, ut ex S. Irenæo apud Eusebium lib. 4. cap. 10. Histor., errorem suum retractavit, sed illum resumens excommunicatus fuit. Hic circa Dei unitatem erravit teste S. August. lib. de Hæres. cap. 21. *quia duo principia sibi adversantia dogmatizavit; Deumque legis, ac Prophetarum non esse Patrem Christi, nec bonum Deum esse, sed justum, Patrem verò Christi bonum...* Quidam verò in duobus principis suis duos Deos ita eum dixisse, perhibent, ut unus eorum esset bonus, alter autem malus. Hæc D. Augustinus.

IV. Valentiniani Valentinum ducem nati sunt, qui ambitione Episcopatus, cujus repulsam passus est, errorem suum confixit eodem seculo secundo sub Antonino Pio, & Higinio Papa. Nulla hæresis fuit tot fabulis referta, quot scatet Valentiniana, de qua D. Augustinus hæres. cap. 11. Posuit ergò, seu melius finxit Valentinus 30. Deos, quos vocavit Eonas: horum quindecim masculi, & totidem scemina, in varias veluti stirpes dividuntur, quarum omnium caput sit unus Deus invisibilis, sempiternus, ingenuus, & incomprehensibilis, quem *Proarchen Propatora, & Bython*, seu primum Principium, primum Patrem,

& profunditatem vocabat, cui conjugis loco sociabat Ennæam, seu cogitationem, quam etiam Sigen, i. Silentium, & Charin, i. Gratiâ nuncupabat. Hæc suscepto à Bitho semine gravida genuit Nun, i. mentem Unigenitum, & Patrem, ac principium omnium, & unâ cum eo Alethiam, i. Veritatem. Hæc fuit primigenia Quaternitas radix omnium. Ex mente, & veritate processisse dicebat verbum, & vitam: ex verbo, & vita hominem, & Ecclesiam prodiisse. Et hæc erat Ogdoades Valentiniâna. Rursus ex verbo, & vita decadem Eonum ortam somniabat, scilicet profundum, & mixtionem. Senii expertem, & unionem; Per se nascentem, & voluptatem; Immobilem & concretionem; Unigenitum & beatum; Ex homine, & Ecclesia, duodecim alios Eonas progenitos esse finxit, scilicet Paracletum, & fidem; Paternum & spem; Maternum & dilectionem; intellectum & prudentiam; Ecclesiasticum & beatitudinem; voluntarium & sapientiam. Addebat Salvatorem 30. annos vixisse, ut hoc 30. Eonum mysterium indicaret; eisdem in parabola operariorum, qui ad vineam Patris-familias missi sunt, significatos. Etenim alii circa horam primam, alii circa tertiam, alii circa sextam, nonam, ac undecimam vocati sunt, qui omnes in unum collecti numerum tricenarium efficiunt. Mirabile sanè, mentem hominis tot deliria concipere potuisse: at mirabilius, ea apud aliquos, & non paucos fidem obtinuisse.

V. Marcionita parentem habuere Marcionem patriâ Ponticum Episcopi Catholici filium ex Stoicorum schola. Ejectus ob Stuprum ab Ecclesia per parentem suum, Romam fugiens Aniceto Pontifice, atque in communionem Romanæ Ecclesiæ subripere frustra conatus, Cerdoni se se adjuuxit, illumque audivit impietatis Magistrum. Error palmaris, quem de Deo habuit fuit iste. Duos Deos admisit, unum bonum, alterum malum, cui mundi hujus adspexit fabricam tribuit. Hæc ex S. Irenæo lib. 1. cap. 29. Tertulliano lib. 1. contra Marcionem c. 21. S. Augustino de hæresibus cap. 22. dicente: *Marcion quoque, à quo Marcionita appellati sunt, Cerdonis secutus est dogmata de duobus principiis: quamvis Epiphanius eum tria dicat asseruisse principia, bonum, justum, prævum: sed Eusebius Sinerum quendam, non Marcionem trium principiorum, atque naturarum scribit authorem.*

VI. Apellita ab Apelle Marcionis discipulo, qui secundo seculo sub Antonino Pio, & Telesphoro Papa vixit, nomen, & errorem fortiti sunt. De his scribit S. Augustinus de hæres. c. 23. *Apellita sunt, quorum Appelles est Princeps, qui duos quidem Deos introducit, unum bonum, alterum malum; non tamen in duobus*

bus diversis, atque inter se adversis principiis; sed unum esse principium, Deum scilicet bonum, & ab illo factum alterum, qui cum malignus esset, inventus est in sua malignitate mundum fecisse. Hæc S. Augustinus.

VII. Manichæi à Manete appellationem sumere. Fuit hic genere Persa, qui à quadam muliere emptus in servum, deinde manu missus, ac adoptatus, demùm ab ea omnium bonorum hæres conscriptus fuit. *Cubricus* primum illi nomen erat, sed ne servitutis nomen ei probrosum esset, *Manes* appellari voluit, quæ vox Persis idem est, ac allocutio. Verùm cum hoc nomen malè apud Græcos sonaret, quasi ab insania, & furore derivatum, ipsum discipuli ejus postea *Manicheum*, quasi Manna fundentem, appellavere, S. Augustino teste lib. de Hæresibus c. 46. Errorem suum spargendi hæc illi occasio fuit. Inter bona à muliere adoptante ipsi relicta, fuere quædam scripta Scythiani cuiusdam genere Saraceni, quæ ad manus Terbinthi discipuli pervenientia, tandem apud illam mulierem, in cujus domo habitaverat, eo miserè extincto, remanserunt. Hisce in libris præformatum reperit Manicheus errorem, quem evulgando postea fecit suum tertio seculo sub Aureliano Imperatore, & Felice I. Pontifice, quo multos sibi comparavit discipulos, multa de Christiana religione excerpta sectæ suæ immiscens. Hujus ergò palmaris error fuit. Admittebat duo principia suprema inter se adversa, & pariter æterna: quorum unum bonorum, alterum malorum numen esset, duasque naturas, & substantias, bonam, & malam; malam dicebat esse materiam, ideoque carnem, quia ex materia, à malo principio esse procreatam, asseribat, qua ratione negabat, Christum in vera carne fuisse, sed solum simulata, & apparente. Generationem execrabatur, aliaque impia, de quibus agunt Patres, Augustinus citatus, Theodoretus lib. 1. hæret. fabul. cap. 26. S. Epiphanius hæres. 66. & alii.

VIII. Severianus à Severo quodam Tatiani discipulo Eonum quorundam fabulam à Valentino mutuati sunt. Ex Tatiano etiam Encratitæ, qui ad Tatiani magistri sui dogmata addiderunt plura rerum principia, inter quæ diabolium posuere. Vixere secundo seculo.

IX. Albanenses, qui octavo seculo emerferunt sub Constantino VI. Imperatore, & Leone III. Pontifice, cum Gnosticis, Apelle, Manichæo, Carpocrate, Cerdone, & Severo duorum rerum principia constituerunt, unum bonum, alterum malum, à bono omnia bona, à malo omnia mala profuxisse, dicebant. Eadem ratione duo Scripturæ Testamenti à duobus Diis illis

processisse, blaterabant; vetus quidem respuentes, quòd à malo principio factum crederent, & contrariò malum; novum autem acceptantes, quòd à bono Deo, & Patre Domini nostri Jesu Christi conditum existimarent.

X. Albigenfes 13. seculo in Galliis exorti sunt. De Deo eadem, ac Manichæi, & Albanenses blasphemabant. Duos constituebant Creatores, invisibilem scilicet, quem vocabant benignum Deum, & visibilem, quem malignum Deum nuncupabant. Novum Testamentum benigno Deo, vetus maligno attribuentes, illud acceptantes, repudiantes istud, præter quasdam auctoritates, quæ de veteri novo Testamento insertæ sunt, has enim ob reverentiam novi recipere, dignum existimabant. Veteris Testamenti Deum mendacem asseriebant, quia protoplastis dixit: *Quamcumque die comederitis de ligno, morte moriemini*, cum tamen post comestionem mortui non sint. Homicidam quoque ipsum nominabant; tum quia Sodomitas, & Gomorrhæos incineravit, & aquis diluvii mundum delevit; tum quia Pharaonem, & Ægyptios mari obruit. Deum bonum curare animas dumtaxat, Deum malum omnia curare corpora. Hæc & alia refert Petrus Vallium Cernai in suâ, quam Innocentio III. nuncupavit, Albigensum Historiâ cap. 2.

Hi sunt præcipui hostes, qui ex Christianis Dei unitatem sustulere, qui ex dictis supra pro stabilienda Dei unitate abundè possunt confutari, aliqua tamen addenda existimo.

§. II.

*Deus veteris Testamenti alius non est à Deo
novi Testamenti.*

XI. **P** Robo primò ex S. Irenæo contra Marcionem l. 3. c. 63. dividere Deum in duos, alterum bonum, alterum non bonum, est Deum interimere; Deus enim, qui non est bonus, Deus non est, quia Deus non est, cui bonitas deest. Si dicas; Deum non bonum, esse tamen justum: Contra; Deus justus, qui bonus non est, Deus non est, sicut Deus bonus, qui justus non sit, Deus non erit: justitia enim supponit iudicium, iudicium autem sapientiam; sicut Deus, quia sapiens non esset, non esset Deus, ita nec Deus esset ille, qui bonus esset, & non justus.

XII. Secundò probatur contra Manichæos, & Albigenfes. Primum, & maximum Præceptum Dei veteris Testamenti, nimirum

rùm, diligere Deum, & proximum, est etiam præceptum à Deo novi Testamenti; ergò unus & idem est Legis, & Evangelii conditor; estò enim particularia præcepta dederit apta utrisque, & hominibus veteris Testamenti, & novi, unde alii ritus, sacrificia, & judicia in Veteri, ac in Novo, quia alius status in uno, ac in altero; Præcepta tamen eminentiora, & summa, sine quibus salvari non potest, in utroque eadem suasit, ergò in utroque idem fuit Deus. Ita Irenæus lib.4. cap.26. cui addo: Deus veteris Testamenti præcepit homini, ut ipsum toto corde diligeret; ergò non erat Deus malus, quia malum non est objectum dilectionis, sed fugæ. Fugissent ergò homines à Deo malo, & quidem iuste, unde injustum fuisset præceptum, illum esse malum amandi.

XIII. Tertiò probatur ex Tertulliano lib.1. adversus Marcionem cap.8. sic. Si Deus novi Testamenti est novus, ac diversus a Deo veteris Testamenti, verus Deus non est, verus enim Deus æternus est. Quis enim Deus novus, nisi falsus? Insuper verus Deus, quia æternus, nec vetus, nec novus esse potest; Deus enim, si est vetus, non erit: si est novus, non fuit; novitas enim initium testificatur, vetustas finem comminatur.

Verùm quia respondebant, Deum novi Testamenti novum esse, quia novitè cognitum, urget Tertullianus cap.9. Si Deus verus fuit, ignorari non potuit, & quia magnus, & quia benignus. Secundò Deus, qui ignoratur, Deus incertus est, quod enim quæritur, quamdiù ignoratur, incertum est, quamdiù quæritur, & potest non esse, quamdiù incertum est. Tertiò quomodo ignorabatur Deus bonus? Deus universi conditor, hominis plasmator, nonne erat Deus bonus? Hunc quomodo poterant homines ignorare, si ejus opus sunt? Cùm in repentinis Deum invocabant, ipsi se commendabant, ejus auxilium deprecabant, Deum certè cognoscebant: At non Deum malum, ab hoc enim solùm timere poterant pœnam, ergò Deum bonum, ac benignum, Deum scilicet novi Testamenti.

Quartò ex eodem Tertulliano cap.11. Deus jure creationis omnium Dominus esse debet. Ergò Deus novi Testamenti, vel universum creavit, & sic erit idem Deus, qui & veteris, quem omnium Creatorem describit Moses, vel si nihil creavit, non erit Deus, omnia non ejus erunt, sed ipsi extranea. Rursus si Universitas Creatoris est, quid restat huic alteri Deo? Cùm plena, & occupata sint omnia suo authore, planè alteri divinitati nihil vacabit.

Deindè si Deus novi Testamenti nihil condidit, ex duplici

ratione hoc esse necesse est : aut quia noluerit condere , aut quia non potuerit . Non potuisse , Deo indignum est , noluisse verò , quo fundamento dicitur ? Si maximè bonus , cur bonitatem suam noluit effundere , cum alter Deus , etsi malus , tanta fecerit ? Insigniora , & superiora opera condere debuisset , ut ex honestioribus potior , ac generosior cognosceretur Creatore .

XIV. Dices , opus Dei boni fuisse excellens , liberationem nimirum hominis à lapsu , quod à malo Deo permissum erat . Sed contra . Vel Deus iste , ut asseritur bonus , potuit impedire hunc lapsum hominis , vel non potuit . Si non potuit , qualis est iste Deus , qui non potuit impedire opus ab alio Deo permissum . Si potuit , & non impedivit , quia noluit , quomodo bonus , qui potens tantum malum impedire non impedivit . Rursus si noluit impedire , ne homo laberetur , quare ipsum non erexit statim post lapsum ? Quare non exercuit statim suam bonitatem , si bonus est ? *Quid enim tam malignum , quàm nolle prodesse cum possis . Quid de tali medico judicabis , qui nutriet morbum morâ præsidiî , & periculum extendat dilatione remedii , quo pretiosius , aut famosius curet .* Hæc Tertullianus cap. 22. &c.

XV. Neque valeret dicere , rationem hanc urgere etiam contra nostrum verum Deum , qui nec statim , sed post multa secula hominem erexit à lapsu : Nam dispar est ratio ; Deus enim noster est quidem bonus , sed etiam justus . Justitia autem exigebat , ut homo voluntate sua lapsus , in suo lapsu remaneret , ut in poena . At Deus Marcionis , Manichæorum , & Albigenium erat totus naturâ bonus , nec alio modo sese effundere poterat , quàm benefaciendo ; undè si potuit benefacere statim , & noluit : undè erit naturâ bonus ?

XVI. Probatur alia ratione ejusdem Tertulliani cap. 23. Bonitas ipsius Dei irrationalis esset , ac injusta . Irrationalis quidem , quòd primò non suum , sed hominem ab alio Deo creatum , & consequenter ab eo alienum adjuvit . *Nego* (inquit Tertullianus) *rationalem Dei Marcionis bonitatem , jam hoc primò , quòd in salutem processerit hominis alieni .* Si dixeris , quòd cum Deus iste non haberet hominem proprium , voluntaria bonitate sese effudit in alienum , & inimicum . Contra est . Non habere proprium exigux virtutis est . Porro exigua , quæ suum non habuit , quomodo in alienum redundavit ? Injusta etiam ; *Quid enim injustius , quàm ita alieno benefacere servo , ut Domino eripiat , ut alii vindicetur , ut adversus caput Domini subornegetur ? Talis assertor etiam damnaretur in seculo , ne dum plagiator .* Sic Tertullianus . Non aliter se haberet Deus Marcionis irrumpens in alienum mun-

mundum, eripiens alteri Deo hominem, Domino fatum ab ipso conditum, sub ejus jure, ac justitia positum.

XVII. Ulterius ex eodem Tertulliano cap. 24. & 26. Iste Deus non esset perfecte bonus, si solam animam salvaret, non autem hominis carnem. Imò non esset Deus, si non esset justus, & vindex. Nec proinde timendus, si ita bonus, ut non esset judex, ac severus, atque adeò sub illo securè, ac impunè peccari posset. Quia verò respondebant, Deum quidem malum esse timendum, sed Deum bonum esse diligendum. Contra urget Tertullian. *Stultè, quem Dominum appellas, negas timendum? Cùm hoc nomen potestatis sit etiam timenda. At quomodo diliges, nisi timeas non diligere?*

XVIII. S. Epiphanius, unum, eundemque Deum esse veteris, ac novi Testamenti, ostendit hæref. 42. ex ipsis novi Testamenti libris, quos accipiebant Marcionitæ, scilicet Evangelio Lucæ, & Epistolis Paulinis, in quibus multa præcepta Dei antiqui approbantur, ejusque Prophetæ recipiuntur. Deus verus præcipit per Mosem, ut leprosi ostenderent se Sacerdoti. Hoc idem approbat Deus novus Lucæ 5. dicente Christo: *Vade ostende te Sacerdoti, sicut præcepit Moyses.* Deus antiquus dedit legem Decalogi. Ad hanc provocat Deus novus per verba Christi Lucæ 10. 26. *In lege quid scriptum est?* Ubi cùm legis peritus verba legis protulisset, respondit Christus: *Reliè dixisti, hoc fac, & vires.* Deus antiquus misit Prophetas, eisque, quid dicerent, inspiravit. Hos approbat Deus novus, eorum dicta sæpe adducebat Christus. Cùm Christo in Monte loquuti sunt Moyses, & Elias Lucæ 9. Ad timendum Deum antiquum hortatur Deus novus per Christum Lucæ 12. *Timeate eum, qui habet potestatem mittendi animam in gehennam.* Hæc S. Epiphanius: *Velim (inquit) Marcion, quid de eo sentias, qui potestatem habere dicitur, si enim, Patrem illum esse, dixeris, eundemque, quem tu bonum Deum prædicas, Judicem esse confiteris, qui pro meritis suis unamquemque compenset. Aut si alium quempiam esse judicas, conditorum scilicet, quem tu propriè Judicem constituis. Cedo, quis ei potestatem commiserit? Hanc enim si habet ipse per se, magnus atque erit, & potestate præditus. Quod si judicandi pene eum facultas est, erit & servandi. Qui enim jurisdictionem exercere potest, potest & absolvere. Præterea si cùm judex in gehennam præcipientes immittit animas, bonus ille Deus, qui tantam animarum curam gerit, non eas liberat, haberi bonus, qui poteris? Aut enim ille fortior est, nec ex ejus manibus extorquere potest, aut ut facultas suppetat, deest tamen liberandi voluntas. Ubinq. igitur illa bonitas est?*

XIX. Demùm contra Manichæos ostendit S. Augustinus lib. de natura boni cap. 1. nullam naturam esse malam. Omnis natura bona est. Ergo est à summo bono, ergo non est aliquod principium supremum, à quo sint naturæ malæ. Sed omnis natura proximius, vel remotius participans est de summo bono, & quasi per gradus ab eo descendit. Cum omnis natura, vel spiritus, vel corpus sit, hinc vel spiritus, vel corpus sit, bonum erit.

Rursus lib. 1. contra advers. leg. & prophet. cap. 5. probat, nullam esse naturam malam, quia malum nihil aliud est, quam privatio boni, privatio autem non est in re mala, ergo nulla est natura subsistens, quæ sit mala, & in malum Deum velut auctorem refundatur. *Sed ipsa quoque vitia (inquit) testimonium perhibent bonitati naturarum. Quod enim malum est per vitium, profecto bonum est per naturam. Vitium quippe contra naturam est, quia natura nocet, nec noceret, nisi bonum ejus minueret, non est ergo malum, nisi privatio boni. Ac per hoc nusquam est, nisi in re aliqua bona. Ac per hoc bona sine malis esse possunt, sicut ipse Deus, & quadam superiora celestia: mala verò sine bonis esse non possunt. Si enim nihil nocent, mala non sunt, si autem nocent bonum minuunt, est totum consumunt, nihil naturæ remanebit, cui noceatur? Ac ex hoc hec malum erit, à quo noceatur... quando natura defuerit, cujus bonum nocendo minuatur.* Hæc Augustinus.

§. III.

Solvuntur ea, quæ in speciem favent Hæreticis.

XX. **P**rimò obiciebant Marcionitæ. Si Deus bonus, & præsciis futuri esset, cur hominem in peccatum labi passus est, & tantum malum ab eo non avertit, cum posset.

Respondeo, Deum creasse hominem libertate pollentem, sive ad bonum, sive ad malum, undè si lapsus fuit, sua voluntate libera lapsus est. Poterat quidem Deus hominem, ne laberetur, tenere, sed id non præstitit, non quia non bonus, sed quia non debuit. Ita Tertullianus lib. 2. contra Marc. cap. 5. 6. & 7. Deus ex quo summè bonus, non potest quidem peccata efficere, aut ea velle, potest tamen permittere. Undè S. Augustinus 14. de Civit. Dei cap. 27. *Quis enim audeat, credere, aut dicere, ut neque Angelus, neque homo caderet, in Dei potestate non fuisse? Sed hoc eorum potestati maluit non auferre; atque ita, & quantum mali eorum superbia, & quantum boni sua gratia valeret, ostendere.* Et ferm. 26. alias 11. de verbis Apost. *Hoc modo ergo ostendere voluit*

luit Deus homini, quid valeret liberum arbitrium sine Deo.

XXI. Dices. Si homo factus fuit ad imaginem Dei, & ejus anima spiritus Dei est, si malus fiat homo, cur malus non erit Deus? Valeret hoc, si homo fieret malus per ea, quæ accipit à Deo, aut regitur ab ipso, & non potius deferendo Deum, & ab ejus regula recedendo. Homo quidem est ad imaginem Dei, sed non perfecta imago Dei, *aliud enim est esse secundum veritatem* (ait Tertullianus lib. 2. contra Marcionem c. 9.) *aliud ipsam veritatem esse. Sic & afflatus, eum imago sit spiritus, non potest ita imaginem comparare, ut quia spiritus, id est Deus, sine delicto est, idem & afflatus, id est imago, non debuerit admisisse delictum.* Ita planè S. Augustinus lib. 1. contra advers. legis & prophet. cap. 14. qui de anima humana sic ait. *Nec in homine pars Dei restitit Deo, quia si hominis anima pars Dei esset, nec à se ipsa, nec ab aliquo decipi, nec ad aliquid malè faciendum, sive patiendum ulla necessitate compelli, nec in meliùs, aut deterius mutari, omnino potuisset.*

Loquens autem de spiritu hominis, ait: *Flatus autem ille Dei, qui hominem animavit, factus est ab ipso, non de ipso; quia nec hominis flatus hominis pars est, nec homo eum facit de se ipso, sed ex aërio balitu sumto, & effuso.* Quibus pectringit eos, qui putabant animam, & flatum, qui est in homine, esse portionem substantiæ Dei. Aliter etiam est imago Dei Filius Dei, aliter homo. Filius Dei est imago perfecta perfectè impleus illud, cujus imago est, & idem dicitur imago, & nunquam ad imaginem. Homo verò & dicitur imago, & propter imperfectionem similitudinis dicitur ad imaginem. Et quia similitudo perfecta Dei non potest esse, nisi in identitate naturæ, imago Dei est in Filio suo primogenito, sicut imago Regis est in filio suo connaturali. In homine autem sicut in aliena natura, sicut imago Regis in nummo argenteo, ut patet per Augustinum in lib. de Decem Chordis c. 9. Sic D. Thom. 1. p. q. 93. a. 1. ad secundum; undè sicut in nummo potest imago Regis obliterari, sic & in homine imago Dei, quin Deo aliquid deficiat. Neque Deus quamvis præcius futuri lapsus, eum impedire debuerat, quia ut ait August. lib. 1. con. adversar. legis & prophet. cap. 14. *Deus nec ignarus fuit, hominem peccaturum, sed simul etiam quid justus, & boni fuerat, & de peccante facturus, summè utique divinitate præcivit.*

XXII. Secundò obiiciebant. Deus à primordio severus fuit; ergò non naturâ bonus. Respondeo, Deum prius erga hominem exercuisse effundendo in eum divitias suæ bonitatis, quo ostendit, se esse naturâ bonum: quod si postea exercuit suam severita-

tem in hominem, hoc non fuit ex naturâ Dei, sed ex delicto hominis ad eam Deum provocante. Prior (ait Tertullianus l. 3. contra Marcionem cap. 11.) *bonitas Dei secundum naturam, severitas posterior secundum causam*. In severitate tamen adhuc bonus, quia iustus. *Iustitia enim tutela est bonitatis, quia bonitas, nisi iustitia regatur, non erit bonitas; nihil enim bonum, quod iniustum: bonum autem omne, quod iustum*.

XXIII. Tertiò obiciebant. Ipse Creator se pronunciat conditorem malorum Amos 3. *Si erit malum in civitate, quod non fecerit Dominus*. Et Isaïæ 45. *Ego Dominus creans malum*.

Respondeo, Deum se pronunciare creatorem malorum pœnæ, & supplicii, non culpæ, ac delicti, quin imò mala culpæ per mala pœnæ curat avertere. Malorum culpæ author Diabolus est, malorum pœnæ Deus creator. Ita Tertullianus citatus cap. 14., & S. Augustinus lib. contra Adimantum cap. 16. Ita ergò *Dens malum facit*, quod non ipsi Deo malum est, sed eis, in quos vindicat.... *Quamvis enim malum sit gehenna damnato; Iustitia tamen Dei bona, & ipse fructus est ex arbore bona*.

XXIV. Obiciebant quartò. Sævus est, qui visitat iniquitates Patrum in filios; at is erat Deus conditor Exod. 20. 5. *Ego sum Deus Zelotes, visitans iniquitatem Patrum in filios*. &c. Ergò &c.

Respondeo primò, hoc verum esse, si filii imitentur iniquitates parentum, secus verò, si non imitentur. Sic D. Hieron. Comm. iii. cap. 18. Ezech. Sic Tertull. cap. 14., & S. Augustinus contra Adimantum cap. 7.; undè Ezech. 18. ubi de impio, & pœna ejus multa præmisit, ait, *quod si genuerit filiam, qui videns omnia peccata Patris sui, quæ fecit, timuerit, & non fecerit simile eis.... hic non morietur in iniquitate patris sui, sed vita vivet...* Responderi etiam potest, ibi sermonem esse de temporali punitione. Cum enim filius sit aliquid Patris, sævum non est, sed iustum, ut patres etiam in filiis puniantur temporaliter, ut hoc timore parentes magis deterreantur à delictis, quæ sciunt etiam in sua posteritate fore puniendâ, ita Tertullianus ibi cap. 15. Adit S. Hieron. loco laudato: *Solent in hoc loco Hæretici, qui vetus non recipiunt instrumentum, contra Creatorem dicere: Quam bonus, & iustus Deus legis, & prophetarum, qui quiescens, & silens ad peccata patrum, reddit his, qui non peccaverunt, imò quanta in eo crudelitas, ut iram suam usque ad tertiam, & quartam extendat generationem! Quibus nos respondebimus, & in hac Dei Creatoris clementiam demonstrari; non enim truculentia est, & severitatis, iram tenere usque ad tertiam, & quartam generationem, sed signum misericordie penam differre peccati, quando enim dicit Dominus mi-*

miserator, & misericors, patiens, & multæ misericordiæ, & *infert*, reddens iniquitatem patrum super filios, & filios filiorum hac indicat, quod tantæ misericordiæ sit, ut non statim puniat, sed differat sententiam puniendi. Sin autem vindicta peccantium differtur in tertiam, & quartam generationem, cum iustis, sanctis-que quid ampliùs facit? Hæc Hieronymus.

XXV. Obiciebant quintò. Quomodo bonus Deus, qui talionis legem induxit, qui multos cibos vetuit, qui tot sacrificiorum, atque oblationum onere prægravavit? talis autem fuit Deus veteris Testamenti.

Respondeo ad singula: primò legem talionis, qua jubebatur, ut oculus redderetur pro oculo, dens pro dente, latam fuisse, non ut exercendæ injuriæ licentiam daret, sed ut violentiam paris poenæ metu coaceret. Ita Tertullianus lib. 2. contra Marcion. 18. Rursùs non ad fovendum furorem, sed ponendum limitem furori, ne scilicet offensus non rependeret poenam culpa graviolem: ita S. Augustinus lib. contra Adimant. cap. 8. & l. 19. contra Faustum cap. 25. *Oculum (inquit) pro oculo, dentem pro dente, non fomes, sed limex furoris est, non ut id, quod sopitum erat, hinc accenderetur, sed ne id, quod ardebat, ultra extenderetur.* Populus enim ille rudis graviolem pro offensa vindictam summisset. Ad frænandum ergò furorem, præscriptum fuit, ne ultra offensam esse vindicta, donec Evangelio adveniente totalis offensa condonatio perfectiori populo suaderetur. Hinc S. Augustinus lib. contra Adimantum citato: *Duorum testamentorum differentia demonstratur, sed amborum tamen ab uno Deo constitutorum.* Sicut enim Pater aliqua permittit puero, quæ non permittit adulto, sic idem Deus aliqua toleravit in populo Judæico, quæ non toleravit in Christiano.

Eadem ratione repudium uxoris Judæis permisit, Christianis interdixit, ut ipse Christus Matth. 19. testatur, & S. Augustinus lib. 19. contra Faustum cap. 19.

Quoad verò certorum ciborum interdictionem, etiam bonum se esse Deum, ostendit, hæc enim exercendæ continentie causâ præcepta erat, & ut hujus beneficio ad cæteras virtutes populus ille formaretur, ut ait Tertullianus. Tum etiam quia, S. Augustino teste, certi cibi interdicebantur, non quòd naturâ essent immundi, sed ad mysticam significationem. Quòd enim in veteri lege animalia, quæ non ruminant, immunda vocentur, hoc non naturâ, sed significatione dicitur, quia significant eos, qui cum libenter audiant verba sapientiæ, postea de his omnino non cogitant. Sic lib. 6. contra Faust. c. 7.

XXVI. Multitudo autem sacrificiorum fuit à Deo imperata propter bonum hominum, ut eos hisce sacrificiis illigatos ab Idololatria, ad quam propensi erant, coerceret, ita Tertullianus lib.2. contra Marcionem cap.18. & 19., & Gregorius Nazianz. orat.42. Neque dicatur, sacrificia illa fuisse mala, quia simillima sacrificiis, quæ falsis numinibus offerebantur. Nam respondet S. Augustinus lib.20. contra Faustum cap.21. *Tantum interest inter sacrificia Paganorum, & Hebræorum, quantum inter imitationem errantem, & præfigurationem prænunciantem. Sicut autem non ideo contemnenda, vel detestanda est virginitas Sacerdotialis, quia & Vestales virgines fuerunt, sic non ideo reprehendenda sacrificia Patrum, quia sunt & sacrificia Gentium, quia sicut inter illas virginitates multum distat, quamvis nihil aliud distet, nisi quæ cui voveatur, atque reddatur. Sic inter sacrificia Paganorum, & Hebræorum multum distat, eo ipso quod hoc solum distat, quæ cui sint immolata & oblata: illa scilicet superba impietati Dæmoniorum, id ipsum sibi ob hoc arrogantium, quo haberentur Dei, quia divinus honor est sacrificium. Illa verò uni Deo, ut ei offerretur similitudo promittens veritatem sacrificii, cui erat offerenda ipsa reddita veritas in passione Corporis, & Sanguinis Christi.*

XXVII. Sed dices. Si ergo est idem Deus veteris Testamenti, ac novi; cur sacrificia, oblationes, ceteræque observantiæ, quæ præceptæ erant in veteri, sunt abrogatæ, & prohibitiæ in novo? Hoc certè probat, non eisdem Deum utriusque aliàs sibi contradicere.

Respondet S. Augustinus lib.19. contra Faustum cap.18. In veteri Lege alia fuisse moralia, alia ceremonialia, quæ adhibebantur in figuram illius, qui venturus erat, nempe Christus. Prima æque observantur in novo, ac in veteri, & talis est Decalogus, ad quem sæpè provocabat Christus ipse. Secunda vero cùm jam sint impleta, cur ampliùs observari debent? Illa (inquit S. Doctor) sunt præcepta morum: illa Sacramenta sunt promissionum: hæc implentur per adjuvantem gratiam, illa per redditam veritatem, utraque per Christum &c. Denique ista, quæ in rectè vivente conscientia conservantur, fide per dilectionem operante complentur: illa verò, quæ in promittente significatione versata sunt, rebus redditis transferunt.

Nec ideo secum pugnat Creator, dum vario in statu varia tradidit præcepta, ait S. Augustinus lib.32. contra Faustum c.14. *Sicut æger non debet reprehendere medicinalem doctrinam, si aliud illi hodie præceperit; aliud cras: prohibens etiam, quod ante præceperat, sic enim se habet sanandi ejus corporis ratio: ita genus huma-*
num

num ab Adam usque ad finem seculi, quamdiu corpus, quod corrumpitur, aggravat animam, agrum atque saucium, non debet divinam reprehendere medicinam, si in quibusdam hoc idem, in quibusdam verò aliud prius, aliud posterius observandum præcepit; præsertim quia se aliud præcepturam esse promisit.

XXVIII. Obiciebant sextò 2. Cor. 4. dicit Paulus. *In quibus Deus hujus seculi excacavit mentes infidelium.* Et Christus Joann. 12. 31. *Nunc Princeps hujus mundi ejicietur foras.* Dantur ergò duo Dii, alius Deus hujus seculi, ac Principes hujus mundi, qui spiritalis cæcitatæ author sit, & malorum; alius bonorum omnium fons.

Respondco, S. Irenæum lib. 3. adversus hæreses cap. 7. sentire, in iis Pauli verbis, ut in aliis, hyperbaton esse, seu vocis transpositionem, ac debere sic conjungi: *Deus excacavit mentes infidelium hujus seculi:* quam expositionem probat etiam S. Augustinus lib. 21. contra Faustum cap. 2. Nec ideo tamen Deum esse malum, quia excacatio illa pœna est, *nec hoc facit malitia, sed justitia.* Hoc idem sentit S. Joan. Chrysost. homil. 8. in secundam ad Cor. dicens: *Quid autem est Deus seculi hujus? Marcionita dicunt, de Opifice justo solum, & non bono, hæc dicta esse: narrant enim, esse Deum quendam justum, & non bonum. Manichæi verò dicunt, Diabolum hic dici, volentes valde absurdè hinc creaturæ alium opificem introducere præter eum, qui est. Solet enim Scriptura vocare Deum, non à dignitate ejus, qui sic appellatur, sed ab infinitate subditorum, ut quando mammona Dominum dicit & ventrem Deum, at non ob hoc simpliciter, vel venter Deus, vel mammona Dominus, sed illorum, qui sibi se subjiciunt. Caterùm nos dicimus, quod neque de diabolo hoc dictum sit, sed de universorum Deo, & sic legendum; quod incredulorum seculi hujus excacavit Deus sensus, futurum enim seculum non habet incredulos, sed præsens dumtaxat. Quod si & aliter quis legerit: Deus seculi hujus; neque hoc reprehensionem habet: non enim hoc ostendit, ipsum hujus dumtaxat seculi solum esse Deum. Nam & Deus cæli dicitur, & non est solius cæli Deus &c. Quomodo igitur excacavit? Nunquid efficacia sua ad hoc impellens? Absit. Sed permittens, & concedens. Hæc Chrysostomus.*

XXIX. Verùm S. Augustinus absque ullo scrupulo concedit, his verbis *Deus hujus seculi* non intelligi Deum Creatorem, sed Diabolum, qui mentes infidelium malis suasionibus, & tentationibus excacat. Videatur lib. 21. contra Faustum cap. 9. & lib. 1. contra advers. legis & prophet. cap. 7., cui adhærent S. Cyrillus initio lib. 1. contra Julianum, & ante omnes Tertullia-

nus lib. 5. contra Marcionem cap. 11., & demum S. Thomas in cap. 4. 2. ad cor. lect. 1. & 1. p. q. 65. a. 1. ubi ait: *Dicitur autem diabolus Deus hujus seculi, non creatione, sed quia seculariter viventes ei serviunt, eo modo loquendi, quo Apostolus loquitur ad Philipp. 3. Quorum Deus venter est.* Eodem etiam modo à Christo dictus fuit Diabolus Princeps hujus mundi, quia homines illi dederant supra se ipsos principatum, eum colendo ut Deum, vel illi vitiis serviendo, qui tamen per ipsum Christum erat ejiciendus foras. Ita intelligit S. Chrysostomus homil. 6. in Joann. & S. Augustinus lib. de agone Christian. cap. 1. *Princeps* (inquit) *hujus mundi missus est foras: non quia extra mundum missus est, quomodo quidam heretici putant: sed foras ab animis eorum, qui cobarent Verbo Dei, & non diligunt mundum, cujus ille Princeps est, quia dominatur eis, qui diligunt temporalia bona, quæ hoc mundo visibili continentur: non quia ipse Dominus est hujus mundi, sed Princeps cupiditatum earum, quibus concupiscitur omne, quod transit.*

XXX. Obiciebant septimò. Bonus Deus non præcipit fornicationem, non mandat rapinam, & fraudem; atqui Deus veteris Testamenti præcipit fornicationem Osee prophetae 1. 2. *Vadesume tibi uxorem fornicationum, & fac tibi filios fornicationum.* Mandavit fraudem, & rapinam Exodi 11., dum jussit, ut peterent ab Ægyptiis vasa aurea, & argentea, & ea raperent: approbavit etiam mendacium, quia Exod. 1. benè fecit obstetricibus, quia mentitæ fuerunt Pharaoni, ergò &c.

Respondeo ad primum cum S. Augustino lib. 22. contra Faustum, qui pro Manichæis idem opponebat cap. 80., non præcepisse Deum Osee, ut cum muliere illa fornicaretur, sed ut eam, quæ fornicata prius erat, ad meliorem frugem commutatam duceret uxorem, & hoc ad sacramentum, nimirum ad vocationem Gentilium significandam. Videatur idem S. Doctor cap. 89. Dicit etiam potest cum S. Thoma 1. 2. q. 94. a. 5. ad 2. & q. 100. a. 8. ad 3., quod Oseas accedens ad uxorem fornicariam, vel mulierem adulteram, non est fornicatus, nec machatus, quia accessit ad eam, quæ sua erat secundum mandatum divinum, qui est author institutionis matrimonii.

Quod autem Hebræi ab Ægyptiis petierint vasa aurea, & secum abstulerint, furtum, aut rapina non fuit, neque fraus. Primò quia, ut ait D. Thom. locis citatis, furtum est acceptio rei alienæ, & non suæ, qui autem accipit ex mandato Dei, qui Dominus est omnium, non accipit rem alienam, sed jam suam. Secundò cum Tertulliano lib. 2. contra Marcionem c. 20.

Non

non fuiffet rapinam, fed mercedem laborum. *Reposcunt* (inquit Tertull.) *Ægyptii de Hebræis vafa aurea, & argentea. Contra Hebræi mutuas petitiones inflituunt, allegantes, ſibi mercedes reſtitui oportere illius operaria ſervitutis, pro laterinis deductis, pro civitatibus, & villis ædificatis.* Ex quo concludit, actum utrimque per legatos, & tandem Ægyptios pretioſæ illi ſuppelleſtili renunciaſſe. Ita ſerè S. Auguſtinus lib.22. contra Fauſtum c.71. concludens, *quia homines peregrinos labore gratuito injuſtè, ac vehemente afflixerunt. Digni ergo erant & iſti, quibus talia juberebantur, & illi, qui talia paterentur. Quamvis hoc exiſtimet fuiſſe permiſſionem potiùs, quàm mandatum.*

Ad id, quod additur de obſtetricibus, reſpondet S. Tho.2.2. q.110.a.3. ad 2., quòd obſtetrices non ſunt remuneratæ pro mendacio, ſed pro timore Dei, & benevolentia, ex qua proceſſit mendacium, unde ſignanter dicitur Exod.1. Et quia timuerunt obſtetrices Deum (i. non interficiendo mafculos Hebræorum, ut eis præceperat rex Ægypti) ædificavit illis domos. Mendacium autem ſecutum non fuit cauſa remunerationis.

XXXI. Obiiciebant oſtavò. Deus Judæorum ſibi erat contrarius. Prohibuit operari Sabbato, deinde juſſit Arcam circumferri Sabbato. Vetuit fieri ſimulacra, deinde Moyſi juſſit, ut faceret effigies Cherubim, ac ſerpentis. Erat inconfans, quia obnoxius pœnitentiæ. Gen.6. *pœnituit eum, quod hominem feciſſet in terra.* 1. Reg. 15. 11. *Pœnitet me, quod conſtituerim Regem Saul.* Jeremiæ 26. 19. *& pœnituit Dominum mali, quod locutus fuerat adverſus eas.* Erat etiam ignorans, ut patet ex illis verbis, quibus quærens Adam dicebat: *Adam, Adam ubi es?* Gen.3.9. & ad Cain: *Ubi eſt Abel frater tuus?* Et de Sodomitis Gen.18.28. *deſcendam, & videbo, utrum clamorem opere compleverint.*

XXXII. Reſpondendum eſt ad hæc omnia. Ad primum reſpondeo, prohibuiſſe Deum die Sabbati opera ſervilia, non autem opera religionis, & caritatis, ſic reſpondet Irenæus lib.4. adverſus hæref. cap.19. Tertull. lib.2. contra Marcion. cap.21. Concordat S. Auguſtinus lib. contra Adimantum cap.22. afferens exemplum Chriſti, qui hominem ſanavit die Sabbati. *Dominus in Evangelio (Matth.12.10.) ubi hominis manum aridam ſanavit die Sabbati, divinum opus fecit, non humanum, nec ab otio receſſit, qui juſſit, & factum eſt. Et ideo non eſt ſimile hoc factum ligna colligenti, quod facere cùm inventus eſſet homo die Sabbati, juſſu Dei lapidatus eſt.* Numer.15.35.

XXXIII. Quod ſimulacra ſpectat, reſpondet Tertull. lib.2. con-

contra Marcionem cap. 22., Deum illa vetuisse, ut Idololatriam cohiberet, subjicit enim, & *non adorabitis ea*. Cherubim autem & serpentem fieri iussit, non ad adorandum, sed illa in ornamento, istum in remedium. Quare cum comperisset Ezechias, Hebræos abuti illo serpente ad adorandum, illum confregit 4. Reg. 18. 4. & laudatus est.

XXXIV. Neque quod dicatur, Deum pœnituisse, arguitur inconstantia. Alio enim sensu Deum dicitur pœnitere, alio homines, illum metaphorice, istos proprie. Ita Tertullian. lib. 2. contra Marc. cap. 24., cui consonat S. Augustinus lib. 1. contra advers. leg. & prophet. cap. 20. *Non enim* (inquit) *sicut hominem pœnitet Deum, sed sicut Deum: quemadmodum non sicut homo irascitur, nec sicut homo misereatur, nec sicut homo zelat. Sed omnia sicut Deus. Pœnitentia Dei non est post errorem: ira Dei non habet per turbati animi ardorem. Misericordia Dei non habet compatiens misericordiam cor, unde in latina lingua nomen accipit: zelus Dei non habet mentis livorem: sed pœnitentia Dei dicitur rerum in ejus potestate constitutarum hominibus improvisa mutatio: ira Dei est vindicta peccati: misericordia Dei est bonitas opitulandi: zelus Dei est providentia, qua non finit eos, quos subditos habet, impune amare, quod prohibet &c. quæ explicat D. Thom. 1. p. q. 19. a. 7. ad 2. dicens. Illud verbum Domini (pœnituit) metaphorice intelligendum secundum similitudinem nostram. Cum enim nos pœnitet, destruiamus, quod fecimus... Sic igitur Deus pœnituisse dicitur secundum similitudinem operationis, in quantum hominem, quem fecerat, per diluvium a facie terræ deleuit, sic pœnituisse dicitur, constituisse Saul Regem, quia ipsum amovit à regno.*

XXXV. Illæ autem voces divinæ *Adam ubi es?* non indicant, quod Deus nesciret, ubi Adam esset, & ideo ipsum queritando clamaret. *Nec enim* (ait Tertullianus lib. 2. contra Marcionem cap. 37. *simplici modo, id est interrogatorio sono legendum est: Adam ubi es? Sed impresso, & incusso, & imputativo: Adam ubi es? Id est in perditione es, jam hic non es: ut increpandi, & dolendi exitus vox sit. Igitur interrogabat Deus quasi incertus, ut & hic liberi arbitrii probans hominem, in causa aut negationis, aut confessionis, daret ei locum sponte confitendi delictum, & hoc nomine relevandi. Idem dici potest de Cain. Unde Augustinus in ps. 118. serm. 9. Quando enim dixit Deus: Adam ubi es? Non, ubi esset, ignorabat, sed superbum increpabat: & ubi tunc esset, id est ad quam miseriam pervenisset, non scire cupiebat, sed interrogando increpans admonerat. Et lib. 13. de Civit. Dei cap. 15. addit, quando timore dementi sese abscondenti homini dixit, Adam ubi es? non*

uti-

utique ignorando quærens, sed increpando admonens, ut adtenderet, ubi esset, in quo non esset Deus.

XXXVI. *Verba autem hæc: Descendens ego videbo (ait idem Augustinus lib. 1. quæst. in Genes. q. 39.) si non dubitantis, quid duorum potius eventurum sit, sed irascentis, & minantis, accipiamus, nulla quæstio est. More quippè humano Deus in Scripturis ad homines loquitur . . . Solemus etiam sic minaciter loqui: videamus, se hoc tibi facio, aut videamus, si non illi fecero: & si non potuero tibi facere: vel sciam, idest hoc ipsum experibor, utrum non possim; quod cum minando, non ignorando dicitur, irati apparet affectus; sed perturbatio non cadit in Deum. Mos autem humanæ locutionis, & usitatus est, ut humanæ infirmitati congruat, cui Deus conpat locutionem suam. Hæc S. Augustinus.*

Quantum verò ad Cain respondet idem S. Augustin. lib. 12. contra Faustum cap. 10. Interrogabat Deus Cain, non tanquam ignarus eum, à quo discat, sed tanquam Judex reum, quem puniat.

C A P U T VII.

De Religione Judæorum.

§. I.

Religio Judæorum olim vera fuit Religio.

I. **A**ssertio hæc ex usque modo dictis eruitur; ea enim est vera Religio, quæ exhibet cultum vero Deo, & hunc exhibet modo, ac ritu ab ipso vero Deo præscripto. Atqui Judæorum Religio olim exhibebat cultum vero Deo, quia ex probatis Deus Hebræorum erat verus Deus, imò idem ac Deus Christianorum; modus autem, & ritus, quo eum colebant, erant ab ipso Deo præscripti per Moysen, ut legitur in lib. Exodi, Numerorum, Levitici, aut Deuteronomii: erat ergo vera Religio.

Urgeo hoc ex doctrina S. Thom. 1.2. q. 98. a. 2. Eiusdem est ordinare ad finem, & ad finem præparare, ac disponere, cujus est perducere ad finem, sed Religio Hebræorum disponebat, ac præparabat homines ad finem, ad quem perducit Christiana, quæ, ut videbimus, vera Religio est, & à vero, & unico bono Deo; ergo etiam religio Judaica. Min. probatur. Finis, ad quem perducendi erant homines, erat Christus, per quem liberandi erant à communi noxa, atque aditu in regnum cœlestē,

qui eis præclusus fuerat, donandis atque religio, & lex Hebræorum dupliciter ordinabat homines ad Christum: *Uno modo testimonium Christo perhibendo, quod præstabat per suos prophetas, unde Christus ipse Luca ult. dicebat: Oportet, impleri omnia, quæ scripta sunt in lege, in psalmis, & in prophetis de me. Et Jo: 5. Si crederetis Moysi, crederetis forsitan & mihi, de me enim ille scripsit: Alio modo per modum cuiusdam dispositionis, dum retrahens homines à cultu Idololatricæ, concludebat eos sub cultu unius Dei, à quo salvandum erat humanum genus per Christum, unde Apostolus dicit ad Galat. 3. Priusquam veniret fides, sub lege custodiebamur, conclusi in eam fidem, quæ revelanda erat: Ergo &c.;* non enim Diabolus, aut alius contrarius Deus potuisset religionem instituire, ac pro ea legem ferre, per quam homines adducerentur ad verum Deum, & Christum, per quem Diabolus erat ejiciendus secundum illud Matth. 12. *Si Sathanas Sathanam ejicit, divisum est regnum ejus;* aut alter Deus erat suo cultu privandus; hinc S. Augustinus lib. 22. contra Faustum cap. 17. cap. 24., lib. 7. de Civit. Dei cap. 32. & alibi ostendit, omnia sacra, ritus, caeremoniasque legis veteris, nec non dicta, gesta, & vitam Patriarcharum, & Prophetarum fuisse continuum prophetiam Christi, & legis Evangelicæ.

II. Si autem dicas, etiam apud Paganos fuisse Sibyllas, aliosque, qui aliqua de Christo prænuñciarint; & tamen hinc non evinci, eorum Religionem fuisse veram.

Respondet S. Augustinus lib. 13. contra Faustum cap. 15. hoc quidem valere ad eorum vanitatem revincendam, & veritatem religionis Christianæ confirmandam, *cùm illum Deum nos colere ostendimus, de quo nec illi tacere potuerunt, qui suos congenitiles populos Idola, & Dæmonia colenda partim docere, ausi sunt, partim prohibere, ausi non sunt:* non tamen valere ad eorum Religionem approbandam, sicut ad Religionem Hebræorum approbandam valent: apud Hebræos enim repudiato, ac damnato Idololorum, ac Dæmoniorum cultu unus colebatur Deus, qui fecit cælum, & terram, prophetico sanè ritu, hoc est significativo futurorum, qui ritus aboliretur, cùm illa venissent, quæ per eum significabantur esse ventura. . . . Quamobrem quantum distat inter prædicationem Angelorum, & confessionem Dæmoniorum, tantum inter auctoritatem prophetarum, & curiositatem sacrilegorum.

III. Hinc cùm eodem sancto Augustino aliud conficitur argumentum pro veritate religionis Hebræorum, ex quo ille, quem colebant Hebræi, erat verus Deus, sic: Nullus ex vatibus Paganorum contra Deum Hebræorum ausus est loqui, sed alii Deum Israel putabant esse Jovem, alii Saturnum &c. Contra

DEFENDITUR RELIG. JUDAICÆ VERITAS. 83

verò Deos Paganorum Deus Israel per prophetas suos multa prænunciavit, quæ Gentiles ipsi viderunt completa, nempe eversionem Idolorum, & doluerunt; ergo signum est, Deum authorem religionis Hebræorum fuisse verum Deum. *Ipsi omnino* (ait S. Augustinus lib. 1. de consensu Evangelist. cap. 20.) *ipsi urgendi sunt, ut proferant à vatibus Deorum suorum contra Deum Hebræorum aliquid prophetatum: sicut nos tot, & tanta de libris prophetarum nostrorum contra Deos eorum, & jussa observamus, & prædicta recitamus, & facta monstramus.* Cùm ergò Deus, qui tot mala comminatus est Idolis, & eorum cultoribus, iis, qui religionem Judaicam profitebantur, & ejus mandata observabant, multa promiserit bona, & maximè ex ipsis proditurum Christum, ut de facto prodiit; dicendum, religionem illam fuisse suo tempore bonam, ac veram.

§. II.

Solvuntur opposita.

IV. **D**ices: si Religio Hebræorum fuit bona, & à vero Deo, cur non semper duravit; cùm Ecclesiastis 3. 14. scriptum sit: *Didici, quòd omnia opera, quæ fecit Deus, perseverent in perpetuum?* Si omnia, quæ facit Deus bona sunt, cur Religio Judaica fuit reprobata, dicente Paulo Hebr. 7. 18. *Reprobatio fit præcedentis mandati &c.*

V. Respondeo cùm S. Thoma 1. 2. q. 98. a. 2. ad 2. quòd opera Dei perseverant in æternum, quæ sic Deus fecit, ut in æternum perseverent, & hæc sunt ea, quæ sunt perfecta. Lex autem vetus reprobatur tempore perfectionis gratiæ, non tanquam mala, sed tanquam infirma, & inutilis pro isto tempore. Undè cùm dixisset: *Reprobatio fit præcedentis mandati:* subdit: *Propter infirmitatem ejus, & inutilitatem: nihil enim ad perfectum adduxit lex.*

VI. Sed instas: si Religio Judaica non fuit perfecta: ergò non fuit à Deo, quia Deuteron. 32. 4. *Dei perfecta sunt opera.*

Respondet D. Thom. citatus ad primum, quòd nihil prohibet, aliquid non esse perfectum simpliciter, quod tamen est perfectum secundum tempus; sicut dicitur aliquis puer perfectus, non simpliciter, sed secundum temporis conditionem: ita etiam præcepta, quæ pueris dantur, sunt quidem perfecta secundum conditionem eorum, quibus dantur, etsi non sint perfecta simpliciter. Et talia fuerunt præcepta legis: unde Apostolus dicit ad Galatas 3. 34. *Lex pedagogs noster fuit in Christo.*

Hoc autem explicaverat S. D. q. citat. a. 1. ubi ait : Dicendum, quod absque omni dubio lex vetus bona fuit ; sicut enim doctrina ostenditur esse vera ex hoc, quod consonat rationi, ita etiam lex aliqua ostenditur esse bona ex hoc, quod consonat rationi recta. Lex autem vetus rationi consonabat, quia concupiscentiam reprimebat, quæ rationi adversatur, ut patet in illo mandato : Non concupisces rem proximi tui, quod ponitur Exod. 20. 17. Ipsa etiam omnia peccata prohibebat, quæ sunt contra rationem. Unde manifestum est, quod bona erat : & hæc est ratio Apostoli Rom. 7. 22. Condelector, inquit, legi Dei secundum interiorem hominem. Et iterum : Consentio legi, quoniam bona est.

Sed notandum est, quod bonum diversos gradus habet... est enim aliquod bonum perfectum, & aliquod bonum imperfectum. Perfecta quidem bonitas est in his, quæ ad finem ordinantur, quando aliquid est tale, quod per se est sufficiens inducere ad finem. Imperfectum autem bonum est, quod operatur aliquid ad hoc, quod perveniatur ad finem : non tamen sufficit ad hoc, quod ad finem perducatur ; sicut medicina perfectè bona est, quæ hominem sanat ; imperfecta autem est, quæ hominem adjuvat, sed tamen sanare non potest.

Est autem sciendum, quod est alius finis legis humanæ, & alius legis divinæ. Legis enim humanæ finis est temporalis tranquillitas civitatis : ad quem finem pervenit lex cohibendo exteriores actus, quantum ad illa mala, quæ possunt perturbare pacificum statum civitatis. Finis autem legis divinæ est perducere hominem ad finem felicitatis æternæ, qui quidem finis impeditur per quodcumque peccatum, & non solum per actus exteriores, sed etiam interiores. Et ideo illud, quod sufficit ad perfectionem legis humanæ, ut scilicet peccata cohibeat, & pœnam apponat, non sufficit ad perfectionem legis divinæ, sed oportet, quod hominem totaliter faciat idoneum ad participationem felicitatis æternæ, quod quidem fieri non potest, nisi per gratiam Spiritus Sancti, per quam diffunditur caritas in cordibus nostris, quæ legem adimplet. Gratia enim Dei est vita æterna, ut dicitur Roman. 6. 23. Hanc autem gratiam lex vetus conferre non poterat, reservabatur enim hoc Christo Joann. 1. 17. Lex per Moysen data est : gratia, & veritas per Jesum Christum facta est. Et inde est, quod lex vetus bona quidem est, sed imperfecta, secundam illud Hebræor. 7. 19. Nihil ad perfectum adduxit lex. Hæc D. Thomas.

VII. Quare, qui in veteri lege justificabantur, & salvabantur, id non ex pura legis veteris observantiâ consequerantur, sed ex adjuncta fide in liberatorem Christum, quem illis lex tota figurabat, ac promittebat. Ideoque omni tempore justificatio, & sa-

& salus habita fuit per Christum. In lege naturæ, & Mosaica per fidem Christi venturi gratia dabatur, unde Abraham fide justificatus fuit: *Credidit Abraham Deo, & reputatum est illi ad justitiam* Genes. 15. 6. & hac fide ostendit Paulus toto cap. 11. ad Hebræos, omnes antiquos sanctos viros, ac mulieres operatos fuisse, ac justificatos, non tamen vitæ æternæ repromissionem accepisse, nisi adveniente Christo, unde concludit v. 39. & 46. *Et hi omnes testimonio fidei probati non acceperunt repromissionem; Deo pro nobis melius aliquid providente, ut non sine nobis consummarentur.* In nova autem lege per fidem Christi, qui jam venit, & salutem in medio terræ operatus est, justificamur.

VIII. Sed ulterius dices: Religio bona, ac vera debet habere præcepta bona; atqui talia non fuere præcepta legis Hebræorum: ergo &c. Mi. probatur 1. dicitur Ezechiel 20. v. 25. *Dedi eis præcepta non bona, & judicia, in quibus non vivent.* Secundò lex vetus fuit potius mortifera, & nociva, dicente Paulo Rom. 7. v. 8. *Sine lege peccatum mortuum erat, ego autem vivebam sine lege aliquando.* Sed cum venisset mandatum, peccatum revixit, ego autem mortuus sum, & Rom. 5. v. 20. *Lex subintravit, ut abundaret delictum.* Tertiò quomodo erat bona lex vetus, si erat jugum importabile, ut ait Petrus act. 15. *Quid tentatis imponere jugum super cervicem discipulorum, quod neque nos, neque patres nostri portare potuimus?*

IX. Respondetur cum D. Thom. loco citato a. 1. ad primum, ibi sermonem esse *de præceptis caeremonialibus legis veteris, quæ dicuntur non bona, quia gratiam non conferebant, per quam homines à peccato mundarentur, cum tamen per illa se peccatores ostenderent; unde signanter additur: & judicia, in quibus non vivent, id est per quæ vitam gratiæ obtinere non possunt.* Vel dici potest, Deum tunc locutum Judæis, propter eorum peccata dispersis in gentibus, quibus dedit præcepta non bona, hoc est dimisit eos cogitationibus, ac desideriiis suis, ut facerent, quæ non conveniunt. Vel præcepta non bona, ut scilicet Dei præcepta bona vitio suo non bona facerent, dum Idolis exhiberent, quæ Deus sibi præceperat exhibenda: ita S. Hieronymus in cap. 10. Ezechiel. varias explicationes supra præfatum textum adsignans.

X. Ad secundum respondetur cum S. D. cit. ad 2. quod lex dicta fuit mortifera, non effectivè, quasi illa per se dederit mortem, sed occasionalitè, quia cum non daret gratiam, per quam homines implere possent, quod mandabat, vel vitare, quod vetabat, indè homines occasionem sumserunt peccandi, unde occasio ista non erat data, sed sumpta ab hominibus: unde & Apostolus *ibid.*

ibid. dicit: Occasione accepta peccatum per mandatum seduxit me, & per illud occidit. Ex hac etiam ratione dicitur, quod lex subintravit, ut abundaret delictum, ut ly ut teneatur consecutivè, non casualitè; in quantum scilicet homines accipientes occasionem à lege, abundantius peccaverunt: tum quia gravius fuit peccatum post legis prohibitionem: tum etiam quia concupiscentia crevit. Magis enim concupiscimus, quod nobis prohibetur.

XI. At dices, si lex vetus fuit occasio peccati, cur data fuit à Deo? Ad sapientem enim legislatorem pertinet, non solum auferre mala, sed etiam occasiones malorum. Ulterius si lex illa non dabat gratiam, unde possent homines implere, quod mandabat, erat homini impossibile eam observare, ergo erat occasio peccati, non accepta per hominem, sed data à Deo.

XII. Respondetur cum eodem S. Thoma loco laudato art. 2. ad 3. quod *sicut... Deus aliquando permittit, aliquos cadere in peccatum, ut exindè humiliantur: ita etiam voluit talem legem dare, quam suis viribus homines implere non possent; ut sic dum homines præsumentes de se peccatores se invenirent, humiliati recurrerent ad auxilium gratiæ. Hinc licet lex vetus nec daret per se ipsam gratiam &c., nec sufficeret ad salutem, tamen aderat aliud auxilium à Deo hominibus simul cum lege, per quod salvari poterant, scilicet fides Mediatoris, per quam iustificati sunt antiqui Patres, sicut etiam nos iustificamur, & sic Deus non defiebat hominibus, quin daret eis salutis auxilia. Ita D. Thom. ibi ad 4. unde D. Augustinus lib. de spiritu & litera cap. 19. Lex ergo data est, ut gratia quæreretur, gratia data est, ut lex impleteretur. Neque enim vitio suo non implebatur lex, sed vitio prudentiæ carnis, quod vitium per legem demonstrandum, per gratiam sanandum fuit.*

Eodem modo respondeo ad tertium cum eodem S. Tho. ar. 1. ad 3., quod *jugum legis servari non poterat sine gratia adjuvante, quam lex non dabat: dicitur enim Rom. 9. Non est volentis, neque currentis, scilicet velle, & currere in præceptis Dei, sed miserentis Dei. Unde in psalm. 118. dicitur: Viam mandatorum tuorum curri, cum dilatasti cor meum, scilicet per donum gratiæ, & caritatis.*



§. III.

Num omnes homines tenerentur servare legem veterem .

XIII. **R**espondet S. Thomas 1.2. q.98. art.5. *Quod lex vetus manifestabat præcepta legis naturæ , & superaddebat quadam præceptu propria . Quantum igitur ad illa , quæ lex vetus continebat de lege naturæ , omnes tenebantur ad observantiam veteris legis , non quia erant de veteri lege , sed quia erant de lege naturæ : ad hanc enim omnes homines teneri , ostendit S.Thom.1.2. q.94. art.4. Sed quantum ad illa , quæ lex vetus superaddebat , non tenebantur aliqui ad observantiam veteris legis , nisi solus populus Judæorum . Cujus ratio est , quia lex vetus data fuit populo Judæorum , ut quadam prærogativam sanctitatis obtineret ob reverentiam Christi , qui ex illo populo nasciturus erat . Quæcumque autem statuuntur ad specialem aliquorum sanctificationem , non obligant nisi illos : sicut ad quadam obligantur Clerici , qui mancipantur divino ministerio , ad quæ Laici non obligantur : similiter & Religiosi ad quadam perfectionis opera obligantur ex sua professione , ad quæ seculares non obligantur , & similiter ad quadam specialia obligabatur populus ille , ad quæ alii populi non obligabantur : unde dicitur Deuterom.18. Perfectus eris , & absque macula coram Domino Deo tuo . Et propter hoc etiam quadam professione utebantur , ut patet Deuterom.26. Profectior hodie coram Domino Deo tuo . Hæc D. Thomas .*

XIV. Hinc aliæ gentes salvari poterant absque legis veteris observantia quantum ad ea , quæ legi naturæ superaddebat , dummodo observarent legem naturæ , & fidem in Christum profiterentur : factam enim aliquibus Gentilibus revelationem de Christo , patet per ea , quæ prædixerunt ; nam Job , qui Gentilis erat , cap.19. dicit : *Scio , quod Redemptor meus vivit* : Sibylla etiam prænuñciavit quadam de Christo , ut Augustinus dicit lib. 13. contra Faustum cap.15. Invenitur etiam in historiis Romanorum (apud Baron. ad ann.780.) quod tempore Constantini Augusti , & Irene matris ejus inventum fuit quoddam sepulchrum , in quo jacebat homo auream laminam habens in pectore , in qua scriptum erat : *Christus nascetur ex Virgine , & ego credo in eum . O sol , sub Irene , & Constantini temporibus iterum me videbis* . Si qui tamen salvati fuerunt , quibus revelatio non fuit facta , non fuerunt salvati absque fide Mediatoris : quia etsi non habuerunt fidem explicitam , habuerunt tamen fidem implicitam in divina Providentia , credentes Deum esse liberatorem hominum secundum

dum modos sibi placitos, & secundum quod aliquibus veritatem cognoscentibus spiritus revelasset. Hæc D. Thom. 2. 2. q. 2. art. 7. ad 3.

XV. Neque hinc deducas, deterioris conditionis fuisse Judæos Gentilibus, quia hi salvari poterant absque onere legis; illi autem jugum importabile legis Mosaicæ terre debebant, si salutem consequi optabant. Non inquam; nam hinc solum sequitur, populum Judaicum, quò majoribus obligationibus adstrictum, fuisse Deo magis conjunctum: homo autem quantum magis Deo conjungitur, tantò efficitur melioris conditionis, & ideo quantum populus Judaicus erat adstrictus magis ad divinum cultum, dignior aliis populis erat. Unde dicitur Deuter. 4. *Quæ est alia gens per inclyta, ut habeat ceremonias, justaque judicia, & universam legem?* Et similiter etiam quantum ad hoc sunt melioris conditionis Clerici, quàm Laici; & Religiosi, quàm seculares. Ita S. Thom. 1. 2. q. 98. art. 5. ad 2.

XVI. Gentiles autem etsi absque observantia Mosaicæ legis cum fide in Christum sive explicita, sive implicita salvari possent, ut dictum est, transire tamen poterant ad legem Judaicam, & admittebantur, ut patet Exodi 12. & sic perfectius atque securius salutem consequerentur sub observantiis legis, quàm sub sola lege naturali: sicut etiam nunc Laici transeunt ad Clericatum, & seculares ad Religionem, quamvis absque hoc possint salvari. Hæc ex D. Thom. 1. 2. q. 98. art. 5. ad 3.

XVII. Ex hætenus dictis apparet ratio, cur lex Mosaica data fuerit soli populo Judaico, quem solum obligabat, lex autem, & religio Christiana data fuerit omnibus hominibus, & omnes obliget: Religio enim, ac lex Mosaica data fuit, non ut per ejus observantiam interius sanctificaretur homo, & ad salutem æternam perveniret, hanc enim promittebat quidem, sed se solà non dabat. Lata ergò fuit ad testificandum, populum illum, cui ferebatur, esse illum, cui factæ fuerant promissiones de Messia venturo, & ad eum ab aliis gentibus distinguendum: ideoque lata fuit soli populo Judaico, descendente ab Abraham, cui facta fuerat promissio, ut nimirum *compleret Verbum suum Dominus, quòd sub juramento pollicitus est Patribus tuis Abraham, Isaac, & Jacob*, ut legitur Deuter. 9. 5. Quæ autem promissio eis sit facta, ostendit Apostolus ad Gal. 3. v. 16. dicens: *Abrahæ dictæ sunt promissiones, & semini ejus: non dicit seminibus, quasi in multis, sed quasi in uno Et semini tuo, qui est Christus.* Deus igitur & legem (concludit D. Thomas citatus art. 4. quæst. 98.) & alia beneficia specialia illi populo exhibuit propter promissio-

sionem eorum Patribus factam, ut ex eis Christus nasceretur.

XVIII. At religio Christiana, seu lex Evangelii lata est hominibus ad salutem æternam consequendam, importat enim fundamentum fidem in Christum, sine qua nullus potest, aut unquam potuit salvari, dicente D. Petro act. 4. 12. *Et non est in alio aliquo salus. Nec enim aliud nomen est sub cælo datum hominibus, in quo oporteat nos salvos fieri* : & ideo omnes homines obligat, qui salvari volunt, ad eam amplectendam; idcirco Christus Apostolos suos ad Evangelium promulgandum mittens : *Euntes ergo (inquit Matth. 28. 19.) docete omnes gentes. Et Marci 16. 15. 16. Euntes in mundum universum predicate Evangelium omni creaturæ. Qui crediderit, & baptizatus fuerit, salvus erit, qui vero non crediderit, condemnabitur*, & hoc omni tempore, etiam in lege naturæ, ac mosaica ita necessarium iuit, ut nullus unquam sine hac fide saltem implicita, nec ex Judæis, nec ex Gentibus salvatus fuerit.

XIX. Hinc inferetur, religionem Christianam cœpisse ab initio mundi, semperque fuisse eandem fidem, licet pro circumstantia temporum homines eam sub diversis signis, cæremoniis, sacrificiis, ac legibus professi fuerint, ac protestati; propterea S. Augustinus Ep. nunc 102. olim 49. ad Deogratias q. 2. quæ est de tempore religionis Christianæ, ait : *Itaque ab exordio generis humani, quicumque in eum crediderunt, eamque utcumque intellexerunt, & secundum ejus præcepta pie & iuste vixerunt, quandolibet, & ubilibet fuerint, per eum procul dubio salvi facti sunt*. Sicut enim nos in eum credimus, & apud Patrem manentem, & qui in carne jam venerit : Sic credebant in eum antiqui & apud Patrem manentem, & in carne venturum; nec quia pro temporum varietate nunc factum annuntiatur, quod tunc futurum prænunciabatur, ideo fides ipsa variata, vel salus ipsa diversa est. Nec quia una, eademque res aliis, atque aliis sacris, ac Sacramentis, vel prædicatur, aut prophetatur, ideo alias, atque alias res, vel alias, atque alias salutes oportet intelligi . . . Proinde aliis tunc nominibus, & signis, aliis autem nunc, & prius occultis, postea manifestis, & prius à paucioribus, postea à pluribus, una tamen, eademque religio vera significatur, & observatur. Et ibidem q. 3. Mutatio quippe non Dei, non ipsius religionis, sed sacrificiorum, & sacramentorum impudenter nunc videretur prædicata, nisi fuisset ante prædicta. Quemadmodum enim unus, idemque homo, si mane Deo aliud offerat, aliud vespere pro congruentia diarii temporis, non Deum mutat, nec religionem, sicut nec salutem, qui alio modo mane, alio vespere salutat : ita in universo tractu seculorum, cum

Tom. I.

M

aliud

aliud oblatum est ab antiquis Sanctis, aliud ab eis, qui nunc sunt, offertur, non humana presumptione, sed auctoritate divina, temporibus congrua sacra mysteria celebrantur, non Deus, aut religio commutatur. Hæc Augustinus, quibus adeo apertis nihil addendum cenſeo.

CAPUT VIII.

Religio Judæorum deſiit eſſe vera religio.

UT hoc evincatur, prius probari debet, eum, quem Judæi ſperabant venturum, i. Meſſiam, jam veniſſe, & hunc fuiſſe Jeſum Nazareum, hoc enim poſito religio Judæica, ſicut eorum fides concluditur falſa, quia credit eſſe venturum eum, qui non ampliùs venturus eſt, ſed jam venit, & proinde omnia eorum ſacra, cæremonias, quæ erant inſtituta ad figurandum id, quod fiendum erat, jam à ſua vera ſignificatione decidiſſe, cum jam factum ſit. Id ergò, quod ſummâ perfidiâ negant Judæi, iſpis per ſequentes paragraphos oſtendendum erit.

§. I.

Meſſias venit ex Danielis cap. 9.

I. **D**Aniel ergò (cui ſummæ pietatis teſtimonium Ezechiel perhibuit cap. 14. 14. & cap. 28. 3. Imo & Joſephus lib. 10. antiq. Judaic. in fine) neque nos decipere voluit, neque ab Angelo Gabriele deceptus eſt. Is autem diſtante Angelo cap. 9. conſcriptum reliquit, poſt promulgatum edictum de inſtauranda urbe Hieroſolymorum non elapſuros annos quingentos, quin aſeſſet Meſſias. Atqui in hunc diem elapſi ſunt ab illo tempore pluſquam bis mille anni: nec aſeſt is, quem Judæi expectant; nec alium quemquam nominare poſſunt, in quem id tempus quadret: ergò &c. Ut probetur maj. ſtatuenda ſunt verba oraculi. Oraverat Daniel Dominum cap. 9., ut reſpiciens averteret mala, ac deſolationem, quam ſuper populum peccata induxerant. Cumque adhuc loqueretur, oraret, & conſiteretur peccata ſua, & peccata populi ſui Iſrael, narrat, id ei accidiſſe: *Et ecce (inquit) vir Gabriel, quem videram in viſione à principio . . . & docuit me, & locutus eſt mihi, dixitque: Daniel nunc egreſſus ſum, ut docerem te, & intelligeres . . . Tu ergò animadvertite ſermonem, & intellige viſionem. Septuaginta Hebdomades abbreviata ſunt ſuper po-*

pulum tuum, & super urbem sanctam tuam, ut consumatur pravariatio, & finem accipiat peccatum, & deleatur iniquitas, & adducatur iustitia sempiterna, & impleatur visio, & prophetia, & ungatur Sanctus Sanctorum. Scito ergo, & animadvertite. Ab exitu sermonis, ut iterum adificetur Hierusalem, usque ad Christum Duces hebdomades septem, & hebdomades sexaginta duæ erunt, & rursum adificabitur platea & muri in angustia temperam. Et post hebdomades sexaginta duas occidetur Christus, & non erit ejus populus, qui eum negaturus est. Et Civitatem, & Sanctuarium dissipabit populus cum Duce venturo: & finis ejus vastitas, & post finem belli statuta desolatio. Confirmabit autem pactum multis hebdomada una, & in dimidio hebdomadis deficiet hostia, & sacrificium, & in Templo abominatio desolationis: & usque ad consummationem, & finem perseverabit desolatio.

II. Hujusce intricatissimi Oraculi, qui veteres, & recentiores torfit interpretes, eosque in varias interpretationes diffraxit, pro viribus literam explico. Ab exitu sermonis &c. idest à tempore, quo exiturum erat edictum de reedificanda Hierosolyma, usque ad Christi mortem, effluxuræ sunt hebdomades 70., & in medio hebdomadis septuagesimæ occidendus erit Christus, qui negabitur à populo Judæorum, cum debuisset illum recipere. Et propterea non erit amplius ejus populus. Cessabit prophetia, hostia, & sacrificium; & in poenam Populus, i. Romanus, cum Duce venturo, i. Tito, dissipabit Hierosolymam, & Templum, quod vertetur in abominationem gentium, & desolatio perseverabit usque in finem, i. erit perpetua.

Disputant hic interpretes, de quibus hebdomadibus loquatur Daniel, & à quo tempore debeat inchoari earum computus, sive quo anno exierit edictum hoc de reedificandis Hierosolymis.

III. Quoad primum sciendum, hebdomades apud Hebræos regulariter fuisse, vel dierum, vel annorum, hebdomadâ dierum complectente septem dies, prout nobis etiam in usu est, hebdomadâ verò annorum complectente septem annos; hebdomades enim Decenniorum, aut Jubilæorum, aut seculorum vix erant in usu. Daniele ergo de hebdomadibus, non dierum, sed annorum fuisse locutum, consent omnes interpretes Christiani, & ex Rabbini Rabbi Abarbanel. R. Aben Esra, alique Thalmudici interpretes. Sic Levitici 25.8. *Numerabis quoque tibi septem hebdomadas annorum*, idest septies septem, quæ simul faciunt annos quadraginta novem. Tales annorum hebdomades usurpatæ fuerunt etiam ab aliis. Macrobius lib.1. in somnium

Scipionis cap. 6. *Post ter septenos annos Quarta annorum hebdomas*, i. quarta hominis ætas ; & infra : *Sed à sexta usque ad septimam septimanam* (ab anno 42. usque ad 49.) *fit quedam diminutio, sed occulta &c.* Et Varro apud Aulum Gellium Noct. Atticarum lib. 3. c. 10. se duodecimam annorum hebdomadam ingressum esse refert, id est se octogenarium ferme esse . Addo, in sacris litteris, maxime propheticiis, dies plerumque pro annis usurpantur, sic Apocalypsis 12. 5. dicitur, mulierem fugisse in solitudinem, *ut ibi pascant eam diebus mille ducentis sexaginta*, ubi dies ponuntur pro annis, & Genes. 29. 27. Labanus ait Jacob : *Imple hebdomadam dierum hujus* : i. annorum, subjicitur enim *pro qua serviturus es mihi septem aliis annis*. Perspicuum ergò multò magis est, hebdomades indefinitè pronunciatas à Daniele esse hebdomades annorum, quæ collectæ efficiunt numerum quadrigentorum, & nonaginta annorum .

IV. At de initio harum Hebdomadum non una omnium sententia est, sed incredibilis potius conflictus. Certum quidem est, exordium illarum sumendum esse ab anno, quo exiit editum de reparandis Hierosolymis, verum quia sub variis temporibus hujusmodi exiere sermones, idè alii sumendum exordium censent à Cyro 1. Esdræ cap. 1., alii à Dario Hytaspis filio 1. Esdræ cap. 6., alii ab Artaxerse Longimano, (quòd manum longiorem alterâ haberet) vel anno ejus septimo, ut legitur 1. Esdræ cap. 7., vel anno ejus vigesimo 2. Esdræ cap. 2. S. Hieronymus jam tunc suo seculo octo recensabat opiniones . Benedictus Pererius quindecim . Undè meritò Isâacus Vossius Chronolog. sacr. ait, nullam Chronologiæ partem usque adeò ingenia vexasse, quàm ea, quæ agit de annis Persarum, ac de Danielis Hebdomadibus . Nos in Tractatu de Incarnatione q. 2. §. 4. eam, ut probabiliorẽ elegimus, quæ initium dictarum Hebdomadum affigit anno vigesimo Artaxerxis Longimani . Hæc tamen opinionum diversitas nullatenus lædit Oraculi præfati vim ad convincendos Judæos de adventu Messîæ .

V. Quare contra illos ita discorro . A quocumque anno, vel tempore sumserint exordium hebdomades illæ 70. prænunciatæ à Daniele, certum est Oraculum, in medio hebdomadis septuagesimæ occidendum esse Christum, cessaturam hostiam, & sacrificium, populum cum Duce venturo dissipaturum Templum, in eo ponendam abominationem, duraturam usque in finem : atqui hebdomades illæ jam diu expletæ sunt ; si enim sumantur pro hebdomadibus annorum, conficiunt annos 490., si pro hebdomadibus dierum, dies 490., qui dies, si vè anni cer-

tè

tè jam fluxere, cum à tempore illius sermonis jam bis mille anni tranfierint, ergò jam Mefſſas venit. Inſuper apud Hebræos jamdiu ceſſavit hoſtia, & ſacrificium, populus ille non eſt ampliùs populus Dei, dirutum Templum eſt, ac deſolatio adhuc perſeuerat. Quid ergò magis deſideratur, ut Oraculum illud dicatur impletum? Videatur D. Auguſtinus lib. 12. contra Fauſtum cap. 44. ex hoc Vaticinio cæcitatem Judaicam perſtringens.

VI. Damnanda propterea eſt audacia, ne dicam temeritas Joannis Marſhami, & Harduini, qui tam inſigne pro Chriſto Vaticinium Chriſtianis conantur penitus eripere, dicentes 70. Danielis hebdomades longè ante Chriſti aduentum fuiſſe impletas in Antiocho Epiphane, à quo Hieroſolymitanum Templum pollutum eſt.

Qui tamen multis modis redarguuntur, primo: hoc aſſerunt contra omnes SS. Patres, qui hoc vaticinio ſemper uſi ſunt ad probandum contra Hebræos Chriſti Mefſiæ aduentum, quare Theodoretus in ſuorum Commentar. præfat. ait: *Multò apertius, quàm alii omnes magni Dei, & Salvatoris noſtri Jeſu Chriſti (Daniel) prædixit aduentum, neque ſolùm ea, quæ facturus eſſet, ante commemoravit; ſed etiam tempus præſignificavit, numerumque adſcripſit annorum, qui uſque ad illius aduentum interceſſerunt.* Imò id aſſerunt ex Rabbiniſ magiſter hebræus Nehumias (teſte Grotio lib. 5. de verit. Relig. Chriſt. §. 14.), qui annis quinquaginta Chriſtum præceſſit, apertè enim tum dixit, non poſſe ultra eos quinquaginta annos protrahi tempus Mefſiæ ab Daniele ſignificatum. Et Rabbi Joſue (teſte Joanne Clerico in Grot. ibi), qui excidium Templi vidit, Mefſiæ tempus adveniſſe dicebat, ut teſtatur Rabbi Jacob in Caphthot.

VII. Secundò hujusmodi excogitatio arguit falſitatis Chriſtum ipſum, qui Matth. 24. loquitur de abominatione deſolationis in Templo, prædicta à Daniele Propheta in hoc vaticinio, tanquam de re futura, dicens Judæis: *Cùm ergò videritis abominationem deſolationis, quæ dicta eſt à Daniele Propheta, ſtantem in loco ſancto; qui legiſ intelligat: Quibus apertè Chriſtus oſtendit, abominationem deſolationis à Daniele prænunciatam, nedum factam, ſed propediem executioni mandandam; nimirum tempore Titi Imperatoris, qui Hieroſolymam, & Templum vaſta-*

VIII. Tertiò: deſolatio, qualiter à Daniele deſcribitur, non poteſt trahi ad tempora Antiochi Epiphaniſ. Primo quia illa prædicta fuit duratura uſque ad conſummationem, & finem,

vi-

videlicet seculorum. Antiochinæ autem desolationis abominatio, ut legitur 1. Machab. cap. 4., tribus dumtaxat annis duravit, nam Judas Machabæus triennio post Templum repurgavit, Judæi altare erexerunt, interiores Templi partes repararunt, sacrificia obtulere. Antiochus igitur Epiphanes non posuit finem Hierosolymis, non Templo, non hostiis, ac sacrificio, ut prædixerat Daniel, sed ordinem interruptit, deinde restitutum. Secundo: tempori Antiochi Epiphanis non consentiunt hebdomades Danielis, nam vel sumuntur pro hebdomadibus dierum, & sic cum 70. hebdomades dierum conficiant dies 490., elapsæ essent multo antè tempora Antiochi; vel sumuntur pro hebdomadibus annorum, & sic dictæ 70. hebdomades tempore Antiochi non poterant esse completæ, cum conficiant annos 490., ab initio autem dictarum hebdomadam, undecumque sumatur, usque ad Antiochi Epiphanis ætatem effluxere anni ad summum 364. secundum Spondani, & 367. secundum Usserii Chronologiam.

IX. Daniel in hoc vaticinio claris notis indicat Christum, quem justitiam sempiternam appellat, unctum Sanctum Sanctorum, qui in medio hebdomadis 70. occidetur, post quem finem accipiet peccatum, omnes figuræ complebuntur, & populus, qui cum negaturus est, non erit ampliùs populus Dei, sed reprobabitur. Nil autem horum sub Antiocho Epiphane contigisse, nemo non videt.

X. Prædixerat quidem Daniel etiam persecutionem, & Templi prophanationem faciendam ab Antiocho, sed hoc præstitit non illo capite 9., undè sumtum est Oraculum nostrum; sed capite 8. & 11., ut Sanctus Hieronymus in Commentariis advertit. Et hinc fortè æquivocatio Marshami, & Harduini originem, seu occasionem nata est.

XI. Non minori etiam censurâ notandus est aliquorum veterum error, qui teste S. Augustino Epist. 199. aliàs 80. ad Hesy-chium autumarunt, Danieliticam de 70. Hebdomadibus prophetiam complendam esse non in primo, sed in secundo adventu. Qui error, ut ait S. Doctor, adversatur expositoribus eloquiorum divinatorum, qui hanc prophetiam esse completam demonstrant, non sola computatione temporum, sed rebus etiam ipsis. Neque enim in fine seculi ungendus, aut occidendus est Christus, deinde cum desolatio, quæ prædicitur, sit duratura usque ad consummationem, & finem, clarum est, eam fuisse peragenda ante finem seculorum.

XII. Stupenda tamen Judæorum recentiorum cæcitas, ac per-

pertinacia hujus Oraculi veritatem tentat eludere. Dicit, Christum fuisse Cyrum, aut Jesum Josedech Sacerdotem, aut Zorobabelem, vel Agrippam Juniorem. Nec enim semper nomine Christi venit Messias. Cyrus Isaiæ 45. 1. *Christus* appellatur: *Hæc dicit Dominus Christo meo Cyro, cujus apprehendi dexteram, ut subjiciam ante faciem ejus gentes.* Et alii Christi vocantur psalm. 104. 15. *Nolite tangere Christos meos &c.*

XIII. Respondetur tamen, nullum ex iis indicari posse Oraculo Danielis nomine Christi. Tum quia Christus non vocatur in Scripturis, qui unctus non fuerit, vel corporali oleo, quo Reges & Sacerdotes ungebantur, ut Aaron, & Saul, aut spirituali, nimirum Spiritu Sancto, quo ungebantur Prophetæ. Corporali autem oleo desiere ungi Reges, ac Sacerdotes, qui post solutam captivitatem Judæis præfuere. Ita contra Judæos Raymundus Martini in Pugione fidei, p. 2. c. 3. §. 29. qui ex libro Sanhedrin, vel potius Macot Hierosolymitano, & ex Midrasum, i. glossa cantici, ostendit, quinque rebus Sanctuarium ultimum fuisse à primo diminutum, nimirum Igne, Arca, Urim, & Tummim, i. rationali judicii, oleo unctionis, & Spiritu Sancto. Tum etiam quia Christus à Daniele prænunciatus erat Sanctus Sanctorum, occidendus, aliasque habiturus conditiones, quas non habuere supracitati.

XIV. Quod autem Cyrus appelletur Christus ab Esaiæ, hoc ideo est, quia ibi Propheta sumit Cyrum tanquam typum Messiae, quia Cyrus fuit à Deo electus, ut liberaret populum à captivitate, in quo Messiae typus fuit, à quo humanum genus liberandum erat à captivitate Dæmonis; quare illo in loco Esaias à Cyro Christo typico ad verum Christum, i. Messiam, assurgens in has voces erumpit: *Rorate celi desuper, & nubes pluant justam.* &c. Quare laudatus Martini §. 30. ait, *Deum non hic quidem Cyrum, sed verum Messiam fuisse allocutum, prout dicitur in Talmud in libro Megilla distinctione, qua incipit Megilla Nirkath. Quid est, quod scriptum est Esai. 45. v. 1. Hoc dixit Dominus Messia suo &c.* Nunquid Cyrus Messias est? *Sed Deus sanctus & benedictus dicit Messia: opponens ego te Cyro, quem fortificavi in dextera sua.* &c. R. Salomon quoque hunc locum Isaiæ exponendo ait: *Magistri nostri dixerunt: dixit Deus Regi Messia: opponens ego te Cyro, sicut est in libro Megilla, & Rabbi Abraham Aben Ezra: Opinio ejus, qui dixit, quod Cyrus est Messias Domini, non est congrua.* Ita Judæorum antiqui.

Quod autem dicitur in psalm. 104. nolite tangere unctos meos, seu Christos meos. Ucti seu Christi ii sunt Abraham, Isaac,

Isaac, & Jacob. Ita R. Barachias in Medrasch; hos autem unctos fuisse oleo spiritali, idest spiritu prophetali, nemo inficiatur; quare subdit statim Psalmista: *Et in Prophetis meis nolite malignari*; undè David Kimhi super hæc verba: *Primi enim* (inquit) *Patres dono prophetiæ fuerunt insigniti, & Deus eos in visione prophetica, aut in somnis alloquebatur: hinc de Abrahamo, ita ipse Deus loquitur Abimelecho: Nunc ergò redde uxorem viro, quia propheta est.* Plures infelicium Judæorum infantiæ ad eludendam hujus oraculi vim possunt videri apud præfatum Martinum.

§. II.

Ex Danielis cap. 2.

XV. **N**Otissimum est Danielis Vaticinium ex cap. 2. pro Mefsa; quod tria continet; primum Nabuchodonosoris somnium de statua illa celebri, cujus caput aureum, pectus & brachia argentea, venter & femora ærea, Tibiæ ferrea, pedum autem quedam pars ferrea, quedam fœtilis, quæ cum Rex in somnis videret, abscissus est lapis de monte sine manibus, & percussit statuum in pedibus ejus ferreis, & fœtilibus, & comminuit eos, tunc contrita sunt pariter ferrum, testa, æs, argentum, & aurum, & redacta sunt quasi in favillam æstivæ ærea, quæ rapta sunt vento, nullusque locus inventus est eis; lapis autem, qui percussit statuum, factus est mons magnus, & implevit universam terram. Hoc legitur Daniel. 2. v. 32. 33. 34. 35.

XVI. Secundum est Danielis interpretatio somnii à versu 36. nimirum statuam illam designare quatuor imperia sibi invicem succellura. In capite aureo statuæ Imperium Chaldæorum; dictum aureum, & pretiosius, quia magis distans à luto pedum: in pectore, & brachiis argenteis regnum Medorum, ac Persarum, quod Babylonico successit; dictum argenteum, quia minus priore, & majus sequente; figuratum autem in brachiis, quia duo amplexurum erat imperia Medorum, ac Persarum: in ventre, & femoribus æreis tertium regnum Macedonum in Alexandro, & successoribus ejus; quod rectè æneum dicitur (ait S. Hieronymus hic) *inter omnia enim metalla æs vocalius est, & tinnit clarius, & sonitus ejus longè, latèque diffunditur, ut non solùm famam, & potentiam regni* (in Alexandro nimirum toto orbe diffusam) *sed & eloquentiam Græci sermonis ostenderet.* Ferrum autem (in tibiis, & pedibus) quod omnia domat, est regnum quartum, quod pertinet ad Romanos, quia omnia vice-

runt,

runt, ac domarunt: sed pedes ejus ex parte ferrei ex parte fictiles indicant hoc regno in principio nihil futurum fortius, in fine autem nihil imbecillius propter civilia bella.

XVII. Tertium est hujus statuae ruina, quia lapide sine manibus abscisso de Monte, & percutiente statuam in pedibus ferreis, & fictilibus, omnia contrita sunt, testa, ferrum, aes, argentum, aurum, nullusque locus inventus est eis. Hoc enim indicat, post quatuor illa Imperia quintum succellurum, quod omnia illa regna comminuit, unde subdit Daniel v. 44. *In diebus autem regnorum illorum suscitabit Deus Caeli regnum, quod in aeternum non dissipabitur, & regnum ejus alteri populo non tradetur, comminuet autem, & consumet universa regna haec, & ipsum stabit in aeternum.*

XVIII. Oraculum hoc quoad quatuor priora Imperia certum, ac apertum est; constat enim Imperium Chaldeorum transisse ad Medos, ac Persas; Imperium Medorum, ac Persarum ad Macedonas; Imperium autem Macedonum ad Romanos, qui non sibi ipsis adherentes, sicut ferrum misceri non potest testa (ut ait Daniel v. 43.) jam extincti sunt. Videndum modo superest; quinam sit iste lapis abscissus de monte sine manibus, qui statuam in pedibus fictilibus percutiens, omnia ea Imperia comminuerit, & quale sit hoc quintum Imperium iis quatuor succedens, quod alteri regno non tradetur, sed stabit in aeternum.

XIX. Lapidem illum fuisse typum Christi veri Messiae, docet S. Hieronymus in cap. 2. Danielis dicens: *In fine autem bonum omnium regnorum, auri, argenti, aëris, & ferri, abscissus est lapis Dominus, atque Salvator sine manibus, id est absque coita, & humano semine de utero virginali, & contritis omnibus regnis factus est mons magnus, & implevit universam terram.* Lapidem istum figurasse Mesiam, habetur ex Berefchit Rabba (referente Martino supra laudato 2. p. cap. 5. §. 2.) ubi super illud: *Et egressus est Jacob de Beerseba dicitur Postquam Rex Mesias vindicaverit se de Esau, ipse fiet Rex magnus: & hoc est, quod scriptum est Dan. 2. v. 35. Et lapis, qui percussit imaginem, factus est mons magnus, & implevit universam terram. Et quid est, quod dicitur mons magnus? sicut scriptum est Zacharia 4. Et quis tu mons magne coram Zorobabel?* Lapis etiam offensionis dicitur in libro Sanhedrin capite; quod incipit Ecclad: ubi Glossa Rabbi Salomonis ait: *Et eris Salvator Israel ad preparationem, & ad lapidem offensionis: offendet enim pedes statuae, ferrum scilicet, & testam: ita ex Martino supra citato §. 2. Lapis tandem, quem reprobaverunt edificantes, qui factus est in caput anguli (pl. 117. 22.) quo testimonio usus*

est Christus Matth. 21. 42. subiungens Judæis : *Ideo dico vobis, quia auferetur à vobis regnum Dei, & dabitur genti facienti fructus ejus.*

XX. Regnum insuper, quod omnia alia regna conteret, & stabit in æternum, quod occupabit universam terram, esse regnum Messia, seu Ecclesiam Christi, non minus apertum est; quia Christo adveniente Romanum Imperium coepit deliquia pati, donec tandem evanuit. Hoc autem æternum fore, ait Gabriel Lucæ 1. 31. *Regnabit in domo Jacob in æternum, & regni ejus non erit finis.* Impleturum autem universam terram prædixit Christus, dum mittens discipulos suos ad evulgandum Evangelium suum, ait Matth. 28. 18. 19. *Datà est mihi omnis potestas in Cælo, & in Terra: euntes ergo docete omnes gentes:* Et Marci 16. 15. *Euntes in universum Mundum, prædicate Evangelium omni creaturæ.* Observat tamen Theodoretus, dictum Danielis Vaticanum in primo Christi adventu impleri coeptum, sed in secundo ex omni parte implendum. Nascente enim Christo eversum non fuit, imò magis floruit Romanum Imperium, quamvis parùm postea duraverit, sed sensim decrescere coeperit. Nec etiam statim, imò neque usque modo Christi regnum totam terram prorsus occupavit, cui interpretationi consonat Apostoli sententia 1. Cor. 15. 24. *Deinde finis, cùm tradiderit regnum Deo, & Patri, cùm evacuaverit omnem Principatum, & Potestatem, & Virtutem.* Oportet autem illum regnare, donec ponat omnes inimicos sub pedibus ejus &c.

XXI. Hujus Oraculi vim eleganter more suo expressit Sanctus Augustinus tum tractatu 4., tum 9. in Joannem hisce verbis : *Jam verò in quinta ætate . . . Daniel vidit lapidem præcisum de monte sine manibus, & fugisse omnia regna terrarum, & crevisse illum lapidem, & factum esse montem magnam, ita ut impleat universam faciem terræ.* Quid apertius fratres mei? Lapis de monte præciditur: ipse est lapis, quem reproboverunt adificantes, & factus est in caput anguli. De quo monte præciditur, nisi de regno Judæorum, undè Dominus noster Jesus Christus secundum carnem natus est? Et præciditur sine manibus sine opere humano, quia sine amplexu maritali de Virgine exortus est. Mons ille, undè præcisus est, non impleverat universam faciem terræ, non enim tenebat regnum Judæorum omnes gentes. At verò regnum Christi universum orbem terrarum cernimus occupare.

XXII. In regnis autem per illum lapidem Messia typum confractis Raymundus Martini præfatus citato loco §. 4. recognoscit etiam regnum Judæorum; & Judæos in pedibus statua;

nomine testæ figuli dictos esse, ostendit. Primo quia nomine testæ populum Judaicum indicari constat Threnor. 4. ubi legitur *Filii Sion speciosi, amicti auro, quomodo reputati sunt in vasa testæ opus manuum figuli?* Item Isaia 45. *Va contradicenti fictori, sive formatori suo testæ de testis terræ?* Et Isaia 64. *Et nunc Domine pater noster tu: nos sumus lutum, & tu fictor noster, & opus manus tuæ omnes nos.* Secundo quia sicut testæ illa in pedibus statuæ conglutinata erat ferro, cum lapis abscissus fuit de monte, ita populus Judaicus, cum Christus venit, & regna contrivit, cum ferro idest Romanis societatem inierat, unde in libro Abodazara distinct. quæ incipit Liphne Edeben R. Dime dixit: *Triginta & duobus annis fecerunt prælium Romani contra Græcos, & non potuerunt contra eos, usquequo associaverunt secum Israel hoc modo, quod quando essent Reges de istis, essent comites de istis, & quando essent Reges de istis, super Judæis scilicet, essent comites de his &c.* Hinc Judæi tempore Christi se quasi unum populum cum Romano arbitrabantur, unde dicenti Pilato *Regem vestrum crucifigam?* Responderunt Judæi: *Non habemus Regem, nisi Casarem.* Joannes 19. 15., & Josephus lib. 4. Antiquit. Judaic. cap. 17. percentet monumenta amicitiam, & societatem inter Romanos, & Judæos attestantia. Eodem ergo ictu, quo lapis Messias contrivit in pedibus statuæ ferrum, scilicet Romanum Imperium, comminuit etiam testam illi conglutinatam, i. populum Judæorum. Certum est, Romanum Imperium jamdiu esse contractum, cur ergo non erit comminutum regnum Judæorum? Sed de regni Judaici ruina dicemus in sequentibus.

§. III.

De Oraculo Jacobæo Gen. cap. 49.

XXIII. **A**lterum invictum pro Messiae adventu contra Judæos sumitur argumentum ex celebri Jacobi Patriarchæ Oraculo, qui benedicens filiis suis Genes. 49. ad Judam deveniens, ait: *Non auferetur sceptrum de Juda, & Dux de semine ejus, donec veniat, qui mittendus est, & ipse erit expectatio gentium.* Ita in Vulgatis. Vel ut in Hebræis codicibus: *Non recedet sceptrum de Juda, vel virga, vel legum lator de medio pedum ejus, donec veniat Siloh, & ei obedientia populorum, vel nationum, idest gentium.* Cui consentit Targum Chaldaicum Onkelos, i. translatio à quodam profelyto sapiente, nomine Onkelos, sive Encalos longè ante adventum Salvatoris facta,

inter Judæos tantæ auctoritatis, ut à nullo eorum præsumatur contradici, dicit enim: *Non præteribit factum, siue actio potestatis, vel domini regii à domo Judæ, & Scriba de filiis filiorum ejus in seculum, usquequò veniat Messias, & ad eum obediens, vel congregabunt se populi, vel gentium nationes.* Ita ex Raymundo Martini laudato. 2. p. cap. 4. §. 2.

XXIV. Dissident hic Interpretes, tum in exponendo, quid veniat nomine *Sceptri*, ac *Ducis*, nimirum, an quicumque Principatus, an solus regalis: tum etiam quid intelligendum sit nomine *Judæ*, an sola Tribus Judæ, an verò tota gens Judaica. Pro primo sciendum, non eandem quovis tempore fuisse apud Hebræos formam regiminis. Etenim eo primo tempore, quo Reipublicæ Hebræicæ jacta sunt fundamenta, Deus ipse fuit ejus immediatus Princeps, ita ut status ejus esset Theocratia. Sicut enim Democraticum dicimus regimen, quod est penes plebem, Aristocratiam ubi præsunt Optimates, seu Nobiles, ita cum Hebræorum præses solus Deus esset, modus, quo res eorum administrabatur, Theocratia erat. Hinc dum Israël in deserto peregrinatus est, Deus in Tabernaculo, tanquam summus Imperator in Prætorio, super Arcam tanquam super Thronum juxta populo dicebat, non movebat castra populus, nisi per Nubem interdiu super tabernaculum apparentem, & per igneam Columnam noctu coruscantem, Deus signum dedisset Num. 9. 13. *Per verbum Domini figebant tentoria, & per verbum illius proficiscebantur, erantque in excubiis Domini juxta imperium ejus per manum Moysi.*

XXV. Attamen quamquam ista Respublica nullum alium Principem, quam Deum agnosceret, quia tamen populus ferre non poterat ejus præsentiam territus fulguribus, quibus apparuerat in Monte Sina, ubi quasi nata, & formata est Hebræorum Respublica & proinde orasset Deum, ne amplius sibi per se ipsum alloqueretur, sed uteretur Moysi, ut internuncio ministro, ac mediatore; hinc Moses datus illis fuit tanquam minister, cui adjuncti postea fuere multi alii boni, prudentesque viri, quorum alii sacra, alii prophana curarent; hi autem non se gerebant ut Principes mandata propria præscribentes, sed ut puri Ministri, sub Deo Principe significantes ea, quæ Deus vel per se, vel per legem suam mandasset, & sub hac regiminis forma Deo paruerunt etiam, postquam sedes in terra Chanaam locarunt Hebræi, ubi Judicibus, qui Dei legem executioni mandandam curabant, sub Deo Principe vivebant.

XXVI. Verum habendi Regis terreni cupiditate accensi, atque

atque Theocratiam in Monarchiam vertendi, petierunt à Samuele Regem dicentes 1. reg. 8. *Constitu nobis Regem, ut iudicet nos, ut universæ habent nationes*, quo humanum potius rectorem, quam divinum se velle, testati sunt; Dominus enim ipse à Samuele consultus id expressit respondens: *Audi vocem populi in omnibus, quæ loquuntur tibi, non enim te abjecerunt, sed me, ne regnem super eos*. Sic ergo repudiato Dei Principatu, ad Principatum arbitrium hominis transierunt. Primus Rex fuit Saul, secundus David, à quo inde hæreditarium regnum inter Judæos evasit, donec res ad Sedeciam pervenit, qui à Nabucodonosore Rege cum populo captivus in Babylonem est adductus.

XXVII. Reversis verò in patriam post annos septuaginta Judæis, res iterum ad statum Optimatum est adducta: quo tempore Pontifices, qui pro tempore fuerunt, Sacerdotum, & Judicum partes impleverunt, donec populo ab Antiocho servitute oppresso, Levitica Asamoneorum familia insurrexit, qui primum sub titulo Principis, deinde sub nomine Regis, manentibus veteribus institutis, rem Judæorum universam administravit. His expulsis, Herodes regnum invasit. Filius ejus Archelaus hæres regni tantum ex parte Judæam nomine Ethnarchæ (idest Præfecti, seu Principis gentis) rexit. Pulso autem post decennium suæ Ethnarchiæ Archelao, quamvis Agrippa ei successit, tamen Judæa Provincia Romana sensim facta est; tunc enim usque ad eversum Templum, licet suis legibus uterentur Judæi, attamen ut subacti censebantur; Romani Magistratum, & Tributum imposuerunt, regionis Imperium, & procurationem sibi vindicantes: ac postremo, cum jugum excutere conati essent Judæi, eorum urbem cum Templo inflammaverunt, ac gentem propè totam interemerunt, reliquiis hùc, illucque dispersis; quod post Christi necem contigit anno æræ vulgaris 70., seu à Christo nato 74. Hæc forma regiminis, initium, progressus, atque exitus Judaicæ Reipublicæ.

XXVIII. Inter Magistratus, quibus Judæi quovis tempore usi sunt, præcipuum erat, quod vocabatur Græca voce *Synedrion*, ex qua voce Hebræi fecerunt *Sanedrim*, latinè verò *Concilium*. Hoc Synedrion majus instituerat Moses suadente Iethro Socero suo, jussu Dei eligens 70. Seniores ætate provectos, ac scientia probatos, qui in regendo populo eum adjuvarent. His 70. Senioribus ipse Moyse præerat, unde constitit inter Judæos, Synedrion componi debere 71. Judicibus. Summus Synedrii Præses appellabatur *Hanafci*, hoc est *Princeps*; alter, qui ejus lateri dextro affidebat, ejusque absentis vices tenere poterat, di-

dicebatur *Ab*, hoc est *Pater Synedrii*. Sunt, qui addant tertium sinistro lateri insidentem dictum *Hacum*, hoc est *Sapientem*.

XXIX. Non eadem semper potestas fuit Synedrio magno. Hanc ei summam contulerat Deus, ut patet ex Deuteron. 17. 8. Sub Regibus rarus de illo sermo, Regia auctoritate opprimente formam illam regiminis Aristocratici. Sed tempore Aslamonæorum, etiam dum Herodes magnus viveret, etiam cum Judæa in Provinciam redacta per Procuratores Romanos regeretur, non omni auctoritate carebat Synedrium magnum. Ab hoc, sentiunt Eruditi non pauci, carceri traditum Joannem Baptistam, quamvis ego existimem, à solo Herode id factum, dicente Luca 3. 20. de Herode: *Adjecit & hoc super omnia, & inclusit Joannem in carcere*: & Josepho lib. 8. antiqu. cap. 7. *Qui* tamen pro necis causa non assignat Herodis cum Herodiade adulterium. Videre tamen est in Evangelio Lucæ 20., quomodo sæpè inquirebant de Christo, & de doctrina ejus, quia ad Judices Synedrii pertinebat rebus religionis prospicere, ac de iis judicare. Et hoc fuit Concilium, quod Joannes cap. 11. narrat coactum contra Jesum, ut eum morti traderent. Ad hoc Concilium adductum fuisse Stephanum, colligitur ex Act. 6. 12. Cujus sententiâ fuit condemnatus Act. 7., & lapidibus obrutus. Multaque alia, quæ postea per Synedrium gesta monet Josephus, indicant, etiam post Christi mortem non omni spoliatum auctoritate fuisse Synedrium. His notatis præcipuè ex Lamy Appar. Bibl. lib. 1. cap. 11. & 12. restat inquirendum, quid intellexerit Jacob nomine *Sceptri ac Ducis* non auferendi à Juda, nisi in adventu Messiae.

XXX. Circa secundum etiam, num nomine Judæ veniat sola Tribus sic dicta, & à ceteris condistincta, an verò tota Judaica gens, major est difficultas. Cum pateat, sive Reges, sive Optimates, penes quos fuit Judæorum summa potestas, non semper fuisse de tribu Juda, ut consideranti patebit. Ex alia parte. Si de tota gente Judaica accipiat, & non de sola Tribu Juda, nihil peculiare prædixit Jacob de filio suo Juda, dum ei benedictionem largitus est -

Proinde in varias nostri Interpretes abierunt opiniones. Prima sustinet de sola Tribu Juda intelligendum esse Oraculum, semperque in Tribu Juda extitisse Sceptrum, seu Principatum, nec Sedeciam fuisse postremum, qui ex Tribu Judæ Sceptrum gesserit, sed illud transiisse ad posteros, & per Aslamonæos pervenisse ad Christum. Aslamonæi enim, etsi paterno genere forent Levitæ, per matres tamen à Juda erant prognati, quia Tri-
bus

bus Levi, & Juda conjugii copulabantur. Sic Exod. 6. Aaron Aminadabi filiam duxit uxorem, & 2. Paralip. 22. Jojada Pontifex filiam Jorami Regis uxorem habuit; Aminadab autem, & Joram de Tribu Juda erant, cum tamen Aaron, & Jojada, utpotè Sacerdotes, essent de Tribu Levi.

XXXI. Hæc opinio, quæ ducem habuit Origenem homil. 17. in Genesim, & plerosque Patres, suis non caret spinis. Primo nam post Jechoniam nullum de Tribu Juda sceptrum gestaturum prædicit Jeremias 22. 30., dum de Jechonia ait: *Scribe virum istum sterilem . . . Nec erit de femine ejus vir, qui sedeat super solium David, & potestatem habeat ultra in Israel.* Secundo Pontifices, & Assamonæos, qui postea summam rerum obtinuerunt, quo fundamento Scripturæ, aut Veterum ostenditur, uxores habuisse de Tribu Juda? Quod habere potuerint non negatur, sed quod habuerint ostendi debet. Tertio etsi habuerint uxores de Tribu Juda, non inde inferri potest, principatum in Tribu Juda mansisse, si viri erant de alia Tribu, quia juxta Thalmudicum scitum, & Hebræorum usum nullo numero materna stirps censebatur, nec familia matris vocabatur familia. Quarto si Pontifices materno genere fuissent oriundi ex Juda, paterno autem ex Levi, jam dici posset, aliquem de Tribu Juda fuisse sacerdotem secundum ordinem Aaron, atque altari servivisse; sed hoc negatur ab Apostolo Hebr. 7. 13. probante, Christi Sacerdotium esse aliud à Sacerdotio Aaronico, quia Christus fuit de Tribu Juda, *de qua nullus altari prestò fuit . . . In qua nihil de Sacerdotibus Moyses locutus est* ergò &c. Quinto tandem demus, Assamonæos fuisse Judæ tribules: cur id poterit dici de Sacerdotibus aliis, penes quos ante tempora Assamonæorum suprema potestas fuit? Verum hoc quoque demus, & à Sedecia usque ad tempora Christi dicamus, propagatam fuisse in Judæ Tribu regiam potestatem: quomodo sustinebimus, eos, qui ab ipso Juda usque ad Davidem jus summum in Israel obtinuerunt, de Tribu Juda fuisse? Ruit ergò, quia fundamento vacua, hæc sententia.

XXXII. Secunda opinio aliâ viâ sustinet, e Judæ Tribu extitisse semper Principes usque ad Christum, eo quod semper mansit Synedrium, seu Senatus ex 70. Viris suprema pollens auctoritate, qui totus Senatoribus ex Tribu Juda prognatis constaret, vel cujus saltem Princeps ex Tribu Juda foret; qui Senatus perduravit semper, & solum circa tempora mortis Christi extinguitus est, & hoc sensu Sceptrum, seu supremam in causis religionis fuisse penes Judam potestatem.

Verum nutat etiam hæc sententia. Unde epim probat,

septuaginta illos Viros constantes Synedrium, vel saltem Synedrii caput, & Principem de Tribu Juda semper fuisse? Imò cum in hoc Senatu judicandæ forent causæ omnium Tribuum, credibile potius est, morem fuisse, viros illum componentes ex omnibus Tribubus fuisse selectos. Id fecit Moyses, dum consilio soceri sui Jethro illum instituit. Exod. 18. 25. *Et electis viris strenuis de cuncto Israel*, (non ait de Tribu Juda) *constituit eos Principes populi*: & Num. 11. 24. dicitur de Moysse, *quod venit congregans septuaginta viros de senibus Israel*; non dixit *Juda*. Primus hujus Senatus Princeps fuit Moyses, qui certè non erat de Tribu Juda, sed Levi. Undè ergo ceteri Principes fuere semper de Tribu Juda? Adde supremam, seu regiam potestatem numquam in Synedrio, vel ejus Duce extitisse in rebus politicis, sed vel in Regibus, vel in summis Sacerdotibus. Alexandro Magno Hierosolymam petenti non occurrit Dux aliquis, sed Jaddus Pontifex, teste Josepho lib. 11. antiquit. cap. 8. Incertum tandem est, hoc Synedrium extinctum fuisse Herodis tempore, nec ulterius durasse, imò in Actibus Apostolorum, & in Evangelio constat, coactum fuisse tempore Christi, imò & post, contra Apostolos, & Stephanum, ut supra dicebamus.

XXXIII. Attamen, quia hæc opinio fulcitur multis Talmudicis, ac Rabbinicis testimoniis, quæ producit Raymundus Martini 2. p. cap. 4. §. 3. 4., in quibus nomine Sceptri, ac Ducis intelligitur Scriba, vel Legumlator, quæ duo non erant recessura de Juda, donec veniret Messias. Undè in *Bereschit Rabba* ad illa verba *non recedet Sceptrum de Juda* dicitur: *Istud est camera, vel concistorium dolatum, vel politum, quod datum est in parte Juda, sicut dictum est ps. 78. v. 67. &c.*, & ad illa verba & *Scriba de medio pedum ejus dicitur: Isti sunt sedentes Fabbets, docentes sententias in Sanhedrim magna*.... *Et quid est non recedet Sceptrum de Juda? Et nonne jam recesserunt Sanhedrim de camera dolata? &c.*, & in *Bereschit Ketzara* sect. 79. *Non recedet Sceptrum de Juda* sic exponitur: *Hi sunt sedentes in Fabbets docentes sententias in Sanhedrim magna, qua est sedens in camera dolata in parte Juda, de qua dictum est 1. Paralip. 2. 55. & Scribarum familiarum &c. Donec veniat Silob: quia futura sunt gentes seculi: ut adducant, vel deferant munus Messie filio David &c.* Insuper in libro Sanhedrim Hierosolymitano capite, quod dicitur *Dine Mammoth* legitur: *Tradiderunt Rabbinii nostri, quod, cum adhuc domus, idest Templum non destructum esset, per 40. annos ablata sunt judicia animarum, idest judicia mortis ex Israel*. Idem dicitur in libro Abodazara, in libro Sanhedrin cap. Hajou Podekin, & alibi.

XXXIV.

XXXIV. Hoc ergò admissò, potest confici contra Judæos hic discursus. Per vos Sceptrum, & Scriba non defutura, donec veniat Siloh, i. Messias, in Oraculo Jacobæo, sunt Sanhedrin, idest 71. Judicum Collegium; per vos Collegium Sanhedrin quadraginta annis ante Templi eversionem auctoritatem perdidit; per vos etiam paulò post Collegium illud totaliter per Romanos ablatum, & interfectum est, lib. *Sanhedrin* distinct. Dine Mammoth., & de factò nullum apud vos hodiernis temporibus adest Sanhedrin, seu potestas super animas: quid ergò vos moratur, ne fateamini, Siloh, i. Messiam, quem deficiente Sanhedrin Majores vestri fatebantur esse venturum, jamdiù venisse, & maximè 40. annos ante destructionem Templi?

XXXV. Tertia opinio sustinet, Sceptrum usque ad Christi adventum mansisse in Tribu Juda, non quidem actu, & de factò, eo sensu, quòd semper habuerit Duces, aut Reges ortos è Tribu Juda; sed de jure; quia illa Tribus, ex quo Sceptro potita est, nusquam jure exciderit, quod in illud habebat, sed semper Regni proprietatem retinuerit; sicut si aliqua familia vi, aut tyrannide repellatur à Regno, cujus legitime gestabat sceptrum, nunquam excidet à jure, sed semper de jure, esto non de factò, regnabit.

Hæc tamen sententia infringit robur Oraculi Jacobæi, atque Hebrais promptam suggerit responsionem; dicent enim & ipsi, Oraculum Jacobæum nondum esse impletum, & consequenter Messiam nondum venisse, quia licet apud eos nullus sit Rex de Tribu Juda, est tamen de jure; sicque licet apud eos Regnum exciderit, non tamen jus ad Regnum; aut si fuit impletum, saltem non fuisse impletum in Jesu nativitate, quo tempore Herodes regnabat, quia cum Tribuum distinctio adhuc servaretur, Tribus Juda habebat jus ad Sceptrum, quod Herodes alienigena usurpaverat, spemque illud aliquando recuperandi habebat.

XXXVI. Quarta opinio dicit, vim Oraculi Jacobæi esse; Tribum Juda semel Regno potitam, eo non casuram in perpetuum; quod quidem impletum est: nam etsi Tribus Juda mortuo Sedecia Sceptrum amiserit, illud tamen non in perpetuum amisit, quia illud recuperavit in Christo, qui ex Tribu Juda natus fuit, quique regnabit in æternum.

Placere tamen non potest, quia violenta videtur verbis Patriarchæ Jacobi, qui nullam in Juda Sceptri interruptionem prædicit, sed potius vaticinatur, perpetuam in Juda fore continuationem, donec veniat Messias.

XXXVII. Quinta opinio, quam Cajetanus præformavit;

Huetius autem lib. demonstr. Evang. propof. 9. §. 7. explanavit, dicit, res quatuor Jacobi laudatis verbis notari. Prima hæc est: *Non auferetur Sceptrum de Juda*, quo æterna Sceptri possessio Judæ spondetur. Secunda est: *Et Dux de semore ejus*, quo temporarius, & caducus Judæ significatur Principatus. Tertia: *Donec veniat, qui mittendus est*, quo temporarii hujus regni finis, & Messia adventus prædicitur. Quarta: *Et ipse erit expectatio gentium*, quo Messia regnum spiritale, æternum, nec claudendum finibus Chanaan, sed quaquaversus per orbem patens indicatur.

Sed hæc etiam nutare videtur; tum quia Jacobum in una Oraculi parte loqui de regno æterno, in alia de regno temporali, & caduco, videtur alienum à verbis ipsius, qui toto Oraculo de eodem regno temporali loqui videtur, transmutando in æternum adveniente Messia: tum quia regnum temporale non semper fuisse in Tribu Juda, jam ostensum est.

XXXVIII. Sexta ergo opinio, quæ Modernis magis arridet, verba illa *Non auferetur Sceptrum de Tribu Juda*, & sequentia refert, non ad solam Tribum Juda, sed ad totam gentem Judæicam, unde sensus sit: Non auferetur Sceptrum de populo Judaico, & Dux de ipso prognatus, donec veniat Messias, ita ut signum adventus Messia futurum sit ablatio regis, ac dominativa Potestatis à tota gente Judaica. Interpretatio hæc fulcitur suffragio veterum Patrum: Justinus Dialog. cum Triphone, Athanas. lib. de Incarnat., Eusebii lib. 8. demonstr. Evangel., Chrysostomi homil. 77. in Genes., Ambros. lib. de benedictionibus Patriarcharum cap. 4., August. lib. 18. de Civit. Dei cap. 45. Theodoret. q. 110. in Genes., aliorumque SS. Patrum: adeo ut vix ullum reperire sit inter veteres præter S. Cyrillum Alexandrinum, qui hanc interpretationem suo calculo non probavit.

XXXIX. Secundò, si consulimus Scripturas, compertum habemus, à Jacobi morientis edito vaticinio usque ad Christum plures extitisse gentis Judaicæ Duces, ac Principes, qui ex Tribu Juda non fuerunt oriundi: Moyses enim, & Josue, qui populo post egressionem ex Ægypto præfuerunt, ex Juda originem non trahebant, Moyses enim de Tribu Levi, Josue autem erat de Tribu Ephraim. Ex judicibus, qui post illos summa apud Hebræos potestate potiti sunt, duo soli, Othoniel & Abesai, fuere ex Tribu Juda. Saul primus inter Reges de Tribu Benjamin satus fuit: licet autem David, & subsequentes Reges usque ad captivitatem Babylonicam fuerint de Tribu Juda, soluta tamen captivitate nullus unquam fuit populi Dux, ac Principes
ex

ex Tribu Juda, sed dominium supremum fuit, vel penes Pontifices, vel penes Assamonæos, qui erant de Tribu Levi. Vel ergò Oraculo Jacobæo veritas non constat, si volumus, eum locutum de sola Tribu Juda, dum ait: *Non auferetur Sceptrum de Juda*; vel necesse est, ut dicamus, eum de tota gente Judaica locutum fuisse; ni fortè diceremus, Assamonæos, seu Macabæos, aliosque, qui non erant de Tribu Juda, & tamen regnarunt, non fuisse legitimos Reges, aut Duces Iudæorum, sed Tyrannos, qui usurpassent Sceptrum, quod soli Tribui Juda erat assertum.

XL. Hac ergò firmatâ sententiâ, statim apparet, Oraculum in ortu Christi fuisse completum: nam Judæi ad Herodem usque semper habuerunt ex gente sua, seu ex genere suo, & ex aliqua Tribu Iudices, Reges, ac Principes, id enim seriò consideranti apparebit, tum ante captivitatem, tum captivitate soluta; quotquot enim summam rerum gessere apud Judæos, Judæi fuere, seu ex genta Judaica, quæ demum ad Assamonæos traducta fuit. Primus ergò, qui ex gente Judaica non progenitus Sceptrum Iudæorum gestavit, fuit Herodes genere Idumæus, qui, Antigono ultimo Assamonæorum Principe devicto, Judææ regnum non à Judæis, sed à Romanis accepit. Tunc ergò primò ablatum fuit Sceptrum à gente Iudaica; quumque hoc regnante ortus fuerit Christus, constat concludi ex Oraculo Iacobæo, ipsum esse, qui mittendus erat, seu Messiam.

§. I V.

*Stabilitur, Herodem fuisse alienigenam, & magis
firmatur sexta Opinio.*

XLI. **S**I autem, quis dubitaret, an Herodes alienigena fuerit, adeat Iosephum lib. 14. antiquit. Iudaic. cap. 2. dicentem *Amicus quidam Hyrcani Idumæus nomine, Antipater, vir pecuniosus, naturâ facilius, & industrius, insensus erat Aristobulo, eo quod ipse staderet Hircani partibus. Quamvis Nicolaus Damascenus hujus genus deducat à Primatibus Iudæorum, qui in Judæam venerunt ex Babylonia, sed hoc dicit in gratiam Herodis ejus filii, quem fortuna ad Iudæorum regnum evehit. Et cap. 27. Antigonus ita respondebat verso sermonem ad Silonem, & Romanos milites: iniquum eos facere, qui Herodi regnum adstruunt homini privato, & Idumæo, hoc est Semijudæo, cùm id more gentis debeatur Successioni generis, nam si offensi, quod ipse à Partibus regnum*

accepisset, idem velint hoc auferri, non deesse multos ex eo genere, qui legitime possint id accipere, nihil de populo Romano male meriti, & Sacerdotes insuper, quos iniquum sit privari debitis honoribus: Idem lib. 1. de bello Iudaico c. 5. ubi de Antipatro Herodis patre scribit: *Erat autem genere Idumæus, & nobilitate opibus gentis suæ Princeps.*

XLII. Iosepho consentiunt Patres (solum aliquibus à Iosepho discordibus, quòd Herodem faciant Ascalonitem.) Videatur Origenes homil. 17. in Genes. S. Epiphanius hæres. 30., quæ est Herodianorum, ubi postquam ait, Herodem ab aliis dictum fuisse Idumæum, ab aliis Ascalonitam, subdit: *Quamobrem quod ex alienigena ille gente regnare cæperat, cum hætenus à Juda, & Davide regnum, atque ex Juda stirpe Principes & Patriarchæ perstitissent: quod inquam imperium in externum hominem translatum fuerat, idoneum illis (Herodianis) visum est erroris argumentum, ut Herodem esse Christum arbitrarentur, quod ex illo Scriptura loco consequens videbatur: Non desinet Princeps à Juda, donec venerit, cui reservatum est. Ut eo sensu sit accipiendus, quasi Herodi reservatum esset. . . Porro iste de Juda genere non est, ac ne omnino quidem Israelitica gentis. S. Ambros. lib. 3. in Lucam facit Herodem origine Ascalonitam, Idumæum nativitate. S. Hieronymus in lib. 3. Osee, S. Cyrillus Alexandr. lib. 7. Glaphyrorum in Genesim., Theodoretus Dialog. 1. omnes Herodem alienigenam pronunciant; & S. Augustinus lib. 18. de Civit. Dei cap. 45. & lib. 12. contra Faustum cap. 47. *Sunt, inquit, litteræ certissimæ Historia ipsorum quoque Judæorum, quibus ostenditur, primum alienigenam Regem fuisse in genere Judæorum, quo tempore natus Christus est. Ita non desuit Rex de semine Judæ, donec venirent, quæ reperta erant.**

XLIII. Eusebius verò lib. 1. histor. Eccles. c. 6. scribit, Herodem secundum Iosephum fuisse paterno genere Idumæum, materno Arabem: secundum Iulium Africanum Ascalonitam origine, in Idumæa natum, dicens: *Qui de illo (Herode) accuratius scripserunt, Antipatri filium fuisse, tradunt: huic verò Herodem quendam Ascalonitam, unum ex numero servorum Templi Apollinis, quod Ascalone est, Patrem fuisse. Antipater cum adhuc puer à latronibus Idumæis captus fuisset, cum iisdem diutius vixit, eo quod pater pro redemptione ipsius solvere præ inopia non valeret. Moribus igitur, institutisque eorum innutritus, tandem in notitiam Hircani Judæorum Sacerdotis, amicitiamque pervenit. Hujus filius fuit Herodes, qui Servatoris temporibus vixit. Lib. autem 8. demonstrat, Evang. pag. 374. ubi Oraculum Iacobæum probat imple-*
tum

tum in Christo, quia in ejus ortu, sicut exposita Prophetia volebat, ex Judæis quidem defecerunt Principes, ac Duces, qui genti præstiterent; ipsa verò Tribus Juda unà cùm tota gente principatu, ac regno, quod ab initio obtinuerat, spoliata, Romanis etiam nunc dominantibus ex illo ad hunc usque diem famulatur, qui unà cùm reliquis gentibus etiam Judæos subegere; à quibus item Herodes, primus externo genere ortus, & Imperatoris Augusti, & Romani Senatus auctoritate Rex declaratus est. Fuit igitur Antipatri filius hic Herodes. Ipse verò Antipater Ascalonita ab eorum nescio quo ortus, qui in Templo Apollinis versantes sacri servi appellabantur. Qui cùm uxorem duxisset quandam, cui nomen quidem Cyprina, genus verò ex Arabia, Herodem creavit. Hic igitur primum tali genere natus, Hyrcanum, qui ultimus ex successione, & serie Pontificum, Judæis præfuit, & in quo domesticus Judæicæ gentis principatus defecit, necatum tollit de medio; isque primus, ut dicebam, externo genere ortus Judæorum Rex est appellatus.

XLIV. Scaliger, & Casaubonus, qui contrarium sentiunt, dicunt primo, Herodem etsi Idumæum, dici non posse alienigenam, cùm Idumæi integro ferè seculo antè regnum Herodis facti sint Judæi, ut narrat Iosephus lib. 13. Antiq. Judaic. cap. 17. Qui enim renunciasent Coze proprio Idumææ Gentis Deo (teste eodem lib. 15. cap. 11.), qui ritus antiquos ejurasent, ac Circumcisionem amplexi essent, universumque veri Dei cultum, cur non conserentur Judæi? Eo vel maximè, cùm à prima origine fratres Judæorum essent Deuter. 23. 7. *Non abominaberis Idumæum, quia frater tuus est*, propago nimirum filii Abrahæ, i. Esau, à quo dicta fuit terra Edom, undè Idumæi, ut tradit Augustinus lib. 1. quæst. in Genes. q. 121. & lib. 16. de Civitat. Dei cap. 42. Imò Iosephus ipse lib. 20. cap. 6. Herodem genere Judæum admittit, & apud ipsum lib. 15. c. 14. Herodes ipse in sua concione vocat Judæos *Tribules*, cui favet Nicolaus Damascenus, & Strabo lib. 16. vocans Herodem Judæorum indigenam, seu vernaculum.

XLV. Respondetur tamen concessio, quod Idumæi a Joanne Hyrcano Pontifice subacti, ne à propriis sedibus pellerentur, coacti fuere Circumcisionem, aliosque Judaicos ritus amplecti, non indè inferri, Herodem, quia Idumæum, fuisse origine Judæum, idest ab Israele, seu Iacob originem traxisse, sive Judæum ex Judæis: sed proselytum dumtaxat, & religione Judæum, non genere, eò vel maximè, quia Herodes, etsi apud Idumæos natus, ex patre tamen gentili in Templo Apollinis Ascalone serviente, matreque ex Arabia ortum duxerit, ut supra vidimus

ex

ex Eusebio, S. Epiphanio, & Ambrosio. Porro etsi Idumæi appellati sint fratres, utpotè ex Abrahamo per Esau progeniti, quia alia gens erat, alios Ritus, alios Principes habens ab Israeli- tis, ideò respectu horum alienigenæ erant: Populus enim Iudaicus, cui factæ fuerant promissiones erat ille, qui descendebat ab Abraham per Iacob, seu Israel, qui soli Circumcisionem servabant. Iosephus autem Herodem genere Iudæum non admittit ex propria sententia, sed aliorum; Iudæi equidem Cæsarienses, ut jus Civitatis contra Syros sibi vindicarent, Herodem genere Iudæum fuisse dixerunt, sed id non approbat Iosephus, quin imò, ut vidimus lib. 14. cap. 2., improbat Nicolaum Damascenum, qui Herodem genere Iudæum, & oriundum à Iudæis, qui Babylone fuerant captivi, & quidem de Tribu Iuda, effinxit. Quare nescio, quomodo Huetius propof. 9. contendat, Herodem fuisse genere Iudæum, & hoc ex Iosepho. Iudæos etiam viros Tribules vocat Herodes, ut eos demereatur, atque ita vocare poterat, cum Iudaico nomini, & populo insitus esset, utpotè profelytus. Idem Strabonis sensus est. Indigenam, vernaculum, religione Iudæum Herodem fuisse, concedimus, fuisse tamen genere Iudæum, hoc est ex gente Iudaica traxisse originem, constanter negamus.

XLVI. Si dicas: Alienigenæ postquam erant circumcisi, ac relictis sacris initiati, non minùs veri Iudæi censebantur, quàm hodiè veri Christiani, Iudæi, Turcæ, Tartari, postquam sacro Lavacro fuerint abluti.

Respondeo primò, disparè esse rationem inter Iudæos, & Christianos, nam in Iudæis maxima ratio originis habebatur, non autem in Christianis; hi enim non nascuntur, sed fiunt, non dicuntur tales ex semine alicujus, sicut Iudæi tales dicebantur ex semine Abraham, sed fide, sic ad Galatas 3. 26. 28. *Omnes filii Dei estis per fidem, quæ est in Christo Jesu . . . Non est Iudæus, neque Græcus: non est servus, neque liber &c.* Secundò dico, aliud est esse Hebræum, aut Christianum, aliud esse Hebræum ex Hebræis, seu ex gente Israel, seu Iuda, aut Christianum ex gente, aut semine parentum Christianorum satum. Esto autem Herodes fuerit Iudæus, non tamen fuit ex Iudæis, sed ex Idumæis, & consequenter non natus de femore Iudaico: unde in eo impletum fuit Oraculum Iacobæum.

XLVII. Repetes, Si Herodes Idumæus fuit, quare Idumæorum ritus, ac leges Iudæis non imposuit, sicut Ioannes Hyrcanus leges, ac ritus Iudaicos Idumæis imposuerat?

Dico, Herodem id non tentasse, tum quia vir politicus, & for-

fortunæ suæ tantum serviens, parum de religione curabat: tum quia sciens, quam tenaces essent suorum rituum Hebræi, noluit eorumdem immutatione fortunæ suæ periculum subire: tum quia licet origine Idumæus, religione, ac professione factus Iudæus, Iudaicos ritus tanquam Idumæis ab Esau primigenios observare maluit.

XLVIII. Tandem repones: Herodiani Herodem habebant pro Messia, hoc autem non fecissent, nisi Iudæus, & ex femine Abraham fuisset, sciebant enim, non nisi ex femine Abraham, imò & Davidico Messiam proditurum.

Respondeo primo, Herodianos viros fanaticos fuisse numero paucos, omnibus odiosos. Cum enim (ut S. Epiphanius ait hæref. 20.) vidissent, quod ille ex aliena gente regnare cæperat, cum hætenus à Juda, & Davide regnum, atque ex Juda stirpe Principes, ac Patriarchæ extitissent: quod, inquam, Imperium in exterum hominem translatum fuerat, idoneum illis visum est argumentum, ut Herodem esse Christum arbitrarentur, quod ex illa Scriptura hoc consequi videbatur: Non desinet Princeps à Juda, donec venerit, cui reservatum est. In hoc tamen decepti, quod Messias non de externa gente, sed de stirpe Iuda erat proditurus, unde Epiphanius subdit de Herode: Porro iste de Juda genere non est, ac ne omnino quidem Israelita gentis. Id equidem Herodes affectabat, ac se ex Iudaica stirpe oriundum toto conatu, & artibus ostendere nitebatur, quare ne de hoc ambigendi locus relinqueretur, omnes Iudæorum Genealogias, & publica instrumenta comburi iussit. Ceterum ita constans erat oppositum, ut ex Esenensis, aliisque Iudæorum sectis, vix aliqui adduci potuerint, ut hoc crederent, imò non pauci in ejus fidem jurare repugnabant, quos propterea minis, atque tormentis adigere compulsus fuit.

XLIX. Si autem quis opponeret contra sextam opinionem, quam amplexati sumus, quod si dicti Oraculi verba non ad solam Tribum Iuda, sed ad totam gentem Iudaicam referantur, jam nihil speciale Tribui Iuda Iacob tribuisset, cum tamen Iacobi intentio fuerit, singulis Tribubus prædicere, quod speciatim cuique erat eventurum. Accedit quod ad eundem referenda est hæc pars Iacobæi Vaticinii, ad quem præcedentia, & sequentia verba referuntur, cum nulla ratio proferri possit, cur prima, & postrema pars prophetiæ ad Tribum Iuda specialem pertineat, media verò ad duodecim Tribus, sive ad totam gentem Iudaicam detorqueatur. Atqui prima prophetiæ pars *Juda te laudabunt Fratres tui . . . Catulus Leonis Juda*. Et postrema indicantia fertilitatem regionis: *Ligans ad vineam pullum suum, & ad vitem,*
d fili

ò fili mi, asinum suam, lavabit in vino stolam suam: ad Tribum Iuda specialiter non pertinere, nemo dixerit: ergò ad eandem specialiter debent pertinere verba, quæ mediant, nimirum *Non aufertur Sceptrum de Juda &c.*

L. Respondetur, priora quidem, & posteriora verba Prophetiæ ad solam Tribum Iuda, ut ab aliis distinctam, media verò dirigi ad Tribum Iuda non ut distinctam, sed ut aliis conjunctam; benedictio enim in hac Oraculi parte contenta, nimirum de Messia venturo, & de regno temporali commutando in æternum, non solam Tribum Iuda, sed omnes Tribus, & totam gentem Iudaicam ab Abraham per Isaac, & Iacob descendentem respiciebat.

Multiplex verò fuit ratio, cur ad Iudam potiùs hæc verba Iacob dirigeret, quàm ad alios filios, ut docet Eusebius lib. 8. demonstrationis Evangelicæ. Prima, quod Tribus Iuda esset specialiter regno destinata, penes quam Iudaicum sceptrum per annos supra quingentos futurum esset, & hoc sub Davide, & Salomone florentissimum. Secunda quod universus populus Israeliticus à captivitate Babylonica solutus à Tribu Iuda Iudæus dicendus esset. Tertia, quia eo ipso tempore, quo regnum apud Assamonæos, ac Sacerdotes futurum esset, regio ipsa, qua continebatur Imperium, tota, aut maxima ex parte futura esset illa, quæ Tribui Iuda in sortem obtigerat, & subditi futuri essent ferè omnes de Tribu Iuda. Quarta, quod Tribus Iuda præstantiâ quadam honoris, ac dignitatis ceteris præire deberet, nimirum in castris movendis ceteris anteferri Numer. 10. 14. in ordine offerentium anteire Num. 7. 12. in divisione terræ Chanaan primam sortem ferre, Iosue 15. 1. mortuo Iosue Ducatum in bellis gerendis contra Chanaeos accipere Iudic. 1. 2. totoque tempore singularem quandam honoris prærogativam fervare, ut 1. Paralip. 2. 3. filii Iuda primo loco recenseantur. Quinta demum, & potior ratio fuit, quod ceteræ Tribus interventu Tribus Iuda id honoris, & beneficii essent habituræ, ut Christus ex sua gente nasceretur. Quare prænovens Iacob ex Tribu Iuda proditurum Messiam, Iudæ benedixit his verbis: *Juda te laudabunt Fratres tui, adorabunt te filii Patris tui.*



§. V.

Ex præfato Oraculo probatur adventus Mefſiæ.

LI. **N**E arbitretur Judæus, adeo discordem Chriſtianorum ſententiam in dicto Oraculo interpretando illi adjumento eſſe; probandum eſt, quocumque modo verba Oraculi intelligentur, ſemper concludi, iuſſiſſe Mefſiam jam advenſiſſe: ſic. Laudatis Iacobi verbis prænunciatur Principatus, & Regnum, cujus finis in Mefſiæ adventu exiſtet, quo tempore Mefſias ex Tribu Iuda naſciturus regnum ſpirituale, & æternum conſtituet, non ſolos Iſraelitæ regens, ſed gentes univerſas ditioni ſuæ ſubjiciens: ſed omnia hæc jam completa eſſe conſtat, ſivè ad ſolam Tribum Iuda promiſſio regni temporarii referatur, ſivè ad totam gentem Iudaicam; ſivè Sceptri, ac Ducis nomine Regia dignitas accipiat, ſivè auctoritas ſumma Iudaici Senatus conſtantis ex 70. viris, dicta Synhedrium: Ergo Mefſias jam venit. Min. probatur: Principatus, ac regnum ex Tribu Iuda, imò ex tota Iudaica gente à mille ſeptingentis, & ultra annis deſecit; primo tranſiens in Herodem alienigenam, ut probatum eſt, deinde ad Romanos, qui Iudæam ſubactam in Provinciæ rede gere: Synhedrium magnum, ut ſupra inuimus ſ. 3., & in Thalmude narratur, quadraginta annis ante deſtructionem Templi, & deſolationem urbis Hieroſolymitanæ extinctum eſt. Poſt quæ quoquo verſum diſſipata Gens infelix, quacumque judiciaria poteſtate privata, palabunda, errans, ac veluti mancipium vile, omnibus gentibus ſervire cogitur. Quod autem Iudaico regno temporali ſucceſſerit regnum ſpirituale, & æternum, nimirum Chriſti regnum, oſtenditur infra; interim ſufficiat iſte diſcurſus: Ex Vaticinio Jacobæo ceſſante temporario regno Iudæorum, ſuccedere debebat regnum ſpirituale Mefſiæ: atqui jamdiu deſecit regnum temporarium Iudaicum: Ergo jamdiu ſucceſſit regnum ſpirituale Mefſiæ.

LII. Totum hoc ex Acatholicis ita urget Grotius ad cap. 49. Genef. num. 10. dicens: Inter Iudæos, qui à Iuda nomen habent, mauſit imperium, quod ſceptri nomine iudicatur, ad Chriſti tempora: Iudæ potius tribuitur, quam Tribubus aliis, quia decem Tribus abductæ à Chaldeis non rediere; rediit Iudas cum Beniamine, quæ Tribus Benjamin Iudæ fuit acceſſio: unde Terra Iudæa dicta, Gens Iudæis Imperii jus primum in ductu militari Iudic. 1. (quo loco Joſephus: Tribui Iudæ datur Ducatus)

Tom. I.

P

dein-

deinde in nomine regio ; post Ethnarcharum ; iterumque regio ; donec Archelao ereptum regnum , ac Iudæa Provincia Romanorum facta, nunquam postea Sceptrum recuperavit . Sub Asmonæis , & Herode, Imperium penes Iudam fuit non minus , quam penes Romam, Gallis aut Thracibus in Imperium electis . Interfisiones fuere breves, si ad spatium annorum propè mille quingentorum, comparentur : sub Tyrannis externis in ludicum historia memoratis , sub Saule ; septuaginta annis exilii vix computandis , quia Prophetæ restituendi Imperii Iudæ spem certam fecerant . Illo autem, quod diximus, spatio reveriti quidem Iudæi interdum magnitudinem Persicam, Macedonicam, Ægyptiam , Romanam, sed salvo manente Imperio ; quod non malè ostendit Chrysostomus oratione, Christum esse Deum . Abcant ergò Iudæi cum suis commentis novis &c. Ita Grotius in hoc solum singularis , quod voluerit, regnante Herode , licèt alienigena, adhuc penes Iudæos mansisse Imperium, sicut penes Romanos mansit, etsi Imperatores essent non Romani, sed alienigenæ, puta Galli, aut Thraces . Sed non advertit Grotius, Oraculum Jacobæum nedum vaticinari Iudæo populo Ducem, usque ad Messias adventum Imperium Iudæorum tenentem, sed insuper Ducem ex Iudaica gente ortum, illis verbis *Et Dux de semore ejus* ; quo indicavit, statim Oraculum implendum fore, ac regnare cœpisset homo genere non Iudæus .

§. VI.

Judæorum evasiones .

LIII. **U**T evadant hujusce Oraculi insuperabilem vim , varia figmenta excogitarunt Iudæi . Negant primo Sceptrum omninò ablatum à Iudæa, sed Æcmalotarcham quendam è Tribu Iuda oriundum, quem Patriarcham appellant, in Asia Iudæos regere, ac resturum, quousque venerit Messias . Sic illi in Seder Olam Zutha, & apud Maimonidem in Iad Chazacal ; atque in hac persuasione erant ab Origenis usque temporibus . Postellus Histor. Orient. p. 1. cap. 5. & 6. tradit, versus Orientem diu latitasse decem Tribus montium angustiis circumclusas, ex quibus tandem prognatos Tartaros, & Turcas inde erupisse . Quin Iosephus lib. 11. antiquit. cap. 5. refert, decem Tribus trans Euphratem deportatas in immensam multitudinem sua ætate excrevisse . Idem testatur Orosius lib. 2. c. 6. ; & lib. 4. Esdræ cap. 13. legimus, decem Tribus in longinquas Terras abiis-

abiiſſe, ut ritus ſuos ſine impedimento obſervare poſſent, diſceſſiſſe ab illis aquas Euphratis, & poſt anni unius iter in regionem imperviam Arſareth perveniſſe, ibique ſumma pace frui, donec Deus ipſos Hieroſolymam reducat.

LIV. Verùm hæc omnia figmenta eſſe, quis non videat? Nulla hac noſtra ætate regio eſt adeo remota, quæ non fuerit frequentibus peregrinationibus perluftrata, præſertim in Aſia. Qui ergo fieri poteſt, ut nullus de tanta Hebræorum multitudine ibi degente, eorumque Imperio ullum nec verbum fecerit, aut ab aliis Terræ illius, quam inacceſſibilem jaçant, finitimis populis ſe audiviſſe narraverint? Fabulam proindè eam reputat Origenes lib.4. Peri-archon, ubi ex Oraculo Iacobæo perſtingens Iudæos, & etiam ex illis verbis Oſeæ 3. *Per dies multos ſedebunt filii Iſrael ſine Rege, ſine Principe, non erit hoſtia, nec altare, nec Sacerdotium, nec reſponſa*, ſubdit: *His ergo testimoniis utimur adverſus eos, qui videntur aſſerere de his, quæ in Geneſi ab Iacob dicta ſunt, quod de Iuda dicta ſint, & dicunt permanere adhuc Principem ex genere Iuda, iſtum videlicet, qui eſt gentis eorum Princeps, quem nominant Patriarcham, nec deſicere poſſe de ſemine ejus, qui permaneat uſque ad adventum ejus Chriſti, quem ſibi deſcribunt. Sed ſi verum eſt, quod ait Propbeta: quia dies multos ſedebunt filii Iſrael ſine Principe, nec eris hoſtia, nec altare, nec ſacerdotium: & atique ex quo ſubverſum eſt Templum, nec hoſtiæ offeruntur, nec altare invenitur, nec ſacerdotium: conſtat, & certiffimum eſt, deſeciſſe Principes ex Iuda, ſicut ſcriptum eſt, & Ducem de femoribus ejus, uſquequid veniet ille, cui repoſitum eſt. Conſtat ergo, quia venit ille, cui repoſitum eſt, in quo expectatio gentium eſt. Quod manifeſtè videtur impletum de multitudine eorum, qui per Chriſtum Deo ex diverſis gentibus crediderunt. Addo. Quis, niſi obcæcatus Iudæus, ſibi perſuadere poterit, Tribus illas ſemper apud ſe habuiſſe, & nunc habere aliquem de Tribu Iuda oriundum, qui illis imperet, cùm dictæ Tribus à tempore Roboami Tribus Iudæ Imperium detrectaverint, ſequæ ab ea ſeparaverint? Cùm ex eo tempore Iudæi non contantur Samaritanis, ut ait mulier Samaritana Chriſto Ioan.4.9. ? Hoc propterea inter fabulas reiiciunt celeberrimi Rabbini, ingenuè fatentes, Iudæos Regia poteſtate, ſceptro, ac dominio prorsùs excidiſſe, ut videre eſt apud Rabbi Iſaac, Abrabaniel comment. in Iſaiam, Rabbi David Kimchi in Oſeæ, R. Dechai, R. David Ganz, & Rabbi Manafſe, & præcipuè R. Iſaac Azrich, qui narrationes huiusmodi de Aſiatico Imperio Iudæorum, & Æcmalotarcha, ſiſtitiæ eſſe, declarat, & ad ſolatium ſuæ miſeræ gentis excogitatas.*

LV. Scio, Iosephum, & ex ipso Orofium tradere, decem Tribus trans Euphratem deportatas in immensam multitudinem suo tempore excrevisse; verum illuc regna, nullum sceptrum, nullum dominatum commemorant, imò Barbarorum Imperiis fuisse subjectas, optimè à Sulpitio Severo lib.2. Histor. sacræ n.16. observatum est; ait enim: *Decem verò Tribus prius ductæ per Parthos, Medos, Indos, atque Ethiopas dispersæ, nunquam in solum patrium sunt regressæ, hodieque Barbararum gentium Imperiis continentur.* Quod autem narrat Postellus, ex iis decem Tribubus prognatos fuisse Tartaros, ac Turcas, quid juvat Hebræos? Sequitur (si tamen verum est) qui hodie Tartari, aut Turcæ sunt, olim Hebræos ex decem Tribubus fuisse. Ubi ergò nunc Iudæorum regnum? Tartarorum, Turcarum scimus; quærimus Iudaicum, quod non ostendent Iudæi, nisi narrando somnia, inter quæ reputanda sunt, quæ author apocryphus lib.4. Esdræ excogitavit. Talia esse hæc narrat Vincent. Bellovacensis specul. histor. lib.30. cap.89. *Cum enim (inquit) dicant historia nostra scholastica, quod Alexander Magnus Rex Macedonum oratione impetravit à Domino reclusionem Judæorum inter montes Caspios, ipsosque circa finem mundi prædicent exituros; Fratres nostri, scilicet Ordinis Prædicatorum in Georgia civitate Trippelis, quæ propè montes Caspios est, per septem annos commorati, diligenter à Georgianis, & Persis, & etiam à Judæis de inclusione illa inquisierunt; & dicunt omnes, etiam ipsi Judæi, quod nihil penitus inde sciunt, nec unquam istud in suis historiis invenerunt. Hoc autem scriptum habent tantummodo, quod Alexander ille quosdam homines immundos, & horribiles propè montes Caspios habitantes, qui alios homines, etiam se ipsos comedebant, intra montes illos habitare coegit, & etiam ibi portas extrui fecit, quæ videlicet adhuc portæ Alexandri dictæ sunt, unamque illarum Tartari confregerunt. Ceterum de reclusionem hominum in montibus illis nihil aliud reperitur veritatis in illis locis.* Hæc Bellovacensis, qui floruit anno 1252. vel 1240. secundum Trithemium de Script. Eccles.

LVI. Dicunt alii, vocem Sheveth, quam Latinus interpret vertit *Sceptrum*, sive *Virgam*, significare non summum Imperium, quod in Tribu Juda, vel in Iudaica gente sit duraturum usque adventum Messias, sed sævum, ac impotentem dominatum, quo misera illa gens ab alienis Principibus premitur, & vexatur, quæ calamitas finem accipiet, quum Messias venerit.

Sed inanem esse hanc evasionem, ostendunt verba, quæ immediate sequuntur, & dux, seu legislator de femore ejus, seu de me.

Mediopodum ejus. Copulari ergò debet Sceptrum seu Virga cum Duce; atqui Dux erit de femore Iuda, non alienus; ergò & Sceptrum. Addo, benedictionem hic à Iacobo pronunciatam, non comminationem malorum, quod certè esset, si Tribui Iuda oppressiorem, & captivitatem prædiceret. Deindè falsum est, Iudæos duris semper exterorum Imperiis pressos fuisse, cum mitissimis Regibus, maximè à Davide usque ad Sedeciam, iisque ex sua gente, non exteris, paruerint; post Sedeciam verò septuaginta quidem annos captivitatis passi sunt, sed reduces postea Ducibus, ac Regibus ex suo populo usque ad Herodem obtemperarunt. Ergò si calamitas ipsorum finem acceptura erat in adventu Messiae, sequitur, Messiam jam dudum venisse ante Christum Jesum, cum multo tempore ante ipsum potentissimum, ac florentissimum regnum habuerint. Quia verò Hebræi vim faciunt in voce illa *Sbevetb*; sciant oportet, *Sbevetb* solitariè sumtum significare generatim dominationem; solum autem sumi pro dominatione iniqua, & tyrannica, quàm aliquo epitheto determinatur, ut in psal. 2. determinata est, dum dicitur *Roges eos in virga ferrea*; quum verò vox *Sbevetb* in Oraculo Jacobæo nullo epitheto id exprimente jungatur, sed potius quæ sequuntur *Dux de femore ejus* indicent oppositum, quid adhuc comminiscuntur Judæi?

LVII. Respondet R. Bechai, duos Messias à Jacobo prædictos, quorum alter fuerit Moyses, alter propriè talis, qui nondum advenerit, quemque Judæi expectant; nec enim credibile est, Jacobum remotam Israeliticæ gentis liberationem per Messiam prospexisse, instantem verò, & proximum prætermisisse. Vult ergò Sceptrum in Iuda semper fuisse ante Mosem, à quo per Mosem ad Levitas translatus fuerit.

Sed quo fundamento ducitur R. Bechai ad id demonstrandum? Quo Sceptrum fuit in Tribu Iuda ante Mosem, cum toto illo tempore à Iuda ad Mosem Hebræi fuerint sub misera apud Egyptios captivitate? Deindè sibi contradicit, dicit enim, non auferendum Sceptrum à Tribu Iuda, donec veniat Moyses primus Messias, deindè ab ipsa non auferendum, donec veniat secundus & verus Messias: & postea dicit Sceptrum à Tribu Iuda ad Levitas per Mosem translatus fuisse. Quomodo ergò hæc duo cohærent: quod à Mose ad Christum semper durabit principatus in Tribu Iuda, & quod à Mose translatus sit à Tribu Iuda ad Levitas? Revera Sceptrum in Tribu Iuda esse non cœpit, nisi in Davide, ergò ante Davidem nullum fuit Sceptrum in Tribu Iuda.

LVIII. Dicunt alii, hæc verba *donec veniat qui mittendus est*, non significare duraturum Sceptrum usque ad adventum Messia, & hoc adveniente cessaturum; sed nunquam post adventum Messia cessaturum de Tribu Juda, quo fit, ut cum ad hæc tempora cessavit in Juda regnum, signum sit, nondum venisse Messiam; Et quidem dictio hæc *Donec* non semper significat cessationem, & finem ejus rei, de qua sermo fit, sed ejus nonnunquam continuationem interveniente altero, cui dictio *donec* adjungitur. Sic 8. Genes. de Corvo dicitur, *non revertebatur, donec siccarentur aquæ super terram*, quo non significatur, corvum esse reversum postquam siccata sunt aquæ, sed nunquam reversum, ne post siccitas quidem aquas. Sic Job 27. *Donec deficiam* (inquit) *non recedam ab innocentia mea*, quo non significat Jobus, se ab innocentia sua recessurum, cum defecerit, imo se nunquam ab ea recessurum, sic de Josepho, & Maria scribit Matthæus cap. 1. 25. *Et non cognovit eam, donec peperit filium suum primogenitum*, quibus verbis non significatur, post partum cognitam fuisse à Joseph, sed quod partu interveniente, nunquam cognita fuerit.

LIX. Meditatio hæc, cui recentiores Hebræi multum fidunt, nova est, & veteribus Rabbini incognita, qui vocem *donec* in vulgari significatione hic intellexerunt, quatenus nempe importat cessationem rei, de qua fit sermo. Et propterea designare finem Iudaici Imperii; quo tempore venturus esset Messias. Sic R. Salomon, & R. Kimchi authores Chaldaicarum paraphrasum, sic Targum Onkelos, Bereschit Rabba locis supra citatis. Sic etiam intellexit Iosephus; cum hujus Oraculi exitum Vespasiano adulatorie adscripsit lib. 3. de bello Iudaico cap. 28. & lib. 7. cap. 31. Et ita sanè debet intelligi; verba enim Scripturæ debent in communi, & vulgari sensu interpretari, nisi aliud nos cogat ad oppositum, ut patet in exemplis allatis. Siccatis enim aquis omnes norunt, Corvum non fuisse reversum, sicut nec columba reversa est. Sic qui non recedit ab innocentia ante mortem, omnes sciunt, eum non recessurum post mortem. Ex quo autem Maria non fuerit cognita à Iosepho, cuique perspicuum est, eam nec fuisse cognitam post partum, sic ejus perpetua virginitate suadente. At quod dictio *donec* in Oraculo Iacobæo sumatur, non ut indicas finem, aut cessationem regni Iudaici, sed continuationem ejus, quodnam motivum urget Iudæos? Certè non aliud, nisi ut eludant Oraculum, & hac interpretatione patrociniū dent suæ miseræ causæ, nimirum Messiam nondum venisse. Nos quidem maximo fundamento moti naturalem dictæ voci *donec* significatum affigimus.

Iacob enim tali Vaticinio notam aliquam Messiae adventus voluit indicare: si autem dictio *donec* non designaret finem Iudaici Imperii, quo tempore venturus esset Messias; nulla Iacob signa demonstravit, quibus talis adventus possit dignosci.

LX. Scio, hanc vocem *donec* à Cajetano & Huetio exponi non pro celsatione regni, sed pro ejus continuatione. Verùm sciendum etiam est, quàm longè discrepet horum authorum opinio ab interpretatione Iudæorum. Iudæi namque regni sui tempus à Messia inchoant; Cajetanus regni, de quo Iacob locutus est, longè vetustiora statuit initia: Iudæi regnum temporarium, & cùm mundo finem habiturum intelligunt; Cajetanus regnum primò temporarium signatum censet, quod per Messiam vertendum sit in spirituale, & æternum, ne ipso quidem mundi casu finiendum. Huetius autem, ut supra observavimus, putat de duobus regnis temporario & æterno sermonem fieri, & temporarium in adventu Messiae finiendum, quod Iudæi negant.

LXI. Vident infirmam hanc responsionem multi, qui propterea aliam viam tenentes negant, hoc Oraculo ullum fieri sermonem de Messia; verba enim hæc *donec veniat Siloh* quæ nos vertimus, *donec veniat, qui mittendus est*, exponunt de Urbe *Siloh*, & vertunt donec desinat *Siloh*, ita ut Oraculi sit sensus: *Dignitas Tribus Juda, & præstantia mutabitur in Regnum, cùm urbs Siloh Arca sedes esse desierit.*

Sed hoc & est contra historiæ veritatem, & contra ipsius Oraculi sensum; falsum enim est, tunc Davidem ad Regnum accitum, cùm de Siloh Arca sublata est: hoc enim tempore nec Saul, qui Davidem præcessit, fuerat ad Regnum evectus. Rursus quænam perversitas est, ut dicente Iacob *donec veniat Siloh*, velint idem esse, ac dicere *donec desinat Siloh*? Iacob ait, non auferendum Sceptrum, donec venerit Siloh, quod significat ante non venisse Siloh; ajunt Rabbinii, tunc Sceptrum capestiturum Iudam, cùm desinet Siloh, quod significat jam ante venisse Siloh. Deinde illa sequentia verba *Et erit expectatio gentium quò spectabunt?* Ad Davidem? Sed Davidis nulla in Oraculo facta fuit mentio. Oporteret ergò supplere & dicere *Non auferetur Sceptrum de Juda, donec desinat Siloh, & nascatur David, qui erit expectatio gentium*, & sic latam aperire viam inquinandi passim Scripturas somniis Rabbinorum; quod etsi permitteretur, quomodo dici posset, Davidem fuisse expectationem Gentium?

LXII. Alii propterea dicunt, urbem Siloh intelligi quidem, non quatenus ad Davidem, sed ad Saulem pertinet, qui à Samuele unctus fuit Rex in Siloh; ita ut sit sensus: *Non auferetur*

See-

Sceptrum de Juda, quoad veniat tempus Silohensis unctionis, quæ Saul est consecrandus. Sed hi etiam delirant, & contra veritatem historiæ, quia non in Siloh, sed in Ramathaim Sophim unctus est Saul à Samuele, & in Maspha renunciatus est Rex, ut legitur 1. Reg. 9. 10. ; & rursus contra sanam mentem; quo enim auctore Iacobæis verbis hunc affingunt sensum, ut voce Siloh unctionem Silohensem notari statuant? Quod si etiam daretur, quomodo ostendent, ad id usque temporis Sceptrum Iudam obtinuisse, cum nondum obtinuisset, sed solum post aliquid temporis in Davide esset consecuturus?

Iisdem ferè argumentis convincuntur alii, qui, *Siloh* urbis nomen ad Ieroboamum Regem creatum in Siloh referre, contendunt. Nam quo auctore ostendent, Ieroboamum Regem, fuisse in Siloh, & non potius in Sichem, quod credibilis est? Quis, nomine Siloh hoc Silohense factum notari, eos docuit? Quomodo probabunt, tunc in Ieroboamo Tribum Iuda Sceptrum amisisse, cum manserit penes Roboamum, & reliquos Davidis nepotes usque ad Sedeciam?

LXIII. Unum superest, ut Hebræis ora obstruamus, nimirum; si ex Iacobæo Vaticinio probatur adventus Messis, cur hoc nec Christus, neque Apostoli, neque Evangelistæ ad conciliandam sibi fidem in testimonium adduxere?

Respondeo cum doctissimo Huetio, causam, cur hoc Iacobi testimonium à Christo, aut Evangelistis assumptum non fuit, fuisse, quia nec Christo, nec Apostolis, aliisque sacris Scriptoribus propositum unquam fuerit, *Oracula Prophetarum* sigillatim recensere, cum totum testamentum vetus ad unum Christum spectare, in eoque suum complementum nactum esse, scirent, aliàs totum vetus Testamentum recitare debuissent, si omnes de Christo prophetias adducere voluissent. Pauculis ergo verbis sese expediebat Christus Iudæos ad Moysen ac Prophetas remittendo; quorum *Oracula* in Synagogis legebantur: *Habent* (inquit Lucæ 16. 29.) *Moysen, & Prophetas. Scrutamini Scripturas* (10. ann. 5.) *Quia vos putatis in ipsis vitam æternam habere, & illa sunt, quæ testimonium perhibent de me. . . . Nolite putare, quia ego accusaturus sum vos apud Patrem; est qui accusat vos Moyses, in quo vos speratis: si enim crederetis Moysi, crederetis forsitan & mihi, de me enim ille scripsit.*

§. VII.

Ex Aggæo, & Malachia.

LXIV. **A**Dventus Mefsia ostenditur ex eo, quod venire debuit stante secundo Templo, quod sic suadetur. Destruendo primum Templo Hierosolymitano, quod confruxerat Salomon, à Chaldæis, ut legitur 4. Reg. 29. 9. promovente Cyro Rege Persarum iterum extructum erat, 1. Esdræ 1. Sed cum Zorobabel Ethnarcha, & Iesus Iosedech Pontifex mœsti essent, quòd viderent, excitatum à se Templum non respondere magnitudini prioris Templi, Deus eos hoc promisso consolatur, futurum scilicet, ut major honor isti Templo, quàm priori contingeret, eò quod Mefsia præsentia, atque ingressu honorandus esset: ita Aggæus cap. 2. 5. *Et nunc confortare Zorobabel, dicit Dominus, & confortare Jesu fili Iosedech Sacerdos magne... Verbum quod pepigi vobiscum... Et movebo omnes gentes: & veniet Desideratus cunctis gentibus; & implebo domum istam gloria.* Debuit ergò secundum promissum Domini venire Mefsias durante Templo secundo, quod fatentur Rabbiorum non pauci: Targumista in Cantic. cap. 7. & 8. Echa Rabbati liber Sanhedrin cap. ult., qui in hunc sensum traxisse refert R. Akilam præfatum Aggæi Vaticinium; & Mefslam intraturum in Templum secundum, apertius dixit Malachias (qui vixit eo tempore, quo posterius Templum cœpit ædificari) cap. 3. 1. *Ecce ego mitto Angelum meum, & præparabit viam ante faciem meam: & statim veniet ad Templum suum Dominator, quem vos quaritis, & Angelus testamenti, quem vos vultis.* Ex hoc ergò etiam colligitur, Mefslam venturum stante Templo secundo, quo nomine apud Hebræos venit totum illud tempus à Zorobabele ad tempus Vespasiani, ut in Thalmude c. ultimo de Synedrio, & titulo Joma, & titulo Rosum Haſſchana. Neque audiendus est hac in parte Iosephus, qui lib. 15. Ant. cap. 14. scribit, ab Herode reædificatum Templum sublati veteribus fundamentis, & novis rep sitis, & opus solis octo annis fuisse perfolutum. Herodis enim magni tempore Templum reparatum quidem fuit, sed non resuscitatum ex ruinis, quare idem Templum fuit, quod reædificaverat Zorobabel quadraginta sex annorum spatio, vel ipsis Judæis testibus Joan. 21. 20. *Quadraginta & sex annis ædificatum est Templum hoc, & tu intra diebus excitabis illud?* Et certè tam constans apud Hebræos, & vicinos fuit opinio, illis temporibus expe-

Tom. I.

Q

ſtan-

standum Messiam, ut multi Herodem (nimirum Herodianum, de quibus supra) alii Judam Gaulonitem, alii alios, qui circa Jesu tempora vixerunt, pro Messia haberent, ut ex Joseph. lib. 18. cap. 1. Actuum 5. 36. 37. Cum igitur secundum Templum jam non existat, sed à Vespasiani, & Titi temporibus solo æquatum fuerit, sequitur, jam ante venisse Messiam.

§. VIII.

Responsiones Judæorum.

LXV. **S** Entientes, se premi hisce argumentis Judæi, ut eludant ea, ajunt nonnulli, peccata sua in causa fuisse, quò minus promissio tempore adveniret.

Sed hoc temere dicitur; Oracula enim de Messia adventu absoluta sunt, nec ullam conditionem ad sui implementum, indicant se expectare; si enim absoluta sunt pro ea parte, quæ respicit locum, & familiam, ex qua sit proditurus, cur non erunt pro ea, quæ respicit tempus? Sanè si absoluta sunt quoad illas circumstantias, puta nasciturum in Bethleem, de semine Abraham, de Tribu Juda, ex Virgine Matre; absoluta etiam erunt quoad circumstantiam temporis: eò vel quia si ob peccata Judæorum fuisset differendus adventus, hoc quoque fuisset à Prophetis præ-nunciatum, sicut ob eadem peccata urbem excindendam, prædictum fuerat Dan. 9. 24.

Rursus à ratione alienum est, dicere ob peccata dilatum id, quod in remedium peccati erat destinatum, sicut à ratione alienum esset, quod ob morbi gravitatem differretur adventus Medici, & sumtio remedii: Messias autem venturus erat hac quoque de causa, ut corruptissimo seculo medicinam faceret, & cum vitæ emendandæ regulis veniam daret. Ita Isaia 53. 4. &c. Jerem. 31. 31. &c. Ezechiel. 11. 19. 21. Quare de ejus temporibus apud Zachariam dicitur cap. 13. fore tunc fontem apertum domui Davidis, & Hierosolymitis omnibus ad peccata abluenda; & apud ipsos Hebræos receptum est, Messiam appellari Isch Copher, hoc est placatorem. Videatur Chaldaus Paraphrastes Caut. 1. 14. & R. Judas in Chasidim, R. Simeon in Bereschit Rabba dicentes, Messiam peccata nostra portaturum.

LXVI. His omnibus sensibile argumentum accedit; dato enim, per peccata posse differri, & de facto fuisse dilatum, cur non potuisset per poenitentiam tolli hæc dilatio? Promisit Deus facere per Moysen edito (Exod. 15. Levit. 18. Deuter-

ron.

ron. 6. 7. 11. 18.) Judæis felicem possessionem terræ Palæstinæ ,
 quamdiù vitam ad legis præscriptum componerent . Contra
 (Levit. 26. Deuteron. 4. 11. 28.) si adversus eam graviter delin-
 querent, exsilium, aliaque id genus mala ipsis minatus est . Quod
 si tamen aliquo tempore pressi malis , & poenitentia peccatorum
 ducti, ad obedientiam rediissent, se misericordiâ taculum iri ,
 effecturumque , ut quamvis in ultimas mundi plagas dispersi ,
 redirent in patriam ; ut videre est tum alibi, tum Deuteron. 30. ,
 & Nehemiæ 1. Et quidem cùm olim populus gravissimis scele-
 ribus se contaminasset, liberos passim sacrificasset Saturno ,
 adulteria pro nihilo duceret, viduas , & pupillos expilaret, in-
 fontem sanguinem magnâ copiâ funderet (quæ omnia illis Pro-
 phetæ exprobrant : Esaias c. 1. 17. 3. c. 14. 15. 23. c. 11. 2. 3. Amos
 c. 2. 6. Jerem. 2. & 3. Ezech. , Daniel, Michæas &c.) passi quidem
 exsilium sunt, sed non diutius annis 70. ; atque interea non omi-
 sit Deus per Prophetas Jeremiam c. 30. 31. 33. Ezechiel c. 36. 37.
 illos alloqui, solari spe reditus, reparatione Civitatis, & Tem-
 pli, indicato etiam ejus tempore Jerem. c. 25. 15. c. 29. 10. Atqui
 jam sunt anni mille circa septingentos, quod Judæi patria ca-
 rent, Templo carent, & si quando novum ædificare voluerunt,
 semper sunt impediti: etiam flammæ globis ad fundamenta
 erumpentibus cum operarum pernicie, quod ab Ammiano Mar-
 cellino, scriptore non Christiano, memoria proditum est lib. 23.
 à Chrysostomo lib. 2. adversus Judæos Homil. 4. in Matth. ser-
 mone *Christum esse Deum* . Nunc etiam, ex quo semel ejecti pa-
 tria sunt, manent extorres, contemti ; nullus ad eos venit Pro-
 pheta, nulla futuri reditus prænuntiatio; magistri ipsorum, quasi
 spiritu vertiginis afflati, ad turpes fabulas, & ridicula dogmata
 delapsi sunt, quibus scatent libri Thalmudici: ut quod Deus
 fleat, quod urbem passus sit excindi, in Thalmude tit. Chagiga
 in Debbarim Rabba, & in Berachoth; quod Deus quotidie occu-
 petur in legenda lege Thaanith Abodazara: de Behemotho, &
 Leviathane, multisque aliis absurdis æquè, ac ridiculis; quæ ta-
 men audent dicere legem esse ore Dei datam, & cùm iis, quæ
 Moyses scripsit, conferre, aut præferre etiam. Et tamen tanto
 tempore Judæi nec ad falsorum Deorum cultum deflexerunt, ut
 olim; nec cædibus se contaminant; nec de adulteriis accusantur:
 legis insuper suæ tenacissimi sunt: Deum verò, & precibus, &
 jejuniis certant placare, in quibus, (si iis credendum est) me-
 rentur, Mesiâ falsum repudiando, nec tamen exaudiuntur .
 Ergò omnino unum de duobus statuendum est: aut fœdus illud
 per Moysen initum esse prorsus abolitum: aut universitatem

Judæorum aliquo gravi peccato teneri tot jam per secula durante: quod quale sit, ipsi dicant; aut si dicere non possunt, nobis credant, peccatum illud esse contemti Messia, qui ante advenit, quam hæc mala contingere ipsis cœperunt.

Hæc sunt præcipua, quæ contra Judæorum incredulitatem proferri solent testimonia ostendentia, eorum religionem jam à sui veritate excidisse ob Messia adventum. Superesset ostendere illis, hunc Messiam fuisse Jesum Nazarenum, quem Religio Christiana profitetur, & colit. Verùm hoc reservamus, dum religionem Christianam esse unicam, ac veram religionem, si Deus annuerit, ostenderimus.

CAPUT IX.

De Religione Mahumetana.

§. I.

Sectæ Mahumetanae initia, & propagatio.

1. **S**ECTA Mahumetana Muhamedem, seu Moamedum, aut Mahumetum Auctorem habet. De hujus patria, ac genere non unam omnium sententiam reperio; quia verò res hæc non est magni momenti, brevi dicam ex Natali Alexandro Hist. Eccles. secul. 7. c. 2. art. 2., eum fuisse Cyrenæum, qui cum esset puer à prædonibus raptus, & in Arabiam deportatus, Ismaelitæ cuidam mercatori diviti venditus est, cui nomen erat Abdemonaphis, à quo negotiationi præfectus est. Mortuo Abdemonaphæ in viduæ ipsius amorem subintrans, eam habuit uxorem. His nuptiis locupletatus, ac mercaturam dedignans, militiam profiteri, & in ea principatum ambire cœpit. Quod ei benè cessit; calliditate enim ingenii, facundia, & largitionibus, prædonum, ac militum quorundam Saracenorum adeò sibi devinxit animos, ut Ducem eum eligerent. Verùm dedignatus, se tanquam prædonum caput traduci, aliquid altius moliri cœpit. Adjutore Sergio Monacho Nestoriano, cujus beneficio aliquid de Christiana, ac Judaica religione audierat, novam ex utraque confarcinatam, variis de suo falsitatibus, ac fabulis intermixtam, religionem excogitavit, conscripsit, ac promulgavit, quam *Alcoran* Arabicè nuncupavit, idest collectionem, seu volumen præceptorum, spargens apud suos, eam per Arcangelum Gabrielem cœlitus ad se delatam. Occasio id confingendi fuit morbus

bus epilepticus, seu comitialis, quo interdum vexatus domi corruerat, quem ut occultaret, præcipuè uxori ob id mœrenti, dixit, id ei contingere ex colloquio cùm Gabriele Arcangelo, à quo propheta esset inauguratus, & responsa acciperet. Fabulam muliercula evulgavit, Sergius approbens testimonio suo roboravit, atque inter Arabes propalavit, quo arma, fidem, & auctoritatem apud ipsos Mahometo conciliavit. Sectam, quam decem annorum spatio parturiverat, novemdecim aliis, vi, ferroque propagavit, imperante Heraclio, Arabiam omnem terrore partim, ac Prophetiæ famâ ad obedientiam trahens, ac fidem. Obiit anno 631. rerum summa Abubachari cognato suo delata, quo, & Omaro ejus successore Ducibus, Arabes Palestinam, Syriam, Ægyptum, Persidem invaserunt. Sepultus est Mahometus in oppido, cui nomen Mecha. Sepulchrum ejus sublime pendens in medio Templo vi magnetica elatum Mecham religionis ergò incautam gentem frequentissimam trahit. Ex Leonico lib.3. de rebus Turcicis.

II. Referet etiam Forbesius Instruct. Theologic. lib.4. cap.1. Cùm Mahometes in oppido Mecha sua impia dogmata non cessaret spargere, Magistratus loci illius eum, ut hominem nefarium, ac seditiosum, comprehendere, ac meritis poenis mulctare decrevisse, quo cognito Muhamedes clam aufugit anno 622. die 19. Julii vespere illo, quod quintam, & sextam feriam interfecit, & se contulit in aliam civitatem Arabiæ modo dictam Medinam, i. Civitatem, in eaque sui Principatus sedem fixit. Et à tempore illius fugæ à Mecha computatur initium æræ Mahumeticæ, quam Hagiram, sive Hegiram vocant vocabulo Arabico, quod fugam significat à verbo Hagar, i. fugit. Et in memoriam illius temporis sacram suam hebdomariam festivitatem Mahometani celebrant feriâ sextâ, seu die veneris, cujus initium more Hebræorum censetur esse in illo vespere, quo feria quinta desinit, & sexta incipit sole cadente.

§. II.

Mahumetanorum mores, ac instituta.

III. **A**cturus de moribus, ac institutis Mahumetanæ sectæ ea referam, quæ habet P. Tyrſus p.2. adversus Mahumetanos lib.1. cap.3.

1. Turcæ inter Mahumetanos celeberrimi credunt in unum Deum Creatorem Cœli, & Terræ, bonorum remuneratorem, ma-

malorum punitorem, qui Paradisum pro bonis præparavit, pro malis autem infernum, & extremam punitorem.

2. Hunc dicunt esse unum, non solum in natura, sed etiam in Persona, quare negant Trinitatem Personarum.

3. Firmissime credunt, Mahumetum esse maximum Dei Prophetam à Deo in orbem delegatum, ut homines viam salutis doceret; quare se ipsos vocant Musulmanos, idest in Deo resignatos, aut salvatos.

4. Credunt Mosis Decalogum, illumque observare tenentur.

6. Dies Veneris illis est festus, sicut dies Dominicus Christianis. Hac die conveniunt in Templum ad suas orationes. Tenentur quinquies in die orare, mane, meridie, vespere, occidente Sole, & una hora post occasum Solis.

7. In mense, seu luna apud ipsos, Ramazam jejunium servant, quo tempore totum diem jejuni agunt sine cibo, ac potu, usque dum Sol occidat. Tunc verò ex omnibus comedunt, ac cibis, potuque se onerant, exceptâ porcinâ carne, quæ omni tempore illis est interdicta, sicut & vinum. Hoc jejunio peracto celebrant festum magni Bairam, sicut Christiani Pascha.

8. In Templis, ac Xenodochiis construendis expendunt plurimum; obliganturque decimam partem lucris quot annis in pauperum elemosynas elargiri, & hoc anno inchoante.

9. Sibi persuadent, corporis lotione, quibusdam adjunctis precibus, peccata dimitti; quapropter lavantur frequenter, & præsertim antequam suas preces faciant.

10. Præter circumcisionem alia sacramenta non habent, imò nec istam præcipit Alcoranus, sed eam dicunt se imitari in venerationem Abrahami, quem Mahometes laudat. Filios non octavo die à nativitate, ut Hebræi, sed septimo, aut octavo anno circumcidunt, & hoc statim ac proferre possunt hæc verba: *La Illa Illa Allha Mahomet Rasulallha* idest unus Deus tantum est, Mahumet est ejus Propheta, & Apostolus; sive ut refert S. Petrus Paschasius Episcopus & Martyr Ord. B. Mariæ de Mercede Redemptionis Captivorum in suo lib. contra Mahumet. tit. 1. n. 118. *Quia est super ostium Paradisi* ego Deus, & non est alius Deus præter me: *Et omnis homo qui dixerit*, Leyla, Heyla, Hallad, Mahomad, Araculu, Alla, nullam habebit poenam: *Prædictaque verba hoc significare volunt: nullus est Deus præter Deum, & Mahometum ejus nuntium.*

11. Credunt, Alcoranum missum fuisse de cælo per Angelum Gabrielem variis in locis, ac temporibus suo Mahometo, sive

sivè Mechæ, sivè Medinæ degenti, nam Judæos, & Christianos sacras litteras, & legem Dei corrupisse, ajunt.

12. Permittit illis, simul quatuor uxores habere, & tot filios & ancillas, quot alere possunt.

13. Uxores dimittere, uti placuerit, possunt, soluta earum dote, & iterum alias ducere: feminæ tamen expectare tenentur, donec clarè constet, eas grossiores factas non fuisse ante nuptias.

14. Mariti tenentur alimenta filiis præstare, & illorum curam agere.

15. Filii ex ancillis suscepti ejusdem conditionis sunt, & legitimi habentur, ac suscepti ex uxoribus.

16. Habent Tempia, & Xenodochia longo censu instructa: insuper religiosorum Coenobia austerè viventium, & suis superioribus obedientium; ad Fistularum, aliorumque musicorum instrumentorum sonum saltant, suasque preces faciunt.

17. Alii Religiosi sunt per Orbem vagantes, plerumque nudi, interdum vesana veste, pellem in frusta discerpunt: ut Sancti coluntur, stipe collecta vivunt, quæ illis nunquam deest. Utrique Religiosi Dervis vocantur, & noti sunt ob peculiarem vestem: Possunt tamen religionem deferere, & uxores ducere.

18. Nec credunt, Christum esse Deum, nec filium Dei, cum negent Trinitatem. Ajunt tamen, Christum esse magnum Prophetam, natum ex Maria Virgine illæsa ejus Virginitate, ante & post partum, conceptum insufflatione divina sine Patre, sicut Adamus creatus fuit sine Matre. Negant tamen Christum fuisse Crucifixum, sed ajunt, assumptum fuisse à Deo in cælum, iterumque ad terras venturum ante exitium mundi ad confirmandam legem Mahumeti: adduntque, Judæos deceptos fuisse, dum putantes, se Christum crucifigere, alium illi similem cruci affixerunt.

19. Preces pro mortuis fundunt, Sanctos suos invocant, quorum longam seriem exhibent: Purgatorium quoddam admittunt; estò plurimi illorum putent, animos & corpora simul in sepulchris jacere usque ad diem Judicii.

20. Mecham, & Medinam Arabiæ urbes, seu pagos maxime venerantur; nam Mechæ Mahumetem natum, vel Prophetam factum, Medinæ autem Regem inauguratum credunt. Illuc frequentes ut ad loca sancta peregrinationes instituunt. Plurimi etiam faciunt Hierosolymam, eo quod ibi plurimi Prophete commorati sint.

21. Cam-

21. Campanarum usus apud eos nullus. Ad horam orationis summum Turris fastigium ascendunt Sacerdotes, quæ semper ad latus Templi (quod Moscheam dicunt) extollitur. Hinc clara voce populum ad orationem convocant, precibus ad hunc finem dispositis, conclamando. Hæc ex Thyrso. Videri potest Alexandre Hist. Eccles. secul. 7. cap. 2. art. 2. addens inter alia.

1. Mahometus prohibet sectatoribus suis, ne probationem inquirant eorum, quæ ab ipso tradita sunt, neve de sua religione, aut præceptis ineant disputationem, asserens, hæc esse ad ultimum diem remittenda, ita Azoara 32. *Tecum, inquit, disputare volentibus dic, Deum solum omnes artus tuos cognoscere, qui die postrema lites omnes, & contrarietates discutiet.*

2. Sectatores suos passim ad bellum hortatur, utque ipso mortuo religionem armis defendant maximè contra Christianos Azoara 6. aliaque apud dictum Alexandræ & prælaudatum S. Petrum Paschasium videnda.

§. III.

Mahometana Religio falsa est. Prima ratio.

IV. **P**rima demonstratio convincens falsitatis sectam Mahometanam petitur ex eo, quod Mahometus prohibet inquiri de veritate suæ religionis, *Credisque sibi vult nulla inquirendæ libertate.* Sic in Alcorano Azoara 13, Sic ergò demonstro. Vera religio, quæ à Deo sit, habere debet argumenta suæ credibilitatis, quibus homines possint induci, & obligari ad credendum, eam esse veram religionem, & à Deo datam; implicat enim Deum velle, ut homines amplectantur veram religionem, & non dare illis media, quibus dignoscere possint, quænam sit vera religio, & quænam sit à Deo; aliàs nec daretur obligatio illam suscipiendi, nec homines possent dignoscere illam potius, quam oppositam esse veram, & amplectendam: sed Mahometana secta, prohibens disputare, & inquirere de religione, & præcipiens, ne ratione persuadeantur homines illam amplecti, sed gladio, & vi cogantur, non habet argumenta, & rationes suæ credibilitatis. Ergò non est vera religio.

V. Urgetur hoc. Mahometani vel habent rationes, & fundamenta, quibus sibi persuadere queant suam religionem habere Deum Authorem, vel non habent? Si non habent: ergò temerè eam amplectuntur: nam magna temeritas est aliquam religionem, ex qua pendet æterna salus, vel damnatio, ut divinam, &

à Deo

à Deo datam amplecti, quin præcedat prudens fundamentum, quo inducaris ad tibi, & aliis suadendum, eam esse à Deo. Si habent. Ergò injustè prohibent ea proferri. Sanè qui habet nummum aureum, non adulterinum; sed legitimum & justum ponderis, illius examen non metuit, nec oculos refugit aurificis, qui explorandis ponderibus præfectus est. Ergò si Mahumetana religio examen sapientum timet, & prohibet inquiri, & examinare, an à Deo sit, non est lex à Deo data, sed à Pseudopropheta dolosè composita, ad subjugandos populos, eosque in propriam ditionem trahendos.

VI. Urgeo magis. Christus veritatem suæ religionis comprobabat, tum testimoniis Scripturarum, ac Prophetarum; tum sanctitate præceptorum; eamque miraculis confirmabat: quod præstiterunt Apostoli, & post eos viri Evangelici etiam nunc præstant, ea producendo, & ex iis disputando contra Christi inimicos: ergò cum Mahumetes nullum ex his habeat, imò vetet suis etiam in Alcorano peritissimis cum Christianis, vel Judæis de veritate suæ sectæ disputare; evidens est, impostorem istum astutè id egisse, quia probè noverat, suæ sectæ falsitatem vi disputationis manifestè detegendam esse; nec posse vi prædicationis persuaderi, eum fuisse verum Dei Prophetam ab ipso missum ad promulgandam novam legem; cum pro ipso decisset Dei testimonia, vitæ sanctitas, morum probitas, & miraculorum comprobatio.

VII. Si fortè dicas, etiam Ecclesiam Romanam, quæ vera Christi Ecclesia est, interdicere disputationes de religione, & lectionem librorum sacrorum, non minùs ac Mahumetanam.

Respondeo, hoc falsitatis convinci à tot Romanæ Ecclesiæ professoribus, qui libros de religione conscripserunt, quique sacros codices interpretati sunt. Non recusat ergo Romana Ecclesia, inquirere de Religione, ac de ea disputari à viris doctis; imò omnibus vult veritatem suæ religionis, ejusque credibilitatem palam fieri. Interdicit quidem promiscuè de Religione tractare viris illiteratis, mulieribus, & idiotis; sicut etiam libros sacros vulgari idiomate transcribi, prudenti œconomia, ne mysteria in iis contenta malè intelligentes, in errores abriperentur. Sed hos, quos docere vetat, doceri jubet, ac de credendis esse instructos, ut omnibus pateat via salutis; omnibus nota facit fundamenta credibilitatis suæ fidei, ut omnes gaudeant, se in veritatis luce versari. At Mahumetanis & indoctis, & doctis vetitum æquè est agere de religione, ac eam in disputationem, seu examen vocare.

§. IV.

Secunda Ratio.

VIII. **S**ecundo falsitatis revincitur Mahumetana secta ex iis, quæ Mahumetes ipse docet. Fatetur enim Moſen à Deo miſſum, Azoara 5. Jeſum pariter Chriſtum ſive Meſſiam eſſe Verbum, & Spiritum Dei eſſe, deprædicat Azoara 4. 5. 11. 29. 53. & 71. Inſuper Apoſtolos, qui Jeſu diſciplinam primi propagarunt, viros ſanctos fuiſſe, Mahumetes affirmat Azoara 5. 71. Ergò fateri debet ea, quæ Chriſtus Jeſus dixit, ac prædicavit, atque Apoſtoli ejus nomine promulgarunt, quæque Moſes ante Jeſum, & Apoſtolos, ſicut & Prophetæ de Meſſia prænunciabant, vera eſſe & à Deo; non enim poſſibile eſt, ut qui à Deo miſſus eſt, qui Meſſias, qui Verbum Dei, quique Spiritus Dei eſt, & qui ejus doctrinam prænunciant, vel prædicant, falſum dicant: & conſequenter fateri debet, omnem doctrinam, Moſis Jeſu ac Apoſtolorum doctrinæ contrariam, falſam eſſe. Atqui Mahometes in Alcorano multa docet contraria doctrinæ Moſis, Prophetarum, Jeſu, ac Apoſtolorum: ergò quæ Mahumetes docet, falſa ſunt.

Iſta minor ſubſumta probanda eſt: Et quidem primo; Ea quæ Moſes ſcripſit, Mahumetes vel corrumpit, vel fabulis intermiſcet Azoara enim 15. Abrahamum Idololatram fuiſſe ſcribit, & ſiderum inſpectione ad unius Dei cultum converſum. Azoara 17. ait, Deum præcepiſſe Angelis, ut Adamum adorarent, & omnes, Beelzebub excepto, paruiſſe. Azoara 2. Templum Mechæ conſtructum fuiſſe, aſſerit, ab Abrahamo. Azoara 3. Gedeonis, & Saulis hiſtoriam confundit. In hiſtoriis Exodi, & Joſephi multa enuntiat diverſa ab iis, quæ ſacri Vates ſcripſere, ut Abrahamum diſſectas aves ad vitam revocaſſe; Mariam Virginem Chriſti Matrem ſorem facit Moysi, & de divino ejus partu multa fabulatur; ait, ipſam juxta palmam Chriſtum peperiſſe, & ob dolores partus animo defeciſſe, Jeſumque ex utero ejus loquutum, ac juſſiſſe palmæ, ut fructus excuteret, quorum eſu recrearetur, & alia putidiſſima.

Secundo: quæ Jeſus docuit, Mahumetes negat: docuit Jeſus ſe eſſe filium naturalem Dei, id Mahumetes negat: docuit Jeſus Trinitatem Perſonarum, hanc negat Mahumetes. Circumciſionem abrogavit Jeſus & ſubrogavit baptiſmum, Mahumetes baptiſmum rejicit, & admittit circumciſionem. Apoſtoli, & Evan-

geliste scribunt, Christum Jesum passum, crucifixum, mortuum; Mahumetes Azoara 11. asserit, Jesum clam fuisse subductum in coelum, cruci autem fuisse affixum quoddam ejus simulacrum, ac proinde non fuisse mortuum Jesum, sed deceptos Judæorum oculos.

IX. Ad hæc, & similia aliud reponere non potest Mahumetes, nisi libros, tum Mosis, tum Jesu, non quales scripti fuerant mansisse, sed corruptos fuisse. Ita Azoara 9.

Sed contra hanc responcionem stat Alcoranus ipse: ait namque c. de Jona: *Si de quibus vobis revelavimus, dubitatis, quarite ab his, qui prius, quàm nos libram legerant*; qui autem prius Mahometo librum legis legerunt, certè sunt Judæi, aut Christiani: ergò ante Mahumetem Judæi, aut Christiani libros legis non corruperant, aliàs Mahumetes remisisset Suos ad falsos testes. Secundo: corruptio illa Scripturarum vel facta fuit communi omnium Christianorum, & Judæorum conspiratione soli Mahumeti nota; & hoc est impossibile: vel à privatis facta fuit; & sic mansissent in orbe multi codices illibati: cur ergò hos Mahumetani non producant? Certè si quis corruptum Alcoranum diceret, negarent hoc ipsi, idque sufficere crederent contra non ostendentem, aut non probantem; & tamen Mahumetani pro integritate Alcorani adferre non possent ea argumenta, quæ nos adferimus, ostendentes sparsa per Orbem Scripturarum, exempla; & quidem non uno Idiomate, ut Alcorani, sed omnibus idiomatibus; custodita non solum à Christianis, sed & à Judæis, aliisque sectis fide discrepantibus, quæ tamen mire concordant cum iis, quæ nos asserimus, & nullum ex iis fabulas continet, quas iis Mahumetes admiscuit. Ergò ipse corruptit Scripturas nostras, non autem nos eas corrupimus.

X. Probatur sigillatim de unoquoque Testamento, non esse corrupta: Et primo de Veteri: quæro quando Judæi adulterarint illud? An ante adventum Christi, an post? Non ante, quia cum scirent, libros sacros dicente Deo esse conscriptos, eosque in magna haberent veneratione; maximumque crimen esse illis vel Jota adimere, vel adjicere; non est credibile, eos ausos fuisse adulterare: præsertim cum nulla ratio odii, aut livoris adfuerit, quæ illos ad tantum scelus movere potuerit; antequam enim Christus nasceretur, dici non potuit, Judæos adulterasse Scripturas ex odio Christi, & Christianorum, aut ex odio Mahumetis impulsus. Addo, quod cum in Synagoga non deessent viri probi, & zelum Dei habentes, vel fortiter obstitissent depravatoribus, vel eos de hoc crimine reprehendissent. Fieri

insuper non potuisset, ut omnia prorsus exemplaria corripissent, quum multa essent per orbem dispersa, varias in linguas translata, & in diversis Bibliothecis asservata. Accedit: si Hebræi ante Christum Scripturas corruerunt, cur Christus, cur Apostoli eos de tanto crimine non increparunt? Cur Christus ait Joan. 5. 39. *Scrutamini Scripturas?* Et Matth. 23. 2. 3. *Super cathedram Moysi sederunt Scribae & Pharisei: quaecumque ergo dixerint vobis, servate, & facite?* Cui credibile erit, Christum sine ulla præmonitione ad Scripturas legendas invitasse, si aliqua in parte fuissent corruptæ, aut ad Scribas, & Phariseos, si fuissent corruptores, auditores suos amandasse? Certè si Vetus Testamentum fuisset corruptum, id Christus non ignorasset: etenim etiam Mahumete teste plenus erat sapientia; Azoara enim 13. dicit: *Quod Deus Christum librum, & sapientiam, & Evangelium, & testamentum edocuit.*

Nec item dici potuit, Judæos post Christi adventum Scripturas adulterasse: nam omnia testimonia, quæ à Christo, & Apostolis citantur, adhuc inveniuntur in Moysæ, ac Scripturis, ut ab illis citata sunt; ergo sic legebantur tunc, sicut modò: si autem Judæi corripissent Scripturas, ut Jesu fidem adimerent, eos potissimum textus corrumpere debuissent, ex quibus testimonium pro se Christo, ac Apostoli proferebant. Dicendum ergo, neque ante, neque post Christum Vetus Testamentum fuisse corruptum. Hoc argumento usi sunt Origenes lib. 8. in Isaiam, & Hieronymus in cap. 6. Isaiæ. Et S. Augustinus lib. 15. de Civit. Dei cap. 13. Ostendit, non esse credibile, Judæos voluisse suis codicibus eripere veritatem, ut nostris detraherent auctoritatem, & etiam voluissent, non esse verisimile ut potuissent.

XI. Quod autem etiam Novum Testamentum in sua veritate illibatum etiam nunc permaneat, ostenditur primo: nam si fuit interpolatum, & adulteratum ab eo, quod Apostoli tradiderunt; proferant Mahumetani aliquod Novi Testamenti exemplar ante tempora Mahumetis conscriptum, quod dissonet à nostro, & concordet cum Alcorano; quod cum ipsi non præstent, neque unquam præstiterint, imò omnia exemplaria antiquissima de Deo, de Christo, contineant ea, quæ continent nostra, non sumus nos Novi Testamenti corruptores, sed Mahumetes. Et sanè quis credat, hoc in mundo accidisse, quod omnia Evangelia à Christo tradita, omnia Apostolorum scripta depravata fuerint, & falsata, & quod nullus extiterit in toto orbe Christianus, qui zelum veræ doctrinæ haberet, & litteris proderet Posteris tantum nefas, ut à doctrina falsa caverent? Vel enim hic generalis cor-

corruptio contigit, Summo Pontifice, & omnibus Christianis in eam consentientibus, vel aliqui saltem ei obstiterunt. Si primum; ergo omnes à vera fide ante Mahumetem apostataverant; & sic vera Ecclesia perierat; Et consequenter Christus falsus Propheta fuit, dum Matth. 16. dixit, contra Ecclesiam suam portas inferi non prævalituras. Si secundum, deberet de hac existentia constare; deberet dici, quinam, & quando, in quo Concilio obstiterint, & hanc corruptelam Scripturarum damnarint; quod cum non appareat, nec unquam apparuerit, dici debet, hanc corruptelam inventum esse Mahumetis, ut suas præstigias regat, ac simplicibus callidè illudat.

. XII. Secundo argumentor sic: Si Christiani falsarunt Evangelia, & Apostolica scripta: vel id fecerunt post adventum Mahumetis in odium illius, & ut Alcorano auctoritatem detraherent, vel ante adventum illius: neutrum dici potest. Ergo &c. Corrupta non fuisse post Mahumetis adventum, evincunt primo tot exemplaria in omnes penè linguas maximè orientales exarata ante Mahumetum, quæ eadem de Christi morte, ac resurrectione, de ejus Divinitate, ac Trinitate dicunt, quæ nos dicimus. Evincunt secundo Patres omnes, qui à Christo usque ad Mahumetem per sex secula de fide Christiana scripserunt, quorum opera modò extant, qui Scripturas, ut modò legimus, recitarunt, ac mytheria, quæ modò credimus, professi sunt, & docuerunt; ut videre est in Justino Martyre, Ireneo, Tertulliano, Cypriano, aliisque sequentium seculorum Patribus,

Evincunt tertio Concilia ante Mahumetem coacta, quæ damnarunt ut errores putidissimos ea, quæ Mahumetes docet ut articulos. Damnatus fuit tertio seculo Sabellius, qui abstulit à Deo Trinitatem Personarum dicens, in Deo unam tantum esse Personam variis nominibus, & muneribus expressam. Eodem seculo damnatus fuit Paulus Samosatenus, qui Filii divini Divinitatem oppugnare cœpit; qui error in Ario solemnè condemnatione proscriptus postea fuit quarto seculo in Concilio Nicæno primo: & eodem seculo in Constantinopolitano primo damnatus fuit Macedonius, quod Spiritui Sancto auferret divinitatem. Quinto seculo anathematizatus fuit Nestorius, qui dum in Christo duas personas asserbat, eum fatebatur esse purum hominem. Damnati insuper Manichæi fuere, qui cum Christo veram carnem negarent, consequenter negabant eum verè fuisse mortuum, ac verè resurrexisse. Cum ergo dictorum Conciliorum Patres hos ut errores damnaverint, quia contrarios doctrinæ Evangeliorum, & scriptis Apostolorum, evidens
est,

est, Evangelia, & Apostolica scripta ante tempora Mahumetis docuisse contrarium ejus, quod ipse docuit, & idem semper docuisse, quod nos docemus.

XIII. Si fortè Mahumetanus dixerit, non errasse Arianos, & Sabellianos, negando Trinitatem divinarum Personarum, neque errasse Nestorium negando divinitatem Christi: sed errasse Patres, & Concilia, quæ eos damnaverunt.

Contra primo. Si Mahumetani sunt Ariani, & Nestoriani adhuc fateri debent, Alcoranum suum esse librum mendacem, quia negat id, quod Ariani, & Nestoriani constantè fatebantur, nimirum Christum esse passum, verè mortuum resurrectisse, circumcisionem cessasse, baptismum esse necessarium, ac Novum Testamentum esse purum, & incorruptum. Quod si dicat, Arianos, & Nestorianos veram quidem habuisse fidem, dum negarunt Trinitatem, & Christi Divinitatem; falsam tamen, quatenus credebant mortem, ac resurrectionem Christi, necessitatem baptismi &c. Contra: ergò ante Mahumetem nulla fuit vera fides apud Christianos, & omnes erant extra viam salutis. Nam Christiani, vel erant Catholici, vel erant Ariani, aut Nestoriani, omnes autem errabant in fide, quia Ariani, etsi non errarent in Trinitate, & Nestoriani in Divinitate Christi, ut tu sentis, errabant tamen in fide mortis, ac resurrectionis Christi: qui autem habet fidem falsam in uno, extra viam salutis est, licet censèatur habere veram fidem in alio. Catholici autem secundum te errabant, & in fide mortis Christi, ut Ariani, & Nestoriani, & insuper in fide Trinitatis, & Divinitatis Christi, & sic nulla ante Mahumetem fuit vera Ecclesia. Deinde Arianus negans Trinitatem, & Nestorianus negans Christi Divinitatem loquebatur contra Scripturam; affirmans autem, Christi mortem loquebatur conformiter ad Scripturam: ergò errabat quidem in primo, sed non errabat in secundo.

XIV. Probatur jam Novum Testamentum non fuisse corruptum ante tempora Mahumetis. Non enim id potuit fieri in odium Mahumetis, & ut authoritati Alcorani detraheretur, quia nesciebatur, quod in Alcorano docturus erat, imò nec sciebatur futurum esse Mahumetem, quo ergò sine tantum nefas committi potuit? Deinde observo, in Evangeliiis fusè, & ex instituto narrari ea, quæ pertinent ad Christi passionem, & mortem, strictim autem, ac obiter ea, quæ ejus tangunt divinitatem. Si autem Christiani adulterassent Evangelium, credibile non est, eos obiter tantum locuturos de gloria ejus Divinitatis, & tanto verborum apparatu descripturos ignominiam passionis, & mor-

& mortis; imò è contra debuissent, quantum poterant, occultare dedecus Crucis, quia id maximè augebat difficultatem credendi, ipsum esse Deum (hoc enim teste Paulo Judæis erat scandalum, gentibus autem stultitia 1. Cor. 1. 23.) & potius amplificare gloriam Divinitatis ejus: cum ergò oppositum fecerunt, id argumento est, Evangelia verè, ac sincerè fuisse conscripta, & sincera permanisse.

XV. Tertio nec dici potest, Evangelia fuisse corrupta ab Apostolis, nec à Christianis post tempora Apostolorum. Non primum. Tum quia Mahumeto asserente Apostoli fuere viri sinceri, ac fideles: ideoque tanto scelere obstricti esse non potuerunt. Tum quia id fieri non potuit, quia cum Apostoli per terrarum orbem dispersi fuerint, & Evangelia diffitis in regionibus conscripserint, qui poterat fieri, ut in eandem falsitatem conscribendam convenirent? Qui fieri poterat, ut ad prædicationem falsi Evangelii Deus tot mirabilia patraret, quanta leguntur facta in actis Apostolicis, præsertim ad prædicationem Christi Crucifixi Act. 2. 3. &c. & Marci 16. dicitur: *Illi autem (Apostoli) profecti prædicaverunt ubique. Domino cooperante, & sermonem confirmante sequentibus signis?*

XVI. Quarto nec dici potest, corrupta fuisse Evangelia à Christianis, qui Apostolis successere. Primo quia de Divinitate Christi constat, ad eam declarandam Joannem suum scripsisse Evangelium, & S. Justinum, Egesippum, aliosque, qui viciniore Apostolis fuere, eandem, quam modo habent Evangelia, doctrinam tradidisse. Secundo postquam Apostoli sua conscripsere Evangelia, ac doctrinam miraculis comprobaverunt, quis potuit omnes eorum libros in omnes mundi partes dispersos simul colligere, comburere, aut dilacerare, ac loco illorum alia exemplaria supponere fucata, atque adulterata? Id enim non potuerunt facere pauci homines, quia impossibile erat, paucos posse a toto Christiano Orbe penitus extirpare omnia sincera, ac vera exemplaria Evangeliorum, & falsa subinducere: & quamvis physice possent, penitus impossibile videtur, à ceteris Christianis hoc permitti: si enim multi eorum potius elegerunt mori, quam sacros Codices tradere, Diocletiano & Juliano imperantibus, ut comburerentur, num credibile est, ipsos passuros, ut à Christianis sacri Codices corrumperentur, aut saltem non reclamatos contra corruptores? Multò minùs in tale nefas, credibile est, totam Ecclesiam consensuram, quæ nimirum tanto zelo custodivit illibatam Christi fidem ab ejus impugnatoribus. Impium est credere, doctrinam ab ipso per Apostolos acceptam,

tot

tot miraculis confirmatam, & martyrum sanguine illustratam, eam corrupisse, ac infecisse.

Si forte diceret Mahumetanus, sibi ex Deo revelante constare, Alcoranum esse à Deo Mahumeti per Gabrielem dictatum, ac proinde ea, quæ dicimus nos Alcorano contraria, esse ab hominibus in divinis libris intrusâ, cum Deus non potuerit contraria revelasse Mahumeti, ac Apostolis. Probandum ergo est, Alcoranum non esse à Deo, & proinde Mahumetem id asserentem fuisse verum impostorem.

§. V.

Tertia Ratio.

XVII. **E**Vincitur tertio mendacii Mahumetes, quod falsò sparserit, legem suam sibi datam à Deo. Primo quia lex, quæ sibi contradicit, à Deo non est, Deus enim secum pugnare non potest, ut habetur in Alcorano Azoara 49. Atqui lex Mahumetis sibi in multis contradicit. Ergo &c. Maj. probatur Azoara 2. dicit, Christianos, ac Judæos, & omnes Deum adorantes, & benè viventes salvos fore, & mox sui oblitus Azoara 3. & 5. Mahumetanos damuandos asserit, si à sua lege deficiant. 2. Azoara 9. neminem ad fidem cogendum, scribit, deinde Azoara 18. 19. expugnare, & occidi jubet infideles. Tertio Azoara 57. docet quod à recta via digressi, & in incredulitate mortui Deus nunquam veniam dabit, & tamen Azoara præcedente scripserat, Diabolos per Alcoranum convertendos. Quarto resurrectionem Mortuorum passim prædicat; & tamen Azoara 49. quibusdam nunquam reddendas animas, scribit. Quinto Azoara 19. pro incredulis non esse orandum, asserit; Azoara verò 12. pro Judæis orandum, vult, ut ipsi venia concedatur. Innumeras alias contradictiones omitto, quæ legenti Alcoranum passim occurrunt. Quomodo igitur potuit esse à Deo?

XVIII. Secundo sic probò. Lex Alcorani Deo multa indigna, ac flagitiosa affingit. Ergo à Deo non est. Ant. probat. primo Deum inducit Azoara 87. jurantem per *Angelos legationis efficaces, ventosque siccos, & imbriferos, demonesque licitorum, ac illicitorum discretiores*. Id autem Deo indignissimum, ratio demonstrat. Homines enim per majorem sui jurant, Deus verò, quo nemo major est aut esse potest, per se ipsum jurat, ut Vetus, Novumque Testamentum in Alcorano commendata testantur. Secundo Azoara 43. Deum orare, ait, pro Mahumeto:

ex

ex quo sequitur, superiorem alium esse Deum, ad quem suas orationes dirigat. Tertio : Azoara 20. Deo motum localem assignit ; dicit enim : *Cælum & Terram sex diebus creans , & postea cælum ascendens* &c. Quarto : cum infano amore Mahumetes deperiret uxorem Regis Jacobitarum, inducit Deum ipsi permittentem adulterium, & vagam cum quibus voluerit mulieribus copulam, etiam consanguineis, & arbitrarium divortium. Ita Azoara 43., & Azoara 56. fingit, Deum sibi permisisse jurisjurandi violationem ; cum enim iterum insanè deperiret præfatam Regis Jacobitarum uxorem, quam deinceps se non cogniturum ; juraverat, deprehensus cum illa à duabus suis uxoribus, sic Deum suæ libidini servientem describit : *Cur tu Propheta statuis illicitum à Deo positum licitum ob tuarum mulierum amorem ? Deus quidem pius, veniamque largitor, tibi jurejuranda delere præcepit*. Insuper stuprum Zainabæ uxori Zaidi nepotis intulit, deinde eam invito marito duxit (quod se mandato Dei fecisse, scribere in Alcorano non erubuit) quo illa tumens, rivalibus suis dicere solita erat : *Vos maritiis conjunxerunt parentes : me vero Deus desuper septem cælis*. In immensum irem, si omnes obscænitates, quas Deo assignit impudentissimus Mahumetes, & insuper mendacia, quibus scatet ejus Alcoranus, vellem enarrare. Sufficiant hæc, ut vir prudens statuere possit, Mahumetanas sordes non a Deo, sed scdissimo Cacodæmone revelatas fuisse.

§. VI:

Quarta Ratio.

XIX. **Q**uarto Mahumetana sectæ falsitas evincitur hoc ratiocinio : Primis sexcentis annis à Christo ad Mahumetem dabatur aliqua religio vera, in qua homines salvari possent ; evidens enim est, Deum omni tempore voluisse hominum salutem, eisque parasse media, quibus eum colentes salutem assequerentur. Manifestum etiam est, iis sexcentis annis homines non fuisse salvatos per Religionem Mahumetanam, hæc enim non fuerat ante Mahumetem promulgata. Ergò hæc erat Religio Christiana ; quod sic evinco : nam ante Mahumetem solum tres Religionēs erant, Leges, aut Fides : Religio, & fides Gentilium, qui Idola colebant ; Religio & fides Judæorum, qui Messiam expectabant ; Religio ac fides Christianorum, quæ unum Deum ac Trinum colebat, & Christum ut verum ; Deum & hominem à Judæis crucifixum adorabat. At ex his

tribus fides Gentilium erat manifestus error; etenim Mahumetes ipse in Alcorano sæpè dicit, se à Deo missum ad exterminandam Idololatriam. Judæorum autem fides post adventum Christi etiam Mahumeto vana erat, atque inutilis, utpotè quæ Messiam expectabat, cum Messias jam venerit, isque etiam Mahumete teste fuerit Jesus; hunc enim sæpè repetit fuisse Messiam in lege promissum, insignem Prophetam, virumque sanctissimum. Quare non poterat Mahumetes probare fidem Judæorum negantium Jesum fuisse Messiam, imo verò execrantium eum ut impostorem, & blasphemum; & per consequens dicere tenebatur, Judæos post Christum esse extra viam salutis. Si ergò aliqua vera religio, & fides erat in mundo ante Mahumetem, in qua homines salvari possent, hæc esse debebat secundum ipsum unica Religio Christiana.

XX. Quod si fatetur, religionem, ac fidem Christianam illis sexcentis annis fuisse veram, fateri etiam debet fuisse verum id, quod ipsa credebatur, nimirum Deum esse unum & Trinum, Christum esse verum Deum ac verum hominem, à Judæis crucifixum, resurrexisse &c. Hoc autem concessio, necesse est, ut concedat, fidem Mahumetanam hoc negantem esse fidem falsam, erroneam, neque Deum habere Authorem, sed Diabolum; ac Mahumetem non fuisse verum Prophetam, sed insignem impostorem; si enim ante Mahumetem verum erat, Deum esse Trinum in Personis, & unum in essentia; si verum erat, Deum factum esse hominem, crucifixum, resurrexisse: hoc etiam modò verum esse debet, cum Deus subito mutatus non sit, & propositio de præterito semel vera, semper permaneat vera. Hoc argumento, quod suum facit P. Thyrsus, asserit plures Mahumetanos fuisse ad fidem Christi conversos p.2. adversus Mahumetanos lib.2. cap.1.

XXI. Verum ait ipse lib.3. cap.1., huic ratiocinio, quemdam Maurum respondisse, legem Christi fuisse quidem sanctam, & à Deo datam: ceterum non durasse, nisi usque ad adventum Mahumetis: sicut lex Moysis fuit sancta, & à Deo lata per Moysen, tanquam per legatum & nuncium Dei; & tamen non duravit nisi usque ad adventum Christi. Aiebat ergò Maurus ille, has tres leges à Deo descendisse, & Mosen, & Christum, & Mahumetem fuisse Dei Prophetas, & veras leges publicasse. Ceterum duas priores jam cessasse, & abrogatas fuisse, solamque nunc in mundo veram esse legem Mahumetis.

XXII. Hæc est communis persuasio Mahumetanorum, qui Alcoranum exponunt, hujusque abrogationis legis Christianæ, & sub-

& subrogationis Mahumetanæ dicunt præcessisse figuras , tum in Veteri, tum in Novo Testamento: in Veteri quidem verbis Moysis Deuteroni. 33. 2. *Dominus de Sinai venit , & de Seir ortus est nobis : apparuit de monte Pharan , & cum eo Sanctorum millia . In dextera ejus ignea lex .* In novo etiam verbis Christi Matth. 20. in illa parabola de Patre-familias , *qui exiit primo mane , conducere operarios in vineam suam , quam parabolam Muhammedus filius Ismaelis cognomento Albocharius p. 3. Alcoranicarum Traditionum refert , à Mahumeto Propheta suo ita esse expositam : Data fuit lex (Mosaica) cultoribus legis , qui operati sunt in ea usque ad meridiem ; deinde delassati sunt , & acceperunt singuli denarium . Deinde traditum est Evangelium : cultoribus Evangelii (idest Christianis) qui operati sunt in eo usque ad vespem ; deinde delassati sunt , & acceperunt singuli denarium . Tandem datus est nobis Alcoranus , & operati estis in eo usque ad occasum solis , & accepistis singuli binos denarios . Quamobrem dixerunt Scripturales (Christiani , & Judæi) isti minus operati sunt , quam nos , & plus acceperunt mercedis . Respondit Deus : num feci vobis injuriam aliquid detrahens de mercede vestra ? Responderunt : Non . Dixit Deus . hæc est gratia mea , quam dabo , cui allibuerit .*

Hoc idem fatetur Mahumetes in Alcorano Azaora 57. , cujus titulus est : Elhadid , idest ferrum §. 27. , ubi nomine Dei ita fatur : *Etiam quidem misimus Noè , & Abraham , & posuimus in generatione eorum Prophetiam , & librum : & inter illos quidam fuerunt directi , multi vero exerraverunt . Horum vestigia subsequi fecimus legatos nostros , & subsequi fecimus Jesum filium Mariæ , & dedimus ei Evangelium , & posuimus in cordibus eorum , qui secuti sunt eum , pietatem , & misericordiam . . . Sed non servaverunt eam eo modo , quo debebant . Nos autem dedimus illis , qui ex eis crediderunt , mercedem eorum : at multi ex eis prævaricati sunt . Idem sentiunt Alcorani expositores . Uno verbo . Censent Judaicam , Christianam , & Mahumetanam Religionem fuisse eandem Religionem , habuisse tantum diversas leges , omnes tamen sanctas , & à Deo datas . Ita vulgò Mahumetani .*

XXIII. Sed infeliciter ; discursus enim supra factus contra eos semper stat invictus . Ex legibus enim loquentibus contradictoria , & sibimet repugnantia , oportet , ut una sit à Deo , alia non , nec possent ambæ à Deo revelante proditiisse , quia Deus per unum Prophetam nequit prius revelare unum mysterium , & per alium postea revelare oppositum . Cum ergò lex Mahumetana proponat , ut à Deo revelata mysteria contraria iis , quæ Deus revelaverat per Prophetas antiquos ; imò iis , quæ Christus ipse

revelavit, oportet, quod, vel lex Mosaica, & Evangelium à Deo non fuerit, vel quod à Deo non fuerit lex Mahumetis; cumque Mahumetes fateatur legem Judæorum, ac Christianorum à Deo fuisse, tenetur concedere legem suam à Deo non fuisse. Quod verò lex Mahumetana proponat contraria revelatis à Deo per Prophetas, & per Christum, jam ostendit Deus enim per Prophetas antiquos revelavit, Messiam moriturum, ac resurrecturum, Mahumetes autem Jesum fatetur esse Messiam à Prophetis prænunciatum, & tamen negat, eum fuisse mortuum. Rursus Christus aperte docuit, se esse verum Deum ac Filium Dei; docuit, tres in Deo dari Personas, idque Christiana fides ut verum semper tenuit: Mahumetes autem, qui Christum fatetur fuisse verum Prophetam, id pertinaciter negat. Quod si Mahumetani dicunt, Evangelia, quæ modo sunt, non continere veram doctrinam Christi, sed fuisse ab antiquis corrupta, jam hæc inutilis evasio supra abundè præclusa est.

XXIV. Hinc Lex Christiana bene potuit succedere legi Mosaicæ, non autem lex Mahumetana legi Mosaicæ, & Christianæ; quia, ut vidimus, lex Mahumetana contradicit legi Mosaicæ, & Christianæ, Lex verò Christiana non contradicit, sed bene concordat legi Mosaicæ. Nam Christus ipse Matth. 5. 17. 18. protestatur: *Nolite putare, quoniam veni solvere legem, sed adimplere*. Imò ipse, quamdiù lex illa vigit, exactè observavit; circumcidi enim voluit; quot annis ad Templum ascendeat, eamque à suis observandam procuravit. Eam quidem abrogavit, non solvendo, sed adimplendo, nimirum veritatem, quam illa promittebat, re ipsa exhibendo, non violando, sed perficiendo: sicut pictor dum imagini inchoatæ, & extremis tantum lineamentis adumbratæ, ultimam apponit manum, & colores adhibet, priorem quidem imaginem abolet, & novam inducit, abolet autem, non dissolvendo, sed absolvendo, non delendo sed perficiendo.

XXV. Quare lex Mosaica, & Christiana, ne dum oppositæ non sunt, verum si spectentur ex parte finis, eadem lex sunt, licet se habeant tanquam duæ, si spectentur media, per quæ homines ad finem perducunt. Sicut enim (ait D. Thom. 1. 2. q. 91. a. 5. ad 1.) *Pater-familias in domo alia mandata proponit pueris, & alia adultis: ita etiam unus Deus in suo regno aliam legem dedit hominibus adhuc imperfectis existentibus, & aliam perfectiorem jam manuducit per priorem legem ad majorem capacitatem divinum*. Sicut ergo homo puer ab adulto non differt, nisi secundum statum, sed substantialiter est idem homo: ita lex Mosaica, & Chri-

Christianæ sunt eadem lex, differens secundum statum perfectum, & imperfectum. *Lex nova* (ait idem D. Thom. 1.2. q. 107. a. 1.) *Non est alia à lege veteri* (nimirum si considerentur ex parte finis, ad quem ordinant) *quia utriusque est idem finis, scilicet ut homines subdantur Deo: est autem unus Deus, & novi, & veteris Testamenti: secundum illud Rom. 3. Unus Deus est, qui justificat Circumcisionem ex fide, & præputium per fidem.* Si autem consideretur secundum proquinquitatem, vel distantiam à fine, *lex nova alia est à veteri, quia lex vetus est quasi pædagogus puerorum, ut Apostolus dicit ad Galat. 3. Lex autem nova est lex perfectionis, quia est lex caritatis, de qua Apostolus dicit ad Coloss. 3. quod est vinculum perfectionis.*

XXVI. Quamquam autem aliqua præcepta dederit Deus in illo statu legis veteris, quæ adveniente, & jam promulgata nova lege cessarunt; tamen Deus non revelavit de se ipso in lege veteri aliquid, quod postea in lege nova negaverit, vel ejus oppositum revelaverit, sed omne, quod in lege Veteri sub figuris, & umbris prænunciavit, in lege Nova impletum est, & aperte manifestatum. Sic in Veteri suboscure Trinitatem Personarum indicavit, non manifestè, ne populus ille rudis indè sumeret occasionem existimandi tres Deos: hujus claram manifestationem reservavit tempori legis Novæ, quo misit Unigenitum suum in mundum, ut ipse, qui est in sinu Patris, hominibus jam adultis enarraret. Quia (ait D. Thom. 4. contra g. cap. 55.) *hoc requirit conditio humanæ naturæ, ut non statim ad perfectum ducatur, sed manuducatur per imperfecta, ut ad perfectionem perveniat: quod & in instructione puerorum videmus, qui primò de minimis instruuntur, nam à principio perfecta capere non valent. Similiter etiam si alicui multitudini aliqua inaudita proponerentur & magna, non statim caperent, nisi ad ea assuescerent. Sic igitur conveniens fuit à principio, ut humanum genus instrueretur de iis, quæ pertinent ad suam salutem per aliqua levia, & minora documenta per Patriarchas, & legem, & Prophetas: & tandem in consummatione temporum perfecta doctrina Christi proponeretur in terris, secundum quod Apostolus dicit ad Galat. 4. At ubi venit plenitudo temporis, misit Deus filium suum in terris. Et ibidem dicitur, quod lex pædagogus noster fuit in Christo; sed jam non sumus sub Pædago. Simul etiam considerandum est, quod sicut ad adventum magni Regis oportet aliquos nuncios præcedere, ut præparentur subditi ad eum reverentiùs suscipiendum, ita oportuit adventum Dei in terras multa præcedere, quibus homines essent parati ad Deum incarnatum suscipiendum. Quod quidem factum est, dum per præcedentia promissa, & documenta hominum mentes dispositæ sunt, ut facilius ei crederent,*

derent, qui antea prænunciatus erat, & desiderantiis susciperetur propter priora promissa. Hæc D. Thomas videndus, & ibi c. 57.

Postquam autem Christus venit, cessare debuerunt promissa, & consequenter etiam præcepta judicialia, & ceremonialia; tum quia erant purè figurativa adventus Christi futuri, tum quia, cum essent ut leges municipales separantes Judæos à Gentibus, debuerunt aboleri, quando venit Christus, qui in eis præfigurabatur, & veniebat ad salvandos omnes, & congregandam unam Ecclesiam ex Judæis, & Gentilibus juxta illud Pauli ad Ephes. 2. 14. *Qui fecit utraque unum.*

XXVII. His ita explicatis cohæret benè, quòd lex Christiana successerit legi Mosaicæ; non autem quòd legi Christianæ successerit lex Mahumetis. Primo quia benè potest Deus uno tempore revelare aliquod mysterium, quod in alio non revelavit; neque tamen illud ipsum, quod prius de se revelavit, & affirmavit ita esse, postea negare; alias, vel Deus mentiretur, & sibi contradiceret, vel Deus in se mutatus esset. Porro in lege Christi, etsi aliqua apertè manifestata sint, quæ in lege Veteri vel non erant manifestata, vel saltem non clarè, ut Trinitas, & Verbi divini Incarnatio; nihil tamen in ea negatur eorum, quæ prius erant revelata, sed adamussim confirmantur, dum impleantur. Verùm, ut vidimus, in lege Mahumetis profertur ut revelatum, & negatum à Deo id, quod ab ipso per Christum fuit affirmatum, & ideo est lex legi Christi contraria, non illam consummans, & illi succedens.

XXVIII. Secundo quia si lex Mahumetis succederet Christianæ, sicut Christiana successit Mosaicæ; debuisset lex Christiana disponere ad legem Mahumetis, ut ad perfectiorem, sicut lex Mosaica disposuit ad Christianam; Deus enim, ut supra dicebamus, consuevit hominem disponere, manuducendo ipsum ab imperfecto ad perfectum; atqui lex Mahumetis non est perfectior lege Christi, Christus enim in Evangelio docuit altissimam vitæ sanctimoniam in ardenti Dei dilectione positam, & ad eam assequendam altissima dedit consilia contemnendi divitias, honores, & delectationes carnales, abnegandi se ipsum, tollendi crucem suam, diligendi inimicos, & exercendi perfectissima omnium virtutum opera, patientiam, humilitatem, temperantiam, continentiam, quorum omnium sese exhibuit Christus exemplar perfectissimum. Hanc autem perfectionem lex Mahumetis non præcipit, nec consulit. Deum super omnià diligendum negat Azoara 2. sed solum æqualitèr, aut plùs quàm patrem: dilectionem inimicorum prohibet Azoara 60., & immane illud

illud statuit principium Azoara 52. *Vindicans se post injuriam illatam nequaquam reus existit*: imò reddendum malum, pro malo, & easdem injurias, quas ab aliis sui fideles patiuntur, illis reponendas docet. Videtur quidem terrenarum opum contemptum prædicare Christi simia Azoara 38. 51. & 18. attamen effusas à Deo delectationibus carnis habenas laxat, ut licet raptum, ac fornicationem damnet, atque execretur Azoara 8., uxores tamen plures simul ducere permittat, earum numerum pro facultate cujusque temperans. Viris dimittere licere asserit eas, quas non dilexerint Azoar. 8. 9. tantumque abest, ut consulat virginitatem, ut ejus observantiam censeat impossibilem, dicens in Alcorano: *Nocturnos coitus cum mulieribus promittit vobis Deus, sciens vobis hujus rei abstinentiam, tum difficilem, tum impossibilem esse* imò Paradisum suum in carnalibus, & corporeis ejusmodi voluptatibus statuit Azoaris 23. 28. 54. 57. 62. & 65. Quapropter Mahumetani dicunt, Christianam legem nimis arctam, & spiritualementem esse, ac sapienter egisse Altissimum mittendo Mahumetem cum lege laxa, & facili, & Mahumetes ipse se missum à Deo dicebat, ut legem Christi nimis austeram emolliret. Si verò vitam Mahumetis inspicimus, quid intuebimur, nisi rapinas, fraudes, adulteria, effusamque libidinis intemperiem? Hæc cine ergò erat lex, hic legislator, qui succedere debebat Christo, ejusque legem solvere, atque abrogare?

XXIX. Tertio Dei leges maximè sunt inter se connexæ, & mutuam sibi perhibent testimonium: sic Moyse Christo, Christus Moyse suffragatur: sic lex Mosaica prænunciat de Christo, & ex hoc demonstramus, Christum esse legis implementum & finem, quem tota lex Mosaica adspiciebat. At inter legem Moysi & Christi nulla connexio est cum lege Mahumetis, nec Moses, aut ullus Prophetarum, nec Christus maximus Prophetarum Mahumeti testimonium perhibuit, aut ejus legi. Imo Christus Lucæ 16. *Lex, inquit, & Propheta usque ad Joannem*, ut indicaret, nullum post Joannem Prophetam futurum, qui de altero ad mundi reformationem mittendo esset vaticinaturus. Ergò &c.

XXX. Respondent Mahumetani, Christum de Mahumete vaticinatum fuisse his verbis, quæ in Alcorano leguntur Azoara 71. *O filii Israel! Ego vobis à Deo missus nuntius, quod de testamento, meis idest manibus affirmo, vobisque nuntium afferro de nuntio post me venturo, cui nomen Mahometus*: quæ verba à Christianis ex Evangelio dolosè abrasa fuerunt. Rursus Joann. 14. 16. ubi nos legimus: *Ego rogabo Patrem, & alium paraclitum* da-

dabit vobis, idque corruptè, ante legebatur *Mubammed*, quasi Christus dixerit, & *Mahometem dabit vobis*.

XXXI. Verùm hæc sunt insignia mendacia. Primo quia Evangelia, quæ modò habemus, jam ostendi, esse eadem, ac incorrupta, quæ Apostoli conscripserunt, ac proinde si in nostris Evangeliiis non leguntur verba, quæ proferunt Mahumetani, evidentius est, ea non fuisse prolata à Christo, sed à Mahumete. Secundo: nomine Paracliti à Christo promissi non esse intelligendum Mahumetem, certum est; nam adventus illius Paracliti futurus erat intra paucos dies Act. 1. 15. *Non post multos hos dies*: Mahumetes autem venit post sexcentos annos. Rursus Paraclitum promissit Christus Apostolis, ut eos instrueret Joan. 14. 26. *Ille vos docebit, & suggeret vobis omnia, quacumque dixerò vobis*: Mahumetes autem Apostolos non docuit. Tertio, quia Christus dixit, illum Paraclitum esse invisibilem, quem mundus non potest accipere, quia non videt eum, nec scit eum, Mahumetes autem visibilis fuit. Dicant potius, & verum dicent, Mahumetem fuisse à Christo prænunciatum Matth. 24. 11. cum ait generaliter: *Mulii Pseudoprophetae surgent, & seducent multos*.

XXXII. Nec minus mendacium est, quòd, ut supra retulimus, Mahumetani putant, se prænunciatos fuisse in Deuteronomio cap. 33. v. 2., ibi enim loquitur de lege, quam acceperat à Domino in Sina, unde ait *Dominus de Sinai venit*, qui ideo dicitur ortus de Seir, & apparuisse de Pharan, quia, vel hi duo montes à Sinai vertice cernebantur; vel quia ex iis primo apparuit fulgor *Dominum* circumdans, qui postea in Sina resedit: quæ lex dicitur ignea, quia inter flammæ ignis coruscantis data, quare: vel quia duo præcipua ejus præcepta ignea sunt, quia præcepta amoris erga Deum, & proximum. Si ergo hic agit Moses de lege Mosaica, quo fundamento eum trahunt Mahumetani ad legem Alcorani? Moses loquebatur de re jam præterita: *Dominus venit, ortus est nobis, apparuit* &c., si locutus fuisset de Mahumete, debuisset, ut de re futura dicere: *Veniet, orietur, apparebit*. Quoad parabolam autem operariorum Matth. 20. Undè probant Mahumetani, in undecima hora vocatis indicasse Christum Mahumetis sectatores? Horis illis prima, tertia, sexta, nona, & undecima indicare voluit Christus mundi ætates, quarum prima fuit ab Adam usque ad Noè, tertia à Noè usque ad Abraham, sexta quoque ab Abraham usque ad Moysen: nona autem à Moysè usque ad adventum Christi; undecima verò ab adventu Christi usque ad finem mundi: ita cum

S. Gre-

S. Gregorio homil. 19. in Evangelia omnes Interpretes: quam parabolam induxit Christus, ut ostenderet, Christianam Ecclesiam ex Gentilibus collectam, quamvis tempore postremam, exaltantem tamen fore super Ecclesiam Hebræorum, quamvis tempore, & vocatione antiquiorem; imo eam, quæ erat prima, fore novissimam, quia Messiam repulit; quæ verò erat novissima, futuram primam, quia Messiam suscepit.

Verùm ostendo, ex mente Christi, vocatos hora undecima non fuisse Mahumetanos, & consequenter Mahumeti religionem non successisse Christianæ, sic: qui protestatur, legem ac religionem suam duraturam usque ad finem seculorum, nullam admittit religionem, quæ suæ religioni succedat: at Christus in Evangelio protestatur, Religionem, & Ecclesiam suam duraturam usque ad finem seculorum. Ergò nullam &c. Mi. probatur 1. testimonio Gabrielis Lucæ 1.31. &c. ubi auncians Mariæ conceptionem Jesu ait: *Vocabis nomen ejus Jesum; hic erit magnus, & filius Altissimi vocabitur, & dabit illi Dominus Deus sedem David Patris ejus, & regnabit in domo Jacob in æternum, & regni ejus non erit finis.* Quomodo ergò Gabriel, qui Mariæ prædixit, Christi regnum non habiturum finem, postea Mahumeti prædixit, illud habuisse finem in Mahumete? Hoc idem præcinerat Daniel cap. 7. 14. ubi de Jesu Messia ait: *Potestas ejus potestas æterna, quæ non auferetur, & regnum ejus, quod non corrumpetur.* Idem Michæas cap. 4. v. 7. Rursus Christus ipse Matth. 27. 20. promisit, se adfuturum suis fidelibus non usque ad 600. annos, sed usque ad finem mundi: *Ecce ego vobiscum sum omnibus diebus usque ad consummationem seculi:* in fine mundi, dicit, se venturum Judicem omnium vivorum Matth. 16. 27. Marci 13. 26., Lucæ 21. 27., Act. 3. 20., Rom. 2. 16., cap. 14. 10., 2. Cor. 5. 10. *Omnes nos manifestari oportet ante Tribunal Christi &c.* Cum autem Judicium non exerceatur, nisi in subditos: hinc evidens sit, Christianos, & eorum fidem permanentem usque ad seculorum finem: ideoque undecima hora novissimos vocatos esse Christianos, Mahumetanos autem esse à Deo in æternum reprobatos.

§. VII.

Quinta ratio.

XXXIII. **Q**uinta demonstratio ex præcedenti deducta sic proponitur. Si Mahumetana Religio esset vera Religio succedens Hebræicæ, atque Christianæ, ut ajunt ejus

Tom. I.

T

pro-

professores, debuisset Deus ejus veritatem signis, atque prodigiis confirmare, ac Mahumetem nuncium suum atque Prophetam esse, illis testificari; sed Mahumetana lex nullis prodigiis confirmata fuit, neque Mahumeti vis miraculorum collata fuit, nam Azoara 13. Deum sic ad se loquentem inducit: *Tu quidem nequidquam ad eos cum Dei miraculis manifestis venies, quoniam ea velut odiosa, atque contraria rejiciunt, & veritati ad se venienti contradixerunt*; undè armis pro miraculis usus est Mahumetes, prædamque & bellum suis sectatoribus præcepit Azoara 10. & 12. Ergo non fuit vera Religio. Maj. probatur: Consuevit Deus, quoties voluit hominibus aliquid novi, atque insoliti per nuncios suos indicare, ut scirent se esse, qui per illos loquitur, ac ut ministris suis conciliaret fidem atque auctoritatem, eorum dicta signis atque miraculis munire: sic dum Mosem delegavit ad Pharaonem pro libertate populi, ut Ægyptii noscent, eum à Deo mitti, dedit ei virgam prodigiorum operatricem Exod. 4. Dum ei in Sina legem dedit Exod. 19., tali fulgurum tonitruum ac signorum apparatu eam tulit, ut omnis populus manifestè dignosceret, Deum esse, qui cum Mose loqueretur. Sic dum Christus Jesus in mundum advenit, testificans se esse filium Dei ac Messiam, signis ac prodigiis comitantibus atque attestantibus venit; quare Joannis Baptistæ discipulis hæstantibus Matth. 11. 3., num ipse esset, qui expectabatur Messias, non alio argumento eis demonstravit, se esse, nisi testimonio miraculorum dicens: *Ite renunciate Joanni: Cæci vident, claudi ambulat, leprosi mundantur &c.* eademque potestate munivit Apostolos suos, ut signis ac miraculis fidem suam mundo confirmarent Marci 16. v. 17., & 18., quæ in Actibus Apostolorum, & Christianorum historiis passim leguntur.

XXXIV. Neque valet subdolum Mahumetis effugium: nimirum, Deum illum non misisse cum miraculorum potentia, quia homines increduli iis adhuc contradixissent. Nam sciebat Deus, Pharaonem adhuc visis prodigiis contradicturum; imò Deus ipse hoc idem prænunciavit Moyfi Exod. 7. 3. *Sed ego indurabo cor ejus, & multiplicabo signa, & ostenta mea in terra Ægypti: & non audiet vos*; & tamen multiplicavit coram Pharaone prodigia. Noverat & Christus, Hebræos incredulos mansuros, & tamen miracula coram illis egit innumera, sed quare? Quia iis visis magis aggravabatur incredulitas eorum, & omnis excusatio ab iis auferebatur, dicente ipso Joann. 15. 24. *Si opera non fecissem in eis, quæ nemo alius fecit, peccatum non haberent*. Cur ergo eadem ratione non decuit, ut vim faciendi miracula Mahumeti con-

conferret, si ab eo mittebatur? ut nimirum qui nolissent credere, excusationem de sua incredulitate non haberent?

XXXV. Respondebunt fortè, miraculum esse, idque non modicum, Mahumeti legem sine miraculis susceptam, ac propagatam fuisse, adeo ut maxima orbis pars eam profiteatur: sicut miraculum nos credimus, duodecim homines rudes religionem Christianam toto orbe effudisse: Miraculum etiam esse continua Imperii Othomanici incrementa, & frequentes victorias, quibus regna, ac dominia olim à Christianis possessa sibi subjugavit. Hoc maximum testimonium est pro veritate Mahumetanæ Religionis.

XXXVI. Vanitatem tamen hujus responsionis ostendere, operosum non est. Quodnam enim verò miraculum est, armis, cædibus, rapinis subdi gentes novi Imperii, seu potius tyrannidis, novæque religionis jugo? Imò quid mirum, si homines eam legem sua sponte amplectuntur, quæ nihil non indulget sensibus, & cupiditati, secundam quam longè major pars hominum vivit, quam secundum rationem? Hujusmodi autem est Mahumetana lex. At miraculum est, & quidem maximum, quod Religio, quæ proponit mysteria sapientibus seculi incognita, & rationi humanæ impervia, quæ sensibus bellum indicit, & cupiditatibus refrænandis incumbit tota, quæ res præcipit difficiles, & arduas, ad quas nulla est in natura, & indole propensio, imo repugnantia maxima, ut est pœnitentia, & mortificatio carnis, inimicorum dilectio &c., orbe toto stabilita sit, in contrarium fremente humana potentia, idque non gladio, sed verbo, non Philosophorum disputationibus, sed prædicatione hominum vilium, atque illiteratorum; qui tantum abest, ut incredulis mortem intulerint, quin potius ipsi pro veritate religionis, quam annuntiabant, persecutionem, ac mortem invicta constantia sustinuerint, cum ipsi, tum Christiani ab eis facti: adeo ut Augustino teste Ecclesia Christi persecutionibus creverit, ac martyriis coronata sit. Hoc modo, equidem miraculum est, religionem propagari; sed ita certè non fuit propagata Mahumetana.

Non minùs inane est argumentum à Turcici Imperii incrementis depromptum; crevit enim Turcicum Imperium armorum vi, ac licentiâ vitiorum. Sæpè quidem vicerunt Mahumetani, sed sæpè etiam victi sunt. Cum vicerunt, nullo vicere miraculo, quia semper numero Christianis superiores. Vicerunt eos Christiani cum exigua militum manu, Deo pro ipsis pugnante. At quid moror? Si felices bellorum eventus, & victo-

riæ veritatem religionis demonstrarent, veram dicere deberemus fuisse religionem Græcorum, ac Romanorum, dum Idola colebant, quia tunc orbi dominabantur; falsam autem religionem Hebræorum, qui verum Deum colentes sæpè ab infidelibus fusi sunt, Deo illis propter peccata irato. Non ergò ex victoriis frequentibus, & Imperii incremento sumi potest argumentum pro veritate religionis, neque miraculo adscribi Turcici Imperii potentia.

XXXVII. Dicunt Mahumetani, Prophetam suum multa patrassè miracula, multisque signis se missum à Deo probassè: primò Mahumeti quadrienni Angelus Gabriel pectus aperuit, & cor extraxit, mundavitque à gutta nigra, quam ait omnes homines habere in corde: Secundò cum esset septemdecim annorum, & camelos domini sui duceret, Deus miraculosè illum protexit nube, ne à nimio solis ardore ureretur: Tertiò, quod illum sæpè Angelus visitavit: Quartò, quod illum redeuntem ex colloquio cum Angelo arbores, aves, & lapides salutaverint, arboresque ab ipso vocatæ accurrerint, ut ei umbram facerent: Quintò, quod patruo ejus, aliisque petentibus, ut coram eis miraculum faceret, Lunam divisit, iterumque conjunxit; hinc Turcæ lunam venerantur, eamque præferunt in vexillis: aliaque multa, quæ narrat Joannes Andreas in suo opere contra Alcoranum, Cornelius à lapide in cap. 13. Apocalypsis.

Verùm in hoc primò Mahumetes sibi contradicit; si enim tot prodigia ejus gratia Deus patravit, quare, ut supra dicebamus, induxit Deum sibi dicentem: *Tu quidem nequaquam ad eos cum manifestis miraculis venies?* Secundò, tam insignium miraculorum cur nec unum quidem testem profert, sed omnia narrat, semotis arbitris sibi accidisse; & unicum miraculum de divisione, & conjunctione lunæ, quod præsentè patruo, aliisque narrat contigisse, cur solum tunc enarrare cœpit, quum jam mortui essent ii, quos præsentès fuisse dicit? Sanè qui ejus dicto non credit, nec miraculis illius credet, quia unico ejus dicto munitis. Non ita fecit miracula Jesus, non ita ejus Apostoli, non ita Martyres, qui ea patrarunt, non coram duobus, ac tribus testibus, sed tota spectante ac mirante multitudine; nec miracula illorum legimus ab iis conscripta, qui ea fecerunt, sed ab aliis. Dicendum ergò, miracula Mahumetis fuisse à suo authore conficta, ut declinaret hominum, & maxime Judæorum, murmur, qui eum non esse Prophetam deprædicabant, quia non habebat miracula faciendi potestatem.

§. VIII.

Sexta Ratio.

XXXVIII. **S** Extò demonstratur falsa lex Mahumetana, quia Alcoranus docet, unumquemque posse in sua secta salvari, Christianum in Christiana, Judæum in Judaica, Mahumetanum in Mahumetana, sic enim legitur Azoara 2. *Omnis rectè vivens Judæus, seu Christianus, seu lege sua relicta ad aliam tendens, omnis scilicet Deum adorans, bonique gestor, indubitanter divinum amorem assequitur.* Sic ergò discuro: lex, quæ docet, hominem in fide, ac religione falsa posse salvari, est lex falsa, & à Deo esse non potest; at lex Mahumetana docens, hominem in religione, sive Judaica; sive Christiana, sive Mahumetana posse salvari, docet hominem posse salvari in fide, & religione falsa: ergò est lex falsa. Maj. videtur certa, Mi. verò probatur: lex, quæ docet hominem posse salvari in religionibus invicem pugnantibus, docet hominem posse salvari in religione, ac fide falsa: quia sicut unus Deus est, ita una tantum vera religio esse potest, religiones autem invicem pugnantes omnes veræ esse non possunt, quia veritas sibi non adversatur, quare ex duabus doctrinis contradictoriis repugnat esse utramque veram, sed si una est vera, altera necessario debet esse falsa, quia hæc est lex contradictionis. Atqui lex Mahumetana docens, hominem salvari posse in quacunque religione, sive Judaica, sive Christiana, sive Mahumetana, docet hominem posse salvari in religionibus invicem pugnantibus, quia fides, & religio Judaica, Christiana, & Mahumetana in suis articulis, & doctrinis invicem pugnant, & contradicunt: Mahumetana enim, & Christiana credit Messiam venisse, & huic fuisse Jesum: Judaica hoc pertinacissimè negat. Rursus Christiana credit, Deum esse unum in essentia, & in Personis trinum, Christum Jesum esse Deum & hominem, verè mortuum &c. Mahumetana totum negat. Ergò oportet ut una ex istis credat verum, altera falsum, quod una sit vera, altera falsa, & qui dicit, in unaquaque istarum posse salvari, necesse est, ut dicat, posse salvari in lege, fide, ac religione falsa.

XXXIX. Hinc efformatur alia ratio pro veritate religionis Christianæ præ Mahumetana. Homines in religione Christiana salvari, certum est, salvari autem in Mahumetana, est dubium; homines enim salvari in religione Christiana, dicunt non soli

soli Christiani, sed etiam Mahumetani, salvari autem in religione Mahumetana, Mahumetani quidem affirmant, sed Christiani omnes tenent oppositum: ergo religio Christiana est via certa ad salutem, Mahumetana verò est via saltem dubia. Quis autem non videat, stultissimum esse, cum de summo omnium negotio agitur, viam certam dimittere, per quam certissimè possumus ad salutem pervenire, & viam capere dubiam, quæ fortè nos ducat ad præcipitium? Si de medicina electio facienda esset, eligeretur ne illa, quam unus quidem dicit sanitatem allaturam, sed alii negant: an potius ea, de qua omnes consentiunt sanaturam? Si de itinere Romam quæstio esset, eligeretur ne via, quam aliqui dicunt tutam, alii dicunt prædonibus infestam, an verò illa, quam omnes securam esse fatentur? Hoc argumento permotus fuit Henricus IV. Galliarum Rex ad Calvinismum ejurandum. Quæsit enim à Ministris Calvinianæ sectæ: an in religione Romana esset salus? Et affirmarunt. Quæsit à Doctoribus Academicæ Parisiensis, qui omnes erant Romanæ religionis, an in Ecclesia Calviniana esset salus, qui omnes constantissimè responderunt, certissimum esse, neminem extra navim Petri, & fidem Romanæ Ecclesiæ, salutis portum posse pertingere. Tunc prudentissimus Princeps conclusit. Ergo in Ecclesia Romana salus certa est, si quis firmiter credat, quæ credenda proponit, faciatque, quæ facienda præcipit; in Ecclesia autem Calviniana est dubia, quamvis quis credat, & operetur secundum ejus præscripta. Relinquamus dubiam, & viam certam arripiamus.

XL. Alia insuper ratio efformatur. Vera religio est illa, quam homines in periculo mortis positi sua sponte eligunt ad moriendum, illa autem falsa, quam ob lucrum, commodum, voluptatem, aut majorum consuetudinem eligunt ad vivendum, & à qua in hora mortis rebus attentè perpensis recedunt: at multi Mahumetani, qui moraliter benè in sua secta vixerunt, in eaque per multos annos perseverarunt, quia in ea nati, & eam ab avibus, & proavis acceperant, postea vel in morte, vel ante mortem, post preces Deo fusas, ad inveniendam salutis viam nullo cogente sectam illam deseruere, & Christianæ religioni nomen dederunt, unice ob æternæ salutis desiderium: e contra verò nunquam est auditum, quod aliquis, qui Christi legem fideliter servaverit, sua sponte, dum morti propinquus fuit, ejuratâ religione Christiana in secta Mahumeti mori voluerit. Ergo manifestum signum est, religionem Christianam esse veram, ac sanctam, falsam autem, & impiam sectam Mahumetis, nec Deum habere auctorem.

In-

Inveniemus quidem multos Christianos, dum viverent, alicujus commodi, aut lucri, aut voluptatis, aut etiam libertatis fuco illectos, sicut sæpè evenit in iis, qui apud Turcas captivi sunt, ad sectam Mahumeti transisse, sed nunquam inventus est, qui in lege Christiana apud Turcas tota vita bene vivens, quique nec illecebris, nec minis ab ea divelli potuerit, morti proximus sectæ Mahumetanæ adhæserit Christianam relinquens, ut æternæ salutis aquirat securitatem. Hoc ergò signum est, religionem Mahumetanam non esse veram, sed hanc esse religionem Christianam. Hæc abundè dicta sint contra sectam, de qua apud suos professores vetita est omnis disputatio. Inutilia tamen viro Theologo non erunt, quæ diximus, quia saltem ex iis, quæ didicerit, mirari poterit hominum cæcitatem, qui sectam rationi adeo repugnantem, in orbis parte maxima suscipiant, & amplectantur, adeoque firmiter illi adhæreant, ut nil difficilius invenire sit, quam Mahumetanum hominem ab ea divellere, & ad veram fidem perducere &c.

CAPUT X.

De Jesu Christo Religionis Christianæ Auctore.

REJECTIS jam religionibus Gentilium, Hebræorum, ac Mahumetanorum, tanquam falsis, venimus ad Religionem Christianorum, quam unicam demonstrabimus esse veram. Porro cum Christiana dicatur à Jesu Nazareno, qui dictus fuit Christus, idcirco prius de isto agendum est.

§. I.

Ossenditur Jesum vixisse.

I. **J**esum Nazarenum vixisse quondam in Judæa, rerum Romanarum potentibus Cæsare Augusto, sub quo natus in Bethlehem, ac Tiberio, sub quo, ut dicemus, morti addictus fuit, non tantum scripta Christianorum, ac Christiani omnes per omnes terrarum oras diffusi constantissimè profitentur, sed & Judæi omnes, qui nunc sunt, & qui unquam post illa tempora scripserunt. De eo Josephus lib. 18. antiquit. cap. 4. ex versione S. Hieron. Catalog. Script. Eccles. in Josepho ita scribit: *Eodem tempore fuit Jesus vir sapiens: si tamen virum enim oportet dicere: erat enim mirabilium parrator operum, & doctor eorum, qui libenter*

ter

ter vera suscipiunt: plurimos quoque tam de Judæis, quam de Gentibus, sui habuit sectatores, & credebatur esse Christus. Cùm invidia nostrorum Principum cruci eum Pilatus addidisset, nihilominus qui eum primùm dilexerant, perseveraverunt. Apparuit enim eis tertia die vivens. Multa & hæc & alia mirabilia carminibus Prophetarum de eo vaticinantibus, & usque hodie Christianorum gens, ab eo sortita vocabulum, non defecit. Non desunt ex Christianis quidam intemperantioris criticæ amatores, præcipuè Protestantes, qui hoc celebre de Christo testimonium nobis eripere conati sint, dicentes, non esse legitimum Josephi, sed adulterinum, & à priscis Christianis historiæ Josephi asutum. Verùm illud ut genuinum ne dum agnoscunt ex Catholicis omnes, & ex Protestantibus celebriores, Casaubonus, Usersius, Petrus, Vossius uterque; verùm illud agnoverunt antiqui: Eusebius lib. 3. demonstrat. Evangelicæ pag. 124. & lib. 1., Histor. Ecclesiasticæ cap. 11. S. Hieronymus citatus, S. Isidorus Pelusiota lib. 5. epist. 225., Sozomenus lib. 1. cap. 1. Nec me movet, antiquiores Patres, qui Christianam religionem contra Judæos propugnarunt, Justinum in Dialogo cùm Triphone, Tertullianum lib. adversus Judæos, hoc testimonio usos non fuisse, certè illud non prætermisuros, si tunc in Josephi codicibus extitisset. Non, inquam, me movet; Patres enim illi agebant contra Judæos auctoritatibus Scripturæ, ac vaticiniis Prophetarum, unde parum ad rem fuisset, miscere testimonium hominis, cujus non magnam apud Judæos auctoritatem esse noverant, quique non ex propria sententia, sed ea, quæ ex Christianorum opinione de Jesu dicebantur, enarrat. Quod si mirum est, hoc testimonium prætermisum ab illis Patribus, si in Josephi codicibus extitisset, magis mirum erit, quod si non extitisset, sed postea fuerit subdole intrusum, tacuerint Judæi, cùm contra ipsos successu temporis cœptum est intorqueri, & non potius fraudem detexerint. De hoc videatur Alexandre Hist. Vet. Testam. tom. 2. disertat. ultima. Ut tamen sit; & Josephus, & omnes Hebræi Jesum fuisse non negant, quamvis ipsum Mefsiam esse inficiuntur.

II. Testantur idem & Pagani, hoc est, nec Judaicæ, nec Christianæ religionis Scriptores: Svetonius in Claudio lib. 5. ait: Claudius Judæos impulsore Chresto assidue tumultuante Romæ expulsi. Ubi Judæos vocat Christianos, nomine autem Judæorum aliquando appellati fuere Christiani. Ponit autem Chresto pro Christo, ut enim Tertullianus in Apologet. cap. 3., & Lactantius lib. 4. Inst. cap. 7. docent, Pagani appellare soliti erant Servatorem nostrum, per malitiam vel ignorantiam mutato

tato I. in E. *Chrestum*. Porro siue dicatur *Christus*, siue *Chrestus*, utrumque Servatori nostro congruit: nam *Christus* idem est ac *unctus*, uncti autem erant Reges & Sacerdotes; *Chrestus* verò est *bonus*, *benignus*. Unde Tertullianus citato loco ad Paganos: *Christianus*, inquit, *quantum interpretatio est de unctione deducitur. Sed & cum perperam & Chrestianus pronuntiatur à vobis... De suavitate, vel benignitate compositum est. Creditur ergò in hominibus innocuis etiam nomen innocuum*. Tacitus etiam Annal. lib. 5. num. 44. narrans, Christianos exquisitissimis poenis à Nerone affectos, ait: *Auctor nominis ejus Christus, qui Tiberio imperitante, per Procuratorem Pontium Pilatum supplicio affectus erat. Id ipsum fatetur Plinius Junior lib. 10. epist. 97. ubi cum narrasset Trajano, quosdam ex Christianis Imaginem Trajani, ac Deorum simulacra veneratos, Christo maledixisse, addit: Adfirmabant autem, hanc fuisse summam vel culpæ suæ, vel erroris, quod essent soliti stato die ante lucem convenire, carmenque Christo quasi Deo dicere secum invicem. Jesum Christum fuisse, demum testati sunt omnes Martyres, qui pro ejus nomine confitendo coram Paganis sanguinem, ac vitam dedere. Jesumque fuisse, testatus fuit Julianus Apostata impiissimus, vocans eum per contemtum Galilæum, ut in ejus libris apud S. Cyrillum videre est.*

§. II.

Eundem morte ignominiosa affectum.

III. **J**ESUM Nazarenum à Pontio Pilato Judææ Præside cruci ignominiosè affixum (etsi, ut vidimus, Mahumetani refragentur, & ex Hæreticis illi, qui veram carnem ipsi denegarunt, solum phantasticam & apparentem tribuentes, ut Manichæi; & carnem cœlestem ac impassibilem, ut Valentiniiani) fatentur tamen, non solum Evangelia, quæ seriem passionis, ac mortis ejus fusè & accuratè describunt, nec non omnia Apostolica scripta; sed etiam Hebræi, cum tamen non ignorent hoc nomine, quod majores sui Auctores fuerunt Pilato id statuendi, gravissimam invidiam apud Christianos, quorum sub imperiis passim degunt, sibi conciliari: inter quos primus fuit Josephus testimonio supra laudato; verum etiam Pagani Scriptores idem memoriæ prodiderunt, inter quos Tacitus supra relatus Annal. lib. 15. num. 44. Neque Julianus, alique Christianorum oppugnatores id unquam in controversiam vocarunt, imo id semper

Christianis exprobrarunt, quod hominem crucifixum cole-
rent.

IV. Nec dici potest, Paganos hoc imposuisse Christianis in
contemptum, ac ignominiam. Etenim Christianorum primi
conati essent, eum à se avertere, nec difficile ipsi fuisset, cum
de re publicè, ac recentè acta disceptaretur. Cum ergò non ut
calumniam eum repulerint, sed ingenuè Christum crucifixum,
ac mortuum confessi sint Dionysius Areopagita, Polycarpus,
Justinus, Irenæus, Athenagoras, Origenes, Tertullianus, Cle-
mens Alexandrinus, ac Cyrillus contra Julianum; imò crucem,
quæ Paganis erat in ignominiam, verterent in Christiani nomi-
nis gloriam: argumentum est, Christum verè crucifixum, ac
mortuum, aliàs à se repulissent falsam accusationem, quæ mul-
tos à Christo amplectendo remorabatur, eo quod sibi persuadere
non poterant, nomen dare religioni, cujus auctor fuerat morti
adjudicatus, tanquam seductor.

§. III.

Insuper à mortuis surrexisse.

V. **C**hristi à mortuis resurrectionem non modò ut veram,
sed ut præcipuum suæ fidei fundamentum adferunt om-
nium locorum, & temporum Christiani. *Si Christus non resur-
rexisset, inanis est ergò prædicatio nostra, inanis est & fides vestra:*
ajebat Paulus 1. Cor. 15. 14. *Hoc autem fieri non potuit, nisi*
primi, qui fidem ~~Christianam~~ docuerunt, certò auditoribus suis
persuaserint rem ita gestam. Certò autem persuadere hoc non
potuerunt hominibus aliquo judicio præditis, nisi affirmarent,
se ipsos oculatos testes esse, sine qua affirmatione nemo medio-
criter sanus illis adhibuisset fidem, maximè iis temporibus, qui-
bus à multis existimabatur impossibilis resurrectio; cum enim
eam Paulus Atheniensibus prædicasset quidam quidem irridebant;
quidam verò dixerunt: *audiemus te de hoc iterum* Act. 17. 32. &
insuper talia affirmantibus credere maximis malis ac periculis
constabat. Affirmatum hoc ab ipsis magnà constantià non solum
ipsorum libri, nimirum Evangelia, & scripta Apostolica do-
cent, inter quos Paulus 1. Cor. 15. provocat ad testes quingen-
tos dicens v. 4. 5. & 6. *Quia resurrexit tertia die, & quia visus est*
Cepha, & post hoc undecim. Deinde visus est plusquam quingentis
fratribus simul, ex quibus multi manent usque adhuc, quidam verò
dormierunt: verum etiam scripta aliorum, ut Josephi loco su-
pra

pra citato, & Celsi apud Origenem lib. 2. Non autem mentientium mos est ad testes, & tam multos provocare, neque fieri posse, ut in falsum testimonium tam multi conspirent.

VI. Insuper duodecim illos Christianæ fidei primos propagatores, Apostolos dico, cur credibile est, Jesu resurrectionem annunciasse, si fabula fuisset? Nemo certè gratis malus est. Oporteret ergò, ut aliquid ex hoc mendacio sperassent. At quid? honorem? Non; cum omnis honos penes Paganos, ac Judæos esset, à quibus illi ob hoc maximis probris, ac ignominiiis afficiebantur. Divitias? Nequaquam: quin imò ex tali confessione bonorum, si qua erant, damno mulctabantur: atque si hoc non fuisset, Evangelium ipsum, quod prædicabant, doceri ab ipsis non poterat, nisi omnium temporalium curâ omisâ. Quid ergò? Vita hujus commoda? At ipsa Evangelii prædicatio laboribus, siti, fami, verberibus, carceribus eos obiiciebat. Forte famam? At hæc inter suos tanti non erat, ut propter ipsam homines simplices, & quorum vita ac dogmata à fastu abhorrebant, tantam vim malorum subirent. Neque verò sperare ullo modo poterant ex hoc mendacio famam apud alios, cum ei & naturâ suis commodis intenta, & imperantium auctoritas repugnaret. Quamquam licet ex hoc qualemcumque famam aucuparentur, hanc nullo modo durabilem sibi poterant polliceri, cum, Deo de industria consilium suum celante, mundi totius exitium quasi de proximo imminens annuntiarent, ut audire est à Paulo 1. Thessalon. 4. 15. 16. & 1. Cor. 15. 52.

VII. Restat ergò ut religionis suæ tuendæ causa mentiti dicantur: quod omnino, si res seriò expendatur, dici non potest. Nam religionem illam, quam docebant veram esse, ex animi sententia crediderunt, aut non crediderunt. Si non credidissent veram, imò & optimam, nunquam hanc elegissent novam, invisam, omnibus despectam, cujus auctorem viderant morte mulctatum, omisâ religionibus aliis magis tutis, atque honoratis: imo quamvis veram, professi non essent, nisi & professionem ejus credidissent necessariam: præsertim cum & faciliè prævidere possent, & experimento statim discerent, hanc professionem secum trahere mortem omnium eam amplectentium, quod absque justa causa promovere, impietas erat. Quod si crediderunt, religionem suam esse veram, imò optimam, & omnibus necessariam, etiam post Magistri sui mortem: certè id fieri non potuisset, si pollicitatio Magistri sui de sua resurrectione eos fecellisset; id enim cuivis sano homini satis fuisset ad excutendam etiam ante conceptam fidem. Hoc argumentum fusè pro-

sequitur S. Joannes Chrysostomus homil. 5. in caput 1. 1. ad Corinth. à viro studioſo videndus.

VIII. Rursus. Cùm omnis religio, & præſertim Chriſtiana mendacium, ac falſum teſtimonium, maxime in rebus divinis, prohibeat: quæ credibile eſt, Apoſtolos religionis, & talis religionis amore ductos mendacium compoſuiſſe, imò ſuam prædicationem in putidiſſimo mendacio fundaviſſe? His adde, eos fuiſſe vitæ, ne quidem ab adverſariis ipsis culpata, & quibus nil aliud objiciebatur præter ſolam ſimplicitatem, cujus ingenium maxime abhorret à mendacio. Nemo inſuper eorum fuit, qui non graviffima quæque paſſus ſit propter illam de Jeſu reſuſcitato fidem, ob quam multi mortem etiam obierunt. Jam ergò ut quis ſenſus ſui compos talia ferat, ac toleret ob conceptam animo opinionem, fieri quidem poteſt: at ut ob falſum, quod falſum eſſe novit, tam dura pati velit, non unus tantum aliquis, ſed plures, quorum nihil interſit, id falſum credi, res eſt planè incredible.

IX. Amentes autem eos non fuiſſe, & vita, & ſcripta ſatis teſtantur. Quod de iis, qui Chriſtum poſt reſurrectionem viderunt, & cùm eo converſati ſunt, dicitur, idem de Paulo quoque dici poteſt, qui Chriſtum in cælo regnantem à ſe conſpectum palam prædicavit 1. Cor. 15. 9. 2. Cor. 12. 4. quæque diſcipulus Pauli Lucas narrat Act. 9. 4. 5. 6. & 22. 6. 7. 8. Paulo autem eruditionis Judaicæ nihil deerat, docto à Gamaliele, viro apud Hebræos peritiſſimo, non in lege tantum, ſed in iis, quæ à magiſtris erant tradita, ut habetur Act. 22. 3. hic autem quomodo credi poteſt pro *defenſanda* religione, quam noverat eſſe falſam, voluiſſe patriam religionem deferere, cognatorum ſuorum odium, atque invidiam ſubire, & toto orbe peregrinationes difficiles, periculoſas, ac laborioſas ſuſcipere, ut ipſe narrat 2. Cor. 11. v. 23. 24. 25. 26. 27., ac poſtremo etiam ſupplicium cùm infamia perpeti?

X. Demum veritas reſurrectionis Chriſti probatur diſcurſu S. Joannis Chryſoſtomi homil. 5. in primam ad Cor. cap. 1. ex quo termè omnia ſupradicta deſumpta ſunt. Apoſtoli toti orbi perſuaſerunt Chriſti reſurrectionem, hoc autem præſtare non potuiſſent, niſi Deo ipſos juvante, & conſequenter niſi verum eſſet, quod ſuadebant. *Nam paſſionem Chriſti univerſus orbis novit: etenim in alto ligno pependerit, & in meridie, & in Metropoli, & in die maxime ſolemni, in qua impoſſibile erat, ut à quoquam ignoraretur. Reſurrectionem autem exterorum novit nemo, quod non parvum eis ad perſuadendum erat impedimentum.* Quod enim
ſe.

sepultus esset, omnium ore ferebatur, & quod furati essent corpus ejus discipuli, & milites & Judæi omnes asserabant; quod autem resurrexerit, exterorum, inquam, novit nemo. Unde igitur universo orbi id persuadere, nisi sunt? Nam si inter miracula milites persuasi sunt contraria testimonio perhibere, unde hi sine miraculis predicare sperabant? Neque obolum quidem habebant, ut mari, & terra resurrectionem persuaderent. Quod si gloria cupiditate hoc machinabantur, multò magis singuli sibi ipsi, & non mortuo dogmata illa vindicassent. Sed nunquid adhibita esset eis fides?... Et quam ratione, dic quaeso, cum hoc facturi erant, non statim Judæa relicta in externas profecti sunt civitates, sed in ea remorati sunt? Vel enim signa faciebant, vel nulla. Si faciebant: ergò Dei virtus illa operabatur. Si nulla, & tamen persuadebant; multò erat admirabilius, ut ita contingeret; imò & talia audent. Noverant enim Judæorum animos, & prævum eorum, ac invidiâ tumentem animum. Quod si Moysen post tot in gratiam eorum patrata prodigia, in deserto lapidaverunt: si Hieremiam interemerunt, ac multos Prophetas occiderunt: si Eliam quaesierunt ad necem, & tamen nullus eorum legem Moisaicam abrogabat: quid sperare, imò quid non timere poterant Apostoli, qui illa eadem innovabant, quorum gratia Magistrum suum Judæi crucifixerant? Sed nunquid Romanae leges eis opitulabantur? Verùm hæc majori eis erant impedimento, quippe quibus sancitum erat: omnis, qui se Regem facit, non est amicus Caesaris. Cùm autem Christus tanta fuerit passus, & morti destinatus, quia existimatus fuit, velle se Regem facere, quid non timendum erat discipulis ejus, qui ejus doctrinam annunciare, seque ejus asseclas profiteri debebant? Hæc paucis mutatis ex Chrysostomo, qui post multa concludit. Si inter tot impedimenta non ad perficiendum tantum, sed ad excogitandum, tanta operati sunt, & omnium opinionem superarunt, sanè ubique constat, non humanis viribus, sed divina gratia ea omnia effecisse. Et consequenter ea, quæ prædicabant, inter quæ præcipua erat Christi Resurrectio, prorsus vera esse.

Tot, talibus, tantisque testimoniis fidem detrudere nemo potest, nisi dicat resurrectionem impossibilem esse, & talem, quæ involvat contradictionem.

XI. Verùm resurrectionem non esse Deo impossibilem, neque ulli contradictioni esse obnoxiam, respondet S. Justinus (quæst. & respons. ad Græcos) Aliud enim est, quod omnino est impossibile, & aliud quod alicui est impossibile. Omnino impossibile est, ut diametros sive media linea ejusdem cum latere sit mensura. Alicui impossibile est, ut natura absque satù animans procreet. Utri-

igi-

igitur impossibile istorum resurrectionem subjiciunt, qui eam non credunt? Si priori: falsa fuerit ratio; non enim per restitutionem media linea lateri mensura aequalis redditur, resurgentes autem per restitutionem resurgunt. Sin posteriori. At Deo omnia possible sunt, quæ alicui impossible non sunt. Impossibile sanè est idem tempore eodem vixisse, & mortuum fuisse; ceterum ut mortuo vita reddi possit per ejus efficaciam, qui vitam primò homini dedit, quid obstat? Deus qui solo jussu suo hominem, ac cætera creavit, cur eodem jussu suo hominem, qui ex vita excidit, ad vitam non potuit revocare? Cur qui antequam esset, Dei potentia obediuit, ut esset, postquam fuit, non poterit eidem obedire, ut iterum sit? Accuratiores Philosophi fatebuntur fortè, sibi tam difficile intellectu esse animal in utero matris formari, quàm mortuum revocari ad vitam. Sed homines indocti non mirantur, quod solent videre, nec difficile putant, quamvis rationem ejus ignorent. Id autem quod nunquam viderunt, quamvis quotidianis rebus fortè difficilior non sit, fieri non posse, contendunt. Undè D. Augustinus tract. 24. in Joannem: considerans mirari homines, quod Christus quinque panibus saturaverit quinque millia hominum, non mirari autem quod Deus ex paucis granis segetes creat, ait: *Et tamen hoc nemo miratur, illud mirantur homines, non quia majus est, sed qui raram est.*

XII. Neque ut homo suspicari possit, resurrectionem esse possibilem, speciali eget illustratione; nam viri sapientes, quamvis Ethnici, eam non impossibilem esse cognoverunt, refert enim Plato relatus ab Eusebio lib. 11. Præparat. Evangelic. cap. 35. *Ærem Armenium* dic ab interitu duodecimo rogo positum revixisse, ac ea, quæ sibi post mortem acciderant, enarrasse. Plutarchus etiam, referente eodem Eusebio ibid. cap. 36., idem narrat de quodam Antyllo, & Nicarda. Fœminam septem diebus exanimem narrat Heraclides apud Plin. Hist. lib. 7. cap. 52. ad vitam revocatam: & quidem opera Empedoclis, ut scribit Laertius in Empedocle, qui etiam vult, eam ab 30. diebus fuisse mortuam. Varro quoque auctor est, ait Plinius loco citato, se agros dividente Capuæ, quemdam, qui efferretur, foro domum remeasse pedibus. Hoc idem Aquini accidisse, Romæ quoque Corsidium Matertera suæ maritum funere locato revixisse, & locatorem funeris ab eo elatum. Alia ejusmodi referunt laudatus Plinius, & alii Scriptores Ethnici. Quæ licet vera fuisse non assererem, signa tamen sunt, Ethnicos non impossibilem censuisse resurrectionem, aliàs vel hujusmodi facta non narraissent, vel qui ea narraissent, derisissent.

XIII. Quod si addas, dissoluta semel corpora, impossibile esse, ut in eandem compagem redeant.

Dicam ego, ut causa talis impossibilitatis demonstretur. Cum enim inter plerosque Philosophos constet, rebus quantumcumque mutatis, manere materiam diversarum specierum capacem, quis dicat, aut Deum nescire, quibus in locis etiam longissime distantibus sint partes illius materiae, quae ad humanum corpus pertinuit, aut deesse potentiam, qua eas reducat, recomponat; idemque faciat in suo universo, quod in fornacibus, aut vasis facere Chymicos videmus, ut quae similia, & congenera sunt, colligant, quamvis disiecta? Fortè materia, mutatâ semel specie, ad speciem, quam amisit, impossibile est, ut revertatur? Ut verò specie quantumvis mutatâ ad sui originis formam revertatur, in rerum natura aliqua exempla sunt in arborum, & animantium seminibus; arbor enim emittit semen, quod rursus transit in arborem, & animal à se decedit semen, ex quo iterum ejusdem speciei animal efformatur.

Nec est tantus, ut sit insolubilis, nodus ille, qui à multis neclitur de humanis corporibus, quae in ferarum, aut piscium alimenta transeunt, quibus ita pastis homines iterum pascuntur: quasi quod, si in resurrectione cuique restituenda esset sua materia, aliqui ex hominibus pasti belluis, aut piscibus humana carne nutritis, remansuri essent sine materia.

XIV. Non inquam. Primò enim dici posset, eorum, quae comeduntur, partem maximam non in corporis nostri partem abire, sed in excrementa, aut accessiones corporis, quales sunt pituita, & bilis; & de eo, quod alendi vim habet, tum morbis, tum intimo calore multum absumitur. Quare semper supererit, quod redire possit ad corpus prioris hominis in resurrectione. Quod si id non contingat, sed illud, quod posteriori corpori aliunde accesserit, inde debet recedere, & ad prius corpus redire, id tamen non efficiet, ut non sit idem corpus; cum etiam in hac vita major contingat particularum mutatio, & tamen idem corpus semper persistat. Hinc Alfenus leg. *Proponebatur ff. de Judiciis, Quod si quis (inquit) putaret partibus commutatis aliam rem fieri, fore ut ex ejus ratione nos ipsi non iidem essemus, qui ab hinc anno fuissimus; propterea quod, ut Philosophi dicerent, ex quibus particulis minimis constiterimus, hæc quotidie ex corpore nostro decederent, aliaque extrinsecus in earum locum accederent. Et Seneca Epist. 58. Corpora nostra rapiuntur fluminum more: quidquid vides currit cum tempore: nihil ex his, quae videmus, manet. Ego ipse, dum loquor, mutari ista, mutatus sum.*

YV. Hunc nodum vidit D. Thomas, & solvit in 4. sent. dicitur 44. q. 1. art. 2. q. 4. in corpore, & ad 3., ubi, postquam dixit, in resurrectione quemque resumitur eam partem materiæ, quæ ad integritatem suam pertinet, non verò omnem, quæ ei per accessionem successivè advenit; sed hanc redituram ad illud corpus, ad cuius naturæ integritatem primo pertinuit: quæ etiam est opinio S. August. in Enchiridio cap. 88. ubi ait: *Non autem perit Deo terrena materies, de qua mortalium creatur caro; sed in quemlibet pulverem cinerem solvatur, in quoslibet balitus, aurasque diffugiat, in quamcumque aliorum corporum substantiam, vel in ipsa elementi vertatur, in quoracumque animalium, etiam hominum cibum cedat, carnemque mutetur; illi anima humana puncto temporis redit, quæ illam primitus ut homo fieret, viveret, cresceret, animavit.* Subdit postea: *Si aliquis nullo cibo unquam pastus fuisset, nisi carnibus humanis, divina virtus aliunde (in resurrectione) suppleret, quantum indigetur ad perfectionem quantitatis, sicut supplet in illis, qui ante perfectam ætatem decedunt, nec per hoc aliquid præjudicatur identitati in numero, sicut nec præjudicatur per hoc, quod partes secundum materiam fluunt, & refluunt.* Ita S. Thom. Non enim penes partes materiales, quasi materialiter sumtas, pensatur identitas corporis, sed penes easdem, ut ordinatas ad idem compositum simul cum eadem anima constituendum, sicut idem fluvius est, quamvis aquæ semper præterfluunt, quia semper fluunt per eundem alveum, ex quo habetur identitas fluvii.

XVI. Hunc nodum objecerunt Græci S. Justino contra resurrectionem dicentes: *Si homines mortuos resurgere oportet integros; si forte accidat, ut homo in mari pereat, ac deinde à piscibus sit devoratus, rursus aliis hominibus, qui pisces eos ederint, esca fiat: quomodo carnem suam ab aliis hominibus consumptam, atque in illorum corpus conversam recuperabit? Aut enim hic necessariò sine carne resurget, quam homines alii esu piscium interveniente absumserint, sicut dictum est; aut illi membra carnis suæ repente deponent, & partibus suis deficientur, ut id, quod per iniquam eorum vorationem deest, sarcitur, impleaturque?* Ecce nodum, quem solvit Justinus quæst. & respons. ad Græcos pag. 208. sic: *Quod homo sit, aut fiat esca piscium, & piscis esca hominum; neque hominem in piscem, neque piscem in hominem resolvit, sed utriusque resolutio in elementa ea transit, unde est primitus utrumque compositum, etiamsi utriusque resolutionis modus per id fiat, quod alterum alterius esca factum sit. Cujusque enim resolutionis, quocumque ea eveniat modo, suis est, ut in ea abeat elementa, in quæ resolvitur.* Minimè ergo

eo oportet, quod homo piscis, & rursum piscis hominis cibum fiat, per cavillationem fallacem instituere quaestionem abolendae resurrectionis causam, sed ad potentiam Dei respiciendum, qui non modò mortuos se resuscitaturum esse, pollicetur, verum etiam per eam, quae jam praecessit, Salvatoris nostri Christi resurrectionem certam nobis fecit fidem, & persuasionem. Porro si elementa subjiciuntur ad eorum quae generantur creationem, & ad eorum quae intereunt restitutionem: quomodo si incredibilis, atque impossibilis esse eorum, quae intereunt, existimatur restitutio, non incredibilis atque impossibilis etiam erit eorum, quae ab initio genita sunt, creatio? Quod certè est perquam absurdum. Hæc Iustinus.

XVII. Breviori via respondet Joannes Clericus apud Grot. de verit. relig. Christ. lib. 2. §. 10., minime necessarium esse, ut eadem sit numero materia, quae excitatur, cum ea, quae homine moriente in sepulchrum illata est. Neque enim minùs fuerit idem homo is, cujus animus conjunctus fuerit cum materia, cum qua nunquam conjunctus fuerat, si sit idem animus, quam fuit idem homo senex decrepitus, & infans vagiens in cunis, quamvis ne particula quidem fortè supersit in sene ejus materiae, quae fuit in infante propter perpetua effluvia, quae ex corpore elabuntur. Resurgere corpus, optimè dici potest, cum simile ex terra à Deo formatur, conjungiturque menti eidem. Hæc Clericus: quæ responsio regulanda est cum ea, quam supra retulimus ex D. Thom.

XVIII. Cum ergò tot viis eludi possint objectiones contra resurrectionis possibilitatem, cur eam esse impossibilem quis asserat, causa nulla est: maxime cum eam agnoverint viri Philosophi, etsi non Christiani, ut Zoroaster apud Chaldaeos, ut refert Clemens Alexandr. Stromat. 5., Stoici propè omnes apud Clementem ibid. ubi de Heraclito: *Noverat enim inquit ille edoctus à barbara Philosophia, mundum à malis hominibus purgatum iri per ignem, quod Cepirofin postea Stoici dixerunt, qui & per eam hunc talem quemque revicturum docent, his vocibus obtegentes resurrectionis rem.* Et Origenes lib. 4. contra Celsum: *Ajunt de porticu Philosophi, post seculorum circuitus fore incendium universi: deinde ejusdem formationem, quae eadem omnia beabit.* Crysippus etiam lib. de Providentia apud Lactant. lib. 7. Instit. cap. 23. *Hoc cum ita se bebeat, apparet, non esse impossibile, ut & vos post mortem, seculorum certis circuitibus evolutis, restituamur in eum, in quo nunc sumus, statum.* Cùm ergo impossibilis fides resurrectionis asseri potest, quam non impossibilem viderunt, & falsi sunt solo rationis lumine ducti Veteres Philosophi?

§. IV.

Insuper verum Mesiam fuisse.

XIX. **M**esiam jam venisse, ostensum est supra; restat modò demonstrandum, an is fuerit Jesus Nazarenus. Et quidem si oracula adducta pro adventu Mesia attentè inspiciantur, non in alio, quàm in Jesu esse completa quisquis facile deprehendet. In eo enim solo fuerunt impletæ Danielis Hebdomades: occisus fuit à Judæis; ex quo ille populus non fuit amplius populus Dei: post ipsum cessavit hostia, & sacrificium: diruta à Romanis Civitas fuit, ac Templum desolatum, ac desolatio adhuc perseverat. Ablatum fuit, in Jesu temporibus, à populo Judaico sceptrum omnisque dominatus, ut prædixerat Jacob: Jesus fuit lapis, qui pedes statuæ contrivit, ut vidimus, & inter alios fusè ostendit Martini sæpè laudatus 2. p. Pugionis fidei cap. 7. & 8.

XX. Rursus eo tempore natus est Jesus, quo à Judæis & Ethnicis Mesias expectabatur. Ab Ethnicis quidem, ut videre est apud Huetium demonst. Evangelic. in Calce proposuit. 7. Svetonius enim in Vespasiano lib. 8. cap. 4. *Percrebuerat (inquit) oriente toto vetus, & constans opinio; esse in satis, ut eo tempore Judæa profecti rerum potirentur.* Et Tacitus histor. lib. 5, c. 13., ubi excidium Hierosolymitanum enarravit, subdit: *Pluribus persuasio inerat, antiquis Sacerdotum litteris contineri, eo ipso tempore fore, ut valesceret animus, profectique Judææ rerum potirentur, quæ ambages Vespasianum ac Titum prædixerant.* Hanc fidem apud præfatos Scriptores manasse, crediderim ex Josepho, qui callidè nimis, atque adulatoriè oracula de Mesia ad Vespasianum retulit de Bello Judaico, tum lib. 3. cap. 28., vel 14., tum lib. 7. cap. 31., vel 12., ubi ait, causam, cur Judæi à Romanis rebellarent, fuisse, quod crederent ex divinis oraculis malè intellectis, aliquem ex eorum gente toti orbi tunc imperaturum: quod postea ipse ad Vespasianum refert, dicens: *Sed, quod maxime eos ad bellum excitaverat, responsum erat ambiguum, idem in sacris libris inventum; quod eo tempore quidam esset ex eorum finibus orbis terræ habiturus imperium.* Id enim illi quidem quasi proprium acceperunt, multique sapientes interpretatione decepti sunt. Hoc autem planè responso Vespasiani designabatur imperium, qui apud Judæam creatus est Imperator. Quodnam esset illud Oraculum, ex quo Judæi concludebant, eo tempore aliquem ex ipsis

do.

dominaturum orbi, & vi cuius expectabant Messiam, non adeo facile est designare. Huetius citatus censet, esse Oraculum Jacobæum Gen. 49., de quo supra; & meritò, in eo enim designatur tempus, cum in eo dicitur, non ablatum iri de Juda sceptrum, donec veniat, qui mittendus est: Sceptrum tunc è Juda jam erat ablatum, orbis autem imperium ista portendunt: *Et ipsa erit expectatio gentium.*

XXI. Utrumque autem sit; certum est, tempore, quo natus est Jesus, expectatum à Judæis Messiam fuisse. Hac persuasione imbutus erat Simeon, quem testatur Lucas 2. 25. *Expectasse consolationem Israel;* eadem & illi, quos alloquebatur Anna Prophetissa Phanuelis filia, de quibus idem Lucas v. 38. ait: *Expectasse redemptionem Israel.* Eadem mens erat Samaritanæ, cum Christo diceret Joann. 4. 25. *Scio, quia Messias venit: redemptio autem, & consolatio Israel Messia adventus est,* quem Thalmudici *consolatorem*, aut *consolationem* appellant; per hanc consolationem, vel sanctissimum religionis suæ mysterium jurare soliti. Legitur insuper in libro Sanhedrim cap. ultimo, scholam Eliæ Hebræi Doctoris definivisse mundi tempus sex annorum millibus, quorum duo millia priora fuerint Thohu: duo sequentia lex: postrema duo futura sint Messias. Circa finem autem quartæ Chiliadis natus est Jesus.

XXII. Tralatitia itaque, ac promulgata de venturo iis temporibus Messia persuasio effecit, ut multi Messia nomen tunc affectarint; nullus autem ex iis illud jure usurpare poterat, nisi solus Jesus, quia eorum nullus reliquit sectam post se, in qua ea opinio perseveraret. Primus, qui Messia nomen aucupatus est, fuit Herodes Ascalonita, ex quo secta Herodianorum, sed hæc vix enata aruit. Hadriani temporibus surrexit Judeus quidam nomine *Bar Cosba*, seu *Barcochebas*, i. filius Stellæ; hoc nomine donatus, quod sibi nobile illud Balaami vaticinium *Orietur Stella ex Jacob* num. 24. 17. accommodaret: deinde *Barcuziba* dictus, hoc est *filius mendaci*; postquam ut impostor repulsus fuit, qui se Messiam dictitabat; de eo enim legitur in tract. Sanhedrin distinct. quæ incipit Chelek: *Bar Cosba regnavit tribus annis, & dimidio; dixit enim Rabbini: ego sum Messias.* Armiger ejus, ac præcipuus sectator fuit R. Akiba, de quo Moyses filius Maimon. in Jad Chazakah: *R. Akiba magnus sapiens fuit, & de sapientibus Misne* (i. de primis Auctoribus Thalmud) *fuit armiger Bar Cosba Regis, de quo dixit, illum esse Messiam; videbatur enim ipsi, & omnibus sapientibus generationis ejus, esse Messias, donec ob scelera sua interfectus est. Tunc enim patuit, ipsum non esse*

Messiam, sapientes verò illi nullum ab eo signum, vel miraculum petierunt. Ita apud Martini sæpè laudatum p. 2. cap. 4. §. 17. 18. &c. Is ergò ab initio Judæis acceptissimus, multisque sectatoribus, ac sapientibus stipatus, solo triennio cùm dimidio duravit, ac ipso extincto tota ejus secta extincta fuit: sicque de aliis, qui ante, vel post, Messia nomen usurparunt.

XXIII. Verùm Jesus Nazarenus, quamvis sapientibus Judæorum invisus, quamvis solos duodecim viros idiotas sectatores haberet, quamvis demum à Judæis ut seductor accusatus, condemnatus, crucifixus; tantum abfuit, ut eo mortuo ejus Secta extingueretur; quin potius repugnantibus licet, ne dum Judæis, sed & Gentilibus, immanibus ab utrisque exagitata persecutionibus, ad ejus necem toto orbe conspirante, non solum non ceciderit, sed ab illis Duodecim in universas mundi oras deportata, eò magis creverit, atque usque in hunc diem per orbem totum diffusa perseveret. Cùm ergò, ex jam probatis, tempore, quo natus fuit Jesus, constans esset opinio, Messiam fore nasciturum; cùm Jesus sese assereret Messiam, quis inter tot tale nomen præferentes verus Messias extitit, nisi ipse?

XXIV. Nolo præterire Judæorum fabulam; dicunt enim, Messiam suum natum in die destructionis Templi, nondum tamen apparuisse. Hæc autem insania eruitur ex libro Berachoth Hierosolymitano distinct. , quæ incipit Hajah: *Ille die, qua natus est Messias, destructa est domus Sanctuarii, ut ait R. Joden in nomine R. Ibbo: factum est enim quodam Judæo commorvente (i. arante) mugivit bos ejus coram eo, Transiit autem quidam Corvinus (alii dicunt Arabs, aut Elias) & audivit vocem, quæ dicit: Judæe fili Judæi, solve boves tuos, quia domus Sanctuarii destructa est. Mugivit bos tempore secundo, & ait (ille Corvinus, aut Arabs, aut Elias) Judæe fili Judæi, junge boves tuos, quia natus est Rex Messias. Dixit ei: quod est nomen ejus? Dixit ei: Menachem Consolator. Dixit ei: quod est nomen Patris ejus? Dixit ei: Hiskia virtus Domini. Et unde est? Dixit ei: de Domo Regia, de Bethlehem Juda &c. Idem narratur in prima Bereschit Rabba; diverso tamen modo, quia nunquam sibi ipsis constant mendacia; & additur, Messiam istum scititium natum fuisse sanguine cruentatum ob ruinam Sanctuarii, & stantibus super eum ventis deductum fuisse ad mare magnum, ubi quadringentis annis morabitur, & octoginta in ascensu sumi apud filios Kore, & octoginta in portis Roma, & reliquo annorum revertetur super omnes civitates magnas usque ad tempus finis. Et in libro Sanhedrin distinct. Chelok interroganti, quid faciat Messias in porta Romæ, respon-*

Respondetur: Sedet inter pauperes patientes infirmitates, seu inter leprosos.

At cui risum non excutiant ista deliria? Si ergo verus Messias natus fuit in die destructionis Templi, cur post destructionem Templi sapientes Judæorum Bar-Cosbam, de quo supra, ut Messlam receperunt? Si quingentis, & sexaginta annis debuit latere, & deinde apparere; cur hæcenus non apparuit? Cur inter pauperes, ac leprosos in porta Romæ sedentes hæcenus inventus non est? Messlam inter fabulas, & somnia querant infelices Judæi, ne videant verum Messlam meridiano sole clariorem in Jesu Nazareno.

XXV. At velint nolint, videant necesse est omnia, quæ in Messia implenda erant, in Jesu sigillatim impleta. Messias nasci debuerat ex Davidis posteritate psalm. 88. 4. 2. Reg. 7. 16., Esaiæ 11. 10. *In die illa radix Jesse, qui stat in signum populorum, ipsum gentes deprecabuntur, & erit sepulchrum ejus gloriosum.* Jerem. 23. 5. *Ecce dies veniunt dicit Dominus, & suscitabo David germen justum &c.* Ezech. 34. 23. 24. *Et suscitabo super eas pastorem unum, qui pascit eas, servum meum David. . . & servus meus David princeps in medio eorum.* Secundo nasci ex Virgine Esaiæ 7. 14. *Ecce Virgo concipiet & pariet filium:* in Bethlehem Micheæ 5. 2. *Et tu Bethlehem Ephrata parvulus es in millibus Juda: ex te mihi egredietur, qui sit dominator in Israel:* in Galilæa trans Jordanem doctrinam suam primo spargere debuerat Esaiæ 9. 1. *Aggravata est via maris trans Jordanem Galilæa gentium. Populus qui ambulabat in tenebris vidit lucem magnam &c.:* omne genus morborum sanare Esaiæ 35. 5. &c. *Tunc aperientur oculi cæcorum &c.* imo mortuos suscitare inter præcipuas Messia notas ponit R. Levi ben Gerson. In Jesu autem omnia prædicta fuisse impleta, cuivis legenti Evangelia palam fit. Eum enim ortum ex David affirmant Matthæus cap. 1. 1. & 20. ep. 9. 27. c. 12. 23. c. 15. 22. c. 20. 30. 31. c. 21. 9. 15. c. 22. 42. &c. Marcus c. 10. 47. c. 12. 35. 36. 37., Lucas 1. 27. 32. 69. c. 2. 4. c. 18. 38. 39. c. 20. 42. 44., Joannes c. 7. 42., Acta Apost. 13. 34. c. 15. 16., Paulus Roman. 1. 3. &c. De Virgine natum asserunt Matthæus c. 1. 18. 22. 23., Lucas 1. 35. Natum in Bethlehem affirmant Matth. c. 2. 1. 2. 3. 4. 5. 6. Lucas c. 2. 4. Doctrinam suam evulgare cœpisse Jesum in Galilæa, enunciant Matthæus c. 4. 12. 13. 15., Marcus c. 1. 9. 14., Lucas 4. 14., & alibi sæpè. Omne insuper morborum genus sanasse, & mortuos suscitasse, ostendunt Matthæus c. 11. 5., Lucas c. 4. 19. ejusque similia miraculosa per totam Evangelicam historiam sparsa sunt.

XXVI. Unum tamen, quod Judæorum jugulum petit, cujus effectus in hanc usque diem permanet; Ex Davidis psalm. 2. v. 8. psalm. 22. v. 28., psalm. 78. v. 32., psalm. 72. v. 8. & 17., Esaiæ c. 2.2. c. 11.10., c. 14.1., c. 6.3. &c. c. 66. 19. &c. Zachariæ c. 2. 11., c. 8.20. &c., c. 9.9.10.11. c. 14.16., & Osæ c. 2. 24. vaticiniis manifestissimè apparet; nimirum Messiam non tantum Judæorum, sed aliarum gentium magistrum fore, & per ipsum collapsuros cultus falsorum Deorum, & ad unius Dei cultum perducendam universam alienigenarum gentium multitudinem, ut prædixerant Esaias c. 2.18.20., c. 31.7., c. 46.1., Sophonias c. 1. 4.5.6., Zacharias c. 13.2. Hoc per Jesum factum, per ejus Apostolos persecutum fuisse, nemo non videt. Ante Jesu adventum sub falsis cultibus Idolorum totus fere orbis jacebat; vix autem Jesus misit suos ad annunciandum orbi universo Evangelium suum, paulatim decrefcere cœpit falsorum numinum cultus, nec singuli tantum homines, sed & populi, & regna, obnitente quamvis tota humana potentia, ad unius Dei veri cultum reduci. Hæc certè Judæorum Rabbini non debentur, sed Jesu discipulis, eorumque successoribus. Ita populus Dei factus est, qui ante non erat, ut prædixerat Osæ c. 2.24. *Et dicam non populo meo populus meus es tu: & ipse dicit; Deus meus es tu:* Et qui erat ante populus Dei factus est non populus Dei, ut prænunciaverat Daniel c. 9.26. *Et non erit ejus populus, qui eum negaturus est.* Et impletum, quod etiam prædictum retulimus per Jacob Gen. 49. nimirum, antequam planè tolleretur civilis potestas à posteris Judæ, venturum Siloh, i. Messiam, cui parituræ essent etiam exteræ gentes, ut ~~posset~~ *Ecce dicit cap. 11.10. Ipsum gentes de-* *precabuntur.*

XXVII. Nunc, si placet, expendendum pro coronide nobis est argumentum, quod ex psalmo secundo inter alia contra Judæos intorquet Eusebius demonstr. Evangel. lib. 4. cap. 16. Duobus characteribus debet insigniri Messias, seu Christus; nimirum, quod contra ipsum astituri sint Reges terræ, & Principes convenient in unum adversus Dominum, & adversus Christum ejus. Altero, quod tandem Deus dabit illi gentes hæreditatem, & possessionem suam terminos terræ. Hæc in Jesu fuisse impleta, quis non videt? Quid non tentarunt Reges terræ contra ipsum, ut ejus religionem dissiparent? Et tandem nonne gentes factæ sunt hæreditas ejus, quia conversæ ad ipsum? Nonne termini terræ possessio ejus facti sunt, dum ejus nomen ad terminos terræ protenditur? Hæc certè non possunt referri ad Messiam, quem Judæi expectant, ac si iste rursus esset circum-

ve-

veniendus à terræ principibus ; nec credo , eos id unquam daturos ; quippe qui magnū quemdam Principem , Regemque æternū fore dicunt Christum , quem expectant : quod si dabunt , & ille etiam , cum venerit , eadem patietur , quæ jam passus est qui venit ; cur illi potius , quam isti credendum erit ? Quod si ad David , aut quempiam ex illius nepotibus oraculum torqueant , quis unquam illorum fuit , qui aut filius Dei aliquo Oraculo sit dictus , aut ab ipso Deo genitus , sicut iste , de quo psalmus vaticinatur ? Quis eorum fuit , contra quem astiterunt Reges terræ , & cui tandem datæ sint gentes in hæreditatem , & termini terræ in possessionem ; cum semper fuerit eorum regnum inter angustias Palæstinæ conclusum ? Si ergo hæc omnia in nullo eorum impleta ; cur Jesum , in quo omnia impleta demonstramus , ut eorum Messiam non venerantur ?

§. V.

Judæorum momenta , Jesum non fuisse Messiam.

XXVIII. **O** Pponi à Judæis solet , quædam de temporibus Messias prædicta esse , quæ in Jesu non fuerunt impleta , nimirum Messias tempore habitaturum lupum cum agno , pardum cum hædo , leonem cum pecore stabulaturum , lufurum cum anguibz infantem , ut ait Esaias c. 11. v. 6. , & sequentibus. Secundo montem Dei surrecturum supra alios montes , venturos eo alienigenas , ut sacra faciant , quod ait Esaias c. 2. v. 2. , Michæas c. 4. v. 1. & sequent. & quod confluxuræ ad eum sint omnes gentes , Esaias loco mox relato . Nihil autem horum in Christo Jesu fuit impletum .

XXIX. Respondeo cum D. Hieronymo in dictum Caput 11. Esaiæ , querendo à Judæis , num sicut volunt , ad litteram intelligi , quod lupus habitabit cum agno ; ita etiam ad litteram velint intelligi omnia , quæ in dicto capite dicit Esaias . Si respondeant non : cur (dicam) ad litteram intelligi volunt , lupum habitaturum cum agno , & non omnia ? Si respondeant sic . Inferam ego : ergo cum ibi exprimit Messiam nomine Virgæ , & floris egredientis de radice Jesse , verba hæc erunt sumenda ad litteram , & ut scripta sunt ; & sic Messias erit verè Virga , flos de radice nascens . Ergo dum dicitur terra percussâ verbo Dei , & interfectus impius spiritu verborum ejus , debent intelligi ad litteram ; sicut etiam dum ait , quod Justitia erit cingulum lumborum ejus , & fides cinctorium renū ejus , omnia hæc ad litteram erunt

erunt sumenda; & sic res spirituales, quales sunt iustitia & fides, erunt propriè cingulum, quo cinguntur lumbi & renes Messia: quo quid magis ridiculum? Rursus quid dignum Dei maiestate diceret Esaias, ut lupus & agnus pascantur simul, & pardus cum hædo accubet, & Leo paleas comedat, & puer parvulus mittat manum suam in foramine aspidum? Nisi fortè iuxta fabulas poetarum aureum nobis Saturni seculum restituant, in quo lupi & agni pascantur simul? Quod si responderint, hæc in beatitudine futura esse; nimis viliter loquuntur de beatitudine, habenda per Messiam, quæ non bonis corporis, sed animi in virtutibus statuenda, quæ coram Deo, imo & coram verè sapientibus solæ verum bonum sunt.

XXX. Discant ergo Judæi, Scripturas interpretari; & noverint, in eis aliqua equidem esse sumenda litteraliter, sed alia etiam, præsertim in prophetis, sumenda esse per figuram, aut metaphoram, aut spiritualiter. Sicut ergo ipsi non sument florem, & virgam, nec cinctorium, aut lumbos, & renes litteraliter, sed spiritualiter: ita lupum tempore Messia habitaturum cum agno, & reliqua huiusmodi spiritualiter dicta percipiant, nimirum vel gentes genio feroces per ipsum ad mansuetudinem redigendas, populosque feritate tumidos colla suæ legi subdituros. Hoc D. Petro ostensum fuit in linteo sibi à cælo demisso (Act. 10.) habente quatuor principia, quæ quatuor mundi plagas intelligimus, ut repletam terram Dei scientia cognoscamus; in quo erant quadrupedia, & serpentes, & bestia, & volatilia cæli, ut quod arca litteraliter in diluvio, hoc spiritualiter præstet Ecclesia in mundo. *Hæc sunt D. Hieronymo.*

XXXI. Miror sane, quod Judæi dicta verba ad litteralem sensum trahere velint, cum nedum S. Hieronymus, aut quivis alius ex nostris, sed, ut advertit Martini 2. p. c. 12. §. 17. Jonathan ipse, cui nefas est contradicere Judæis, ea in Chaldaicum transferendo specialiter interpretatus sit, dicens: *Et egredietur virga de trunco Isai, ait: Et egredietur Rex de filiis Isai: & planta de radicibus ejus germinabit, ait: Et Messias de filiis filiorum ejus se nutriet.* Et erit iustitia cingulum lumborum ejus, & fides lumbare renem ejus, sic legit; *Et erunt iusti circumcirca ei, & agentes fideliter appropinquabunt ei: & habitabit Lupus cum Hædo sic exponit: Et in diebus Messia Israelis multiplicabitur pax in terra.* Hæc autem omnia temporibus Jesu, & in ipso verificata fuisse, quis non videt? Neque debet esse novum, bestiarum ferarumque nomine figurari homines, nam super psalm. 36. v. 7. hominem & bestiam salvabis Domine Rab. Juda dixit: *Hi sunt filii*

filiis Adæ, qui sunt astuti per scientiam, & statuerunt semetipsos velut jumentum, quasi dicat: illos salvabit Deus, qui sunt homines, i. prudentes ad faciendum bonum; & jumenta, i. simplices ad patiendum malum, i. ad onus legis ac Dei portandum.

XXXII. Item Mefsias dicitur figuratè *Mons* ab Efaia cap. 2., sicut à Daniele cap. 2. dicitur *Lapis*, qui crevit in montem: *Mons*, in quo fundata est Ecclesia; mons, inquam, in vertice montium, quia elevatus super omnes alios montes; montes enim dicuntur non solum Mefsias, sed & Patres, de quorum semine erat nasciturus. Ita nedum S. Hieronymus in dictum Caput, sed etiam Bereſchit Rabba super illud Genes. 28. 10. *Quis tu mons magnæ coram Zorobabel?* Hoc est: *Mons magnus*, idest Mefsias, & quare ipsum vocas montem magnum? Quia major est, quam Patres; exaltabitur plus, quam Abraham... & elevabitur plusquam Moyſes &c. Ita ex Martini 2. p. cap. 12. §. 6.

XXXIII. Fluent item ad eum omnes gentes, omnes enim gentes servant ei Ps. 71. 11. cui dictum est Pl. 2. 8. *Postula a me, & dabo tibi gentes hereditatem tuam, & possessionem tuam terminos terræ*; ut servant ei juxta Sophoniam 3. 9. sub jugo uno. Ita S. Hieronymus in Efaia c. 2. *Omnes*, inquam, *gentes*, non ita amplè, ut sumatur pro omnibus & singulis universim, & pro quovis tempore; sed pro multis, seu ex omnibus gentibus multe ad eum fluent; unde quasi se restringens Efaia subjungit: *Et ibunt populi multi*: nec semper *ly omnes* universitatem, sed sæpè multitudinem exprimit; ut cum dicitur 2. Reg. 16. 22. *Ingressus est (Absalom) ad concubinas Patris sui coram universo Israel*, & ibi cap. 17. vers. 14. *Dixitque Absalom, & omnes viri Israel*; & vers. 11. *Congregetur ad te universus Israel à Dan usque Bersabee, quasi arena maris innumerabilis*. Hic quis tam insulsus dicet, *ly universus & omnis* debere accipi distributivè & rigorosè, ita ut nullus deficeret ex Israel, qui non videret Absalonem perpetrantem illud flagitium, quique non loqueretur, aut congregaretur ad ipsum, cum multi absque numero essent absentes, cum multi eorum vel essent cum David, vel in domibus suis remansissent? Sumto autem *ly omnes* cum distributione accommoda, quis negare audebit, omnes gentes prædicatione Apostolorum, ac successorum ejus, ad Jesum confluisse; in eoque oraculum fuisse impletum?

Dici etiam potest, quod cum Mefsie regnum duraturum sit usque ad seculi consummationem, etiam si omnes omnino gentes hætenus ad Christum non confluerint, confluent tamen

omnes ante seculi finem . Unde Christus Joann. 10. 16. ait: *Alias oves habeo, quæ non sunt ex hoc ovili; & illas oportet me adducere, & vocem meam audient: & fiet unum ovile & unus pastor.* Hinc D. Hieronymus in cap. 25. Jerem. loquens de liberatione totius orbis terrarum facienda per Christum ait: *Quod ex parte & nunc completur in mundo, & ex toto complebitur, quando de oriente, & occidente septentrione & meridie venient & discumbent cum Abraham, Isaac, & Jacob. Ut postquam subintraverit plenitudo gentium, tunc omnis Israel salvus fiat.*

XXXIV. Offendit secundò Judæos status humilis & pauper Jesu, sicut & ejus ignominiosa mors; credunt enim, Messiam venturum cum Regio apparatu ac majestate; tali enim, ajunt, pompa describitur à Prophetis.

Verùm in hoc etiam turpiter falluntur; Messiam enim fore humilem ac mitem prænunciavit Esaias c. 61. 1. *Spiritus Domini super me, eo quod unxerit Dominus me, ad annuntiandum mansuetis misit me, ut mederer contritis corde, & prædicarem contritis indulgentiam, & clausis apertionem.* Hoc in se ipso impletum ostendit Jesus Matth. 11. 5. Futurum pauperem præcinit Zacharias c. 9. 9. *Ecco Rex tuus veniet tibi justus, & Salvator, ipse pauper, & ascendens super Asinam, & super pullum filium Asinæ;* hoc in Jesu consummatum indicat Matth. 21. 5. Non clamorem excitaturum in publico, sed acturum leniter, prædixit Esaias cap. 42. v. 2. 3. 4. *Non clamabit, neque accipiet personam, nec audietur vox ejus foris. Calamum quassatum non conteret, & limum fumigans non extinguet, in veritate educet judicium &c.* quæ mirè consonant cum eo, quod Matth. 23. 12. de Jesu c. 12. 19. 20. Dolores, ignominias, ac demum mortem Messiam passurum, clarè expressit Esaias c. 53., ubi de Messia sermonem fieri, interpretantur Chaldaei Paraphraſtes, & Gemara Babylonica titulo de Syne-drio. Ibi ergò sic legimus: *Non est speciei ei, neque decor: & vidimus eum, & non erat aspectus... despectum & novissimum virorum, & scientem infirmitatem, & quasi absconditus vultus ejus, unde nec reputavimus eum. Verè languores nostros ipse tulit, & dolores nostros ipse portavit, & nos putavimus eum, quasi leprosum, & percussam à Deo, & humiliatum. Ipse autem vulneratus est propter iniquitates nostras, attritus est propter scelera nostra: disciplina pacis nostræ super eum, & livore ejus sanati sumus. Omnes nos quasi oves erravimus, unusquisque in viam suam declinavit: & posuit Dominus in eo iniquitatem omnium nostrum. Oblatus est, quia ipse voluit, & non aperuit os suum: sicut ovis ad occisionem ducetur &c.* Dicant, quæso, Judæi, cuinam aut Regi, aut Prophetæ ejusmodi congruant?

XXXV.

XXXV. Dicent, hæc congruere populo Judæorum disperso in omnes gentes, ut suo exemplo, ac sermone multos profelytos faceret. At quo fundamento id asseritur? Hunc, quem Isaïas describit afflictum atque attritum, dicit ejusmodi non pati propter peccata propria, sed aliena, quæ in se tulit, atque portavit. Quomodo autem Judaico populo id aptari potest, quem Scripturæ nobis exhibent semper afflictum propter peccata ac scelera propria; cuique nihil mali tam grande accidit, ut non ipsum, & insuper multò majora non esset promeritus? Rursus is, cui peccata populi non sunt sua, non potest esse unus de populo.

Meliùs ergò Hebræorum antiqui putabant, hujusmodi de Messia dicta esse. Verùm; cùm ex una parte convicti faterentur Messia labores, angustias, ignominias, violentam mortem, fœdumque supplicium; & cùm ex alia supremos illi paratos honores, maximam potentiam, amplissimumque regnum ex prophetarum oraculis perspectum haberent; ut hæc concordarent, duos futuros Messias commenti sunt: unus horum erat nasciturus ex Josepho Jacobi & Rachelis filio, qui Nehemias Uzielis filius dicendus erat, quem infelicem fore dicebant, ærumnis devotum, ac morti cruentæ in prælio obeundæ adversus impium, & monstrosam Armillum: Alter ex Davidis prosapia gignendus Israelici regni vindex, summam gesturus gloriam, dispersos Israelitas congregaturus, per quem alter Messias Josephi filius ad vitam sit revocandus; postquam Armillum Deus, & universum Armilli exercitum, igne & sulphure de cœlo emisit, deleverit. Hæc Judæorum infelicia somnia, tradita lib.6. p.2. Thalmudis, qui est de festo Tabernaculorum cap.5. traduntur & in Bereschit Rabba, & apud Rabbi David Kimhi, Aben Ezram, R. Makirum in pulvere aromatico, aliosque complures ex recentioribus Rabbinis; in quo tamen mirabiliter hallucinantur; cùm enim oracula de Messia prædicunt labores, angustias, ignominias, & mortem, & deinde etiam regnum, majestatem, & supremos honores, non duos indicant futuros Messias, unum ærumnis devotum, alterum gloriosum: sed unum ac eundem, qui per adversa & mortem ad regnum & gloriam majestatis, esset perventurus; unde ait Christus Lucæ 24. 26. *Nonne hæc scriptis pati Christum, & ita intrare in gloriam suam?* Vel duos ejusdem Messia portendunt adventus, unum humilem ac inglorium, nimirum Messia ut Redemptoris; alterum splendidum ac magnificum, nimirum Messia ut Judicis. Uterque adventus indicatus fuit à Christo passim in suis Evangeliiis:

unde etiam ex hac parte evincitur, cum fuisse Messlam : XXXVI. Retinet Judæorum multos à suscipienda vera Christi fide præconcepta opinio de virtute & probitate majorum suorum, & maxime Sacerdotum, qui Jesum condemnarunt, ac ejus doctrinam repudiaverunt, ex quo inferunt, eum non fuisse Messlam, alias viri tales probitate ac scientia præditi, eum amplectati fuissent, quem à tot seculis expectabant.

Verùm quales sæpè fuerint majores Judæorum, non ex me audiant, sed ex verbis legis suæ, ac Prophetarum, à quibus sæpè vocantur *incircumcisi auribus, & corde* Jerem. c.4. 4. & c.6. 10. *Populus* labiis, & rituum apparatu Deum honorans, animo autem remotissimus à Deo. Deuter. 32. 5. 6. 15. 28., Esaiæ 29. 13., Amos 5. 21., Ezech. 16. 3. At videamus, quinam fuerint majores eorum. Majores eorum fuerunt, qui Josephum fratrem suum parum affuit, quin interficerent Gen. 38., re autem ipsa in servum venderunt. Majores ipsorum & illi, qui Moysen perpetuis seditionibus ad vitæ tedium egerunt, Moysen, inquam, ducem suum ac liberatorem, cui terra, mare, aer obediebant, ut legitur Exodi cap. 14. 11., c. 15. 24., c. 16. 27., c. 17. 2. 4. &c. Qui panem cœlitus missum fastidierunt num. 11. 6. Qui velut de summa penuria conquesti sunt, cum comestas aves adhuc ructarent Num. 11. in fine. Majores eorum fuere, qui Davide bono ac pio Rege deserto, secuti sunt rebellem filium 2. Reg. 15. Majores ipsorum fuerunt, qui Zachariam Jojadx filium in loco quidem sanctissimo trucidarunt 2. Paralip. 24. 21., victimam crudelitatis suæ facientes sacerdotem. Jam verò ad Pontifices quod adinet, Pontifices fuere, qui Hieremiam ~~falso crimine~~ mortem machinati sunt (Hierem. 26.) & perfecissent, nisi procerum quorundam obstitisset auctoritas; extorserunt tamen, ut captivus haberetur ad ipsum usque momentum captæ urbis, Jerem. 38.

XXXVII. Si autem quis putet, meliores fuisse eos, qui Jesu temporibus vixerint, facile ab errore liberari potest, si adierit Josephum, qui atrocissima eorum facinora describit, & poenas graviores omnibus unquam auditis, & tamen, ut ipse censet, infra meritum. Crimina Judæorum illius temporis exprobrat Joannes Baptista Scribis, ac Phariseis, qui tunc populo dominabantur Matth. 3. 7. Christus ipse Matth. 16. 4. c. 23. ubi eorum superbiam atque hypocrisim redarguit, monens populum, ne secundum opera eorum faceret. Neque de Synedrio melius existimandum; maxime cum eo tempore Senatores non veteri more cooptari meritis, sed ex potentium nutu, ac studio partium legi solerent, ut ait Josephus lib. 14. 19., ut & Pontifices non
jam

jam perpetua, sed annali, & sæpè emta dignitate, ut ex Josepho lib. 18. antiq. c. 3. & 6. Non ergò mirum, si homines arrogantia tumidi, ambitione & avaritiâ insatiabiles, in furorem acti sint, conspecto homine, qui sanctissima præcepta adferens, vitam ipsi suam, & factio, & verbis exprobat. Sic Michæ, am Josaphati tempore in custodiam dedere, quòd intrepidè veritatem contra quadringentos falsos Prophetas adfereret 3. Reg. 22. sic Eliam Achabus persecutus est eodem titulo, quo Sacerdotes Jesum (Lucæ 23. 2.) quod scilicet turbaret pacem, ac plebem commoveret 3. Reg. 18. 17. Sic Jeremiæ crimini dedere, sicut Jesu (Matth. 26. 61. Joann. Marci 13. 2.) quòd adversus Templum vaticinaretur Jerem. 7. 4. & c. 26. 6. 11. His omnibus adde, magistros Hebræorum veteres scriptum reliquissè, Messia temporibus homines fore caninâ impudentiâ, asininâ contumaciâ, ferinâ crudelitate insignes; sic in Thalmud de Synedrio, Ketuboth, & Sota. R. Salomon ad dictum titulum de Synedrio C. Helech., & Traditio R. Judæ ad eundem titulum de Synedrio C. Helech sic habet: *Quo tempore adveniet filius David, domus institutionis divinæ fiet lupanar.* Idem prædixerat Deus ipse Osee 2. 24. temporibus Messia, ut qui populus suus non fuisset, in populum adsumeretur: ex Judæorum etiam urbibus vix unum aut alterum iturum ad sacrum montem, sed quod ad eorum numerum deesset, id expleturos extraneos. Jerem. 3. 14. 17. Hæc ex Grotio lib. 5. de verit. relig. Christ. §. 20.

XXXVIII. Attamen demus Hebræis (quod falsum est) Viros, qui Judæis Christi tempore præerant, eumque condemnarunt, fuisse ceteroquin probos, atque à criminibus alienos. Quæso: unde ortum habuit totius Judaici populi exterminatio, Civitatis ac Templi irreparabilis desolatio? Dicent fortè, odium, quod erat inter Judæorum principes, tanti excidii causam fuisse? At Josephus, qui rem probè noverat, dicit, id factum alto Dei decreto, quo statuerat populum illum exterminare, sic lib. 6. de bello Judaico cap. 15. narrans, Romanos milites à cædibus Judæorum nec mandatis ducum coerceri potuisse, subdit: *Deus autem, qui damnaverat populum, omnem viam salutis ad interitum converterat:* & lib. 7. cap. 28. referens Eleazari verba ad Judæos, ait: *Olim enim quantum apparet contra omne Judæorum genus hoc decretum posuit Deus, ut vita careremus, qui eâ non eramus, quem admodum oportebat, usuri.* Cùm ergò justus Deus non decernat poenam, nisi ob flagitia, quæro, quodnam fuit scelus, quod illi viri ceteroquin probi admiserunt, ob quod finem totius populi Judaici decrevit Deus? Mutuum inter ipsos odium non videtur.

ccr.

certe in eos tantam cladem accersisse, tamque diuturnam: oportet ergo hanc decretam propter odium in Jesum, gratis & sine rationabili causâ exercitum, & consequenter, cum tantum odium conceperint, quoddâsineret, se esse Messlam Deique filium; concludi debere, cum veritatem dixisse, eosque in ipsum atrociter peccasse, atque ob hanc causam gentem totam in perniciem traxisse.

§. VI.

Jesum fuisse verum Deum, ac Hominem.

XXXIX. **M**ESSLAM in lege promissum nullum alium fuisse, quàm Jesum, Hebræis demonstratum est. Superest aliud controversiæ caput, an fuerit purus homo, an verò homo simul, ac Deus. In quo non solum nobis res est cum Judæis negantibus, Messlam fore verum Deum, ac idcirco id Jesu inficiantibus, dato etiam, quod fuisset Messlas; sed cum aliis, qui licet Christum agnoverint Messlam, cum tamen aliqui negarunt fuisse verum Deum, ut Ebionitæ; alii fuisse verum hominem, ut Manichæi. Attamen in præsentì solum cum Judæis agemus, nam contra alios arma sumimus Tract. de Incarnat. qu. 5. dub. 1. & qu. 6. dub. 1.

XL. Jesum ergo Messlam Deum fuisse probò primò. Messlas est Salvator, non temporaneus, sed perpetuus; at perpetuus Salvator est Deus; ergo Messlas est Deus. Mi. probatur primò ex Isaia cap. 43. ~~Ego sum, ego sum Dominus, & non est absque me (i. me excepto) Salvator.~~ Cui consonat illud Osee 13. 4. *Et ego Dominus Deus tuus de terra Egypti, & Deos præter me, vel absque me nescias, & Salvator non est, nisi Ego, vel præter me.* Hinc in Midrasch Tillim dixit R. Jochanam. *Israel servi facti fuerunt in Egypto, & steterunt Moyses, & Aaron, & redemerunt eos: rursus redacti fuerunt in servitutem in diebus Sissera, & redemit eos Bayak, & Debbora. A Madianitis verò Gedeon, & sic per manus Samgar. Sic quoque per manus cujuslibet Judicum steterunt & redemerunt eos. Iterum facti sunt servi in Babylonia, rursusque redempti fuerunt per manus Anania, Misael, & Asaria. Et rursus redacti sunt in servitutem per manus Edom (i. per Romanos) Dixerunt igitur Israel, ecce lassati sumus subjugationibus, & redemptionibus, non sumus ulterius quærentes, ut illucescat nobis caro, & sanguis, sed Deus ipsemet, sicut dictum est psalmo 118. v. 27. Dominus Deus, & illuxit nobis; & dicitur Esaia 45. vers. 17. Israel sal-*

salvatus erit in Domino salvatione seculorum. Item in Midrasch Vaykra. Dixit Deus in seculo isto, vos fuistis salvati per manum filiorum Ada: ex Aegypto per manus Moysis, & Aaronis; in diebus Siffera per manus Barak, & Debbora. A Medianitis per manus Samgar filii Anath, sicut dictum est Judic. 3. v. 31. & salvavit etiam ipse Israel: sic quoque per manus Judicum aliorum: & quoniam fuerunt caro, & sanguis, fuistis iterum servituti subjecti: sed in futuro Ego in substantia mea salvabo vos, & rursùm non redigemini in servitutem, sicut dictum est Esaia 45. 17. Israel salvatus est in Domino salvatione seculorum: non erubescetis, neque confundemini usque ad secula seculorum. Hæc hebraica Traditio. Cùm ergò solus Deus sit Salvator salvatione perpetua secundum Rabbinos, & Messias secundum eosdem sit Salvator salvatione perpetua, fit consequens, Messiam secundum ipsos non esse purum hominem, sed Deum.

XLi. Secundò idem probò ex Osea 1. v. 6. *Non addam ultra, ut miserear domus Israel, quoniam obliviscendo obliviscar eorum, & domus Juda miserebor, & salvabo eos in Domino Deo suo.* Hinc in Targum Jonathæ dicitur: *Quia non addam ultra ad miserendum super domum Israel: tamen si prævenerint ignoscens ignoscam illis. Et domus Juda miserebor, & salvabo eos in Verbo Domini Dei sui.* Salvator ergò, per quem salvanda est domus Juda, nimirum Messias, secundum Oseam erit Dominus Deus suus, & secundum Targum salvanda est per Verbum Domini Dei sui: igitur Salvator, seu Messias, erit Verbum Dei, & Dominus Deus.

XLII. Messiam quoque Deum in Scripturis vocari, testatur Jeremias cap. 23. v. 5. & 6. ubi de eo sic legitur: *Ecce dies venient dicit Dominus, & suscitabo David germen justum (vel statuam Davidi germen justum) & regnabit Rex, & sapiens erit (vel & intellexit) & facies judicium & justitiam in terra. In diebus illis salvabitur Juda, & Israel habitabit confidenter (sive ad fiduciam) & hoc est nomen, quod vocabunt eum, Dominus justus noster.* Hic observandum est, quod, ubi vulgatus Interpres vertit Dominus, Hebræus ponit *Jehovah justus*. Pluribus autem nominibus consuevere Judæi, Deum exprimere, & S. Hieronymus epist. ad Marcellam decem nomina Dei recenset, primum & maximum est *Jehovah* dictum à Græcis *Tetra-grammaton*, i. quatuor litteris scriptum, nimirum *Jed, He, Van, He*, quibus conjunctis Vox *Jehovah* modo redditur, etenim de vera hujus nominis pronunciatione non convenit; imò hoc nomen antiquis videtur fuisse incognitum, S. enim Hieronymus nomen, quod dicit esse Dei magnum, non exprimit, sed tantum dicit esse nomen quatuor lit-

litterarum . Illud autem tanta veneratione prosequerantur Judæi , ut nec illud ore usurpare auderent , nec scribere , ne si liber foedè & ignominiosè tractaretur , prophanatio sacri nominis fieret : & 70. Interpretes quoties tale nomen occurrebat , subiciebant puncta vocalia nominis *Adonai* , quod Græcis idem sonat , ac *Chirios* , Latinis verò *Dominus* . Solus Pontifex teste Josepho lib. 3. antiq. cap. 8. lamina aureâ sculptum illud in fronte gestabat , nec tamen illud pronuntiabat , nisi cum populo benedicebat , & cum Sancta Sanctorum ingrediebatur . Hoc nomen , putat Cornelius à lapide , primò revelatum fuisse Moyfi Exod. 3. v. 14. quando ei dixit Ego *sum* qui *sum* , nec ab ullo ex Patriarchis ante ipsum usurpatum ; significat enim propriam Dei naturam , ut incommunicabilem aliis , nimirum , ipsum esse per essentiam , seu comprehendens omne esse . Quare Grammatici Hebræi observant , tria tempora substantivi verbi *sum* simul complexi , præteritum , præsens , ac futurum , fui , sum , ero . Soli autem Deo hæc tria conveniunt , ut ab æterno in æternum sit , & simul omne esse , & omnia in se tempora comprehendat . Alia verò nomina , licet Dei propria , aliis quandoque applicabantur , ut *Elohe* in singulari , & in plurali *Elohim* , quod passim in Scripturis Diis falsis accommodatur . Solùm *Tetra-grammaton* , seu *Jehovah* est incommunicabile .

XLIII. Hæc non soli Theologi Christiani , verùm etiam Hebræi Rabbini sentiunt . R. enim *Moses Ben Maymon* in L. directionis perplexorum , quem Hebræi vocant *Moreh Hannebochim* part. 1. cap. 6. ait : *Omnia nomina Creatoris benedicti inventa in libris omnibus derivata sunt ab operibus . . . præter unum Nomen , quod est Jehovah , & est nomen appropriatum Creatori Altissimo . Et propter hoc vocatur Schem. Hamephoraseb nomen expositum . Vult autem dicere , quod ipsum significat substantiam Creatoris , & quidditatem ejus significatione perfectâ , & manifesta , in qua non est equivocatio , neque mixtura (i. nihil est quod cum Deo communicet , sive participet in hoc nomine .) Reliqua verò nomina ipsius gloriosa significant equivocè , & cum mixtura , eo quod sunt derivata ab operibus similibus eis , quæ reperiuntur in nubis . Ita quod etiam nomen Adonai derivatum est ab hoc verbo Adon , quod est Dominus . Et jam dictus est Angelus Adonai , sicut dicitur Gen. 18. 4. Domine ; si quaeso inveni gratiam in oculis tuis Nomen autem quod scribitur ex *Jod* , *He* , *Vau* , *He* nescitur ejus derivatio nota ; nec in eo participat cum alio . In distinctione Cbelek Abba Saul dixit : Quis pronunciat ipsum nomen quatuor litterarum cum litteris suis , non erit ei pars quæ seculum futurum ; & non est dubium , quod hoc nomen*

men gloriosum, quod non profertur, nisi in Sanctuario, sicut nosse à Sacerdotibus Domini sanctificatis, & solùm in benedictione Sacerdotum, & tunc etiam à Sacerdote magno: & in die jejunii gloriosa sanctificationis est (vel ut MS. alii habent gloriosa significationis est) in qua non est communicatio, neque participatio inter Creatorem, & aliquem alium. Multa alia profert ex R. Moïse Ben Maymon Martini 3.p. dist. 3. c. 2. §. 9.

XLIV. Communi ergò consensu Christianorum, ac Rabbiorum nomen Dei quatuor litterarum *Jehovah*, utpotè significans substantiam Dei propriam, non autem aliquam ejus operationem participabilem ab aliis, nulli alteri quam Deo Creatori potest appropriari. At ex dictis ex cap. 23. Jerem. 6. hoc nomen *Jehova* appropriatur Messia; ergò Messias est verus ac substantialiter Deus. Cui accedit Isaïas 9. 6. celebri illo de Messia testimonio: *Parvulus natus est nobis, & filius datus est nobis... & vocabitur nomen ejus admirabilis consiliarius, Deus fortis, Pater futuri seculi, Princeps pacis.*

XLV. Judaica tamen perversitas fingit sibi viam, qua hæc testimonia eludat: dicit ergò, in verbis Jeremiæ non legi *vocabunt*, sed *vocabit*; & ideo sensum verborum esse: & hoc est nomen illius, qui vocabit eum Dominus (*Jehovah*) justus noster. Item ad testimonium Isaïæ dicunt, vocem illam *El*, qua hebraice scriptum est, nil aliud sonare, quam fortem, robustum, potentem.

XLVI. Atqui Judæos, vel falli, vel fallere ostendit eorum Targum, dum ait: *Et hoc est nomen ejus, quod ipsi vocant illum, seu quod ipsi dicunt ipsi.* Ita etiam verterunt 70. Interpretes; & confirmatur ex eodem Jeremia cap. 33. v. 16., ubi eadem repetens, nimirum: *In diebus illis salvabitur Juda... & hoc est nomen, quod vocabunt eum, Dominus justus noster*: exponitur in Targum: *Et hoc est nomen ejus, quod ipsi dicunt.*

Quod autem dicunt ad testimonium Isaïæ, falsitatis convincitur ipsi Isaïæ verbis, si enim vox *El* fortem hic significat, cur postea ei adjicitur alia vox *Gbevor*, quæ significat iterum fortem, & dicitur *Deus fortis*? Idem evincunt 70. Interpretes, qui vertunt *Theos Ischyros*, i. Deus fortis: quod & testantur Irenæus lib. 4. cap. 66., Euseb. demonstr. Evang. lib. 7. & 9., Procopius in Isaïam 9. 6., & Theodoretus ibidem, qui meritò falsi accusat Aquilam, quòd verterit *Ischiròs Dinatòs fortis potens*, cum vertere debuisset *Theos Ischyros Deus fortis*. Rem hanc planè conficit Procopius in Isaïam cap. 9., qui observat, ipsa hæc verba *El Gbevor* in sequenti cap. 10. Isaïæ referri manifestè ad Deum, ibi enim v. 22. dicitur: *Reliquia convertentur, reliquia inquam,*

Jacob ad Deum fortem El Ghevor. Si *El Ghevor* in capite 10. refertur ad Deum, cur *El Ghevor* positum in cap. 9. ad Deum referri non debet? Tandem ille, qui cap. 9. dicitur *El Ghevor*, vocatur etiam immediatè *Pater futuri seculi*. Quis autem est fortis ille, qui erit Pater futuri seculi, nisi Deus? Scio, nomen *El seu Elobim* in sacris Codicibus non soli vero Deo, sed etiam Idolis, quæ ab Ethnicis pro Diis habentur, tribui: sed in citato loco alii, quam vero Deo, tribui non posse, quis non videt?

XLVII. Propterea videntes alii, nullius esse roboris responsum datam, ad aliam fallaciam confugiunt; dicunt enim, non esse legendum: *Et vocabitur nomen ejus admirabilis &c.*, sed legi debere, & vocabit; unde totius sententiæ fit sensus: *Et admirabilis consiliarius, Deus fortis, Pater futuri seculi vocabit eum Principem pacis*. Sed isti primò sese opponunt suis, qui aliter exponunt dicta verba. Secundo etsi fatear, dictionem illam pro diversitate punctorum, vel activam, vel passivam significationem habere, quamvis sæpius habeat passivam; unde probant habere potius activam? Undè ostendunt, dictum locum potius esse legendum: *Et admirabilis consiliarius, Deus fortis &c. vocabit eum Principem pacis*, quàm hoc modo: *Et admirabilis consiliarius vocabit eum Deum fortem, Patrem futuri seculi, Principem pacis*, vel isto: *Et admirabilis vocabit eum Consiliarium, Deum fortem, Patrem futuri seculi, Principem pacis*? Demùm quid respondebunt 70. Senibus, qui vertunt *Caliste*, idest vocatur; *Aquilæ* qui vertit *Eclitbi*, i. vocatus est; & Simmaco vertenti *Clitbifete*, i. vocabitur?

XLVIII. Respondent alii, nomen Dei magnum *Tetragrammaton*, seu *Jehovah alijs, quàm Deo*, tribut; hinc in libro *Baba Bathra* distinct., quæ incipit *Hannocher Hasssephinab* dixit R. Jonathan: *Tres sunt vocati nomine Dei Sancti benedicti, & sunt hi: Justi, Messias & Hierusalem*. Ergo ex quo Messia tribuatur nomen Dei proprium, non infertur eum esse naturaliter Deum.

XLIX. Sed hi contradicunt Rabbi Moyfi Ben Maymon supra citato, qui ut vidimus, asserit, nomen *Jehova* taliter esse Dei proprium, ut nulli valeat communicari. Respondeo itaque primò, reperiri quidem in Scripturis, hominibus tribui nomina *El seu Elobim*, quod esto Dei nomen sit, non tamen est prorsus incommunicabile, quin imò etiam ad falsos Deos extenditur; non tamen reperire erit nomen *Tetragrammaton* seu quatuor litterarum de alio, quàm de Deo, propriè dictum. Quod si aliquibus videtur nomen *Tetragrammaton* applicatum, hoc non est intelligendum directè eis convenire: sic justi dicuntur Dii, quia amici, & servi Dei, Hierusalem dicitur Deus, quia est se-

des

des Dei, vel quia Deus est in ea: sic Altare, quod erexit Abraham Gen. 12. 14. vocatur *Dominus videt*, quia est signum Domini, qui ibi apparuit. At de Meslam nomen magnum Dei dicitur directè. Observandum enim est, quod; cum nomen *Tetragrammaton* dicitur de Deo, dicitur cum adjuncto nomine, nimirum *Iustus, fortis &c.* ut psalm. 139. 4. *Dominus iustus concidit vincula impiorum*, & Threnor. 1. 18. *Iustus est Dominus*, & hic modus loquendi ejus est, qui vult exprimere veritatem, qualitatem, imò & quidditatem cujusque rei, seu quid sit res illa; nomina enim debent esse consona rebus. At cum de Hierusalem superna dicitur nomen *Tetragrammaton*, non dicitur cum adjuncto, sed cum adverbio *ibi Dominus, Jehovah ibi*, ut ostendatur non quidem eam esse Deum, sed Deum esse in ea. Porro cum Deus vocaverit Meslam nomine suo, cum adjecto *Dominus iustus*, quod nulli convenit, nisi Deo; cumque nomina concordent rebus; consequens est, Meslam esse Deum secundum naturam, & quidditatem. Hoc argumento perstringit Judæos Calvinus ipse tum in comment. ad hunc locum Hierem. 23., tum in 1. instit. c. 13. §. 9.

L. Validum argumentum pro divinitate Meslæ ministrant ipsimet Hebræi; cum enim Dominus Jesus Joan. 10. 30. &c., ut revera erat, se Meslam Judæis assereret, divinitatem quoque suam assererat, dicens: *Ego, & Pater unum sumus*. Quod indignantes Judæi responderunt: *Tu homo cum sis, facis te ipsum Deum?* Ubi nota, Judæos fuisse indignatos, non quia patrem suum dicebat Deum, sicut & ceteri homines; hoc enim Hebræos non offensusset, cum Esaia 64. 8. legerent: *Et nunc Domine Pater noster es tu*: indignati ergo fuere, quia Patrem dicebat Deum longè alio modo, quàm dicant ceteri hominum. Sic ergo discurro: Vel Judæi fatebuntur, Jesum fuisse Meslam, vel non. Si fatebuntur, eum fuisse, cogentur fateri, cum seipsum fecerit Deum, Deum revera fuisse; nam si non fuisset, quis credat, Meslam, virum quippe sanctum ac justum, tam nefariæ & atrocis impietatis fuisse, ut non solum divinos honores ambisset, sed Dei quoque titulos sibi usurparit? Si verò, Jesum Meslam fuisset, negabunt, saltem fateri debebunt, cum se Mesiam, & simul Deum jactaret, id fecisse, quia sciebat Judæis persuasum fuisse, eum, quem expectabant Meslam, Deum fore.

§. VII.

Jesum fuisse Deum miracula ostendunt.

LI. **E**X hoc nascitur validum argumentum pro Jesu divinitate, sumtum ex Jesu testimonio, & adjunctis in ejus confirmationem miraculis hoc pacto: Jesus passim assererat, se esse Deum: Joan. 5. 18. *Propterea ergo magis querebant eum Judai interficere, quia non solum solvebat Sabbatum, sed & Patrem suum dicebat Deum, aequalem se faciens Deo.* Joann. 10. 30. & sequentibus: *Ego & Pater unum sumus... responderunt ei Judai... Tu homo cum sis, facis te ipsum Deum? Respondit eis Jesus... Quem Pater sanctificavit, & misit in mundum, vos dicitis, quia blasphematis, quia dixi filius Dei sum?* Joann. 14. 1. *Creditis in Deum, & in me credite... Philippe, qui videt me, videt & Patrem.* Joann. 16. 15. *Omnia, quaecumque habet Pater, mea sunt.* Et hanc illi ut blasphemiam exprobabant ejus accusatores, quia dixisset, se filium Dei esse Matth. 27. 43. c. 26. 63. 64. 65., Lucæ 22. 70. 71. Joann. 19. 7. Quibus manifestus apparet error Lactantii, qui lib. 4. instit. cap. 14., Jesum nunquam se ipsum Deum dixisse, ausus est asserere hoc frivolo ductus motivo: quia misus, ut unum Deum colendum doceret, ac plures Deos tollendos, non servasset fidem, si alium Deum induceret præter unum: non intelligens, non destrui Dei unitatem, etiam si Jesus Deum, ac filium Dei se diceret, ut ipse testatur Joan. 10. 30., Joann. 16. 15. *Omnia, quæ habet Pater, mea sunt.* ~~Et Joann. 7. 10. Et mea omnia tua sunt,~~ & alibi docens inter Patrem, & ipsum summam esse unitatem. Insuper apparet impudentia Apostatae Juliani, quam refellit Cyrillus contra Julian. lib. 10., qui dixit, neque Paulum, neque Matthæum, neque Marcum, neque Lucam Christo Jesu divinitatem tribuisse.

LII. In testimonium autem sui dicti, nimirum, se esse Deum Deique filium, miracula coram omnibus edebat. In hujus confirmationem illuminavit cæcum à nativitate Joan. 9.; quod miraculum ab ipso patratum fuisse in manifestatione suæ divinitatis, ait ipse, dum reddens rationem, cur illud patrasset, ait v. 3. *Ut manifestentur opera Dei in illo*, i. ut me esse Deum in hoc opere ostendam. Cumque cæcus ille palam miraculum prædicaret, & ob id à Synagoga ejectus fuisset, incidens in illum Jesus v. 36. ait: *Tu credis in filium Dei?* Et cum ille respondisset: *Quis est Domine, ut credam in eum?* Dixit ei Jesus: *& vidisti eum,*

cum, & qui loquitur tecum, ipse est. In hujus veritatis confirmationem testatus fuit, se Lazarum quatrduanum e morte ac sepulchro revocasse Joann. 11. v. 4. *Infirmas hac non est ad mortem sed pro gloria Dei, ut glorificetur filius Dei per eam, & vers. 42. Ut credant, quia tu me misisti.* Hæc insuper, aliaque miracula ad hunc finem fuisse directæ, Jesus ipse testatur; tum quia Joann. 10. 25. Judæis post patratum miraculum cæci nati eum rogantibus: *Si es Christus dic nobis palam,* respondit: *Loquor vobis, & non creditis: opera, quæ ego facio in nomine Patris mei, hæc testimonium perhibent de me;* tum quia Judæis volentibus ipsum lapidare, quod homo cum esset, faceret se ipsum Deum, respondit vers. 37. *Vos dicitis, quia blasphemias, quia dixi filius Dei sum? Si non facio opera Patris mei, nolite credere mihi: si autem facio, & si mihi non vultis credere, operibus credite, ut cognoscatis & credatis, quia Pater in me est, & ego in Patre.*

LI. His ergo firmatis, sic formo discursum: Jesus Nazareus de se ipso dicebat, se esse filium Dei naturalem, verumque Deum, & in confirmationem hujus doctrinæ evidentiæ edidit miracula; sed vera edere miracula quis non potest, nisi solius Dei virtute in eo operantis, qui nequit ea facere in confirmationem doctrinæ falsæ; ergo Jesus dicens se esse Deum filium Dei, verum dicebat. Mi. hæc probanda est primò, quia ut ait S. Augustinus de miraculis epist. 49. q. 6. *Divina potentia etiam sacris loquitur,* unde sicut consuetudo humana est loqui per verba, ita consuetudo Dei est loqui per facta mirabilia, ut homines sciant, ipsum esse, qui loquitur. At Deus, qui est prima veritas in dicendo, nec verbo, nec facto potest loqui falsum, sive mentiri, Ergo &c. Secundò miracula sunt quasi sigilla, quibus Deus obsignat & attestatur, doctrinam, in cujus confirmationem fiunt, esse à Deo, sicut sigillum Regium diplomati impressum attestatur, diploma illud esse verè Regium; undè Marci ultimo v. 20. Apostolorum prædicatio dicitur miraculis confirmata: *Illi autem profecti prædicaverunt ubique, Domino cooperante, & sermonem confirmante sequentibus signis.* Et Paulus Hebr. 24. *Conestante Deo signis & portentis, & variis virtutibus &c.,* ut promiserat Christus ipse Marci 16. 17. 18. *Signa autem eos, qui crediderint, hæc sequentur: in nomine meo Dæmonia ejicient, linguis loquentur novis, serpentes tollent &c.* Atqui nec Deus potest facere vera miracula ad confirmandam doctrinam falsam, nec potest communicare potestatem ea faciendi homini, quem scit ea abusurum ad confirmandum falsam, hoc enim perinde esset ac concurrere, ut seductor consignaret mendacia sigillo illo, quo Deus ipse veri-

ritatem consignat. Ergo doctrina Jesu, quam tot miraculis ipse confirmavit, fuit vera; & proinde cum dicebat, se esse Deum ac filium Dei, & id miraculis confirmabat, verum dicebat. Plura hac de re dicemus, cum veritatem religionis Christianæ ex miraculis demonstrabimus.

LIV. Porro frivolum est, quod respondebant Pagani apud Origenem lib. 1. contra Celsum, nimirum miracula & signa Christi fuisse præstigia, & sensuum ludificationes. Nam quod Lazarus quatrduo jacens in sepulchro, & jam fatens, vivus è sepulchro prodierit, & postea multo tempore vixerit: item quod à nativitate cæcus postea viderit, non erat sensuum ludificatio; nam & hic experiebatur, verè se videre, & ille se vivere; & miraculum illud fatebantur, idque manifestum erat omnibus, non minùs quàm sit manifestum, me vivere, & vobiscum loqui: præstigiæ autem, ac sensuum ludibria statim evanescent, & ille, qui delusoriè ab aliis existimatur vivere, ac videre, id in se non experitur, sicut Lazarus, & cæcus in se experiebantur. Addo, Scribas, & Phariseos invidiâ, ac odio omnia Jesu opera calumniantes, nunquam ausos fuisse, dicere opera ejus verum effectum non habuisse, imò post diligentissimum examen deprehenderunt, Lazarum verè vivere, ac cum aliis discumbere Jo. 12. 3. *Multi accurrerunt, ut eum à mortuis excitatum viderent, ibi v. 9. Quare in rabiem versi cogitaverunt Principes Sacerdotum, ut eum interficerent, ibid. v. 10.* De cæco autem talem eum fuisse à nativitate, testati sunt parentes ejus Joann. 9. 20. cum autem lumen à Jesu recepisset ibi v. 25. 32., nedum ipse, sed omnes experiebantur; quare non valentes ~~Jesu gloriam~~ in hoc facto obscurare, furore perciti cæcum ab eo sanatum ejecerunt è Synagoga ibidem vers. 34.

LV. Nec minùs blasphemabant Judæi, Jesu miracula virtuti Dæmonis adscribentes; primò, quia multa fecit, ad quæ nec Diabolica, nec ulla creata virtus pervenire potest, ut mortuos vitæ restituere, ac cæco nato lumen donare: secundò quia estò aliqua fecerit, quæ absolute Diabolus facere potuisset, in modo tamen ea faciendi omnem Diaboli virtutem excessit, fecit enim absque alicujus naturalis virtutis applicatione solo verbo, fecit in instanti, & sine ulla mora, quod Diabolus facere nequit: tertio ea fecit orando Deum, & imperando, cordis secreta pandendo, quod supra Dæmonis facultatem est: quarto, si finis, ob quem ea fecit, inspiciatur, manifestum erit, Jesum virtute planè divina, non dæmoniaca, miracula edidisse; non enim iis gloriam suam quærebat, non aliquid temporale, non prævum, sed unice glo-
riam

riam Dei, ejusque cognitionem 2. Joann. 17. 3. cessationem à peccatis, morum rectitudinem, ac Dæmonum exterminationem, quos nedum à corporibus, sed ab animis ejiciebat: quæ omnia apertè probant, non Dæmone, sed Deo in Jesu operante, miracula illa processisse. Satan enim contra se ipsum non operatur, nec Satan ejicit, ut aiebat Jesus ipse Judæis id ei opponentibus Matth. 12. 26. Marci 3. 23.

LVl. Impietatem suam alio mendacio cumularunt Christi Jesu inimici: dixerunt primò, eum composuisse librum magicas artes complectentem, quibus miracula fecit, quem librum Petro ac Paulo inscripsit, & quo eadem patrarunt & ipsi. Dixerunt secundo hanc aliam fabulam: narrant, Heleuæ Reginæ temporibus in Hierosolymitano Templo extitisse lapidem, cui olim Arca imponi solita erat, in eoque fuisse descriptum nomen Dei propriis elementis expressum, cujus ea vis erat, ut quicumque illud didicisset, omnium prodigiorum potens esset: veritos autem Sapientes, ne quis ea facultate abuteretur, canes æncos portæ custodes apposuisse, hac arte fabricatos, ut si quis memoriæ mandato nomine vellet exire, canes illi latratu adeo ingenti eum terrerent, ut sacri nominis penitus oblivisceretur. Hac fabula supposita ajunt, Jesum horum conscium Templum secretò ingressum fuisse, sacrum nomen in membrana descriptis, eamque sacro vulnere cruri insuisse: sicque egressum è Templo canum latratus elusisse, nam membrana extracta oblitum nomen iterum didicit, & ejus ope tot deinde prodigialis virtutis opera edidit.

LVII. Verum contra primum impudentissimum mendacium excandet S. Augustinus lib. 1. de consensu Evangelistarum, cap. 9. & c., illudque refellit primò, quia vel liber iste continens magica, quo Christus utebatur, adhuc extat, vel deperit. Si deperit, unde probant aliquando fuisse, & Christum eo usum? Si adhuc extat, cur qui ipsum legere possunt, eadem, quæ ipse, miracula patrare non possunt? Secundò si beneficio illius libri tanta, & vivus, & etiam mortuus operatus est Jesus, potuit ne ejusdem ope, antequam natus esset, efficere, ut sancti Prophetæ divino Spiritu afflati de se ea prædicarent, quæ opere deinde completa sunt? Tertiò: quomodo magicis artibus tribui possunt opera Jesu, quæ pro siue habebant Dæmonis, ac Idolorum cultum evertere, ac pessumdare; homines ab omni actorum, verborum, ac cogitationum pravitate revocare, ad quæ omnia magicæ artis auctor Dæmon impellit? Quartò, si Jesu doctrina & ars magica erat, cur docet nos Lucas Act. 19. 19. ad Pauli prædicationem:

Om-

Omnes, qui fuerant curiosa (i. magica) sectati, contulisse libros: & combussisse coram omnibus? Debuissent eos retinere Ephesii tali studio dediti, non autem illos tradere absumendos. Demùm se ipsam prodit calumnia; quomodo enim dicit, librum illum magicum, quo Jesus ad mira operanda utebatur, fuisse inscriptum Petro & Paulo? An fortè Jesu familiaris fuit Paulus, & non paulo post Jesu mortem ad Christi fidem transiit, cujus vivente Jesu fuerat contumax persecutor?

LVIII. Ad secundum verò mendacium. Placet imprimis hæc Judæorum confessio, nimirum non præstigiis, aut incantationibus, aut Dæmonum ope, sed divini nominis virtute atque invocatione miracula patrassè. Verum & quem narrationis hujus testem dabunt? Quis lapidis hujus, & descripti in eo divini nominis auctor? Quis canum latrantium? An testes dabunt libros sacros? An Josephum, qui Templum, & quidquid in Templo memoratu dignum erat, accuratè recensuit? Minimè sanè. Quæso, cur Salomon, aut quicumque rei artifex fuit, arte ipsa sua usus non est, & miracula non patravit & ipse? Cur sapientes ipsi canum æneorum fabricatores virtute illa, edendis miraculis idonea, in gentis suæ salutem, Urbisque, ac Templi tutelam usi non sunt? Helenam illam Adiabænorum Reginam vixisse non nego, eam suscepta religione Judæorum Hierosolymam venisse, ibique beneficentiæ suæ perpetuam memoriam reliquisse, non diffiteor. Sed cùm hæc evenerint post Agrippæ obitum, & fortè Claudio imperante, quomodo absque summa ignorantia historiæ facient temporibus hujus Helenæ æqualem Jesum? Idcirco R. Azarias in *Moe. Brattm* ut Tolæmensem Rabbīnorum ignorantiam hanc fabulam rejicit, & R. Abrahamus in veteri Nitzachon docebat, Jesum non vi nominis hujus patrassè miracula, sed magica arte, quam in Ægypto didicerat. Quis autem ad hæc deliramenta non rideat.

LIX. Alia asseruntur ab Ethnicis, aut impiis edita prodigia; quibus Christi miracula enervare quidam conati sunt, ut de Vespasiano, qui cæcum sanasse perhibetur de Apollonio Thianzo, de Hadriano, à quibus mira patrata recenserī solent, sed quia hæc retulimus, ac rejecimus supra cap. 4. de Idololatria §. 10. n. 40., ideo ad ibi dicta studiosum remitto.

LX. Superest rejiciendum, quod ajunt: Christum re ipsa illa miracula non fecisse, quæ Evangelistæ narrant, sed ejus discipulos ad sui magistri commendationem ea finxisse, & litteris vulgavisse.

Ad hanc putidam imposturam dissipandam aliqua diximus cap. 9. §. 4., modò addam, id omnino incredibile esse. Primò, quia

quia simili audacia dici posset, nec etiam Moſen patraſſe miracula, quæ ipſe narrat in Exodo, ſed ab ipſo eſſe conſicta, nec Alexandrum extitiſſe, omniaque in hitoriis, ſive ſacris, ſive prophanis contenta ſuppoſita eſſe, & non vera. Secundò quomodo Apoſtoli viri probi, ac ſimplices poterant commiſci miracula, ut probarent Jeſum eſſe Deum, quem homines ſcirent? Apoſtoli, inquam, Moſaica legis lacte imbuti, quam à Deo latam ſciebant, hæc fingere poterant, ex quibus ſciebant, eam fore abrogandam; maxime cum hinc nihil honoris, aut emolumenti ſperare poſſent, ſed timere potiùs poenas ac ſupplicia, quæ Jeſus eorum Magiſter, & ob id, paſſus erat? Tertio ſi Evangelix, qui Jeſu miracula narrant, referunt etiam ejus ignominias, cur infideles in iſtis eos dignos fide credunt, in illis verò impoſtores volunt? Si in gratiam ſui Magiſtri illa ſcripſiſſent, ſtultè nimis, ac ineptè illa jaſtaſſent, quæ multis ignominioſa, & dura viſa ſunt, adeo ut multi ſibi perſuadere non potuerint, eum, qui talia paſſus eſt, fuiſſe Deum. Hæc ex Chryſoſtomo Orat. quod Chriſtus ſit Deus.

LXI. Quartò Apoſtoli & Evangelix enarrant hæc miracula, non ut clanculum & ſemotis arbitris facta, ſed ut edita in mediis Hieroſolymis, & teſte populi multitudine; cæcus enim natus, oculis luto linitis, juſtus eſt per mediam civitatem ire ad Natatoria Siloe ad abluendos oculos, ut in longa via quamplurimos & cæcitatibus, & curationis ſuæ teſtes colligeret. Lazari reſurrectionem coram multis operatus eſt, coram iis præſertim, qui à Hieruſalem venerant in Bethaniam, ut Mariam, & Martham conſolarentur ſuper morte fratris, quorum aliqui propterea crediderunt in eum, alii verò abeuntes ad Phariſæos narraverunt eis miraculum, ob quod ſtatim coegerunt Concilium contra Jeſum dicentes, quid facimus, quia hic homo multa ſigna facit? Hydopicum inſuper coram Legis-peritis & Phariſæis, Paralyticum Probatice Piſcinæ coram innumera languentium multitudine ſanaſſe, panes & piſces coram multis hominum millibus multiplicaffe narrant. Aut ergò verum erat, quod narrabant, aut falſum, & ab eis conſictum; ſi verum: Ergò Jeſus, qui ea ediderat in confirmationem ſuæ divinitatis, verus erat Deus. Si falſa: cur ea non ſolùm ſcribentibus, ſed etiam prædicantibus Apoſtolis, nullus fuit ex Judæis, qui detegeret mendacium; præſertim Scribis, Phariſæis, atque Sacerdotibus, omnem viam tentantibus, ut Jeſum à ſe occiſum omni fide ac honore ſpoliarent; nullus præſto fuit adducendo teſtes, qui contrarium aſſerent, atque Apoſtolos proderet ut mendaces: imò potiùs multi iis

auditis crederent, & Jesu nomen darent, ut legitur Act. 2. v. 22. & 42. adeo ut Actorum 4. 2. ad secundam Petri concionem quinque millia conversi sint? Quis enim crederet, si hac in civitate esset quis novam doctrinam prædicans, eamque asserens miraculis confirmatam, populum, & maximè viros doctos, ei assensuros, nisi eis de veritate talium miraculorum apertè constaret?

CAPUT XI.

De Veritate Religionis Christianæ.

Veritas Religionis Christianæ ex hæcenus dictis se ipsam prodit; cum enim sit evidens, dari aliquod supremum ac verum Numen, seu Deum, qui supremam hominum, quos creavit, curam habeat, & velit ab ipsis amari, & religiosè coli; evidens est, dari aliquam veram Religionem, seu aliquem cœtum hominum, qui verè religiosè eum colat: cumque evidens etiam sit, hoc supremum, ac verum Numen esse unum; evidens etiam est, Religionem veram esse illam, quæ Deum, unum veneratur & colit, & consequenter religionem Paganicam colentem plures Deos non esse veram. Cum autem inter Religiones, quæ profitentur, se colere unum Deum hisce temporibus, tres præcipuæ enumerentur, nimirum Judaica, Mahometana, & Christiana, & ex supradictis constet, Judaicam non esse amplius veram religionem, licet aliquando fuerit vera: Mahometanam autem nec esse veram, nec unquam fuisse, sequitur à sufficienti divisione, Religionem veram, colentem verum Deum cultu debito, & ab ipso vero Deo præscripto, esse solam religionem Christianam.

Probari secundò potest hoc ratiocinio: Cum tota lex vetus, & religio Judaica ordinata sit ad Messiam veluti ad finem, illa religio censenda est vera, quæ ipsum Messiam auctorem habet; atqui religio Christiana auctorem suum habet Messiam, nimirum Jesum Nazarenum, quem Messiam fuisse in Lege Veteri prænunciatum, & in eo complementum habuisse omnia, quæ de Messia prædicta fuerant, & insuper Jesum Nazarenum fuisse non purum hominem, sed verum Deum filium Dei, supra ostensum est: ergò religio Christiana vera est.

Verùm ut hæc veritas in tota sua luce statuatur, exponemus successivè momenta ulteriora, quibus maximè confirmatur.

§. I.

Prima Ratio ex præstantia ejus Auctoris.

I. **V**eram, imò & omnium præstantissimam esse religionem Christianam demonstrat præstantia Jesu Nazareni ejusdem auctoris. Ut enim hic supersedeam ab ejus Divinitate, demonstrabo, eum super omnes Religionum auctores, sive promulgatores fuisse præstantissimum. Ante Christum quotquot famam sapientum habuere, aut circa veritatis indaginem caligaverunt, aut aliquo vitio laboraverunt. Græcæ sapientiæ auctores, nihil fermè certi sese adferre, ultrò fatebantur: veritatem in puteo demersam ajebat Democritus: mentem nostram caligare ad divina, ut noctuam ad lumen solis, effatum est Aristotelis lib. 2. Metaph. cap. 1. & si qui eorum *Deum cognoverunt, non sicut Deum glorificaverunt* (ait Paulus Rom. 1. 22. 23.) *sed evanuerunt in cogitationibus suis, & obscuratum est insipiens cor eorum. Dicentes enim, se esse sapientes, stulti facti sunt.* Ipsorum proindè nemo non aliquo vitio obstitit. Maximo consensu omnium laudatur Socrates; at ejus summam iracundiam, qua in dictis & factis sese accendit, ante oculos nobis Porphyrii verbis ponit Cyrillus lib. 6. adversus Julianum. Alii Regum adulatores, ut Plato & Aristippus. Alii scortorum amoribus fœdi; masculorum Zeno, Stoicæ scholæ Princeps; fœminarum prope omnes, Plato, Aristoteles, Epicurus, Aristippus, Athenæo lib. 3. & 13. Laertio & Lactantio testibus. Alii canina impudentia obscœni dicti, proindè Cynici. Invidiæ verò omnium inter se magnum argumentum sunt rixæ de verbis, aut nullius momenti rebus, quas legere est apud Clement. Stromat. lib. 5., Eusebium Præparat. Evang. in lib. 15. in fine, & Theodoretum sermone secundo.

II. In Dei verò cultu adedò frigidi, ut & qui Deum unum crediderunt, tamen illo seposito, aliis, & quidem quos Deos non credebant, cultum exhibuerint; religionis normam statuentes omne id, quod publicè receptum esset. Quare Xenophon Memorabilem lib. 5. recitat Oraculum, quo jubentur Dii coli ex lege cujusque civitatis; & de Seneca scribit S. Augustinus lib. de Civit. Dei cap. 10. quia illustri populi Romani Senator erat: *Colerat quod repræhendebat, agebat quod arguebat, quod culpabat adorabat.* Ut enim Plato dixit in Timæo, & alibi, & Porphyrius apud Eusebium Præparat. Evang. lib. 4. cap. 8. periculo non caret vera de Religione apud vulgus disserere, quod periculum latina,

græca, barbaraque Philosophia pluris fecit, quam veri sinceram confessionem; quod vel unum sufficeret, ne quis tales viros sibi per omnia sequendos putaret, quod in Platone observat Justinus Martyr Parænesi ad Græcos. De præmio quoque pietatis nihil adseverabant certi. Omisissis namque Sadducæis, qui spem omnem de bonis post hanc vitam adipiscendis projiciebant; apud Græcos, qui de vita post hujus conspicuæ vitæ interitum spem aliquam habebant, mirum quàm hæsitanter ea de re loquerentur. Socrates apud Platonem in Phædone: *Hoc (inquit) scitis, venturum me ad viros bonos, quod tamen non nimium affirmaverim.* Et postea: *Si enim vera sunt quæ dico, pulchrum est ea credere. Si verò mortuo nihil superest, hoc tamen tempore, quod mortem antecedit, minus torquebor præsentibus: hic autem meus error non manebit (id enim malum foret) sed paulo post interibit.* Unde Tertullianus de anima ait, omnem Socratis sapientiam venisse de industria consultæ æquanimitatis, non de fiducia compertæ veritatis. Eadem fluctuatione agitabatur Tullius Tuscularian. 1., & Seneca, qui epist. 64. *Et sortiasse (inquit) simodo sapientum vera fama est, recipitque nos locus aliquis, quem putamus periisse, præmissus est.* Alii videri possunt apud Justinum Dialogo cum Triphone, ubi deprehenduntur Sapientiores de statu post hanc vitam hæsitantes, adeò ut cum de hac re argumenta conquirerent, nihil ferè adseverabant certi. Quod cum alii animadvertent, nihil scilicet ab iis adferri de homine, quod de bestiis procedere non posset, commenti sunt transitum animarum de hominibus in bestias, & de bestiis in homines, ut Brachmanes olim, & modò, ex quibus Pythagoras, & ejus Schola. Quia tamen hoc nullis certis testimoniis, aut momentis nitebatur, eo perducti sunt alii, ut dicerent virtutem sibi esse præmium, & satis beatum esse sapientem etiam in Phalaridis tauro; contra quos Cicero Tuscularian. 2., Lactantius lib. 3. instit. cap. 27., & D. Augustinus epist. 52. Verùm quia multis visa est felicitas solius nominis: ac virtutem, quoniam in perferendis malis tota vis ejus est, non posse per se ipsam esse beatam, ut ait Lactantius lib. 3. cap. 12. advertens ex Seneca, quod cum virtus quæretur propter vitam beatam, non poterit virtus esse ipsa beatitudo, sed medium ad beatitudinem habendam; idcirco placuit beatitudinem ponere in fruitione earum rerum, quarum voluptas sensibus perciperetur. Ita Epicurei ex Augustino serm. 150. & Aristippus Cyrenæus, qui teste Eusebio lib. 1. præparat. Evang. cap. 8. bonorum finem in voluptate constituit. Verùm hæc insania reprobata merito est, ut quæ honestum omne, cujus semina quædam

in

in animo condita habemus, exstingueret, hominemque ad sublimia erectum deiceret in censum pecudum, quæ pronæ nihil nisi terrestre respiciunt. In tantis dubitationibus fluctuabat genus humanum ante Jesum, in iis etiam, à quibus ceteri veluti à sapientioribus normam religionis accipiebant.

III. Mahumetes, qui Jesu sectam suam opposuit, qualis fuerit jam demonstravimus. Ipse quidem unum Deum colendum esse admisit, attamen projectus totus ad libidinem, quod nec à suis quidem negatur, in ea, & epulis præmium proposuit sectatoribus suis. Hoc verò præmium revera extitutum, nullam dedit fidem, cum ejus corpus ad vitam nondum redierit, imo in hunc diem jaceat in sepulchro.

IV. Moses Hebrææ legis auctor vir quidem eximius fuit, Deique legatus ad Regem Ægypti, & Internuncius ad populum Israeliticum, cui Deus loquebatur *facie ad faciem, sicut solet loqui homo ad amicum suum* Exod. 33. 11. non tamen omnis culpæ expertus fuit. Legationem ad Regem Ægypti sibi à Deo demandatam multo cum renisu vix suscepit Exodi 4. v. 2. 19. 73. 14. Ad promissionem Dei de aqua è rupe excitanda diffidentiae non nihil ostendit Num. 20. 12. Eorum verò, quæ per legem suis promittit, præmiorum vix quicquam ipse consecutus est: promissit uberem ac felicem mansionem in terra Chanaan, & tamen ipse jactatus continuis seditionibus in deserto Exod. 22. Num. 11. 12. 14. 16. 20. 25. festus tandem 40. annorum itinere nec pedem ponere in terram illam felicem ei concessum est. Numer. 20. v. 12. Deuteron. 34. 4.

V. At Jesus Nazarenus unius ac veri Dei cultum mirifice extulit, de ipso altè disserens, ejusque cognitionem velut in meridie posuit. Veram finis & præmii notitiam intulit, promittens sectatoribus suis post hanc vitam aliam felicem ac æternam, summo gaudio refertam, non soli animæ (de qua speranda aliqua vel conjectura extabat, vel Traditio) verum etiam corpori (quod plerisque impossibile videbatur) & id quidem iustissime, quia corpori, quod ob legem divinam incommoda, cruciatus, ac mortem sæpe patitur, deesse sua merces non debuerat. Gaudia verò, quæ Jesus promittit in alia vita, non vilia sunt, qualia sperant Judæi crassiores, ut epulæ; nec concubitus, quos sibi promittunt Mahumetistæ, ut in Alcorano Azoara 2. 5. 47. 54. 65. 66.; sed in corporibus vigor perpetuus, ceteræque corporis gloriosi prærogativæ, inter quas immortalitas; in animabus verò perpetua visio Dei, ac fruitio summi boni, extra quod nil superfit desiderandum.

VI. In

VI. In se ipso autem omnis criminis expers fuit Jesus, quod non solum ex libris Christianorum colligitur Joann. c.8. 46. c.10.32.2. Cor.5.21. 1. Petri 2.22. Hebr. 4.15.3 verum & pietas ejus Oraculis apud Gentes auctoritatem habentibus commendatur, ut videre est apud Augustinum lib.10. de Civit. Dei cap.27., & lib.19 cap.23., imo nec à suis hostibus aliquo crimine notatur, ut observat Origenes lib.3. contra Celsum. Non solum sancta sunt, quæ præscripsit, sed quidquid præscripsit aliis, id præstitit ipse. *Qui fecerit, & docuerit, erit magnus &c.* ajebat aliis Matthæi 5.19. *Cæpi Jesus facere, & docere* scribit Lucas Actor. 1.1. Hinc Lactantius in fine lib.7. Institut: *Nec monstravit tantum* (inquit) *sed etiam præcessit, ne quis difficultatis gratia iter virtutis horreret.* Insuper quæ sibi à Deo mandata erant, implevit fideliter, factus ei obediens usque ad mortem, injuriarum, & cruciatuum patientissimus, quod in sui passione, quamvis acerbissima, & in ipso crucis supplicio demonstravit. Amantissimus hominum etiam inimicorum, eorum, inquam, à quibus in crucem actus fuerat, ita ut pro iis etiam ad Deum deprecaretur Lucæ 23. 34.

VII. Quod autem suis promisit præmium, ejus ipsum compotem factum excellentissimo modo, & perhibetur, & certa fide comprobatur. Resurrectionem promisit: ipsum ad vitam redditum, ut supra ostendimus, viderunt multi, audierunt, palparunt etiam Joann.20.21.28.29. Matth.28. Marc.16. Lucæ 24. Cælum quod suis promiserat, ipse ingressus est, spectantibus undecim. Marci 16. 19. Lucæ 24.51.52. Actor. 1.9. &c. Supremam in cælis cum habuisse potestatem, ostendunt ea, quæ suis inde largitus est, nimirum linguarum, quas non didicerant, loquelam Actorum 2.3.4. c.10.46. c.19.6. &c. aliaque mirifica dona ita, ut se facturum discedens promiserat Joann.14.12. c.17.28. Marci 16.17. Cujus rei veritatem ostendunt & Justinus cum Triphone disputans, & Irenæus lib.2., Tertullianus in Apologetico, Origenes, lib.3. contra Celsum, Lactantius, alique. Similem ergo proferant ceterarum religionum sectatores, qui talis fuerit in doctrina, in moribus, in vita, quique ea, quæ promiserat tam exactè, ac fidelitè impleverit. Cum ergo id proferre non valeant, fateantur oportet, unicam religionem Christianam, ratione sui Auctoris, præstare supra ceteras, ac proinde ex hoc motivo veram esse, falsasque ceteras, quæ illi contradicunt.

§. II.

Secunda Ratio ex præstantia, & sanctitate Doctrinæ.

VIII. **R**eligionem Christianam esse veram, ejus doctrinæ sanctitas, tum circa Deum, tum circa proximum, tum circa alia, apertissimè demonstrat. Si respicimus Pagano- rum sacra, hæc fermè per totum orbem terrarum (Porphyrio teste de abstinentia ab esu animalium, ex quo multa sumsit Cy- rillus lib. 4. contra Julianum, & nostri seculi etiam navigationes docent) plena intuebimur crudelitate; receptum enim ferè ubi- que, ut & humano sanguine Dii placarentur, quem morem nec Græca sapientia, nec Romanæ leges sustulere: humanarum vi- ciarum meminit inter ceteros Clemens Alexandr. admonit. ad Gentes pag. 27., nosque supra aliqua tetigimus: huncque suum morem antiquum fuisse apud Italos, docet nos Halicar- nasæus lib. 1., ac usque ad suam ætatem mansisse, scribit Pli- nius lib. 28. c. 1. imò usque ad Justinì, & Tatiani tempora; Justì- nus enim sic Romanos alloquitur Apolog. 1. *Ut ei, quod vos co- litis, Idolo, cui non tantum ratione carentium animantium sanguis adspersitur, sed & humanus, nobilissimo atque illustrissimo vestrum, occisorum hominum affundente sanguinem.* Tatianus verò: *Cum compererim apud Romanos Latialem Jovem humano cruore, & per homicidium fuso sanguine delectari.* Videatur Lactantius lib. 1. instit. c. 21.

IX. Quæ autem humano sanguine non foedabantur, plenissi- ma fuere omnis obscœnitatis: talia erant mysteria Cereris, & Li- beri Patris; quod apparuit, postquam perrupta arcani religionis evulgari cœperunt. Id latè exsequuntur Clemens admonit. ad Gentes, & inter alios Arnobius. Dies verò illi, qui Deorum honori sacri erant, talibus spectaculis celebrabantur, ut eis inte- resse Catonem puduerit, testibus Martiale Epigramm. 1., & Va- ler. maximo lib. 2. cap. 10., nosque etiam supra aliqua diximus.

X. Judaica verò religio, licet nihil haberet illicitum, aut inhonestum, utpotè à Deo; populum tamen illum multis onera- bat præceptis circa res, quæ per se nec bonitatis, nec malitiæ quidquam haberent, & hoc ut prouus ad Idololatriam populus is intra veram religionem contineretur: hanc causam reddit Maimonides. Hujusmodi erant pecudum mactationes, circum- cissio, quies perfecta Sabbati, ciborum aliquorum perpetua in- terdictio (quorum nonnulla Mahumetani mutuati sunt, addita

vivi

vini prohibitionem); hæc autem omnia, & alia multa etiam exactè observata, ad perfectum homines non adducebant, nec veram justitiam dabant coram Deo.

XI. At religio Christiana Deum mentem purissimam pure mente colendum docet, iisque operibus, quæ suapte natura etiam citra præceptum honestissima sunt. Sic non carnem vult circumcidi, sed cupiditates Rom. 2. 28. 29. Philipp. 4. 8. non pecudum mactationes, & sanguinem Deo sacrare, sed sanguinem filii Dei, pro nostra salute semel oblatum, continuò præsentare Deo Hebr. 9. 13. 14.; & si opus fuerit vices ei rependere, nimirum pro veritate ejus testanda nostrum offerre sanguinem 1. Cor. 10. 16. Hebr. 124. 1. Petri 2. 21. De bonis nostris egentibus dare, Deo data credere; ab ipso remunerationem expectantes. Non certis ciborum generibus quasi immundis perpetuò abstinere, sed omnibus indifferenter cum sobrietate uti: parati tamen interdum & jejuniis, & certorum ciborum abstinentia, cum nobis præceptum fuerit, corpus mortificare, ac subigere, ut alacrius serviat spiritui Matth. 6. 18. c. 17. 21. 1. Cor. 7. 5. Præcipua vero Religionis pars ubique ostenditur posita in Fide, ut in fundamento, ex qua nascitur Spes, inde Caritas, & verus Dei amor & proximi, in quibus tota Lex pendet & Propheta Matth. 22. 40., & sit, ut præceptis Dei pareamus, non serviliter formidine poenæ Rom. 8. 15., sed ut ipsi placeamus Hebr. 12. 28., ipsumque habeamus pro sua bonitate Patrem, quin imo remuneratorem Colossi. 3. 24. 2. Tessalon. 1. 6.: quo fit, ut præcepta ejus dignissima sint, & naturæ nostræ ita convenient, ut meliora, aut æquè convenientia nemo comminisci possit. Quare & grati animi causa, & quod optima ac præstantissima sint ejus præcepta, ei nos parere decet; quamvis nullæ essent poenæ luctuæ non parentibus; præter ipsius facti turpitudinem; quod est Deo parere sicut filios Patri, non sicut servos Domino. Precari verò jubemur, non ut divitias, honores, & quæ alias multum optata plurimis male cesserunt, sed primo quidem, ut ea fiant, quæ Deo sunt gloriosa; de caducis autem non multum solliciti, curam Divinæ Providentiæ permittentes; ea verò, quæ ad æterna ducunt, omni studio petere, nimirum peccatorum retrò commissorum veniam, imposterum auxilium gratiæ contra hostis communis illecebras, seu minas, tandem æternam vitam. Ita Jesus docuit Matth. 6. 19. &c.

XII. Nec minus sancta ea sunt præcepta, quibus dirigimur ad proximum: hunc enim nedum diligere tenemur, ut olim, quando amicus est, sed quando nobis est insensus ac inimicus;

Mit-

Mitto Paganos, quibus in bellis, ac hostium fragibus non vivere religio erat; unde Laconum instituta, oraculo Apollinis laudata, tota ad vim bellandi directæ erant, (quod Aristoteles ipse Polit. 7. c. 14. censura dignum notavit.) Et Romani occisarum gentium cædes, velut gloriosum facius, triumpho ostentabant, quorum Respublica tantum nomen consecuta est, bellis sæpe manifeste iniustis, ut de bello in Sardiniam, & Cyprum testatur Polybius l. 3. hist., Florus lib. 3. c. 9., Appianus 2. Civilium, Dion l. 38. &c. Ultionis postea exactionem Aristoteles lib. de moribus ad Nicomachum 4. c. 2., & Cicero de Inventionem l. 2. in virtutis parte collocant. Adeo necibus delectabantur, ut Gladiatorum mutæ dilaniationes essent oblectamenta publica Paganorum, teste Lactantio lib. 2. inst. c. 17., & Tertulliano de spectaculis c. 19. Præterea etiam Mahumetanos, quorum religio in armis nata, nihil spirat, nisi arma, armisque propagatur, ut supra vidimus. Sisto in Hebræis, quibus lex quidem melior, sanctiorque disciplina, attamen septem populorum internecione sedem suam stabilivit in terra Chanaam, ut legitur Exod. 34. 11. 12., & Deuteron. 7. 1. 2., nec contentus, impotentis iræ populus, omnes a se dissidentes odio crudeli est persecutus, quod cum modò alia via ii non possint, saltem voto ac desiderio, in eorum precibus adversus Christianos præstant, quibus omnia mala usque ad exitium imprecantur, ut constat ex libello precum Venetiis edito fol. 8. & Maimonide ad 13. articulos, ubi perdendos ait, qui eis non credunt. Similia sunt R. Isæci in Bereschit Rabba, & Thalmud in Baba Kama, & Baba Bathra. Quare ad frænandum vindictæ furorem permisit Deus talionis iudicium, quo vices rependere possent pro offensa, & homicidam propinqui sui propria manu occidere lege ipsa permittebantur. Levit. 24. 20. Deuter. 19. 21.

XIII. At religio Christiana nedum in armis, ac hostium suorum frage vim non ponit, sed etsi lacerata prohibet, injuriam sive verbis, sive rebus factam, ulcisci Matth. 5. 38. 44.; imò potius mandat, inimicos diligere, beneficii bonis quidem præcipue & nos diligentibus, sed etiam malis, qui nos oderunt, ad Dei exemplum, a quo sol, astra, alimenta communia in omnes descendunt, quique *Solem suum oriri facit super bonos, & malos* Matt. 5. 45.

XIV. Sancta quoque est lex Christiana circa conjunctionem maris & foeminæ, qua genus humanum propagatur. Hanc non mirum si neglectam habuerint Pagani, qui in suis Diis colebant stupra & adulteria, ut supra recensuimus, imò, quod horreo

dicere, concubitus masculorum dignos divinitate censuere, ut in Ganymede, & Antinoo: quæ referunt Justinus Apologet. 2., Clemens in Protreptico, Origenes l. 3. & 8. contra Celsum, Euseb. hist. l. 4. c. 8. & c. Hoc flagitium apud Mahumetistas frequens, apud Sinas, & alios, ut licitum habetur; Græci autem sapientes conati sunt rei turpi honestum nomen imponere. Vident Nazianzenus orat. 3. contra Julianum, Cyrillus l. 6. contra eundem, Theodoretus l. 13. ad Græcos, & Philo l. de vita contemplativa, loquens de Platone, cui cæteroquin plurimum favit, ait: *Platonicum autem convivium totum ferè in amoribus consumitur, non virorum modo in mulieres, mulierum in viros insanientium; tales enim cupiditates lege natura explentur; sed virorum in sexus eisdem sola ætate dispares: nam siquid ibi de Venere, & amore cælesti speciose dici auditur, id honesti obtentus causa assumitur.* Inter eosdem Græciæ Philosophos, qui præstantissimi videbantur, communione mulierum laudata, ex rebus publicis lupanaria fecere, ut Plato de republica 4. Cùm vero inter mutantia species sit aliqualis conjugii, ut de palumbis ait Plinius l. 10. c. 33., & Porphyrius de non esu animantium; quanto magis decens est, inter homines, ut non incerto semine nascantur, sed certos habeant parentes, qui affectibus perpetuò conjuncti ejus educationi incumbant.

XV. Lex hebræa omnem quidem spurcitiam vetat, sed & plures uni concedit uxores Deuter. 17. v. 16. 17., & 21. art. 15. 2. reg. 12. 8. Sic legem intelligunt Hebræi. Unde Josephus Antiquit. l. 17. c. 1. *Mos enim, inquit, nobis est patrius plures simul uxores habere.* Idem testatur Chrysostomus homil. 56. in Genes., & homil. 26. in c. 11. 1. ad Cor. Idem Augustinus l. 3. de doctrina Christi. c. 12. Insuper marito dimittendæ uxoris ob quasvis causas jus facit Deuter. 24. 1. 2. 3. 4. Levit. 2. 4. Hoc & hodie usurpant Mahumetani, ut vidimus, & olim Græci, ac Latini tanta licentia, ut & uxores ad tempus utendas aliis darent. Vide Herodotum l. 6., & Plutarchum de Lycurgo, & Catone Uticense.

XVI. Verùm Christi lex omnia hæc intemperioris libidinis licentias sustulit, & ad ipsas penetrans vitiorum radices, reum habet & eum, qui attentaverit mulieris cujuspiam pudicitiam, vel oculis aut corde libaverit, Matth. c. 5. 28. Conjugia prorsus insolubilia mandat Matth. 3. 32., Marci 10. 11., Lucæ 16. 18., 1. Cor. 7. 10., hoc enim veram amicitiam fovet, quæ perpetua esse debet, ac insolubilis; & rectæ liberorum educationi est utilius. Unam tantum suis permittit uxorem 1. Cor. 7. 4., & La-

& Lactantius l. 6. Inst. c. 23., & Hieronymus adversus Oceanum ut scilicet animus ab uxore in solidum marito datus æquali retributione pensetur: *Apud eos enim* (ait Sallustius de bell. Jugurt.) *qui plures uxores habent, levis ista ducitur necessitudo, quod animus multitudine distractus nullam pro socia obtinet, omnes viles habet,* & Ammianus de Persis lib. 23. *per libidines varias caritas dispersa torpescit:* & ut rectius procedat sub una præside domesticum regimen, nec diversæ matres discordiam liberis inspirent; quod in iis, qui plures habuere uxores, sæpius accidisse, Scriptura ipsa testatur.

XVII. Si verò bona alia spectemus, quæ vulgò externa dicuntur, non minus in iis sanctitas Christianæ Religionis apparebit. Furta a Paganis quibusdam permixta videntur, ut Ægyptiis, teste Diodoro Siculo histor. l. 1., & Spartiatis, Plutarcho asserente in Lycurgo. Quibus autem furta privata interdicebantur, publica adedò erant in usu, ut de Romanis dixerit Cicero, ipsos ad casas reducendos fore, si suum cuique reddere deberent. Hoc etiam Lactantius in Epitome Institut. c. 1. his verbis. *Quod si omnes populi, penes quos sit imperium, ipsique Romani, qui orbem totum possidere, justitiam sequi velint, ac suum cuique restituere quod vi, & armis occupaverunt, ad casas & egestatem revertentur, quod & de Turcis, & Mahumetanis nostro ævo repetere possumus.*

Hebræis verò nihil quidem tale; quod armis occuparunt, id Deo volente, ac concedente fecerunt. Attamen fœnerari in extraneos ipsis permixtum erat Deuteron. 23. 19., lege eorum ingenio sese aptante, quæ etiam illis nil aliud clare, quam divitias, ac temporalia bona pollicebatur (Levit. 26. 5. Deuteron. 28. 4. 5. 6. 7. 8. 11. 12.) genti in iis unice occupatæ, nec ita facile ad superiora bona asurgere valenti.

XVIII. Christiana autem Lex non modò omne injustitiæ genus cuivis, & in quovis prohibet (Matth. 6. 12, Ephes. 5. 3.) sed & vetat, studium rebus illis caducis impendere Matth. 6. 24. &c. c. 13. 22. Lucæ. 8. 14. 1. Timoth. 6. 9. quia sollicitudo nimia servitutem quandam, & cruciatum secum fert. Matth. 6. 34. Philipp. 4. 6. Facultates quidem ac divitias indulget, sed non ita, ut in illis spes ponatur 1. Timoth. 6. 17. & qui utuntur hoc mundo, sint tanquam non utentes 1. Cor. 7. 31. Quæ autem nobis superflua sunt, non in mare projicere jubemur, ut inter Philosophos imprudenter egit Aristippus, teste Laertio, & affirmante Philostrato etiam Crates: neque detinere, quod nobis est inutile, neque prodigere, sed inde aliorum inopiæ subvenire,

sive gratiose largiendo Matth. 5. 42., sive mutuum dando id rogantibus Matth. ibidem, *nihil inde sperantes* Lucæ 6. 35., ut decet eos, qui se non dominos harum rerum, sed Dei procuratores habent, ac dispensatores 1. Timoth. 6. 17. 18. Thesaurizantes nobis thesaurum non in terra, sed in Cœlo Matth. 6. 20., ubi centuplum quisque accipiet, & vitam æternam possidebit Matth. 16. 20. Hujus admirabili exemplo prævivere nobis Christianorum primi, cum usque ex Macedonia & Achaja (teste Paulo Rom. 15. 25. 26. &c., 2. Cor. 9. 1. 2. 3., Philipp. 4. 18.) ea mitterentur, quæ Palæstinorum egestatem supplerent, eòsque procedentibus aliis, ut ea, quæ habebant, ut communia omnia reputarent Act. 4. 32. 34., & ponerent ante pedes Apostolorum, ut dividerentur singulis, prout cuique opus erat, Act. 4. 35., ac si Christianorum omnium esset una familia. Atque in Christi lege hæc quoque additur cautio, ne qua recompensationis, aut honoris spes beneficentiam defloret, cujus apud Deum perit gratia, si aliud præter Deum respiciat Matth. 6. 1. 2., Lucæ 14. 12. Ne autem quis tenacitati suæ obtendat velum, quasi metuat, ne temporis tractu aliquid sit ei defuturum, promittit lex curam specialem pro talia præcepta servantibus Matth. 6. 32., Lucæ c. 12. 7., & c. 21. 18., opponens ei, qui fortè minus confideret (ibid. v. 26. 28.) conspicuam Dei providentiam in alendis feris, ac pecudibus, & in omnibus herbis, ac floribus &c. Hæc aliaque similia, quæ prætereo, quis non videat, evidenter ostendere Christianæ Religionis sanctitatem, atque præstantiam supra ceteras?

§. III.

Solutio quarundam objectionum.

XIX. **S**anctitatem Christianæ Religionis obscurare contendunt Hebræi primò, quod Christiani, colentes tres Divinas Personas, plures Deos æque ac Ethnici colant.

Sed hoc nil aliud est, quam falsa imaginatio ex odio Christiani dogmatis concepta. Quod Ethnicos tangit jam diximus supra c. 4. §. 11. Quod verò tangit Judæos: quæro ab ipsis: cur id nobis magis objiciant, quam Philoni Judæo? Is enim lib. de Cherubin. pag. 112. ponit in uno summo Deo, tanquam duas supremas potestates, *Bonitatem, & Potentiam; tertium verò medium sermonem, sive rationem* lib. de sacrificiis Abelis, & Caini pag. 139. In Deo recognoscit duas supremas potentias, *principatum seu imperium, & bonitatem*, inter quas *medius est ipse unus Deus,*

Deus, has dicit esse incircumscribas: *incircumscribus enim Deus, & incircumscriba ejus potentia*, dicit esse mysteria, *quæ ut divina nemini homo proloquatur facile, sed servans ea recondita, & tenens silentium, fruatur eis in abscondito*, Lib. insuper 2. de agricultura, seu de plantatione Noë pag. 226. distinguit in Deo qui est, Dominum, & Deum; dicens *Qui est indicat potentias, Dominus eam, qua imperat, Deus eam, qua est beneficus*. Loquens autem de Divino Verbo l. de mundi opificio pag. 4. dicit, quod sicut Civitas ab Architecto præsignata nullum locum habet extra; tantum impressa artificis animo, eodem modo ne ille quidem ex ideis constans mundus alibi locum habere poterat, quam in Dei Verbo, quod adornavit hæc omnia &c., & ibi pag. 6. Ceterum invisibile illud, & intelligibile Divinum Verbum, & Dei Verbum imaginem dicit Dei, & hujus imaginem lucem illam intelligibilem, qua facta est imago Divini Verbi suæ generationis interpretis. Lib. autem quis rerum Divinarum hæres pag. 497. dicit, quod qui aperit singulorum mentes ad percipienda intelligibilia.... Est ille Dei sermo invisibilis sator, & artifex, qui convenienter ad Patrem refertur. De eodem etiam Dei sermone ibid. pag. 509. ait: *Nec ingenuus ut Deus, nec genitus ut nos, sed inter extrema medius, apud utrosque agens obsidem*. En ergo quomodo citatis in locis, & alibi passim Philo in Deo ponit potentiam, bonitatem, ac sermonem, seu imperium, ac bonitatem, quas inter medius ut unus Deus, has dicit incircumscribas, sicut incircumscribus est Deus. Divinum Verbum, seu sermonem dicit esse Dei Verbum, imaginem Dei, factorem, & artificem, qui refertur ad Patrem, nec ingenuum, ut Deus, nec genitum, ut nos. Vel ergo Philo hæc ponendo in Deo, & in Deo adorando, ponit, & adorat plures Deos, vel unum Deum in tribus illis Dei proprietatibus. Si Philo unum Deum non plures ponit, & adorat in Potentia, Sermone, & Bonitate (ut certè dicent Hebræi) quare nos ponentes, & adorantes in Deo personam in Patre, sermonem Dei in Verbo, & bonitatem in Spiritu Sancto, plures ponemus Deos, & adorabimus?

XX. Quæso iterum Hebræos, cur id nobis magis obijciunt, qui ponimus in Deo Patrem, Filium, ac Spiritum Sanctum; quam Joseph Albo, & R. Maimonidi, qui initio libri de fundamentis distinguit in Deo id, quod cognoscit, quo cognoscitur, & cognitionem? Quam Moyse Nehemanni filio, qui, ut refertur apud Massium ad cap. 5. Josue, Angelum missum ad Josue dicit esse Angelum primum Redemptorem, quem vocat Deum faciem Dei, qui Moysi in rubo apparuit, asserens: *At-*
qui

qui facies Dei ipsum significat Deum : quod apud omnes Interpretes est in confesso ? Si nos plures Deos ponimus, cur non & Cabalifæ, qui Deum distinguunt in tria lumina, & quidem nonnulli iisdem, quibus nos, nominibus Patris, Filii, & Spiritus Sancti ? Vide additamenta ad Lexicon Hebraic. Schindleri, & ut id sumam, quod Hebræis maxime commune est, cur dicunt ipsi, Spiritum illum, quo agitati sunt Prophetæ, non esse aliquid creatum, & tamen à mittente ipsum distinguui ? Quid de Spiritu illo, quem dicunt Schechina, quem à Spiritu Sancto distinguunt Gemara Hierosolymitana tit. de documentis cap. 3., & Gemara Babylon. tit. Jona cap. 1. de quo Schechina ait R. Joathan in præfat. Ecka Rabthi, per annos tres & dimidium se tenuisse in Monte Oliveti, expectantem conversionem Judæorum ? Hæc docent Hebræi, & unitatem Dei se non tollere, asseverant : ecquid ergò nobis opponunt, adorantes in Deo Trinitatem Unitatem Dei è medio tollere ?

XXI. Præterea nobis objiciunt, humanam naturam in Jesu à nobis adorari, quod Idololatriæ vitium est.

Sed quid hoc nobis vitio vertunt, cum jam ostenderimus, Jesum fuisse Meslam, & propterea hominem quidem, sed simul Deum ? Sane in Mesla habitaturam vim divinam, quam sapientiam vocant, plures Hebræorum tradidere, inter quos R. Salomon, qui etiam ad Genes. 19. 18. agnoscit, à Deo adsumi posse humanam naturam, quam & olim ad tempus adsumtam putat, cui consentit Thalmud tit. Schebuoth, & Sabbathoth. Unde Chaldæo Paraphraste Meslas *Verbum Dei* dicitur, Verbo autem Dei divinum aliquid in Deo manens significari, ostendimus supra ex Philone, sicut & Meslam augusto illo Dei Namine *Jehovah* appellari, ut Joatham, & David Kimchi ad Jerem. cap. 23. 6. exponunt, quibus consentit R. Abba in Ecka Rabthi in Zahar. 10. 16., & futurum, ut eo tempore Deus digito monstretur, ait Thalmud in Taanth ex Esaia 25. 9. Meslam in super nomine Domini insigniri, i. Adonai, ut ex Psalm. 45. 7. quem psalmum de Mesla loqui fatetur Chaldæus Paraphrastes ibi.

XXII. Quid ergò mirum, si hominem Deum, ac humanam naturam ratione divinitatis, ei tam intimè insidentis ac uivæ, adorent Christiani ? Ad id enim eos invitat Psalmus 2., imò & 109. vel 110., quorum primus in Davide quidem rudi modo impletum, sed præstantissimo modo in Mesla implendum David Kimchi magnus Christianorum adversator, ex sententia majorum suorum, in comment. ejusdem Psalmi non audet diffi-

teri ; imò apertè fatetur Rabbi Saadia . 2. verò Pſalmus non de alio , quam de Meſſia poteſt opponi : nam quæ recentiores Judæi , alii de Abrahamo comminiſcuntur , alii de Davide , alii de Ezechia , frigida ſunt . Pſalmus ille 109. vel 110. Davidis eſt , quod teſtatur Hebraica inſcriptio . Ergò cum ibi David loquatur dictum *Domino ſuo* , id nec Davidi ipſi , nec Ezechia , qui ex poſteris Davidis fuit , nec ulli rei Davide excellentiori aptari poteſt : neque Abrahamo ; in eo enim Sacerdotium nullum fuit ; imò Melchiſedechus ei , tanquam ſe minori , benè precatus eſt Gen. 14. 18. 19. , & Hebr. 7. 1. , & ab eo decimas ſacerdotali jure accepit Genef. ibid. v. 20. Imo id , quod additur in eodem Pſalmo : *Virgam virtutis ſua emittet Dominus ex Sion* , ideſt ſceptrum exiturum ex Sion , & perventurum in oras ultimas , cuinam alteri convenire poteſt , quàm Meſſiæ , ut ex locis ſupra adductis ex Prophetis manifeſtè apparet , & maximè ex Oraculo Jacobæo Gen. 49. 10. ? Cum autem hæc omnia in Jeſu Nazareno impleta ſint , & ipſe ſit Meſſias promiſſus , ut ex jam probatis elucet ; cur nos reprehendunt , ſi Jeſum tanquam Deum adoramus , ejuſque humanitati ſubſternimur ? Non enim hoc ad imminutionem Dei Patris ; ſed ejus potiùs excellentiam prædicat , à quo accepit Jeſus hanc dignitatem , quod fatetur ipſe Joann. cap. 5. 19. 30. 36. 43. cap. 6. 36. 58. cap. 8. 28. 43. cap. 10. 18. 29. cap. 14. 28. 31. cap. 16. 28. cap. 20. 21. & ad Hebræos cap. 5. 5. Rom. 6. 4. 1. Cor. 11. 4. , & ad quem reditura eſt ſatente Apoſtolo 1. Cor. 15. 24 , & cujus honori illa inſervit Joann. 13. 31. cap. 14. 13. Rom. 16. 27. Ideo Thalmud in titulo de Synedrio negat , Jeſum Idoli eſſe nomen , quando Chriſtiani in ejus honore reſpiciant Deum mundi opificem : hoc autem modo Chriſti carnem adoramus . Undè Athanaſ. epift. ad Adelphium ait : *Noverint igitur , nos , cum Dominum in carne adoramus , non rem creatam adorare , ſed Creatorem creato indutum corpore .*

XXIII. Tertiò objiciunt Ethnici : Vos Chriſtiani noſtra ſacrificia ut crudelia deteſtamiſi , quia ſæpè humano ſanguine pollutas at vos , qui colitis Deum vobis implacabilem , donec Jeſus in ſacrificio crucis , veluti victima totius generis humani ſanguinem fudit , & in hoc ſanguine veſtram reconciliationem operari creditis , qua fronte in nos inſurgere poteſtis ?

Reſpondeo , nos deteſtari quidem , & meritò , humana ſacrificia Paganorum , ut ea deteſtatur Lactantius lib. 1. inſtit. c. 21. quia & facta falſis Diis , ſeu veriùs Dæmonibus ; & quia nulla ex cauſa iis placebat humano ſanguine ſibi litari : *Quid enim* (aiebat Lactantius) *illis iſti Dii amplius ſucere poſſent , ſi eſſent ira-*

si, quàm faciunt propitii? Cùm suos cultores parricidiis inquinant (loquitur de parentibus filios innocentes Diis sacrificantibus) orbitatibus matiant, humanis sensibus spoliant? &c. Hæc horrent Christiani, sacrificant enim Deo vero, non victimas pecudum, & multò minus hominum, sed cordis, & affectus juxta illud Psalm. 50. : *Cor contritum, & humiliatum Deus non despicies*. Offerunt quidem sanguinem Jesu in reconciliationem, recolentes sacrificium sui corporis, quod fecit in cruce: sed hoc crudelitas non fuit, sed ex parte Dei justitia, ex parte Jesu amor immensus. Cum enim ob peccatum primi parentis totum genus humanum additum esset morti; Verbum Dei filius Patris assumens carnem, & cum carne hominis peccatum, sese exhibuit vadem, ac sponso rem pro homine, ac sua morte deleuit culpam, suo sanguine abluit maculam, unico hoc sacrificio omnia implens, ac Deo reconciliavit mundum, *delevit* (ait Paulus Coloss. 2. 14.) quod adversus nos erat, *Chirographum decreti*, quod erat contrarium nobis, & ipsum tulit de medio, affigens illud cruci. In hoc quænam apparet crudelitas? Crudelitas equidem fuit ex parte Judæorum, Jesum innocentem morti adjudicantium, non tamen fuit crudelitas ex parte Jesu mortem propter nostram salutem obeuntis; neque ex parte Dei, eam in nostram expiationem acceptantis.

XXIV. Quod si reponas, Deum nostrum sibi complacere in suorum sanguine, ac nece, ut videre est in tot millibus Martyrum, qui præcipiente Christo vitam dedere.

Dicam. Si multi vitam prodegere pro patria, pro parentibus, & adhuc laudantur; cur laudandi non erunt, qui pro vero Deo, pro religione, pro veritate sanguinem fundunt? Sane in circumstantiis, quibus periclitaretur honor Dei, nihili facienda est vita, ut illum tueamur. Christus autem ipse, qui talia jubet pro nomine suo pati, pollicetur etiam ea patientibus gloriam æternam. Quid autem Diis Paganorum, seu Dæmones, polliceri poterant, & multò minùs conferre iis, qui propter ipsos jugulum præbuissem?

XXV. Quarto obijcere possent discordias, quæ quovis seculo fuere, & adhuc sunt inter Christianos, præsertim in religionis negotio, ut tot hæreses, ac discrepantes opiniones quæ distrahant animos Christianos.

At qui ita obijcit, vel Paganus est, vel Judæus. Si Paganus: qua fronte Christianis exprobrat discordias, quasi Pagani in religionis negotio concordēs fuerint? Christiani saltem omnes unum, eundemque Deum colunt; at Pagani neque in Divinitate

con-

conveniunt; uni enim genti unus Deus est, alii alius; quique uni Deus est, alteri victima est, suo Deo immolanda. Videantur quæ diximus c.4. §.8. Si verò, qui sic arguit, Judæus est; miror: quasi nesciremus in quot sectas Synagoga foret confissa temporibus Jesu, Sadducæorum, Phariseorum, Herodianorum, Essænorum, Samaritanorum. Post Christum autem Rabbinii eorum, spiritu vertiginis circumacti, quaque versus feruntur.

XXVI. Quod ad nos attinet in promptu responsio est. Vel enim sermo est de Christianis, quatenus complectuntur etiam Hæreticos, ac Schismaticos: vel de Christianis Catholicis, & in eadem fide consentientibus. Si de istis, dico, nullam esse discordiam voluntatum, sed omnium opinionum, quæ fidem & caritatem non lædunt: sicut enim in Mathematicis disputatur quidem, an quadrari possit circulus; attamen de principio hoc: si æqualibus æqualia demas, quæ remanent sunt æqualia: nullus disputat, nullus controversiam excitat. Sic discrepant quidem Catholici in aliquibus, fidei summam non tangentibus, verum in præcipuis, ac fundamentalibus, quibus fides Christiana, imo & Catholica innititur, unius mentis, cordis, ac labii sunt: adeo ut ubi æstu disputationis ventum fuerit ad ista, eò progredi non ausint, ut hæc negent. Si verò loquatur de Christianorum universitate, omnes baptizatos etiam Hæreticos claudente, non inficior, acres discordias fuisse: sed has etiam concedatur mihi demum fuisse extinctas: quod si modo aliqua supersunt, has eundem exitum, ac olim antiquæ, habituras, annuente Jesu, confidimus.

XXVII. Sit item responsio nostra ea, quam nobis exhibet S. Augustinus lib. de utilit. Jejunii cap.8., ubi postquam hortatus est Christianos, ut ad pacem, & unitatem veniant colendi unum Deum, ut ex hoc moveantur Pagani ad deferendos multos Deos, subdit: *Et si forte fastidiunt, & hinc nobis calumniantur, quod unitatem inter nos Christiani non habemus, & inde sunt tardi, & pigri, ne veniant ad salutem: alloquar & ipsos paululum; & dicam, quod eis dicatis. Non præferant nobis, quasi concordiam suam, non sibi tanquam de unitate sua placeant. Hostem quippe, quem patimur, illi non patiuntur: illos, & non ista agentes, ipse possidet. Videt eos adoratores falsorum Deorum, videt eos servos, & servos Demoniorum: quid illi lucri est, quia litigant, aut quid damni est, quia non litigant? Et unum quamvis falsum, & vanum sentientes, sibi que consequentes, sic eos possidet. At cum defereretur, & multi ad unum Deum concurrerent... vidit, se perdidisse, quos tenebat, vidit à sua familia recessisse, verum Deum cognovisse. Quid faceret? Quomodo infidiaretur? Concordes nos, scit, quod possidere non possit,*

unum Deum nobis dividere non potest: falsos Deos nobis supponere non potest: sentit esse vitam nostram caritatem, mortem nostram dissenfionem: sates inniit inter Christianos: Quia multos Deos non potuit fabricare Christianis, sectas multiplicavit, errores seminavit, hereses instituit. Sed quidquid fecit, de palea dominica fecit... Fratres, frumentum de area aut non recedit, aut rodit. &c.

XXVIII. Quinto opponere possunt, Christianam religionem multa præcipere aspera, & creditu difficilia.

Répondeo, imò ex hoc emicare ejus sanctitatem, quod aspera sit erga corpus, ut animo indulgeat, quod summa virtutis est, cui genium infidet pugnandi contra vitia, eaque debellandi: *Virius* (inquit S. Augustinus lib. 19. de Civit. Dei cap. 4. quid hic agit, nisi perpetua bella cum vitiis, nec exterioribus, sed interioribus; nec alienis, sed plane nostris, & propriis: maxime illa, quæ Græcè *Sophrosini*, latine *Temperantia* nominatur, quæ carnales franguntur libidines, ne in quæque flagitia mentem consentientem trahant? Ad hoc tendant præcepta religionis Christianæ, de quibus supra, quorum honestas adeo manifesta est, ut qui inter Paganos virtutem coluerunt, ea probariint: Adulterum enim esse etiam qui adulterium committere voluit, sensit Ovidius lib. 3. amorum Elegia 4. ubi ad virum servantem conjugem ait, cum posse quidem servare corpus, non autem mentem, ne adulteret;

Nec mentem servare potes, licet omnia claudas.
Omnibus clausis, intrat adulter erit.
 Et Seneca lib. 4. de benef. cap. 14. *Non dicam pudicam, quæ amatorum, ut incenderet, repulsi: duo legem, aut viam timuit, ut ait Ovidius:*

Quæ quia non lente, non dedit, illa dedit.
Non immerito in numerum peccantium refertur, quæ pudicitiam famæ præstitit, & non sibi. Non reponendam injuriam censuit Platon in Critone; Maximus Tyrus dissertat. 2. Ariston Spartanus dicenti culpam: Regium esse amicis bene, inimicis male facere: imò, inquit, amicis bene facere, inimicos amicos reddere: & apud Plutarchum Dion ille Siciliae liberator, Philosophici studii veram demonstrationem in eo ait positam, non ut quis in amicos benignus sit, sed si quis injuria affectus, sit exorabilis, & clemens in eos, qui peccarunt. Unì autem marito unam uxorem esse jungendam censuit Euripides in *Andromache*.

Contentus imò conjugis vivat toro
Quicumque capiet rite curam domum.
 Foedus etiam matrimonii debere esse perpetuum, censuerunt

Ro-

Romani ad annum urbis vigesimum, & quingentesimum; teste Valerio maximo lib. 2. cap. 1. Hominis officium esse benefacere, præsertim indigenti, aliaque pietatis opera, quæ Christianis præcepta sunt, quilibet in eruditione prophana mediocriter versatus facile deprehendet, ab ipsis Paganis, in quibus vestigium aliquod virtutis fuit, laudata fuisse, & non semel opere impleta.

XXIX. Quod autem religio Christiana multa præscribat credenda, humanam rationem superantia, ideoque creditu difficilia; tantum abest, ut ejus lædat veritatem, ut potius ex hoc evidens confici possit argumentum, eam non homine, sed Deo, qui humanum caput excedit, discente ac docente esse fundatam: eo vel maximè, cum, ut infra dicemus, non obstante credendorum tanta arduitate, a tot viris etiam sapientissimis suscepta fuerit, & penè totius orbis consensu fuerit approbata. Adverto insuper si aliqua ardua creditu Religio Christiana proponit, alia multa non minus aspera Paganismus exhibuit. Quod enim de animorum immortalitate, & reditu corporum ad vitam docemus, hoc Paganorum aliquos confessos fuisse supra ostendimus: Quæ de Trinitate in Deo credimus, adumbrata legimus in Platone epist. ad Dionysium, qui divinam naturam distinguit in Patrem, mentem paternam, quam & Dei germen vocat, mundi opificem, & animam, qua cuncta contineantur. Videantur & Plato epist. ad Hermiam Erastum, & Coriscum, & D. Augustinus de Civit. Dei lib. 10. cap. 29. asserens, Platonicos utcumque Trinitatis cognitionem habuisse, quod repetit de Porphyrio ibid. cap. 23. Videndus etiam Eusebius præparat. Evang. lib. 11. cap. 17. 18. & 19., & Cyrillus contra Julianum lib. 3. 4. & 8. Naturam autem divinamungi posse cum humana, nec Julianus, quamvis tantus Christi hostis, refragari ausus est, ponitque exemplum in Esculapio, qui ex Jovis mente genitus, è coelo in terram delapsus fuit, ut sub humana forma hominibus mederetur. Verba Juliani apud D. Cyrillum lib. 6. sunt sequentia: *Supra enim inter ea, quæ mente cernuntur, ex se genuit Esculapium. In terram autem per secundi solis vitam editus est. Hic è coelo in terram progressus hominis forma unice quidem circa Epidaurum apparuit; inde longius processit: in omnem feriatam orbem salutare dexteram extendis.* Crux Christi multos offendit: at nonne majoris offensionis sunt, quæ de Diis narrant Pagani? Alios scilicet Regum famulos fuisse, fulminatos alios, vulneratos, dissecos asserunt: Honesto viro infortunia non nocere, Sapientes Paganorum dixere, unde Tullius lib. 3. de Republica: *Bonus (inquit) ille vir videtur, rapiatur, manns ei denique affe-*

rantur, effodiantur oculi, damnetur, vinciatur, uratur: & Lactantius lib. 6. instit. cap. 17. hunc nobis locum Senecæ servavit: Hic est ille homo honestus, qui sive toto corpore tormenta patienda sunt, sive flamma ore recipienda est, sive extendenda per patibulum manus, non querit, quid patitur, sed quàm beuè. Imo Plato 2. de Republica ait, ut verè justus exhibeatur, opus esse, ut virtus ejus omnibus ornamentis spoliatur, ita ut ille habeatur ab aliis pro scelestò, illudatur, suspendatur denique. Talibus encomiis vel nolentes Pagani celebrarunt Jesu Christi virtutem, ac patientiam in sua passione, & cruce. Quid ergò Christiani credunt, cujus simile apud Paganos non fuerit, vel quod eorum testimonio non commendeatur?

§. IV.

Tertia Ratio ex admirabili ejus propagatione.

XXX. **E**X præstantia Magistri, atque sanctitate Doctrinæ hactenus stabilivimus Christianæ religionis supra omnes excellentiam. Nunc nos ad effectus, qui ex isto dogmate secuti sunt, convertamus, inter quos primus est admirabilis Christianæ Religionis per totum orbem propagatio.

Equidem Christianam religionem esse toto orbe sparsam, nemo non videt. Eam enim latè doceri per totam Europam, ne Septentrionis quidem recessibus exclusis, testantur Adamus Bremensis, Hermoldus, & qui de Islandia scripsere: per Asiam, Ægyptum, Æthiopiam, Africam, & Americam, afferunt quotquot de iis regionibus verba faciunt, ita ut nulla sit, ad quam Christianum dogma non pervenerit, & non sit, qui illud non profiteatur. Neque id nunc tantum fieri, sed & olim factum tradunt, omnium temporum Historiæ, Acta Conciliorum in iis celebratorum, libri Christianorum, vetusque Traditio nunc quoque apud Barbaros manens de cineribus, ac miraculis B. Thomæ, de quibus Abdias lib. 9., Eusebius hist. lib. 1. in fine, & lib. 2. cap. 1. 3., & initio libri 3., Ruffinus lib. 10. cap. 9., Ostorius de Lusitanicis &c. D. Andræ, & aliorum Apostolorum, de quibus idem Eusebius lib. 3. initio, & Origenes ad Genesim. Quam latè suis temporibus Christi nomen celebraretur apud Britannos, Germanos, aliasque ultimas gentes, notant Irenæus, Tertullianus, & alii, quos audire non pigeat.

XXXI. Irenæus, qui secundo seculo floruit, lib. 1. cap. 3. ait: *Nam etsi in mundo loquelæ dissimiles sint, virtus Traditionis una &*

eodem est. Et neque hæ, quæ in Germania sunt fundatæ, Ecclesia aliter credunt, aut aliter tradunt; neque hæ, quæ in Iberis sunt, neque hæ, quæ in Celtis; neque hæ, quæ in Oriente; neque hæ, quæ in Ægypto: neque hæ, quæ in Lybia, neque hæ, quæ in medio mundi sunt constitutæ, sed sicut Sol creatura Dei in universo mundo unus, ac idem est, sic & lumen, prædicatio veritatis, ubique lucet, & illuminat omnes homines, qui volunt ad cognitionem veritatis venire.

XXXII. Tertullianus adversus Judæos cap. 1. *In quem enim alium universæ gentes crediderunt, nisi in Christum, qui jam venit? Cui enim & aliæ gentes crediderunt Parthi, Medi, Elamita, & qui inhabitant Mesopotamiam, Armeniam, Phrygiam, Cappadociam, & incolentes Pontum, & Asiam, & Pamphyliam immorantes, Ægyptum, & Regionem Africa, quæ est trans Cyrenem, inhabitantes. Romani, & Incolæ: tunc & in Hierusalem Judæi, & ceteræ gentes: ut jam Gatulorum varietates, & Maurorum multi fines, Hispanorum omnes termini, & Galliarum diversæ Nationes, & Britannorum inaccessa Romanis loca, Christo vero subdita, & Sarmatarum, & Dacorum: & Germanorum & Scytharum, & abditarum multarum gentium, & provinciarum, & insularum multarum vobis ignotarum: & quæ enumerare minùs possumus, in quibus omnibus locis Christi nomen, qui jam venit, regnat. Mox ostendit, quantò latius Christi regnum suis temporibus, idest in fine seculi seculi, patuerit, quàm olim Nabucodonosoris, & Alexandri, aut Romanorum. Christi autem regnum, ubique porrigitur, ubique creditur, ab omnibus gentibus supra enumeratis colitur, ubique regnat, ubique adoratur, omnibus ubique tribuitur æqualiter.* Videndus insuper Origenes Homil. 4. in Ezechielem, Arnobius lib. 2. adversus Gentes, Athanasius epist. Synodica, quæ est apud Theodoretum lib. 4. Hist. cap. 4., ubi Ecclesias Christianas commemorat Hispaniæ, Britanniæ, Galliæ, Italiæ, Dalmatiæ, Mysiæ, Macedoniæ, Græciæ, Africæ, Sardinia, Cypro, Cretæ, Pamphyliæ, Lyciæ, Isauriæ, Ægypti, Lybiæ, Ponti, Cappadociæ. Theodoretus adversus Græcos sermone 8. de Apostolis loquens, Hieronymus in Epitaphio Nepotiani Christianis annumerat Indos, Persas, Gothos, Ægyptios, Bessas, & Pellitos populos: in epist. ad Lætam addit Æthiopes, Armenios, Hunnos, Scythas, Getas: in Orthodoxi & Luciferiani Dialogo Britannos, Gallos, Orientem Indorum, populos Iberos, Celtiberos. Chrysostomus homil. 6. in 1. ad Corinth. Homil. 2. in Pentecostem, & in demonstratione Christum esse Deum, quasi per totam.

XXXIII. Quæ ergo Religio est, quæ cum tam lata, ac subita extensione, & continua possessione audeat contendere? Nam si Paganismum dixeris hic à Religione Christiana eversus, eo maxime tempore, quo toto orbe extendebatur, ejus mirabilem potentiam deprædicat. Addo, Paganismum esse quidem nomen unum, non tamen religionem unam; nam nec idem adorabant omnes, alii enim astra, alii elementa, alii pecudes, alii res non existentes, ut monstra; nec eadem lege, nec communi magistro, ut vidimus. Judæi sparsi quidem, seu potius dispersi, omnia suæ Religionis insignia, ritus, sacrificia, Templum amiserunt; nec post Christum amplius crescere valuerunt, imo lex ipsorum magis per Christianos, quam per ipsos innotuit. Mahumetismus certe multas Terras occupat, sed non solus, nam in eisdem, quibus Mahumetes dominatur, regionibus, Christiana florebat Religio, aliquibus in locis numero prævalens; cum è contra in partibus plerisque, ubi sunt Christiani, nullus Mahumetanus reperitur. Quis ergo in tanta, tamque constanti propagatione Religionis Christianæ, non admiretur Dei potentiam, & Christi institutoris divinitatem? *Etenim (ait Chrysostomus Demonstr. quod Christus sit Deus) non est puri hominis tantum Orbis brevi spatio peragere, terra, marique, ad res tales tali modo vocare homines mala consuetudine occupatos, imò a tanta malitia possessos, & tamen ab his malis liberare humanum vulnuit genus, non Romanos tantum, sed & Persas, & omnes Barbaras gentes &c.*

§. V.

*Religionis Christianæ propagatio admirabilis ratione
qualitatis Doctrinæ.*

XXXIV. **E**O mirabilior est Religionis Christianæ tanta, tamque celeris propagatio, si spectemus qualitatem doctrinæ, quam prædicat. Non solum enim nova, nec antea audita, sed prorsus contraria antiquis dogmata cœpit evulgare, eaque aspera, & abducentia a voluptatibus ad carnis macerationes, ab amore opum ad amorem paupertatis, ab ira ad mansuetudinem, a cultu Numinum ad cultum Christi, quem tamquam Deum proponebat, cum tamen scirent homines a Judæis tanquam hominem seductorem fuisse crucifixum. Hoc ratiocinium fusè prosequitur Chrysostomus Demonstr. quod Christus sit Deus, tali pacto: *Magna res foret, & excellenter magnæ, divinæque virtutis, etiamsi nemo inturbaret . . . , & reluctante nullo posse in-*
tra

tra tam breve tempus totum Orbem a consuetudine sua mala, quæ præoccupatus fuit, liberari, & ad aliam induci. Verùm hoc multò majus, quod non solum in aliam inducitur, sed in multò difficiliorē, non solum enim diversa consuetudo erat, sed & voluptate firmata. Dico violentia: quæ enim acceperat a patribus, avīs, & proavis, aliisque superioribus progenitoribus, & Philosophis, Rhetoribus, ea respicere, docebatur; quod sanè difficillimum erat. At difficilior novam accipere consuetudinem, quæ nunquam irrepserat, illamque valde laboriosam; abduxit enim Christus a voluptate, & induxit ad jejuniū; abduxit ab amore opum, & induxit ad amorem paupertatis; abduxit a luxu, & induxit ad temperantiam; abduxit ab ira, induxit ad mansuetudinem.... abduxit a via lata, & spatioſa, & induxit in angustam & arctam, & præruptam; & induxit assuetos via latæ, Neque enim altos homines extra hujusmodi consuetudinem viventes assumpsit; sed illos ipsos, qui in talibus vitiis computruerant, & luto molliores erant, jussit, ut angustam & arctam viam, asperamque illam & duram ambularent; & persuasit eis. Quos autem persuasit? non duobus, vel decem, vel viginis, vel centum, sed omnibus ferme sub Sole habitantibus. Hæc ibi Chrysostomus. Tanta autem, tamque subita mutatio a deliciis ad asperitatem in toto Orbe quis poterat, nisi Orbis Dominus, ac Creator, nisi Deus? Quid insuper magis alienum, & asperum, quàm homines assuetos idolorum cultui, quem a progenitoribus acceperant, hortari, ut Idola detestarentur, riderent solemnitates, respicerent sacrificia, ac propter quid? Ut crederent tanquam in Deum in natum ex Maria, in ductum ad tribunal Præsidis, in damnatum, & tandem crucifixum, mortemque maledictam passum. Addebant quidem, eum postea ad vitam surrexisse, & in cœlum ascendisse; verùm quo argumento toti Orbi, cujus maxima pars negabat possibilem resurrectionem, eam persuadere poterant? Quæ ad Christi passionem pertinebant, omnibus manifesta erant, utpote flagella, colaphi, alapæ, sputa, crux, irrisio, quæ omnes in eum jactabant; at resurrectio non item; nam resurgens solis discipulis apparuit, soli illi testes erant resurrectionis, sicut & ascensionis ejus in cœlum. A. 1. Verumtamen & hæc dicendo, toto Orbi persuaserunt, esse Deum, quem noverat illudum, & tandem cruci affixum. Quo pacto & qua ratione? ait D. Chrysost. laudato loco. Virtute ejus, qui jussit: ille enim præviis omnia faciebat, reddens etiam facilia, quæ dura. Nisi enim divina quædam virtus effecisset, nequaquam hæc, vel principium, vel præludium accepissent.

§. VI.

Ex qualitate eorum, qui eam propagarunt, & modo quo eam propagarunt.

XXXV. **T**Otius mundi ad Christum conversio eò majus prodigium apparebit, si qualitatem eorum, quos ad tantum opus assumpsit, inspiciamus. Non enim viros doctos, sapientia celebres, potentia, vel existimatione insignes elegit, ut ejus nomen glorificarent coram mundo, & eum ad suum cultum traherent; sed duodecim homines principio ignobiles, viles, rudes, idiotas, pauperes, nudos: ac per eos persuasit toti mundo, nedum idiotis ac simplicibus, sed & sapientissimis; nedum presentibus, sed & futuris, se esse Deum unice colendum, aliasque Numina, quæ a tot seculis colebantur, esse a cultu possessione deturbanda. Res cessit, ut Christus statuerat, ac fore prædixerat. Horum virorum adeò rudium, & abjectorum prædicatione ad ejus fidem traxit, non solum pauperes ac viles, simplices ac idiotas, sed & potentiâ ac sapientiâ celebres, quales (ut de Judæis nunc taceam) fuere Sergius Cypri præses Actor: 13. 12., Dionysius Areopagita act. 17. 34., Cornelius Centurio act. 10., alique. Successivis autem temporibus Christo nomen dederunt: Polycarpus, qui passus est martyrium in Asia anno 169. secundum Eusebium: Justinus Philosophus, qui pro Christianis egregias edidit Apologias anno 142. juxta eundem Eusebium: Irenæus, scriptis ac martyrio præstans anno 183. Athenagoras Atheniensis circa annum 180.: postea Tertullianus, & Clemens Alexandrinus circa annum 208.: Origenes circa annum 230., atque eodem seculo Cyprianus. Hi, alique homines docti, cur homini crucifixo se cultores addixerint: præsertim cum ferè omnes in aliis religionibus educati essent, nec in amplectenda Religione Christiana quicquam aut honoris, aut commodi esset, quod eos alliceret? Causam nullam poterant habere, nisi quod diligenti inquisitione (qualis viros doctos in maximi momenti negotio decet) evidenter comperissent, doctrinam, quam Apostoli eorumque successores prædicabant de Christo, esse veram, & firmis testibus subnixam famam, quæ ipsum filium Dei, verumque Deum asserbat.

XXXVI. Si dicas, Apostolos principio rudes, factos repente sapientes, omnique scientia imbutos, ac insuper dictis suis miraculis atque prodigiis fidem apud omnes conciliaffe, atque religionem Christi hac via propagasse. Ergo.

Esto. At hoc multò magis evincit, id, quod Apostoli prædicabant, esse a Deo ; verumque esse , quod Christus prædixerat, ipsos induendo virtute ex alto . Lucæ 24. 49. & Spiritum Sanctum docturum eos omnem veritatem Joann. 16. 13. : quod accidisse narrat Lucas Act. 2. 4. &c. Quis enim poterat e rudibus ac idiotis repente viros doctissimos , ac in omni scientia ac lingua peritissimos facere, nisi Spiritus Dei ? Rursus si eorum sermonem contestabatur , & confirmabat Deus signis atque prodigiis , quodnam fortius erit argumentum , eorum doctrinam esse veram ? Falsam certe assertionem Deus , qui veritas est , vero suorum miraculorum testimonio non comprobasset .

XXXVII. Attamen etsi miracula , quæ Apostolica dicta secuta sunt , validum sint Christianæ fidei præsidium , ut supra intendimus c. 7. §. 7. Verum si quis ea negaret , adhuc eum convinceret Christianæ Religionis propagatio sine miraculis facta . Hinc D. Joannes Chrysostomus celebri Demonstr. quod Christus sit Deus , ita discurret : *Non tibi dixi mortuos suscitatos , non leprosos mundatos : ut ne dicas , hæc mendacia , figmenta , & fabulas : quis vidit ? quis audivit ? Et quamvis qui dixerunt , quod crucifixus sit , & à Judeis conspuitus , & alapis casus & colapbis ; illi etiam hæc dixerunt : quomodo dignos fide putas in illis , in his vero arguis , quasi dixerint non facta ? Et si ad gratiam magistri sui hæc scripsissent , stultè & frustra jactassent , si non tacuissent , quæ multis ignominiosa , & dura videntur Verùm nihil horum tibi dixi : de signis & miraculis loquor , ut abundantè omnem impudentis linguæ furorem compescam . Sed in medium attuli ea , quæ nunc apparent , & quæ nunc ante oculos sita sunt , quæ Sole clariora , quæ ubique in toto Orbe dispersa , in toto Orbe recepta factaque sunt , ita ut humanam naturam transcendant , sintque Dei solius . Quid dicis ? Non suscitavisti mortuos ? An & hoc potes dicere , quod Ecclesiæ non sint per totum Orbem ? &c. En quomodo Chrysostomus existimat ; etiam omnis miraculis , haberi invidium pro veritate Religionis Christianæ argumentum ex propagatione Ecclesiarum per totum Orbem .*

XXXVIII. Hinc S. Thomas lib. 1. cont. Gentes c. 5. ex hac mirabili conversione probat veritatem miraculorum dicens : *Hæc tam mirabilis mundi conversio indicium certissimum est præteritorum signorum , ut ea ulterius iterari necesse non sit , cum in suo effectu appareant evidentè . Effet autem omnibus signis mirabilis , & ad credendum tam ardua , & operandum tam difficilia , & ad sperandum tam alta , mundus absque mirabilibus signis inducitus fuisset & simplicibus & ignobilibus hominibus . Quamvis non cesset Deus etiam*

nostris temporibus in confirmationem fidei per Sanctos suos miracula operari, hæc sanctus Thomas.

XXXIX. Sed audire præstat sanctum Augustinum lib. 22. de Civit. Dei c. 5., ubi primò subtilitè & acutè redarguit eos, qui credere nolunt carnis resurrectionem; sumitque argumentum à mundo jam credente resurrectionem Christi, ejusque Ascensionem, formans hoc dilemma: Vel mundus credens resurrectionem Christi credit rem credibilem; & sic stolidi sunt, qui rem credibilem credere nolunt: vel credit rem incredibilem, & sic jam admittitur, evenisse aliquid incredibile; nimirum mundum tam firmiter credidisse id, quod erat incredibile. Si ergo jam factum esse vidimus unum duorum incredibilem, idest quod mundus crederet rem incredibilem; cur non credemus futurum alterum incredibile, nimirum nostrorum corporum resurrectionem; cum utrumque in divinis litteris prædictum sit? Ecce illationem sancti Doctoris. *Unum duorum incredibilem jam factum videmus, ut, quod erat incredibile, crederet mundus. Cur id, quod reliquum est, desperatur, ut etiam hoc veniat, quod incredibile credidit mundus; sicut jam venit, quod similiter incredibile fuit, ut rem tam incredibilem crederet mundus: quandoquidem hoc utrumque incredibile, quorum videmus unum, alterum credimus, in eisdem litteris prædictum sit, per quas credidit mundus?*

Deinde veniens ad modum, quo mundus credidit, dicit esse tertium incredibile majus aliis hoc pacto: *Et ipse modus, quo mundus credidit, si consideretur, incredibilior invenitur. Ineruditos liberalibus disciplinis, & omnino, quantum ad istorum doctrinas attinet, impolitos; non peritos grammaticâ, non armatos dialecticâ, non Rhetoricâ inflatos; piscatores Christus cum retibus fidei ad mare hujus seculi paucissimos misit; atque ita, & ex omni genere tam multos pisces, & tantò mirabiliores, quantum variores, etiam ipsos Philosophos, cepit. Duobus illis incredibilibus, si placet, imo, quia placere debet, addamus hoc tertium. Jam ergo tria sunt incredibilia, quæ tamen facta sunt. Incredibile est, Christum resurrexisse in carne, & in Cælum ascendisse cum carne: incredibile est, mundum rem tam incredibilem credidisse: incredibile est, homines ignobiles, infimos, paucissimos, imperitos, rem tam incredibilem tam efficaciter mundo, & in illo etiam doctis persuadere potuisse. Horum trium incredibilem, primum nolunt isti, cum quibus agimus, credere; secundum coguntur & cernere; quod non inveniunt, unde sit factum, si non credunt tertium. Resurrectio certè Christi, & in Cælum cum carne, in qua resurrexit, adscensio, toto jam mundo prædicatur, & creditur; si credibilis non est, unde toto terrarum Orbe jam credita est? ..*

est? . . . Si autem, ut verum est, paucis obscuris, minimis, indoctis eam se vidisse, dicentibus, & scribentibus credidit mundus; cur pauci obstinatissimi, qui remanserunt, ipsi mundo jam credenti, adhuc usque non credunt? Inde subiungens, mundum propterea credidisse, quia eloquia Apostolorum persuadentium mira fuerunt facta, non verba; concludit postea: Si vero per Apostolos Christi, ut eis crederetur, resurrectionem atque adscensionem prædicantibus Christi, etiam ista miracula facta esse, non credunt: hoc nobis unum grande miraculum sufficit, quod eam terrarum orbis sine ullis miraculis credidit.

XL. Ex hoc pulcherrimo Augustini discursu hoc conficio dilemma: Vel hæc tria incredibilia: Christum resurrexisse: Mundum hoc credidisse: & hoc credidisse paucis, iisque rudibus suadentibus: facta sunt credibilia, imò credita sunt, mediis signis ac miraculis, vel sine miraculis? Si primum; evincitur, doctrinam, quam prædicabant, esse veram, Deumque habere, Auctorem, quia Deus nequit facere miracula in confirmationem doctrinæ falsæ. Si secundum; hoc certius vincit: quia solus Deus poterat dare efficaciam nudis paucorum verbis, ut toti Orbi persuaderent veritatem doctrinæ, quæ humanæ rationi divina luce destitutæ videbatur omnino incredibilis; & sine ullis miraculis inducerent homines ad tam arduum, & impossibilem mutationem. Hoc certè majus miraculum est.

XLI. Non est omittendus alter modus, quo facta fuit hæc propagatio per illos paucos viros: nimirum sine armorum strepitu, Potestatibus mundi non solum non juvantibus, sed aperte obnitentibus, atque contradicentibus. Quare ita discurre: Quòd Romani temporis tractu totum semè Orbem occuparint, quòd Alexander Magnus brevi annorum cursu summa rerum potitus sit, non est mirabile: discimus enim ex Historiis comparasse exercitus, quorum vi ac robore expugnarunt Regna, gentesque subjugarunt. Quod etiam Mahumetes, vir ceteròquin idiota, ac vilis, sectam suam latè per Orientem effuderit, creditu difficile non est: scimus enim, Mahumetem primò factum caput prædonum, deinde militum Ducem, rapina, vi, stragibus, ac terrore homines captivantes: eo vel maxime cum doctrina ejus sensui, ac voluptatibus nimium indulgens, facile posset eos allicere ad eam amplectendam. At quòd pauci homines, qui nudi, ac illitterati, sine armis, nullo exercitu insperante, nullo humanæ potentie præsidio roborante, imò mundi Principibus generaliter obfistentibus, mortemque, nedum exilia, ac bonorum spoliationes minantibus iis, qui fidem illorum verbis præstitissent;

quodque doctrinam sensui humano incredibilem, a voluptatibus ac deliciis avertentem, taliter persuaserint, ut totum Orbem viderint sibi devinctum: quis non videt, altioris virtutis, quam humanæ, opus ac negotium fuisse?

In hoc potentiam virtutis, ac divinitatis Christi admiratur Chrysostomus sæpè laudata Demonstratione: Quod Christus sit Deus, ait enim: *Insuper quod hac confecit nullis usus armis, nullos faciens sumtus, nullos movens exercitus, nulla prælia committens, sed per undecim viros principio ignobiles . . . Quid? quot subvertit leges patrias, abolevit consuetudines inveteratas, evellit stirpes tanto tempore radicatae, & pro illis suas alias implantavit? Abduxit ab his, in quæ propensi eramus, & in ardua & difficilia induxit: cumque hac faceret, infestabantur & sui ab omnibus, & crucem Ipse, genus mortis ingnomiosissimum, sustinuit.*

§. VII.

Quia propagata inter persecutiones.

XLII. **E**X incremento, quod inter infidelium persecutiones accepit, probat S. Augustinus Ep. nunc 137. olim 3. ad Volusianum, mirabilem fuisse, & subinde a Deo promotam ejus propagationem. *Numero, inquit, exigui per mundum disseminantur, populos facilitate mirabili convertunt, inter inimicos augentur, persecutionibus crescunt, per afflictionum angustias usque in terrarum extrema dilatantur &c.* Nec soli Apostoli, sed quot alii, quò magis a persecutoribus afflicti, angustiat, eò magis constantes in tuenda usque ad mortem Christi fide steterunt? & tanta quamvis ubique contra Christi aëclas laniena grassaretur, tantum aberat, ut numerus credentium minueretur, quin potiùs sub ipsis carnificum oculis multiplicaretur. *Quis enumeret, ait S. Augustinus l. 22. de Civit. Dei c. 6. quam multi quantalibet sevitia crudelitatis occidi, quàm Christum Deum negare, passuerunt? Ligabantur, includebantur, cædebantur, torquebantur, urebantur, trucidabantur; & multiplicabantur; adeo ut, eodem Augustino teste serm. 252., aliàs 5. de diversis: Si computentur non solùm omnes fideles, qui in bona vita exierunt de corpore, sed soli Martyres, unus dies passionis Martyrum si computetur, millia hominum inveniuntur coronatorum, & P. Arias 1.p. de imit. Christi tract. 3. c. 35. in fine cum Genebrardo reputat verissimile, tantum usque ad sua tempora excrevisse Martyrum multitudinem, ut, si illorum festa per totius anni dies distribuere-*

fin-

singulis diebus occurrere possunt celebrandi triumphi triginta millium, qui vitam pro Christo dederunt.

XLIII. Hinc cum Lactantio lib. 5. Instit. c. 13. formari potest discursus hoc modo: Stultitia esse non potest, in quam tanta hominum millia per orbem totum una & pari mente consentiunt: si enina femina sexus imbecillitate labuntur... viri certe sapiunt; si pueri, si adolescentes improvidi sunt per aetatem, maturi certe ac senes habent stabile iudicium: si una Civitas desipit, cetera utique innumera- biles stulta esse non possunt: si una Provincia, una Natio provi- dentiâ caret, ceteras omnes habere intelligentiam recti, necesse est. Cùm ergo ab ortu Solis usque ad occasum Lex divina suscepta sit, & omnis sexus, omnis ætas, & gens, & regio unitis ac paribus animis Deo serviant: eadem sit ubique patientia, idem contentus mortis; intelligere debuerant, aliquid in ea re esse rationis, quod non sine causa usque ad mortem defendatur; aliquid fundamenti ac solidi- tatis, quod eam Religionem, non tantum injuriis ac vexatione non solvat, sed augeat semper, & faciat firmiorem. Ita ratiocinatur Lactantius.

XLIV. Ad eò potens est hoc ratiocinium, ut eo permotus Justinus Martyr ex Ethnico Philosopho factus sit Christianus; ita enim ipse loquitur Apologia 1. pro Christianis non longe a fine: Nam & ego Platonis disciplina sectator, cum calumniosè audirem Christianos deseri, intrepide autem ad mortem, & alia, quæ terri- bilia esse censentur omnia, adire conspicerem: statui ipse mecum, fieri haudquaquam posse, ut illi in vitiorum pravitate, & voluptatum amore viverent. Quis enim voluptatis consecrator, aut per animi im- potentiam intemperans, & humanarum carnium dapes pro bono du- cens, mortem libenter completi queat, ut bonis suis se ipsum privet; ac non potius modis omnibus, ut hanc sibi continenter vitam agere, & celando, Principes & Magistratus fallere liceat, operam navet, ne dum per denunciationem, & iudicium se ipsum cadi offerat?

XLV. Verùm non solum testimonio Christianorum, qui pro fide vitam dederunt, probatur veritas religionis Christianæ, sed & ipsorum Infidelium mirabili conversione, qui repente am- plexi sunt eam fidem, pro qua videbant, Christianos tam dira pati, & pro ea strenue occubuerunt. Quis enim, nisi Deus om- nipotens, potuit subito cor infidelium ita mutare, ut eam fidem profiterentur, pro qua videbant homines igne torreri, liquefa- cto plumbo aduri, uncis ferreis dilaniari, ad aliaque dirissima subeunda compelli? Et tamen similia leguntur in Actis Marty- rum. Romanus miles videns Angelum abstergentem sudorem B. Laurentii in craticula positi, repente conversus, ac publice

petens baptismum, capite plexus consummavit martyrrium, ut ex Beda, Ufuardo, Adone Amalario, Gregorio in sacramentario, & aliis. Talis fuit conversio S. Ginesii, de quo Martyrolog. 25. Augusti; S. Ardelionis, de quo idem 14. Aprilis; S. Porphyrii, de quo 25. Septembris, qui omnes Mimi, dum publice Christianorum ritibus illuderent, subito Christianos se esse protestati, mox etiam percussii vita mortali cecidere evolantes ad æternam. Idem Claudio Tribuno contigit, qui cum adesset martyrio SS. Chrysanthi, & Dariæ, eos una cum 70. militibus torquens, eorum animadvertens in tormentis letitiam, ipse cum 70. illis militibus adhæsit Christo, & pro Christo omnes martyres facti fuere, ut refert Surius tom. 5., & Martyrolog. ad diem 3. Decembris ex Beda, Ufuardo, Adone. Idem de octo crudelissimis militibus, qui Sanctam Martinam torquebant, refert Surius tom. 1. Idem de Anastasio Corniculario Martyrolog. 20. Augusti; & die 20. Septembris idem narrat de Evilasio Idolorum Sacerdote, qui S. Faustæ Virginis constantiâ permotus, in Christum credens, cum eadem Sancta Virgine coronatus fuit. Paulum denique martyrio suo 35. milites ad fidem traxisse refert Baron. ad ann. 69., & Chrysostomum laudat. Cur ergo tormenta Christianorum, quæ vel audita omnes à Christiana fide deterere debuerant, ad eam amplectendam non audita, sed visa, alliciebant vel ipsos Paganos, vel ipsos Milites, ac Carnifices? Non aliâ certè causâ, nisi quia cum viderent dilacerari homines variis tormentorum generibus, & inter fatigatos carnifices inviolam tenere patientiam, existimant, id quod res est, nec consensum tam multorum, nec perseverantiam morientium, vanam esse, nec ipsam patientiam sine Deo cruciatus tantos posse superare. Ita Lactantius lib. 5. Instit. cap. 13. citato, & rationem dat, quia Latrones, & robusti corporis viri ejusmodi lacerationes perferre nequeunt, exclamant, & gemitus edunt; vincuntur enim dolore, quia deest illis inspirata patientia. Nostri autem (ut de viris taciam) pueri, & mulierculæ tortores suos taciti vincunt, & exprimere illis gemitum nec ignis potest. &c. Ne autem Pagani opponerent, etiam aliquos Paganorum vitam dedisse; Respondendum est, benè dixisse aliquos, quia ii numero paucissimi sunt, qui ob Religionem vitam profuderint; at ex Christianis, ut vidimus, tanto in numero fuere ex omni sexu, ætate, natione, ut patientia Martyrum defatigaret sævitiam carnificum; quare concludit Lactantius: Ecce sum infirmus, & fragilis ætas dilacerari se toto corpore, urique perpetuatur, non necessitate; quia licet vitare, si vellet; sed voluntate, quia confidunt Deo.

§. VIII.

Quia stabilis, ac permanens.

XLVI. **P**aganorum multi, nescio quo Oraculo decepti, existimant, religionem Christianam ab ejus promulgatione 365. annis, & non ultra duraturam, quos meritò deridet Augustinus lib. 18. de Civitate Dei cap. 54., qui videns post 365. annos elapsos fuisse alios ferè triginta, tempore quo scribebat, & religionem Christianam, nedum non fuisse passam deliquium, sed eo magis vigere, ac dilatari, Paganos ita ad hominem perfringit: *Mortuus est ergò Christus duobus Geminis Consulibus 8. Kalendas Aprilis* (quibus verbis indicat se fuisse in opinione, Christum passum 25. Martii, quod confirmat lib. 83. quæst. 56., & lib. 4. de Trinit. cap. 5., & cum eo Chrysostomus ferm. de Nativit. S. Jo. Bapt., Greg. Turon. lib. 10. cap. ultimo, Beda lib. de ratione temporum cap. 47., quamvis alii Patres aliter sentiant) *Resurrexit tertia die, sicut Apostoli suis etiam sensibus probaverunt. Deinde post 40. dies adscendit in cælum: post decem dies, i. quinquagesimo post suam Resurrectionem die, misit Spiritum Sanctum. Tunc tria millia hominum Apostolis eum predicantibus crediderunt. Tunc itaque nominis illius cultus exortus est, sicut nos credimus, & veritas habet, efficaciam Spiritus Sancti; sicut autem fluxit vanitas impia, vel putavit, magicis artibus Petri, paulò post etiam signo mirabili factò, quando ad verbum ipsius Petri quidam mendicus ab utero matris ita claudus, ut ab aliis portaretur, & ad portam Templi, ubi stipem peteret, poneretur, in nomine Jesu Christi salvus exsilivit, quinque millia hominum crediderunt, ac deinde alii, atque alii accessibus credentium crevit Ecclesia.*

Ac per hoc colligitur etiam dies, ex quo annus ipse sumit initium, scilicet quando missus est Spiritus Sanctus, idest per Idus Majas. Numeratis proinde Consulibus trecenti sexagintaquinque anni reperiantur impleti per eandem Idus consulatu Honorii, & Eutychiani. Porro sequente anno consule Manlio Theodoro, quando jam secundum illud oraculum ~~Damonum~~, aut figmentum hominum, nulla esse debuit Religio Christiana, quid per alias terrarum partes forsitan factum sit, non fuit necesse perquirere. Interim quod scimus, in Civitate notissima, & eminentissima Carthagine Africa, Gaudenzius, & Jovius Comites Imperatoris Honorii 4. Kalend. Aprilis falsorum Deorum Tempia everterunt, & simulacra fregerunt.

Ex quo usque ad hoc tempus per triginta ferè annos quis non vi-

videat, quantum creverit cultus nominis Christi, præsertim postea quam multi eorum Christiani facti sunt, qui tanquam vera illa divinatione revocabantur à fide, eamque completo eodem annorum numero inane videndamque viderunt? Hæc Augustinus; à cujus tempore quis non videt, quam altas radices ubique terrarum jecerit Christiana religio?

XLVII. Stabilitatem ac permanentiam Christi Religio fundat in verbis Christi Matth. 16. 18. *Ædificabo Ecclesiam meam, & portæ inferi non prævalebunt adversus eam.* Promisit ergo, & implevit; suæ enim Ecclesiæ ædificium, quamvis persecutionibus undique impetitur, semper firmius, ac solidius evasit, atqui hoc Christus nec affirmare, & multo minus adimplere potuisset, nisi esset tum summè verax, tum & omnipotens; ergo Ecclesiæ stabilitas invictè probat divinam Christi potentiam: quod eo vel maximè comprobat exitus Idololatricæ; hæc enim cum suos conatus duplicasset, in suumque auxilium omnes Reges terræ advocasset, ut Christi ædificium recter extructum dirueret, non solum id ei male cessit, sed quæ istud evertere cogitabat, ipsa funditus est everfa, & ubi olim Idola principabantur modo imperat Christus.

XLVIII. Hoc præclaro testimonio utitur Chrysostomus Demonstrat. citata: Quod Christus sit Deus: *Super petram hanc (inquit) ædificabo Ecclesiam meam, & portæ inferi non prævalebunt adversus eam. Examina quid hoc sibi verbum vult, & videbis perspicuam ejus veritatem. Nam non solum hoc mirum est, quod ædificavit eam per totum mundum, sed quia fecit & invictam, licet tot bella insurgant. . . . nec ideo quia paucis dicitur ædificabo Ecclesiam, transcurras obiter, sed considera, & cogita tecum, quid sit in tam brevi tempore omnem sub sole terram tantis Ecclesiis impleri &c.* Inde enumeratis iis, quæ obstitērunt, quæque virtute Christi superata sunt: & Apostoli Ecclesiam ædificaverunt: profequitur: *Quo enim modo ille dixit: fiat cælum, & monstravit opus. . . . Et verbum hoc ædificabo Ecclesiam, hæc omnia operatum est.* Et infra: *Numerā, quot Tyranni ab illo tempore adversus eam instruxerunt acies, quot gravissimas persecutiones moverunt, quomodo toto priore tempore, quando novitia erat fides, & nuper plantata, teneraque omnium merces, gentiles regnabant. . . . Veruntamen insidiæ, & machinationes illa omnes levius, quam araneorum tela discerpit sunt. Et ea, quibus nos invadebant, & quibus insidiabantur, citius fumo dissoluta, pulvere præterierunt infirmiora; magnum enim nobis numerum Martyrum impleverunt, immortalesque illos Ecclesiæ thesauros reliquerunt, & columnas, &*

turres, & eos, qui non solum viventes, sed & mortui posteris magna utilitatis materia facti sunt. Vides prædictionis robur: Et porta inferi non prævalebunt adversus eam?

Ab his & de futuris crede, quod nullus obfistet. Si enim, cum ex parvis constaret, & novæ sectæ opus esse videretur, novaque haberetur doctrina, ac tot bella, tot pugnae ubique committerentur, non prævaluerunt, neque obfisterunt; multò magis, cum universum orbem, & omnem locum, & montes, & colles, & valles, & terram, & mare, & gentes omnes, quæ sub cælo sunt, comprehenderit. Parum est, quidquid reliquum est impietatis, præsertim sublati templis, altaribus, idolis, omnibusque festis, & sacrificiis, & fumo, & nidore, & prophanis conventibus. Quo pacto ergo tale atque tantum negotium, tot munitum obstaculis, finem habere potuisset, tam clarum veritati exitum testificantem; nisi divina quædam, & invicta virtus fuisset, quæ & hæc prædixisset, & perfecisset? Nullus utique his contradixerit, nisi quis valde insanus, & totus stupidus sit, naturæque sensu privatus. Hæc Chrysost. & cujus verba sequentia, veritatem hanc mirabiliter confirmantia, non transcribo, ne fastidium pariam: legere tamen studiosum non pigeat.





TRACTATUS

De Auctoritate Librorum Religionis Christianæ.



LIBRI, in quibus doctrina Religionis Christianæ continetur, alii sunt Veteris Fœderis, quibus tota Religio Christiana figurata, & adumbrata conspicitur, suntque summæ ac divinæ auctoritatis etiam apud Hebræos: alii vocantur, & sunt Novi Fœderis, in quibus tota doctrina Christi, ut de facto impleta, & promulgata legitur, quibus soli Christiani utuntur ad sua dogmata confirmanda. De libris Novi fœderis, ut proximè ad religionem Christianam pertinentibus, primò agere intendimus. Etsi autem probata religionis Christianæ veritate, probatum quoque maneat, libros, ex quibus deprompta est ejus doctrina, esse indubiæ, ac divinæ auctoritatis; ita ut ei, qui de ejus auctoritate convictus est, nullum possit subesse dubium de auctoritate Librorum, in quibus ejus doctrinam legit præscriptam: attamen, ut sciamus, quinam sint illi, ex quibus Christiana religio suas veritates promittit, & quos, ut Regulam sumit, insuper illi, quos ut Apocryphos rejicit; in hoc immorari, operæ pretium existimo; Et primò eos, qui sunt Novi fœderis, deindè eos, qui sunt Veteris, ostendendo.



CAPUT I.

De Evangeliiis.

§. I.

Quædam notantur.

I. **E**X libris Novi fœderis quidam sunt, de quibus nullo unquam tempore à Christianis dubitatum est, dicti propterea *Proto-Canonici*, seu primo regulares, quia tanquam Regula primitus habiti sunt. Alii, de quibus à principio apud aliquos dubitatum est, vocati *Deutero-Canonici*, seu secundo-regulares, quia etsi non primitus, tamen secundo, i. procedente tempore, tanquam regula Christianæ religionis habiti, & acceptati universim sunt.

II. Et primum quidem si contentiosus negaret, libris Novi fœderis contineri religionem Christianam, posset facile convinci; primò testimonio omnium Christianorum, qui ita semper asseruerunt: sicut testimonio Mahumetanorum firmè credimus, doctrinam Mahumetis contineri in Alcorano. Secundo provocando ipsum ad conferendam doctrinam dictorum librorum cum iis, quæ docent, & faciunt Christiani; si enim viderit, ea, quæ docent, & faciunt Christiani ex suæ legis præscripto, esse eadem, ac ea, quæ in dictis libris facienda, & docenda præscribuntur, quis nisi ratione captus poterit inficiari, iis contineri Christianam doctrinam: nisi fortè esset, qualis ille, qui videns nivem albam contendere pergebat, eam esse nigram? Tertio tandem, & breviori via illi proponenda esset usitata apud omnes æquos Judices regula, ut qui impugnare velit scriptum aliquod multis seculis receptum, ei incumbat onus adferendi argumenta Scripto derogantia fidem, ut Baldus rubrica de fide instrumentorum, & Gailius lib.2. observat. 149. Num.6. & 7., alios proferens.

III. Supposito ergo, quod asserat quidem eos esse libros Christianorum, iisque Christianam doctrinam comprehendere, neget tamen esse illorum, quorum nomina præferunt, loquendo de libris Proto-canonicis, debet evinci sic. Negari rationabiliter non potest, librum esse auctoris, cujus nomen præfert, quando non solum primi, apud quos Archetypa facile fuerunt, esse id revera illius fœtum, testati sunt; sed etiam illi, qui doctrinam

E c a

illius

illius libri impugnarunt; auctorem tamen libri esse eum, qui præfertur, negare, ausi non sunt: atqui ita est in casu. Primi enim Christianorum Patres Justinus, Irenæus, Clemens, ac deinceps alii sub his ipsis nominibus eos libros laudant, ut eorum opera percurrenti videre est: cui accedit, quod Tertullianus de præscriptionibus adversus hæreticos aliquot sacrorum librorum Archetypa etiam suo tempore extitisse, ait hisce verbis: *Age jam, qui voles curiositatem melius exercere in negotio salutis tuæ, percurrere Ecclesias Apostolicas, apud quas ipsæ adhuc Cathedra Apostolorum suis locis præsident, apud quas ipsæ authentica litteræ eorum recitantur.* Et S. Hieronymus de Script. Eccles. in Matthæo ait: *Porro ipsum Hebraicum (Matthæi Evangelium) habetur usque hodiè in Casariensi Bibliotheca, quam Pamphilus martyris studiofissimè consecit.* Et sanè quidni ipsa eadem scripta manu Apostolorum tunc extiterint, cum Quintilianus dicat, suo tempore extitisse scripta manu Ciceronis, & A. Gellius Higinii tempore, & fortè etiam suo, extitisse scripta manu propria Virgilii? Vide lib. 1. Noct. Ast. cap. 21.

IV. Neque aut Pagani, aut Judæi unquam controversiam moverunt, quasi eorum non essent opera, quorum dicebantur; imo Julianus Christianorum librorum inimicus apertè etiam fatetur, Petri, Pauli, Matthæi, Marci, Lucæ, Joannis esse ea, quæ Christiani legunt iisdem nominibus inscripta, apud D. Cyrillum lib. 10. in initio, ubi refellens tanquam rem novam doctrinam de Christi divinitate, impiè isthæc effutiit: *Jesum quippè illum neque Paulus Deum dicere ausus est, neque Matthæus, neque Lucas, neque Marcus, sed bonus ille Joannes, quàm sensisset magnam multitudinem in plerisque urbibus Græcis, & Italicis jam tum eo morbo captam esse, audiretque, opinor, monumento quoque Petri, & Pauli, clam quidem, sed tamen audiret ea coli, primum id prodere ausus est.* Quid plura? Virgilii, aut Homeri esse, quæ eorum dicuntur, nemo sanus dubitat, ob perpetuum de illo Latinorum, de isto Græcorum testimonium: quantò magis de horum librorum Auctoribus standum est testimonio omnium, quotquot per orbem sunt, gentium; maxime quod omnes Ecclesiæ illos libros, tanquam tales, antequam Concilia, seu Conventus ulli communes habiti essent, receperunt.

* * *

§. II.

Evangelium Matthæi est Matthæi & Hebræis scriptum.

V. **Q**uod si restringamur ad sola quatuor Evangelia; ea esse revera eorum, quorum gestant nomina, faciliè suadetur. Evangelium enim, quod Matthæi nuncupatur, esse Matthæi Apostoli, testes sunt primò Papias Joannis Apostoli discipulus, qui apud Euseb. Hist. lib. 3. cap. 39. *Matthæus quidem (inquit) Hebræico sermone divina scripsit oracula, interpretatus est autem unusquisque illa, prout potuit.* Secundò Irenæus; tum apud Euseb. lib. 5. c. 8. ibi *Matthæus apud Hebræos propria eorum lingua conscripserit Evangelium edidit*: tum in propriis Irenæi libris l. 3. c. 1. ibi: *Matthæus in Hebræis ipsorum linguâ Scripturam edidit Evangelii*: Imo eodem lib. 3. cap. 11. refert etiam, Hæreticos Ebionitas illud ut fœtum Matthæi recognovisse, eoque solo usos; non tamen integro, ut notat Epiphanius hæres. 30. §. 13. & sed duobus prioribus Capitulis mutilo, aliisque locis depravato. Hebræicum autem vocabant, quia Hebræico, seu potius Syro-Chaldaico idiomate scriptum erat: quare Evangelium Matthæi vocabatur *secundum Hebræos*.

VI. Irenæo subjungit Eusebius lib. 5. Hist. cap. 10., quod antiquâ famâ terebatur de quodam Pantæno temporibus Commodi Imperatoris, qui ad Indos usque penetrasse dicitur, ibique Evangelium Matthæi, quod adventum ipsius jam prævenerat, apud quosdam Christi notitia imbutos reperisse. Quibus scilicet Bartholomæus, unus ex duodecim Apostolis, olim, ut fama est, prædicaverat, & Evangelium Matthæi Hebræicis conscriptum litteris reliquerat: quod quidem ad prædicta usque tempora servatum esse, memoratur. Similia scripserat Origenes lib. 1. explicationum in Evang. Matthæi, ubi hæc scripta legebantur referente Eusebio lib. 6. Hist. cap. 25. *Sicut ex Traditione accepi de quatuor Evangeliiis, quæ sola in universa Dei Ecclesia, quæ sub cælo est, citra controversiam admittuntur. Primum scilicet Evangelium scriptum esse à Matthæo, prius quidem Publicano, postea vero Apostolo Jesu Christi, qui illud Hebræico sermone conscriptum Judæis ad fidem conversis prædicavit.*

VII. His Eusebius ipse subscribit lib. 3. cap. 4., ubi de ordine, & Auditoribus Evangeliorum narrat. *Matthæus cum Hebræis primùm fidem prædicasset, inde ad alias quoque gentes profecturus, Evangelium suum patrio sermone conscribens, id quod præsentia sua adhuc superesse videbatur, scripto illis, quos relinquebat, supplevit.*
Adhæ-

Adhæret S. Hieronymus lib. de Scriptoribus Ecclesiasticis in Matthæo verbis supra relatis; *Matthæus, qui & Levi, ex Publicano Apostolus, primum in Judæa propter eos, qui ex Circumcisione crediderant, Evangelium Christi Hebraicis litteris verbisque composuit. Quod quis postea in Græcum transtulerit, non satis certum est. Porro ipsum Hebraicum habetur usque hodie in Casariensi Bibliotheca &c.* Succedit S. Joannes Chrysostomus homil. 1. in Matth. dicens: *Matthæus accedentibus his, qui ex Judæis Christo crediderant, & rogantibus, ut qui verbis docuisset, hæc eis in litteris servanda dimitteret, Hebræo dicitur Evangelium scripsisse sermonem.* Testium omnium agmen claudat S. Augustinus qui lib. 1. de consensu Evang. cap. 2. ait: *Horum sanè quatuor (Evangelistarum) solus Matthæus Hebræo scripsisse perhibetur eloquio; quod repetit lib. 2. ibi cap. 56.*

VIII. Ex his hactenus deductis habentur constanti apud veteres Traditione duo. Primum, Evangelium, quod fertur nomine Matthæi, esse revera à Matthæo conscriptum. Secundum, fuisse à Matthæo primitus conscriptum Hebraico sermone. Attamen Clericus celebris inter recentiores Protestantes, & ante ipsum Calvinus Harmon. Evang. ad cap. 2. Matth. in calce suæ Harmoniæ Evangelicæ, primum quidem admittit, de secundo primò dubitat, tandem tanquam Apocryphum rejicit. Dicit ergò primo, Veteres delapfos in traditionem hanc de Evangelio Matthæi hebraicè scripto, nixos auctoritate solius Papiæ, qui primus id affirmavit; norunt autem omnes, quàm exigui ponderis sit Papiæ testimonium, si solum sit; utpote qui multas falsas Traditiones ut ab Apostolis acceptas venditarit, & illam præcipuè de Regno millenario Christi. Secundò dicit, alteram causam, cur Veteres in hanc sententiam prolapsi sint, fuisse, quod Nazaræi dicerent, se habere authenticum exemplar Matthæi, nec absimile verò videretur, Apostolum inter Judæos præsertim versatum Judaica lingua scripsisse. Atqui tam facile fuit creditu, Græcum exemplar à Nazaræis in Hebraicam linguam translatum, quàm à Christianis ex Hebraica in Græcam. Ita Clericus; addens, Hieronymum huic opinioni adhærendo non suo judicio esse usum, nec rem maturè expendisse, sed ex aliena, & vulgi sententia locutum: quare in tertio libro contra Pelagianos, non procul ab initio, suspensio stylo loquitur. Tertiò quia in verbis ipsius Papiæ improprietates loquendi apparet, dicit enim: *Illi quisque, ut potuit, interpretatus est.* Debuisset enim dicere *illa quisque, qui Hebraicè norat* &c. Deinde hoc indicat, multas ex Hebraico factas fuisse translationes, quarum certè me-

memoria aliqua apud veteres extitisset; cum tamen solius translationis in Græcum, ex qua sumta est Vulgata nostra, memoria sit. Hæc & alia Clericus pro Novatorum indole, ac genio omnia sua deque pro arbitrio volventium.

IX. Quare parcite, quæso, si aliquantulum immorer in examinandis a Clerico supra allatis momentis. Dicit primò, Veteres in eam opinionem prolapsos, unius Papiæ fabularum venditoris auctoritate motos. Quasi verò veteres omnes Græci, & Latini pecudum more, & non perpenſis primò, quæ Clericus excogitavit, momentis, in unius viri sententiam contra veritatem conspirarint; & plus viderit solus Clericus 17. seculis remotus, quam Patres temporibus illis vicini, doctrina celebres, & in evolvendis rebus accuratissimi. Papias auctor fuit Regni millenarii, & Chiliasitarum parens. Fateor. At licet ex veteribus aliqui ei in hoc etiam adhæserint; alii tamen de hoc dubitarunt, alii ut fabulosum exploſerunt. Si ergo fabulosum etiam fuit, Matthæum hebraicè suum Evangelium scripsisse, cur Patres, qui prioribus successe, id non reprehenderunt? Non valet, mi Clerice: Papias in multis fabulosus fuit: ergo in omnibus. Eusebius, inquis, Papiam ut auctorem suspectum prodit lib. 3. c. 39. In aliquibus credam, at non in hebraica conscriptione Matthæi, aliàs si in hoc falsum Papiam Eusebius deprehendiſſet, cur & ipse vulgarem opinionem secutus, l. 3. hist. c. 24. supra laudato, Evangelium à Matthæo hebraicè conscriptum affatur? Rursus sicut Papias primus auctor fuit conscriptionis hebraicæ Evangelii Matthæi, ita primus auctor fuit conscriptionis Evangelii a Matthæo. Si ergo fabulam vendidit, quando prodidit Evangelium hebraicè conscriptum; vellem scire, cur non vendidit Eusebius fabulas, quando ait, ejus auctorem fuisse Matthæum: & quare Clericus dicat, se ex Papiæ hoc certum colligere, fuisse eo ævo Evangelium Matthæi, nec quemquam dubitaſſe, an ejus eſſet; quæ verò de hebraica scriptione habet, se non facile admittere: cum de neutro æqualiter quifquam veterum dubitarit?

X. Dicit secundo Clericus, Nazaræorum dictum, se habere authenticum exemplar Matthæi, non tanti eſſe roboris, ut sibi faciat fidem. At quare? Quia æquè credibile eſt, a Nazaræis Evangelium græcè conscriptum, translatum ab ipsis in hebraicum; ac sit credibile, Evangelium hebraicè conscriptum translatum poſtea in græcum. Sed non adtendit Clericus, quando Matthæus, quibus in circumſtantiis, & quibus scriperit Evangelium. Si fidem habemus Veteribus supra allatis, unanimi consensu dicunt, Matthæum genere Hebræum prædiçaſſe Hebræis,

bræis, inde ab eis discessurum in gratiam eorum, ut suppleret scripto, quod ipsis defuturum erat voce, eis reliquissè Evangelium. Dicat, oro, Clericus, credibile ne est, Prædicatorem Hebræum, concionantem Hebræis, & discessurum ab eis, conscripissè eis Evangelium, quod prædicaverat, græcè potius, quam hebraicè? Sane si audirem Italum Concionatorem, post Italis prædicationem discessurum ad Gallos, in gratiam Italarum conscripissè conciones, eisque eas reliquissè; etsi nullus mihi diceret, statim conciperem, eas italicè, & non gallicè conscripissè; et si quæ earumdem concionum gallica exemplaria viderem, confestim dicerem, ea non esse autographa Concionatoris, sed translationes. Cur ergo Nazaræis dicentibus se habere autographum Matthæi, qui Hebræis, & in eorum gratiam scripsit, Clericus refugit credere, dicens, æquè credibile sibi, græcum exemplar à Nazaræis in hebraicam linguam translatum, quam a Christianis ex Hebraica in Græcam? Fortè negabit Clericus, Matthæum fuisse genere Judæum, prædicasse Judæis, & in eorum gratiam Evangelium scripissè, eisque reliquissè? At neget etiam Homerum græcè, & Tullium latinè scripissè: imò totam Traditionem, ac Historiam neget. Tunc ei incumbet probare, & monumenta suæ negationis proferre; quod si non fecerit, audiendus non erit. Dicit fortè aliquis, tunc temporis linguam Hebraicam non fuisse usitatam, sed potius Judæos usos lingua græca. At respondeo, hoc revinci aperto Joseph testimonio, qui in præfatione lib. antiquitatum protestatur, se scribere græcè, quia Græcis scribit: quod non dixisset, si lingua Hebræis usitata esset græca non hebraica. Sed litem omnem dirimit Paulus act. c. 21 v. 40., & c. 22. v. 2. volens enim alloqui Hierosolymitanos Judæos lingua omnibus nota, hebraicè illos allocutus est: signum ergo est, linguam vulgarem omnibus notam fuisse hebraicam, seu potius Syriacam, vel Syro-Chaldaicam, in qua scriptum fuisse Matthæi Evangelium, scribit Hieronymus. At Hieronymus, inquit, cum de Evangelio hebraico Nazaræorum loquitur, non ex sua, sed aliena sententia fatur. Peto a Clerico; cum Hieronymus loco citato tria dicat; primum quod Matthæus, qui in Judæa primus prædicavit propter eos, qui ex Circumcisione crediderant, Evangelium hebraicis litteris verbisque composuit; secundum, ipsum hebraicum haberi etiam suo tempore in Cæsariensi Bibliotheca: tertium, a Nazaræis, qui dicto volumine utuntur, sibi facultatem datam illud describendi: Vel omnia hæc ex aliena, & non sua sententia protulit, vel aliqua tantum? Si omnia, cum non appareat in verbis

Hie-

Hieronymi apex ullus indicans, eum non suo iudicio loqui, prodat Clericus, quo fundamento id asserat, aliàs ita posset quis omnia dicta Patrum hoc effugio eludere. Si solum aliqua, & præsertim illud apud Nazaræos extare autographum hebraicum Matthæi; Ergo saltem mihi concedat duo priora dicta, ut verè Hieronymi, nimirum Matthæum hebraicis verbis scripsisse, & ejus autographum in Bibliotheca Cæsariensi tunc extitisse, quicquid sit, an apud Nazaræos extiterit, quod ad rem sat esset. Verum nec id quoque dabo, nisi prius mihi ostendatur in verbis Hieronymi duo priora dicta fuisse ex ejus sententia, hoc autem postremum ex aliena. Dicit, hoc indicari a Hieronymo 3. libro contra Pelagianos: *In Evangelio juxta Hebræos, quod Chaldaico quidem Syroque sermone, sed hebraicis litteris scriptum est, quo utuntur usque hodie Nazareni, secundum Apostolos, seu, ut plerique autumant, juxta Matthæum, quod & in Cæsariensi habetur Bibliotheca, narrat historia &c.* Respondeo. Dicit tamen Hieronymus, Evangelium Nazaræorum, ut plerique autumant, esse secundum Matthæum: ergo ita ferebat tunc communis sententia. Secundo dato, aliquos dubitasse, an Evangelium Nazaræorum esset ipsum Matthæi autographum; non dubitarunt certè primigenium Matthæi exemplar fuisse hebraicè editum, & non græcè; supra hoc enim, si diligens lector observet, non cadunt illa verba, ut plerique autumant, nam si hæc verba dubiam reddunt totam sententiam, dubium etiam reddent, Evangelium, quod nomine Matthæi circumfertur, esse revera Matthæi potius, quam aliorum Apostolorum.

XI. Quod si velit Clericus, audire Hieronymum ex propria sententia loquentem, adeat ipsum in cap. 11. Osæ, ubi postquam ait, Matthæum verba illa Osæ accepisse non secundum 70. Interpretum versionem, dicendo: *Ex Ægypto vocavi filios suos*; sed potius secundum Hebraicam veritatem, nimirum: *Ex Ægypto vocavi filium meum*: & ea interpretatus sit de Domino Salvatore, quando ex Ægypto reductus est in terram Israel: ut respondeat Juliano Augusto calumnianti Christianos, & dicenti, quod de Israel scriptum est, Matthæum Evangelistam ad Christum transfuisse, ut simplicitati eorum, qui de gentibus crediderant, illuderet, ait Hieronymus: *Cui nos breviter respondebimus. Primum Matthæum Evangelium Hebræis litteris edidisse; quod non poterant legere, nisi hi, qui ex Hebræis erant: ergo non propterea fecit, ut illuderet Ethnicis.* Si autem ita non sensisset, & si hoc suo tempore certum non fuisset, hoc responso non occurrisset Juliano Hieronymus.

XII. Dicit tertio Clericus, Papiam improprie locutum. At hic de locutionis modo non disceptamus, sed de rei veritate. Impropriam locutionem Grammaticis castigandam relinquimus. Mirum tamen, hunc locutionis modum Veteres non observasse, neque ipsum Eusebium, qui tamen non ob id Papiæ testimonium explofit, sed ei adhæsit cum ceteris. Ego tamen dicerem, Papiam dixisse: Evangelium Matthæi *quisque ut potuit interpretatus est*, quia in illis primordiis, quibus ardens desiderium erat Evangelium sciendi, cum illud esset primum scriptum in tali re (nam Matthæus primus omnium Evangelium suum conscripsit, ut fatentur omnes): quemquam studio abreptum illud exemplar in manus sumsisse, i. peritos, & imperitos, *ut potuit*, non bene callentes verborum vim (cum esset scriptum, ut ait Hieronymus, Hebraicis litteris ac verbis, quorum post Chaldaicam captivitatem non apud omnes erat usus, & cognitio) privato studio interpretatos fuisse: quarum Traditionum propterea memoria apud veteres servata non fuit; nisi tantum Ebionitarum, & Nazæarorum, quia hæ publicæ erant: quibus, observant eruditi, aliquas permixtas fuisse fabulas, interpolationes, ac mutilationes. Hæ tamen translationes, seu versiones non erant, sed transcriptiones potius in eodem idiomate cum additionibus, vel mutilationibus studio partium intermixtis (quod non negarim) donec, nescio quo Auctore, antiquissimo tamen, ex codice sincero Hebraico Matthæi Græca versio facta, ac publicè Ecclesiæ data fuit.

XIII. Suffragatur communi sententiæ Hugo Grotius inter Protestantes vir egregius æquè, ac discretus præfat. ad Matth. pag. 4. Dicit enim, Matthæum in Palæstina regione mansisse annos aliquamultos post Christi conversationem in carne (octo nimirum ut aliqui ex Græcis) magno antiquorum consensu traditur. Quare patet credi, scriptam ab eo Evangelicam historiam eo sermone, qui in ea regione frequentabatur, nam quod quidam magno conatu probatum eunt, græcum id, quod habemus, esse ipsius Matthæi primitivum, in eo nullis iustis de causis maximam piæ antiquitatis consensionem repudiant. Nam Papias, Irenæus, Origenes, atque alii, quibus ejus rei veritatem, quam nobis, exquirere promptius fuit, pro comperto tradiderunt, scripsisse Matthæum hebraicè. Addit ex Pantano Eusebius, id ipsum Evangelium hebraicis litteris scriptum apud Indos servatum fuisse, quibus tradiderat Bartholomæus. Neque unquam ea de re dubitasse videtur Hieronymus, quamquam, an illud Hebræum Matthæi esset illud ipsum, quo suo tempore uteban-

bantur Nazaræi, quodque tum in Bibliotheca Casariensi, tum Berceæ, atque alibi extitisse, sua ætate memorat, in dubio relinquit. Addit Hieronymus 3. contra Pelagium, scriptum fuisse Chaldaico Syroque sermone, sed hebraicis litteris, ubi chaldaicum syrumque sermonem intelligo idioma Hierosolymitanum, linguam ejus temporis. Quod autem illi adferunt argumentum ex verbis hebraicis; quæ in græco contextu videmus expressa, additis interpretationibus; pondus apud me non habet. Solemne enim est omnibus Scriptoribus, etiam Interpretibus, vocabula peregrina notabiliora servare integra, sed addito interpretamento: quod aliquoties etiam factum videmus a Senibus septuaginta. Hactenus Grotius, quibus compendio omnia a nobis supra dicta clauduntur, & ulterius quæ fieri posset objectio prævenitur.

XIV. Loquens autem de Evangelio vetere Nazaræorum, de quo supra Hieronymus, prosequitur: Vetus illud Nazaræorum Berceæ habitantium; quod a se consultum, translatumque in linguas alias narrat Hieronymus, omnino arbitror ex ipso Matthæi codice fluxisse, quod ab illis quidem constantissime asseveratum fuisse, tradit idem Hieronymus. Consentit insuper Grotius Epiphanio, Evangelium illud Nazaræorum Berceensium fuisse Matthæi, & quidem plenissimum; erant enim genuina progenies eorum, qui primi in Palæstina Christi fidem professi fuerant, id enim nomen primis Christi sequacibus inditum fuisse apud Hebræos ex Christi ipsius nomine; qui vulgò Nazaræus vocabatur, apparet Actor. 24. 5. planè sicut illi, qui ex Græcis Christum sunt amplexi, dicti sunt Christiani Actor. 11. 26. Adde, quod & Epiphanius testatur, hos ipsos Nazaræos fuisse propaginem illorum, qui divinitus admoniti Hierosolymis Pellam discesserant obsidionis tempore. Censet tamen Grotius, quasdam narrationes à Matthæo non scriptas, sed voce auditas paulatim a Nazaræis Matthæi Evangelio, quod apud ipsos erat, fuisse insertas; unde nata diversitas inter ipsorum hebraicum Matthæi, & quod nos habemus græcum. Nam historia de Muliere adultera, quam nos a Joanne proditam habemus, apud ipsos in Evangelio Matthæi legebatur, aliaque in eo congesta visebantur, quæ in nullo ex Evangeliiis leguntur, quæ ibi enumerat Grotius.

XV. An vero Evangelium Nazaræorum idem fuerit, ac Evangelium Ebionitarum? Videtur Hieronymus, taliter Matthæi Hebraicum exemplar citare, ut id commune videatur facere Nazaræis, & Ebionitis. Judicat tamen Grotius, illis commune fuisse Evangelium Matthæi: sicut olim Catholicis

commune fuit Evangelium Lucæ cum Marcione, paucis scilicet mutatis, quæ Marcioni displicebant. Ita & Ebionitæ utebantur quidem Evangelio Matthæi, quo & Nazaræi, sed ab eo deleverunt totam Christi geneologiam, & quæ sequuntur usque ad eum locum, quo Christus baptizatus legitur à Joanne: & hoc fecerunt, utpotè qui Jesum credi vellent natum ex Josephi concubitu, & solo virtutis merito gratiam unclionis consecutum. Quod ut præstarent Nazaræi, nulla causa erat; qui à ceteris Christianis in nullo dissidebant spectante ad fidem, quamquam ritus Judaicos adhuc observarent, Apostolis adhuc non prohibentibus: Christum autem esse Deum, natum per Spiritum Sanctum ex Maria, eos credidisse, probabilius existimat. Tum quia, qui de iis scribunt, nihil eis proprium tribuunt, præter ritum Hebraicorum observationem. Tum quia Irenæus in recensione Hæreseon, & præsertim Ebionitarum, nullam eorum facit mentionem. Tum & maxime, quia Augustinus, qui vetustiores Ecclesiæ Scriptores consuluit, disertè affirmet, confiteri Nazaræos, Christum esse Dei filium lib. de hæresibus c.9. Quare Hebræum illud Evangelium Nazaræorum, sæpè à Hieronymo laudatum, est quidem idem cum Ebionis Evangelio, sed ut rectè judicavit Gelasius, ab Ebione maculatum. Ita discurrit Grotius.

XVI. Si autem quis inquiret, quando, & à quo Hebræicum Matthæi Evangelium versum sit in Græcum?

Dicam, incertissimum esse, cum nemo veterum id prodiderit. Grotius in Lucam cap.1. dicit, credibile esse, cum Lucas suum scripsit Evangelium, Matthæi librum nonnisi Hebraico sermone extitisse. Hoc autem contigit decimo quinto post Christi adscensum anno secundum aliquos, vigesimo secundo secundum alios. Quando verò, & quis Hebræum Matthæi codicem in Græcum transtulerit, non satis certum est, ait D. Hieronymus lib. de Script. Eccles. in Matthæum. Hoc certum est, adeo antiquum fuisse hunc Interpretem, ut locum dederit aliquibus credendi, Matthæum Græcè scripsisse, ut hætenùs vidimus: maxime quia authenticum Hebræicum, sive fuerit illud, quod asservabatur in Cafariensi Bibliotheca, sive quod ostentabant Nazaræi, ut diximus ex Hieronymo, sive aliud, olim deperditum fuit; fortè quia, cum illud deprehenderent mutilatum, aut depravatum ab Ebionitis, aut antiquioribus aliis Hæreticis, Catholici neglexerunt. Habemus quidem modo Evangelium Matthæi Hebræicum, editum à Tillio, & à Muntero superiori seculo, sed hoc non esse Matthæi, adeo certum est, inquit Grotius (præfat. in Matth.) ut nullis indigeat argumentis. Prostat au-

ti.

tiquum exemplar hujus Evangelistæ Syriacum, sed hoc aliud est ab exemplari Hebræo Matthæi: non enim constat, versionem Syriacam, quam nunc habemus, esse tantæ antiquitatis; accedit tamen ad Hierosolymitanam linguam, quæ tempore Matthæi erat in usu.

§. III.

MARCUS.

XVII. **M**arci Evangelium esse illius auctoris, tradunt iidem ferme auctores, quos supra audivimus de Matthæo: Papias apud Eusebium lib. 3. Hist. cap. 25., Irenæus apud Eusebium Hist. lib. 5. cap. 8., & in operibus Irenæi lib. 3. cap. 1. cui consentit Eusebius lib. 2. cap. 15., id confirmans ex Clemente lib. 6. cap. 14. Marco autem Evangelium suum scribendi occasio hæc fuit, ut narrat Eusebius lib. 2. Hist. cap. 14. & 15. Confuso enim, & dejecto per Petrum Romæ Simone Maggo: *Tantus veritatis fulgor emicuit in mentibus eorum, qui Petrum audierant, ut parum haberent semel audisse, nec contenti essent, delectis verbi doctrinam viva voce nullis traditam scriptis accepisse: sed Marcum Petri sectatorem, cujus bodieque extat Evangelium, enixè rogarent, ut doctrinæ illius, quam auditu acceperant, scriptum aliquod monumentum apud se relinqueret. Nec prius desisterunt, quàm hominem expugnassent, auctoresque scribendi illius, quod secundum Marcum dicitur, Evangelii extitissent. Quod cum Petrus per revelationem Sancti Spiritus cognovisset, delectatus ardenti hominum studio, librum illum auctoritate sua comprobasse, dicitur, ut deinceps in Ecclesia legeretur. Refertur id à Clemente in sexto Institutionum libro. Cui testis etiam accedit Papias Hierapolitanus Episcopus. Hæc Eusebius: ex quo hausisse videtur Hieronymus, quæ habet de Marco lib. de Scriptor. Ecclesiasticis, ubi ait: Marcus discipulus, & interpret Petri juxta quod Petrum reserentem audierat, rogatus Romæ à Fratribus, breve scripsit Evangelium, quod cum Petrus audisset, probavit, & Ecclesia legendum sua auctoritate dedit, sicut Clemens in sexto Hypotyposon libro scribit. Hos præcesserat Irenæus, qui lib. 3. cap. 1. postquam ait, à Matthæo scriptum Evangelium eo tempore, quo Petrus & Paulus Romæ evangelizarent, & fundarent Ecclesiam: ad Marcum veniens subdit: Post vero horum excessum Marcus discipulus & interpret Petri & ipse, quæ à Petro annunciata erant, scripta nobis tradidit: hocque adeo verum est, ut nos doceat Tertul-*

lia-

hanus lib. 4. adversus Marcion. cap. 5., Marci Evangelium à multis vocatum esse Petri: *Licet* (inquit) & *Marcus quod edidit* (Evangelium) *Petri affirmatur, cujus interpret Marcus*. Dicendum tamen, revera fuisse à Marco scriptum, ex doctrina tamen, quam acceperat à Petro, ait enim idem Tertullianus ibid. cap. 2. *Evangelicum Instrumentum Apostolos auctores habere, quibus hoc munus Evangelii promulgandi ab ipso Domino sit impositum: si & Apostolicos, non tamen solos, sed cum Apostolis, & post Apostolos, quoniam prædicatio discipulorum suspecta fieri posset de gloria studio, si non adsistat illi auctoritas magistrorum*. Hinc Justinus Evangelicæ historiæ libros sæpiuscule appellat *Commentarios Apostolorum* (& præsertim Apolog. 2. pag. 98.) i. ex doctrina Apostolorum per se ipsos, vel per alios conscripta.

XVIII. Marcum fuisse Judæum genere crediderim: quamvis autem Marci nomen Hebræum non sonet, nil officit; nam Judæi quoties in partes interiores Asiæ, aut in Europam venient, solebant sibi ad Judaicum nomen alterum adsciscere Græcum, aut Romanum, quo apud exteræ gentis homines noscerentur: Ita Barsabas dictus fuit *Justus*, Simeon *Niger*, & Joannes ille, qui Actorum 12. 12. dicitur Mariæ filius, & ibidem v. 25. assumptus fuit à Barnaba, & Saulo comes ministerii, quique Act. 15. 37. frigidiusculè à Paulo habitus fuit, cognominabatur Marcus. Ita fieri potest, ut Marcus Evangelii Scriptor suum Hebræum nomen habuerit, quamvis de illo Scriptura non loquatur.

XIX. Hæc dixi, quia assentiri non possum aliquibus, qui Evangelii secundum Marcum auctorem faciunt Joannem Marcum, de quo mox loquebar, qui unus ex 72. Discipulis fuisse fertur, qui cum Christo fuerant conversati; ab hac enim opinione removet auctoritas Veterum, qui hunc Scriptorem, Joannem nunquam, Marcum semper nominant. Adde quod Joannes Marcus, ut dicebam, vel fuit ex Christi discipulis, vel saltem ex primis Christianis; Marcus verò Evangelista Petri operâ conversus fuit; eum enim Petrus 1. epist. 5. 13. vocat filium suum; tali autem nomine eos, quos Christo genuerant, vocare consueverant Apostoli, ut patet 1. Cor. 4. 15. Galat. 4. 19., unde Paulus Onesimum vocat filium suum ad Philemon. v. 10. *Obsecro te pro filio meo, quem genui in vinculis, Onesimo*. Quare Papias apud Eusebium lib. 3. hist. cap. ultimo apertè prodidit, Marcum non scripsisse eo ordine, quo à Domino gesta aut dicta fuerant, dicens: *Neque enim ipse Dominum audierat, aut sectator fuerat nunquam, sed cum Petro, ut dixi, postea versatus est &c.*

XX. *Marcus iste, inquit S. Augustinus lib. 1. de Conf. Evangelist. cap. 2. Matthæum subsecutus, tanquam pedissequus, & brevior ejus videtur. Quare Marcus in scribendo Evangelium suum Matthæi Hebraico codice usum fuisse, credibile est: & eadem ratione putat P. Lamy in præfatione Apparatus ad suam Concord. cap. 6., Marci Evangelio Græco usum fuisse Matthæi Græcum Interpretem, quisquis ille fuerit; nam quæ Marcus ex Matthæo desumerat, hic iisdem prope verbis posuit, nisi quod quædam à Matthæo expressa Hebraico aut Chaldaico loquendi genere, propius ad Græci sermonis phrasim emollivit.*

XXI. *Qua autem lingua Marcus scripserit, Baronius non judicat verò absimile, eum lingua latina scripsisse: cum enim, testibus Eusebio ac Hieronymo supra laudatis, Marcus Romæ à Fratribus rogatus scripserit Evangelium: Neminem (inquit) puto existimaturum, Apostolos, cum gentibus prædicarent Evangelium, aliis usos fuisse linguis ab his, quibus gente illa uterentur, quibus Verbum Dei prædicarent. Ita Baronius ad annum Christi 45. n. 37. Si ergò D. Petrus prædicans Romanis; Romanâ linguâ eis prædicasse censendus est, quomodo Marcus Petri prædicationem excipiens, scriptoque tradens ea, quæ latinè dicta audierat, latinis scribens, Græcè potius, quàm Latinè describeret? Si enim Matthæus, quia Hebræis scribens, quod Hebræis Hebræicè prædicaverat, Hebræicè potius, quàm Græcè scripsit, ut vidimus, cur non idem eadem ratione de Marco dicendum? Insuper dato, quod Petrus Romæ prædicans Græco aut Hebraico sermone usus esset; Marcus, qui Petri interpretes ab Irenæo & Hieronymo vocatur, debuit lingua vernacula, i. latina, loqui, quia interpretis est ea, quæ peregrina lingua dicta sunt, in illam eorum linguam, quorum gratiâ interpretatur,vertere. Additur etiam, Marci Evangelium Græcum multis scaterere vocibus impropriis, quæ indicant esse ex Latino translatum, ut observavit Cardinalis Sirletus Bibliothecarius. Hæc Baronius pro sua opinione.*

XXII. *Attamen Veteres Patres consentiunt, Marcum primum scripsisse Evangelium Græcè: ita enim sentit Hieronymus epist. 123. ad Damalum, seu præfat. in Novum Testamentum hisce verbis: De Novo nunc loquor Testamento, quod Græcum esse non dubium est, excepto Apostolo Matthæo, qui primus in Judæa Evangelium Christi Hebraicis litteris edidit. Idipsum Augustinus lib. 1. de consensu Evangel. cap. 2. Horum sanè quatuor solus Matthæus Hebræo scripsisse perhibetur eloquio, ceteri Græco. Neque*

Ro-

Romanorum scripserit, non infertur eum scripsisse latinâ linguâ; & non Græcâ; sicut etiam Paulus dum ad Romanos scripsit epistolam, Græcâ scripsit linguâ, non Latinâ, & ratio utriusque est, quia Judæi, qui Romæ agebant, plerique Latini sermonis erant ignari, longa autem per Asiam, & Græciam habitatione Græcam linguam didicerant, & Romanorum vix quisquam erat non Græcè intelligens. Neque est simile de Matthæo, qui cum suum conscripserit Evangelium Hebræis, ut vidimus, quorum omnes Hebræam linguam callebant, pauci verò Græcam, illi præsertim, qui Palæstinam nunquam reliquerant; ideo credibilis est, eum Hebræicè scripsisse, quàm Græcè. Addo, quod Matthæum Hebræicè scripsisse, omnes Veteres affirmant, ut vidimus, Marcum autem scripsisse Latinè, Veterum nullus asserit, imo potius oppositum, ut vidimus ex Hieronymo & Augustino. Eadem ratione dico, credibile esse, D. Petrum Romæ prædicasse Græcè potius, quàm Latinè; Græcè enim loquentem omnes intellexissent & Judæi, & Romani; loquentem autem Latinè Romani quidem intellexissent, at non Hebræi, saltem omnes. Nec ex eo, quod Petrus Græcè prædicaverit, sequitur, quod Marcus debuerit, quia ejus interpres, scribere Latinè, non enim semper interpretari, idem est, ac de una in aliam linguam vertere, sed sæpè idem est, ac dictum alterius exponere, & declarare, stando etiam in eadem lingua. Sic Expositores sacræ Scripturæ, licèt in eadem sistant lingua, Interpretes dicuntur. Et Genes. 40. 12. interpretari somnium sumitur pro eodem, ac declarare, & exponere significationem somnii. Alius est Interpres verborum, alius Interpres rerum. Addo, quod hæc Baronii meditatio contra ipsum intorquetur. Vel enim Petrus concionatus est Romanis Græcè, vel Latinè. Si Græcè, cur Marcus debuit ab ipso Græcè dicta Latinè scribere, quia pro Romanis scribebat? Si verò Latinè; ergò cum Marcus fuerit interpres Petri, & interpres apud Baronium debeat in aliam linguam vertere, sequitur, Marcum scripsisse non Latinè, sed alia lingua, & qua, nisi Græca?

XXIII. Diximus, Marcum suum Evangelium conscripsisse Romæ, prout ibi à Petro audierat, ex quo sequitur nedum Marcum, sed & Petrum Romæ fuisse. Excitantur ad hæc Protestantes, quibus summa rerum est pertinaciter inficiari, Petrum unquam Romæ fuisse. Federicus Spanhemius vir inter illos celebris Miscellan. sacr. Antiquit. lib. 3. p. 3. Num. 14. irridet pro more, tanquam fabulam, hujusmodi conscriptionem Evangelii à Marco Romæ factam, tanquam fabulatores traducens, & fugilans

lans Veteres omnes, ipse meritò fugillandus, imò & dispiciendus, qui sic de continuata Traditione loquatur. Quum enim agitur de inquirenda veritate eorum, quæ antiquitùs gesta sunt, quinam sunt consulendi nobis, nisi veteres, vel coævi, vel illi saltem ævo viciniore? Relinquendi (inquit) sunt, quia nimium simplices, nimium faciles in suscipiendis Traditionibus absque delectu. At ego: unde hoc novit? In aliquo facilis fuit unus, vel alter: ergò in omnibus? ergò omnes? Videat, ne dum veteres arguit nimix simpliciter, arguendus sit ipse potius nimix temeritatis.

XXIV. Audiamus tamen quibus momentis ducitur Spanhemius. Dicit ergò primò, si vera esset opinio veterum de conscriptione Evangelii Marci facta Romæ præsentè Petro, debuisset Petrus anno secundo Claudii esse Romæ, cum dicat Eusebius, & cum eo Hieronymus, Marcum conscripto suo Evangelio, Claudii anno secundo, in Ægypto, & Alexandria Christum annunciasse: atqui Petrus anno secundo Claudii Romæ esse non potuit, imò nec quarto, imò nec ante Concilium Hierosolymitanum, Apostolis non ante à se invicem disjunctis, ut notat Valesius. Nec ex Ægypto postea Romam ivisse Marcum, ut Petro sese adjungeret, dici potest, cum ibi manserit Marcus usque ad extremum vitæ suæ. Quis ergò, & quando Marcus fuit Romæ? Meritò igitur, ait Petavius....., neutrum horum dicit Epiphanius, aut Petri jussu, aut Romæ scripsisse Marcum. Imò nec hoc dixit Papias ab Eusebio relatus. Ita discurret Spanhemius.

XXV. Cui respondeo. Etsi non esset certus annus adventus Petri Romam, conscriptionis Evangelii Marci Romæ, professionis Marci in Ægyptum: nunquid ob id negandum esset, Petrum Romam adventasse, & Marcum Romæ Evangelium suum scripsisse? Nam quid certius, in fine Hebdomadum Danielis venturum Messiam, & hunc jam venisse? At quid incertius tempore, à quo earum sumendum est initium? Quid certius Christi nativitate, ac morte? At quid incertius anno, quo natus, quo mortuus? Spanhemius, qui certum habet, nec Petrum, nec Marcum fuisse Romæ, saltem his, vel illis annis, certus ne est, ubi fuerint illis annis commorati? Sive Petrus anno secundo Claudii Romæ fuerit, & eodem labente anno Marcus Romæ exierit, sive alio anno: certum est, Petrum & Marcum Romæ fuisse, nam in hoc asserendo conveniunt Veteres, licet in illo aliquantulum dissentiant. Petrum anno secundo Claudii Romam adventasse, alibi docui, & cum eo ivisse Marcum. Doctrina Christi ibi vix audita ex ore Petri excitavit in Romanis ardens

desiderium eam scripto habendi; Marcus id opus aggressus est, & confecit; Petrus legit, & approbavit: inde Marcus in Ægyptum discessit. Hæc narrat Eusebius lib. 2. Hist. cap. 16. & 17. quid hic repugnans? Fortè quod eodem anno Petrus Romam cum Marco appulerit, eodem Marcus Evangelium scripserit, eodem abierit? At quid mirum, si dicamus Petrum cum Marco adventasse Romam anno secundo Claudii ineunte, & Marcus eodem exeunte anno discesserit? Anne omnia recensita uno anno non poterant absolvi, maximè afflante Sancto Spiritu, & Apostolicorum virorum opera mirè promovente? Sanè incredibile videtur, quomodo Apostoli tam brevi spatio tot orbis partes peragrarent, tantaque fecerint; & tamen verum est.

XXVI. Nec nos moratur Valefii dictum ad lib. 2. cap. 16. Eusebii, nimirum Petri, & consequenter Marci Romam secundo anno Claudii adventum refelli ex Actibus Apostolorum, ex quibus constat, Petrum in Judæa, & Syria semper mansisse usque ad ultimum annum Agrippæ Regis: qui cum Hierosolymis Petrum in vincula coniecisset, paulò post divina eum insequente iustitia extinctus est Cæsareæ, ut refert Lucas. Cum igitur anno quarto Claudii mortuus sit Agrippa, ut inter omnes convenit, Petrus ante hunc annum Romam proficisci non potuit. Hæc Valefius.

XXVII. Non, inquam, nos moratur. Unde enim probat Valefius, Petrum in Judæa, & Syria semper mansisse usque ad ultimum annum Agrippæ Regis? Id certè ex Actibus Apostolorum non colligitur cap. 12. Colligitur quidem, Petrum ab Agrippa Herode in vincula coniectum, sed Hierosolymis mansisse usque ad obitum Herodis, non colligitur: imo credibilis est, eum fugâ elapsum è carcere, ut diligentiam Herodis eluderet eum requirentis (ut legitur Act. 12. 19. *Herodes autem cum requisisset eum, & non invenisset, inquisitione facta de Custodibus, iussit eos duci*) in partes remotissimas aufugisse; & consequenter Romam petiisse, quò ad conversionem gentium mira illa visione Act. 10. vocatus fuerat. Nec enim Herodes statim post Petri fugam è carcere, fato cessit, sed ut ait Lucas Act. 12. 19. *Descendens à Judæa in Cæsaream, ibi commoratus est*: cui concordat Josephus lib. 19. antiquit. cap. 3. & 8., & lib. 2. de bello Judaico cap. 10. ubi multa ab eo Beryti & Cæsareæ gesta commemorat, quæ temporis moram non brevem præferunt. Unde adest nobis firmum satis fundamentum asserendi, anno secundo Claudii Petrum è carcere elapsum Romam concessisse. Anno autem quarto, ut vult Valefius, è vivis sublatu fuerit Herodes, vel forte an-

nò tertio: ut enim scribit Iosephus citatus, tribus tantum annis tanquam Rex Judæam Herodes administravit, cum prioribus quatuor jure Tetrarchiæ eam rexisset.

XXVIII. Neque urget, Apostolos ante Concilium Hierosolymitanum non fuisse disjunctos. Respondeo enim, Apostolos ante dictum Concilium non fuisse equidem disjunctos finaliter, idest non ampliùs conjungendos, quia certè ante illud non fuerunt per orbem dispersi omnes: sed sicut Paulus, Barnabas, ceterique antecedeute tempore huc, illucque annuntiabant Verbum (Saulus enim, & Barnabas Act. 13. abierunt Seleuciam, & inde navigaverunt Cyprium, inde venerunt Iconium, inde ad civitates Lyconia, Lystram, & Derbem Act. 14., & tandem Antiochiam) credibile certè est, idem alios Apostolos egisse, & maximè Petrum, cui specialiter conversio Gentium commissa fuerat.

XXIX. Sive autem Petrus secundo Claudii anno Romam petierit; sive tantum septimo, ut ex Chronico Alexandriuo censet Valesius; sive Marcus Roma decesserit anno Claudii secundo exeunte, sive nono, ut cum Eutychio Alexandrino arbitratur idem Valesius: certum est & nobis, & Valesio ipsi, Petrum & Marcum Romam concessisse: cur ergò Spanhemius, qui adhæret Valesio neganti Petrum secundo Claudii anno Romæ fuisse, & Marcum eodem anno in Ægyptum abiisse, eidem non adhæret affirmanti, & Petrum & Marcum Romæ fuisse; Petrum quidem septimo Claudii anno cum Marco illuc adventasse, Marcum verò illinc abiisse anno ejusdem nono?

XXX. Dicit Spanhemius, nimis frivolo fundamento asseri hunc adventum Petri & Marci Romam. *Occasionem* (inquit ibi Num. 16.) *dedit Petrinus ille: locus ad calcem Epistolæ prioris, ubi & Ecclesiæ, quæ Babylone esset, & Marci filii sui meminit. Hinc Babyloneum quidam interpretati Romam, induciti ex Apocalypsoe libro.... distinguere nescii inter stylum Epistolicum & Propheticum, simplicem illum, hunc mysticum. Quo factum, ut Marcus etiam Romæ Petri socius fuisse crederetur, ibique conscribens Evangelicam historiam. Et innuit hoc Eusebius lib. 2. cap. 15.*

XXXI. Verum hoc quidem dicit Eusebius dicto cap. 15., & Hieronymus de Script. Ecclæs. Alii autem Veteres, qui omnes Petri adventum Romam fatentur, non hoc unice fundamento nituntur, sed potiùs recepta, & ab Apostolis derivata Traditione. Attamen nomine Babylonis, de qua D. Petrus in sua prima Epistola, intelligi Romam, consentiunt non soli Veteres, sed & Recentiores, imo ex Protestantibus Grotius in dictam episto-

G g 2 lam.

lam, dicens: *De Babylone dissident Veteres, & Novi Interpretes. Veteres Romam interpretantur, in qua Petrum fuisse nemo verus Christianus dubitabit. Novi Babylonem in Chaldaea. Ego veteribus assentior. Interim audiatur Valefius (lib. 2. Eusebi. cap. 15.) ad quem me provocavit Spanhemius: Romam Petrus figuratè Babylonem vocavit, vel ob magnitudinem, aut potentiam: vel propter impietatem, eo quod Dæmonum cultui dedita tunc esset Roma, periurè ac olim Babylon. Potest etiam alia ratio hujus cognominis afferri: quod scilicet ut Babylonii Judæos in servitutem redegerant: sic Romani tunc Judæos ditioni suæ subjecissent. Sunt qui in dicta Petri epistola Babylonis nomine non Romam, sed Babylonem ipsam, quæ caput fuit Assyriorum, designari contendunt. Verùm hi omniùm Patrum testimonio refelluntur. Certè qui Petrum Babylone sedisse volunt, ostendant nobis, oportet, successionem Episcoporum, qui Babylonis Ecclesiam post Petrum administrarint. Proferant igitur fastos Ecclesiæ illius, sicut & nos successiones Episcoporum urbis Romæ, qui post Petrum Apostolum Romanæ Ecclesiæ præfuerunt ex Irenæo, aliisque proferimus. Quæ major impudentia est, id quidem, quod nemo Veterum dixit, temerè affirmare, Petrum scilicet sedem fixisse Babylone: id verò, quod Veteres omnes Ecclesiastici Scriptores disertissimè prodiderunt, adventum scilicet Petri in Urbem Romam, pertinaciter negare? Atqui nihil in tota historia Ecclesiastica illustrius, quàm adventus Petri Apostoli in Urbem Romam. Nam præter Papiam, & Clementem Alexandrinum, quorum testimonia hic adfert Eusebius, idem scribis Dionysius Corinthiorum Episcopus in epist. ad Soterem Episcopum Urbis Romæ, Irenæus, Cajus Presbyter in disputat. adversus Proclum, Origenes in Tomo tertio explanationum in Genes. &c. hæc ille Valefius, cujus præsidium ostentat Spanhemius: quem licet sciam, omnes præfatos, aliosque Scriptores nimis credulitatis damnare; in iis plures contradictiones comminisci: ab iis tamen fallaciis disceptandis abstinere, non enim hujus loci est, materiam hanc funditus examinare.*

XXXII. Ad id verò, quod addit Spanhemius, non esse styli epistolici figuratè ponere nomina Urbium, respondet Grotius laudato loco, Petro fuisse motivum, stylium Apostolicum simplicem in figuratum detorquendi, Romam sub Babylone adumbrando, non solum *Ut si deprehenderetur epistola, non posset inde sciri, quibus in locis viveret; verùm etiam, ut cogitarent Pontici, sicut nunc ipsi vexarentur ab Imperio Romano, ita olim majores suos, & quidem illis ipsis in locis, vexatos fuisse ab Imperio Babylonico: fuisse tamen pios, & in urbe Babylone, & nunc esse Romæ; & sicut*
Deus

Deus penas exegit de Babylone, ita & exalturum de Roma: & sicut Judæi olim Babylonis jugo liberati fuere, ita & Christianos à Romana servitia liberatum iri. Hæc Grotius.

XXXIII. Respondendum ultimò nobis est Spanhemio petenti: si Marcus conscripsit Evangelium suum Romæ Petro præsentente, atque adprobante, quomodo subsistet id, quod dicit Irenæus lib. 3. cap. 1. Marcum scripsisse Evangelium *post horum, idest Petri & Pauli excessum* ? Respondet Grotius præfat. ad Marcum, verba textus Irenæi *post horum excessum* emendanda esse per antiquos codices, in quibus dicitur *post hujus editionem*, quasi dicat post editionem à Matthæo conscriptam, suam scripsit Marcus, ita etiam sentit Christophorsonus: & Petrus Possinus in Catena Patrum in Marcum præfata Irenæi verba ex Veteri Catena MS. Vaticana edidit eodem prorsus modo, quo Grotius & Christophorsonus; Nisi fortè dicatur, in hoc Irenæum esse singularem, cum ceteri Veteres Scriptores, Marcum Romæ, asserant, præsentente Petro scripsisse, ideoque in hoc deferendum esse. Sanè Hieronymus, qui & Clementem & Irenæum legerat, Clementi potius adhasit; Vir autem accuratissimus eam non elegisset Traditionem, quam veriore non judicasset. Neque nobis imponat Spanhemius dicens: *Laudatur Irenæus, si Petrum Romæ fuisse dicat; culpatur, si non Marcum Romæ scripsisse, comprobante Petro.* Quid enim nobis est lucri, si Marcus Romæ potius, quam alibi, adprobante vel non adprobante Petro, conscripserit? Infertur solùm, non esse omnino certum, quando, & ubi Marcus scripserit Evangelium; quod non negabimus.

§. IV.

LUCAS.

XXXIV. **L**ucam verum Auctorem fuisse Evangelii, quod Lejus præfert nomen, extra controversiam est. Docuit nos Origenes (inquit Grotius præfat. in Lucam) in annotat. epistolæ ad Romanos, fuisse, qui crederent, Lucium eum, qui in eadem epistola cap. 16. 21. nominatur, esse hunc ipsum Lucam, & Lucium dici flexione Romana, Lucam Græca. Ego (ait Grotius) Lucium istum, cujus ibi meminit Paulus, puto non alium esse à Cyrenensi, quem noster hic nominat Actor. 13. 1. Nostro autem nomen quidem Romanum fuisse, arbitror, sed aliquanto longius: nam quæ in *as* terminantur nomina solent partem nominis postremam abscindere: ita Demas

Græ-

Græcè Romanis est Demetrius, Menas Menodorus, Appellas Appollodorus, Epaphras Epaphroditus, Theudas Theodorus, Harpocras Harpocrates, Alexas Alexander, Cleopas Cleopater. Ex Artemidoro fit Artemas, ut apud Varronem est, lib. 7. de lingua Latina. Herodes Pater, qui in minore fortuna Antipas, Antipater fuit in maiore, Josepho teste. Sic Possides ex Possidonio diminuendo factum, & ut ad Latina veniam, Ruphas Rufinus. Quare & Lucas, si quid video, contractum est ex Romano nomine, quod suspicor fuisse Lucillium. Ita coniectat Grotius.

XXXV. Huic conjecturæ præsidium adfert Grotius, quia supponit, Lucam nostrum fuisse Syrum, domo Antiochenum, ut ait Eusebius lib. 3. hist. cap. 4., & Hieronymus de Script. Eccl. in Luca: Antiochiam autem Syriæ caput fuisse, docet Strabo lib. 6. Fuisse professione medicum indicat Paulus Colos. 4. 14. *Salutat vos Lucas medicus carissimus*. Hunc enim Lucam, de quo Paulus, alium esse à Luca, de quo agimus, nullo argumento probari potest, maxime cum hic fuerit carissimus, & comes perpetuus Pauli, ut dicemus. Accedit, eum medicum dici etiam ab Eusebio, & Hieronymo locis supra laudatis, & omnis vetustatis consensu talis semper habitus fuit. Syria autem multos Romanis servos exhibebat: & Medicina, ut ex Plinio atque aliis discimus, munus erat servile: porro manumissi nomen Patroni induebant, ut comoediarum Scriptor, Afer cum esset, dictus est à patrono Terentio *Terentius*; Alexander Polythor à patrono Cornelio Lentulo *Cornelius*, Suida referente: ita hic à Lucillio *Lucillius*, & contracte Lucas. Credibile est, cum Romæ Medicinam facitasset aliquamdiu, accepta libertate rediisse in Patriam. Judaicam religionem domi, an Romæ imbibere, incertum. Romæ sanè multi libertinæ conditionis quotidie ad Judaicum transibant, qualis Cæcilius ille, quicum Cicero de Verre accusando certavit. Philo lib. de Legatione ad Cajum ait: *Quomodo ergo passus est, magnam illam Romæ partem, quæ trans Tyberim est, habitari & teneri, se sciente, ab Judæis, qui magna pars Romana erant, ex servitute manumissi*. Sed & Antiochiæ magna erat Judæorum universitas, & ingens Profelytorum numerus, quod & Josephus nos docet Antiquit. lib. 12. cap. 3. Hellenistarum (i. Hebræorum Græcizantium) sermonem cum religione hausit, Græcicam litteraturam, dum Medicinæ studeret. Utriusque manifesta sunt inscriptis ejus vestigia; sed & ad Syriacum loquendi genus sæpè inclinans ejus dictio Patriam prodit, & Romæ versatum ex Romanis quibusdam locutionibus agno-

agnoscas. Ita Grotius ex parte suspicando discurrit. Huic ultimo consentit S. Hieronymus scribens, ejus scripta indicare, Lucam fuisse Antiochenum, & Græci sermonis non ignarum: & in 6. Isaïæ: *Lucam*, inquit, *tradunt veteres tractatores, magis Græcis litteras scisse, quam Hebræas; unde & sermo ejus tam in Evangelio, quàm in Actibus Apostolorum, idest in utroque volumine comitior est, & secularem redolet eloquentiam, magisque testamenti Græcis (è versione 70. Interpretum) utitur, quàm Hebræis.* Idem repetit epist. 145. ad Damasum: quibus constat, Lucam fuisse Hellenistam. Is enim apud Hebræos dicebatur, qui Biblia non Hebraica, sed Græcè versâ legebat.

XXXVI. Lucam fuisse Pauli sectatorem, & omnis peregrinationis ejus comitem, testatur Hieronymus de Script. Eccles., Eusebius lib. 3. hist. cap. 4., & lib. 5. cap. 8., quibus consentiunt omnes: & meritò; habetur enim narrante Luca ipso Act. 16. v. 10. 11. 12. 13. cap. 20. v. 6. 13. cap. 27. v. 27. Abeodem Paulo ad fidem Christi tractum fuisse, pariter certum est; incertum tamen, ubi & quando. Antiochiæ id accidisse, putat Grotius (præfat. in Lucam) postquam eò Româ rediisset, Paulo ibi docente; cui ab eo tempore comes hæsit, & Pauli legatione ad diversa loca functus est. Cum autem pluries Antiochiæ fuerit Paulus, incertum est, quando ad Christum Lucam converterit, an scilicet quando primum illuc se contulit, ubi per annum moratus est Act. 11. 26., vel alio tempore. Certè Lucas, qui Actus Apostolorum conscripsit, suæ conversionis non meminit, imo nec sui ipsius, nisi à cap. 16. v. 10. ; quod indicat quidem, eum jam fuisse inter socios Pauli, sed quando, & ubi ei cœperit adhærere, non dicit. Nicephorus lib. 2. hist. cap. 42. ejus conversionem describens, eam adscribit factam Thebis, dicens *Thebis ad Paulum venit, atque ibi nuncio patris errori remisso ad Christum accessit*; quo etiam innuit, Lucam ad Christum non ex Judaismo, sed ex gentilitate potius accessisse, Judaïsmum enim errorem non vocasset Nicephorus.

XXXVII. Hic ergò Lucas Evangelium conscripsit, prout fortè à Paulo audierat prædicatum: *Hujus porrò Evangelium* (inquit Eusebius lib. 3. cap. 4.) *ajunt, à Paulo designari solitum esse, quoties tanquam de proprio quodam Evangelio sermonem faciens dicit secundum Evangelium meum.* Motivum scribendi Evangelium ei fuisse creditur multiplicitas eorum, qui tale opus aggressi erant, & quidem plerumque infelicitè vera fabulosis miscendo, quod ex ejusdem Evangelii exordio conjicitur; incipit enim: *Quoniam quidem multi conati sunt ordinare narrationem &c.*

Licet enim Matthæus, & Marcus sua Evangelia jam conscripserint (non enim assentior iis, qui putant, Lucam Matthæo & Marco priorem in scribendo fuisse, cum illis refragetur vetustissimus librorum ordo apud omnes Nationes; refragetur Traditio vetus, Irenæo & Tertulliano testibus) tamen vel quia ad ejus manus non pervenerant, cum eo tempore Matthæi liber nonnisi Hebraico sermone extaret, & Marcus suum, quem ediderat, detulisset in Ægyptum, quò, ut ait Eusebius lib. 2. histor. cap. 16., scripto Romæ Evangelio profectus est; aut si aliquod exemplar Romæ reliquisset, Lucas ignoraret: Addo, Evangelium Marci esse potius compendium historię, quam historiam: Ex alia autem parte multa circumferrentur Pseudo-Evangelia, alicujus Apostoli, vel viri Apostolici nomen falsò præferentia, qualia liber Pastoris, Actus Pauli, Revelatio, ac Evangelium Petri, Thomæ, Matthiæ, Andreæ, & alia incertis narrationibus plena, quæ recenset Eusebius lib. 3. cap. 25., ideo optimum duxit Lucas, veritatem, quam acceperat ab iis, qui ab initio viderunt, & Ministri fuerunt sermonis à principio, diligenter & ex ordine scribere.

XXXVIII. Quo autem tempore, & loco Lucas scripserit Evangelium, non conveniunt vel Codices, vel Interpretes. Alexandria putant aliqui, quam nomine Troadis, ubi Lucas cum Paulo aliquantisper hæsit, ut Actuum 16., volunt intelligi idque demonstrari volunt ex nummis antiquis, in quibus legunt *Coloniæ Augustam Troadem Alexandriam*: ita Samuel Petitus variar. litt. cap. 12., & Ezechiel Spanhem. disert. 9. de præstantia, & usu numismatum pag. 76. Quia autem Troade in Macedonia Lucas cum Paulo transiit, & illic quoque scribere potuit Evangelium, ideo & ibi scriptum alii volunt. Alii verò Antiochiæ; ex calculis enim Pearsonii in Annualibus Paulinis pag. 20. Lucas ab anno 43. per octennium discipulus Pauli fuerat Antiochiæ, & an. 51. Troade cum assecutus; quare dici fortè posset, Lucam Antiochiæ Evangelium suum inchoasse, Troade conciliasse, & in Macedonia tandem absolvisse: & hoc modo etiam conciliari possunt varię opiniones de tempore talis conscriptionis, quarum ponunt aliquæ, eam exaratam anno post adscensum Domini 15., alii 22.: nimirum si dicatur, Lucam anno 15., qui congruit anno 37æ vulgaris 48., Evangelium inchoasse Antiochiæ, hoc enim tempore adhuc ibi erat: deinde anno 22., qui convenit cum anno 37æ vulgaris 55., in Macedonia tandem absolvisse.

XXXIX. Alium etiam librum scripsit Lucas dictum *Actus Apostolorum*.

stolorum, in quo Apostolorum gesta, & præsertim Pauli enarrantur. *Cujus historia*, inquit S. Hieronymus supra laudatus, usque ad biennium Romæ commorantis Pauli pervenit Aët. 28. 30. Id est usque ad quartum Neronis annum, vel quintum, ut vult Baronius, i. à Christo nato anno 61., ab eodem autem passio 28. aut 27.; quo anno censet, Lucam opus consummasse, cui interpolatis temporibus, prout viderat, & respectivè audierat, materiam præparaverat. Hoc ab eo Romæ conscriptum censet sanctus Hieronymus sub finem Custodiæ Pauli; non tamen est adeò exploratum, quin alii sentiant conscriptum, post discessum Romæ, Alexandriæ, ubi erat Theophilus, quem in libri initio alloquitur, hunc enim primum fidelium, & inter Alexandrinos nobilissimum fuisse censet Barbarhul auctor Syrus Lexici apud Edmundum Capellum: quod tamen liber Aëtium inscriptus fuerit Theophilo Alexandriæ commoranti, non est motivum inferens, fuisse Alexandriæ conscriptum; potest enim liber alicui viro, aliàs noto, inscribi, etiamsi in eadem regione cum Scriptore non existat. Certum est, librum Aëtium fuisse scriptum posteriori tempore ad suum Evangelium; hoc enim indicat Lucas ipse, dum librum exorditur: *Primum quidem sermonem feci de omnibus, o Theophile, quæ capis Jesus facere & docere &c.* quasi dicat, inquit D. Chrysost. Homil. 1. in Aët: *Priorem quidem sermonem feci de omnibus, o Theophile, quæ capis Jesus tum facere, tum docere &c.*

XL. S. Lucam Pictoris artem calluisse, vulgata opinio est, ac digito monstrantur Icones præsertim B. Virginis ab ipso, ut feruntur, depictæ. Protestantes, quibus omne studium est, usum sacrarum Imaginum ceu superstitiosum abolere, videntes hoc testimonio antiquitatem & legitimitatem talis usus mirabiliter firmari; toto conatu sanctum Lucam fuisse Pictorem, tanquam anilem fabulam venditare satagunt. Equidem fateor, sacram Scripturam & antiquos Patres affirmare quidem Lucam fuisse Medicum, ac fuisse Pictorem ne quid in indicare: num tamen istorum silentium sit sufficiens motivum rejiciendi tanquam fabulam Traditionem à Catholicis receptam id asserentem, videre placet. Neque tamen ideo meus mihi est, in examen vocare, an hæc, vel illa Imago, quæ à D. Luca fertur depicta, revera sit talis; sed solum an Lucas non solum medicinam professus fuerit, verum & pictoriam artem calluerit, & consequenter verosimile sit, aliquas eorum, quæ ab eo feruntur pictæ, Iconas revera ab ipso pictas fuisse,

XLI. Traditionem affirmantem Lucam Pictorem ex Græcis
Tom. I. H h ortum

ortum habuisse, non negarim. Primus, qui, ut puto, eam evulgavit, fuit Theodorus Agagnostes, Lector Ecclesiæ Constantinopolitanae, qui anno 518. floruit: is enim lib. 1. Collectaneorum refert; *Eudociam ab urbe Hierosolymitana ad Pulcheriam misisse imaginem Matris Domini, quam Lucas Apostolus depinxerat*. Tres enim (observat Valesius in notis ad Theodorum) Basilicas in honorem B. Mariæ Virginis Pulcheria ædificavit Constantinopoli, seu potius juxta urbem Constantinopolim (de quibus videndus est Nicephorus lib. 14. cap. 2. & lib. 15. cap. 14.) In una istarum, Hodegorum dicta, deposuit Imaginem Deiparae, de qua Theodorus. Dicta porro fuit hæc Basilica Hodegorum, eo quod cæci, meritis B. Virginis, cujus Imago illic erat deposita, visum recuperarent, nec amplius *Odigò*, idest ductore opus haberent, ut docet Codinus lib. de Originibus Constantinopol. pag. 41. edit. Regiæ: quod miraculum sua etiam ætate continuasse refert Nicephorus dicto lib. 15. cap. 14. Aliter tamen dictam Hodegorum conjicit ex Græcis auctoribus Ducange in sua Constantinopoli Christiana lib. 4. cap. 2. Num. 24., quod scilicet cum *Deipara Imago à sancto Luca depicta summa religione, ac veneratione colebatur à Byzantiis, nullam adversus hostes expeditionem susciperent Imperatores, ac Duces, quin prius eam salutassent; ac S. Deiparam via comitem, seu potius nutricem sibi fieri, essent deprecati*. Ex Theodoro sumit Nicephorus citatus, & Metaphrastes. Asservabatur illa Imago primum Antiochiæ, teste Nicephoro lib. 15. cap. 14. citato, quare prudenter credi potest à D. Luca picta, dum Antiochiæ patriæ suæ moraretur. Dum ergò Theodorus initio seculi 6. asserit, Iconam illam fuisse à D. Luca pictam, constans est Traditione antiqua apud Antiochenos, & Constantinopolitanos, id exploratum illis temporibus fuisse. Quid ergò contra illam blaterant Protestantes?

XLII. Dicent Scripturam, Patresque antiquiores non describere Lucam Pictorem, sed Medicum? Estò: De arte pictoria Lucæ non loquuntur, sed tantum de Medica, non tamen negant, Lucam Medicum fuisse simul in pingendi arte peritum. Ut evinceretur, Lucam non fuisse Pictorem, non sat est, asserere Scripturam, & Patres id non asserentes, sed ulterius necesse est, eos adducere id negantes: alias si Protestans mihi objecerit: ubinam Scriptura dicit Lucam fuisse Pictorem? Ego versa vice objiciam: ubinam Scriptura negat, Lucam fuisse Pictorem? Scriptura ergò, & Patres Lucam Medicum prodidere, filuere Pictorem: quia ars Medica publica erat Lucæ professio, Pictura autem privatum hominis studium. Sic Petrus dicitur Piscator,

Joseph Faber, Telonarius Matthæus, quia hoc, quod erat publicum eorum exercitium, eos notos reddebat publico: fieri autem poterat, ut privatis curis alia opera callerent, ergo ne, quia Scriptura de his non loquitur, negandum est? Fortè esse Medicum ac simul Pictorem incompatibilia sunt?

XLIII. Ita, inquit, in viro Judæo, cujus religioni interdicta erat omnis ars Iconas efformandi, seu simulacra. Peto. Si Judæis omnis ars pictoria, statuaria, & fusoria erat interdicta, & execrabilis, unde Salomoni præsto fuere tot Artifices, quot opus erant ad efformandos Cherubim, Boves, palmas, & picturas varias, quibus ornatum erat Templum 3. Reg. 6. ? Scio arcessitum de Tyro Hiramum quemdam, de quo 3. Reg. 7. 13. & 14., & 2. Paralipom. 2. 13. & 14., sed præter Hiramum e Tyro vocatum aderant innumeri alii artifices similis artis ex Judæis. Ita enim alloquitur Salomonem Rex Tyri de Hiram 2. Paralip. cit. *Qui scit calare omnem sculpturam... cum artificibus tuis, & cum artificibus Domini mei David patris tui.* At quomodo apud Salomonem hujusmodi inveniebantur artifices, & apud David patrem suum, si Judæis vetita erat omnis ars pictoria, statuaria, fusoria &c. His addo, probandum esse, hunc Hiramum non fuisse Judæum genere: ego enim Judæum assero, & de Tribu Nephtalim, licet diuturno incolatu dictus fuerit Tyrius: & hoc cum D. Hieronymo Quæst. Hebræicæ. ad 3. lib. Regum cum Spondano ad A. Mundi 3020. Num. 12., & Mariana in Schol. ad cap. 7. 3. lib. Reg.

XLIV. Ceterum gratis etiam dato, nullum ex Judæis artem pictoriam, seu statuariam exercuisse, adhuc ostendendum erit, sanctum Lucam fuisse Judæum genere. Si attendimus ejus Patriam, Antiochenum reperiemus: ibi autem Gens Judæa adventitia erat donata jure civium, sed ex gratia; & hinc non deducitur, eum potius Judæum fuisse, quam non Judæum. Si audimus Grotium, jam supra vidimus, eum religionem Judaicam, vel Romæ, vel in patria sua amplexum, ideoque profectum fuisse. Potuit ergo ante susceptum Judaismum arte pingendi imbutus, eam post Christo nomen datum iterum exercuisse. Quomodocumque ergo res sit, Traditio ferens, D. Lucam arte pingendi excelluisse, nulli subest incommodo, nihil inverisimile fert, ideoque prudenter amplectenda est.

§. V.

JOANNES.

XLV. **N**on minus certum est, Evangelium sancti Joannis ab eo, cujus nomine donatur, conscriptum fuisse. Fuit Joannes Zebedæi Bethsaidensis ac piscatoris filius, piscator & ipse, vocatus à Christo ad Apostolatum Matth. 4. 21. *Et procedens inde vidit alios duos fratres Jacobum Zebedæi, & Joannem fratrem ejus in navi cum Zebedæo patre eorum, resicientes retia sua, & vocavit eos. Illi autem statim relictis retibus, & patre secuti sunt eum.* Inter ceteros Apostolos speciali dilectione cum prosecutus est Christus: adeout quod olim de amicis suis Alexandrum dixisse, memorant, alium scilicet esse *Amicum Alexandri, alium amicum Regis*; crediderim, ad duos Apostolos sic posse aptari, ut Petrum dicamus maximè *amicum Christi*, quia ei supremam curam Ecclesiæ regni sui contradidit: Joannem verò *amicum Jesu*, cui Matrem suam specialiter commendavit. Legem quidem puer discere potuit Joannes, ut Hebræis mos erat; ceterum Hebraicam aut Græcam litteraturam, qua nulla imbutus fuerat, supplevit afflatu suo Spiritus Sanctus: qui tamen cum aptare soleat sua dona capacitati recipientis, hinc factum est, ut in Joannis, viri per quam simplicis, dictione mira supra ceteros Apostolos appareat simplicitas, & sermo Græcus quidem, sed Syriaco illius seculi frequenter adumbratus, ut observat Grotius Præfat. in Joann.

XLVI. In Apostolorum divisione Joanni contigisse creditur Asiæ pars, quæ Ephesum circumstat, ubi maximam vitæ suæ partem (excepto tempore, quo exul Pathmos fuit demandatus) usque ad extremam sui senectutem protraxit, ibique diem clausit extremum. Ita Eusebius lib. 3. cap. 1. *Joanni Asia obvenit, qui plurimum temporis in ea commoratus, Ephesti tandem diem obiit: quod repetit lib. 5. cap. 24. Domitiano Ecclesiam immaniter persequente ob testimonium, quod Christo perhibebat, in Insulam Pathmum traditur esse relegatus. Ita idem lib. 3. cap. 18., ubi librum suarum revelationum scripsisse, veteres crediderunt, qui dicitur Apocalypsis Græcè, quod Latinis est Revelatio. Domitiano autem mortuo, reversum Joannem ab exilio Ecclesias Asiæ rexisse usque ad tempora Trajani, scribit Eusebius eodem lib. 3. c. 23. ex Irenæo l. 3. contra hæreses, & Clemente Alexandrino lib. Quisquam dives salutem possit consequi, qui nobis excidit.*

XLVII.

XLVII. Ut certum est, Joannem scripsisse Evangelium, æquè incertus est locus, & annus, quo illud scripserit: volentibus aliis scriptum in Pathmo, & quidem 30. annis post Christi ad cœlos ascensum; aliis Epheſi, & 60. annis à Christi in cœlos eveſtione. Hiſce ultimis adhæret Irenæus, Clemens Alexandrinus, quamvis annum non designent, & S. Hieronymus de Script. Eccleſi. in Joanne. Conveniunt tamen omnes, ejus Evangelium conſcriptum fuiſſe poſt tria alia, hinc S. Hieronymus citatus: *Joannes (inquit) Apoſtolus, quem Jeſus amavit plurimùm, filius Zebedæi, frater Jacobi Apoſtoli, quem Herodes poſt paſſionem Domini decollavit, noviffimus omnium ſcripſit Evangelium, rogatus ab Aſia Episcopis &c. quod teſtantur Irenæus lib. 3. cap. 1., Clemens apud Eusebium lib. 6. cap. 14. & 3. cap. 24. Epiphanius hæreſ. 5., aliique.*

XLVIII. Duas cauſas Joannem moviſſe ad ſcribendum ſuum Evangelium, poſtquam viderat Evangelia Matthæi, Marci, & Lucæ, ait S. Hieronymus: prima fuit Cerinthi, aliorumque Hæreticorum, & maxime tunc Ebionitarum dogma conſurgens, aſſerentium, Chriſtum ante Mariam non fuiſſe, unde & compulſus eſt, divinam ejus Nativitatem edicere. Hanc eandem cauſam aſſert Irenæus lib. 3. adverſus hæreſes cap. 11. dicens: *Hanc fidem adnuncians Joannes Domini diſcipulus, volens per Evangelii nunciationem auſerre eum, qui à Cerintho inſeminatus erat hominibus, errorem, & multò prius ab his, qui dicuntur Nicolaitæ &c. Alia cauſa fuit Joanni ſcribendi Evangelium ſuum (proſequitur ſanctus Hieronymus) quod cùm legiſſet Matthæi, Marci, & Lucæ volumina, probaverit quidem textum hiſtoriæ, & vera eos dixiſſe, firmaverit; ſed unius tantum anni, in quo & paſſus eſt, poſt carcerem Joannis hiſtoriam texuiſſe. Prætermiſſo itaque anno, cujus acta à tribus expoſita fuerant; ſuperioris temporis, antequam Joannes clauderetur in carcerem, geſta narravit; ſicut maniſeſtum eſſe poterit his, qui diligenter quatuor Evangeliorum volumina legerint. Hieronymo conſentit Eusebius lib. 3. hiſt. cap. 24. Perlatiſ jam (inquit) in omnium, ipſiusque adeò Joannis notiſiam, ſupradictis tribus Evangeliiſ, approbuiſſe ea Joannes, & veritatem Scriptorum ſuo teſtimonio confirmaiſſe dictum; ſolam verò narrationem earum rerum, quas Chriſtus circa initium prædicationis geſſerat, deſideraſſe: & proſeſſo ita reſe habet; nam ſuperiores quidem tres Evangeliſtas ea duntaxat, quæ poſt conſeſſum in vincula Joannem Baptiſtam unius anni curriculo à Servatore noſtro geſta ſunt, litteriſ mandaiſſe, perſpicuum eſt.... Hiſ de cauſiſ ajunt, Joannem ab amicis rogatum, & tempus ipſum, quod ſuperiores Evangeliſtæ ſilentio prætermi-*

mi-

miserunt, & res tunc à Servatore nostro gestas; eas videlicet, quæ Joannis Baptiste carcerem præcesserunt, in Evangelium suum conjecisse: idque ab ipso indicari primum cum dicit: Hoc initium miraculorum fecit Jesus &c. En ergo causas, quæ Joannem ad conscribendum Evangelium impulerunt, primam, ut ostenderet Christi divinitatem, contra tunc emergentes hæreses; de qua alii tres Evangelistæ suboscure locuti fuerant: alteram, ut suppleret id, quod alii tres omiserant: quod Evangelium primum scriptum fuisset Græcè, nemo dubitat.

XLIX. Quod si quæras. Cur Joannes, qui sollicitus fuit supplere id, quod deerat de gestis Christi, tempore & annis suæ prædicationis, nihil commemorat eorum, quæ à Domino gesta sunt ante annum trigésimum; cum omnia hæc à tribus Evangelistis non minus fuerint prætermissa, præter unicum illud, quod duodecimo Christi ætatis anno ei contigisse, Lucas enarrat cap. 2.?

Placet, huic quæsito responsum adhibere, quod tradit Grotius epist. 143. ad Puteanum; nimirum quid cuique Scriptori narrandum sit, quid non, ex fine petendum est operis. Apostoli autem, & eorum discipuli non qualemcumque historiam Christi scribere in animo habuerunt, sed argumentum, sicut ejus, quod ore prædicabant, ita ejus, quod consignabant litteris, erat, quod titulus præfert, *Evangelium*, idest dogma novum resipiscentiam exactam deposcens, & promittens credentibus remissionem peccatorum, & vitam æternam... Ad hujus verò dogmatis à Christo revelati veritatem, & promissionis certitudinem testandam faciunt mors ejus, resurrectio, ascensus in cælum, missio Spiritus Sancti, miracula, per quæ omnia aptissimè filius Dei declaratus est. Hinc Evangelium duabus constat partibus, doctrina scilicet, & historia, nimirum, quæ Jesus fecit, & docuit, ut ait Lucas Act. 1. breviter describens Evangelii sui argumentum. Quare cum ante tertium annum nihil actum sit à Christo, quod ad hæc pertineret, sed eo tempore egerit vitam privatam, Patri credito, Matrique obediens, nihil autem faciens, aut docens ad finem suæ missionis spectans; meritò totum illud tempus à sacris Scriptoris silentio præteritur. Hinc in Veteris Testamenti libris sæpè videas, de Prophetis nihil dici, nisi ex quo Verbum Domini ad eos factum est, idest ex tempore ostensionis suæ ad Israel, vel id tantum, quod eorum legationem à Deo esse, populo persuadere poterat, & propterea de divina Christi Nativitate Joannes, de humana Matthæus & Lucas disseruere, ut quadam veluti prolusione, certius magisque com-

mendaretur ejus Persona, dum sciretur, qui auctoritatem dedit Evangelio, esse eundem promissum ex semine Abraham, & ex familia David, & insuper ipsum Verbum, ac filium naturalem Dei.

§. VI.

Apostoli non habuerunt præceptum à Christo scribendi.

SI iterum quæras, an Apostoli habuerint præceptum à Christo conscribendi Evangelia?

L. Joannes Clericus, homo Religionis, ut ajunt, Reformatæ, in calce suæ Harmoniæ Evang. dissert. 3. putat, Apostolos habuisse à Christo mandatum scribendi, & non solum ore tenus prædicandi. Cum enim haberent à Christo mandatum docendi omnes gentes, & annunciandi toti mundo ea, quæ ipse præceperat, non poterant satis commodè huic mandato parere, nisi facta & dicta ejus litteris mandarent, idque tribus de causis. Prima, quod duodecim Apostoli non possent terras omnes obire, & apud singulas urbes sat diù manere, ut viva voce omnia necessaria, tum ad sibi faciendam fidem, tum ad eam confirmandam, docerent. Agebatur cum Ethnicis & Judæis, multis præconceptis variis opinionibus, gravissimis erroribus præoccupatis, qui non poterant parvis verbis curari, sed multi, sæpiusque repetiti sermones erant necessarii. Altera, quod res tanti momenti, atque ad ultimas terras transmittenda, non posset satis tutò committi soli hominum memoriæ: & hac ratione incorrupta per tot secula perseverare; non solum enim labilis est hominum memoria, sed etiam affectibus adeo perturbatur, ut meminisse eorum videamur, quæ vellemus audisse. Hinc fraudibus fenestra maxima aperiretur, si nulla extarent monumenta litterarum, ad quæ recurrentes fraudes detegerent. Quomodo enim confutari posset dolus unius, aut aliquot virorum dictum, se audivisse ab Apostolis, aut Apostolicis viris, aut denique eorum successoribus, si viri illi auctoritate pollerent? Notissimum erat, Judæorum magistros mirum in modum religionem Mosaicam corrupisse ficticiis Traditionibus illi admixtis. Disceptarunt, & disceptant etiam nunc Christiani, de sensibus Scriptorum Apostolicorum, ita ut necesse sit, nonnullos gravissimè errare: quid verò fieret, si nulla extarent Evangelistarum scripta?

Tertia denique scribendi ratio quærenda est ex laudabili
cupi-

cupiditate religiosorum hominum, qui, cum avidissime audissent narrari dicta & gesta Christi, juberenturque ea, quam altissime spargere, optarunt, sibi litteris consignata dari, ne memoria sua effluerent, ne corrupta semel ad plures corruptio propagaretur. Hinc, ut Lucas enarrat in sui Evangelii exordio, multi conati erant jam scribere, quo & ipse ad scribendum motus fuit. Hisce motivis ducitur Clericus ad astruendam necessitatem Verbi Scripti, ut sensim Lectorem à fide Verbi Traditi (qualis Sectariorum est genius) avertat.

LI. Ego tamen utilissimam quidem defendo Scripturam, edoctus à Paulo 2. Timoth. 3. 16. *Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in justitia &c.* probare tamen non possum, ita necessarium fuisse Apostolis scribere, quæ docebant, ut si nihil scripsissent, non implevisset Christi mandatum, Evangelium suum toti orbi annuuciandi: quod sic ostendo: Christus nec legem suam scripsit, nec præcepit scribendam: *Euntes* (inquit Marci 16. 15.) *in mundum universum, prædicate Evangelium omni creatura: Euntes ergo* (Matth. 28. 19.) *Docete omnes gentes.* Ubi hic mandatum scribendi? Non dixit: *Scribite, sed docete, prædicate*; non dixit *scribentes, sed euntes docete, prædicate*. Sanè qui præcipit alteri, ut eat & doceat, non intelligitur præcipere, ut doceat scripto; ad hoc enim non est necessaria præsentia docentis, sed solum ut doceat voce, præsens sit oportet ei, quem docet.

Sed fortè dices, verbis illis Christi utrumque præceptum contineri, nimirum eundi in universum mundum, oretenus Evangelium annuuciandi, & Evangelium ore annuuciatum scripto tradendi, ob rationes supra adductas.

LII. Mirum sanè, quod Clericus, qui in quacumque alia re non vellet à Christo impositum præceptum, nisi illud inveniret in Evangelio manifestè expressum; modò velit, Apostolos onerare præcepto scribendi, cujus nec vestigium in Evangelio appareat. Quis enim in mandato eundi, ac prædicandi conjicit unquam mandatum etiam scribendi? At agitur de evertenda Traditione, ejusque usu: ac ideo juvat, ponere mandatum scribendi, etiam ubi non est. Audiat ergò Clericus. Si Christus dedit Apostolis scribendi mandatum, vel dedit hoc omnibus, ac singulis, ita ut omnes relinquerent scriptum id, quod ore annuuciabant, vel dedit hoc toti collectioni Apostolorum, ut scilicet aliqui ex illis, quæ annuuciabantur, litteris consignarent. Non primum; aliàs, cum duo soli ex Apostolis scripserint Evangelium, Matthæus & Joannes, reliqui, nihil scriptum relin-

quentes, transgressores fuissent hujus mandati. Neque secundum, quia, si habuissent à Christo in mandatis, ut aliqui ex ipsis litteris traderent, quæ ore ceteri evulgabant, debuissent Apostoli convenisse aliquando, & communi sententiâ aliquos ad tale munus eligere, qui omuium nomine scriberent, eos Evangelistas designando; at Apostoli leguntur quidem pluries convenisse; in iis tamen Conventibus nihil unquam actum, vel dictum est de conscribendis gestis ac dictis Christi, sed potius de mittendis aliquibus eorum ad Evangelium annunciantum his, vel illis populis, prout ferebat necessitas, ut Act. 13., ubi leguntur missi Paulus & Barnabas; nullus tamen de conscribenda doctrina, quam annuntiabant, vel in qua populos confirmabant, nec eo capite, nec in sequentibus sermo est. Imo D. Petrus exponens præceptum, quod à Christo circa Evangelium habebant Act. 10. 42.; de prædicatione quidem loquitur, at de descriptione nihil: *Et præcepit (inquit) nobis, prædicare populo, & testificari, quia ipse est, qui constitutus est à Deo Judex vivorum, & mortuorum.* Ergo &c. Et quidem saltem nimium desides fuerint Apostoli, si habentes à Christo mandatum, non solum verbo, sed etiam scripto ejus dicta & facta promulgandi, huic operi non statim manum apposuerint, aut alicui hanc curam non demandarint: sed aliquot saltem annos elabi permiserint, priusquam aliquid scriptum fuerit Evangelium; & qui scripserunt non Apostolorum jussione, sed fidelium rogatu, aut aliqua alia ratione conscripserint. Id certè evidenter demonstrat, nullum de conscriptione mandatum à Christo habuisse.

LIII. Quod ulterius evinco. Quia Deus voluit legem Moisaicam esse scriptam, hoc in Scriptura præcepit. Decalogi legem dedit Moyse scriptam in tabulis Exodi 31. 18. *Deditque Dominus Moyse completis hujusmodi sermonibus in monte Sinai duas tabulas testimonii lapideas scriptas digito Dei.* Idem reperitur ibid. cap. 32. 15. & 16. & Deuter. 9. 10. Moyse expressè imposuit, ut scriberet Exodi 17. 14. *Scribe hoc ob monumentum in libro,* cap. 24. 4. *Scriptis autem Moyses universos sermones Domini* Exod. 34. 27. *Scribe tibi verba hæc, quibus & tecum, & cum Israel pepigi fœdus,* & ibi v. 28. *Scriptis in tabulis verba fœderis decem:* & passim tale mandatum legitur in libris tum Levitici, cum Numerorum, tum Deuteronomii: ergo cum in toto Evangelio non inveniatur nec vola mandati de conscribendis verbis, ac gestis Christi, dicere fas est, eum non præcepisse, ut legem, quam promulgandam eis consignaverat, scripto mandarent; sed ut eam purè annuntiarent, eamque scriberent, non in tabulis, aut papyro, sed in

cordibus hominum. Hinc Apostoli, ait Eusebius l. 3. hist. c. 24., *Adjuvantis ipsos Spiritus Sancti demonstratione, & virtute Christi, quæ per ipsos plurima perpetrabat miracula, notitiam regni celorum orbi terrarum nuntiabant: neque curæ illis erat, libros scribere, quippe qui longè præstantiore ministerio, & supra humanas vires posito, fungerentur.* Num ergò credibile est, Apostolis curam nullam futuram de libris scribendis, si de hoc à Christo mandatum habuissent? Inde prosequens Eusebius enarrando causam scripturionis dicit: *Soli nihilominus ex cunctis Domini discipulis Matthæus & Joannes scriptos nobis rerum commentarios reliquerunt, quos quidem necessitate quadam ad scribendum impulsos fuisse, perhibent.* Inde progrediens exponendo necessitatem, seu occasionem scribendi, ait: *Matthæus, cum Hebræis prius fidem prædicasset, inde ad alias quoque gentes profecturus, Evangelium suum patrio sermone conscribens, id, quod præsentia sua adhuc superesse videbatur (nimirum ad prædicationis consummationem, ut notat Valelius) scripto illis, quos relinquebat, supplevit.* Ecce cur Matthæus scripsit, quia nimirum præsens non potuit voce prædicationem absolvere, & consummare. Joannes, ut vidimus, conversione Hæresum Cherinthi & Ebionis motus, addidit omnium postremus, quæ alii omiserant. Marcum diximus scripsisse rogatum Romæ à Fratribus cum Euseb. lib. 2. cap. 15. Lucæ autem occasio scribendi fuit Evangelium auditum à Paulo, ut Euseb. lib. 5. cap. 8. Paulus, qui totum fere orbem peragravit prædicans, quique tot mysteria potuit annunciare præter paucissimas epistolas (ait Euseb. lib. 3. cap. 24.) *nihil omnino scriptum reliquit, & has quidem, ut videre est, aliqua occasione, aut necessitate impulsus exaravit, ut scilicet credentes in fide confirmaret, aut corrigeret, aut monita præscriberet, quæ absens ore non poterat.* Nunquid ergò si Apostoli habuissent à Christo scribendi præceptum, occasionem, aut necessitatem, aut aliorum preces expectassent?

LIV. Audacter dicam. Conscripção Evangeliorum ex absoluta intentione Dei non fuit aut Christi, sed hominum necessitate, qui peccando Dei cognitionem amiserant. Ita Chrysofomus Concione tertia de Lazaro. *Nam & Noë, & Abrahæ, ejusque posteris, & Job, & Moyse non per litteras, sed per semetipsum locutus est, quia scilicet munda eorum corda repererat. Postquam verdè omnis populus Judæorum in visiorum ima delapsus est, necessariè jam inde litteræ dantur, ac tabulæ, & ea, quæ per has administrantur, admonitio. Et hoc non tantum Veteris Testamenti, sed etiam Novi accidisse perspicimus, siquidem nec Apostolis scriptum aliquod*
ita-

tradidit Christus, sed pro litteris Sancti Spiritus se illis daturum gratiam repromisit: Ille, inquit, suggeret vobis omnia. Deus, qui Israelitas timore regebat, nec adhuc verè adscripserat numero filiorum, multiplices & duras leges eis præscribebat; & ne earum ignorantiam causari possent, iussit, Mosem eas scribere, ut eas intuentes; intuerentur etiam & poenam transgressoribus inflictam. Ita non per occasionem, sed jussu Dei Lex est litteris exarata, & posita Judæis ut servis. Non sic egit Deus cum Christianis, quos filios suos, & amicos fecit. Pater enim non onerat duris mandatis filium, quem diligit; non illi instat flagellis, sed præmiis excitat: quare filio data lex, non in tabulis, sed in corde scribitur.

LV. At expendenda supersunt motiva, quibus sibi persuadet Clericus, mandatum fuisse à Christo Apostolis gesta ac dicta sua litteris consignandi. Non poterant, inquit primò, Apostoli terras omnes obire, Ethnicos, ac Judæos convincere pauculis verbis. Respondeo: qui legerit Apostolica gesta, quas terras obferint, quot gentes ex Judæis, ac Gentilibus ad Christum traxerint, etiam ante vel conscripta, vel saltem evulgata Apostolica, scripta, statim conjicit hujus motivi vanitatem. Quis non demiretur audiens, ab Apostolis totum orbem prædicatione impletum, Europam, Asiam, Africam Christi nomine imbutam? Apostolorum, vel solius Pauli peregrinationes, & itinera incredibilia videntur, & tamen vera; quia Dominus in illis erat vocem roborans, sermonem confirmans miraculis, adeo ut gentes, vel solâ famâ ad eos confluerent: *Illi autem profecti prædicaverunt ubique, Domino cooperante, & sermonem confirmanente sequentibus signis:* Marci 16. 20. Recogitet ergò Clericus, Apostolorum prædicationem, itinera ac labores opus non fuisse purè humanum, & quiescet. Recogitet insuper, non solos Apostolos orbem totum per se ipsos percurrisse, sed per alios, quos identidem mittebant. At, inquit, solo sermone Ethnorum, ac Judæorum pervicacia expugnari non poterat. Quoad Judæos expugnari poterant, provocando eos ad Legem, & Prophetas, eisque ostendendo omnia ibi prædicta in Jesu fuisse impleta sigillatim: quod si ipsorum verbis non credidissent, quæso, cur potius credidissent eorum scriptis, quæ non continerent, nisi quod prædicabant, & eosdem Auctores haberent, quos habebat prædicatio? Quoad Ethnicos petam à Clerico, ut mihi ostendat Ethnicum conversum ad Christum per Apostolos vi Evangelii scripti, & non potius prædicati. Quotquot Paulus Gentium Apostolus ex Gentibus mancipavit Christo, omnes video præ-

dicatione victos, non scripto, & Evangelium Pauli ore, non scripto, ab ipso proferebatur. Priusquam Matthæus scriberet, Judæi ad quos scripsit, jam erant Christo devoti. Sic Romani, vel Antiocheni antequam scriberet Marcus. Antequam manus admove-
ret calamo Lucas, jam Paulus prædicatione sua maximam Mundi partem Christo dederat: & florentissimæ per Asiam constitutæ erant Ecclesiæ, antequam Joannes litteris Evangelium postremus traderet. Quæ ergo tam feliciter solo Verbo non scripto coepta erant, & promota, non potuissent solo Verbo non scripto permanere?

LVI. Reponet Clericus. Puritas Evangelii non potuisset solâ hominum memoriâ illibata diu manere: irrepsissent mixtæ veris falsæ Traditiones. At quomodo hæc discretio fieri potuisset, cum scripta non essent, quæ proferrentur? Ita sane. At veris Evangeliiis scriptis falsa etiam fuere olim immixta, quomodo ergo potuit fieri verorum à falsis discretio? Olim circumferebantur Evangelia sub nomine Petri, Thomæ, Matthiæ, & aliorum, Actus quoque Joannis, Andree, ceterorumque, sicut nomine Matthæi, Marci, Lucæ, Joannis, & Pauli Acta. Unde ergo facta discretio fuit illorum ab istis? Unde dijudicari potuit, illa spuria fuisse, hæc legitima ac vera? Si ergo potuit fieri discretio Verbi scripti veri à falso, cur non potuisset fieri etiam Verbi non scripti veri à falso? Scripta, quæ ut Apostolica ferebantur, falsa deprehensa sunt, quia, ut ait Eusebius lib. 3. hist. cap. 25. *Eos libros nullus unquam, qui continuata successione ab Apostolis in Ecclesia docuit, in scriptis suis commemorare dignatus est, sed & ipsum dicendi genus longè ab Apostolica simplicitate discrepat, sensus quoque ipse, & quæ ibi traditur fides, cum à vera, & Catholica doctrina plurimum quantum aberret, hæc Hæreticorum hominum figmenta esse, manifestè coarguit.* Hoc eodem criterio discerni potuissent veræ à falsis Traditionibus, ut falsas dicere-
mus eas, quæ ab Apostolorum successoribus continuò rejectæ, vel saltem non memoratæ fuissent, quarum fides à vera, & Catholica doctrina discreparet. Si enim ad discernendas veras Scripturas à falsis, recurrimus ad perpetuam Traditionem, cur non possemus ad discernendas veras Traditiones à falsis recurrere ad perpetuam Traditionem? Sanè olim ut Traditio habita fuit millenarium Christi regnum, modo tanquam fabula deridetur: at unde ejus falsitas detecta fuit, nisi quia defuit illi perpetuitas, quia nimirum qui continuata ab Apostolis successione in Ecclesia docuerunt, eam ut apocrypham rejecerunt? Si ergo de una Traditione, quia falsa erat, id contigit, cur idem de aliis, quæ fal-

ſæ eſſent, contingere non potuiſſet? Nulla ergo fraudibus fenestra aperiretur, ſi nihil eſſet ſcriptum, & nulla extarent monumenta litterarum; facilis enim eſſet recurſus ad Eccleſias; atque ex iis quid continua ſucceſſione ab Apoſtoliſ, & à Chriſto accepiſſent, certò ſcribi poſſet: imò contentiones omnes, quæ modo circa ſenſus Scripturarum lacerant Eccleſias, eſſent ſublatae, dum omnes à viſibili Eccleſiarum magiſterio doctrinam diſcerent, quam in eis Apoſtoli depoſuiſſent. Apud Judæos ſcitiſſimæ Traditiones legem Moſaicam corruperant. Fateor: apud Phariſæos tamen, non apud totam Judaicam gentem; neque enim deerant viri probi apud Judæos, qui vanas illas obſervationes aſpernarentur. Addam, ſi ſcitiſſima Traditione corrumpi poteſt Religio, corrumpi etiam poteſt ſcitiſſimâ Scripturâ: ſi ergo illa deprehendi poteſt, cur non iſta?

LVII. Ne tamen Clericus arguat novitatis hunc diſcurſum, utpote, ut ajunt, in Pontificiis ſcholis celebratum; norit, me illum hauſiſſe à primis Eccleſiæ Patribus; Irenæus enim lib.3. cap.4. poſtequam ſtatuit, apud alios non eſſe quærendam veritatem, *Quam facile eſt ab Eccleſia ſumere, cum Apoſtoli, quaſi in depoſitorium dives, pleniffimè in eam contulerint omnia, quæ ſint veritatis: uti omnis, quicumque velit, ſumat ex ea potum vitæ: addit. Si de aliqua modica quæſtione diſceptatio eſſet, nonne oporteret in antiquiſſimas recurrere Eccleſias, in quibus Apoſtoli converſati ſunt, & ab eis de præſenti quæſtione ſumere, quod certum, & re liquidum eſt?* Cenſet ergò Irenæus, in controverſiis, quæ excitari poſſunt inter Chriſtianos, conſulendas eſſe Eccleſias antiquiſſimas, & ſecundum Traditionem in eis cuſtoditam dirimendas: & hoc etiam ſuppoſitis Apoſtolicis ſcriptis. Deinde ad rem noſtram veniens: *Quid autem (inquit) ſi neque Apoſtoli quidem Scripturas reliquiſſent nobis: nonne oportebat, ordinem ſequi Traditionis, quam tradiderunt iis, in quibus committebant Eccleſias?* Ecce quò recurrendum eſſet, ſi Apoſtoli nihil ſcriptum reliquiſſent. Et rursùs apponens exemplum in Barbaris, & Ruſticis, qui ſine ſcripto fidem illibatam cuſtodiunt, ſubdit: *Cui ordinationi aſſentiunt multæ gentes Barbarorum, eorum, quæ in Chriſtum credunt ſine charta, & atramento, ſcriptam habentes per Spiritum in cordibus ſuis ſalutem, & Veterem Traditionem diligenter cuſtodientes, in unum Deum credentes fabricatorem Cæli & Terræ, & omnium quæ in eis ſunt, per Chriſtum Jeſum Dei filium &c.* Et paulo poſt: *Hanc fidem, qui ſue litteris crediderunt, quantum ad ſermonem noſtrum barbari ſunt, quantum autem ad ſententiam, & conſuetudinem & converſationem propter fidem, per quam ſapientiſſimi ſunt, & placet*

cent Deo, conversantes in omni iustitia, & castitate, & sapientia. Quibus si aliquis annuntiaveris ea, quæ ab Hæreticis adinventæ sunt, proprio sermone eorum colloquens, statim concludentes aures longè longius fugient, ne audire quidem sustinentes blasphemum colloquium. Sic per illam veterem Apostolorum Traditionem, ne in conceptionem quidem mentis admittunt quodcumque illorum portentiloquium est. Ecce quomodo ostendit Irenæus, soli inhærendo Traditioni fixam, ac immobilem servari fidem, & vinci eam impugnantes, non disputatione, sed contemptu ac fuga. Et quidem ubinam firmior est fides, quàm in pueris, mulieribus, hominibus illitteratis, qui sine Scripturis solâ Traditione Ecclesiæ, à qua per suos ministros sic imbuti sunt, eam profitentur? Quidni ergò esse posset, si nulla extarent Scripta, sed totus orbis Traditione sola regeretur?

LVIII. Pro indaganda autem à viro docto soliditate, ac veritate Traditionis non acquiescendum est uni, vel alteri, sed videndum est, inquit Irenæus lib. 3. cap. 3., quid senserint Ecclesiæ primò ab Apostolis institutæ, quidque suæ curæ commissis populis per successiones Episcoporum quasi per manus tradiderint; & si omnes Ecclesiæ in aliquo dogmate consentientes inveniantur, invictum est argumentum, illud ab Apostolis ipsis mansisse. Ut autem id præstet Irenæus, non existimat, sibi necesse fore, adire omnes Ecclesias, earum successionis Catalogos evolvere, & quid senserint explorare: longius id fuisset, multisque difficultatibus obnoxium. Expeditiori ergò, ac breviori viâ procedit. Unius Ecclesiæ Romanæ Traditionem, & per continuam Episcoporum successionem in ea conservatam doctrinam consulere satis habuit, ut omnes Hæreticos confunderet, ratus jure merito, eâ semel cognitâ, omnium Ecclesiarum Traditionem, Sententiam, atque Doctrinam cognovisse. Cum enim Ecclesia Romana omnium Princeps, Caput, & prima sit; omnium maxima, antiquissima, & maximè cognita; & cum qua omnes omnino fideles unius, & ejusdem fidei, & communionis colligari necesse sit; utpotè quæ ab Apostolorum Principe Petro; ejusque socio Paulo fundata; quæ ceteris omnibus pro suo jure præsit, ac dominetur: inde liquidò patet, aliam esse non posse aliarum Ecclesiarum Traditionem, & fidem, à fide & Traditione Romanæ Ecclesiæ. Hic est Irenæi discursus: audiamus & verba. *Sed quoniam (inquit) valdè longum est, in hoc tali volumine omnium Ecclesiarum enumerare successiones; maxima, & antiquissima, & omnibus cognita, à gloriosissimis duobus Apostolis Petro & Paulo Romæ fundata, & constituta Ecclesiæ, eam, quam habes*

ab Apostolis, Traditionem, & annunciatam hominibus fidem, per successiones Episcoporum pervenientem usque ad nos indicantes, consuevimus omnes eos, qui quoquomodo vel per sibi placentia, vel vanam gloriam, vel per cecitatem, & malam sententiam, præterquam oportet, colligunt. Ad hanc enim Ecclesiam propter potiore principalem necessesse est omnem convenire Ecclesiam, hoc est, eos qui sunt undique fideles, in qua semper ab his, qui sunt undique, conservata est ea, quæ est ab Apostolis, Traditio. Inde recensitis Romanis Episcopis, & ostenso, quod excitata apud Corinthios dissensio non modica fuit sedata solis litteris Clementis Romani Episcopi, reparantis fidem eorum, & annunciantis eam, quam in recenti ab Apostolis acceperat, Traditionem, veniens tandem ad Eleutherium (qui Irenæi tempore Romanæ Ecclesiæ præerat) concludit: *Hæc ordinatione & successione, ea, quæ est ab Apostolis in Ecclesia Traditio, & veritatis præconatio pervenit usque ad nos. Et est plenissima hæc ostensio, unam & eandem vivificatricem fidem esse, quæ in Ecclesia ab Apostolis usque nunc sit conservata, & tradita in veritate.* Scio, non placitum Clerico hunc discursum, cum ei à Romana dissentire Ecclesiæ summa Religionis sit: Verum hinc colligere debet, secundum doctrinam Irenæi, qui secundo seculo scripsit, se non esse in vera fide secundum primævæ Ecclesiæ sententiam.

LIX. Et quidem hoc ratiocinium, ne dum in hypothesi, quod Apostoli nihil reliquissent scriptum, sed etiam suppositis Apostolorum scriptis, suum robur habet. Unde enim dignoscemus, Apostolica scripta genuina à spuris, nisi consulentes Apostolicas Ecclesias, & ab eis accipiendo Traditionem veritatis? Unde lites de Scriptorum interpretatione, ac intelligentia dirimentur, nisi iudicio eorum, quos ipsi Scripturarum Auctores successores sedium suarum, ac doctrinæ fecerunt? Ita Tertullianus tertio seculo lib. de præscript. cap. 21., ubi postquam statuit, non alios esse recipiendos prædicatores, quam Apostolos, nec aliam doctrinam esse veram, nisi eam, quam ipsi prædicaverint, ut Regulam doceret ad id dignoscendum, ait: *Quid autem prædicaverint (Apostoli) id est, quid illis Christus revelaverit; & hic præscribam, non aliter probari debere, nisi per easdem Ecclesias, quas ipsi Apostoli condiderunt, ipsi eis prædicando, tam viva (quod ajunt) voce, quam per epistolas postea. Si hæc ita sint, constat proinde, omnem doctrinam, quæ cum illis Ecclesiis Apostolicis Matricibus, & Originalibus, fidei conspiret, veritati deputandam, sine dubio tenentem, quod Ecclesia ab Apostolis, Apostoli à Christo, Christus à Deo accepit. Omnem verò doctrinam de mendacio præjudicandam, quæ*

quæ sapiat contra veritatem Ecclesiarum, & Apostolorum, & Christi, & Dei. Hæc Tertullianus; & merito; quis enim sanæ mentis non acquiescat, tanquam irrefragabili, omnium Ecclesiarum iudicio? *Es quid verisimile est (subdit cap. 28.) ut tot, ac tantæ Ecclesiæ in unam fidem erraverint? Nullus inter multos eventus unus est exitus. Variasse debuerat error doctrinæ Ecclesiarum. Ceterum quod apud multos unum invenitur, non est erratum, sed traditum. Audeat ergo aliquis dicere, illos errasse, qui tradiderunt?* Hæc abundè dicta sint, ut Clericus videat, etiam semotis scriptis Evangelicis fore Evangelicam Traditionem, quæ communicata per successionem Pastorum in Ecclesia sufficiens esset ad discernendum verum à falso, & dirimendas lites, quæ inter Christianos possent exoriri. Sed juvat Protestantes, Traditiones abjicere; quia eorum novitatibus contradicunt; & quia eis abjectis facilius in sensus ab ipsis confictos trahunt Scripturas, licèt repugnantes. Utilitatem, ac necessitatem Traditionis demonstravimus in vera Ecclesia tom. 2. part. 1. art. 4. & tom. 1. in 1. p. q. 3. de locis Theologicis dub. 3. & in lib. de Eligenda sententia. Interim legere præstat Vincentium Lirinensem in toto suo Commonitorio.

LX. Eadem ratione corruiat tertium Clerici motivum, nimirum, ut satis fieret cupiditati fidelium, quia optassent legere gesta, quæ ab aliis audierant. Id enim probat quidem, conventissimum fuisse litteris exarare Evangelia, sed non evincit de hoc mandatum acceptum à Christo: quin si hoc mandatum extitisset, non expectassent Apostoli Fidelium petitionem, sed id sua spontè fecissent. Addo, quod licèt Apostoli doctrinam Evangelicam sola voce tradidissent, potuissent alii, quæ ab Apostolis, aut viris Apostolicis audivissent, tractu temporis in consolationem fidelium litteris exarare, ut modo præter Evangelia, & Apostolica scripta legimus in Historiis, & Patribus. Addo, quod, licèt nulla extarent scripta, fieret satis cupiditati credentium, repetitis vicibus audiendo semel audita ab ore parentum, & Ecclesiæ Pastorum, sicut audiunt modo ii, qui litteras non noverunt. Unico verbo: Congruum quidem ac utilissimum fuit scribere, sed necessarium & à Christo impositum non video.



CAPUT II.

Alii libri Novi Fœderis Proto-Canonici.

§. I.

Acta, & Epistolæ Pauli.

I. **P**Ræter quatuor Evangelia, alii Novi Fœderis libri sunt, de quorum authenticitate nullo unquam seculo, & apud nullum Catholicum fuit dubitatum, ideoque Proto-Canonicis accensendi. Hi autem sunt Acta Apostolorum, Pauli Epistolæ, excepta Epistola ad Hebræos, prima Joannis, & prima Petri. Ita Eusebius lib. 3. cap. 25., Sixtus Senensis lib. 1. sect. 1. Bellarminus lib. de Verbo Dei cap. 4. & meritò; præfati enim libri omnes reperiuntur in Canonibus etiam antiquis, ut in Canone 59. Concilii Laodicensi, Can. 47. Carthaginensis III. ex Innocentio I. Epist. 3. ad Exuperium cap. ultimo, Gelasio 1. in Decreto de Libris sacris, & in aliis Canonibus Conciliorum posteriorum, ut Florentini in Institut. Armen., & Tridentini sess. 4., quod argumento est, nullo unquam tempore fuisse dubitatum de illorum auctoritate.

II. Acta Apostolorum auctorem habere Lucam, de quo supra diximus, Evangelium scripsisse, eruitur ex eo, quod eidem Theophilo, cui inscribitur Evangelium, inscribuntur & Acta, ut legenti utriusque exordia constabit. Conscripserat Lucæ, vel Antiochiæ supra diximus. Dicitur liber ille *Acta Apostolorum*, quia sicut Evangelia continent Acta Christi, ita ille continet Acta Apostolorum, seu, ut advertit Sixtus Senensis citatus, ea, quæ Spiritus Sanctus gessit per Apostolos, postquam in eos descendit. Non tamen omnium Apostolorum Acta continet, sed tantum Petri & Pauli, nam ceterorum obiter tantum fit mentio: imò postquam Lucas Pauli comes evasit, de eo solo pergit loqui. De ceterorum Apostolorum actibus vix tenuis ad nos fama manavit. Desinit hæc historia in biennium Romæ commorantis Pauli. An autem omnia, quæ hic enarrat Lucas, propriis oculis conspexerit? S. Hieronymus affirmat: *Acta verò Apostolorum, sicut viderat, composuit.* Hoc tamen ex parte intelligendum, censeo, non ex toto; valdè enim probabile est, illum non vidisse ea, quæ acta sunt in Judæa, cum ab Apostolis, tum à Paulo: quod ex eo conjicio, quia solum loqui incipit in

prima persona pluralis numeri, ac proinde tanquam testis ocularis, cap. 16. v. 11. Igitur antecedentia credibile est eum conscripisse ex narratione audita à D. Paulo, aut aliis ejus sociis. Addo, quia, ut supra observavimus, credibile est, eo tempore, quo Apostoli primò morabantur Hierosolymis, sanctum Lucam nondum conversum ad Christum, sed adhuc Antiochiæ fuisse. Liber iste fuit scriptus Græcè; refert tamen Sixtus Senensis, translatum in Hebraicum à Josepho quodam Hebræo Tiberino Comite in Gazophylatio Judæorum Tiberiadis repertum fuisse anno à Christo nato 370. Feruntur Marcionitæ, & Manichæi hunc librum repudiassè; sed cum universa Catholica Ecclesia illum semper suscepit, verè Proto-canonicus habendus est.

III. S. Paulus quis fuerit, narrat ipse in concione, quam habuit Act. 22. 3. *Ego sum vir Judæus, natus in Tarso Cilicia, nutritus in ista Civitate (nimirum Hierosolymis) secus pedes Gamalielis eruditus juxta veritatem paternæ legis (Judaicæ: ibi v. 28.) Natus Civis Romanus, ad Philipenses 3. 5. Circumcissus octavo die ex genere Israel de Tribu Benjamin, Hebræus ex Hebræis, secundum legem Phariseus, secundum amulationem persequens Ecclesiam Dei, secundum justitiam, quæ ex lege est, conversatus sue querelæ. Act. 18. 3. Artis scenosætoricæ peritus.* Ejus mirabilis ad fidem conversio legitur in Actibus Apostol. cap. 9., quo in libro, sicut in ejus Epistolis, leguntur omnia ejus gesta, itinera, labores, prædicationes. Tandem una cum sancto Petro Romæ martyrio coronatus fuit, Nerone persecutionem movente anno Christi circiter sexagesimo quinto.

IV. Occasione Prædicationis scripsit varias Epistolas ad instruendos, aut confirmandos in fide recens conversos, quas Græcè scripsit, si unam excipias ad Hebræos, de qua suo loco. Hæ autem, de quibus nunquam dubitatum est, tredecim sunt. Nimirum, una ad Romanos, duæ ad Corinthios, una ad Galatas, una ad Ephesios, una ad Philipenses, una ad Colossenses, duæ ad Thessalonicenses, duæ ad Timotheum, una ad Titum, una ad Philemonem. In ordine harum Epistolarum non servatur ratio temporis, quo fuerunt scriptæ, sed potius ratio dignitatis eorum, ad quos scribuntur, ita ut prius recensentur, quæ ad Ecclesias in communi scriptæ, deinde quæ ad particulares personas. Primo autem loco ponitur Epistola ad Romanos, tum quia Ecclesia Romana omnium Caput, & Matrix est; tum quia, ut scribit Paulus cap. 1. v. 8. ejusdem Epistolæ, etiam tunc celeberrima erat fides illius toto orbe. Deinde sequuntur ad Corinthios scriptæ, quia Corinthiaca Ecclesia post Romanam erat

no-

nobilissima earum, ad quas Paulus scripsit: sicque de aliis.

V. Epistolam ad Romanos Paulus dedit, ut conciliaret discordias inter fideles, ex Hebræis & Gentilibus vocatos, qui de pralatione inter se dissidebant: contendentibus qui fuerant ex Judæis, se in ministerio præferendos, quia ex Populo electo, ac cum Deo fœderato: qui verò ex Gentibus fuerant, primas sibi arrogantibus ob sapientiam, ac virtutes morales, quas excoluerant, ob à Deo reiectos Judæos, ob Christum ab ipsis occisum &c. Contra primos ergò ostendit Paulus, legis Mosæicæ inutilitatem, & contra omnes propriorum cujusque meritorum vanitatem. Probat, omnes peccasse, & esse naturâ filios iræ, ideoque nullis propriis meritis, sed ex sola Dei gratiâ esse ad fidem, & Christianismum vocatos; apud ipsum enim *non est distinctio Judæi, & Græci; nam idem Dominus omnium, dives in omnes, qui invocant illum*, ut ait Paulus ibi cap. 10. v. 12. Ideoque illos ad pacem, & virtutum exercitia exhortatur.

VI. Quo autem ex loco scripta fuerit, probabiliter existimatur cum Origene præfat. in hanc Epistolam, eam datam fuisse Corinthi; cum enim latrrix illius fuerit Phebes Ecclesiæ Cenchriensis Diaconissa, quam proinde cap. 16. v. 1. & 2. Romanis commendat, ut eam benignè suscipiant; Cenchris autem erat portus, & Pagus Corinthi. Cùm insuper inter eos, qui cum Paulo aderant, & quorum nomine Romanos salutatur, erant Cajus, & Erastus ibid. v. 23. *Salutat vos Cajus hospes meus, & universa Ecclesia. Salutat vos Erastus arcarius civitatis.* Constat autem, utrumque fuisse Corinthium; Cajum quidem ex 1. Cor. 1. 14., Erastum autem ex 2. ad Timoth. 4. 20. Scripta autem creditur non primo Pauli adventu Corinthum, sed altero, cujus mentio fit Act. 19. 21., quando Paulus instituit iter per Macedoniam & Achajam Hierosolymam versus, de quo in hac Epistola cap. 15. v. 24., & quia in hac Epistola additur, id iter inter alia eo pertinere, ut Paulus collationes in subsidium pauperibus Hierosolymitanis adferret, inde colligit Chrysostomus, duas, quæ sunt ad Corinthios, prius fuisse scriptas, quia 1. Cor. 16. 1. & 3. Cor. 9. 1. 2. illa subsidia parantur. Hæc Grotius Proœmio in hanc Epistolam, quæ desumit ex Chrysostomo Præfat. in epist. ad Romanos, à Studiofo videnda.

VII. Priorem ad Corinthios Epistolam ex Epheso scriptam cum Ecumenio, vult Sixtus Senensis, motus ex ejusdem c. 16. 8., & Act. cap. 19. 1. Pluribus placet, eam datam fuisse Philippis. Hujus bajuli fuere Stephanus, & Fortunatus, quibus addunt alii Achaicum, & Timotheum. Occasionem eam scri-

bendi dedere contentiones, quæ Corinthios baptizatos diviserant, & in ipsis diviserant Christum. Baptizati enim ab Apollo dicebant, se esse Apollo, sicut & baptizati à Paulo, se esse Pauli; quo fiebat, ut & baptizati à Cepha dicerent, se esse Cepha. Insuper cum Corinthii venereis voluptatibus maximè dediti forent (unde Corinthiari vulgò Græcis esset scortari; & Platoni *puella Corinthia* esset eadem, ac ea, *quæ se vulgat*, quare semper celeberrimas meretrices Corinthi fuisse, notat Scholiastes Nazianzeni ad priorem orat. in Julianum) & Epicureis dogmatibus imbuti post hanc nullam aliam vitam expectarent: quia item luxuriam comitatur ebrietas, ideoque Ælianus scribit, ebriosos etiam fuisse Corinthios: & tandem quia divites & sapientes superbi etiam adde fuere, ut eos ad Romanorum usque contemptum superbia deduceret, qui excidium eis peperit Victore Mummio: Duobus ergo annis in eis laboraverat Paulus, & tandem Christo non paucos lucrificerat. At licet ei benè cessisset, commentitios eorum Deos, & præcipuè Corinthiacam Venerem evertere, non tamen adeò facile illi fuit, inolita vitia meliori disciplinæ subjugare. Serpebant ergo hæc apud Corinthios Neophitos, quæ secum mala intolerabilia trahebant; ideoque & hæc certiorum factum moverunt Paulum ad hanc Epistolam conscribendam.

VIII. Posterioriorem ad Corinthios Epistolam Philippis datam censet Sixtus Senensis, Nicopoli autem in Græcia Baroniis. Neque statim post priorem, neque multum post eam scripsit; tantum enim intervalli, credibile est, fuisse, quo Timotheus à Paulo missus ire Corinthum potuit, mandata Pauli explicare, & ut eis pareretur adlaborare, & ad Paulum redire. Labor autem ejus Corinthi apud plerosque benè successerat, meliores enim erant facti: siquidem & illum, qui stuprum cum uxore patris commiserat, cui prius applaudebant super eo gloriantes, ejecerunt ac prorsus absciderunt. Quin & pecuniarum collectionem, quam fieri jusserat, multo studio collegerant. Par ergo erat (inquit Chrysostomus homil. 1. in hanc Epistolam) ut quemadmodum peccantes increparat, ita correctos complecteretur, & collaudaret. Hinc est, quod per totam hanc Epistolam non admodum invehitur in eos, sed solum circa finem contra quosdam ex Judæorum genere, qui fastu elati, ac Paulo invidentes, eum trahebant, ut impostorem, & nullius pretii virum, ideo contra illos aliquantulum acuit stylum.

IX. Epistola ad Galatas omnibus Galatiæ Ecclesiis data est; teste sancto Hieronymo in cap. 1. ejusdem Epist. Nicopoli scriptam, censent aliqui post sanctum Chrysostomum: alii Ephesum

cum quibusdam latinis Codicibus : Romæ dicunt multi cum SS. Hieronymo , Athanasio , ac Theodoro , licet nonnullis hoc non placeat , quòd in hac Epistola mentionem non faciat vinculorum suorum , sicut in aliis Epistolis Romæ scriptis . An verò hæc negativa sit alicujus ponderis judicet prudens . Certè secundum S. Chrysostomum (præfat. in Epist. ad Romanos) & Tertullianum , qui putant hanc præcessisse Epistolam Romanis datam , non potuit esse Romæ scripta , quia Paulus , dum scripsit Romanis , nondum Romæ fuerat , ut videre est cap. 1. ejusdem Epistolæ v. 10. & 13.

X. Occasio autem eam scribendi fuit corripere quosdam , qui Judaicis Ritibus plus æquo indulgebant ; nulla quidem pietate moti , sed ut eâ ratione honores , commoda adipiscerentur , quibus tunc temporis per leges Romanas capaces erant Judaismi professores ; & evitarent incommoda , quibus jam subijci cœperant Christiani . Porro quia non deerant , qui Pauli doctrinam hæc damnantis suspectam redderent , dicentes , Paulum jus docendi , non nisi à Petro , Jacobo & Joanne accepisse , ac proinde illorum instituta institutis Pauli antehabenda ; & rursus hac in re Paulum ipsum fuisse varium : Paulus vehementiori stylo , & magno animo ostendit , se non minus , quàm alios Apostolatum suum à Christo accepisse , neque Petrum , Jacobum , aut Joannem aliud docere , quam ipse doceat : se quoque (licet in usu , aut omissione Judaicorum Rituum solitus esset , se accommodare utilitati eorum , quibuscum viveret) idem tamen de libertate iis utendi , vel non utendi , docuisse semper .

XI. Sequitur Epistola ad Ephesios . Hanc è vinculis , quibus Romæ detinebatur , per Tichicum Diaconum misit Paulus ad Fideles Ephesi commorantes . Ibi Paulus Ecclesiam constituerat , ut videre est Actor. 18. & 19. Verùm eo digressio , multi extitere , qui Christianis multa mala ferentibus propter Evangelium , persuaderent , posse hominem rectè vivere , & vitam æternam consequi , sequendo Philosophorum scita , puta Heracliti , qui Ephesius fuerat , aut Pythagoræ , qui , ut notant Græci , quos inter Chrysostomus præfat. in hanc Epist. , illinc nomen celebre assecutus erat . Illic etiam erant multi Judæi , ut ex Actis , & Josepho apparet , qui studebant , Christianos ad suos ritus traducere . Oportebat ergò , ut Paulus eos in fide , quam amplexi fuerant , solidaret . Quia autem ad viros non modicâ sapientiâ imbutos scribebat , exactiori studio , ac stylo altiori in conscribendo usus est , ait D. Chrysostomus laudatus .

XII. Philippenses , inquit Chrysostomus , dicti sunt à Philip-

lippiis civitate Macedoniae, quæ est civitas Colonia, quemadmodum refert Lucas Act. 16. Ille illa purpuraria conversa est, mulier admodum religiosa, ac piis operibus intenta. Hæc Synagoga Princeps credidit, ac prorsus splendidum initium habuit illic Evangelii prædicatio. Ibi bis fuerat Paulus Act. 16. & 20. Philippenses autem fideliter custodierant ea, quæ acceperant, amoremque in tam bonum Magistrum, ac reverentiam multis modis erant testati. Ideo hæc Epistola lætior, alacriorque, ac blandior est, quam ceteræ: iis gratulatur, quod inter malos sanctè vivunt; & sibi, quod tales habeat discipulos. Insurgit tamen nonnunquam in asperitatem aliquam oratio adversus homines similes iis, quos ad Galatas notat, qui cum Judæi ipsi non essent, illis tamen, quos Paulus ex Gentibus converterat, suadebant Judaïsmum, occasione captâ ex vinculis Pauli, & malis, quæ Christianis non Judaizantibus imminere videbantur. Scripta est hæc Epistola Romæ, dum Paulus Neronianis vinculis detineretur, & missa per Epaphroditum latorem munerum.

XIII. Ad Colossenses scribendi Paulo occasio fuit hæc: Erant Colossis civitate Phrygiæ Simoniani, seu Simonis Magi sectatores, qui multas Gentilium ac Judæorum observantias retinebant, docebantque, Deum esse nostris precibus inaccessibilem, ac proinde Angelos, ut internuncios esse obscurationibus compellandos, non autem Christum; quem purum hominem fuisse impiè asserbant, Epiphanio teste hæres. 21. Hoc malum pullulans Colossis, ac Laodiceæ movit S. Paulum; etsi enim Colossenses nusquam fortè vidisset, ut ait Chrysost. homil. 1. in hanc Epistolam: *Nondum viderat autem Apostolus neque istos, neque Romanos, neque Hebræos, cum ad illos scriberet: ad illos scribere decrevit ex eodem Romano carcere, mittens Epistolam per Tychicum & Onesimum, eamque in Laodicensem Ecclesia legi, præcepit; in ea Christi excellentiam extollens, hortansque, ut caveant à fallaciis Philosophorum, aliaque monita præscribens.*

XIV. Notat D. Chrysostomus, omnes Epistolas Pauli egregias esse, sed omnium in primis eas, quæ Romæ ex vinculis missæ sunt. Omnes quidem (inquit præfat. ad hanc Epist.) *Epistola Pauli sanctæ sunt, habent tamen amplius quiddam, quæ ab eo ex vinculis sunt missæ, utpotè quæ est ad Ephesios, quæ ad Philemonem, quæ ad Timotheum, quæ ad Philippenses, & præsens ista. Etenim & ipsam vinculis missa, quemadmodum scribens dixit: Propter quod & vinculis sum, ut manifestem illud, sicut oportet me loqui. Et addit: Videtur autem ista post eam, quæ ad Romanos est, data esse.*

Nam

Nam illam quidem Romanis scripsit, cum eos nondum vidisset, istam verò, cum jam vidisset, & prope finem esset predicationis suæ &c.

Si autem quærat, an Colossæ eadem civitas fuerit, ac Rhodus? Respondebo negativè. Illa enim fuit civitas Phrygiæ non procul à Hierapoli, & Laodicea, quarum sit mentio cap. 4. v. 13. Hæ autem urbes non multò post scriptam hanc Epistolam terræmotu corruiere. Ideo apud Ptolemæum non reperiuntur.

XV. Quæ sequuntur, sunt duæ ad Thessalonicenses. Putat Grotius, ordinem hîc fuisse inversum, ut quæ ponitur ut prior, deberet esse posterior, quia tempore posteriori scripta; at quidquid sit, motivum scribendi eam, quæ est, aut dicitur prior, fuit: cum obiter tantum Thessalonicæ, quæ est Macedonia Metropolis, evangelizasset, multique Verbum Dei suscepissent, ut patet Actor. 17. v. 11., & propterea fuisset in ipsum à Judæis concitatus tumultus, quo coactus fuit egredi, & fratres vexationibus essent obnoxii, horum perseverantiæ certior factus, ipsis scribendum duxit, ut eorum fidei, ac patientiæ gratularetur; monens, ut tradita præcepta corde, & opere custodirent, addens, diem extremi iudicii insepérato adfuturam. Hanc Epistolam per Timotheum missam, nonnulli Athenis, alii Corinthi datam volunt.

XVI. Quia verò fortè territi fuerant Thessalonicenses expectatione instantis iudicii malè intellecti, vel quia subdititiis literis fraudulentorum Doctorum circumventi; ut eos à metu ac deceptione erigeret, posteriorem ad eos dedit Epistolam, in ea seductores carpit, quia turpis lucri gratiâ Evangelio abutebantur, monens Christianos, ut ab illis caveant: ac iudicium extremum non adventurum, non adfuturum, antequam apparuerit filius perditionis, i. Antichristus. Au hæc Epistola data fuerit Athenis, vel Corinthi, vel Laodiceæ, non convenit inter Interpretes.

XVII. Sequuntur duæ Epistolæ ad Timotheum. *Unus en Apostoli discipulis Timotheus fuit* (inquit Chrysost. præfat. ad primam Epistolam ad Timoth.) *Attestatur autem & Lucas in Actibus Apostolorum, mirabilis enim fuisse indolis juvenem, cui à fratribus, qui Lystris, atque Iconiis morarentur, testimonium perhibebatur probitatis, atque virtutis à teneris annis.* Quidam, cum patriâ Thessalonicensem putant ex Act. 16. v. 4., alii Lyfriensem ex Lycaonia, vel Derbenssem ex cap. 16. v. 1. Quod certò constat, Timotheum à Patre Gentili, & Matre Christiana Eunice fuisse, à qua credibile est, à prima ætate commendatum fuisse Paulo imbuendum 2. Timoth. 1. 5. Ex iis autem, quæ nar-

rat

rat Lucas Act. 16. 1. 2. & 3. conjicitur, eum Christo nomen dedisse, antequam Paulus Lystram veniret, & tunc solum acceptatum fuisse à Paulo in socium ob bonum testimonium, quod de ejus virtute reddebant fratres; legitur enim: *Pervenis autem Derben, & Lystram* (Paulus) & ecce discipulus quidam erat ibi, (quod indicat ante eum fuisse discipulum) nomine *Timotheus, filius mulieris Judæa fidelis, & Patre Gentili*. Huic testimonium bonum reddebant, qui in Lystris erant, & Iconio fratres. Hunc voluit Paulus secum proficisci, & assumens circumcidit eum, propter Judæos, qui erant in illis locis. Sciebant enim omnes, quod Pater ejus erat Gentilis. Circumcidit autem Timotheum Paulus, quia sperabat, ipsius operâ multos ex Judæis nondum conversos ad Christum posse converti, quorum nonnulli rigidioribus illis sententiis occupati, consuetudinem, sermonemque ejus declinaturi fuerant, si scissent incircumcisum. Sic Paulus circumcisionis usum, & omissionem ex temporum, locorumque utilitate metiri noverat; nondum enim evaserat mortifera, licet inutilis circumcisio. Ob egregiam ejus pietatem adhuc junior Episcopus Ephesius datus fuit à Paulo, ut ait Eusebius lib. 3. hist. cap. 4. ab eoque binis Epistolis de iis, quæ veri Pastoris partes, & munera esse debent, instructus. Cui Ecclesiæ eum per 30. annos præfuisse, aliqui tradunt: & ob improbatum Dianæ cultum martyrem occubuisse lapidibus obrutum. Priorem Epistolam in Macedonia scriptam vult Baronius, quidam verò Laodiceæ Metropolis Phrygiæ. Secundam verè datam fuisse Romæ, certum videtur; incertum tamen, an in primis, vel in secundis vinculis. Refert tamen Grotius de Imperio summarum potestatum num. 6. pag. 272. vetustissimos Græcos Codices Novi Testamenti in fine 2. ad Timotheum hæc verba subjicere: *Posterior epistola ad Timotheum primum ordinatum Ecclesiæ Ephesiorum Episcopum, Româ scripta est, cum scilicet altera vice coram Cæsare Nerone Paulus judicio sistebatur.*

XVIII. Ad Titum quoque Epistolam dedit Paulus. Hunc Chrysostomus putat fuisse domo, & patriâ Corinthium, colligitur ex Act. 18. 7., ubi narratur, quod Paulus, dum esset Corinthi, & in Synagoga disputasset, *migrans inde, intravit in domum cujusdam nomine Titi Justi, colentis Deum, cujus domus erat conjuncta Synagoga*, ex quo conjicitur Titum fuisse domo Corinthium, nisi fortè, ait Chrysostomus, *alius aliquis apud eos fuerit eodem nomine*. Ad robur hujus accedit, quia Titus Corinthiorum nomine venit ad Paulum referens desideria eorum, sletum, æmulationem pro ipso, ut 2. Corinth. 7. 7. Titus missus à Paulo fue-

fuerat ad Corinthios 2. Cor. 12. 18., & fortè primam Pauli Epistolam ad Corinthios ipse tulerat; consueverat autem Paulus mittere Concives eorum, ad quos mittebat; sicut Tychicum Ephesium ad Ephesios misit.

XIX. Titus ergo iste unus inter multos fuit, qui se navigationi Pauli dederunt comites. Eum Paulus, cum Cretam transiret, initia ibi Ecclesiarum videns (fortè ex illa dispersione post Stephanum) reliquit, ad ea agenda, quæ erant Metropolita, illius Insulæ Ecclesiis præpositum, ut refert etiam Eusebius lib. 3. cap. 4. Ad eum ergo Epistolam Paulus dedit, nihil aliud continentem, quam scripta de functionibus Episcopalibus monita, quæ prius ore illi communicarat. Unde fuerit data, incertum. Aut Roma, aut aliquo alio Italiæ loco inter prima, & secunda vincula, existimat Grotius cum Chrysostomo (præfat. in ipsam) eo enim tempore Paulus liber erat, & propositum illi erat transire in Epirum (nimirum Nicopolim Epiri, ut intelligit Hieronymus, non autem Nicopolim Thraciæ) ubi constituerat hibernare ad Tit. 3. 12.

XX. Postrema ordine est Pauli Epistola ad Philemonem. Videtur Philemon habitasse Ephesi, ubi Onesimus postea Episcopatu functus est, ut Ignatii litteræ testantur, referente Eusebio lib. 3. hist. cap. 36. Erat unus ex Presbyteris, vel Senioribus, quorum plures Ephesi erant Actor. 20. 17., quos Apostoli sui operis adjuutores vocabant Rom. 16. 3. 9. Philipp. 2. 25., Coloss. 4. 11. Quantæ autem pietatis fuerit Philemon constat, quod domus ejus adeo fidelis erat, ut à Paulo hic v. 2. Ecclesia appelletur; in ejus enim domum, utpotè viri nobilis, non solum omnes fideles erant, qui eam habitabant, sed & complures conveniebant ad preces, & alia pietatis opera Christiani. Quamquam tunc temporis, Tertulliano teste, *Tres Ecclesiam faciebant*; sic qui erant in Aquilæ, & Priscillæ domo, Ecclesia dicuntur Roman. 16. 5., 1. Cor. 16. 19., & qui in Nymphæ domo Coloss. 4. 15.

XXI. Argumentum Epistolæ est. Philemoni servus erat Onesimus, qui Dominum fugerat, quibusdam rebus domesticis compilatis. Hic profectus Romam, cum Paulum carcere inclusum invenisset, doctrina Apostoli firmatus, baptismatis quoque gratiam illic promeruit. Scribit itaque Paulus commendans illum Domino, ut omni gratia, quæ in se fuerant admisa, dimitteret, eumque ut nuperrimè regeneratum gratè susciperet. Ita ex Chrysostomo præfat. ad hanc Epistolam: imo ex eadem Epistola colligitur: *Obsecro te* (inquit Paulus v. 10. & 11.) *pro filio meo, quem genui in vinculis, Onesimo: qui tibi aliquando inu-*

tilis fuit, nunc autem & mihi & tibi utilis, quem remisisti tibi: tu autem illum, ut mea viscera suscipe . . . Si autem aliquid nocuit tibi, aut debet, hoc mihi imputa. Hunc Onesimum adeo in Evangelio profecisse, aliqui volunt, ut eundem dicant fuisse, quem supra diximus constitutum fuisse Episcopum Ephesiorum post Timotheum. Scriptam hanc Epistolam Româ ex carcere, nemo ambigit. Licet autem omnium postrema in Canone collocetur; tempore tamen, licet ex posterioribus, quia sub extremam Pauli senectutem scripta, non fuit omnium postrema (ait S. Chrysostomus præfat. ad epist. ad Romanos) præcessit enim Epistolam ad Colossenses, id, quod ab Epistolâ sine manifestum est cap. 4. v. 7. 8. 9. ; Colossensibus enim scribens, ait, de omnibus rebus meis certiores vos faciet Tychicus, quem misi una cum Onesimo tido & dilecto fratre. Hic autem Onesimus is erat, pro quo Epistolam ad Philemonem composuit; ac quod non alius esset illi cognominis, patet ab Archippo: quem enim in Epistola ad Philemonem socium accepit exhortationis pro Onesimo suscepta, hunc & ad Coloss. scribens excitat his verbis: *Dicite Archippo: Vide ministerium, quod accepisti, ut illud impleas.* Hæc Chrysostomus.

XXII. Quia autem aliquis dicere potuisset, hanc Epistolam aliis Canonis superflue adjectam fuisse, utpotè pro viro uno, & pro re adeo parva conscriptam: sciat, oportet, quisquis ille sit, ex hac Epistola multum nobis accedere utilitatis. Primò enim nihil negligere, hoc monemur exemplo. Secundò, de nullo etsi malo esse desperandum, cum servum Onesimum, quamvis furti apud Philemonem reum, ad se tamen confugientem Paulus benignè susceperit, fide imbuerit, baptizaverit, vidensque eum clarere virtutibus, tandem voluerit habere socium. Quod si servi non sunt in desperationem agendi, quantò magis non erunt filii? Tertiò, servos à Dominis non esse abstrahendos. Nam si Paulus, qui adeo Philemoni confidebat, Onesimum sibi adeo utilem ac necessarium, ad ministerium tenere noluit præter sententiam domini; multò sanè magis id à nobis quoque præstandum est. Tandem docet nos non erubescere servos, si probi sint. Hæc ex Sancto Chrysostomo Præfat. in dictam Epistolam, ubi adeo reputat nobis utile quicquid fuit gestum vel dictum a Sanctis, & maxime Apostolis, ut doleat, non esse conscripta vel minima eorum opera aut verba; certus, nos in quocumque vel minimo reperturos, quid discamus, & in quo corrigere possimus nostros mores. Idem respondet S. Hieronymus præfat. in hanc eandem Epistolam, addens, Marcionem, qui

ceteras Pauli Epistolas impudenti temeritate aut rejecit, aut in eis aliquid immutavit, in hanc solam non fuisse ausum manum mittere.

§. II.

Epistola prima Petri, & prima Joannis.

QUæ sequuntur, nimirum prima Petri & prima Joannis, Catholicæ dicuntur, quia scriptæ sunt, non pro aliqua persona, aut populo, ut supra recensitæ, sed pro tota & universali Ecclesia.

XXIII. Epistola Petri auctorem habet Simonem Petrum Apostolorum Principem, supra quem Christus ædificavit Ecclesiam, idcoque Simonis nomen ei transtulit in *Cephas*, quod interpretatur *Petra*. Natus fuit Bethsaidæ in Galilæa, sed plerumque Capharnaum moratus: filius Jonæ, frater Andreæ Apostoli, à quo præsentatus est Jesu. Romæ cruci inverso capite affixus martyr pro Christo obiit 13. Neronis anno. De hac Epistola, ejusque auctoritate nunquam dubitatum fuit, teste Eusebio lib. 3. cap. 3. & cap. 25. Missa fuit Judæis per Pontum, Galatiam, Cappadociam, Asiam & Bithiniam dispersis, & à Judaismo ad Christum conversis. Ostendit ipsis beneficium redemptionis, & vocationis ad fidem, hortatur eos ad novam vitam &c. Scripta propterea Græcè, linguâ illis partibus usitatore. Missa fuit per Silvanum, aut *Silam*, ut videtur colligi ex cap. 5. v. 12. *Per Silvanum fidelem fratrem vobis, ut arbitror, breviter scripsi*, quamvis alii existiment, ex præfatis verbis solum colligi, Silvanum fuisse Amanuensem, qui dictante Petro eam scripserit, non qui eam Epistolam tulerit.

XXIV. Tempus, quo fuit scripta, si Baronio credimus, fuit Christi annus circiter quadragesimus quintus, & proinde ante omnes Epistolas alias Canonicas. Locus autem, ex quo scripta fuit, videtur prima facie fuisse Babylon, sive Chaldaica, sive Ægyptiaca. Secundum sententiam tamen Veterum ac Recentiorum Catholicorum scripta fuit Romæ, quæ Babylonis nomine tegitur. Ita Eusebius lib. 2. hist. cap. 15. S. Hieronymus de Script. Ecclesiast. Hoc autem ideo factum, vel ut incolatum suum adversariis suis occultaret, quorum in manus incidere poterat hæc Epistola: vel quia Romæ fideles vexabantur tunc modo, quo olim Judæi Babylone. Hæretici moderni refragantur, multa que contra hoc congerunt, quæ hujus loci non est

examinare, maxime quia de professione S. Petri Romam plura scripsi in vera Ecclesia tom.2. p.1. a.2. §.13. Certè mirum est, modernos Hæreticos, dum legunt in Apocalypsi Babylonem, velle hac indicari Romam; id autem nolle, cum Babylonem in hac Epistola legunt.

XXV. Epistola prima Joannis Joannem Apostolum, & Evangelistam sibi vindicat Auctorem: ita Eusebius lib.3. hist. cap.24. & hoc tum apud Antiquos, tum apud Recentiores extra controversiam est. Ambigitur tamen an Ephefi, vel in Pathmos scripta sit, & quo anno. Certum est, eam fuisse Græcè exarata: ad omnes Christifideles, sive ex Judæis, sive ex Gentibus collectos fuisse directam, plerique autumant. S. Augustinus tamen lib.2. q. Evangel. cap.39. censet, ad Parthos fuisse specialiter directam, idest ad Judæos Christianæ fidei professores, qui sub Parthorum Imperio vivebant, quorum majores ex antiqua dispersione Decem Tribuum in locis trans Euphratem sedes fixerant. Nec tamen ad solos Judæos, sed ad Christianos omnes illarum regionum scripta est, tanquam membra ejusdem Ecclesiæ, & ejusdem fidei consortes. Argumentum hujus Epistolæ est demonstratio Divinitatis Christi contra Ebionem, Cerinthum &c. & veritas Humanitatis ejus contra Basilidem, qui eam tantum apparentem dictitabat: insuper caritas Dei in nos, qua cum essemus peccato obnoxii, factus est pro nobis propitiatio; ideoque nobis adlaborandum, ut in eum tendamus per exercitia bonorum operum.

XXVI. Quæri tamen solet, an versus ille septimus cap.5. nimirum: *Tres sunt, qui testimonium dant in cælo, Pater, Verbum, & Spiritus Sanctus: & hi tres unum sunt*, sit membrum canonicum hujus Epistolæ.

Respondeo, hunc versum omissum quidem fuisse, vel Scriptorum incuriâ, vel alia causa in pluribus Codicibus antiquis Græcis, & Latinis, ac in Versionibus orientalibus etiam deesse. Verumtamen Canonicum esse, ac S. Joannis legitimum, non intrusum, probat Ecclesiæ utriusque Græcæ & Latinæ consensus. Nam in utraque publicè legitur, & sinceriores Codices illum habent. Quare nonnisi cum summa impudentia negari potest. Illum propterea editionis Complutensis Auctores, qui antiquissimos & sincerissimos Codices adhibuere, agnoverunt, tanquam legitimum. Illum habebant novem Codices, quos legit, & contulit Robertus Stephanus; plures etiam ex iis, quos discutere Laurentius Valla, & alii, de quibus Alexandre in Epist. Cathol. primam Joannis ad hunc versum.

Hunc

Hunc quidem non habuere in suis Codicibus S. Augustinus, alique Patres. Quod ex eo colligitur, quia illo contra Arianos nunquam usi leguntur, quem certe non omisissent. Sed integros hac in parte non fuisse eorum Codices probat testimonium S. Cypriani, qui tertio seculo vixit, hunc locum proferentis lib. de Imit. Ecclesiæ, de Patre, inquit, Filio, & Spiritu Sancto scriptum est: *Hi tres unum sunt*: quod indicat etiam epist. 73. ad Jubajanum de Rebapt. Hæreticis. Confirmat hoc S. Fulgentius lib. responsi contra Arianos dicens: *In Patre ergo & Filio, & Spiritu Sancto unitatem substantiæ accipimus: Personas confundere non audemus. Beatus enim Joannes Apostolus testatur dicens, Tres sunt, qui testimonium dant in cælo, Pater, Verbum & Spiritus Sanctus, & hi tres unum sunt. Quod etiam beatissimus Martyr Cyprianus in epistola de Unitate Ecclesiæ confitetur dicens, de Patre, & Filio, & Spiritu Sancto scriptum est: Et hi tres unum sunt.* Et Victor Vitenfis lib. 3. de persecutione Africana in professione fidei Episcoporum Catholicorum Regi Hunnerico oblata profert hunc versum, dicens: *Et ut luce clarius unius Divinitatis esse cum Patre & Filio Spiritum Sanctum doceamus, Joannis Evangelistæ testimonio comprobatur, ait namque: Tres sunt, qui testimonium perhibent in cælo, Pater, Verbum, & Spiritus Sanctus, & hi Tres unum sunt.* Nunquid ergo positivum testimonium horum Patrum Afrorum minoris erit ponderis, quam purum negativum aliquorum Codicum, in quibus hic versum omittitur? Nunquid verum erit, Patres nunquam hoc testimonium contra Arianos & Macedonianos protulisse? Propterea etiam Calvinus in hunc locum, illum admittit: & Beza Calvini sectator hunc versum retinendum tanquam genuinum Joannis censuit: & Joannes Oxoniensis, S. Cypriani cum notis editor, illum vindicat à Fausto Socino, ut supposititium traduciente, & carpente S. Hieronymum, quod in Prologo ad Epistolas Canonicas ipsum tuetur.

XXVII. Sed inquires. Si ita est, cur à tot exemplaribus deest?

Respondeo. Si ita non est, cur in tot aliis adest? Cur Patres supra laudati eo usi sunt? Hoc ergo accidit sive oscitantia, sive malitia Scribarum. Hoc indicat S. Hieronymus in Prologo præcitato, ubi de Epistolis Canonicis hæc habet: *Quæ si sicut ab eis digestæ sunt, ita quoque ab Interpretibus fideliter in Latinum verterentur eloquium, nec ambiguitatem legentibus facerent, nec sermonum sese varietates impugnaverent, illo præcipuo loco, ubi de unitate Trinitatis in prima Joannis Epistola possum legimus. In qua etiam ab infidelibus translatoribus multum erratum esse à fidei*

ve-

veritate comperimus, tria tantummodo vocabula, hoc est aqua, sanguinis, & spiritus in sua editione ponentibus, & Patris, Verbi quæ ac Spiritus testimonium omittentibus, in quo maxime, & fides Catholica roboratur, & Patris, & Filii, & Spiritus Sancti una divinitatis substantia comprobatur. Vel si non velimus hoc Scribarum malitiæ tribuere, tribuendum sanè est eorum oscitantia, quatenus ex illis verbis ex inadvertentia prætermisiss, ad alia de aqua, Spiritu, & sanguine transierint, quo factum sit, ut error manarit ad illius mutilati Codicis transcriptores, ut sæpè accidit. Cui conjecturæ favet, quod in Codicibus mutilatis versus octavus incipit à copulativa *Et*, nimirum, *Et tres sunt, qui testimonium dant in terra* &c. Quorsum autem hæc copula *Et* si non præcederet aliquid, cum quo copularetur? Quid autem copulari deberet cum hoc *Tres sunt, qui testimonium dant in terra*, nisi hoc, *Tres sunt, qui testimonium dant in celo*? Propterea in omnibus Bibliis tum Catholicorum, tum Protestantium illa verba leguntur apposita. Alia circa hunc versum expendimus tomo 4. in 1. p. Tract. de Trinit. qu. 1. dub. 2. §. 2. à num. 30., quo Lectorem remitto.

CAPUT III.

Pro auctoritate Librorum de quibus olim dubitatum fuit.

Quia in eo, quo nunc utimur, Bibliorum sacro volumine sunt libri aliquot non ab initio Ecclesiæ universaliter statim recepti, nec in Canonem sacrorum librorum redacti, qui proinde Dentero-canonici seu secundo-canonici, vel secundi Canonis dicuntur, nimirum Petri altera Epistola, ea quæ Jacobi est, & Judæ, duæ sub nomine Joannis, Apocalypsis, & Epistola ad Hebræos; Ideo statuendum erit etiam istos indubiæ esse auctoritatis, ac verè divinæ. Quia autem de aliquibus dubitatum fuit etiam de Auctore illorum, statuendum pariter erit hoc nihil officere.



§. I.

*A libris, de quibus olim dubitatum, sublata est
omnis dubitandi ratio.*

I. **P** Robo primo : de supradictis libris nunquam tota Ecclesia dubitavit, multæ enim particulares Ecclesiæ eos recipiebant, quod ostendunt antiqui Christiani, qui illorum testimoniis tanquam sacris utebantur. Illæ autem Ecclesiæ, quæ illos non recipiebant, vel illos non habebant, sed ignorabant ; vel si eorum notitiam haberent, adhuc dubitabant, quia eos Ecclesia universalis non acceptaverat ut tales, nec proposuerat Fidelibus tanquam sacros. Atqui modò omnes præfati libri ab omnibus Ecclesiis ut sacri agnoscuntur, & in Canonibus successivè editis, ceteris libris sacris adjuncti, ut legere est in primo Canone à Christianis edito in Concilio Laodicensi anno 372. ubi Can. 60. omnes præfati libri (uno excepto Apocalypsis) ut sacri recensentur : in Concil. Carthaginiensi 3. anno 397. can. 47. ubi habetur : *Item placuit, ut præter Scripturas Canonicas nihil in Ecclesia legatur sub nomine divinarum Scripturarum : sunt autem Canonica Scriptura &c.*, inde inter canonicas recenset præfatos libros, addens etiam Apocalypsim : cui subscribit S. Augustinus, qui ei Concilio interfuit lib. 2. de doctr. Christiana cap. 8. Idem legere est in Catalogo Innocentii I. epist. 3. ad Exuperium anno Christi 405. Idem in eo, quem edidit Gelasius I. in Concilio Romano anno 494. can. 1. quæ postea secuta est Ecclesia posteriorum temporum, & præsertim in Conciliis Florentino Instruct. Armenorum, & Tridentino fest. 4.

II. Probo secundo: non est, cur præsumi possit, Christianos hosce libros ut Canonicos supposuisse, etsi revera tales non sint ; aut quod Deus id permiserit. Ergo. Antecedens probatur. Si causa aliqua fingi posset, hæc esset, ut patrocinio illorum aliquod falsum dogma Christiani tuerentur ; sicut enim Hæreticorum aliqui aliquos libros sacros, ut non sacros rejecerunt, quia videbant doctrinam in illis contentam eorum erroribus adversari, ita fieri posset, ut aliqui libri non sacri in sacros adoptarentur, quia faverent alicui falso dogmati. Atqui de supradictis libris nihil tale potest præsumi, tum quia doctrina in illis contenta non est contraria, imò cohærens doctrinæ, quæ in aliis indubitatis libris continetur : tum etiam quia licet fraudis alicujus aut erroris suspicio posset habere locum in aliquibus, non tamen in

in omnibus totius orbis Christianis . Cum ergo omnes Christiani totius orbis explorata rei veritate tandem susceperint tanquam divinos præfatos libros, tenendum certò erit, eos esse tales, quia si ceteri nobis indubitati sunt, quia Christiani omnes quovis tempore eos ut indubitatos habuerunt; eadem ratione ut indubitati habendi erunt ii, de quibus licet olim fuerit dubitatum, tractu tamen temporis re melius perspecta, & sublato dubio, ut verè divinos universa suscepit Ecclesia . Sanè si certum est, Deum curare res humanas, & maximè eas, quæ ad honorem, cultumque suum pertineant, non potest fieri, ut is tantam multitudinem hominum, quibus nihil aliud propositum erat, quam Deum piè colere, passus sit decipi, approbando aut libros mendaces, aut pro divinis libros non divinos .

§. II.

De Epistola Jacobi .

Libros, de quibus olim dubitatum fuit, modo habendos esse ut verè divinos, jam stabilivimus in communi . Non erit abs re de singulis aliqua dicere .

III. Epistola, quæ Jacobi præfert nomen, an foetus sit Jacobi Zebedæi filii, S. Joannis fratris, Majoris nuncupati, cujus mors narratur Act. 12. an verò Jacobi Alphæi filii, cognomento Minoris, quia vel minor natu altero Joanne, vel vocatione ad Apostolatam posterior, dubitatum olim fuit . Verùm cum scripta sit Duodecim Tribubus, quæ in dispersione erant, & Jacobus Major occisus fuerit ab Herode, ante promulgatum Evangelium per Provincias, certum est, eam non esse illius partum, sed alterius Jacobi, nimirum Alphæi, seu Minoris, dicti Julii, ac primi Hierosolymorum Episcopi, quem Paulus ad Galatas 1. 19. Fratrem Domini appellat, Epiphanius putat Josephi Sponsi B. Virginis filium, Hieronymus verò lib. adversus Helvid. ex Maria sorore Matris Domini, & Alphæi uxore genitum; acriter invehens contra oppositum sentientes . Non defuere tamen, imo nec hodie defunt, qui putent, Jacobum hunc fratrem Domini dictum, & Episcopum Hierosolymorum primò constitutum, dictum Justum, non fuisse nec Jacobum Majorem, nec Minorem, sed alium tertium, quem aliqui volunt nec fuisse Apostolum, sed unum ex 72. Discipulis . Ita Hugo Grotius inter ceteros præfat. in hanc Epistolam, citans non paucos Patres, & revera Eusebius lib. 1. cap. 12. Jacobum nostrum accenset numero

ronon Apostolorum, sed Discipulorum, ubi de eo loquens ait: *Unus hic ex septuaginta Discipulorum numero, ac praterea fratribus Domini fuisse perhibetur, quod repetit ex Hegesippo & Clemente Alexandr. l.2. c.23. dicente, multos Jacobi nomine fuisse vocatos. Attamen S. Hieronymus lib. contra Helvidium citato duos tantum Jacobos cognoscit, & ambos Apostolos; sic enim perstringit Helvidium: Nulli dubium est, duos fuisse Apostolos Jacobi vocabulo nuncupatos, Jacobum Zebedei, & Jacobum Alphai. Istum nescio quem Minorem Jacobum, quem Mariae filium, nec tamen Matris Domini Scriptura commemorat. Apostolum vis esse, an non? Si Apostolus est, Alphai filius erit, & credet in Jesum.... Si non est Apostolus, sed tertius nescio quis Jacobus: quomodo est frater Domini putandus: & quomodo tertius ad distinctionem majoris appellabitur minor, quum major, & minor, non inter tres, sed inter duos soleant præbere distantiam, & frater Domini Apostolus sit, Paulo dicente... Galat. 1.19. Alium autem Apostolorum vidi neminem, nisi Jacobum fratrem Domini? Ita Hieronymus. Cum ergo Epistola ista nequeat esse Jacobi Majoris, quia ut ait Hieronymus ipse jam ab Herode fuerat interemptus, restat, ut qui eam scripsit, fuerit Jacobus Minor.*

IV. De hac Epistola olim dubitatum fuit. Unde Eusebius lib.2. cap.23. de ea loquens, ait: *Quam quidem nonnulli spuriam ac supposititiam existimant: sanè pauci admodum ex Vetusioribus tum hujus Epistolæ, tum illius Judæ, quæ & ipsa in septem Catholicarum numero receusetur, mentionem fecere. Verum tamen has quoque cum ceteris in pluribus Ecclesiis lætari, cognovimus. Et S. Hieronymus de Script. Eccles. in Jacobo: Unam (inquit) scripsit Epistolam, quæ de septem Catholicis est, quæ & ipsa ab alio quodam sub nomine ejus edita asseritur; licet paulatim tempore procedente obtinuerit auctoritatem. Licet igitur olim aliquibus dubia, nunc omnibus Catholicis indubiæ auctoritatis esse debet, postquam universali Ecclesiæ consensu suscepta fuit, nedum in Florentino, & Tridentino Conciliis, sed etiam in Canone Scripturarum referatur à Concil. Carthagin.3., ab Augustino locis supra citatis, Innocentio I., Gelasio, ut supra. Eam inter Scripturas Canonicas recensuisse Clementem Alexandr. in lib. Hypotyposeon, testis est idem Eusebius lib.6. cap.14., imo Irenæus lib.4. cap.16., aliàs 30.; ex ea epistola cap.2. v.23. defumsit hæc verba: Credidit Abraham Deo, & reputatum est illi ad justitiam, & amicus Dei appellatus est. Ejus verba non semel usurpat Tertullianus adversus Judæos cap.2., & lib. de Oratione cap.8. Cyprianus ipsius patrocinium sibi adsciscit adversus Novatianos,*

Tom. I.

M m

ad-

adsciscit & Origenes Eusebio antiquior, idemque Novi Testamenti Scriptores enumerans homil. 13. in Genes., homil. 7. in Josue, Jacobum non prætermittit sicut nec Athanasius in Synopsi, nec Gregorius Nazianzenus Carmine de libris Canonicis. Hanc autem tanquam Canonicam non adoptassent Veteres illi Patres, nisi jamdiu de hoc opinio inolevisset.

V. Non defuere tamen proximis retrò temporibus, qui eam carperent. Lutherus ab initio contempsit, vocans eam *stramineam*, quia ei non placeret doctrina, quam continet de fide cum operibus. Scripta enim hæc epistola fuisse videtur contra Simonis Magi discipulos, qui voluptatibus servientes, fidem sine operibus ad salutem sufficere, profitebantur, Mose ex dicto Pauli pravè intellecto Rom. 3., ubi versu 28. dicit, per fidem sine Legis operibus hominem justificari: horum retundens insaniam Jacobus docet, fidem sine operibus esse mortuam, & Christianos esse quidem liberos ab operibus Legis, ut scripserat S. Paulus, vacare tamen debere mortificationibus carnis, ac bonis operibus suam fidem comprobare. Hoc autem cum esset contrarium ei, quod docebat Lutherus, nimirum, hominem, dummodo habeat fidem, de bonis operibus non debere esse sollicitum, ideo dictam epistolam aspernari cœpit: quamvis melius consultus eam acceptaverit, sicut eam acceptant Lutherani, imo & Calvinistæ præunte Calvino præfat. in dictam Epistolam; qui tamen asserere non audet, an hujus epistolæ auctor fuerit Jacobus Alphæi, an Jacobus Episcopus Hierosolymitanus, quem putat distinctum ab Alphæi filio, & non Apostolum, quin (inquit) *Apostolos non oportuit certo loco alligari*. Hujus tamen oppositum ut probabilius supra censuimus.

VI. Neque valet dicere, Apostolos non debuisse certo loco alligari, idest unius loci Episcopatum gerere, cum & Petrus licet Apostolus, imo Apostolorum Caput, sedem suam Romæ fixerit, & illius urbis Episcopatum gesserit, ut tota consentit antiquitas, licet Sectarii negent. Dicam tamen, quod sicut Petrus licet Romanum Episcopatum gerens, non tamen Romæ sic hæsit, ut non ad alias Urbes, ac Provincias excurreret; sic Jacobus, licet Hierosolymorum Episcopus, vicinas tamen Judææ, ac Palæstinæ regiones peragrassè, fas est credere, prout oportunitas exigebat; ceteris verò Apostolis huc illucque dispersis ad opus Evangelii, oportebat, ut illorum unus in Metropoli Judæorum maneret. Quod Apostoli non deberent particularem aliquem Episcopatum suscipere, Scriptura non dicit: cur ergo Calvinus, qui nil nisi scriptum admittere vult, id asserit?

rit? Scriptura non meminit nisi duplicis Jacobi Zebedæi, & Alphæi, cur ipse tertium comminiscitur? Scriptura non dicit, Jacobum, qui fuit Apostolus, non sedisse Hierosolymis, sed aliò abiisse: cur ipse id dicit? Jacobus, qui fuerat constitutus Episcopus Hierosolymorum, in Concilio Hierosolymitano Act. 15. 13. &c. post Petrum primus, imo solus auctoritative loquitur *Viri fratres audite me*: hoc certè non fecisset, nisi & ipse esset Apostolis in dignitate par; Discipulus enim coram Apostolis non protulisset sententiam, sed eam ab eis accepisset, etsi Episcopus. At inquires, Scriptor hujus Epistolæ non se vocat Apostolum. Quid inde? Ergo non fuit Apostolus? Nec Paulus in aliquot suis Epistolis, ad Philipp., in utraque ad Thesalonicensēs, & ad Philemonem; nec Joannes in suis, aut in Apocalypsi Apostolum se dicunt: ergo nec fuere? Dicunt se servos Christi; id etiam dicit Jacobus: hoc sufficit, ut Apostoli credantur, qui ea scripsere. Multò minùs urgebis, si addas cum Cajetano in hunc locum, Auctorem hujus Epistolæ non uti Apostolorum solita salutatio-
ne, sed more prophano tantum dicere *Jacobus Dei, & Domini nostri servus duodecim Tribubus, quæ sunt in dispersione, salutem*: non ergo verisimile est, eam fuisse alicujus Apostoli. Nam ego dicam: si ista prophana salutatio censenda est, magis prophana habenda erit, quæ legitur Actorum 15. 23. *Apostoli & Seniores his, qui sunt Antiochia, & Syria, & Cilicia fratribus ex gentibus salutem*; & tamen hæc est salutatio Apostolici Collegii conciliariter congregati.

VII. Verùm quia non defuere, & fortè non desunt, qui hujus Jacobæ Epistolæ doctrinam carpant; audiendi propterea sunt. Dicunt ergo primò Lutherani, aberrare eam à doctrina Pauli Apostoli, qui Rom. 3. dicit, hominem justificari ex fide sine operibus: hæc autem cap. 2. justificationem, non fidei soli, sed & operibus adscribit.

Respondeo, aberrare quidem Lutheranos, qui putant, ad justificationem sufficere solam fidem, non aberrare autem, nec Paulo contradicere Jacobum auctorem hujus epistolæ, addendo ultra fidem opera etiam. Erant quidam (ait Augustinus lib. de fide, & operibus cap. 14.) *qui temporibus Apostolorum non intellectis quibusdam suboscure sententiis Apostoli Pauli, hoc eum arbitrati sunt dicere*: nimirum solam fidem sine operibus sufficere ad salutem, cum Paulus dicat, hominem justificari ex fide sine operibus, non ut excludat opera subsequētia justificationem, sed ut sciat se quisque per fidem posse justificari, etiam si legis opera non præcesserint. *Sequuntur enim justificationem, non præcedunt justifi-*

candum... *Quoniam hæc opinio tunc fuerat exorta, aliæ Apostolica epistola Petri, Joannis, Jacobi, Judæ contra eam maximè dirigunt intentionem, ut vehementer adstruant, fidem sine operibus non prodesse: sicut etiam ipse Paulus, non qualemlibet fidem, qua in Deum creditur, sed eam salubrem, planèque Evangelicam deservit, cujus opera ex dilectione procedunt: & fides, inquit, quæ per dilectionem operatur Galat. 5. 6. Unde illam fidem, quæ sufficere ad salutem quibusdam videtur, ita nihil prodesse asseverat, ut dicat 1. Cor. 13. 1. si habeam omnem fidem, ita ut montes transferam, caritatem autem non habeam, nihil sum. Hæc Augustinus, quæ fortè videns Calvinus ipse præfat. in epist. Jacobi ait: Quare mihi ad epistolam hanc recipiendam satis est, quod nihil continet Christi Apostolo indiguum: multiplices verò doctrina scatet, cujus utilitas ad omnes Christianæ vitæ partes latè patet.*

VIII. Dicunt secundò, Epistolam hanc mutam esse de opere Christi, de doctrina fidei, & solum opera extollit: consueverunt autem Apostoli semper aliquid interserere de fidei doctrina. Non ergo est Apostolica.

Respondeo, fidei doctrinam satis invenisse Jacobum explicatam à Paulo: imo doctrinâ fidei quidam erant usque adeo præventi, ut solam sufficere credentes, opera negligenter, quare opus fuit, ut Jacobus eos doceret, ultra fidem etiam opera esse necessaria: nec quia in ea doctrina fidei non exponitur, ideo rejicienda est, ait Calvinus ipse citatus: *Quod autem parcius in prædicanda Christi gratia videtur, quàm Apostolo conveniat: certè non est ab omnibus exigendum, ut idem argumentum tracent. Multum à stylo Davidis distans Salomonis scripta; nam quum hic posterior formando exemplo homini, & tradendis politicæ vitæ præceptis magis sit intentus: illum assidue de speciali tum Dei cultu, tum conscientia pace, Dei que misericordia, & gratuita salutis promissione concionari, notum est: atqui non facit hæc diversitas, ut alterum probando, alterum damnemus. Quin etiam inter ipsos Evangelistas tantum est discriminis in illustranda Christi virtute, ut reliqui tres cum Joanne comparati vix scintillas habeant pleni fulgoris, qui in ipso tam conspicuus apparet.*

IX. Dicunt tertio: Auctor hujus Epistolæ cap. 1. & 2. Legem Veterem vocat legem libertatis, at Paulus Galat. 4. eam vocat legem servitutis: ergo contraria est doctrinæ Pauli. Ergo non Apostolica.

At nimis turpiter falluntur, qui sic arguunt. Dum Jacobus cap. 1. v. 25. nominat legem perfectam libertatis, loquitur non de lege Testamenti Veteris, sed de nova; nimirum lege Evan-
ge-

gelica, quæ non est lex timoris & servitutis, sed amoris & caritatis; ad quam quidem implendam non satis est, eam inspicere, sed permanere in ea per observantiam mandatorum Decalogi, quæ utrique legi sunt communia, nec auditorem obliviosum fieri, sed factorem operum. Ita Grotius in hunc locum, & Natalis Alexandre, edocti à S. Augustino lib. de natura, & gratia cap. 57. *Hæc est lex libertatis, non servitutis, quia caritatis utique, non timoris, de qua & Jacobus Apostolus ait: Qui autem perpexerit in lege perfectæ libertatis &c.*

X. Dicunt quartò, auctorem hujus Epistolæ proferre testimonium ex Epistolis Petri & Pauli, ut in margine videre est. Non ergo fuit Apostolus, sed aliquis Apostolorum Discipulus.

Respondere possem. Cùm Petrus & Paulus aliquot ex suis Epistolis scripsissent, antequam Jacobus scriberet, contingere potuit, ut ad manus Jacobi aliqua illarum (& maximè Pauli, ad cujus doctrinam fidei elucidandam Jacobus scripsit) pervenerit, ut ex iis aliquas sententias suæ epistolæ posset inferere; nam & Petrus aliquot Pauli Epistolas legerat, dum ait in sua secunda Epistola cap. 3. v. 16., esse in Pauli Epistolis quædam difficilia, & tamen non hinc evincitur, eam Epistolam non esse Petri Apostoli. Verum dico, ex quo in Epistola Jacobi reperiantur quædam sententiæ, quæ in Epistolis Pauli & Petri inveniuntur, non sequi Jacobum exscripsisse à Petro, aut à Paulo, sed omnes scripsisse dictante, vel suggerente eodem Spiritu, qui ut ostendat se unum, atque eundem omnium auctorem, similes sententias eis suggerit, quod & in Prophetis fecit, nam Isaias, & Michæas, qui contemporanei, nimirum tempore Joathan, & Achaz, & Ezechiae, conscribere, prophetarunt de Christo iisdem non modò sententiis, sed ferè verbis, ut legere est Isaiæ 2. v. 2., & Michææ 4. v. 1.

§. III.

Epistola secunda Petri.

XI. **P**osterior S. Petri Epistola olim dubiæ fuit auctoritatis apud aliquos, sicut etiam dubii auctoris, ut scribunt Origenes tom. 5. in Joann., homil. 13. in Genes., & homil. 7. in Josue; Eusebius lib. 3. cap. 3., ubi de Petri Epistolis loquens, postquam asseruit, priorem tanquam germanam ab omnibus absque controversia admitti, subdit: *Quæ verò secunda appellatur, eam quidem inter sacros Novi Testamenti libros censitam non esse,*

esse, à majoribus accepimus: sed tamen, cum utilis esse videretur quam plurimis, una cum reliquis sacra Scriptura libris studiosè collectata est, & idem cap. 25., ubi inter libros dubios rejicit secundam Epistolam Petri. Cui accedit S. Hieronymus de Script. Eccles. in Petro dicens, eam à plerisque ejus esse negari propter styli dissonantiam. Omnes tamen supracitati Veteres eam ut sacram recipiunt, ac Petro indubitanter adscribunt; & meritò, relata enim fuit in Canonem Sac. Script. primò à Concilio Laodicensi, deindè Carthaginensi tertio, Innocentio I., Gelasio, Florentino, ac Tridentino. Unde Calvinus ipse in præfat. non audet, eam à sacrarum Script. albo expungere.

XII. Et quidem eam esse Petri, testatur nomen initio positum *Simon Petrus*. Se autem esse Petrum Apostolum prodit, tum in titulo, tum cap. 1. v. 18., ubi ait in monte sancto se adfuisse, ibique audivisse vocem *Hic est filius meus dilectus*; in monte autem sancto, i. Thabor, qui fuere, & vocem audire, alii non sunt, nisi Jacobus, Joannes, & Petrus Apostolus Matth. 17. Secundo c. 3. 1. asserit, se aliam priorem Epistolam scripsisse. Tertiò ibid. v. 15. vocat Paulum *carissimum fratrem suum*: Discipulus autem adeo confidenter de Paulo loqui non auderet. Si ergo auctor non fuisset revera Petrus, oporteret dicere, qui eam conscripsit, in his omnibus fuisse mentitum. Hoc autem vel ipsi Calvino ingerit horrorem, qui propterea concludit: *Quod si pro Canonica recipitur, Petrum ejus auctorem sateri oportet, quando non tantum nomen ejus inscriptum habet, sed ipse etiam testatur, cum Christo se vixisse. Hac autem fictio indigna esset ministro Christi, obtendere alienam personam.* Grotius verò in hoc singularis, cum putet, hanc epistolam scriptam fuisse post excidium Hierosolymitanum, quo tempore Petrus jam sub Nerone necatus fuerat, putat, auctorem illius fuisse Simeonem, seu Simonem Episcopum Hierosolymitanum, dignitate, & imitatione successorem. Hæc tamen Grotii imaginatio subsistere nequit, nisi dicamus, auctorem mentitum fuisse, alienam vestiendi personam, ac se Simonem Petrum vocando, cum non esset; asserendo se cum Christo in monte fuisse, cum non fuisset: dicere autem cum Grotio, nomen *Petrus* additum *Simoni* initio illius epistolæ fuisse assutum ad fidem epistolæ conciliandam, gratis asseritur. Tum quia hoc etiam dato, quid dicet, dum auctor asserit, se fuisse cum Christo in monte sancto? Num etiam hoc fuit intrusum? At (inquit) nemo Christianus ultimum mundi diem venturum credidit, nisi postquam evenisset everasio Judaici status in Hierosolymorum excidio: hic verò Scriptor c. 3. Christianos vult patientes adhuc esse

esse in illius diei expectatione, si fortè sperato tardiùs adveniat. Attamen hæc non obstant; unde enim evincit Grotius, Christianos nisi secuto Hierosolymorum excidio credidisse ultimum mundi diem venturum? Diei extremi tempus, & horam nulli cognitam à Christo didicerant Matth. 24. 36. 50., Marci 13. 32., Lucæ 17. 24. 30., à Luca Act. 1. 7.. Paulus 1. Thessalonic. 5. 2. dicit, diem Domini tanquam furem in nocte, ita venturum, quibus etiam verbis utitur auctor hujus nostræ epistolæ. Si ergo propterea ista censenda est scripta post Hierosolymorum cladem & consequenter non à Petro, fiet, neque Epistolam ad Thessalonicenses à Paulo fuisse scriptam.

XIII. Neque officit dissimilitudo styli in hac secunda epistola à prima; hoc enim non indicat diversitatem Auctoris, sed vel Scriptoris, vel Interpretis, quo auctor Petrus usus est. Ita Sanctus Hieronymus ad Hedibiam q. 11., ubi dicit, quod Paulus habebat Titum interpretem, sicut & beatus Petrus Marcum, cujus Evangelium Petro narrante, & illo scribente compositum est. Denique & duæ Epistolæ, quæ feruntur Petri, stylo inter se & characterere discrevant, structuraque verborum, ex quo intelligimus, pro necessitate rerum diversis eum usum interpretibus; quamvis autem stylo discrepent, doctrina, quæ in secunda continetur, satente vel ipso Calvino, Petro indigna non est.

XIV. Si quæretur, quibus, & quamobrem missa sit? Respondco, missam fuisse iisdem, quibus missa fuerat prior, nimirum Judæis dispersis per Pontum, Galatiam, Cappadociam, Asiam, & Bithyniam. Id colligitur ex cap. 3. v. 1. *Hanc ecce vobis carissimi secundam scribo Epistolam.* Motivum autem scribendi fuit, Dei beneficia eis in memoriam redigere; Pseudo-propheatarum lugendam sortem, quam prædicit, ob oculos ponere; mundi renovationem, & secundum Christi adventum, quæ illudores negabant, statuere; ideoque ad ea illos se præparare. Ubi autem data fuerit, & quando; nihil certum: Romæ volunt aliqui, ubi prima, paucis ante Petri mortem annis, quod colligere putant ex his verbis cap. 1. v. 14. *Certus, quod velox est depositio tabernaculi mei, secundum quod & Dominus noster Jesus Christus significavit mihi.*



§. IV.

Secunda, & Tertia Joannis.

XV. **S**ecunda, & tertia Joannis Epistolæ Scripturarum Canonicarum albo non semper apud omnes adscriptæ fuere, quare Eusebius lib. 3. cap. 25. inter eas, quæ in dubium revocantur, à multis tamen commemorari suo tempore solebant, recenset Epistolas Joannis alteram, & tertiam: *Sive illa* (inquit) *ab ipso revera Evangelista, sive altero ejusdem nominis composita sunt.* Ex quibus apparet, olim dubitatum fuisse etiam de auctore illarum. Testatur idem S. Hieronymus de Script. Eccles., ubi de Joanne ait: *Reliquæ autem (Epistolæ) Joannis Presbyteri asseruntur, cujus & hodie alterum sepulcrum apud Epbesum ostenditur.* Præter enim Joannem Apostolum, & Evangelistam fuit alius Joannes Presbyter, Christi itidem Discipulus, Joannis Apostoli cœvus, ut dicimus infra.

XVI. Utramque tamen ut Canonicam agnoverunt Veteres. Irenæus lib. 1. cap. 12. ex secunda sumit auctoritatem dicens: *Quos & Dominus nobis cavere prædixit: & Discipulus ejus Joannes in prædicta Epistola sugere eos, præcipit dicens: Multi seductores exierunt in hanc viam. Qui non confitetur, Jesum Christum in carne venisse, hic est seductor, & Antichristus.* Et si autem consimilia legantur etiam in prima Epistola cap. 4. 1. &c. attamen expressis ab Irenæo verbis potius desumpta sunt ex secunda v. 7. Clemens etiam Alexandr. citat *Majorem Epistolam Joannis*, i. primam, Stromat. 2. qui autem dicit majorem, supponit adesse minorem, qui dicit primam, supponit esse secundam. Si enim una tantum esset Joannis Epistola, eam non vocaret majorem. Hinc Eusebius lib. 6. cap. 14. referens Scripturas redactas in Canonem ab eodem Clemente ait, nec illas quidem prætermisisse, de quibus à multis ambigitur, & specialiter Epistolas, quæ dicuntur Catholicæ: fateor tamen, ex hoc Clementis Canone non posse confici firmum argumentum; in eo enim inserit etiam Epistolam Barnabæ, & Revelationem, quæ dicitur Petri, quas penitus Apocryphas esse, omnibus compertum est. Canonicæ ergo potius dicendæ sunt, quia relatæ in Canones Conciliorum Laodicensi, Carthaginensis tertii, Florentini, & Tridentini, necnon Innocentii I., ac Gelasii.

XVII. Cui verò adjudicandæ sint hæ duæ Epistolæ, an Joanni Apostolo, an Joanni Presbytero Joannis Apostoli Discipulo, apud

apud Veteres non parum concertatum est; imo nec adhuc subdubitandi rationes desunt. Nam duos fuisse Joannes ambos Ephesi, Apostolum scilicet, ac Presbyterum ejus Discipulum, constat tum ex eorum sepulchris, quæ tempore Hieronymi visebantur, tum ex Papia apud Euseb. lib. 3. cap. 39. hic enim Scriptor non se dicit Apostolum, sed Presbyterum; non solent autem Apostoli, etiam cum ad privatos scribunt, omittere eum titulum, quo distinguebantur, & quo eorum scripta robur accipiebant, & quidem maximum. Nam quod Petrus seniores seu Presbyteros alloquens se quoque vocet conseniorum, id sit extra inscriptionem ex quadam comitate, qua & Imperatores se commilites sæpe vocarunt. Ita Grotius.

XVIII. Attamen licet concedam, duos in Asia eodem tempore fuisse Joannes, alterum Apostolum, alterum Presbyterum, non dabo tamen, auctorem secundæ & tertiæ Epistolarum, quæ Joannis nomen præferunt, esse Joannem illum Presbyterum potius quam Apostolum. Licet enim Veterum aliqui id autumarent, alii saltem dubitarint; alii tamen eas Joanni Apostolo tribuerunt, inter quos Irenæus supra laudatus, vocans Scriptorem secundæ Epistolæ Discipulum Domini; quod certè non dixisset de Joanne Presbytero, qui fuit quidem Discipulus Apostolorum, & præcipuè Joannis Apostoli, non tamen inter Discipulos Domini, qui nimirum cum Domino fuerant conversati. Accedit etiam Clemens Alexandrinus, qui, ut vidimus, Stromat. 2. citat Joannis Epistolam majorem, hoc est primam, qui autem dicit majorem seu primam, supponit, esse etiam minorem, seu secundam. Post istos, ait Huetius Demonstr. Evang. proposit. 1. num. 8., sexcentos alios tulerunt anni sequentes, qui eas Joanni Apostolo absque hæsitacione tribuerunt. Tempore D. Augustini hoc persuasum erat tum Catholicis, tum Donatistis, nam lib. 7. contra Donatistas cap. 45. Aurelius à Chulabi citans verba secundæ Epistolæ Joannis v. 10. ait: *Joannes Apostolus in Epistola sua posuit*. Augustinus autem illi respondens non negat, Epistolam illam esse Joannis Apostoli, sed hoc supponens dicit: *De hoc testimonio Joannis non est diutius differendum*, quia non pertinet ad quæstionem, de qua tractatur. Imo Hieronymus, qui aliquando subdubitaſſe visus est, in Epistola tamen olim 85. ad Evagrium, nunc 101. ad Evangelium, ut probet, ab initio idem fuisse nomen Presbyteri, ac Episcopi, citans initia secundæ ac tertiæ Epistolæ Joannis dicit: *Clangat verba Evangelica, filius tonitru, quem Jesus amavit plurimum, qui de pectore Salvatoris doctrinarum fluentia potavit*, Presbyter

Electæ Dominæ, & filiis ejus, quos ego diligo in veritate, & in alia Epistola „ Presbyter Cajo carissimo, quem ego diligo in veritate &c. Quare sub nomine Joannis Apostoli eas semper censuit Ecclesia, ut videre est in Laodiceno, Carthagenensi tertio, Florentino, & Tridentino Conciliis, & Pontificibus Innocentio I., & Gelasio citatis, Athanas: in epist. Festali, & in Synopsi. S. Cyrillo Hierosolym. Cateches. 4., S. Greg. Nazianz. carmine 34., S. August. lib. 2. de doctrin. Christiana.

XIX. Neque obest, quòd auctor earum non se dicat Apostolum, sed Presbyterum, seu Seniore. Si enim, etsi non se dicat Joannem, non obest, quin illa Epistola sit alicujus Joannis, neque, etsi non se dicat Apostolum, sed purè Presbyterum, obstat, quin sit Joannis Apostoli. Se ergo vocat Seniore, seu Presbyterum, idest Episcopum, quod ut dicebam cum Hieronymo, tunc temporis pro eodem usurpabatur: non enim erat necesse, ut semper Apostoli titulum præferrent in suis Epistolis; sed vel *Servi*, ut Jacobus in sua, Paulus in iis, quas scripsit ad Philemonem, ad Thessalonicenses, ad Philippeneses, ad Hebræos; & maximè, dum scriberent ad particulares Personas, ut hic contingit; secunda enim scripta est ad feminam Electam nomine, tertia ad Gajum.

XX. Quam sit autem illa *Electa*, ad quam scripta est secunda Epistola; vulgò Interpretes putant, fuisse matronam quamdam, quam propterea dominam appellat, & quam v. 13. salutatur nomine filiorum sororis suæ, qui in loco, unde Joannes scribebat, morabantur. Novi aliquos velle, nomine *Electa* intelligi quamdam particularem Ecclesiam, quam salutant alterius particularis Ecclesiæ fideles, quos vocat *filios sororis tuæ in Christo*; atqui non videtur naturalis hæc interpretatio. An verò *Electa* sit nomen proprium Personæ, an gentilitium, seu familiæ, incertum. Cognomen familiæ fuisse, verisimile est, cum ejus soror, ut habetur v. 13., *Electa* pariter vocetur. Hoc autem Epistolæ argumentum est. Gratulatur Joannes Electæ, & ejus filiis de fidei integritate, & de sinceritate caritatis; & hortatur, ut in iis perseverent, devitent autem summo studio Hæreticos, qui tunc temporis, Jesum Christum, non verum hominem, sed phantasma fuisse, docebant, quo errore totum fidei, ac redemptionis nostræ fundamentum subruitur.

XXI. Tertia Epistola Joannis scripta est ad Gajum seu Cajum. Quis autem fuerit, incertum. Verisimile est, alium eum fuisse à Cajo Corinthio, cujus meminit S. Paulus Rom. 16. 23. *Salutat vos Cajus hospes meus*, & 1. Cor. 1. 14. & à Cajo Derbenfi,

cujus mentionem facit S. Lucas Act. 10. 4. *Et Gajus Derbeas* quia hic fuit Joannis Discipulus, illi autem Pauli; & rursus incertum est, an duo illi Pauli Discipuli vixerint eo tempore, quo S. Joannes ex Pathmo redux Ephesi degens, & junctas regens Ecclesias, hanc Epistolam dedit. Gajum ergo laudat ob fidei integritatem, eique gratulatur, quòd Christianos hospitio recipiat. Hortatur ut in fide, & misericordiæ operibus perseveret, ac ne moveatur exemplo Diotrephis hominis ambitiosi, maledici, & inhumani, qui in Ecclesia ambibat primatum gerere, sed potius Demetrii bono exemplo, viri benefici, ut cui testimonium redditur ab omnibus, moveatur.

Incertain pariter est, quo anno fuerint scriptæ; creduntur tamen scriptæ à Joanne jam ætate longævo, quod deprehenditur ex verbo *Senior*, quem titulum apposuit ambabus Epistolis. Ephesi etiam post è Pathmo exilium conscriptas fuisse, verisimile putatur.

§. V.

Epistola Judæ.

XXII. **D**E Epistola Judæ dubitatum olim fuit, primò an esset Canonicis accensenda; secundo an ejus auctor esset Judas Apostolus. Prioris dubii fidem faciunt Eusebius Lib. 3. Hist. cap. 25., ubi ex iis, quæ in dubium revocantur, à multis tamen commemorari videmus, dicit esse Epistolam Judæ, quod testatur Amphilochius carm. ad Seleucum, & S. Hieronymus de Vir. illustr. dicens *Judas frater Jacobi parvam, quæ de septem Catholicis est, Epistolam reliquit, & quia de libro Enoch, qui Apocryphus est, in ea assumit testimonium, à plerisque rejicitur. Tamen vetustate jam & usu meruit, & inter sanctas Scripturas computatur.* Et jure quidem; nam eam sacris Scripturis accensent Laodicenum Concilium Can. 60., Carthagin. 3. Can. 47., S. Athanas. epist. Festali, & Synopsi, S. Cyrillus Hierosolym. Catechesi 4., Nazian. carm. 34. Rufinus exposit. Synboli, S. Augustinus lib. de doctr. Christ. cap. 8., Innocentius III. ep. 3. ad Exuperium, & Gelasius 1. in Concilio Romano. Nec obstat, in ea citari librum Enoch, qui Apocryphus est, & S. Michaelis Archangeli altercationem cum Diabolo de Moyfi corpori, quæ de Apocryphis etiam sumta videtur, nam in Apocryphis non omnia sunt Apocrypha, discrevit autem divino lumine S. Apostolus certa ab incertis, vera à falsis. Certè si S. Paulus, Ethnicis

loquens, quasdam Ethnicorum sententias suis Epistolis inferendo consecravit, potuit Judas, aliqua ex Apocryphis accepta, quorum veritatem Spiritu Sancto cognoverat, pariter consecrare. Addo, librum Enoch, & altercationem Michaelis cum Diabolo etsi inter Apocrypha tandem rejecta, apud eos tamen, quibus Judas scribebat, fortè alicujus erant auctoritatis, ideoque potuit illis uti, sicut Paulus Ethnicis scribens Ethnicorum testimonio utebatur.

XXIII. Nec minus est certum, auctorem illius esse Judam Apostolum, fratrem Jacobi Minoris, cognominatum Thaddæum & Labbæum, Christi consanguinitate clarum, filium Alphæi, & Cleophae, ut quidam tradunt; eam enim, sub nomine Judæ Apostoli, laudant omnia Concilia, & Patres supra laudati, quæ adde Tertullianum lib. 1. de cultu foemin. cap. 3., Origenem lib. homil. 7. in Josue, & lib. 5. in epistolam ad Rom. 5. S. Hieronymum in cap. 29. Hierem., & in Catal. Script. Eccles., & S. Augustin. lib. de fide & oper. cap. 25., & lib. 2. retractat. cap. 27. Quapropter temere Grotius præfat. in hanc epistolam, eam adjudicat Judæ Episcopo Hierosolymitano, qui vixit temporibus Hadriani Imperatoris, asseritque hæc verba: *Frater autem Jacobi initio epistolæ addita esse à Scribis, ut Judas hic Apostolus crederetur. Mirum equidem, quod absque solido fundamento Grotius à tota antiquitate recedat. Quod enim non præferat Apostoli titulum, non obest, nam ut supra vidimus, non omnes id præferunt. Deinde dum ait Judas frater Jacobi, idem est, ac si diceret Judas Apostolus: gratis autem dicitur, additum id esse à Scribis; aliàs ego etiam possem dicere nomen Apostoli fuisse à Scribis vel deletum, vel omisum. Quod ab initio non statim recepta fuerit, neque probat, eam non esse alicujus Apostoli; sed solum non fuisse omnibus exploratum, eam ab Apostolo fuisse scriptam; cum autem id omnibus compertum fuit, eam omnes suscepere. Nec evinces, si dixeris, non posse Judæ Apostolo tribui, cum illius auctor v. 17. dicat: *Memores estote verborum, quæ prædicta sunt ab Apostolis*: quod indicat, eum fuisse Apostolis posteriorem. Nam ex hoc solum evinci potest, antequam Judas scriberet, adventum impostorum futurum in novissimo tempore, hoc idem Apostolos alios, aut scripta, aut viva voce jam prædixisse, sicque quod scripserit post alios. Nec enim dici potest, hunc Judam vixisse temporibus Hadriani, quia, cum, ut dixi, fuerit Judas frater Domini, non potuit ad illa tempora supervivisse, nisi dicamus, eum centum quadraginta annis vixisse. Uno Verbo: Patres & Concilia supra laud-*

laudata cæci non fuere ; viderunt omnia , quæ scrupulum ingerunt Grotio , & tamen eam Judæ Apostolo constanter adjudicarunt.

§. VI.

Epistola ad Hebræos.

XXIV. **H**anc esse Canonicam, olim dubitatum fuit, & insuper eâ ut Canonicâ receptâ, adhuc apud aliquos remansit dubitatio, & adhuc remanet, an Pauli fœtus sit, an potius Barnabæ, vel Clementis, vel Lucæ. Hujus testimonium profero primo ex Eusebio lib.3. hist. cap.3. dicente: *Sciendum tamen, Epistolam ad Hebræos a nonnullis ideo repudiatam, quia dicerent, eam ab Ecclesia Romana pro certa, ac genuina Pauli Epistola non haberi, quod ex Cajo repetit lib.6. cap.20. dicens Cajus tredecim solum divini Apostoli commemorat Epistolas, eam, quæ ad Hebræos inscripta est, cum reliquis non adnumerans. Sanè hæc Epistola etiamnum à quibusdam Apostoli esse non creditur.* Et ibi cap.25. dicit ex persona Origenis: *Proinde si quæ Ecclesia banc Epistolam pro Paulina habet, eo nomine laudetur; neque enim temere Majores eam esse Pauli tradiderunt. Quis autem revera illam scripserit, soli Deo notum esse opinor.* Secundo ex S. Hieronymo Epist. ad Paulinum. *Paulus (inquit) Apostolus ad septem scribit Ecclesias, octava enim ad Hebræos, à plerisque extra numerum ponitur: & in caput 8. Esaiæ allegans eam ait: Licet eam latina consuetudo inter Canonicas Scripturas non recipiat, & in cap.8. Zachariæ: Si tamen (inquit) in suscipienda Epistola, Græcorum auctoritatem Latina lingua non respuit.* In Ezechielem cap.28. citans locum ex hac epistola ait: *Et Paulus Apostolus; si quis tamen ad Hebræos Epistolam suscipit: & Matth.26. Paulus Apostolus in Epistola sua, quæ scribitur ad Hebræos, licet de ea multi Latini dubitent: qua phrasi loquitur, quoties dictam epistolam allegat.* Ex quibus patet, dictam epistolam non fuisse quovis tempore, & omnibus indubiam, & consequenter non esse reponendam inter libros Proto-canonicos. Crediderim tamen, paucos fuisse, qui de ea dubitarint, & dubitasse potius de ejus auctore, quam de ejus authenticitate. Quidquid tamen sit, non solum tanquam Canonica, sed tanquam genuinus Pauli fœtus recipienda est. Eam enim esse Canonicam, demonstrat ejus antiquitas, nam etiam illi, qui ambigebant, an esset Pauli, eam tamen tribuebant auctori Paulo cœvo, puta vel Barnabæ, ut Tertullianus

nus lib. de Pudicitia cap. 20., vel S. Luca Pauli Discipulo ac socio, ut Clemens Alexandr. apud Euseb. lib. 3. cap. 38., vel S. Clementi. Quare cum incertum quoque olim fuisse, quis ostenderit, à quo illorum esset profecta, sequitur, semper eam esse auctoris, cui vulgo adscribitur, incerti quidem, sed unius ex illis quatuor, & consequenter esse genuinum fœtum; ut enim observat Huetius demonstr. Evang. propos. 1. num. 8. genuinus liber ille appellari potest, & est, qui ab eo auctore scriptus est, à quo dicitur scriptus, & eo circiter tempore, quo scriptus fertur. Hæc autem epistola, cujuscumque sit auctoris, sive Pauli, sive Barnabæ, sive Lucæ, sive Clementis, eo tempore scripta est, quo fertur scripta, cum omnes hi fuerint Discipuli Christi, vel Apostolorum: quin etiamsi esset incertum, ut olim fuit, à quo ex illis quatuor esset scripta; cum tamen certum esset, ab uno illorum fuisse scriptam, haberemus quidquid nobis sufficeret ad ejus authenticitatem.

XXV. Attamen qui eam Paulo eripuerunt, vel de ea dubitarunt, valde pauci fuerunt, Origenes re in utramque partem discussa lib. 5. in Joann. non temere eam à Majoribus Paulo adscriptam censet, & quæcumque Ecclesia eam ut Pauli opus suspexerit, laudandam censet. Et meritò, eam enim ut Pauli agnoscebant Græcorum Ecclesiæ, quod testatur laudatus Hieronymus, eam quippe inter Paulinas enumerarunt Can. 60. Laodicensi Concilii. Quæ autem ex Latinis de hoc dubitabant, certè non fuere celebriores Ecclesiæ: Africanæ enim in Concilio Carthaginensi 3. Can. 47., & S. Augustinus lib. 2. de doctrina Christiana cap. 8. quin & Romana teste Innocentio I. epist. 3. ad Exuperium, eam tanquam Pauli suscipiunt. Aliquos ergo Latinorum Hieronymi tempore adhuc dubitasse, crediderim, quia nondum apud Latinos Scripturarum Canon aliquis suâ ætate editus erat, nondum enim celebratum erat Concilium Carthaginense III., aut Innocentius I. suum ediderat Canonem. Dubitatio tamen ista non tollebat, quin ab omnibus Ecclesiis, ut epistola Viri Ecclesiastici susciperetur, & in omnibus legeretur. Ita S. Hieronymus epistola ad Dardanum, qui suam mentem aperiens ita loquitur: *Illud nostris dicendum est, hanc epistolam, quæ inscribitur ad Hebræos, non solum ab Ecclesiis Orientis, sed ab omnibus retrò Ecclesiasticis Græci sermonis Scriptoris, quasi Pauli Apostoli suscipi, licet plerique eam vel Barnabæ, vel Clementis arbitrentur: & nihil interesse, cujus sit, quum Ecclesiastici viri sit, & quotidie Ecclesiarum lectione celebretur. Quod si eam Latinorum consuetudo non recipit inter Scripturas Canonicas, nec Græcorum qui-*

quidem Ecclesia Apocalypsim Joannis eadem libertate suscipiunt: & tamen nos utramque suscipimus: nequaquam hujus temporis consuetudinem, sed veterum Scriptorum auctoritatem sequentes, qui plerumque utriusque abutuntur testimoniis, non ut interdum de Apocryphis facere solent (quippe qui & Gentilium litterarum raro utantur exemplis) sed quasi Canonici, & Ecclesiasticis. His Hieronymus mentem aperit suam.

XXVI. Et quidem hanc Epistolam Paulo adjudicasse cum Græcorum Ecclesia etiam Græcos Scriptores, ut asserit Hieronymus, testantur non solum Græci Patres supra relati, Clemens Alexandr. apud Euseb. lib. 6. hist. cap. 14. s. verum & Dionys. Alexandr. in epistolis contra Paulum Samosatenum, S. Athanas. epist. ad Alexandrum Episcopum Constantinopol. lib. de Synodi Nicænæ decretis, lib. de Synodis, & in Synopsis sacre Scripturæ, S. Epiphan. hæres. 59. quæ est Novatianorum, S. Basil. Constit. Monasticarum cap. 22., S. Gregorius Nyssenus lib. de Hypostasi, S. Gregorius Nazianzenus carmine de Scripturis authenticis, S. Amphylochius carmine ad Seleucum, S. Cyrillus Alexandrinus Anathematismo 10. contra Nestorium, S. Chrysost. in expositione ejusdem Epistolæ, & demum Theodoritus in argumento Epistolæ ad Hebræos, ubi Arrianos refelleus, qui eam ut adulterinam respuebant: *Oportebat autem (inquit) ipsos, etsi nihil aliud, temporis certè diuturnitatem revereri, qui hanc Epistolam in Ecclesiis perpetuò legerunt alumni veritatis. Ex quo enim litterarum Apostolicarum fuerunt Ecclesiæ participes, ex eo etiam Epistolæ ad Hebræos utilitatem percipiunt. Quod siue hoc quidem ad eis persuadendum satis est, Eusebio certè, oportebat, eos Palæstino credere, quem Patrouum suorum Decretorum appellant. Nam is etiam divinisimi Pauli hanc esse epistolam confessus est, & Veteres omnes hanc de ea habuisse sententiam, asseruit.* Verum etiam Latini Patres insigniores; nam præter Concilium Carthaginensè III., & Innocentium I. S. Hieronymum, & Augustinum lib. 2. de doctrina Christiana cap. 8. in speculo, & lib. 2. de peccat. merit., & remiss. cap. 27. supra relatis, eam ut Pauli agnoverunt S. Hilarius lib. 4. de Trinit., S. Ambros. lib. 1. de fide cap. 4.: eam in Canone ut Paulinam descripsit Gelas. 1. in Romana Synodo: eam ut talem agnovere Cassiodorus l. 1. divin. lect. c. 4., S. Isidorus Hispalensis lib. 6. Originum, & alii. Quare nescio quinam fuerint, cujusque auctoritatis, Scriptores illi, qui ut Pauli eam recipere recusarunt, cum omnes Latinorum celebriores eam susceperint. Merito itaque Eugenius IV. in Decreto pro Jacobitis, & Concilium Tridentinum sess. 4. illam tanquam Pauli sacro Scripturarum

Ca-

Canonis adscripserunt, ac recipiendam cum aliis decreverunt, adeo ut nulli Catholicorum liceat contrarium opinari.

XXVII. Dices: si Paulus auctor illius Epistolæ fuit, cur, ut in aliis, nomen suum initio ei non apposuit?

Respondet Eusebius ex Clemente Alexandrino in libris Hypotyposeon lib. 6. hist. cap. 14. hanc inscriptionem *Paulus Apostolus* rectè, atque ordine omisissam fuisse: *Cum enim Hebræis scriberet, qui sinistram de ipso opinionem multè ante combiberant, ipsumque suspectum habebant: prudenti consilio usus, illos absterrens statim ab initio appositæ nominis sui inscriptione noluit.* Ita etiam respondet S. Augustinus exposit. in epist. ad Romanos, & sanctus Hieronymus Catal. Script. Eccles. in Paulo; Chrysostom. hom. 1. Secundo hoc modestiæ fuit, quia enim Paulus ad Gentem erat à Domino directus, Hebræorum Apostolum se minime inscribere voluit, *tum ob suam erga Dominum reverentiam, tum quod ex abundantia ad Hebræos ipse Gentium præco & Apostolus scriberet.* Alii dicunt inscriptionem eam omisisse: quia Hebræis mos erat litteras sine titulo scribere, unde sine titulo suam primam epistolam S. Joannes scripsit. Tertio si non est Pauli, quia nomen Pauli non præfert, cum nullius nomen præferat nullius erit: & sic etiam prima Joannis, quia nullius nomine insignitur, vel nullius erit, vel non erit Joannis. Manifestè autem se Paulum ostendit cap. 13., tum versu 19. ex desiderio iterum videndi eos, ad quos scribebat, quod Paulo in suis Epistolis frequentissimum est; tum ex versu 23., ubi nominat fratrem suum Timotheum, per quem fortè ex Italia epistolam miserat. Quis autem ignorat, Timotheum fuisse socium, ac Discipulum Pauli? Demum hoc indicat S. Petrus in secunda sua epistola cap. 3. v. 15. & 16., ubi scribens & ipse ad Hebræos meminit epistolæ ad eos datæ à Paulo *Carissimus frater noster Paulus secundum datam sibi sapientiam scripsit vobis:* quænam autem alia epistola Hebræis à D. Paulo conscripta potest proferri nisi ista?

XXVIII. His tamen, aliisque non obstantibus, non desunt, qui hanc epistolam carpant. Lutherus in prologo ad ipsam, nec Pauli, nec alicujus Apostoli eam esse, contendit, quod aliqua contineat contra Evangelicam doctrinam, cui Lutheranorum grex adhæsit. Calvinus tamen eam quidem recipit, sed non ut Pauli foræ, ita in prologo ad eandem. Erasmus, & Cajetanus dubitanter locuti sunt. Grotius in præfatione ad eandem negat, eam esse Pauli, sed potius Lucæ. Istorum momenta expendenda sunt.

XXIX. Primò dicunt, auctorem hujus Epistolæ favere No-

vatianis, quia cap. 6. v. 4. &c. dicit: *Impossibile est, eos, qui semel sunt illuminati, iterum renovari ad penitentiam*, & cap. 10. 26. dicit, non relinqui hostiam pro peccato iis, qui voluntarie peccant post acceptam notitiam veritatis, & cap. 12. 16. 17. de Esau dicitur, quod non invenit penitentia locum, quamquam cum lacrymis inquisisset eam. Quid quæso apertius fovere potest errorem Novatianorum, qui aliqua peccata volebant esse irremissibilia?

XXX. Respondeo. Si verba hæc foveant Novatianos, fovebunt etiam ista Christi Matth. 12. 32. *Qui autem dixerit (Verbum) contra Spiritum Sanctum, non remittetur ei, neque in hoc seculo, neque in futuro*. Loquitur ergo tum Christus, tum Apostolus, de eo, qui peccat contra Spiritum Sanctum, i. qui à Spiritu Sancto illuminatus, habens plenam cognitionem veritatis, adhuc voluntarie, & ex malitia oppugnat cognitam, & exploratam veritatem. Hunc ergo impossibile est, ait Paulus, rursus renovari ad penitentiam &c., i. moraliter impossibile, seu perquam difficile est, ut convertatur tribus de causis. Primo qui sic peccant, ut plurimum non convertuntur, nec tale peccatum illis remittitur, ideoque dici bene potest irremissibile. Sicut enim in morbis corporalibus eos vocamus incurabiles, qui ut plurimum non curantur, & si possint absolute curari, & de facto aliquando curentur: ita in morbis spiritualibus eos dicere possumus incurabiles, & ea peccata irremissibilia, quæ ut plurimum non curantur, quia ut plurimum à talibus peccatis homo non avertitur; licet contingere possit, & aliquando contingat, ut ab iis recedat, & illi remittantur. Secundo quia qui in Spiritum Sanctum peccant, directe resistunt gratiæ, quæ solâ curari possent; sicut enim Medicus pronunciaret incurabilem illum infirmum, qui resisteret & recusaret unicum remedium ad tollendum ab eo morbum, quamvis posset contingere, ut ex alterius persuasionem remedium illud sit accepturus; cur non poterit dici irremissibile peccatum in eo, qui gratiam à se repellit, unicum remedium ad recuperandam animæ sanitatem, quamvis contingere possit, ut tandem suasionibus cedat, & gratiam acceptet, & sic ei remittatur peccatum. Tertiò dicitur irremissibile peccatum, quia in eo, qui ex malitia peccat, nihil est unde remissione vel dignus, vel saltem capax judicetur: ubi qui ex ignorantia, vel infirmitate peccat, aliquod habet, unde misericordiam Dei provocet, vel saltem ea non indignus censeatur, juxta illud Pauli 1. Timoth. 1. 13. *Misericordiam consecutus sum, quia ignorans feci in incredulitate*. Quæ toto cœlo à Novatianorum errore distant, qui aliqua peccata prorsus ac omnino irremissibilia docebant.

XXXI. Probabilis quidem est, & satis tollens difficultatem promotam ista responsio; communiter tamen Patres, Chrysostomus, Theodoretus, alique, imo & Augustinus in fine Exposit. inchoatæ Epist. ad Rom. sentiunt primum, & secundum ex supra allatis textibus debere intelligi de renovatione per baptismum, non de reconciliatione per poenitentiam. Quare in primo textu fiet sensus, impossibile est eos, qui semel illuminati Baptismum suscipientes renovati sunt, si in peccatum prolabantur, per Ecclesiæ Ministros ita renovari per poenitentiam, ut illis restituant innocentiam baptismalem, vel ut alter Baptismus eis conferatur: in secundo autem textu sensus fiat, quod si voluntariè peccamus post acceptam veritatis notitiam, acceptumque Baptismum, non est secundo Baptismati locus, quo iterum sicut prius & à peccatis absolvamur, & omnis etiam reatus poenæ nobis relaxetur. Quæ mirè explicat Theodoretus in hunc locum dicens: *Omnino fieri non potest, ut qui ad sanctissimum Baptismum accesserunt, & gratiæ Divini Spiritus participes, & æternorum bonorum typum acceperunt, iterum accedant, & alium Baptismum consequantur; hoc enim nihil est aliud, quam filium Dei rursus crucifigere, & eadem, quæ affectus est, ignominia rursus afficere. Sicut enim ipse semel passionem sustinuit, ita nos semel oportet passionis ejus esse participes. Confestimur autem cum eo per Baptismum, & una cum eo resurgimus. Fieri ergo non potest, ut dono Baptismi iterum fruamur. Hæc autem dixit Divinus Apostolus, Judæos qui crediderant docens, ne existimarent, sanctissimum Baptismum similem esse Baptismis Judaicis. Illi enim non solvebant peccata, sed corporis, quæ videbantur, sordes purgabant; quæ de causa & multi, & frequenter adhibebantur, hic verò unus est, ut qui salutaris passionis, & resurrectionis typum haberet, & futuram nobis resurrectionem prædesignet. Novatiani hæc verba obijciunt adversus veritatem, non intelligentes, Divinum Apostolum non prohibuisse medicamentum Poenitentia, sed Divini Baptismatis definitionem docuisse: unde subjunxit: rursus crucifigentes sibi metipsis filium Dei, & iraducetes, ac ignominia afficientes: Divinum enim mysterium est ignominia afficere bis ejusdem esse participem. Quod enim ubique prædicet Poenitentiam, testatur quæ ab ipso scripta sunt ad Corinthios, testantur etiam, quæ ad Galatas; & ubique demum sermones istos disseminat. Hæc Theodoretus, quibus adeo apertis nihil addendum est. Videatur tamen D. Augustinus in Exposit. inchoatæ Epist. ad Romanos.*

XXXII. Ad tertium textum ex cap. 12. dico primo; Novatianos non posse se tegere hoc textu, quia Esau poenitentia non
fuit

fuit vera. Iterum audiat Theodoretus in hunc locum. *Hoc etiam* (inquit) *Novatiani sua esse arma existimant, sed suis ipsorum telis confodientur. Esau enim non fleuit agens penitentiam, sed fratris felicitati invidens. Hoc ipsum autem Caim quoque occidit. Concidit enim, inquit Gen. 4. facies ejus: sed non ideo quod male obtulerat, sed quia fratrem viderat divina bonorum sententia. Quin etiam Divinus Apostolus hac per ea, quæ dixit, innuit: Pœnitentia, inquit, locum non invenit: pro eo, quod est, non invenit viam penitentia, nec luxit propter ea, quæ improbe erat machinatus, fleuit autem non peccatum, sed prosperum Jacob successum, idque testantur ejus verba: Venient, inquit, dies luctus Patris mei; ut occidam fratrem meum Gen. 27. idem habet S. Joann. Chrysostomus homil. 31. in dictum caput.*

Dico secundo, mentem Pauli solum esse, Esau non potuisse consequi benedictionem paternam, quamvis cum lacrymis inquisisset eam, referendo pronomen *eam* non ad Pœnitentiam, sed ad benedictionem, sive ad benedictionis retractationem.

XXXIII. Dicunt secundo, auctorem hujus Epistolæ favere Arrianis, ac Socinianis, & Unitariis, dum cap. 1. v. 3. filius divinus non pronuntiatur Patri consubstantialis, sed solum *splendor gloriæ*, & *figura substantiæ ejus*: & versu 4. videtur asseri excellentissima inter creaturas, dum dicitur *melior Angelis effectus*.

XXXIV. Respondeo, qui sic arguunt, in meridiana luce cæcutire; imo nil aptius ad exprimendam, quantum fieri potest, humanis nominibus consubstantialitatem Filii cum Patre, ejusque processum à Patre, quam nomina *splendoris*, & *figuræ*, seu, ut ait Græcus, *characteris substantiæ ejus*. Mirè enim explicant coexistentiam, & coeternitatem, & consubstantialitatem Filii cum Patre. *Splendor enim* (inquit Theodoretus hic) *& ex igne est, & est cum igne, & causam quidem habet ignem, non potest autem ab igne separari. Ex quo enim est ignis, ex eo est etiam splendor Ex quo enim gloria, ex eo etiam est splendor; semper autem gloria; semper ergo & splendor. Eiusdem etiam naturæ est splendor cum igne. Ergo etiam filius cum Patre. Sed quoniam ex hac similitudine occasionem blasphemandi sumunt, qui Sabellii, & Pboriani morbo laborant; splendor enim minimè per se subsistit: per aliam similitudinem banc quoque blasphemiam exterminat, subiungit enim & *figura substantiæ ejus, i. character subsistentiæ ejus. Per se enim, inquit, subsistit, totum in se Patrem ostendens. In se enim patrios characteres continet. Hinc simile est, quod Philippo à Domino dictum est: Qui vidit me, vidit Patrem meum. Itaque per plura no-**

*mina nos docuit Divinus Apostolus & veram ac germanam generationem, & eandem simul cum Patre substantiam, & coæternitatem. Hæc Theodoretus. Idem ait Chrysostom. hom. 2. ad Hebr. Quidam enim absurda quædam proferunt, exemplorum consideratione decepti; splendor enim, inquit, substantivum aliquid non est, sed aliande habet, ut sit. Noli o homo, sic istud accipere, neque Marcelli, aut Photini morbo laborare... Et quid inquit? Et character substantiæ ejus? utpote quemadmodum ipse Pater in se ipso subsistit nullius indigus, ita & Filius &c. Rursus ad illa verba tantò melior Angelis effectus; ait Theodoretus, hoc debere intelligi quoad humanitatem. Ut Deus enim est effector, & Dominus Angelorum. Ut homo autem, postquam resurrexit & in cælos ascendit, Angelis præstantior evasit... Quemadmodum ergo erat minor Angelis, ut homo, quoniam illi quidem habent naturam immortalem, ipse verò sustinuit passionem: ita postquam ascendit in cælos Angelis præstantior effectus est, sedit enim super omnem Principatum, & Potestatem &c. Ephes. 1. Theodor. Si verò cum D. Athanasio Orat. 2. contra Arrianos illa verba accipiamus dicta de Filio Dei, quantum ad divinitatem, non in totum per comparisonem dicta sunt, sed potius, ut discrimen naturæ Filii Dei à rebus creatis indicet: unde statim subjungit: Cui enim dixit aliquando Angelorum filius meus est tu? Comparatio enim inter res cognatas, atque ejusdem generis fit; cum ergo inter Filium Dei, & Angelos nulla cognatio in natura sit, ideo illud melior non per comparisonem dictum est, sed per distinctionem, & ad differentiam notam, & ut diversitas naturæ Filii Dei ab Angelis ostendatur. Quare statim illum Filium, hos verò mancipia appellat, illum ut Filium Patri à dextris assidere, dicit, illos verò ut servos apparitorum, ac nuntiorum munere fungi. Uno verbo: illum demonstrat Deum Patri coæqualem, hos creaturas. Nec obstat *Ily effectus*, seu *factus*: ut enim, ait S. Chrysostomus homil. 2. in hanc Epist., hoc quod dixit factus, idem est hoc loco ac declaratus.*

XXXV. Dicunt tertio: Auctor hujus Epistolæ cap. 1. v. 5. probat, Christum esse filium Dei ex verbis 2. Reg. 7. 14. *Ego ero illi in Patrem*, quæ ad litteram de Salomone dicta sunt. Cum ergo solum ex sensu litterali sumi possit argumentum firimum, non solidè argumentatur &c.

Respondeo, dicta verba *Ego ero illi in Patrem* de Salomone quidem dicta in litterali sensu, qui Dei filius per adoptionem, & proinde improprie fuit, sed ex intentione Spiritus Sancti verba hæc Christum mysticè, ac propheticè respexisse. Salomonem qui-

quidem ut typum, Christum autem ut per Salomonem adumbratum, qui non adoptione, sed natura filius Dei est. Ex sensu autem, qui etsi non litteralis, sed typicus, à Spiritu Sancto tamen intentus est, solidum, validumque sumitur argumentum ad veritatem fidei confirmandam, aliàs cum omnia, quæ in Veteri Testamento litteraliter dicuntur, mysticè ac typicè Christum adumbrant, nullum ex Veteri Testamento posset confici efficax argumentum.

XXXVI. Dicunt quartò: Cap. 9. v. 4. dicit Auctor hujus Epistolæ, fuisse in Arca urnam auream habentem Manna, & Virgam Aaron, quæ fronderat, & Tabulas Legis: sed lib. 3. Regum 8. 9., & 2. Paralip. 5. 10. dicitur: *In Arca autem non erat aliud, nisi duæ tabulæ lapideæ, quas posuerat in ea Moyses*, quod ait & Josephus lib. 8. antiquit. c. 2. & c.: mentitur ergo Auctor iste.

XXXVII. Respondet Bellarminus lib. 1. de Verbo Dei c. 17. tempore quidem Salomonis non fuisse in Arca aliud, quàm Tabulas Legis, sed postea à Judæis positas intra Arcam fuisse etiam Urnam; ac Virgam, quod Auctor hujus Epistolæ ex Traditione Judæorum optimè scire potuit. Ita Theophylactus monens, Hebræos sui temporis ita sensisse. Addit etiam, ex textu 3. Regum, & 2. Paralipom. solum colligi, quod tempore Salomonis in Arca nil aliud esset præter Tabulas Legis, non autem quod nil aliud antea fuisset. Cui responsioni subscribit Grotius in hunc locum, putans Mosem ab initio reposuisse in Arca cum Tabulis Legis etiam vas cum Manna, & Virgam Aaron; cum enim vas Mannæ, ut legitur Exod. 16. 33. repositum fuerit coram Domino asservandum, ubinam melius, quàm in Arca, reponi poterat? Virgam autem Aaron in Tabernaculo asservatam fuisse constat Numer. 17. 10. Verùm cum lapsu temporis metus irrepsisset, ne Virga ibi inclusa cariem, Manna autem mucorem pateretur, ablata sunt ea ex Arca, & custodita in aptiori loco. Cumque Templum à Salomone conderetur eadem ratione extra Arcam relicta sunt, & in crypta subterranea custodita. Et ideo Auctor 3. lib. Regum, & 2. Paralip., qui Arcam descripsit, ut erat Salomonis tempore, benè dixit, & in ea non fuisse nisi Tabulas Legis, omittens vas Mannæ, & Virgam, quia pro illo tempore revera aliud non erat. Tutior meo judicio via ad conciliandum veritatem hujus Epistolæ cum dictis 3. Reg., & 2. Paralipom. est, quam indicat Bellarminus ipse, cuique subscribunt P. Alexandre tum hic, tum in Hist. Vet. Test. t. 1. dissert. 3. a. 3. §. 3. n. 6., Huet. demonstr. Evang. propos. 4. c. 1. n. 2., & P. Lamy Appar. Biblic. lib. 1. cap. 4. n. 10. nimirum intra Arcam fuisse quidem so-

solas Tabulas Legis; vas autem Mannæ, & Virgam Aaron fui sic juxta Arcam in eodem loco, nimirum in Tabernaculo, ubi erat Arca: unde ait laudatus Huetius: *In Arca solas fuisse Tabulas lapideas à Deo scriptas, discimus ex lib. Regum, & Paralipomenon. Lex autem fuit ad latus Arcæ exterius, quo & Urna aurea Manna plena, & Aaronis Virga: hoc est si Joathamem Paraphrastem Chaldaicum audimus, in capsâ, vel si Gemaram Talmudici libri, in scrinio ad latus dextrum Arcæ.* Verum quia posset aliquis hic objicere, Auctorem hujus Epistolæ dicere, Vas cum Manna, & Virgam fuisse in Arca, non juxta Arcam: observandum est, particulam *In* non semper denotare rem, quæ intra alterum est, sed aliquando, quæ juxta; sic ementes, & vendentes in Templo fuisse dicuntur Matth. 21. 12., Marci 11. 15. nimirum in porticibus, quæ non intra, sed juxta Templum erant: sic Joann. 10. 23. *Et ambulabat Jesus in Templo in porticu Salamonis*, i. in porticu juxta Templum. Dicitur etiam Christus passus in Hierusalem, quia passus in Monte Calvariæ propè Hierusalem. Sic ergo Paulus ait, hæc tria fuisse in Arca, Urnam habentem Manna, Virgam, & duas Tabulas Testamenti, Tabulas quidem intra Arcam, Manna verò, & Virgam juxta positas, ut de Manna haberetur Exodi 16. 33., de Virga autem Num. 17. 10. Aptissimè autem hæc tria numeravit Apostolus, quia hæc tria objiciebant Judæis eorum ingratitudinem.

XXXVIII. Dicunt quintò, Auctorem hujus Epistolæ eodem cap. 9. 15. dum loquitur de Testamento propriè dicto, quod morte testatoris confirmatur, allegare verba Exodi 24. 6. 8., & Leviti. 14. 49. *Hic sanguis Testamenti, quod mandavit ad vos Deus, ubi nomine Testamenti intelligitur fœdus, seu pactum; patet autem non omne pactum esse Testamentum.*

Respondeo, quod licet vox Hebraica *Berith* Fœdus, & Testamentum promiscuè significet; tamen LXX. Interpretes, quorum versionem hic S. Paulus secutus est, *Diathecin*, i. ultimam dispositionem, verterunt non sine divino afflatu, quia cum Fœdus illud cum Israel non esset consummandum, nisi per Sanguinem, & Mortem Jesu, quo fiebat, ut esset pactum de conferenda per mortem ejus hæreditate vitæ æternæ, aptissimè pactum illud vocare potuit Paulus nomine Testamenti. Hæc sunt motiva, quæ militare possent contra hujus Epistolæ authenticitatem.

XXXIX. Motiva autem, quibus adducti fuere, & hæcenus adducuntur aliqui, ut opinentur eam non esse Pauli, sed alterius, sequentia sunt. Primum est diversitas styli ab aliis Paulinis. Habet enim selectiores voces. Græcas, leviùs fuit, non au-

autem salebrosa est, & fracta verbis intercisis, ut alia. Sermo insuper gravior, copiosior, ornatior.

XL. Respondent eruditi non pauci, Epistolæ quidem istius argumentum, ordinem, ratiocinia, sententias esse Pauli, non verò dictionem, & ornatum, sed vel S. Lucæ, vel S. Clementis Romani, qui suam in ea scribenda S. Paulo commodarint operam, ideoque non Hebraicè, sed Græcè primitus scriptam esse: quod & Scripturæ Veteris allegatio secundum versionem LXX. Interpretum probare videtur, & nominum Hebraicorum explicatio, quæ tribuenda non videtur Epistolæ Interpreti, sed Auctori, ut contextus, & series orationis demonstrat. Argumentatur enim Apostolus ab ipsa nominum interpretatione, ut S. Chrysostomus, aliique Græci Scriptores adnotarunt. Hæc sententia nittitur Origenis auctoritate apud Euseb. lib. 6. hist. cap. 25., quæ tanquam expeditior probatur Bellarmino citato.

XLI. Verum Clemens Alexandrinus apud eundem Eusebium, lib. 6. cap. 14. putat, eam Hebraico idiomate scriptam, à Luca verò in gratiam Græcorum Græcè redditam, atque ornata. *Epistolam autem ad Hebræos* (ait Eusebius) *Pauli quidem esse, affirmat* (Clemens) *sed Hebraico sermone, utpote ad Hebræos, primum scriptam fuisse: Lucam verò eandem Græco sermone studiosè interpretatum, Græcis hominibus reddidisse. Quare in ea Epistola, & in Actibus Apostolorum eundem dictionis colorem reperiri.* Cui sententiæ adhæret Eusebius ipse lib. 3. cap. 38. putans tamen, eam non à Luca, sed à Clemente translatam. *Cum enim* (inquit) *ad Hebræos patrio sermone scripsisset Paulus, alii Lucam Evangelistam, alii hunc, de quo loquimur, Clementem Epistolam illam esse interpretatum ferunt. Quod quidem veriùs videtur, cum præsertim & Clementis, & illa ad Hebræos: Epistola eundem habeat stylum, nec utriusque scripti sententiæ valde inter se discrepant.* Quicumque ergo fuerit Epistolæ hujus ex Hebraico in Græcum interpres, ei tribuit hæc opinio eloquentiam, atque ornatum, quo ab aliis Paulinis discrepare videtur, quæ Apostolicam simplicitatem magis sapere videntur. Neque Hebraicorum nominum interpretatio arguit, eam non fuisse primò Hebraicè scriptam, sed Græcè; non enim Paulus interpretatur nomen Hebraicum Melchisedech Græcè, sed Hebraicè, ut ex Etymologia nominis ratiocinetur, sicut si Latine quis diceret homicidium est hominis cædes. Imo si dicerem interpretationem additam fuisse ab Interprete, quid incommodi? Exodi enim 12. habetur *est Phasè, i. transitus Domini*: quæ interpretatio in Hebræo non legitur. Neque obstat de Scripturis citatis secundum vers. LXX. Inter-

terpretum: nam Paulus potuit benè testimonia ex Hebraico fonte depromere, tamen Græcus interpres ex Vetere, ut vertent LXX. ne aliquid novi Græcorum auribus inferret. Nec id est novum; multa enim Paulus ipse Hebræo sermone protulerat in concione ad Judæos relata Actorum 13., quæ tamen Lucas retulit secundum versionem LXX. Interpretum. Hæc sententia, quia communior, amplectenda videtur; ei enim adest S. Hieronymus in Catalog. & Theodoretus &c.

XLII. Movetur secundò, quia Auctor istius Epistolæ c. 2. 3. sese annumerat iis, qui non à Christo, sed ab Apostolis doctrinam acceperunt: Paulus autem Galat. 1. affirmat, se non ab homine, sed à Christo per revelationem accepisse Evangelium. Non igitur Paulus hujus Epistolæ Auctor est.

XLIII. Respondeo, me non videre, cur propter hoc Epistola hæc Paulo eripienda sit; dicit enim loco allato, loquens de salute: *Quæ cum initium accepisset enarrari per Dominum, ab eis, qui audierunt, in nos confirmata est, contestante Deo signis, & portentis* &c. Paulus certè non erat de numero eorum, qui ab initio Dominum audissent enarrantem. Christi quoque doctrina etiam in Paulo, vel in Paulum, seu usque ad Paulum confirmata fuit prodigiis: in Paulo quidem, i. in ejus prodigiosa conversione; in Paulum, vel usque ad Paulum, quia usque ad ipsum, imo per ipsum Deus eam confirmabat prodigiis, atque portentis. Poterat ergo Paulus dicere, se non audivisse, aut didicisse Evangelium ab homine, sed à Christo, & adhuc scribere doctrinam à Christo enarratam confirmatam fuisse in ipsum, vel usque ad ipsum per prodigia, & portenta. Adverto insuper, Paulum non dicere, *quæ in me, sed quæ in vos* confirmata est. Non ergo loquitur de se, sed hominibus sui temporis, de iis præcipuè, ad quos scribebat oratorio stylo: unde subdit: *Quomodo nos effugiemus, si tantam neglexerimus salutem?* ibi v. 3. Uno verbo: hic non agitur de confirmatione per doctrinam, sed per prodigia, quibus usque ad ipsum, & suo tempore, Christi doctrina per Apostolos confirmabatur.

Si pro coronide quærat, unde scripta fuerit, & quale sit ejus argumentum?

XLIV. Respondeo ad primum, certum esse eam ex Italia scriptam fuisse ex cap. 13. v. 24. *Salutant vos de Italia fratres.* In qua autem Italiæ urbe data sit, incertum. Romæ aliqui autumant, & colligunt ex cap. 13. 19., ubi videtur eam scripsisse, dum esset in vinculis. Citant pro se Chrysostomum, sed quo fundamento non satis video; non enim ex hoc, quod Paulus dicat:

cat: *Deprecor vos, hoc facere (i. orare) quo celerius restituar ad vos: arguitur, Paulum tunc vinculis detentum, sed potius ardens Pauli indicatur desiderium, quasi diceret: date orationum auxilium, ferre opem meo desiderio; cupio enim videre vos. Ita Theodoretus.*

XLV. Ad secundum dico, argumentum hujus Epistolæ esse totum in extollenda Christi dignitate, divinitate, officio, ejusque Sacerdotii, & sacrificii supra Leviticum excellentiā. Justitiam à Veteris Legis sacrificiis non expectandam esse, docet, sed ab uno Jesu Christi Sacerdotio, & fide in ipsum. Præceptis saluberrimis Hebræos imbuunt, ut in fide constantes sint, exemplo SS. Patrum, qui per fidem Deo placentes magna, & mira egerunt, & passi sunt: hortatur ad hospitalitatem servandam, qua quidam Angelos recipere meruerunt: ad obedientiam præpositis præstandam, ad eleemosynarum largitionem, & ad patientiam in adversis, flagellorum paternæ disciplinæ utilitatem demonstrans.

§. VII.

Apocalypsis.

XLVI. **A** *Apocalypsis* vox Græca est, quæ latinè redditur *Revelatio*. Cumque liber iste multa contineat mysteria à Deo revelata, ideo *Apocalypsis* nomen habet, antiquitùs tamen dicebatur etiam *Joannis revelatio*, ut apud Eusebium lib. 3. c. 25. lib. 6. cap. 25. Librum hunc Marcionitæ rejiciebant, teste Tertulliano lib. 4. contra Marcionem, & Alogi apud Epiphanium hæres. 51., & Theodotiani apud ipsum hæres. 54. Lutherus etiam more suo eam despicit in prologo, deridens Joannem, quod dicat: *Beatus homo, qui servat ea, quæ in ipsa scripta sunt*, cum homo non sit, qui in ea scripta capere valeat: & in præfatione antiquiore Novi Testamenti ait, se Apocalypsim neque pro Apostolico, neque pro Prophetico libro recipere, sed similem judicare lib. 4. Esdræ. Calvinus tamen eam recepit, & ipsi multi ex Lutheranis adherent, à Magistro suo in hoc deficientes.

XLVII. Ex antiquis autem, etiam ex Catholicis non defuerit, qui eam vel rejicerent, vel suspensam haberent. Eam rejecit Cajus antiquus Scriptor apud Eusebium lib. 3. cap. 28.; quia putabat, eam esse foetum Cerinthi hæretici, indito Joannis nomine, ut suis erroribus auctoritatem conciliaret. *Sed & (inquit) per revelationes quasdam à se tanquam à magno Apostolo con-*

scriptas, portenta quadam, quasi ab Angelis sibi ostensa commentus nobis introducit, affirmans post resurrectionem regnum Christi in terris futurum, ac rursus homines Hierosolymis degentes cupiditatibus, & voluptati corporis obnoxios fore. Quod testatur etiam Dionysius Alexandrinus apud eundem Eusebium ibi, ubi loquens de Cerintho dicit: Ajunt, eum librum composuisse inaito Joannis nomine, dum auctoritatem figmentis suis ex Joannis nomine mutuari veller. Huic tamen opinioni Dionysium non subscripsisse, sed Apocalypsim ut Joannis opus habuisse, constat ex iis, quæ scribit apud Eusebium lib. 7. cap. 25. de Apocalypsi, seu revelatione Joannis dicens: Nonnulli quidem ex iis, qui nos præcesserunt, librum hunc repudiaverunt penitus, ac resutarunt, singula ejus capita resellentes, eumque absque ullo sensu, & ratiocinatione scriptum esse monstrantes. Ad hæc inscriptionem libri falsam esse, dicunt; neque enim auctorem ejus esse Joannem. Sed neque eam revelationem esse, quippe quæ tam crassè, tamque opaco ignorantia obducta sit velo, & non modo Apostolorum neminem, sed ne ullum quidem è Sanctis, & Ecclesiasticis viris hujus libelli conditorem fuisse affirmant. Cerinthum enim, qui nominis sui sectam constavit, cum magnæ auctoritatis nomen ad faciendam fidem commentis suis veller præfigere, Joannis titulum operi suo invidisse... Deinde opinionem suam statuens dicit: Ego verò librum illum rejicere omnino non ausim, præsertim cum multi ex fratribus eum magni faciant &c. Hæc Dionysius, quamvis postea dubitet, an sit Joannis Apostoli, an alterius Joannis. Demum S. Hieronymus Epist. ad Dardanum, Apocalypsim fuisse dubiam Græcis, sicut Epistolam ad Hebræos Latinis, asserit, ut supra vidimus. Hinc Eusebius lib. 3. cap. 25. postquam Scripturis omnium consensu receptis Apocalypsim annumeravit, nondum tamen eliquatam ejus auctoritatem declarat, dum loquens postea de libris spuriiis ait: His adjuuge, si lubet Joannis Revelationem, quia nonnulli, ut superius dixi, ex albo Scripturarum expungant, alii inter libros omnium consensu probatos annumerant. Hæc Eusebius; dixerat autem ibi c. 24. De Revelationis autem libro adhuc in utramque partem opinionum varietate certatur.

XLVIII. Hisce tamen non obstantibus melior, & major pars antiquitatis Apocalypsim ut divinam revelationem agnovit, ac suscepit. Videndus propterea Justinus Martyr Dialog. cum Triphone ultra medium, de quo Eusebius lib. 4. cap. 18. recensens ejus opera dicit: Joannis quoque Revelationem commemorat, quam ab Apostolo conscriptam esse disertè dicit. Quod testatur etiam S. Hieronymus lib. de Script. Eccles. in Joanne, addens etiam

etiam Irenæum, dicens: Joannes in *Pathmos insulam relegatus scripsit Apocalypsim, quam interpretantur Justinus Martyr, & Irenæus*. Hæc autem Justinus, & Irenæi in Apocalypsim commentaria nec extant, nec extitisse, ullus unquam dixit, præter Hieronymum hoc in loco. Nam idem Hieronymus infra in Justino, & Irenæo de illorum in Apocalypsim commentariis ne verbum quidem facit, nec Eusebius supra relatus lib.4. hist. c.18. nec in Chronico ad annum decimumquartum Domitiani. Sed hæc obiter dicta sint. Joannem esse Apocalypsis auctorem, tradit Irenæus lib.4. cap.37. & 5., lib.5. cap.30., & apud Eusebium lib.5. hist. cap.8., ubi de hoc libro tanquam sua ætate recenti loquitur, & adhuc vivere, qui fidem facere possent, visa esse; Joanni Domini Discipulo ea, quæ in Apocalypsi memorantur. Hoc idem persuasum fuit Tertulliano lib.3. adversus Marcionem cap.14., lib.4. cap.5. de Præscriptionibus cap.33., & in Scorpiaco: hoc idem S. Hippolyto Episcopo Portuensi, & Martyri lib. de Antichristo: hoc idem Origeni homil.7. in Josue, & apud Eusebium lib.6. cap.25., ubi Joanni, qui in Christi sinu recubuit, tribuit librum *Revelationis*. Omnes ad unum Patres subsequentes Apocalypsis auctoritatem fassii sunt, eam Joanni Apostolo adjudicantes. In Concilio Ancyrano antiquissimo citatur sub nomine Joannis. Etsi autem Laodicenum Concilium eam non posuerit in suo Canone, quia, ut dixi, apud Græcos adhuc de illa dubitabatur, eam tamen Ecclesia Africana in Carthag. 3. Can.47., S. Augustinus lib.2. de Doctrina Christi. cap.8. lib.20. de Civitate Dei cap.7., & sequentibus, Ecclesia Romana, ut ex Canone Innoc. I. Epistola 3. ad Exuperium ex Geles. I. in Romana Synodo, & tandem Ecclesia universalis in Florentino, & in Tridentino sess.4. inter libros Canonicos conscribere, omnibusque ut talem proposuerunt.

XLIX. Quod verò auctorem habeat Joannem Evangelistam potius, quam Presbyterum, præter consensum Patrum, quos supra laudavimus, ipsamet Epistola prodit; in ea enim Auctor se dicit Joannem, & scribit Ecclesiis Asiæ cap.1. v.4. *Joannes septem Ecclesiis, quæ sunt in Asia*, & fuit in Insula Pathmos v.9. *Fui in Insula, quæ appellatur Pathmos*, ille Joannes fuit, qui testimonium perhibuit Verbo Dei, & testimonium Jesu Christi quicumque vidit, ibi v.2. Hæc autem omnia simul collecta soli Joanni Evangelistæ conveniunt, nam is fuit fundator, & rector Ecclesiarum Asiæ; fuit exul in Insula Pathmos: verba illa *Qui testimonium perhibuit* redolent stylum, & phrasim Evangelistæ, ut patebit conferenti hæc cum iis, quæ habentur Joann.1. nihil

autem horum quadrat Joanni Presbytero, qui licet in Asia fuerit, non tamen ibi erat Rector Ecclesiarum, non fuit exul in Pathmos &c.

L. Neque dicas, stylum Joannis Apostoli esse elegantiores, tum in Evangelio, tum in Epistolis: solitum esse nomen suum reticere, & loqui in tertia persona de se ipso; hic autem loquitur in prima persona, se ipsum sæpius nominans: rursus in Codicibus Græcis titulus non est Joannis Apostoli, sed Joannis Theologi. Hinc meritò quidam, ut vidimus, dubitarunt.

LI. Respondeo: recolendum esse, Joannem hic non historico, sed prophetico stylo scribere, quæ sibi in extasi revelabantur, alia autem methodus est, alius stylus Prophetæ, alius Historici; Propheta enim scribit quasi positus extra se, & divino Spiritu abreptus; stylum tamen Joannis produnt verba illa *Agni, & Verbi*, quibus etiam utitur in Evangelio. Eadem ratione sæpè loquitur in persona propria suum nomen repetens, ut in Danielis prophetia legere est. Neque titulus Theologi appositus in Codicibus Græcis eripere valet Joanni Apostolo Apocalypsim; cui enim inter Apostolos Theologi nomen melius aptari potest, quam Joanni, qui de Deo tam altè locutus est, ut notante Augustino tract. 36. in Joannem, ideo Joannes volanti Aquilæ comparetur, alii verò Evangelistæ animalibus super terram gradientibus, quod ceteri de humanitate Christi, ipse de divinitate præcipuè scripserit? Athanasius Orat. contra Gentes num. 42. citans verba Joannis Evangelii cap. 1. dicit: *Uti etiam vir Theologus his verbis docet*, & lib. de Incarnatione num. 18. Apostolos, & Evangelistas vocat *Theologos*, & ibid. num. 56. loquens de divinis Scripturis dicit: Illæ enim Theologorum hominum ministerio à Deo probatæ, & scriptæ sunt; quod repetit ad Episcopos Ægypti, & Lybiæ num. 14. Aliqui etiam rejecerunt: fateor; sed qui? Marcionitæ, Alogi, qui teste Augustino lib. de hæres. cap. 30. sic dicuntur, *i. sine Verbo, quia Deum verbum recipere noluerunt, Joannis Evangelium respicientes, cujus nec Apocalypsim accipiunt, hæc videlicet Scripturas negantes esse ipsius*. Similes autem damnati homines in auctoritatem trahendi non sunt. Si qui tamen Catholicorum eam negarunt, id fecere decepti, putantes eam fuisse à Cerintho Joanni suppositam ad regendum suum de millenario regno errorem, ut Cajus supra relatus, alique numero pauci, sed quid isti contra Ecclesiarum, & Patrum ferè unanimem consensum valent?

LII. Dices cum Luthero: cujus utilitatis esse potest Apocalypsis liber, cum nemo intelligat ea, quæ ibi scripta sunt?

Re-

Respondeo. Si hoc titulo Apocalypsis rejicienda est, rejiciendi erunt omnes libri prophetici, maxime Ezechielis, Danielis &c., quorum Vaticinia vel nemo intelligere valeat, vel saltem pauci. Igitur Lutherò repetendum est monitum D. Augustini tract. 9. in Joann. *Lego omnes libros propheticos, non intellecto Christo, quid tam insipidum, & fatuum invenies?* Intellige ibi Christum, non solum sapit, quod legis, sed etiam inebriat. Lutherus ergo non intellexit Apocalypsim, quia in ea non intellexit Christum. Fateor tamen abstrusissima ibi esse Oracula. Sed nunquid ideo rejicienda? Non ita sentiebat Dionys. Alexandr. apud Eusebium lib. cap. 25. *Ego verò librum illum rejicere omnino non ausim, præsertim cum multi ex fratribus eum magni faciant. Sed hujusmodi de illo opinionem concipiens, quasi sensus mei modum excedat, arcanam quamdam planèque admirabilem singularum rerum intelligentiam latere existimo. Nam etsi ipse non intelligo, suspicor tamen, altiore quemdam sensum verbis subesse. Ea que noa meo ipsius judicio mettor, atque æstimo: sed plus fidei tribuens, sublimiora esse censeo, quàm ut à me percipiantur. Nec ea condemno, quæ intelligere non potui. Verum inde admiror magis, quod capere non possum.* Ita Dionysius. Ita loqui debuerat Lutherus. Ita etiam respondendum erit interroganti, quid intelligat hic S. Joannes per mulierem, Agnum, Olivas, Bestiam, ejusque cornua, Candelabra, Aquas, Meretricem, Plagas. Babylonem, Gog, Magog, Phialas, Stellas, Librum, Sigilla, Aves, Angelos alligatos, Seniores, Templum &c. Licet enim Interpretes varias, innumeras excogitarint horum interpretationes, sanius est dicere, horum interpretationem germanam, ac tutam hæcenus soli Deo notam, nec nos nisi conjecturis, iisque parùm firmis, inniti posse.

LIII. At quomodo si nullus capere, aut intelligere potest, quæ scribit, Joannes dicit cap. 1. v. 3. *Beatus qui legit, & audit verba prophetiæ hujus, & servat ea, quæ in ea scripta sunt?*

Respondeo, quod estò nullus capere queat, saltem certò, quid illis nominibus in particulari adumbrare voluerit Joannes: qui legit tamen, & audit, scit ibi Joannem loqui laudando eos, qui Nicolaitarum doctrinam respuebant, alios ad pœnitentiam provocando, tepidos detestando, vincentibus præmium pollicendo, persecutiones tandem finem habituras, perseverantes tandem cum Christo glorificandos, impiosque mittendos in stagnum ignis ardentis, & multa de Judicio extremo ibi prænunciari: ideo qui legit, audit, & servat usque in finem, in fide Christi perseverando, beatus erit. Quomodo intelligenda sint,
quæ

quæ dicit de Regno millenario, exposuimus tom. 2. in 1. p. qu. 2. de Visione dub. 2. §. 3. à num. 12.

LIV. Apocalypsis licet ex dictis pro Canonico habenda sit, non tamen pro Proto-canonico, seu primi Ordinis, sed pro Deuterocanonico, sive secundi Ordinis libro, quia de eo dubitarunt aliqui, ut vidimus, imo nec in Laodicensi Canone; nec apud Sanctum Cyrillum Hierosolym. Cateches. 4., nec apud S. Gregorium Nazianzenum carm. 34. inter Canonicos recensetur.

Si de tempore, quo scripta sit, quærat, & loco, dicam; Cum certum sit fuisse conscriptam eo tempore, quo Joannes fuerat relegatus in Insula Pathmos, ut ex cap. 1. v. 9., ex Irenæo lib. 5. Eusebio lib. 3. cap. 18., & S. Hieronym. de Script. Eccles., ad tempora Domitiani ejus conscriptio referenda est, (ante quidem scriptum Evangelium, quod redux ab exilio conscriptum reliquit in extrema senectute) & sub exitum Imperii ejus. Quo autem anno sit consignanda ejus conscriptio, dicunt anno 14. Imperii Domitiani, qui est Christi 97. Ita Baronius, & Alexandre.

§. VIII.

Quædam partes Marci, Luca, & Joannis olim dubie.

LV. **I**ndubie auctoritatis fuere semper Evangelia, de aliquibus tamen partibus eorum visi sunt aliqui dubitasse, num sint genuinæ eorum, quorum dicuntur, an vero iis assutæ.

Primum, de quo dubitatum fuit, fuit S. Marci caput ultimum, in quo agitur de Christi resurrectione. Hoc non esse Canonicum, visus fuit dubitasse S. Hieronymus Epistola ad Hedibiam q. 3., ubi ad quæstionem sibi propositam de apparenti discordia S. Marci à S. Matthæo circa tempus resurrectionis Christi, quam Marcus asserere videtur, contigisse *Valde mane una Sabbatorum*, Matthæus verò *Vespere Sabbati*, Hieronymus, duplicem afferri posse solutionem, respondet. Primam his verbis exprimit: *Aut non recipimus hoc Marci testimonium, quod in variis fertur Evangeliiis, omnibus Græcia libris penè hoc Capitulum in fine non habentibus: præsertim cum diversa, atque contraria Evangelistis ceteris narrare videatur.* Si ergo Hieronymi tempore liberum erat recipere, aut non, Capitulum illud Marci, signum est, tunc non fuisse habitum ut Canonicum, eò vel maxime, quod in multis Codicibus deesset. Occasionem huic suspitioni dedisse, crediderim, S. Hieronymo quoddam addita-

men-

mentum apocryphum, insertum tunc temporis illi Capitulo Marci, de quo Hieronymus ipse lib. 2. Dialogi adversus Pelagianos circa medium. In quibusdam enim exemplaribus, & maxime in Græcis Codicibus juxta Marcum in fine ejus Evangelii cap. 16. 14. ad illa verba: *Postea quum accubissent undecim, apparuit eis Jesus: & exprobravit incredulitatem, & duritiam cordis eorum, quia his, qui viderant eum resurgentem, non crediderunt: additum legebatur: Et illi satis faciebant dicentes: seculum istud iniquitatis, & incredulitatis substantia est; quæ non finis, per immundos Spiritus veram Dei apprehendi virtutem: idcirco jam nunc revela justitiam tuam: ex quo additamento revera apocrypho, imo & hæresim Manichæam redolente, motus est fortasse Hieronymus ad suspicandum, totum illud Caput suspectum haberi posse.*

LVI. Non habuisset tamen locum dubitandi Hieronymus, dum hæc ad Hedibiam scribebat, si locum insignem S. Irenæi lib. 3. adversus hæreses cap. 10. vel 11. respexisset, ubi caput illud postremum verè S. Marci esse, cognoscit dicens: *In fine autem Evangelii, ait Marcus: Et quidem Dominus Jesus, postquam loquutus est eis, receptus est in celos, & sedet ad dexteram Dei. Quod argumento est, in antiquissimis, & sincerioribus Codicibus Græcis illud ultimum Marci Caput non fuisse desideratum. Et consequenter ducentis annis ante Hieronymum fuisse ab Ecclesia receptum, ut partem Evangelii Marci. Quod si S. Hieronymi ævo in aliquibus Græcis Codicibus deerat: id omissioni, aut vitio Scriptorum adscribi debet, Codicesque illi manci, ac mutili erant. Non enim credibile reddi potest, Marcum, qui, ut supra vidimus, Evangelium scripserat, prout à Petro audierat prædicatum, unum ex principalibus fidei nostræ mysteriis, nimirum resurrectionem Christi scribere neglexisse, sicut non est credibile, quod Petrus eam neglexerit prædicare. Merito igitur Ecclesia illud ut genuinum Marci Caput semper suscepit, & cum aliis ejusdem Evangelii partibus legendum proposuit: nec de hoc dubitasse Ecclesiam tempore S. Hieronymi, facit fidei S. Augustinus, illud cum aliorum Evangelistarum dictis concilians lib. 3. de cons. Evang. cap. 24. Unde Trident. sess. 4. jubet, libros integros recipi ab omnibus (& consequenter etiam Marcum) ut in Ecclesia legi consueverunt. Quin Calvinus ipse pluribus in locis, & præsertim lib. 4. Instit. cap. 16. §. 27. illud admittit: sibi enim objecto versu 16. dicti capitis ultimi: *Qui crediderit, & baptizatus fuerit, salvus erit: quo Anabaptistæ errorem suum de non baptizandis infantibus tueri conantur, eo admissio**

re-

respondet, certè non admittitur, si genuinum Marci non existimasset. De hoc ergo non est dubitandum.

Si verò quæras, quomodo ergo conciliandus est Marcus, qui mane resurrectionem Christi consignat, cum Matthæo, qui eam vespere contigisse scribit, quæ erat quæstio proposita Hieronymo ab Hedibia?

LVII. Responderi potest secunda responsione S. Hieronymi dictæ Epist. ad Hedibiam, conciliari optimè cum Matthæo Marcum, dicendo Matthæum designasse tempus, quo Christus resurrexit, quod quidem fuit vespere, imo nocte; Marcum verò tempus apparitionis, quo scilicet apparuit Mariæ Magdalenzæ, quod quidem fuit valdè mane. Verùm hæc responsio non videtur tollere vim quæstionis; nam etiam Matthæus videtur loqui de tempore apparitionis, dicit enim cap. 28. 1. *Vespere autem Sabbati, quæ lucefcit in prima Sabbati, venit Maria Magdalena &c.* Scio, Hieronymum conari distinguere tempus resurrectionis, à tempore adventus Mariæ ad sepulchrum dicendo: *Ita enim distinguendum est: quum autem resurrexisset: & parumper spiritu coarctato, inferendum, prima Sabbati mane apparuit Maria Magdalena: ut qui vespere Sabbati juxta Matthæum surrexerat, ipse mane prima Sabbati juxta Marcum apparuerit Maria Magdalena. Quod quidem, & Joannes Evangelista significat, mane cum alterius diei visum esse demonstrans. Quæ solutio utpote tanti Doctoris auctoritate munita certè rejicienda non est.*

LVIII. Planior tamen videtur conciliatio, qua utitur S. Augustinus dicto lib. 3. de conf. Evangelist. cap. 24., nimirum, Matthæum nomine *Vespere* summissecundum consuetudinem Scripturarum partem pro toto, nempe primam horam noctis, à qua coeperunt emere aromata, pro tota nocte, imo pro nocte dum incipit luce terminari, quod indicant verba Matthæi dicentis: *Vespere autem Sabbati, quæ lucefcit in prima Sabbati*, initium enim noctis non lucefcit in prima Sabbati, sed terminus noctis, quod optimè concordat cum Luca dicente *valde dilucidè*, cum Joanne: *Mane, cum adhuc tenebræ essent: & Marco valdè mane*; die quippe surgente aliquæ reliquæ tenebrarum sunt, quæ tantò magis attenuantur, quantò magis oritur lux; quod autem dicit Marcus *orto jam sole* non facit sensum, solem jam conspicuum super terram fuisse, sed quod cœlum ab Orientis parte jam albesceret, quod non fit utique, nisi orientis solis vicinitate: solis enim est ille fulgor, qui nomine auroræ appellari solet. Videndus est Augustinus ibi.

LIX. Quoad Evangelium Lucæ historia illa de sudore sanguis-

guineo, & Angeli apparitione ad consolationem Christi, relata cap. 22., à plurimis Codicibus cum Græcis, tum Latinis olim abfuisse testantur S. Hilarius lib. 10. de Trinitate, & S. Hieronymus Dialogo 2. adversus Pelagianos. Ceterum historiam illam canonicam convincunt Ecclesiæ Catholicæ auctoritas in Tridentino sess. 4., & Codicum omnium, qui nunc extant tum Græcorum, tum Latinorum, necnon Syriacorum, & Arabicorum consensus; & antiquitus etiam ita fuisse, testis est S. Justinus Dialogo cum Triphone pag. 331. dicens: *Nam in libris, qui sunt ab ejus Discipulis, ipsorumque sectatoribus compositi, memoria mandatum est, sudorem ipsius tanquam guttas sanguinis defluxisse in terram.* Hoc itidem tacite innuit Irenæus, dum lib. 3. cap. 14. inter multa, quæ contra Marcionem & Valentinum recenset, dicit, esse alia multa à Luca scripta, quæ alii Evangelistæ non scripserunt: & eodem lib. 3. cap. 32. nunc 24. dicit contra Valentinum, quod si nihil sumsisset ex Maria, *nec lacrymas sudisset super Lazarum, nec sudasset globos sanguinis.* Quæ fortiora testimonia, quam hæc duo prolata ex secundo seculo? Idem testati sunt sequentium seculorum Patres, & maximè Augustinus lib. 3. de conf. Evang. cap. 4. Ad illum Irenæi locum respexisse videtur Epiphanius in Ancorato §. 31., ubi conquerens, è Lucæ exemplaribus improvido quodam Catholicorum zelo abrafata fuisse verba aliqua, dicit: *Sed & ploravit. In iis Lucæ Evangelii exemplaribus, quæ interpolata non fuerunt, legitur (eoque testimonio S. Irenæus in opere contra hæreses ad eos refellendos utitur, qui Christum specietenus apparuisse dicebant; Catholici verò timore quodam inducti sententiam illam sustulerunt, illius neque finem, neque vim maximam intelligentes) Et in agonia constitutus sudavit &c.* Causa autem, quæ illos simplices Christianos permovit, ut historiam illam è Lucæ Evangelio abraderent, fuit, ut ait Bellarminus cap. 16. de Verbo Dei lib. 1., ne Christo infirmitatem, aut animi dolorem tribuere viderentur: qua ratione quosdam Catholicos præpostero zelo è suis Codicibus ex illis verbis Lucæ 19. 41. *Videns civitatem flevit super illam,* erasisse verbum *flevit*, testatur Epiphanius in Ancorato, vel, ut ait P. Lamy lib. 5. cap. 26. in sua concord. Evangelica, quia scilicet Arriani abutebantur hoc loco ad detrahendam Christo divinitatem; veluti fieri non posset, ut in humanam Christi naturam, quæ divinitati personaliter unita est, tam ingens tristitia caderet. De his ergo loquuntur Hieronymus lib. 2. Dialogo contra Pelagianos, & D. Hilarius lib. 10. de Trinitate, non quia ipsi hunc Lucæ locum verè Evangelicum non agnoscerent,

Tom. I.

Qq

sed

sed ut monerent, non in omnibus sui temporis Codicibus fuisse, & propterea non ita certæ fidei habitum, nec proto-canonicum, sicut ceteras ejusdem Evangelii partes: nec ex hoc loco sibi blandiri queunt Arriani. Ita enim loquitur ad eos Hilarius laudatus: *Nec sanè igtiorandum à nobis est, & in Græcis, & in Latinis Codicibus complurimis, vel de adveniente Angelo, vel de sudore sanguinis nil scriptum reperiri. Ambigentibus igitur, utrum hoc in libris variis, aut defu, aut superfluum sit (incertum enim hoc nobis relinquitur de diversitate Librorum) certè si quid sibi ex hoc hæresi blanditur, ut infirmum affirmet, cui opus fuerit Angeli confortantis auxilio, meminerint Creatorem Angelorum creationis sue non eguisse præsidio, tum deinde necessariò eo modo eum confortatum, quo modo & tristem esse. Nam si nobis tristis est, idest propter nos tristis est, necesse est, ut propter nos sit confortatus & nobis, quia qui de nobis tristis est, & de nobis confortatus est, ea confortatus est conditione, qua tristis est. Sudorem verò nemo infirmitati audebit deputare, quia & contra naturam est sudare sanguinem. Nec infirmitas est, quod potestas non secundum naturæ consuetudinem gessit: neque ad hæresim infirmitatis (ita vocat hæresim Arrianam) pertinere ullo modo poterit, quod adversus hæresim Phantasma mentientem proficiat, per sudorem sanguinis ad corporis veritatem.*

LX. In Evangelio Joannis revocata in dubium olim à quibusdam fuit mulieris adulteræ narratio, quæ legitur initio cap. 8. Eusebius lib. 3. hist. cap. 39. Papiæ dicta recensens dicit: *Aliam quoque exponis historiam de muliere, quæ multorum criminum coram Domino accusata est. Quæ quidem historia in Evangelio secundum Hebræos scripta legitur.* Hæc ergo historia non videtur à Joanne suo Evangelio inserta, sed ex Evangelio apocrypho secundum Hebræos in Evangelium Joannis intrusa. Addo, Origenem & Chrysostomum in suis commentariis illam prætermittere.

LXI. Attamen Canonicam & genuinam Joannis esse, fides sexdecim vetustissimorum Codicum, quos contulit Robertus Stephanus, item omnium, quos contulere Bibliorum Polyglottorum diligentissimi Editores Complutenses & Anglicani, testantur. His veterum testimonium suffragatur: Ammonii Alexandrini in Harmonia, S. Athanasii in Synopsi, Ambrosii Epist. ad Studium 51. lib. 6., Hieronymi lib. 2. contra Pelagianos, qui etsi eam abesse ab aliquibus Codicibus supponat, illam tamen contra Pelagianos intorquet: D. Augustini tum tract. 33. in Joannem, ubi eam ut indubitatam exponit, tum lib. 2. de Adulterinis conjug. cap. 6. & 7. : ubi eam dicit erasam ab infidelibus quibusdam: postquam enim miſſam Christi sententiam protulit, *Nec*

ego te damnabo, vade, & deinceps noli peccare Joann. 8. 11. subdit: *Sed hoc videlicet infidelium sensus exhorret, ita ut nonnulli modica fidei, vel potius inimici veræ fidei, credo metuentes, peccandi impunitatem dari mulieribus suis, illud, quod de adultera indulgentia Dominus fecit, auferrent de Codicibus suis, quasi permissionem peccandi tribuerit, qui dixit: Jam deinceps noli peccare: aut ideo non debuerit mulier à medico Deo remissione illius peccati sanari, ne offenderentur infani.* Constat ergo historiam illam, etsi non proto-canonicam, Canonicam tamen habendam esse, quin & talem habet universa Ecclesia. Neque dictum Eusebii supra relati potest suspicionem alicui parere, illam ex apocrypho Evangelio secundum Hebræos fuisse in Evangelium Joannis injectam: nam quidquid sit de testimonio Papiæ, cui dictum Eusebii nritur, non satis constat, mulierem, de qua Eusebius ex Papiæ loquitur, esse eam, de qua Joannes. Nam hæc narratur solo crimine adulterii accusata, illa autem dicitur multorum criminum coram Domino accusata, ac proinde una potuit esse narratio apocrypha, altera vera.

CAPUT IV.

De Libris Apocryphis Novi Testamenti.

A *Pocryphus* à Græco nomine *Apocryphos*, idem est ac latine absconditus, ac celatus. Illi ergo libri in hoc sensu dicuntur Apocryphi, qui occultæ originis, & ignotæ auctoritatis sunt: vel quia nescitur, à quo prodierint, vel an vera sint, quæ continent. Horum maximus numerus erupit primis Ecclesiæ seculis, quos Apostoli, & viri Apostolici ut nullius auctoritatis rejecerunt, quorum major pars ad bonum Christianæ Reipublicæ omnino periit, si nomen excipias, quod in operibus Auctorum Ecclesiasticorum servatum est. Hos in tres classes distinguit Eusebius lib. 3. hist. cap. 25. Prima est eorum, qui dubiæ quidem erant suo tempore auctoritatis, nec in Novi Testamenti corpus erant relati, à plerisque tamen Scriptoribus Ecclesiasticis agnoscebantur, unde tandem ut genuini, atque legitimi declarati sunt, & hi sunt libri Deutero-canonicæ, seu secundi Canonis, de quibus Capite antecedenti egimus. Secunda est eorum, quos nullus unquam, qui continuata successione ab Apostolis in Ecclesia docuit, in scriptis suis commemorare dignatus est, sed & ipsum dicendi genus longè ab Apostolica simplicitate discrepat, & hi verè apocryphi, seu veriùs suppo-

siti dicuntur, quia alicui Apostolo, aut viro Apostolico tribuuntur, cum illius verè non sint. In tertia verò classe ii sunt, in quibus traditur fides, quæ cum à vera, & Catholica doctrina plurimum aberret, hæreticorum hominum figmenta esse, manifestè coarguit. *Quocirca nequidem inter spurios collocandi sunt hi libri, sed tanquam absurdi, & impii, prorsus repudiandi.* De libris secundæ, & tertiæ classis hic agemus. Hinc patet differentia inter libros primæ & secundæ classis, quod dubietas, quæ de libris primæ classis olim apud aliquos vertabatur, posteriori ætate, & melius perspecta veritate, penitus sublata est, ut tandem tanquam genuini, & Canonici ab omnibus recepti sint. Dubietas autem, quæ circa libros secundæ classis apud plerisque invaluerat, procedente tempore adeo excrevit, ut non solum, qui de illorum veritate dubii tenebantur, dubium non deposuerint, sed qui aliqua ducti probabilitate eos amplexabantur, tandem veritate comperta eos penitus rejecerint, atque inter apocryphos reliquerint. De his ergo agemus sistentes pro nunc in Novo Testamento.

§. I.

De Scriptis Christo suppositis.

I. **N**Arrat Eusebius lib. i. hist. Eccles. cap. 13. quòd Abgarus, seu Agbarus, qui Edeffenis populis trans Euphratem positus non sine laude præerat, cum gravi morbo, & qui humana ope curari non poterat, conlumeretur, simul atque de Jesu nomine ubique diffuso, ac stupendis ejus miraculis, quæ omnium testimonio firmabantur, accepit, missis per Tabellarium litteris, supplicem eum rogavit, ut se morbo liberaret. At ille tunc quidem vocanti minime est obsecutus, litteras tamen ad eum scribere non recusavit, quibus è discipulis suis, qui ipsum sanaret, missurum se esse pollicebatur, neque ipsi solum, sed omnibus propinquis, & familiaribus salutem præstiturum. Nec multò post ad exitum perducta sunt quæcumque ei promissa fuerant. Nam post resurrectionem Christi, ejusque in cælos adscensum, Thomas unus e duodecim Apostolis divino quodam impetu impulsus, Thaddæum unum è septuaginta Christi Discipulorum numero Edeffam misit, ut Christi doctrinam illis Gentibus nuntiaret, ejusque opera Servatoris nostri promissa exitum sortita sunt. Hæc Eusebius, qui deinde subjicit exemplum dictarum litterarum è Syriaco translatarum.

II. Omisâ Epistola Abgari ad Jesum, quam quisque apud
Eu-

Eusebium legere poterit, & ad rem nostram non est, subijci-
mus ex eodem exemplum Epistolæ Christi ad Abgarum: *Rescriptum Jesu ad Agbarum Regem per Ananiam cursorem: Beatus es Agbare, qui in me credideris, quem non vidisti: de me enim scri-
ptum est, eos, qui me viderint, non credituros in me, ut ii, qui non
viderint, credentes vitam accipiant. Quod autem verò ad me scribis,
ut ad te proficiscar, hic necesse habeo omnia implere, propter que
sum missus, iisque demum absolutis ad eum, qui me misit, reverti.
Ceterum cum primum ad eum me recepero, ex discipulis meis aliquem
ad te mittam, qui & morbum tuum curet, & vitam tibi, tuisque
omnibus præstet: hæc ex Eusebio, qui deinde prosequitur enar-
rans, quomodo Thaddæus exceptus ab Agbaro fuerit, quæque
apud ipsum præstitit. Antea verò in probationem sui dicti pro-
vocarat ad monumenta civitatis Edessæ, in quibus hæc omnia
descripta visebantur, dicens: Cujus quidem rei testimonium ha-
bemus ex ipsis Edessæ, in qua tunc regnabat Agbarus, tabulariis
desumptum. Si quidem in monumentis publicis, in quibus antiqui-
tates videntur, & res Agbari gestæ continentur, hæc etiam ad nostram
usque ætatem conservata reperimus. At non obstante hoc Eusebii
testimonio, hujusmodi Epistolarum fides apud Eruditos valdè
nutat, itaut plerique, re benè perspecta, eas in numerum apo-
cryphorum rejiciant. S. Hieronymus non asserendo, sed refe-
rendo loquitur, dum ait in c. 10. Matth. Thaddæum Apostolum,
Ecclesiastica tradit Historia, missum Edessam ad Agbarum Regem
Orfroenæ, qui ab Evangelista Luca Judas Jacobi dicitur &c. qui
in hoc dissentit ab Eusebio, quod Eusebius Thaddæum missum
ad Abgarum dicit non fuisse Apostolum, sed unum ex Discipu-
lis; Hieronymus autem eum vocat Apostolum. Quin in Ezech.
cap. 44. versus finem apertè scribit: Unde & Salvator nullum vo-
lumen doctrinæ suæ proprium dereliquit, quod in plerisque apocry-
phorum deliramenta configunt, sed Patrii & suo Spiritu quotidie
loquitur in corde credentium, quod & disertè asserit S. Augustinus
lib. 1. de consensu Evang. cap. 7., & S. Thom. 3. p. q. 42. art. 4.
abundè probat, Christum nihil scripsisse, & conveniens fuisse,
ut doctrinam suam scripto non traderet.*

III. Scio, ad hæc respondere hujus Epistolæ defensores,
inter quos ex Protestantibus Gugl. Cave in sua Hist. Litteraria,
& Ernestus Grubius Spicileg. Patrum initio Seculi primi, & in
Notis, dictos Patres negare, Christum scripsisse volumen Do-
ctrinæ, non autem parvam Epistolam responsivam, urbanitatis
titulo, nihilque doctrinæ continentem. Cum contrarium evin-
cat Historicus supra laudatus Eusebius, affirmans, se id ex mo-
nu-

numentis publicis Edeſſenæ urbis deſcripſiſſe ; cui addunt Evagrium lib. 4. hiſtor. Eccleſiaſt. cap. 27. dicentem , *Procopium litteris mandaſſe ea , quæ ſunt de Edeſſa , & Abgaro à Veteribus tradita , & quemadmodum Chriſtus ad Abgarum ſcripſerit*. Verba autem Procopii aſſert Grabiſius citatus , à quibus referendis abſtineo , cum nil plus aſſerat , quàm Euſebius . Evagrio ; & Procopio addunt S. Ephræm Syrum Eccleſiaſt. Edeſſenæ Diaconum , qui tempore Conſtantini Magni vixit , & ejuſdem Epistoſtæ meminit in ſuo Teſtamento , Edeſſenos ſic alloquens : *Et benediſta ſit veſtra civitas , in qua habitatis . Ipſa enim Sapientum eſt civitas , & mater Edeſſa : quæ quidem etiam palam , atque manifeſtè ex ore Chriſti Domini benediſta eſt per ſuos diſcipulos , noſtros verò Apoſtoloſ . Nam quando Rex Abgarus , qui hanc civitatem extruxit , rogabat , ut exciperet eum , qui peregrinus in terris apparuerat , Salvatorem , inquam , univerſorum , & Dominum Chriſtum , dicebat : Omnia audivi , quæ à te facta ſunt , & quacumque à reprobis , & aſpernantibus te Judæis paſſus es . Veni igitur hac , & nobiſcum habita ; habeo enim mihi civitatem hanc exiguam , quæ tibi & mihi ſufficiet . Cujus etiam fidem admiratus Dominus , mittens eò per nuncios , perpetuò civitati illi benedixit , firmans ipſius fundamenta : benediſtioque illa inhabitans in ea permanebit , donec Sauſtus è cælo apparebit Jeſus Chriſtus filius Dei , & Deus de Deo*. Addunt , Darium Comitem ſcribentem ad Auguſtinum has litteras commemoraviſſe dicentem : *Fertur Satrapæ , ſeu Regis poſtius cujuſdam Epistoſta Deum Dominum Chriſtum deprecantiſ . . . Deus aſſuit Regi , ſanatus eſt , & amplificato petitioniſ munere per Epistoſtam , non modò ſalutem ut ſupplici , ſed etiam ſecuritatem ut Regi tranſmiſiſt . Juſſi inſuper ejus urbem ab hoſtibus in perpetuum eſſe , ac ſemper immunem*. Quæ Epistoſta eſt inter Auguſtinianas novæ editioniſ numero 230.

IV. Verùm hæc , & alia , ſi quæ proferri poſſunt , non adeo me vincunt , ut omnem abigam ſuſpicionem de veritate laudatæ Chriſti Epistoſtæ . Obſervo enim altum de ea ſilentium tribus primis ſeculis . Apoſtoli , aut viri Apoſtoliſ in ſiſ ſcriptiſ de ea nihil , nec Matthæus , qui tamen cap. 4. 24. dicit : *Et abiit ſama ejus in totam Syriam , & obtulerunt ei omnes malè habentes &c.* nihil de Abgaro , & ejus litteriſ , nihil de Chriſti reſponſo innuit : non debuifſet dum de languentibus è Syria deportatiſ ſcribebat , præterire Edeſſæ Regem pro ſanitate Chriſto ſupplicantiem . Rurſus in Scriptiſ Patrum trium priorum ſeculorum ne vola quidem Abgari , aut Epistoſtæ Jeſu ad ipſum . Solo quarto ſeculo ab Euſebio prodiit rumor , cœpit de ea ſpargi , at non certus ,

tus, ut infra ostendam. At inquires, monumenta civitatis Edesenæ id produunt, Eusebius id testatur, & forte vidit, S. Ephræm confirmat. Fateor. At si ita erat, cur Laodicensi aut Carthaginensis tertii Conciliorum Patres hanc Christi Epistolam sacris Codicibus non annumerarunt, eam in Canone, imo in Capite Canonis reponentes: si curæ illis fuit, discipulorum litteras Canonis inferere, neglexissent Epistolam Magistri? Nec dici potest, eo tempore notam non fuisse, nam præsertim tempore Concilii Carthaginensis illius fama jam invaluerat, Eusebius jam Historiam ediderat, Darius Comes jam id scripserat Augustino, qui illi Concilio intererat. Cur non miserunt Edesiam, ut tantum thesaurum è monumentis illius urbis extractum toti Christiano orbi communicarent? Fortè quia parva Epistola erat, nihilque ad doctrinam fidei aliis scriptis Apostolicis superaddens? At erat Epistola Christi manu exarata. Quid ad fidem pertineus in se claudit Pauli Epistola ad Philemonem? Erat Epistola ad privatum hominem nil aliud continens, quam servi transfugæ commendationem, & tamen Canonis sacro meruit inseri, quia Pauli. Ecce etiam non meruisset Epistola ad Abgarum, commendans ejus fidem, eique vi illius sanitatem promittens, tali honore donari, quia Epistola Christi? Probabile igitur est, Veteres illos de veritate illius epistolæ dubitasse, ac monumenta Edesenæ civitatis non fuisse fidei omnino probatæ. Quapropter desinente seculo quinto, nimirum anno 494. Gelasius I. Papa in Concilio Romano cum 70. Episcopis istud de illis epistolis tulit Judicium. *Epistola Jesu ad Abgarum Regem apocrypha, Epistola Abgari ad Jesum Apocrypha.*

V. Dubitandi materiam Epistola ipsa tum Abgari ad Jesum tum Jesu ad Abgarum ministrant. Abgarus inducitur Christi divinitatem disertè attestans, scribit enim: *Qua quidem cum de te audivissim, de duobus hisce alterum verum esse cogitavi, te aut Deum esse, & è cæli fastigio delapsum: aut Dei filium, qui tam stupenda edas miracula.* Quod apertius argumentum pro Christi divinitate adstruenda sumtum à viro Ethnico? Cur ergo Patres istud nunquam Arrianis objecere? Signum certè est, ab iis non fuisse creditum indubiæ fidei. Sed reponit Græbius, non mirum, si Patres contra Arrianos usi non fuerint, quia inutile ad eos evincendos fuisset hoc testimonium, cum Abgarus dubitanter locutus sit, num esset Deus, aut Dei filius, i. vel Deus, vel Messias, aut alius singularis Dei amicus, quæ collectio mixta cum ignorantia non reddidit Abgarum fidelem, sed initium solum fuit fidei. Attamen nutat hæc meditatio primo, si nomi-

ne

ne filii Dei non venit vera divinitas, & propterea Patres hoc testimonium Abgari contra Arrianos non adhibuerunt, neque potuissent eos urgere testimonio Christi in Evangelio, ubi semper se vocat filium Dei: sicut ergo hoc usi sunt, ita etiam uti poterant illo. Secundo Abgarus non dubitabat, an Christus esset verus Deus, sed an esset Deus, an filius naturalis Dei, quare Thaddæo sibi dicenti *Dominus noster, & Deus Jesus Christus, quidquid à Patre mandatum fuerat, executus est, perfectisque omnibus ad Parentem suum est reversus*: respondit Abgarus, & *in ipsum credidi, & in Patrem ejus*. Tertiò evincitur ex responso Christi *Beatus es, qui cum non videris me, in me credidisti*. Credidit ergo Abgarus, ut oportebat, eum credere, quò beatus à Christo pronunciaretur. Atqui non pronuntiasset Christus beatum, nec credentem in se, qui credens illum Deum, aut filium Dei, revera non crederet ejus divinitatem, sed tantum haberet dubitationem, aut fidei initium mixtum cum ignorantia; Ergo Abgarum revera credidisse, signat Epistola.

Nec minus dubium exurgit ex Christi responso; respondit enim commendans ejus fidem, qui cum non vidisset, in eum credidisset, & deinde distulit ejus sanitatem. Res planè Christo insolita, qui quotquot in eum credentes ad ipsum accedebant, confestim sanare consueverat, etsi gentiles, & distantes. Mulier illa, de qua Matthæus cap. 15. egressa de finibus Tyri, & Sydonis Gentilis erat, unde Christus v. 24. rogatus, ut sanaret filiam ejus respondit: *Non sum missus, nisi ad oves, quæ perierunt domus Israel*: tamen quia in ea magnam intuitus fuit fidem, protinùs filium ejus sanavit v. 28. *Mulier magna est fides tua. Fiat tibi, sicut vis*: & *sanata est filia ejus ex illa hora*. Centurio, de quo idem Matth. cap. 8. Gentilis erat; qui tamen tantam fidem non invenit in Israel, puerum illius sanavit. Debebat quidem Christus differre Gentilibus prædicationem, iis enim non erat prædicandum Evangelium, nisi post ascensum ejus in cælum; at sanitatem Gentilibus eam petentibus concedere consueverat. Hæc ergo sanitatis dilatio data Abgaro credenti in Jesum, & consequenter etiam justificato, cum homo secundum doctrinam Grabii per fidem justificetur, fovet dubitationem, num Epistola illa fuerit reapse à Christo exarata. Dubium augetur, quia in ea Christus promittit, se post suum adscensum ad Patrem missurum aliquem ex Discipulis ad Abgarum sanandum: *Ceterum cum primum ad eum me recepero, ex discipulis meis aliquem ad te mittam*. Christus autem nulli Discipulorum dedit hoc in mandatis. Eusebius enim, qui hanc primus narravit historiam, dicit Thaddæum

dæum quidem missum, at non à Christo sed à Thoma, moto non à Christo mandante, sed divino quodam impetu. Vel ergo Christus oblitus fuerat sui promissi, vel Christo ea epistola tribuenda non est. Secundò in epistola illa inducit Christum citantem verba Evangelii de se scripti, dum dicit *Beatus es, qui qui cum non videris me, in me credidisti; de me enim scriptis proditum est* &c. quæ sumta sunt ex cap. 20. Joann. v. 29. *Beati, qui non viderunt, & crediderunt.* Sed tunc temporis nullum Evangeliorum scriptum erat, cum omnia post Christi in cœlos adscensum scripta fuerint. Ergo ex hoc etiam motivo apparet sibi contradicens, & proinde supposititia.

VI. Præterea annorum nota falsa videtur, dicit enim Eusebius citatus: *Acta sunt hæc anno quadragesimo ac trecentesimo apud Edesiēnos.* Ut autem notat Valesius ad hoc Caput Eusebii, annus hic trecentessimus & quadragesimus juxta Edesiēnos cadit in annum primum Olympiadis 202., etenim Edesiēni annos numerabant ab Olympiadis 117. anno primo, quo Seleucus orsus est regnare in Asia, ut scribit Eusebius in Chronico, à quo tempore usque ad initium Olympiadis 202. sunt anni 340. Porro initium Olympiadis 202. incidit in annum 15. Tiberii Cæsaris, quo anno teste Luca cap. 3. v. 1. &c. Joannes Baptista ministerium suum obire cœpit: *Anno quintodecimo Imperii Tiberii Cæsaris ... factum est Verbum Domini super Joannem Zachariam filium in deserto, & venit in omnem regionem Jordanis* &c. Hisce suppositis dico sic: Eusebius consignans acta anno 340. Edesiēnorum, & 15. Tiberii, vel loquitur de tempore, quo Abgarus scripsit ad Jesum, & Jesus Abgaro rescripsit, vel de tempore, quo ad Abgarum missus fuit Thaddæus. Neutrum autem subsistere potest. Non primum, quia eo anno, quo Joannes Baptista ministerium suum obire cœpit, vix Jesus se prodere cœperat, nec fama ejus miraculorum poterat ad Syriam pervenisse; & hoc etiam dato, nondum effebuerat Judæorum odium contra Christum, ut Abgarus haberet motivum scribendi: *Audito Judæos tibi obtrectare, & insidias in caput tuum struere.* Si verò loquatur de tempore missionis Thaddæi ad Abgarum, multò magis a veritate alienus est: nam Thaddæus missus est post Christi mortem, & consequenter anno 18. aut 19. Tiberii, non 15., quo Christus adhuc nobiscum versans vix prædicationem suam inchoarat.

VII. Si dixeris, multos veterum consignasse Christi mortem anno 15. Tiberii, acta autem illa, de quibus loquitur Eusebius, referenda esse, non ad tempus conscriptionis epistolarum Abgari

ad Jesum, & Jesu ad Abgarum, sed ad missionem Thaddæi, quæ potuit contingere eodem anno statim post Christi resurrectionem. Ita Grabijs, & Valesius.

VIII. Contra est. Primò, quia Eusebius ipse in Chronico affigit mortem Christi anno 18. Imperii Tiberii, anno autem 15. initium ejus prædicationis. Ergo Eusebius non potest loqui de missione Thaddæi facta illo anno. Cum Eusebio consentit Epiphanius hæres. 51. Secundò dicere Christum mortuum anno 15. Tiberii contradicit Lucæ, qui, ut vidimus, scribit, eo anno Christum exorsum fuisse suam prædicationem. Verùm quia Christum in crucem actum anno 15. Tiberii sentiunt Tertullianus lib. contra Judæos cap. 8., quem secutus est Lactantius lib. 4. Inst. cap. 10., imò & D. Augustinus lib. 18. de Civit. Dei cap. 54., ostendo, nec admittà hac opinione subsistere missionem Thaddæi ad Abgarum; quia ante conversionem Pauli, quæ contigit uno post Christi adscensum anno, vel tertio, ut aliqui putant, inter quos Calvinus, nullus Apostolorum, aut Discipulorum Christi, ad Gentiles transivit, imò adhuc secuta Pauli conversione Act. cap. 11., cum Petrus Cornelium Gentilem ad Christum traxisset, & cum eo multi Gentilium Petro concionante fidem amplexi essent, hoc audito, Apostoli contendere cœperunt, & quasi increpare Petrum dicentes ibi v. 3. *Quare introisti ad viros præputium habentes, & manducasti cum illis?* Quanto ergo magis increpassent Thomam, si eodem anno, quo Christus à nobis discesserat, Edessam civitatem Gentilem misisset Thaddæum, ut Abgarum ad Christum traheret? Apparet ergo, plura inverisimilia complicare hæc epistolas.

IX. Superest, ut momenta, quæ pro illis faciunt, perpendamus. Primum Eusebii testimonium supra allatum occurrit, quod monumentis Edessenis fulcitur. Respondeo, Eusebii quidem auctoritatem flocci non esse faciendam, contingere tamen potuit, ut dum hæc scriberet, non omnia perpenderet, ut æquum erat, deceptus monumentis iis, quæ non genuina, sed supposititia essent, vel saltem dubiæ auctoritatis; quare Hieronymus de iis mentionem faciens, aut referendo, aut dubitando loquitur, quod & alii ejus temporis faciunt: quæ tandem animum Gelasii moverunt, ut eas epistolas inter apocryphas recenseret. Et jure quidem; nam multa incredibilia continebant, ut observavimus. Quibus addi potest, quod ex Archivis Edessenis depromptæ dicuntur Epistola non solum Christi ad Abgarum, sed & Abgari ad Christum. Unde porrò contigit, quod Epistola Christo missa degenti in Judæa iterum Edessam redierit? Secun-

cundò, si Abgarus legatione adeo honorifica Christum adiit, cur omnes Evangelistæ eam silentio prætermiserunt? Tertiò narratio, quæ refert adventum Thaddæi Edessam, multa continet à vero aliena. Thaddæus mittitur ad Regem: hic autem muneris sui velut oblitus ad Tobiam Tobiae filium recta diver- tit, ibi multa edit miracula, antequam conveniat Abgarum, cujus tamen causâ illuc advenit. Tandem Thaddæus ingressus ad Regem patitur, se à Rege adorari, nec adorationem abnu- it, quam tamen Petrus recusavit à Cornelio, dicens Act. 10. 26. *Sur- ge, & ego ipse homo sum*. Rogatus ab Abgaro, ut de potentia, gloria, & adventu Christi coram ipso disceret, renuit dicens, se missum ad Verbum Dei palam annunciantum, cum tamen Paulus, & Silas Act. 16. 32. petente carceris custode loqui Ver- bum Domini ei, & omnibus, qui erant in domo ejus, non sint dedignati. Hæc aliena a praxi Apostolica notat Alexandre Se- cul. 1. disert. 3.

X. Evagrius ab Eusebio descripsit, ideoque non major ei fides adhibenda, quam Eusebio. Addo. Evagrius ibi non so- lum de Epistola, sed de imagine missâ à Christo ad Abgarum meminit, qua miraculosè ab obsidione Chosroæ Edesseni libe- ratî sunt. Cur ergo Grævius Evagrius credit narranti de Episto- la, at narranti de Imagine & miraculo ejus credere recusat?

XI. S. Ephræm Edessæ Ecclesiæ Diaconus plus nimio mo- numentis iuxta Ecclesiæ detulit. Imo quæ addit, non dicta ab Eu- sebio, suspectum reddunt monumentum illud Edessenum; dicit enim, quod Christus Abgari fidem admiratus misit illi per nun- cios: cum tamen Eusebius dicat, Christum nullum misisse, sed missum tandem Thaddæum à Thoma impulsu divino moto: di- cit, quod Christus per nuncios civitati Edessæ perpetuò bene- dixit, quæ benedictio permansura esset, donec sanctus è cælo apparebit Filius Dei, quæ verba in Epistola Christi, ut descri- bitur ab Eusebio, non reperiuntur, & rursus effectum suum non habuere. Nam esto à Chosroa, ut nuper dicebam, liberata di- vinitus, Phoca tamen Romanis imperante, Edessa in Persarum potestatem venit, teste auctore Chronici Alexandrini p. 875. Imo quam tristitia fata hæc civitas sub medium seculi 12. experta fuerit, Eugenius III. Papa declarat in Epist. ad Ludovicum Francorum Regem apud Othonem Frisingensem lib. 1. de gestis Friderici cap. 34. ita scribens: *Edessa civitas, quæ nostra lingua Rhoais dicitur, quæ etiam, ut fertur, cum quondam in Oriente tota terra à Paganis detineretur, ipsa sola sub Christianorum potestate Domino serviebat, ab inimicis Crucis Christi capta est, & multa*

Christianorum castella ab ipsis corrupta : ipsius quoque civitatis Archiepiscopus cum Clericis suis , & multi alii Christiani ibidem interfecti sunt . Et adhuc sub Mahumetanorum jugo servit : ergo benedictio Christi, eam scilicet mansuram usque ad ejus adventum, vel falsificata fuit, vel fictitia est . Imo nec tanto tempore, nimirum usque ad seculum 12., fidem Christo servavit Edeffa . Refert enim Dio lib.60. Arbandum Abgari pronepotem, atque Edeffeni Regis filium in deliciis (& fortè nefariis) Trajano, dum Edeffa moraretur, fuisse, atque coram eo *barbarico quodam more* ad coenam invitato saltasse . Quæ certè barbarica saltatio satis probat, Christianam religionem in aula Edeffena non viguisse . Tam citò ergo benedictio Christi effectum suum fuerat defraudata, tam subito prædicationis, ac miraculorum Thaddæi, & Epistolæ Christi ad Abgarum scriptæ abolita memoria ? Nec refert, si cum Grabio dicas, additamentum illud de benedictione Christi, & de urbe nunquam casura, afsutum, ac confictum fuisse . Ego enim reponam, & cur dici nequit, totum fuisse confictum ? Si monumenta Edeffena hac in parte commentitia sunt, cur commentitia non erunt in illa etiam, ubi referunt Epistolam Christi scriptam ? Certè quod in uno falsatum deprehenditur, in ceteris evadit saltem suspectum, nisi assignetur ratio falsitatis unius, & veritatis ceterorum; quod hic ex dictis locum non habet, cum de Epistola ipsa suæ difficultates sint, eaque non leves .

XII. Quod de Dario Comite scribente ad S. Augustinum, ac Epistolam Christi ad Abgarum memorante, adducitur, pervincit quidem, eo seculo famam istam invaluisse, non tamen certam . *Fertur* (inquit Darius) *Satrapæ, seu Regis potius Epistola* . Imo cum S. Augustinus Dario respondens, nihil de hac Epistola tetigerit, credere par est, Augustinum de illa Epistola parum curasse, quùm disertè asserat lib.1. de consensu Evang. cap.7. Christum nihil scripsisse . Deinde Darius utrumque scribit, & de Epistola à Christo ad Abgarum data, & de perpetua civitatis incolumitate : *Ab hostibus in perpetuum esse, ac semper immunem* . Hoc secundum Grabio falsum est . Ergo primum mihi esse poterit saltem suspectum .

XIII. Si dixeris, Gregorium Epistola prima ad Leonem, Isaurum tom.4. Concil. præfixa Nicæno secundo, ipsum etiam Nicænum secundum Act.5., & Damascenum lib.4. Fidei Orthodoxæ, alioque hanc Epistolam protulisse .

Respondeo, Gregorium non solum Epistolæ, sed & Imaginis à Christo Abgaro missæ meminisse . Concedat ergo mihi Gra-

Grabius, Christum imaginem suam Abgaro misisse, Orientis populos ad illam orasse (quod non faciet) tunc autem ego epistolam admittam. Concilium autem Nicanum secundum, & Damascenus loquuntur quidem de Imagine missa à Christo ad Abgarum, sed de Epistola nec Verbum faciunt.

Hæc ergo sunt, quæ mihi etsi non certò apocrypham, suspectam saltem, & quidem non modicè, reddunt Epistolam Christi ad Abgarum. Quia tamen sententiam proferre non auserim, rem in medio relinquam, ut quisquis perpensis pro utraque parte motivis sententiam proferat, ut libuerit.

XIV. Præter hanc Epistolam, de qua hætenus, alia scripta Christo supposuerunt Hæretici; misso enim magico libro, quem à Christo compositum, cujusque virtute miracula fecisse, Ethnicorum aliqui blasphemabant, quem supra anathematizavimus cum Augustino lib. 1. de consensu Evang. cap. 7. jaclabatur olim ab aliquibus Epistola quædam Christi, tamquam in Hierosolymam è cælo lapsa, & per Michaellem Arcangelum in porta Ephrem inventa, & per manus Sacerdotis nomine Leoræ relecta: quam in Concilio Romano secundo anno 745. Zacharias Papa Act. 2. retulit, ac repudiavit, tanquam ab Aldeberto quodam confictam, ut legere est tom. 3. Conc. Collect. Harduini Column. 1939. & contra ipsam & alia pseudographa Carolus Magnus in Capitular. 1. anni 789. tom. 1. Capitular. Reg. Francorum column. 239. decrevit, *ne credantur, nec legantur, sed comburantur, ne in errorem per talia scripta Populus mittatur.*

XV. Inter apocrypha etiam jam olim rejectus fuit Hymnus Domini, quem aliqui confinxerant, Christum secreto docuisse Apostolos suos, & hunc fuisse illum, dicebant Priscillianistæ, qui eo utebantur, de quo scribit Matthæus 26. 30. *Et hymno dicto exierunt in montem Oliveti*, addentes, non fuisse in Canone positum, quia velut sacramentum Regis abscondendum fuit his, qui secundum carnem sentiunt, & non secundum spiritum, & veritatem Dei. Quasi quod Scripturæ Canonice non pertinerent ad sacramentum Dei, & eis conscriptæ essent, qui secundum Carnem sentiunt, & non secundum Spiritum, & Veritatem Dei. De hoc videndus est S. Augustinus Epist. olim 253. nunc 237. ad Ceretium, ubi ex dicto Hymno fragmenta recitat, ac refellit.

* *

§. II.

De Epistolis B. V. ad Messanenſes, & alios.

XVI. **M**essanenſium civium gloria in eo ab aliquibus ponitur, quod B. M. Virginis Epistola ſint honorati. Hoc ſi verum eſſet, non parvi certè faciendum foret. Pro veritate hujus Epistolæ P. Inchoffer S. J. tomum implevit, quem inſcripſit *Veritas vindicata*. Econtra Rocchus Pyrrhus Siculus in ſua *noſtitia Sicilienſium Eccleſiarum* inauem prorsùs P. Inchoffer conatum eſſe, probare nititur. De hoc Cardinalis Albitius in ſuo libro *de Inconſtantia in fide* cap. 30. num. 385. ita loquitur. *In ſuprema &c. ſuit ſuper hoc latè diſputatum de anno 1598., & ſub die 30. Julii ejusdem anni ſuit reſolutum, eam (Epistolam B. V. ad Meſſanenſes) inter Scripturas apocryphas numerari. Ideo cum de anno 1606. die 4. Januarii fuiſſet impreſſa, ſuit mandatum, quod exemplaria impreſſa colligerentur, & impoſterum imprimi prohiberentur. Qui autem cupit videre, quam apocrypha, & mendax ſit hiſtoria de Epistola B. V. ad Meſſanenſes, adeat Rocchum Pyrrhum in ſua noſtitia Sicilienſium Eccleſiarum noſtitia ſecunda Eccleſie Meſſanenſis. à pag. 234. ad 254., & in ſine voluminis pag. 484. offert decretum S. Congregationis Indicis editum die 14. Aprilis 1633. quo prohibetur liber, cui titulus Epistola B. M. Virginis ad Meſſanenſes Veritas vindicata auctore P. Melchiore Inchoffer è Societate Jeſu, licet in eo decreto permittatur conjectatio ejusdem Epistolæ eodem P. Melchiore auctore. Hæc Albitius.*

XVII. Stante ergo ſupremæ S. Inquiſitionis decreto ſanctientis, dictam Epistolam eſſe inter Scripturas Apocryphas rejiciendam, finita eſt controverſia. Attamen pro majori luce hujus controverſiæ videndum breviter, qua occasione ſcripta fuerit dicta Epistola, quibuſque momentiſ eam ejus deſenſores tuiſint. Ait ergo Chriſtophorus de Caſtro Hiſt. Deiparæ cap. 23. *Dum Paulus Romam proficiſcens eſſet Rbegii, rogatus à Meſſanenſibus duas habuit conciones, unam de Incarnatione Verbi, & Mariæ Virginitate ad huc viventis, qua excitati duos miſerunt nuncios Hieroſolymam, proteſtationem illius doſcuentes, per quos illa miſit unam Epistolam Hebraicè ſcriptam manu ſua.*

XVIII. Epistolæ autem forma, ut frequentius teritur, hæc erat: *Maria Virgo Joachim filia, Dei bumillima Cbriſti Jeſu Cracifixi Mater, ex Tribu Juda, ſtirpe David. Meſſanenſibus omnibus ſalutem, & Dei Patris omnipotentis benedictionem.*

Vos

Vos omnes fide magna legatos, ac nuncios per publicum documentum ad nos misisse constat, Filium nostrum, Dei genitum, Deum, & hominem esse satemini, & in cælum post suam resurrectionem ascendisse, Pauli Apostoli Electi prædicatione mediante, viam veritatis agnoscetes: ob quod vos, & ipsam civitatem benedicimus, cujus perpetuam protectricem nos esse volumus: Anno filii nostri 42. Indictione 1. III. Nou. Junii, Luna 27. Feria 5. ex Hierosolymis. Maria Virgo, quæ supra, hoc Chirographum approbavit. Hæc forma Epistolæ quam veriores judicat P. Inchoffer.

XIX. Verùm cuinam eam legenti non statim apparet talis formæ improbabilitas? B. Virginis summa humilitas pateretur ne, se tot exornari titulis; numero plurali loqui, ut solent Reges ac Regina; benedicere; suamque protectionem populo alicui polliceri? Modestiori certè stylo ea exarata est Epistola, quam Edeseni ostentant scriptam à Jesu suo Regi Abgaro. In ea nullus est titulus, nulla benedictio, nulla protectionis pollicitatio. Secundò num credibile est, Paulum integram de Maria Virgine concionem instituisse, de qua in ejus Epistolis vix sermo est, non quia eam summo in honore non haberet, sed quia propositum Pauli, sicut & ceterorum Apostolorum, erat nomen Christi portare coram Gentibus, & Regibus &c. ad hoc enim Christum Paulum elegerat Actor. 9. 15. Tertiò offendi etiam debet, tunc vivente adhuc B. Virgine cœpisse numerari annos ab ortu Christi, ut dicere potuerit *anno filii mei 42.*, deinde jam tunc in usu fuisse *Indictiones, Kalendas, Idus, & Nonas, & insuper Ferias*: quod sanè ægrè probabitur, maxime apud Hierosolymam Hebræorum Metropolim; Indictionis enim nomen, vel à pensitatione Annonarum ortum duxit apud Romanos, vel sub Julio Cæsare, vel sub Augusto anno secundo; sicque cum Indictio constet 15. annis, eo anno, quo B. V. scripsit, Indictio prima jam effluerat. Si verò earum initium cum aliis referatur ad tempus, quo Constantinus Magnus occidit Maxentium, quo toti Italiæ tributum indixit; sic eo tempore Indictiones nondum incoeperant. Si autem quis velit, B. V. loquamur de Indictione apud Christianos, qua Pontifices utuntur in suis Bullis: certè hac, cum cœperit anno æræ vulgaris 313., ut eruditi volunt, non potuit B. Virgo uti. Sed etiamsi daremus, Indictionem Christianam cum æræ Christiana cœpisse, annus 42., quo B. Virgo scripsit, non potuit esse Indictio prima, sed annus 12. Indictionis tertiæ. Menses insuper distribuere per Kalendas, Nonas, & Idus Romanorum quidem erat mos, qui initium mensis Kalendas vocabant, non autem Hebræorum, qui mensem divide-

debant per Lunas, & initium mensis Neomeniam appellabant. Multò minus Feriæ nomen poterat à B. Virgine usurpari; hoc enim initia sua habuisse à Sylvestro l. omnes fatentur. Hæc sunt testimonia falsitatis dictæ Epistolæ, quæ eadem Epistola submisit.

XX. Possit ulterius objici Lucæ silentium, qui cum in Actis Apostolorum, quæ conscripsit, itinera & navigationes Pauli diligenter recensuit, quique ejus moram tribus mensibus Melitæ describit, inde ejus navigationem Syracusas, inde Rhegium, inde Puteolos, inde Roman, addere debuisset ejus digressum Messanæ, ex quo orta fuisset tota urbis adeo celebris ad Christum conversio, saneque splendida ad Virginem legatio; eo maxime cum cetera levioris momenti enarret: sed quia dicunt, argumentum hoc negativum non evincere, cum Lucas non omnia, quæ Paulo obtigerunt, descripserit (quod conatur ostendere P. Inchoffer laudatus cap. 3, maxime ex D. Hieronymo in cap. 2. ad Galatas) ideo ostendendum est, Lucam non solum præterire, sed positivè negare digressum Pauli Messanæ. Dicit P. Inchoffer, Paulum uno die mansisse Rhegii, duobus autem sequentibus Messanæ prædicasse. Hoc negat Lucas: quod probat Act. 28., ubi describitur Pauli navigatio, quum vinculus Roman traheretur ad Cæsarem, ad quem appellaverat. Dicit Lucas, cum Paulus evasisset naufragium, ad Melitam Insulam appulisse, ibique multis editis mirabilibus tribus mansisse mensibus, hæc à versu 1. usque ad 11. Post menses tres in Navi Alexandrina, quæ Melitæ hiemaverat, impositum Syracusam adventasse, ibique triduo stetisse, ita versu 11. & 12. Quæ autem sequuntur adnotari debent v. 13. *Iude circumlegentes devenimus Rhegium: & post unum diem flante austro secunda die venimus Puteolos.* Quibus verbis asserit Lucas, Paulum appulsum Rhegium una die ibi moratum fuisse, quâ elapsâ, navim ascendisse, & tota nocte navigantem sequenti die, flante austro valido, Puteolos adventasse: qui autem scribit, una tantum die mansisse Rhegii, & die sequenti pervenisse Puteolos, certè negat, Paulum moratum uno die Rhegii, duobus diebus sequentibus fuisse Messanæ.

XXI. Verum dicit fortassis aliquis, D. Paulum, priusquam Rhegium adventaret, deflexisse è cursu suo in littus Siculum intra Tauromenium, & Messanæ, ideoque fama prædicationis suæ arcessitum à Messanenibus, biduò apud eos mansisse, inde Rhegium concessisse, hæc enim non opponuntur iis, quæ scribit Lucas: imo ex Luca inferuntur, qui ibi v. 13. ait: cum discessisset Paulus Syracusis: *Iude circumlegentes* (nimirum oras & lit-

tora Siciliæ) *devenimus Rhegium*: hoc ergo circuitu Siculorum littorum potuit Paulina navis inter Tauromenium, & Messanam Paulum exponere. Quod narrat ex Octavio Cajetano Siculo Scriptore Cornelius à Lapide in 28. cap. Act. Apost. v. 11. sic *Paulina navis posteaquam Syracusis solvit, oram Sicilia maritimam prætervecta: rursus è cursu suo deflexit in littus intra Tauromenium, & Messanam, ubi nunc ades est Paulo Apostolo sacra. Antiqua ea fama est, apud loci accolæ, D. Paulum, cum Sicilia ora legeret, in sinum illum appulisse, cui Monasterium D. Placidi in edito colle incumbit, in eoque commoratum littore, quod decem passuum millibus ab urbe Messana distat: ipso in littore, locoque Apostoli pedibus calcato Christiani deinde, ubi fides adolevit, parvam, sed magnæ pietatis indicem, Ecclesiam D. Paulo sacram construxerunt, quæ Apostoli in littus descensum testificaretur, rei que memoriam ad Posteris derivaret.* Hæc Cornelius ex Octavio.

XXII. Pulchrè quidem, sed hæc quomodo cum Luca coherent? Inde (Syracusis) *circumlegentes devenimus Rhegium*, inquit Lucas: verba hæc non interruptum, sed continuum per mare circa oras Siciliæ circuitum indicant, non digressum ad littus Tauromenium inter & Messanam. Secundo hoc etiam dato, vera esse, quæ Cajetanus narrat: ubi adventus Pauli Messanam, ubi ejusdem prædicatio, ubi legatio ad Deiparam? Incredibile, Paulum, qui catena vincētus trahebatur, hūc illūcque discurrēdi facultatem habuisse: & rursus incredibile, navem sine causa in littus adeo propinquum Rhegio, quō navigabat, stetit, maximè cum portus aliquis, aut civitas, ubi merces exponeret, non adesset: hoc motivo debuisset potius dici, quod Messanam divertisset. Aedes autem D. Paulo sacra nil aliud indicat, nisi eam erectam, quia circa illud littus transferat Paulus, quod non negatur, sed negatur ibi pedem fixisse, aut solum illud calcasse. Imo Cajetanus ipse (ut refert Cornelius à Lapide loco citato Isagoge 22.) ostendit, S. Paulum fretum Siculum navigantem conspexisse quidem Messanam, sed non adiisse, ut contendit Constantinus Lascaris; adiisse verò, cum postquam è primis Neronianis vinculis liber rursus Provincias, & Siciliam, ut videtur innuere S. Chrysostomus, peragravit.

XXIII. Verum melius ego crediderim, Paulum nunquam adiisse Messanam, nec quum vincētus Romam duceretur, nec cum liber è vinculis in Orientem rediret, quod ostendo sic: Paulus Romam non ivit nisi anno Christi quinquagesimo nono; cumque Romæ duobus integris annis manserit in suo carcere, ut ait Lucas Act. 28. 30. *Mansit autem biennio toto in suo conducto*, i. in

suo hospitio, quod conduxerat captivus: Roma reversus fuit anno Christi 62. ineunte: atqui non potuit esse Messianæ nec anno Christi 59. nec 62., quod probo. Paulus fuit Messianæ circa annum, quo data fuit Epistola B. Virginis supposita; ob hanc enim tuendam, adventum Pauli Messianam ejus defensores comminiscuntur; at Epistola B. Virginis supposita data fuit anno Christi 42., ut vidimus. Ergo vel data fuit antequam Paulus adventaret Messianam, sicque ruit tota machina, vel S. Paulus illis annis Messianæ non fuit.

XXIV. Ex quibus hoc aliud argumentum conficio. Ut hæc Epistola genuina esset B. Virginis, & non spuria, debuisset Paulus adesse Messianæ ante annum 42. Christi, quo Epistola data fuit, tempus ut daretur Messianensibus parandi legationem ad Virginem, & Legatis adventandi Hierosolymam: atqui secundum assertores hujus Epistolæ, Paulus non potuit esse Messianæ ante annum vel 62., vel 59. Christi. Ergo Epistola genuina esse non potest, sed spuria.

XXV. Aliter evertitur hæc opinio. Si ad rectam Chronologiam attendamus, sequitur, hanc Epistolam fuisse à Virgine scriptam, postquam inter mortales esse desierat; vel vitam produxisse multo ultra, quam docet Traditio. Traditio Ecclesiæ docet, B. V. è mortalibus excessisse anno Christi 48., cumque, cum peperit Christum, quintum decimum annum ageret, excessus ejus coincidit cum anno ætatis suæ 63. Cum ergo Paulus non adventarit Messianam, nisi anno Christi vel 59., vel 62., si tunc scripta fuit Epistola, fuit certè scripta, vel undecimo, vel quartodecimo anno post ejus mortem. Vel si quis voluerit, eam superstitem fuisse anno Christi 59., vel 62., oportebat dicere, Mariam Virginem vitam protraxisse usque ad 74. vel 76. annum suæ ætatis, quo fieret, ut Apostoli jam per orbem dispersi non potuissent ejus morti interesse, ut contigisse piè credit Ecclesiæ. Hæc aliaque sunt involucra, quibus implicantur defensores Epistolæ B. Virginis ad Messianenses, quibusque eam esse apocrypham credere par est, qualem suprema S. Inquisitionis sententia declaravit, ut supra dicebam.

XXVI. Proferri insuper solet ab aliquibus alia B. Virginis Epistola responsiva ad aliam S. Ignatii Martyris. Sed hæc pariter ut supposititia rejicitur ab Eruditis, cum sine ullo fundamento asseratur, S. Ignatium ad eam scripsisse: Sanctus enim Hieronymus de Script. Eccles. & alii antiquiores, qui ejusdem Ignatii Epistolas recensuerunt, eas non noverunt. Ita Baron. ad ann. 48. num. 25. Scio, D. Bernardum ferm. 7. in Psalm. *Qui ha-*
bi-

bitat meminisse, Ignatium Martyrem scripsisse plures Epistolas ad Mariam, quam vocat *Christiferam*. Sed bene observat P. Maillon in Notis, ibi S. Bernardum non intellexisse Mariæ nomine Sanctissimam Deiparam, sed quandam Mariam, nimirum *Cassabolitam*, seu *Cassaboliten*, ad quam extant duæ S. Ignatii Epistolæ, & meritò; S. enim Bernardus illam, de qua loquitur, vocat *Mariam quandam*, quo addito certè non appellasset Mariam Dei Matrem devotissimus Bernardus. Utut autem sit, Epistolæ illæ ad Mariam in Græcis Codicibus Operum S. Ignatii non extant, neque extare merentur, cum non redolegant gravitatem eloquii præfati S. Martyris, ut observavit Bellarmin. Catalog. Script. Eccles. in Ignatio, & Alexandre Hist. Eccles. secul. 1. cap. 12. art. 16., qui etiam inter spurias rejicit Epistolas ad Mariam Cassabolitem, quas sub nomine S. Ignatii laudat S. Bernardus loco citato, utpote ignotas Eusebio, Hieronymo, aliisque Veteribus, qui S. Martyris scripta retulerunt, nec ejusdem styli sapientes, nec Ecclesiæ nascentis moribus, ac institutis accommodatas. Etsi autem in Catalogo Manuscriptorum Ecclesiæ S. Petri Bellovacensis legatur: *Epistolæ duæ aut tres B. Ignatii Martyris ad Beatam Mariam Virginem . . . quæ inventæ fuerunt Lugduni tempore Concilii Innocentii Papæ IV.*, & de Græco in Latinum conversæ; attamen peccat in hoc Catalogus iste, quod dicat, ante tempora Innocentii IV. notas non fuisse, cum Sanctus Bernardus iis usus sit, & proinde suo tempore latine essent redditæ, si tamen verum est (quod ego nego) eas aliquando Græcè fuisse conscriptas.

Fertur etiam ejusdem B. Virginis Epistola ad Florentinos data, sed de hac idem, ac de aliis, judicium ferendum est.

§. III.

Epistola Barnabæ.

XXVII. **B**arnabas unus ex 72. Christi Discipulis (teste Eusebio lib. 1. hist. cap. 12. *Cujus cum in Actibus Apostolorum crebra sit mentio, tum in Pauli ad Galatas Epistola*) genere Cyprius fuit, cum S. Paulo gentium Apostolus ordinatus, *Joseph Levites* prius vocatus, cognomen Barnabæ ab Apostolis tulit, quod idem est ac Filius consolationis, ut à virtute nomen assumptum indicaretur. Hic cum haberet agrum, vendidit eum & attulit pretium, & posuit ante pedes Apostolorum. Ita Act. 4. 36. 37., & S. Chrysost. homil. 11. in Acta.

Huic tributa fuit olim Epistola nunc edita à Cotelerio tom. 1. Patrum, qui Apostolicis temporibus floruerunt. De qua disceptatum quovis tempore fuit, an esset genuina, an apocrypha.

XXVIII. Nos apocrypham sustinebimus cum Eusebio lib. 3. hist. cap. 25., ubi inter spurias ponit Barnabæ Epistolam, cum S. Hieronymo Catal. Script. Eccl. in Barnaba, dicente: *Unam ad adificationem Ecclesiæ pertinentem Epistolam composuit, quæ inter Apocryphas Scripturas legitur*: quod repetit in Ezechiel. c. 43. Neque hic Hieronymus, & Eusebius Apocrypham dicunt, quasi solum dubiam, sed tanquam certò spuriam, ac Barnabæ suppositam. Quod Eusebium observanti clarè constabit, qui distinguit Scripturas dubias à spuriis, dicens: *Pro spuriis habendi sunt etiam Actus Pauli, & Liber Pastoris titulo inscriptus, & Revelatio Petri, Barnabæ item Epistola*; atqui Actus Pauli, Liber Pastoris, Revelatio Petri pro spuriis indubitate habentur, cur ergo non etiam Epistola Barnabæ?

XXIX. Verùm demus etiam, Eusebium reponere Epistolam Barnabæ inter ea, quæ suo tempore erant dubiæ au toritatis, quia nondum explorata veritas erat; Modò tamen postquam Ecclesia toties de libris sacris instituit examen, cum semper hanc Epistolam à Canone rejecerit, certò spuria tenenda est: & credendum, Ecclesiam certò cognovisse eam non esse genuinum Barnabæ factum; si enim esset, talem eam Ecclesia cognovisset, eamque recepisset inter scripturas Canonicas, non minus ac Epistolas Pauli, cujus socius, & comes a Deo designatus fuit Barnabas, juxta illud Act. 13. 2. *Ministrantibus autem illis Domino, & jejunantibus dixit illis Spiritus Sanctus: Segregate mihi Paulum, & Barnabam ad opus, ad quos assumi eos*. Hac ratione S. Augustinus lib. 1. contra Advers. legis, & prophet. c. 20. ut Apocrypha, quæ sub nominibus Andreæ, & Joannis testimonia adversarius obtrudebat, exploderet, hoc argumento usus est, dicens: *Quæ si illorum essent, recepta essent ab Ecclesia, quæ ab illorum temporibus per Episcoporum successiones certissimas usque ad nostra, & deinceps tempora perseverat*.

XXX. Accedit, vix credi posse, adeo eximium Apostolum, tantoque Spiritus sancti, & fidei lumine collustratum, coactas allegorias, enarrationes Scripturarum minus verisimiles, loca eorum minus apte allegata, fabulas de animalibus, ut illud quod tradit hienam alternare sexum, cujus contrarium docent omnes rerum naturalium periti, aliaque, quibus scatet dicta Epistola, conscripisse. Cotelarius ipse etiam huic Epistolæ plurimum deferat, dissimulare tamen non potest, in Notis allegoriæ illius vi-

tium

tium de trecentis decem & octo domesticis ab Abrahamo circumcisis in figuram Nominis, & Crucis Jesu, *quæ* (inquit Cotelierius) *tantopere placet nostro Auctori, ut nihil se unquam majus, nihil verius docuisse, profiteatur; quemadmodum procul dubio piz est, ac non omnino absoua fidei, ita, quin nonnihil habeat vitii, dubitari non potest.* Eam denique non esse Barnabæ, demonstrat modus, quo de Apostolis loquitur, dicens, quando eos vocavit Christus, fuisse super omne peccatum peccatores. Quis autem credat, Apostolorum discipulum, imò & Apostolis arcessitum, talia de Apostolis scripturum, imò tam injusta, quia falsa? Ex Apostolis enim a Christo vocatis, de quibus Pseudo-Barnabas loquitur, quis publicus peccator antea fuerat, nisi fortè Matthæus Publicanus? Magna injuria certè fieret, honestos pscatores Petrum, Andream, Jacobum, Joannem, & reliquos tanquam publicos peccatores traducere. Joannes in suo Evangelio c. 1., ubi describit vocationem Apostolorum Andreæ, Petri, Philippi, Nathanaelis, quem aliqui putant fuisse Bartholomæum, non ut publicos peccatores, sed ut viros pauperes quidem, ac honestos describit, imò Nathanaelem in primo adspectu a Christo laudatum asserit hoc elogio: *Ecce vere Israelita, in quo dolus non est* ibi v. 47.

XXXI. At inquires, Patres eam ut foetum Barnabæ cognoverunt: Clemens Alexand. lib. 2. Stromat. pag. 373. edit. Paris. inquit, *Meritis igitur Apostolus Barnabas ait: ex ea parte, quam accepi, studui pauca ad vos mittere; ut cum fide vestra perfectam habeatis cognitionem, & ibid. pag. 410. non mihi pluribus verbis opus est, si adduxero testem Apostolicum Barnabam (erat autem is ex 70. discipulis, & Pauli adjutor) his verbis sic dicentem &c.* Et Origenes lib. 6. de principiis c. 2. *Eadem quoque, inquit, Barnabas in Epistola sua declarat.*

XXXII. Respondeo, hoc verum esse. Sed cum à nullo primi, aut secundi seculi citetur, videtur non esse tantæ antiquitatis, quanta vulgo illi tribuitur, nam de illa nec Clemens, nec Ignatius, nec Polycarpus, nec Justinus loquuntur: viri quibus negotia cum Judæis agitata fuerunt, & qui ab Epistola Barnabæ alleganda non sibi temperassent, si ante illos fuisset ab Apostolo conscripta. Fateor, tertio seculo aliquo in pretio fuisse, at seculis subsequentibus veritate perspecta, inter Apocrypha numerari cœpit, ut vidimus ex Eusebio, ac Hieronymo.

XXXIII. Scriptam fuisse, autumant aliqui Eruditi post excidium Hierosolymitanum, i. post annum Christi 70., nam in illa fit mentio Templi eversti, & deleti. Verba ejus clara sunt hæc:

hac: Propter Judæorum turbas, & mosus bellicos, deletum unum, & eversum ab inimicis est Templum. Barnabam autem nec usque e ad Templi everfionem ætatem suam protraxisse, communior sententia est, quæ Barnabam credit martyrio coronatum in Insula Cypro patriæ suæ, ubi populares ad cognitionem Evangelii perducens, furore Neronis Imperatoris mortem oppetit: quo imperante stabat adhuc Hierosolymis Templum, quando solo æquatum fuit sub Vespasiano. Papebrochius obitum Barnabæ assignat anno Christi 53. septemdecim ante excidium Hierosolymitanum annis. Alii circa septimum Neronis annum eum obiisse, censent, nimirum circa Christi annum 62., apud Salominam Urbem coronatum martyrio. Aliqui etiam ut certum putant, Barnabam vivente adhuc Paulo Apostolo obiisse; hortatur enim Marcum Barnabas in sua Epistola, ut corpore ejus sepulto, Cyprum relinquat, ad Paulum se conferat, & apud ipsum maneat: idque Marcum fecisse, constat, nam dum Paulus scriberet ad Colossenses, salutatur eos nomine Marci consobrini Barnabæ, quod signum est, Marcum cum illo fuisse: Paulus autem teste S. Hieronymo de script. Eccles. in Paulo capite truncatus est anno 13. Neronis auno, seu anno Christi 65. aut 67.; ante Templi everfionem. Igitur Barnabas Paulo præmortuus, Templi everfioni superstes esse non potuit.

XXXIV. Cum ergo evicerimus, Barnabam Apostolum non fuisse auctorem Epistolæ, quæ ei adscribitur, reliquum esset, quærere, quisnam fuerit verus illius auctor, quod tamen assequi difficillimum est. Duos propterea aliqui Barnabas fingunt, alterum e sublimioribus Apostolis, alterum ex comitibus Apostolorum: Epistolamque non illi, sed huic tribuunt. Alii incerto auctore sub finem secundi seculi exaratam censent, eo quia nullus ante dictum tempus illius mentionem fecit, & primi, qui de ea locuti sunt, fuerint Clemens Alexandrinus, & Origenes. At multo ante scriptam censet Ernestus Tenzelius, nimirum sub finem Hadriani Imperii. Tum quia Celsus Epicureo, quem extremis Hadriani temporibus claruisse Cavius p. 1. hist. litter. p. 81. observat, eam fuisse notam, dicit Origenes. Tum quia dicta Epistola, ubi loquitur de Templi excisione, loquitur etiam de ejusdem reedificatione, quæ per hostium Judaici Populi ministrum, nimirum Christianos fiebat, saltem spiritaliter ibi Deum colentes. Hoc autem ad tempora extrema Hadriani referri debet: hic enim Judæis ad internecionem deletis, Hierosolymamque adire prohibitis, Christianis cum nova Romanorum Colonia ibi habitare indulgit, ut ex Eusebii hist. l. 4. c. 6. Eo igitur

tur tempore cum tam inter Orthodoxos, quam hæreticos, nil frequentius foret, quam scripta sub falsis Apostolorum, ac viro-
rum Apostolicorum nominibus evulgare, ut videtur innuere
Eusebius ibi c. 7., putat Tenzelius (in notis ad Catal. script.
Eccles. S. Hieronymi, relatus à Joanne Fabritio in sua Biblio-
theca Ecclesiastica) sub nomine Barnabæ prodidisse dictam Epi-
stolam auctore Alexandrino quodam ex Judæo Christiano. Mo-
tiva quibus ducitur expendit Tenzelius. Sed in re adeo incerta
diutius immorari, superfluum judico.

§. IV.

De variis Pseudo-Evangeliis apud Catholicos.

XXXV. **P**Lura olim circumferebantur Evangelia ultra qua-
tuor, quibus tandem veritate detecta omnis fides
sublata est. Primò aderat Evangelium secundum Hebræos. Hoc
Syriaco idiomate, sed Hebraicis characteribus, scriptum testatur
S. Hieronymus, qui & ipsum Græcè, Latineque reddidit. De hoc
loquitur S. Hegeippus apud Eusebium l. 4. hist. c. 22. S. Igna-
tius ep. ad Smyrnæos, Clemens Alexandr. l. 2. Stromat., Ori-
genes tract. 8. in Matth., & tom. 2. in Joannem, & S. Hierony-
mus de Script. Eccles. verbo *Ignatius*, & verbo *Jacobus*, Com-
ment. in c. 7., & 12. Matthæi, & lib. 3. contra Pelagianos :
Hoc Evangelium fuisse idem, ac Evangelium Matthæi à Naza-
ræis interpolatum, suoque genio accommodatum, & postea ab
Ebionitis corruptum, coniectant non pauci, cui conjecturæ au-
sam dedit varius S. Hieronymi loquendi modus, nam in Catalo-
go c. 3. in Matthæo videtur Evangelium Matthæi confundere
cum Evangelio Nazaræorum : Lib. autem 3. contra Pelagianos
Evangelium secundum Hebræos, seu Nazaræos, adhiberi pos-
se, docet, si non ad auctoritatem, saltem ad antiquitatem. Con-
ciliari tamen possunt, si dicamus, Nazaræos recepisse quidem
Evangelium à Matthæo editum, & in linguam Syram Chaldaï-
cam transfuisse, quia tamen Nazaræi, licet Christum sequerentur,
retinebant tamen Judaicos ritus, ideo huic translationi as-
suisse, quæ in incorrupto Matthæi Codice omissa opinabantur.
Atque sic Evangelium secundum Hebræos nil aliud erat, quam
Evangelium Matthæi interpolatum, ac corruptum. Quare Eu-
sebius l. 3. c. 25. loquens de Evangelio secundum Hebræos di-
cit, *quo maxime delectantur Hebræi illi, qui Christi fidem suscepere*;
hocque solo usos fuisse Ebionitas, legis Mosaicæ cæremonias

nias impiè custodientes, testatur ibid. c. 27. Et c. 39. ex Papiæ refert, ex eo Evangelio desumptam fuisse Historiam de Muliere, *quæ multorum criminum coram Domino accusata est*; quam tamen aliam fuisse ab Adultera coram Christo accusata Joann. 8., supra ostendi. Quomocumque autem sit, an scilicet Evangelium secundum Hebræos sit ipsum Matthæi interpolatum, ac corruptum, vel aliud quoddam; cum modo sit deperditum, etsi ab Eusebio l. 3. c. 25. inter dubia recenseatur, & eo usum fuisse S. Ignatium martyrem in Ep. ad Smyrnæos c. 3., testetur S. Hieronymus de Script. Eccles. in Ignatio, modo inter Apocrypha rejicitur.

XXXVI. Secundò aderat etiam Evangelium secundum Ægyptios, cujus meminit S. Clemens l. 3. Stromat. p. 452., & 465., & S. Epiphanius hæresi 62., & S. Hieronymus præfat. in Comment. supra Matth. Quibus erroribus scateret hoc Evangelium, quòd non amplius extet, definire non possumus, hoc solum referente S. Epiphanio laudato scimus, Sabellianos hoc pseudò-Evangelio ad confirmandum errorem suum usos fuisse, ex quo conjici potest, in eo fuisse aliqua, quæ Sabelliano errori valde faverent.

XXXVII. Tertio ferebatur S. Jacobi Proto-Evangelium. Hoc a Postello in Europam delatum, & teste Alexandro, etiam à Neandro una cum Evangelio Nicodemi pariter apocrypho, multis fabulis scatet. Nonnulla conficta exhibet de Nativitate, Conceptione, Vita, partu B. Virginis. S. Jacobo abjudicatur à doctis omnibus; sed fortè S. Gregorius Nyssenus ex eo aliqua decerpit. De eo Eusebius non loquitur.

Evangelium porrò Nicodemi Pharisei magistri in Israel, Judæorum Principis, qui venit ad Jesum noctu Joann. 3., quique Joann. 19. 39. tulit mixturam Mirrhæ, & Aloes ad condiendum Christi demortui corpus, falsò tali nomine inscribitur, utpote refertum nugis, & affaniis circa Christi passionem, & circa ejus resurrectionem ineptiens, ideoquæ Apocryphis associatur. Alia ferebantur Evangelia ab hæreticis hominibus evulgata, de quibus infra.



§. V.

Epistola S. Pauli ad Laodicensēs.

XXXVIII. **P**Ræter quatuordecim Epistolas in Canonem relatas, alia D. Paulo tributa fuit Epistola, ad Leodicenses data. Hujus exemplar subjicit Sixtus Senen. lib. 2. Biblioth. Sanctæ in Paulo. Motivum eam D. Paulo adjudicandi sumitur ex ejusdem Epistola ad Colossenses c. 4., ubi ait: *Salutate Fratres, qui sunt Laodiceæ. Et cum perlecta fuerit apud vos Epistola, hæc facite, ut & in Leodicensium Ecclesia recitetur, & eam, quæ Laodicensium est, vos legatis.* Ex quibus D. Thomas Lect. 1. c. 4. dictæ Epistolæ deducit, S. Paulum scripsisse alias Epistolas, scilicet istam, de qua fit mentio hic, sc. Laodicensium, & unam aliam ad Corinthios præter primam & secundam. . . . Sed ratio est duplex, quare non sunt in Canone: quia non constabat de earum auctoritate, quia fortè erant depravata, & perierant in Ecclesiis; vel quia non continebant aliud, quam ista. Hac Epistola abutebatur Marcion, ut suos stabiliret errores, confundens tamen illam cum ea, quæ est ad Ephesios, ut refert Tertullianus lib. 5. contra Marcion. c. 17. & S. Epiphanius hæres. 42.

XXXIX. Ab omnibus tamen Epistola ad Laodicenses Sancto Paulo adscripta, ea saltem, quæ nota fuit, ut spuria reputatur; primò quia Ecclesia in Canone non reposuit, nisi 14. tantum Pauli Epistolas, inter quas nulla occurrit ad Laodicensēs; secundò quia Patres ea numquam usi sunt; tertio quia eam semper rejecerunt. Ita S. Epiphanius laudato loco arguit Marcionem, quod auctoritatem attulerit *ex ea ad Laodiceos, quæ nusquam apud Apostolum cernitur.* S. Hieronymus Catal. Script. Eccles. recensitis Pauli Epistolis: *Legunt, inquit, quidam & ad Laodicenses, sed ab omnibus exploditur.* Quare Epiphanius Diaconus in Nicæno 2. t. 5. act. 6. ait: *Etenim D. Apostoli ad Laodicensēs fertur ficta Epistola in quibusdā libris Apostoli jacere, quam Patres nostri reprobavere, ut alienam ab ipso.* Quod ideo dixit Epiphanius, quia Gregorius Episcopus pro Iconomachis adduxerat verba hæc: *Per memoriam habete Deum in cordibus vestris:* quæ ex Epistola ad Laodicensēs sumserat.

XL Ad locum ex Epistola Pauli ad Colossens. triplex adhibetur responsio; prima, illis verbis *Et eam, quæ Laodicensium est* non exprimi Epistolam, quam S. Paulus ad Laodicensēs dedit, sed eam, quæ ex Laodicea, sive à Leodicensibus scripta sit

ad S. Paulum. Ita hunc in locum Theodoretus: *Quidam*, inquit, *existimarunt*, ipsum (Paulum) etiam scripsisse ad Laodicensis. Itaque fictam illam Epistolam proferunt. Divinus autem Apostolus non dixerit eam, quæ est ad Laodicensis, sed ea, quæ est ex Laodicea) sive, ut Vulgata nostra, Laodicensium); Illi enim de aliquibus rebus ad eum scripserant. Verisimile autem est, eos vel ea accusasse, quæ Colossis facta fuerant, vel eodem cum his morbo laborasse. Et ideo dixit, banc quoque Epistolam eis esse legendam. Responsionem hanc admittit S. Chrysostomus homil. 12. in dictum Caput 4. ad Coloss. *Quidam* (inquit) dicunt, non eam intelligendum, quam ad eos Paulus, sed quam ipsi ad Paulum miserint, propterea quod non dixit, ut eam quam ad Laodicensis, sed quæ ex Laodicea scripta est. Ex quibus patet, in textu Græco haberi ex Laodicea. Quod autem Vulgata nostra legat *Laodicensium*, idem est; sicut idem est dicere *Epistola Joannis*, ac *Epistola à Joanne scripta*.

XLI. Secunda Responsio est, Epistolam quidem à Paulo ad Laodicensis scriptam, distinctam a quatuordecim vulgatis, sed hanc hodie desiderari, & in locum illius fictitiam illam successisse, quam hic rejicit Hieronymus: cui responsioni adhæsit D. Thomas supra laudatus. Tertia, Epistolam, quæ ad Laodicensis scripta putatur, esse ipsam priorem ad Timotheum, non ad Laodicensis, sed ex Laodicensi Ecclesia datam, ut ipsi putant, cum, ut vidimus, in Textu Græco legatur ex Laodicea. Prima responsio videtur communior.

§. VI.

Epistola Pauli ad Senecam, & Senecæ ad Paulum.

XLII. **F**erebantur olim (& nunc etiam leguntur) aliquot Pauli ad Senecam, & Senecæ ad Paulum Epistolæ. Has refert Sixtus noster Senensis lib. 2. Bibliotheca sanctæ in Paulo, dicens, se scriptum apud probatos fidei Auctores reperisse, quod Lucius Annæus Seneca Cordubensis, Stoicæ Sectæ Philosophus, Photini Stoici discipulus, patruus Lucani Poetæ, vir vitæ continentissimæ, scripsit Epistolas octo ad Paulum Apostolum sibi amicissimum; ante cujus martyrium biennio fere ipse quoque à Nerone crudelissimo discipulo suo occisus est. Huic cogitationi robur addere videtur S. Hieronymus, qui Senecam Catalogo Script. illustrium inferens ait: *Quem non prodigum in Catalogo Sanctorum, nisi illa Epistola provocaret, quæ leguntur*

leguntur à plurimis, Pauli ad Senecam, & Senecæ ad Paulum, in quibus cum esset Neronis Magister, & illius temporis potentissimus, optare se dicit, ejus esse loci apud suos, cujus sit Paulus apud Christianos. D. etiam Augustinus Ep. 53., nunc 153., ad Macedonium c. 5. Merito, ait Seneca, qui temporibus Apostolorum fuit, cujus etiam ad Paulum Apostolum leguntur Epistolæ: Omnes odit, qui malos odit. Propterea Justus Lipsius in vita Senecæ c. 10. putat, Epistolas, quæ hodie habentur, compositas esse à Semidocto in ludibrium nostrum; cum verò antiquissima sit traditio de litterario Senecæ cum Paulo commercio, rejicere hoc totum & calcarè non audet. In hanc sententiam it Natalis Alexandre Secul. 1. c. 12. art. 5., quam Ernestus Salomon Cyprianus (in notis ad Catalogum S. Hieron. in Seneca apud Fabritium in Biblioth. Ecclesiastica) ait, se non posse, quin probe, nam, Paulus ad Philipp. 4. 22. salvere jubet nomine Sanctorum è familia Neronis. Quis autem in Neronis aula magis addictus probitati vitæ, quam Seneca?

XLIII. His tamen non obstantibus, probabilius dico, nec Paulum unquam scripsisse ad Senecam, nec Senecam ad Paulum. Nam Epistolæ utriusque, quæ modò leguntur, certè alienæ sunt à stylo Pauli & Senecæ; nec juvat dicere, stylum immutasse, & ex industria falsasse, ne deprehenderentur. Nam Paulus ex vinculis alias Epistolas dedit, inter quas eam ad Philippenfes, unde sibi timere poterat; & tamen in iis emicat Paulina phrasis, imò non timet salutare eos, ad quos scribit, eorum nomine, qui sunt è familia Neronis. Dicere autem, eas, quas modo habemus, esse suppositas, veras autem ac genuinas jam periisse, quo fundamentò apud Veteres asseritur? Cum illæ Epistolæ, quas habemus, antiquissimæ sint, quis illas veris supposuit? Si ergo, quas habemus, Paulo & Seneca indignæ sunt; non sunt, nec unquam eorum fuerunt.

XLIV. Nec S. Hieronymus contrarium sentit, nam, ut advertit Erasmus in Scholiis, dum ait: *Quæ leguntur à plurimis*: tacitè indicat erudito lectori, quid sentiat; nempe eas Epistolas, licet ab aliquibus ut Pauli & Senecæ legantur, sibi tamen non esse certum, revera esse, & ideo non dicit *sunt*, sed *leguntur*; & sanè si essent, eas agnovisset Ecclesia, & in Canonem suum cum aliis redegisset. Eodem modo loquitur S. Augustinus, dum, enim ait *Cujus etiam ad Paulum leguntur Epistolæ* indicat, se loqui ex aliorum opinione, quæ tunc ferebatur, non ex sua: imò lib. 6. de Civitate Dei c. 11. apertè ait, Senecam Christianos commemorare ausum non fuisse in neutram partem, *Ne vel*

laudaret contra suæ patriæ veterem consuetudinem, vel reprehenderet contra propriam forsitan voluntatem. Addo, Augustinum eas genuinas non existimasse, evinci hoc argumento: *Si illorum essent, receptæ essent ab Ecclesia*: quo ipse utitur lib. 1. contra advers. legis, & prophet. c. 20. ut exhiberet tanquam apocrypha Evangelia, sub nominibus Andreæ & Joannis scripta. Nec potest evadi hæc instantia, dicendo, idè ab Ecclesia non fuisse receptas, quia agnovit, eas non continere dogmata fidei, aut morum, sed esse meros urbanitatis Apostolicæ fœtus. Nam quid ad fidem, aut mores pro Christianis universum continet plus Epistola Pauli ad Philemonem? Et tamen quia Ecclesia agnovit, eam esse Pauli, recepit in Canonem?

§. VII.

Liber Pastoris.

XLV. **L**iber iste apud Antiquos variæ fidei habitus fuit. Ab aliquibus enim citatur tanquam Scriptura Sacra, ut ab Irenæo lib. 4. advers. hæres. c. 4. 37. nunc 20. dicente: *Bene ergo pronuntiavit Scriptura, quæ dicit: Primo omnium crede, quoniam unus est Deus &c.*, quæ ex lib. 2. Pastoris mundato sumta sunt. Hoc eodem modo librum hunc, seu Canonicum, citavere plures alii Patres Græci, quorum testimonia collegit Cotelerius, librisque Pastoris à se editis præmisit. Aliis verò liber quidem Ecclesiasticus, & utilis visus est, ac optimæ notæ, non tamen Canonicus. Ita multis tum Latinis, tum Græcis Patribus. Alii ut apocryphum, & falsum rejecerunt, quibus præit Tertullianus, qui factus jam Montanista lib. de pudicitia c. 10. ait: *Cederem tibi, si Scriptura Pastoris, quæ sola mæchos amat, Divino instrumento meruisset incidi, si non ab omni Concilio Ecclesiarum, etiam vestrarum, inter apocrypha, & falsa judicaretur, adultera ipsa, & inde patrona Sociorum*. Ita loquitur de Ecclesia Romana Tertullianus jam Hæreticus, cui moderni Critici Heterodoxi consentiunt, librum hunc aliàs exagitantes tanquam Novatianorum, ac Pelagianorum fontem, ut Montanisticarum superstitionum gurgitem, fautorem Arrianorum fabulosum: & quod horribilius est, ut liberi arbitrii, solitudinis Monasticæ, necnon Purgatorii adstructorem: ut pseudographum, & supposititium ab eo, quem ex Patribus nonnulli laudarunt. Ita ex Alexandro Secul. 1. c. 12. art. 9.

XLVI. S. Hieronymus circa hunc librum visus est anceps, nc

ne dicam sibi contrarius, eum enim Catal. Script. Eccles. c. 10. in Herma maximè laudat dicens: *Herman . . . asserunt, Auctorem esse libri, qui appellatur Pastor, & apud quasdam Græciæ Ecclesias etiam publicè legitur. Revera utilis liber, multique de eo Scriptorum Veterum usurpavere testimonia, sed apud Latinos penè ignotus est* (nimirum sui temporis, cum, ut vidimus, notus fuerit saltem Tertulliano). Deinde illum revocat in dubium Ofææ ad cap. 7. ubi citato libro hoc dicit: *Vnde & in illo libro Pastoris, si cui tamen placet illius recipere lectionem, Herma primum videtur Ecclesia cano capite, deinde adolescentula, & sponsa crinibus adornata, lib. 1. Pastoris visione 1. Tandem illum rejicit tanquam stultum, Habacuc cap. 1. dicens: Ex quo liber ille apocryphus stultitiæ condemnandus est, in quo scriptum est, quemdam Angelum nomine Tyri præesse reptilibus: quod habetur lib. 1. Pastoris visione 4. Alexander dicit, Hieronymum in prologo Galeato, quem post commentaria in Habacuc edidit, ut apparet ex fine Prologi, ubi opera hæcenus à se edita recenset, se correxisse; attamen ego non arbitror, Hieronymum opus habuisse correctione, sed innuisse, quod jam jam dicturus ero, nimirum librum Pastoris in aliquibus sui partibus utilem, in quibusdam tamen condemnandum, ideoque aliquibus laudatum, aliis suspectum, aliis verò notum fuisse: quod expresserat Eusebius lib. 3. hist. cap. 3. dicens: *Sciendum est, eum librum à nonnullis quidem in dubium esse revocatum, quum obrem inter receptæ auctoritatis libros censeri non potest; ab alijs verò maxime auctoritatis judicatur, iis præsertim, qui primis religionis nostræ elementis instituendi sunt. Unde etiam in Ecclesijs eum publicè legi comperimus, & quosdam ex vetustissimis Scriptoribus ipsius testimonio usos fuisse.**

XLVII. Dico primò. Liber Pastoris olim dubius fuit, an esset divinus; id constat tum ex Eusebio, tum ex Hieronymo id asserentibus, tum quia ex Antiquis aliqui eo utebantur tanquam Scripturâ divinâ, aliqui perplexi erant, aliqui ipsum rejiciebant. Nondum enim Ecclesia judicium suum super illo protulerat.

XLVIII. Dico secundò. Liber Pastoris tandem declaratus fuit apocryphus. Constat, quia à quocumque Canone Scripturarum edito ab Ecclesia semper exulavit, ac explosus fuit, ut patet in Canone Concilii Laodicensi, & Carthaginensis tertii, D. Augustino lib. 2. de doctr. Christiana cap. 8. Innoc. I. Epist. 3. ad Exuperium, Gelasio in Concilio Romano 70. Episcoporum, qui apertè illum è Canone expunxit dicens: *Liber, qui appellatur Pastoris, apocryphus.* Concilia itidem Florentinum, ac Tridenti-

tinum dedignata sunt, illius vel facere in suo Canone mentionem.

XLIX. Dico tertiò. Liber Pastoris non ita censendus est apocryphus, ut noxiam contineat doctrinam. Probo primo ex Athanasio lib. de Incarnatione Verbi vocante librum Pastoris librum utilissimum: Eusebio lib. 3. cap. 3. citato dicente, librum Pastoris à multis pernecessarium iudicatum esse, *iis præsertim, qui primis fidei elementis imbuendi sunt*; in Ecclesiis publicè lectari solitum; eo plures Veteres usos: ex S. Hieronymo in Catalogo Script. Eccl. in Herma, ubi, ut vidimus, vocatur *revera utilis liber* &c.

L. Si dixeris primo, Tertullianum lib. de pudicitia cap. 10. citatum librum Pastoris fugillare, vocando eum Scripturam, *qua sola mæchos amat*.

Reponam, non esse audiendum Tertullianum factum jam Montanistam, ideo damnantem librum Pastoris, cujus auctoritate premabatur à Catholicis, ut mæchos ad pœnitentiam recipiendos esse, probarent; quia ipse erroneè existimabat, nullam esse in Ecclesia potestatem dimittendi talia crimina; sed audiendum esse Tertullianum adhuc Catholicum lib. de Orat. cap. 12. cujus cum ipse sibi auctoritatem objecisset, tantum abest, ut fugillet, quin potius reverenti expositione illustrat. Quis autem nescit, hunc Hæreticorum morem esse, libros ceteroquin pios, dum illorum errori non favent, fugillare; ac eorundem auctoritatem elevare? Sed hoc Tertulliani factum Libro Pastoris majorem conciliat fidem. Si enim tunc temporis Catholici contra Montanistas utebantur, signum est, apud illos obtinuisse auctoritatem.

LI. Si dixeris secundo, librum illum Novatianis favere, unam dumtaxat post baptismum pœnitentiam admittendo, quare in Bibliotheca Patrum tomo 5., ubi dictus Liber per extensum ponitur, identidem monetur Lector, ut cautè legat, quia Novatianum dogma sapere videtur.

Ego respondebo, similem suspensionem ingerere verba Pauli ad Hebræos 9. *Impossibile est eos, qui semel sunt illuminati... rursus renovari ad pœnitentiam*. Si ergo similis loquendi forma movere non debet Lectorem, ut suspicetur Paulum Novatiani erroris fautorem: ita nec in casu. Sed quænam in dicto libro sunt, quæ Novatianis faveant? Fortè ista: *Aliam pœnitentiam non esse; nisi illam cum in aquam descendimus*? Sed hic non de quacumque Pœnitentia sermo fit, sed de illa, quæ Baptismo præmittebatur, & cujus Baptismus sigillum erat, & complementum: hæc enim

una erat, sicut Baptismus unus est. Ita respondet S. Clemens Alexandr. aperiens sensum Libri Pastoris lib. 2. Stromatum, pag. 281. ceterum post Baptismum, admittit Pœnitentiam expurgantem: *Eum ergo, qui accepit remissionem peccatorum, non oportet amplius peccare, nempe in prima, & sola peccatorum Pœnitentia: ea autem fuerit eorum, quæ prius fuerunt in gentili, & prima vita: ea inquam, quæ fuit in ignorantia. Jam iis, qui vocati sunt, proponitur pœnitentia expurgans locum animæ à peccatis, ut fides fundetur . . . Dedit ergo (Deus) cum sit multa misericordia, iis etiam, qui fide in aliquod peccatum incidunt, secundam pœnitentiam, quam si quis tentatus fuerit post vocationem coactus, & callide circumventus, unam adhuc non pœnitendam acceperit pœnitentiam.* Ita Clemens. Hiccinne ergo est liber, qui Novatianis favet? Sanè si favisset, Montanistæ, qui in errore Novatianis faciem prætulere, illud latis ulnis suscepissent, non repudiassent, ut supra vidimus in Tertulliano.

LII. Dices adhuc, dictum librum favere Arrianis, qui ex eo testimonium petebant, unde Athanasius lib. de decretis Synodi Nicænæ dicit, eos ex libro, qui non esset in Canone, testimonium petiisse.

Verum si repudiandus est Liber Pastoris, quia ex eo testimonium petebant Arriani, repudianda erit etiam Scriptura Canonica, cum ex ea Arriani peterent testimonio, imo omnes Hæretici ex Scripturis male intellectis errores suos firmare conentur. Fatetur quidem Athanasius citatus, eum non esse in Canone, quod libenter asserimus & nos; sed fatetur etiam, esse librum utilissimum, & ex eo testimonium promit lib. de Incarnatione Verbi Dei num. 3. pag. 49. novæ editionis; & in Epistola festali inter libros, qui licet non sint in Canone, tamen decretum erat à Patribus, legendos esse ab iis, qui pietatis causâ, & addiscendi studio accessissent, Librum Pastoris recenset. Quin imo loco ab opponente relato licet asserat, illum non esse in Canone, non rejicit tamen, sed explicando illustrat. Signum ergo est, Athanasium eum non contemnere, cum potius in citata Epistola festali eum à libris apocryphis, & rejiciendis secernat.

LIII. Dices demum. D. Prosper lib. contra Collatorem cap. 30. notat Cassianum, quod Collat. 12. cap. 12. Pastoris libro sit usus, vocans nullius auctoritatis testimonium.

Respondeo cum Alexandro. Cum teste S. Hieronymo Liber Pastoris penè ignotus esset Latinis, non mirum, si S. Prosper inter Latinos vivens parvi opus ignoratum penderit. Non

ita

ita tamen loquebantur ii, quibus notus erat, ut vidimus.

LIV. Dico ultimo, auctorem Libri Pastoris fuisse Herman S. Pauli Discipulum, cujus ipse meminit in Epistola ad Rom. cap. ultimo vers. 14., quique obiisse dicitur anno Christi 80., atque idipsum annuere videtur auctor ipse in fine visionis secundæ, ubi de Clemente loquitur, & Grapta. Ita Eusebius lib. 3. hist. cap. 3.; S. Hieronymus Catalog. in Herma. Non est ergo auctor hujus libri Hermes frater Pii I., ut putant aliqui, inter quos Emmanuel à Schelestrate de Antiquit. Ecclesiæ disert. 3. c. 1. notans Hieronymum, quia aliter scribat, sed immerito. Si enim liber iste bene inspiciatur, apparebit, eum esse auctoris antiquissimi, & ævi Apostolici, cum eum tanquam Scripturam divinam alleget Irenæus lib. 4. adversus hæres. cap. 37.; nunc 20. ut supra vidimus. Hermes autem Pii I. frater vixit solum secundo seculo, 100. annis post Hermam, & consequenter fere coævus Irenæo. Addo, S. Hieronymum fateri, Librum Pastoris Latinis penè ignotum fuisse: si autem fratrem Romani Pontificis habuisset auctorem, non Latinis ignotus fuisset, sed Græcis potius. Hermeti isti tribuitur liber, quo continebatur mandatum Angeli visi in habitu Pastoris de Paschate die Dominica celebrando, cujus meminit Auctor libri Pontificalis Damasus adscripti; unde dictus fuit Pastor: hinc ortam crediderim æquivocationem etiam ex nominum similitudine, huic Hermeti posteriori tribuendi Librum Pastoris, quod revera ediderat Herma.

§. VIII.

Acta Pauli, & Theclæ.

LIV. **A**cta sub nomine Pauli, & Theclæ, referente Tertulliano lib. de Baptismo cap. 17.; auctorem habuere Presbyterum quendam Asianum Pauli studiosum, qui pio, sed mendaci zelo, finxit Actus quosdam Pauli & Theclæ, quos sub ementito Lucæ nomine, ut vult Hieronymus, vel Pauli, ut vult Tertullianus, evulgavit; cumque de falsitate in judicio convinceretur, ingenuè confessus est, id se amore Pauli inductum fecisse: In hoc libello fingebatur, concessum fuisse Theclæ à Paulo ministerium; & jus publicè docendi & baptizandi, qua supposita concessione facta Theclæ, mulieres Tertulliani tempore ministerium sibi usurpare audebatur, asserentes Theclæ exemplum, quas Tertullianus monet, dicens: *Quod si, quæ*
Pau-

Paulo perperam adscripta sunt, ad licentiam mulierum docendi, tingendique, defendunt, sciant in Asia Presbyterum, qui eam Scripturam construxit, quasi titulo Pauli de suo cumulans, convictum, atque confessum, id se amore Pauli fecisse, loco decessisse. Quam enim fidei proximum videretur, ut is docendi, & tingendi daret seminæ potestatem, qui ne discere quidem constanter mulieri permisit? Taceant, inquit, & domi maritos suos consulant 1. Cor. 14. Asianum hunc Presbyterum horum Actorum confidorem Grabijs, alii que putant, fuisse illum Joannem Presbyterum, qui cum Joanne Apostolo Asiæ regebat Ecclesias. Ex hoc Tertulliani testimonio colligunt Protestantes, mulieribus interdictum esse etiam in extrema necessitate baptizare. Sed ineptè id conjiciunt. Tertullianus mulieribus solum veritum esse dicit publicum, ac solemne baptizandi ministerium, quasi ex officio; ut mulieres sui temporis prætendebant concessum Theclæ à S. Paulo.

LVI. Acta ergo hæc apocrypha sanxit esse Gelasius in Concilio Romano, & ante ipsum talia agnoverat S. Hieronymus Catalog. Script. Eccles. in Luca, dicens: *Periodos Pauli, & Theclæ, & totam Leonis baptizati fabulam, inter apocryphas Scripturas computamus.* Quid autem intelligat S. Hieronymus nomine *Leonis baptizati*, non satis constat. Vel in actis, quæ ipse viderat, narrabatur fabula Leonis à D. Thecla baptizati, vel ab Actis, quæ posterioris ævi Patres viderunt, deletum erat, aliàs istud narraissent, sicut & alia in dictis Actis contenta. Imo nec ante Hieronymi tempora fabulam illam in Actis extitisse, argumento est silentium Tertulliani, qui certè ut fidem illis Actis detraheret, non siluisset Leonem à Thecla baptizatum, ut ostenderet quam ineptè jus baptizandi, & docendi in mulieribus collocaretur.

LVII. Nec tamen quis existimet, me dum apocrypha hæc Acta pronuncio, propterea inficiari ea, quæ de S. Thecla Patres asseruere, Gregorius Nyssenus Orat. 14. in Cantica, Epiphanius hæres. 78., Chrysostomus homil. 25. in Acta, & homil. 22. ad populum Antiochenum, Ambrosius lib. 2. de Virginibus. Vera ergo à spurcijs discernenda sunt. Verum est, S. Theclam vixisse S. Pauli temporibus, à S. Paulo conversam sponsum reliquisse, martyrium subiisse, & alia, quæ SS. Patres narrant. Apocrypha sunt & falsa, quæ ultra hæc circumferebantur, nimirum Theclæ prædicatione Tryphænam, & numerosissimam ejus familiam conversam fuisse ad fidem, & Baptismo ab eâ tinctam: Theclam jam à Paulo Christiana religione imbutam, jamque multis certaminibus pro fide susceptis claram, tonso-

capite, ac virili veste ipsum adiisse: pro Falconilla, quæ infidelis obierat, adeoque inferni poenis erat addicta, preces fuisse: Theclam ipsam mortuam non esse, sed vivam in terram ingressam esse, quæ Deo volente se illi aperuit eo in loco, quo sacra Liturgiæ mensa constructa est: & alia istius generis, quæ nugacis Scriptoris ingenium spirant.

Si dixeris, hæc omnia modò enarrata auctorem habere, S. Basilium Seleuciensem, qui duos libros conscripsit *de rebus gestis Sanctæ Apostolæ, ac Protomartyris Theclæ*, quæque ex Græco latine reddita Petrus Pantinus Decanus Bruxellensis Typis dedit.

LVIII. Respondeo primò, S. Basilium præfatum talia non confinxisse, neque Acta Theclæ in lucem revocata à Petro Pantino eadem esse, quæ Basilius conscripserat, nam hæc, teste Photio in Biblioth. Cod. 168. metricè exarata erant; ait enim Photius: *Ille verò Basilius est, qui primæ Martyris Theclæ præclare gesta & certamina, atque victorias Metris persequitur.* Ea verò Acta, quæ Pantinus prodidit, soluta oratione non metro conscripta sunt. Quare videntur potius quam Basillii, esse Acta illa antiquissima, quæ Tertullianus, Hieronymus, Gelasius censurâ notarunt, cum ea, quæ Patres isti in eis reprehenderunt supra relata, in hisce Actis Pantinianis adamussim legantur. Respondeo secundò, quod si Acta, quæ Pantinus sub nomine Basillii prodidit, verè Basillii sint, non proinde genuina esse pronuntianda sunt: quia ea fortè conscripsit, ut suo tempore circumferebantur, non benè perpensa, ac probata Codicum, ex quibus ea extraxerat, veritate.

§. IX.

De variis Liturgiis.

LIX. **L**iturgia græcè idem est, ac *publicum ministerium* latine, à verbo *Liturgeo*, quod Latinis idem est ac *ministro*, seu publicum obo ministerium. Usu tamen communi apud Ecclesiasticos tum Latinos, tum Græcos usurpatur pro ministro apud ipsos præcipuo, nimirum Missæ, seu Sacrificii ministro, & in hoc sensu à nobis hic usurpatur, unde querendo de variis Liturgiis antiquis, idem erit ac querere de variis Missis. Hæ autem sunt Liturgia seu Missæ S. Petri, S. Jacobi, Sancti Matthæi, & S. Marci: de quibus an sint genuinæ, vel apocryphæ, apud Eruditos est questio.

LX. Et

LX. Et quidem primò certum est, ut ait Cardinalis Bona rerum Liturgic. lib.1. cap. 8., Ecclesias ab Apostolis institutas formam aliquam, & ritum offerendi Sacrificium ab iisdem accepisse. Hoc videre est apud Justinum M. apolog.2. pro Christianis pag.97. & 98. describentem ritum, qui in Liturgia sui temporis servabatur, qui certè non aliunde quàm ab Apostolis potuit proficisci. Id etiam observat P. Massuet apud Irenæum lib.1. contra hæreses cap.3., dum verba illa Irenæi dicentis, Valentinianos hæreticos credidisse, Catholicos, dum *in gratiarum actionibus* dicunt *In secula seculorum*, significare voluisse suos Æonas, exponit non de quacumque gratiarum actione, sed de Eucharistica, seu quæ in solemnibus mysteriorum celebratione fiebat, in qua secundum veterum Liturgiarum præscripta sæpius repetabatur *Is tres Æonas tou Æonum, i. in secula seculorum*, ut in ea, quæ Jacobo, quæ Basilio, quæ Chrysostomo tribuitur, videre est. Quod inficiari nescit Grabius ipse, etsi heterodoxus, nam, ut refert P. Massuet ibi, apertè fatetur, omnes illos Ritus ab Apostolis derivasse, dicens: *Illos, qui in omnibus istis Liturgiis (Apostolicis) exprimuntur, quique jam olim ubique inter sacra mysteria usitati fuere, Ritus ex Apostolica Traditione fluxisse;* & Grotius Voto pro pace Eccles. p.670. tit. de Missa: *Consensus, inquit, Liturgiarum per omnia loca, ac tempora, in precibus illis, ut Deus dona per Spiritum suum sanctificet, eaque faciat Corpus, & Sanguinem Christi, me dubitare, non sinit, venire hoc à prima Apostolorum institutione.* Constat ergo, ab Apostolis aliquas editas fuisse Liturgias. Dubium est, an illæ, quæ modo sub eorum nomine proferuntur, sint veræ, ac genuinæ illorum, & non potius suppositæ.

LXI. Dico ergo primò. Quæ S. Petri Liturgia, seu Missa modò ostenditur, ipsi afficta est. Ita omnes Eruditi. Primo quia, ut notat Cardinalis Bona laudato loco, hæc, quæ S. Petri nomen præfert, labente 16. sæculo reperta fuit à Cardinali Sirleto in Apulia, & à Lindano publici juris facta. Quod autem eadem sit, quam S. Petrus Romanæ Ecclesiæ tradidit, quomodo probatur? Quomodo Ecclesia Romana, quæ Petri sacra lipsana inter persecutionum procellas custodivit, hanc egregiam sacrificandi formulam adeo neglexit, ut per 1500. annos nullum ejus vestigium apparuerit apud orthodoxos Scriptores? In Apulia servata fuit, ait Lindanus cap.9. Apologiæ, *Pulcherrima Calligraphia descripta, ut impressam non pauci spectatores judicant.* At hoc indicat, recentiori manu fuisse conscriptam; imò à recentiori Auctore compositam, supposito S. Petri nomine, cum

nulla fiat mentio antiqui Codicis, ex quo descripta sit. Accedit, in illa esse quasdam orationes ex libro Sacramentorum Gregorii, videturque confarcinata ex Missa latina, & Liturgiis Jacobi, Basilii, & Chrysostomi. In ea occurrit nomen *Theotocon*, seu *Deipara*, quod nomen si Apostoli scriptis suis tradidissent, Ephesini Patres, & maximè Cœlestinus tunc Romanus Pontifex, tam luculento Principis Apostolorum testimonio ex suâ Ecclesiæ Liturgia deprompto, Nestorianos prostrassent. Secundò in ea celebratur memoria Cornelii, Cypriani, Laurentii, Grisogoni, & aliorum, qui longo tempore post Petrum vixere, quæ omnia manifestè evincunt, non fuisse à D. Petro editam, sed à recentioris ævi Scriptore concinnatam, ei Petri præfixo nomine.

LXII. Circumfertur secundò Liturgia S. Jacobi, quæ legitur tom. 2. Biblioth. PP. Græcolat. Hanc Jacobo adjudicant inter ceteros Leo Allatius in Symmiectis pag. 176., & Cardinalis Bona laudato loco num. 3. Jacobo autem eripiunt Critici, non solum Heterodoxi, sed ex Catholicis multi, inter quos Alexandre secul. 1. cap. 12. ar. 3. num. 2. Qui eam ut Jacobi sortum recipiunt, allegant perpetuam Traditionem Veterum & Græcæ Ecclesiæ consensum, quæ illam semper ut legitimam agnovit. Græcis jungunt Syros, qui, teste Abrahamo Eccheleni in notis ad Hebediesu de Scriptor. Chaldaicis pag. 135. asserunt, primum omnium, qui Liturgias scripserit, aliisque eas scribendi facem prætulit, fuisse S. Jacobum, quod confirmat Abraham testimonio Joannis Maconis, qui intra sextum, ac septimum vivebat seculum. His adjungunt vetustissima exemplaria, à vetustissimis Codicibus exarata, & ex ea sumtas à Veteribus Patribus auctoritates ad Catholicæ fidei dogmata comprobanda apud Allatium laudatum. Synodus Trullana Canone 32. ex Liturgia S. Jacobi probat, vinum aquâ mixtum in Sacrificio Missæ esse offerendum, ut refellat eorum errorem, qui solam aquam offerebant. Manuel Malaxus in Homocanone cap. 220. eam in usu fuisse, asserit, usque ad tempora Basilii magni, ejusque meminit Proclus in tractatu de *Traditione divinæ Liturgiæ*, & Cyrillus Hierosolymitanus multa ex ea transtulit in quintam Catechesim Mystagogicam. Ita ex Cardinali Bona laudato.

LXIII. Qui verò eam rejiciunt, id evincere conantur ex vocibus in ea contentis, indicantibus Auctorem ævi longè posterioris Jacobo Apostolo. In ea enim reperitur vox *Deipara* quæ ante Concilium Ephesinum fuit valde infrequens: vox *Homousion* seu consubstantialis, quæ ante Nicænum primum non erat usu solemniter consecrata. Item verba indicantia Spiritum Sanctum

aut vivificantem, & consubstantialem Patri, quæ in Concilio Constantinopolitano primo videntur nata. Demum in ea legi *Trisagion* & *Doxologiam*, seu Ter Sanctum, & Gloriæ Canticum, quod recentioris ævi ab Apostolico est; nimirum, quinti seculi anno 446. cujus originem Felix III. creatus anno 483. epist. 5. 3. ad Petrum data ex Romana Synodo sic refert: *Cum terra motu Constantinopolis quateretur, Populusque in Campo oraret, infantulus toto populo spectante cum Proclo civitatis Episcopo, in celum per unam horam raptus est, ibique hujusmodi didicit Hymnum* (Sanctus Deus, Sanctus Fortis, Sanctus Immortalis) *rursusque descendens nuntiavit quæ in aethere audierat, dicens de celo, quasi de multitudine psallentium, hujusmodi laudes insonuisse auribus suis, dictumque sibi ut eam laudationem Populo indicaret. Quam ubi Populi inceperant, Civitatem receperunt, Deoque per hujusmodi laudem propitio facto, ab imminente ira liberati sunt.* Hæc Felix, subinde increpans Petrum Cnaphæum Episcopum Antiochenum, quod huic hymno addens hæc verba *Qui crucifixus est pro nobis, Angelorum laudem pervertere præsumisset.* Et certè hujus hymni mentionem factam non lego, nisi in Concilio Chalcedonensi A.D. 451. ubi in fine *Sanctus Deus, Sanctus Fortis, Sanctus Immortalis miserere nobis:* quod recidit in annum 451.

XLIV. Nititur tamen his satisfacere doctissimus Cardinalis. Vocem *Theotocon*, seu *Deiparam*, usurpatam ante Concilium Ephesinum, probat testimonio Evagrii, qui lib. 1. hist. cap. 2. Nestorium reprehendit, quod vocem *Deipara*, quæ à multis probatissimis Patribus Sancti Spiritus afflatu fabricata fuerat, rejecit ac repudiavit: cui consentit Theodoretus lib. 4. hæretic. fab. cap. 12. dicens, antiquissimos fidei Orthodoxæ Prædicatores juxta Traditionem Apostolicam Matrem Domini nominasse *Deiparam* ac credidisse. Vocem pariter *Homousion* Nicæno Concilio antiquiorem ostendit Athanasius lib. de decretis Conc. Nicæni, ubi Auctores profert qui nomine Homousii ante Concilium usi sunt. Theodoretus item lib. 1. Hist. Eccles. cap. 12. ait *Nonnullos ex Veteribus insignes Episcopos ac disertos Scriptores hoc vocabulo Consubstantialis usos esse, cognovimus* & cap. 13. idem repetens addit, hoc Eusebium, licet Arrianorum Coryphæum, apertè testari: quod dixerat etiam Socrates lib. 1. hist. cap. 5. *Trisagion* etiam Isaia cap. 6. legitur, & glorificatio Trinitatis ab Apostolis manavit, qui cum credentes baptizarent in nomine Patris & Filii & Spiritus Sancti, eos docuerunt, Patri & Filio & Spiritui Sancto solemnem *Doxologiam* decantare. Ita Cardinalis præfatus.

XLV. Si tamen meam hanc in re sententiam aperire debeo,

ra-

rationibus eximii Cardinalis acquiescere non possum. Dato enim, quod verum est, voces illas *Homousion*, & *Theocon* à Patribus usurpatas fuisse ante Arrii, & Nestorii condemnationem, & hæresim; eas tamen Ecclesia nondum solemniter adoptaverat, ut eas Canonii insertas, aut in Missa publicè recitaret; non enim tot contentiones ac dissidia fuissent ob voces, quas maxime Græci in Liturgia apud ipsos celebratissima consecratas inspexissent. Imo quid fortius Catholici Arrianis, & Nestorianis objicere potuissent, quàm auctoritatem Liturgiæ editæ à Jacobo Apostolo, expressè asserentis dogmata, & iisdem vocibus, quæ ab Hæreticis negabantur? Cùm ergo nec Alexander nec Athanasius nec ullus ex Patribus, qui contra Arrianos disputarunt, aut scripserunt: Cùm nec Cyrillus, nec Proclus ipse, qui in Ephesino Concilio Nestorium confixere, hanc Jacobi Liturgiam, vel protulerint, aut indicarint, maximum argumentum est, hanc Liturgiam illis fuisse ignotam. Quoad Trisagium autem legitur quidem in Esaia cap. 6., sed verba illa *Sanctus Deus Sanctus Fortis Sanctus Immortalis* recentiore uacta esse originem supra ostendi. Quibus seriò perpensis, non possum, quin eam Liturgiam non esse revera Jacobi saltem suspicer. Ni fortè dixerim cùm Bellarmino de Script. Eccles. in Jacobo, editam quidem fuisse Liturgiam à Jacobo: *Sed à posterioribus ita locupletatam fuisse*, ut non facile sit dijudicare, quæ pars hujus Liturgiæ Sanctum Jacobum habeat auctorem.

LXVI. Sequitur Liturgia dicta Sancti Marci. Hanc perperam sub S. Evangelistæ nomine fuisse obtrusam omnes consentiunt. Eadem autem ferè rationes sunt; nam in ea & *Homousion*, & *Trisagion* legimus, & insuper verba hæc ex Concilio Constantinopolitano ferè exscripta *Spiritum Sanctum Dominum vivificantem, qui in Legge & Prophetis, & Apostolis locutus est, Tibi consubstantialis, & ex Te procedens*. Secundò quia in ea fit mentio Sancti Marci Martyris, & Evangelistæ. Tertiò quia vocat Pontificem *Beatissimum Papam*, & *Episcopum Reverendissimum*, qui tituli ævo Apostolico ignoti erant. Quartò quia in hac Liturgia, quæ supponitur edita Alexandriæ, pro Rege funditur oratio: at Alexandriæ vivente S. Marco nullum Regem fuisse certum est, cùm tota Ægyptus ab Augusto post devictum Antonium subacta, ac Imperio Romano vectigalis effecta, per Præsides regeretur. Quintò quia illi nec suffragatur Traditio, aut PP. testimonium, cùm apud Veteres de illa altissimum silentium sit, imo *Sirleti manu obstricta primum educta sit* (ait Cardinalis Bona laudatus num. 2.) *in lucem ex vetusto Codice Monasterii Rossanensis in* Ca-

Calabria Ordinis S. Basilii. Quare nec fundamentum apparet suspicandi, eam fuisse quidem à Marco editam, sed à Recentioribus auctam, ut de Liturgia Jacobi inuimus cum Bellarmino.

LXVII. Liturgia S. Matthæo adscripta, dicta Missa Æthiopum, certo certius apocrypha est. Non solum enim, ut præcedentes, continet ea, quæ Apostolorum tempori repugnant, nimirum memoriam Pontificum, Regum, Patriarcharum, Archiepiscoporum, Episcoporum, in Christo dormientium; cum tempore S. Matthæi nullus Pontificum, aut Regum Christianorum obisset; memoriam Evangelistarum, quorum unus Matthæus ipse est; mentionem Synodorum Nicænæ, Constantino-politanæ, & Ephesinæ, quæ tempore Matthæi nondum erant coactæ; Athanasii, Gregorii, Basilii, Chrysostomi tribus seculis Apostolis posteriorum, aliaque ejusmodi: verum etiam pluribus scatur erroribus. Primo de Christo dicit: *Tu es Filius Patris, & Spiritus Sancti*. Secundò nonaginta novem Ordines invocatur Angelorum, cum novem dumtaxat Ecclesia agnoscat. Tertiò dum Apostolos Patronos adsciscit, omittit Jacobum Episcopum Hierosolymitanum, & S. Paulum. Quartò Anathema dicit eis, *qui non credunt in Sanctam Mariam Virginem*, cum solus Deus sit objectum fidei nostræ. S. Urielis, ignoti in Ecclesia Angeli, nomen celebrat, aliaque aperte indicantia, eam nec S. Matthæi opus, nec probi Scriptoris Ecclesiastici, nec admodum antiquam esse.

LXVIII. Duas apud Orientales extare Liturgias duodecim Apostolorum nomine inscriptas, scribit Cardinalis Bona præcitatus ex Abrahamo Bechellensi in Notis. Liturgiæ quoque sancti Barnabæ meminit Alexander Monachus in vita ejus apud Metaphrasten, hæc autem creditur perisse. Illas se non vidisse asserit dictus Cardinalis. Recepsetur etiam Liturgia sancti Clementis, quam ipse in lib. Constit. asserit ab Apostolis se accepisse; de qua testimonium perhibet Proclus initio tract. de Traditione Missæ: cui adhæret Baronius anno 102. n. 23., addens Proclo assensisse quorquor Græcorum de Sacris Ritibus Commentarios scripsere; Bellarminus autem lib. de Script. Eccles. eam legitimam esse putat, licet à posterioribus auctam. Verum RR. Critici eam omni fide spoliant, dum pluribus validisque momentis ostendunt, Clementem non esse Constitutionum Apostolicarum auctorem, ut inter cæteros fuisse demonstrat Alexander seculi. 1. disert. 19. proposit. 1., probans eas esse ab Apostolorum, & Ecclesiæ doctrina alienas, ideoque spurium fectum Clementi suppositum; sed de hoc nobis in præsentem non est disputandum.

LXIX. Affertur etiam Liturgia, quam S. Dionysius Areopagita c. 3. Ecclesiast. Hierarch. magnifico stylo ut Apostolicam describit. Sed hanc vel ipse Bona dubiam relinquit; Recentiores autem ut suppositam explodunt volentes libros de Ecclesiastica Hierarch. auctorem non habere Dionysium Areopagitam Athenarum Episcopum, & S. Pauli discipulum, licet Alexandre eos Dionysio vendicet secul. 1. disert. 22. Hanc controversiam definire præsentis loci non est.

LXX. Omnes præfatas Liturgias suppositas ostendit S. Basilii lib. de Spiritu Sancto c. 27. referens preces, quæ in Eucharistiæ consecratione recitantur, ad Traditionem non scriptam. *Invocationis verba, inquit, cum conficitur Panis Eucharistiæ & Poculum benedictionis, quis Sanctorum nobis in scripto reliquit? Nec enim his contenti sumus, quæ commemorat Apostolus, aut Evangelium; verum alia quoque & ante & post dicimus, tamquam multum habentia momenti ad mysterium, quæ ex Traditione citra scriptum accepimus.* Nullum autem esset Basilii argumentum pro Traditione non scripta, si aliquis Apostolorum Liturgiam scripsisset, vel alteri scribenti dictasset. Accedit quod omnes supracitatae Liturgiæ multum recedunt ab ea brevitate, ac simplicitate, qua teste Justino Apolog. 2. pro Christianis primævi fideles sua mysteria celebrabant: qui insuper scribit, Christianos die Solis, i. Dominico ad Liturgiæ celebrationem convenire solitos; quod innuit & Plinius Ep. 97. Liturgiæ verò quæ nomina Apostolorum præferunt, & præsertim ea, quæ Jacobi est, asserit, id fieri singulis diebus in sacra Missa. Cum ergo discrepent à ritu & consuetudine ævi Apostolici, quomodo Apostolorum genuini factus censendæ erunt?

§. X.

De libris Prochori, Lini, & Abdiæ Babylonii.

LXXI. **P**rochoro uni ex septem Diaconis, de quo Act. 6. v. 5. & ut fertur, S. Joannis Evangelistæ discipulo, ejusque Amanuensi, tribuitur Historia de vita, miraculis, & assumptione S. Joannis, quæ legitur Tomo 7. Biblioth. PP. Parisiensis edit. Hanc tamen, monet censura Magistri Sacri Palatii ibidem juncta, *Falsè adscriptam S. Prochoro Diacono de septem primis, & esse apocrypham, fabulosam, prorsusque indignam, quæ legatur.* Et quidem nonne indignum Apostolo est, in Christi amore adeo constanti, eum ægrè tulisse sortem, quæ ipsi obtigerat de Asia Evan-

Evangelio imbuenda, ac propterea increpitum a D. Petro fuisse, subindeque cum mare conscendisset tempestate jactatum, ut scribit Pseudo-Prochorus c. 1. ? Nonne evidenter etiam falsum est, quod scribit c. 46., Joannem in Pathmo insula edidisse Evangelium suum, cum Eusebius lib. 3. hist. c. 24. & Hieronymus de Script. Eccles. in Joanne tradant, à Joanne jam ab exilio reducere amicorum Asiæ suasu, & subextremum vitæ suæ, fuisse conscriptum ? Nonne æquè incredibile est ac falsum, quod scribit c. 11., Fideles Joanni, postquam è dolio ferventis olei illæsus exivit, Ecclesiam erexisse, ejusque nomine consecrasse ad Portam Latinam ? Scilicet id passus esset Dæmitianus ? id tulisset Senatus, Populusque Romanus ? Id Sacerdotes Ethnici permisissent ? Id non prohibuisset Joannis humilitas ? Quis credat id quod narrat c. 2., Joannem & Prochorum ipsum Romæ à Balneatrice conductos, operas ei suas locasse, & Joannem quidem fuisse incensorem fornacis, Prochorum verò aquæ infusorem ? Apagæ nugas. Hæc ex Alexandro secul. 1. c. 12. ar. 7. n. 1.

LXXII. De Lino S. Petri in Pontificatu successore Romano anno Christi 65. (cujus nomine S. Paulus salutatur Timotheum in posteriore ad ipsum Epistola, ut observat Eusebius lib. 3. hist. c. 2. & 4.) circumferuntur Tomo 7. Biblioth. Paris. duo libri nomen ejus proferentes; primus quorum inscribitur: *Historia Passionis S. Petri*, alter: *Historia Passionis S. Pauli* cum hæc sententia: *Ambo sunt Pseudepigraphi, multos errores continent, nec ullius censentur auctoritatis, ut jam Eruditorum consensu nimis exploratum habetur.* Duo inter alia contra totius antiquitatis fidem exhibent. Primum, S. Petrum ab Agrippa Urbis Præfecto invito Nerone interfectum, & ob id fictitium illum Præfectum in ordinem redactum esse. Alterum, Petrum Xandippem Albini uxorem à viri sui consortio & thoro contra præceptum legis Evangelicæ abstraxisse. Hæc & alia non minus absurda narrat Pseudo-Limes meritò eliminandus, quem, quoniam fuerit, ignoramus. Baronius auctorem Manichæismo infectum censet (& forte nomine Leucium) ad ann. 44. 45. & 69. 6.

LXXIII. Abdias (ut aliquibus placet) Apostolorum discipulus, ab iisque primus Babyloniorum Episcopus ordinatus, fertur scripsisse vitas Apostolorum, Hebraico quidem idiomate, quas Eutropius Abdiæ discipulus Græcas fecerit, Julius tandem Africanus latinitate donaverit. Has Wolphangus Lazius anno 1551. edidit, sed adeo putidæ sunt ac fabulosæ, ut vix lectu dignæ sint. Fabulosum primò est, eas à Julio Africano latinitate donatas, cum Julius Africanus græcè scripserit, non latine.

Fabulosum quod narrat, suo ævo Ecclesias 75. in una Provincia extructas; cum nec Apostolico tempore, nec postævientibus Ethnicis Imperatoribus publicas Christiani Ecclesias extruxerint, sed privatis in ædibus, ac subterraneis quibusdam locis Sacra facerent. Fabulosum, imo & sibi contrarium est, quod ex una parte citat Clementem, Hegesippum, & Julium Africanum, & nihilominus se Christum vidisse in carne gloriatur. De isto Abdia Eusebius non loquitur. Apud S. Hieronymum in Catalogo nec verbum. Quare meritò dubium, an fuerit aliquando: & si fuit iste Abdias, certum, nihil scripsisse, & hanc historiam ipsi tributam alterius esse. Idcirco cum libri decem de historia certaminis Apostolici sub Abdia Babylonii nomine ex Germania auctore fortè Wolphango Lazio prodissent, Paulus IV. Pontif. Maximus explosit eos, ut testatur Sixtus Senensis Biblioth. Sanctæ lib. 2. Verbo *Apostolorum*.

§. XI.

Canones dicti Apostolici.

LXXIV. **C**Anones Apostolici, vel Apostolorum nuncupati, qui inter opera S. Clementi attributa obtinent locum, & sunt numero 85. jurgia inter Eruditos excitarunt. Quidam enim illos omnes rejiciunt cum Gelasio, qui in Romana Synodo 72. Episcoporum pronunciavit illimitatè: *Liber Canonum Apostolorum apocryphus* anno 494. & refertur etiam c. *Sancta Romana* dist. 15. in Decreto Gratiani. Alii verò omnes ut germanum ac genuinum Apostolorum foetum suscipiunt. Quæ opinio videtur viguisse in Oriente à seculo 6., cujus testis est Justinianus Augustus in Constitutione ad Epiphanium Patriarcham Constantinopol., Synodus Trullana can. 2. septimo exeunte seculo coacta, sic decernens: *Hoc quoque huic Sanctæ Synodo pulcherrimè & honestissimè placuit, ut deinceps ad animarum medelam, & perturbationem curationum, firmi stabilesque maneant, qui ab iis, qui nos præcesserunt, Sanctis & gloriosis Apostolis traditi sunt octoginta quinque Canones*. Nonnulli autem media via incedentes recipiunt in legitimos 50. priores Canones, reliquos autem 35. tanquam spurios rejiciunt, & ut hæreticis faventes. Ita Bellarminus lib. de Script. Ecclesiasticis in *Clemente*. Binius autem adhuc liberalior 50. priorum Canonum auctoritatem certam ac indubitatam esse vult, aliorum verum 35. (demonstratamen 65. & 84.) inter authenticos haberi posse scribit, imò & de-

debere, Tom. 1. Concil. Notis in Canon. Apostolorum. Circa hos Canones discordes etiam inter se reperio Heterodoxos. Nam Dallæus lib. 3. de Pseudepigraphis Apostolicis omnes ad unum spurios declarat. Beveregius autem ex eodem grege omnes adversus Dallæum vindicat, ut refert Cavius historiæ litterariæ sæcul. 1. in *Clemente*, qui putat, Canones istos ex communi Ecclesiæ primitivæ disciplina institutis decretis ortos, & circa finem sæculi secundi in unum Synodicon redactos, Apostolicosque dictos fuisse, non quòd ab Apostolis conditi sint, sed quòd ab Apostolica doctrina & praxi profluere, vel à viris Apostolicis editi essent. An verò illorum collector fuerit Clemens Alexand. ut videntur innuere Eusebius lib. 6. hist. c. 13., & ex eo Hieronymus de Script. Eccles. c. 38. in *Clemente*, & Photius Codice 111., an verò alius, in medio relinquit.

LXXV. Ego tamen horum Canonum Collectorem Clemente Alexandrino posteriorem existimo, primo quia Canones, seu Regulæ, quas conscripsit Clemens, non dicuntur ab Eusebio, vel Hieronymo Apostolorum, vel Apostolicæ, sed Ecclesiasticæ; & insuper scriptæ *adversus eos, qui errores Judæorum sequuntur*. Errorum autem Judæorum nullam lego mentionem factam in Canonibus Apostolorum nuncupatis. Secundo si Canonum illorum collectio facta fuisset a Clemente Alexandrino certè nota fuisset Cypriano: & saltem Firmiliano, aliisque Episcopis tum Africanis, tum Orientalibus, cum Stephano Papa de Baptismate ab hæreticis collato acerrimè decertantibus. Ignotos autem eis fuisse dictos Canones ostendo, quia cùm in Canone 46. statuatur, *Episcopum, aut Presbyterum Hæreticorum suscipientem baptisma damnari, præcipimus*. Quæ enim conventio Christi ad Belial? aut quæ pars fidelis cum infideli? Et Canone 47. sic decernatur: *Episcopus, aut Presbyter, si eum, qui secundum veritatem habuerit baptismum, denuò baptizaverit: aut pollutum ab impiis non baptizaverit, deponatur, tanquam deridens Graciam & mortem Domini, nec Sacerdotes à falsis Sacerdotibus discernens*. Si præfati duo Canones noti fuissent Firmiliano, Cypriano, eorumque fautoribus, eos certè contra Stephanum intorsissent. Cùm enim Stephanus illis aliud non opponeret, nisi antiquam praxim, & consuetudinem non rebaptizandi baptizatos ab hæreticis; quodnam amabo fortius telum in ipsum jacere potuissent, quàm dictos duos Canones, opponendo Apostolicam disciplinam, & praxim exhibentes, quibus apertè vetatur suscipi baptismum hæreticorum ac impiorum, infligis pœnis contra secus facientes? Cùm ergo nec Firmilianus, nec Cyprianus, nec alii illis adhæ-

rentes, dictorum duorum Canonum verbum fecerint, sed unicè argumentis ex Scriptura petitis Stephano sese opponerent, quid clarius adduci potest ad probandum, dictos Canones ipsis ignotos fuisse, ac proinde nondum lucem adspexisse? Hæc mihi sunt argumento, hosce Canones nec tertio seculo notos fuisse.

LXXVI. Imò nec quarto, nec quinto seculo ab iis, quibus noti erant, ut Apostolicos habitos fuisse, mihi suadeo. Primò ex silentio Patrum dictorum seculorum, qui dictorum Canonum auctoritatem nunquam produxere, quod cæteroquin fecissent, si eos ut monumenta legitima Apostolorum habuissent. Secundò probo hoc ratiocinio. Si iis seculis noti fuissent, vel ut Apostolici habiti, Canones dicti Apostolorum, Ecclesia Orientalis illos in suo Codice habuisset, & quidem primo loco; utpote anteponendos aliis quibuscumque Canonibus, ab Episcopis aut Conciliis postea editis; Sed Ecclesia Orientalis dictorum seculorum in suo Codice illos non habuit, quod ostendo. In veteri enim Orientalis Ecclesiæ Codice, cujus Canones recitati sunt ann. 451. in Concilio Chalcedonensi, primo ordine descripti erant Canones Nicæni, secundo Ancyran, tertio Neocæsarienses, quarto Gangrenses, ultimo Antiocheni, ut observavit Hincmarus Episcopus Remensis Opusculo 55. capitulum c. 21. & fusè expendit Natalis Alexandre secul. 1. disert. 18. proposit. 1. Tertiò quia defuncto seculo quinto anno 494. cum eorum notitia ad Gelasium pervenisset, eos inter apocrypha rejecit, ut vidimus, idest inter ea, quæ in judiciis non obtinent auctoritatem, & Apostolorum nomen falsò præferunt, ut exponit Petrus de Marca Conc. Sac. & Imper. lib. 3. c. 2. num. 7.

LXXVII. Initio tamen sexti seculi quinquaginta priores Apostolorum dicti Canones in Ecclesiæ latinæ Codicem relati sunt. Dionysius enim Exiguus in Collectione Canonum, quam rogatu Stephani Salonitani Episcopi (ex Cassiodoro Divin. lection. c. 23.) adornavit eodem sexto seculo ineunte circa annum 539., Canones Apostolorum nuncupatos primus, ut credo, ex Græcis Latinos fecit, suæque Collectioni præmisit, protestatus tamen, non ejusdem esse apud omnes auctoritatis. Ita in præfat. in suam Collectionem: *In principio itaque Canones, qui dicuntur Apostolorum de Græco translulimus; quibus quia plurimi consensum non præbuere, hoc ipsum ignorare vestram nolumus sanctitatem: quamvis postea quadam constituta Pontificam ex ipsis Canonibus assumpta esse videantur.* Quinquaginta tamen solum Canones Apostolicos (ex octoginta quinque, qui apud Orientales erant) Latinis communicavit Dionysius. Quod ab eo consultò factum pu-
tat

tat D. de Marca loco laudato. Ut nimirum aliquam rationem haberet Concilii Romani sub Gelasio nuper celebrati, quod dictos Canones apocryphos declaravit, solos 50. recensuit, ut supra 35. reliquos damnatio Concilii cadere posset. Ut ut sit, nec tunc temporis, ut Dionysius ipse testatur, apud omnes indubiæ fidei erant, etiam illi 50. quos ipse transtulit; quod signum est, nec tum fuisse exploratum, foetum illos esse Apostolicum.

LXXVIII. Nec tamen adhuc post Dionysii collectionem inter Ecclesiasticas regulas ab omnibus Ecclesiis Canones Apostolici statim admissi sunt. Id innuit Dionysius ipse verbis supra relatis: id etiam testatur titulus Cresconianæ Collectioni præfixus teste Baronio ad ann. 102. num. 10. Ferrandus itidem Carthaginensis Ecclesiæ Diaconus in suo Breviario Canonum, quod circa initia ejusdem sexti seculi concinnavit, nullum locum Apostolicis Canonibus dedit: sicut nec Martinus Bracharensis in sua Orientalium Canonum Collectione ann. 572. & quod luculenter confirmat Hincmarus lib. 55. capitum c. 45., ubi monens de Canonum Ecclesiasticorum Codice Hincmarum nepotem Laudunensem Episcopum, enumerationem Canonum inchoat à Canonibus Concilii Nicæni; quod si verum est, seculo Hincmari, hoc est anno 870., à Canonum Codice, quo Ecclesia Gallicana utebatur, Canones Apostolicos adhuc exulasse. Quin & Collectio sub falso Isidori nomine eodem seculo 9. edita in præfatione nec dissimulare potuit, quinquaginta Capitula horum Canonum ab omnibus non probari, dicens: *Denique propter eorum auctoritatem ceteris Conciliis præposuimus Canonet, qui dicuntur Apostolorum, licet a quibusdam apocryphi dicantur &c.* Videndus D. de Marca in sua Concordia lib. 3. c. 4.

LXXIX. Attamen & ante & post Isidori Collectionem ab Ecclesia Romana Canones Apostolorum videbantur recepti: eos enim citavit Joannes II. Papa anno 534. in sua Ep. ad Casarium Arelatensem, ubi pro facienda disciplina utitur Canonum 25. & 39. Leo etiam IV. anno 849. Epistola ad Britannicæ Episcopos data in recensione Canonum primo loco ponit Canones Apostolorum, deinde Nicænos &c. Soli tamen priores 50. Romanæ Ecclesiæ probati fuere, ut constat ex decreto Synodali Stephani IV. ex Concilio Lateranensi anno 769. Tom. 3. Concil. Harduini Column. 2015. *Non amplius suscipiantur Apostolorum Canonum prolata per S. Clementem, nisi quinquaginta, quæ suscipit Sancta Dei Catholica Romana Ecclesia.* Imo Adrianus I. in epitome Canonum, quos tradidit Carolo Magno Romæ commoranti anno 774., ut legere est eodem Tom. 3. Concil. Col.

Col. 2033. 2034. solum quadraginta quinque Apostolorum Canones obtulit, expunctis inter alios 46. & 47. quibus de rebaptizandis ab hæreticis baptizatis agitur. Cui consonant Urbani II. verba anno 1088. apud Gratianum dist. 32. cap. *Præter*: dicentis, *Sciendum verò, quod Canonum Apostolorum auctoritate Orientalis & ex parte Romana utitur Ecclesia*, idest solum 45., vel ad summum 50. Quod advertens Isidorus Mercator, qui nono seculo vixit, licet insignis alioquin impostor, & secundus apocryphorum parens, non est ausus suæ Collectioni plures quàm 50. Canones inferere, ut notat Baronius ad annum 102. Ex varia ergo fortuna, quam sortiti sunt dicti Apostolorum Canones, modò rejecti, modò recepti, modò in totum, modò solum in parte, quis non videt, quàm nutans sit, & parum firma eorum auctoritas? His ergo præmissis.

LXXX. Dico Canones Apostolis inscriptos cujuscumque sint auctoritatis, nedum 35. posteriores, verum & 50. priores probabilius est, fuisse Apostolis suppositos, & Pseudepigraphos. Probatur ex dictis; si enim Apostoli eorum legitimi ac veri parentes fuissent, & verus Clemens Apostolis coævus eos evulgasset, eos cujusvis seculi Ecclesiæ, & Patres unanimi veneratione pro Ecclesiasticæ disciplinæ regula amplexati fuissent, sicut amplexati fuere pro fidei regula eorundem Apostolorum Symbolum. Cum ergo id non fecerint; quin imo Patres quatuor primorum seculorum, qui viciniore Apostolis erant, in his maxime controversiis, ac causis, in quibus res ipsa poscebat horum Canonum fieri mentionem, non Victor Romanus Pontifex in controversia de Paschate adversus Asiaticos, non Firmilianus & Cyprianus in controversia de Baptismo hæreticorum adversus Stephanum Papam, ut vidimus, imo nec Eusebius, nec Hieronymus inter Apostolorum opera Canones illos memorarint; clarum est atque apertum, ut Apostolorem foetum agnitos non fuisse.

LXXXI. Secundò, vel illi Canones Apostolorum non sunt, vel fides & disciplina Ecclesiæ Romanæ in multis Apostolicæ fidei ac disciplinæ contradicit. Secunda pars hujus disjuncti probatur. Primò apud Ecclesiam Romanam de fide tenetur Hæreticorum baptismum non esse reprobandum ut invalidum, quia præcisè ab hæretico & impio collatum. At in Canone 46. & 47. ut vidimus, & insuper in 67. collatus baptismus ab hæreticis & impiis, quia præcisè hæretici ac impii sunt, reprobatur. Secundò Romana Ecclesia non improbavit, sed admisit jejunium Sabbati, & vivente S. Ambrosio solemne fuit Sabbato jejunare

tc-

teste S. Augustino Epist. 86. modò 36. ad Casulanum, Cassiano lib. 3. de institutione Cœnobiorm c. 10., & Socrate lib. 5. c. 2. imò Innocentius I. *Sabbatarium* vindicaturus jejunium Epist. 1. quæ est ad Decentium, *Sabbato*, inquit, *jejunandum evidentissima ratio demonstrat*. Atqui Canon. 65. Apostolorum sub inflictiõe pœnæ interdicit *Sabbatarium* jejunium. Ergo vel Romana Ecclesia contradixit illi Canoni, vel Canon ille Apostolis suppositus est. Tertio Canone 84., ubi recensentur libri sacri Veteris & Novi Testamenti, in eorum ordinem referuntur tres Machabæorum libri, Clementis Epistolæ duæ, & Constitutionum libri octo. E contra expunguntur è Sacro Canone libri Sapientiæ, Tobix, Judith, Ecclesiastici, & Apocalypsis. Quis autem non videat, hoc esse contrarium Traditioni Ecclesiæ, quæ tertium Machabaicum, Clementisquæ Epistolas ac Constitutiones nunquam pro Canonicis habuit: Sapientiam autem, & alios tanquam libros verè Divinos cum Innocentio I. Ep. 4. ad Exuperium, ex Apostolorum utique Traditione admisit in Canone? Quartò Canone 49. Trina immersio in Baptismate sub depositionis pœna præcipitur, hoc autem Apostolorum esse non potest. Primò quia nec Apostoli hoc ritu semper baptizarunt, maximè cum una die circiter tria millia baptizarunt (Act. 2.) quod una die fieri vix potuisset. Secundò quia veteres ritum hunc ad puram Traditionem, non scriptam aliquam legem retulere: ut Tertullianus de Corona c. 2. S. Basilius lib. de Spiritu Sancto c. 27. & S. Hieronymus Dialogo adversus Luciferianos, testatur. Tertio quia Ecclesia latina, quæ trinæ immersionis ritum dimisit, Apostolorum præceptis contrairer, quod nullus dicet.

LXXXII. Audienda modo sunt motiva, quibus aliqui dictos Canones defendere conati sunt. Turrianus, qui omnes 85. ut Apostolicos habet, dicit, Canones Apostolorum à Gelasio explosos alios fuisse ab 85. quos habemus, nimirum editos à Priscillianistis sub Apostolorum nomine. Bellarminus autem, qui saltem 50. priores ut Apostolicos tueretur, dicit Gelasium in suo decreto confixisse solos 35. posteriores, at 50. prioribus pepercisse. Baronius autem dicit, ideo librum Canonum Apostolicorum à Gelasio apocryphum pronunciari, quod non sit in censu Divinorum novi Testamenti: non autem quod ex librorum Ecclesiasticorum albo expungi debeat.

LXXXIII. Sed respondeo ad primum petendo à Turriano documenta, quibus probet, extitisse olim duos Canonum Apostolicorum Codices, unum legitimum & Ecclesiasticum, alterum apocryphum, cum Gelasius non distinguat, sed unice dicat:

Li-

Liber, qui appellatur Canones Apostolorum, apocryphus. Qui tamen, si verum diceret Turrianus: debuisset sic pronunciare: *Liber, qui falsò à Priscillianistis dicitur Canonum Apostolicorum, apocryphus.* Fateor quidem, fuisse alios libros à Priscillianistis, aliisque Hæreticis sub nomine Apostolorum editos, de quibus conqueritur S. Leo epist. 93. ad Turribium, de quibus nos infra dicemus, sed inter istos fuisse alium librum Canonum Apostolicorum quis dixit? Ulterius Umbertus Cardinalis respondens Nicætæ Pectorato, qui Canone 65. Apostolorum adversus Latinos Sabbato jejunantes pugnabat, ait, *hoc (idest Sabbato non jejunandum) asserere conaris ex apocryphis libris; & Canonibus pari sententia repudiatis:* at hic Canon à Nicætâ prolatus non erat depromptus ex Codice Priscillianistarum, sed ex Codice Orientalis Ecclesiæ, quæ Canones 85. ut Apostolicos in Trullana Synodo susceperat, inter quos contra Jejunium Sabbati 65. pugnabat, ergo liber Canonum damnatus à Gelasio est ille idem, qui 85. Canones à Græcis receptos continebat.

LXXXIV. Ad secundum rogo similiter Bellarminum, ut sui dicti fundamentum proferat, cum illud in Gelasii decreto non inveniam. Certè 50. priores Canones maxima illius libri pars sunt. Gelasius ergo damnans librum, cur non illos 50. damnavit? Nam si 35. posteriores tantum explodere voluisset, istos ab illis certè secrevisset, & cum reservatione locutus fuisset. Rursus, si Gelasius 50. priores Canones admisit, admisit etiam 46. & 47. in illis inclusos, quibus Baptismus hæreticorum & impiorum reprobat. Hoc certè nec Bellarminus fatebitur.

LXXXV. Ad tertium respondeo, notando, Gelasium ibi tres librorum Ordines distinguere. In primo enim collocat libros sacros Veteris Novique Testamenti. In secundo libros non sacros quidem nec Canonicos, sed tamen ab Ecclesia probatos, ut Canones & Acta Conciliorum, necnon Opuscula SS. Patrum. In tertio libros ab Ecclesia rejectos tanquam ab Hæreticis, vel Schismaticis conscriptos, aut prædicatos, & in hoc tertio ordine post multos ejusdem generis collocat librum Canonum Apostolorum, dicens *liber, qui Canonum Apostolorum dicitur, apocryphus.* Quomodo ergo dici potest, Gelasium librum hunc ideo apocryphum decrevisse, quia non Canonicum & divinum, non quia non Ecclesiasticum? Addo si Gelasius librum hunc verè Apostolorum fœtum agnovisset, cur ipsum in censum librorum Canonicorum, sicut & cetera Apostolorum scripta, non retulisset?

LXXXVI. Qualiscumque autem sint, & fuerint auctoritatis apud

apud Ecclesiam (quæ ut vidimus varia fuit) hoc invictè sustineo, eos ab Apostolis non fuisse conscriptos, sive Gelasius eos damnaverit, sive non. Quod evinco ex Hincmaro, in cujus Gelasiano Codice licet fortè deesset horum Canonum inter apocrypha rejectio, attamen in Opusculo 55. capitum cap. 24. apud D. de Marca lib. 3. suæ concordia cap. 4. num. 3. de iis ita loquitur: *Canones, qui vocantur Apostolorum, antequam Episcopi liberè inciperent Concilia celebrare, à devotis quibusque collecti, in quibus quedam receptabilia, quadam sunt non servanda. De quibus interdum quadam assumta sunt in Conciliis, quadam à maximis & præcipuè auctoritatis viris, in suis Opusculis, sicut de apocryphis assumta fuisse legimus, quoniam in quibusdam ad instructionem valent. Et ideo sicut Majorum Traditione didicimus, seorsum ante Concilia in Canonum libris ad instructionem, & propter vulgatam eorum famam ponuntur. . . . Ceterum iidem Canones, qui vocantur Apostolorum, non ab Apostolis conscripti esse creduntur. . . . Sed & B. Gelasius in Catalogo: Qui libri ab Ecclesia recipiantur: de his Apostolorum Canonibus penitus tacuit; sed nec inter apocrypha eos misit: quapropter in lectione illorum sequenda est cautela ab eodem S. Gelasio præmonita: Cum hæc, inquit, ad Catholicorum manus advenierint, B. Pauli Apostoli præcedat sententia: Omnia probate: quod bonum est tenete.*

LXXXVII. Quæ Hincmari verba nobis ministrant regulam, quæ uti possumus, dum dictorum Canonum defensores opponunt multos Pontifices, Patres, ac Concilia, qui hisce Canonibus in suis decisionibus usi sunt, ut Origenes, Athanasius, Basilus, Concilium Nicænum primum, quod multos Canones ex Canonibus Apostolicis desumxisse videtur. Et alia &c.

Respondetur enim ad hæc & similia, quod Veteres illi, nomine Canonum vel intellexerunt praxim & regulam primitivæ Ecclesiæ, & morem statutum illorum temporum, quem in forma Canonum collegerant devoti ac pii viri, antequam Episcopi Concilia liberè inciperent celebrare; & Apostolorum nomine decoraverant, quia fortè à viris Apostolicis, & temporis Apostolorum vicinioribus acceperant; in quibus cum aliqua reperirentur utilia ad instructionem, & bonum Ecclesiæ regimen, ideo Patres & Concilia, prout sibi videbatur expedire, aliqua ex iis desumebant, & Ecclesiæ proponebant. Præsumendum enim est, quod à tempore Apostolorum usque ad tempora, quibus cœpere celebrari Concilia, Episcopi, qui Ecclesiam regebant, aliquas sanctiones & regulas pro bono regimine præscriberent, quæ ab aliquibus in unum Canonem redactæ nomen dederint li-

bro inscripto *Canones Apostolorum*, nimirum quia à viris Apostolicis editæ, non autem ab Apostolis ipsis conscriptæ, aut immediate traditæ. Unde observo, Veteres nunquam fortè eos vocasse *Canones Apostolorum*, sed vel *Canones Patrum*, vel *paternos Canones Majorum*, & ad summum *Canones Apostolicos*, i. ut dixi, à viris Apostolicis editos.

LXXXVIII. Quod si dixeris, sub nomine SS. Apostolorum Canones illos proponi à Synodo Trullana Can. 2., à septima Synodo Can. 1. 5. & 10., Romana sub Gregorio VII. Can. 2., & aliis; imo postremò à Tridentina sess. 25. de reformatione cap. 1.: respondeo, Synodos illas Canones ut Apostolorum nominasse, quia erant Apostolis adscripti, & jam inoleverat usus, ut sub Apostolorum nomine proferrentur; ceterum non decrevisse, ut tanquam legitimus Apostolorum fœtus haberentur, nec quæstionem hanc, quæ ad eorum institutum minimè pertinebat, expenderunt. Attamen Gelasius, qui horum Criterium instituit, eos ut apocryphos, & ut spurium Apostolorum fœtum rejecit.

LXXXIX. Querendum superest: Si Canones illi Apostolos non habuere Auctores, quisnam fuit illorum parens, & quando editi?

Difficile est, ait D. de Marca in sua Concord. lib. 3. cap. 2. num. 5., in tam alto veterum Scriptorum silentio tempus hujus Collectionis indagare, & multò magis eorum auctorem. Vetusissimos esse certum est, & tempora Concilii Nicæni antecellisse. Hincmarus supra laudatus censet, à quibusdam devotis viris collectos, antequam Episcopi Concilia liberè celebrare inciperent, hoc est tempore quo fremebant persecutiones. Quinam autem fuerint isti Collectores Deus novit. Collectionem hanc nondum cognitam fuisse Orientalibus, quando controversia incidit de Baptismo Hæreticorum, quæ Cyprianum in Africa, & Firmilianum in Cappadocia cum Stephano commisit, supra probavimus. Si enim fuisset nota, ea usi fuissent Firmilianus, & Cyprianus contra Stephanum, ad probandam consuetudinem contrariam consuetudini, quam opponebat Stephanus, quia, ut vidimus, Canones 46. & 47. evidenter rejiciunt Baptismum ab Hæreticis datum. Nihil enim opportunius accidere poterat huic disputationi, ut citarentur in testimonium Canones Apostolici, si ea tempestate compacta fuisset Collectio illa. Itaque è silentio Firmiliani colligere licet, incognitos ea ætate fuisse Canones Apostolicos.

XC. Putat D. de Marca, & cum eo Alexandre dissert. 19. seculi 1. contentionem inter Firmilianum, & Stephanum occasio-

sionem huic Collectioni saltem ex parte dedisse; & Episcopos Iconiensis Concilii, cui præerat Firmilianus anno 258., collectis in unum præcedentium Episcoporum regulis sparsis hinc inde, adjecisse postea Canonem 46. & 47., quibus eorum sententia exprimebatur. Utque illi Collectioni majorem venerationem auctoritatemque conciliarent, eam sub nomine Canonum Apostolorum à Clemente editorum obtrulisse. Conquereretur enim Firmilianus, Stephanum negantem, baptizatos ab Hæreticis rebaptizandos esse, contraire ei, quod à Christo & ab Apostolis traditum esset, ut patet ex ejus epistola ad Cyprianum. Asserebat Stephanus, se ex mente Apostolorum, & præcipuè Petri loqui, in cujus testimonium opponebat Ecclesiæ Romanæ à Petro & Paulo fundatæ consuetudinem. Non est ergo inverisimile, quod Firmilianus, aliiq; cum eo, ut Apostolos Apostolis, Petrum Petro opponerent, Canonibus, quorum usus jam in Oriente invaluerat, adderent eos, qui Hæreticorum baptismata repudiarent, & sub nomine Canonum ab Apostolis acceptorum per Clementem evulgarent.

XCI. Ego tamen ægrè adduci possum, ut credam, Firmilianum, aliosque Episcopos, viros ceteroquin pios, ac sanctos, qui unice pro amore veritatis, & rectæ disciplinæ zelo pugnant, voluisse tanta fraude, ac mendacio opinionem suam fulcire, eo vel maximè, quod nec Firmilianus, nec Cyprianus, nec posteri ipsorum rebaptizantes, tales Canones sub Apostolorum nomine confictos, unquam in suæ causæ adjutorium protulerunt. Quod certè facturi fuissent, si eos confinxissent, ut sibi patrociniū ab Apostolis compararent. Neque sufficiens conjectura est id suspicandi, quod Canone 38. mensis Hyperberetæi fit mentio, quo significatur October lingua Syromacedonica, cujus erat usus per Orientem. Nam hæc conjectura est quidem sufficiens, ut credatur, Canones illos collectos fuisse ab aliquo, aut aliquibus Orientalibus, non tamen à Firmiliano, vel ejus successoribus.

XCII. Tutius ergo crediderim, in incerto relinquendum esse hoc quæsitum, nec sciri, nec probabiliter satis conjici posse, quisnam, & cujus temporis fuerit auctor illius Collectionis, sed standum in opinione Hincmari supra relati, primos ejus auctores fuisse pios quosdam viros, ac devotos, qui ex praxi Ecclesiæ primorum temporum, antequam Episcopi liberè inciperent habere Concilia eam consarcinaverunt; dictamque Canonum Apostolorum, quia cum ignoraretur auctor illarum sanctionum, crediderunt, Episcopos eas habuisse per Traditionem ab Aposto-

lis, quibus successu temporis ab hominibus malæ fidei, & Schismaticis, alii Canones, doctrinam non sanam continentes, inserti fuerint, quæ est opinio Isidori Hispal., qui septimo ineunte seculo floruit, cujus hæc sunt verba à Gratiano relata dist. 16. cap. 1. *Canones, qui dicuntur Apostolorum, sed quia eosdem nec Sedes Apostolica recepit, nec Sancti Patres illis assensum prabuere, pro eo quod ab Hæreticis sub nomine Apostolorum compositi dignoscuntur: quamvis in eis utilia inveniantur, tamen auctoritate Canonica, atque Apostolica, eorum gesta constat esse remota, atque inter apocrypha deputata.*

§. XII.

Constitutiones dictæ Apostolica.

XCIII. **C**lementis Episcopi Romani insigni nomine, ultra Canones Apostolorum, circumferuntur etiam Constitutiones dictæ Apostolicæ, de quibus in præsens quærimus, an genuinæ sint Apostolorum, vel saltem Clementis, an verò & Apostolis, & Clementi suppositæ?

Suppositas esse tum Apostolis, tum Clementi consentiunt Eruditi fere omnes, Bellarminus de Script. Eccles. in Clemente, Baronius ad annum Domini 32. & alibi, Perronius lib. 2. de Euchar. cap. 1. Petavius in Notis ad S. Epiphan. ad hæresim Audianorum.

XCIV. Probatur hoc primo ex silentio primorum Ecclesiæ Patrum, apud quos cum nulla fiat earum mentio, argumento est, illis vel prorsus ignotas fuisse, vel apocryphorum numero ac loco habitas.

Sanctus enim Justinus, qui secundo seculo vixit, disertè testatur, Sabbati religionem passionem Christi abolitam, nec Christianos die Sabbati, sed die Solis, i. Dominica, Conventus suos agere consuevisse. Quod certè non dixisset, si Constitutiones Apostolicas novisset, aut aliquo in pretio habuisset, cum istæ tradant, Sabbati diem, velut Creationis, à Christianis observandum esse, ac in eo feriandum, neque jejunio funestandum lib. 5. cap. 14. & 20. & lib. 7. cap. 24. apud Clementem. Insuper Ecclesia Romana Vetus, quæ contra praxim Orientalium jejunium Sabbati per multa secula custodivit, id certè non fecisset, si Constitutiones illas ut Apostolicas habuisset. Secundò Irenæus & Clemens Alexandrinus, qui secundo seculo exeunte floruerunt, quique Clementem Romanum sæpè laudant, ille

lib. 3. cap. 3., iste lib. 1. 4. & 6. Stromatum, ejus Epistolam ad Corinthios referentes, nullam ullibi Constitutionum Apostolicarum ab ipso editarum mentionem fecere, cum tamen illis contra Hæreticos agere, suæque opera illustrare maximè possent. Tertio Tertullianus Clementi Alexandrino coævus nunquam baptizandi potestatem Laicis concessisset lib. de Baptismo cap. 17. & de exhortat. castitatis c. 7. ; nec adeo impotenter contra Zephyrinum Papam, quod permetteret fornicatoribus reditum ad reconciliationem per pœnitentiam, excanduisset ; si Constitutiones Apostolicas vel novisset, vel aliquo in pretio habuisset, cum auctor illarum lib. 3. cap. 10. omnem baptizandi Laicis adimat potestatem ; & lib. 2. cap. 12. &c. & cap. 48. latam omnino viam pandat peccatoribus ad pœnitentiam. Quarto cum Constitutionum Auctor lib. 6. cap. 15. omnium Hæreticorum Baptisma reprobet, in verisimile est, S. Cyprianum & socios, si harum notitiam vel existimationem habuissent aliquam, non fuisse advocaturos in præsidium suæ causæ. Cum ergo id non fecerint, neque earum meminerint, signum est, vel eas non novisse, vel ut apocryphas, nulliusque auctoritatis contempsisse. Tales pronuntiavit in sua Romana Synodo Gelasius I. anno 494. dicens : *Item Itinerarium nomine Petri Apostoli, quod appellatur S. Clementis libri octo, apocryphum*. Porro libri octo, S. Clementis nomine inscripti, sunt ipsissimi Constitutionum libri, de quibus agimus, quamvis Eruditi non pauci censeant, hoc Itinerarium esse librum diversum, constantem non solis octo, sed novem, vel decem libris.

XCv. Probo, Constitutiones præfatas immerito nomine Apostolico insigniri, quia continent doctrinam ab Apostolis & Ecclesia alienam. Primò quia de Filii, & Spiritus Sancti Divinitate malè sentiunt : nam inter Hæreticos recensent illos, *qui suspicantur, Jesum esse Deum super omnia* lib. 6. cap. 25. ; Jesum fingunt *missitantem Deo suo ac Patri ad rerum omnium creationem* lib. 5. c. 20. ; vocant Patrem Dominum Spiritus Sancti lib. 8. c. 37. Ajunt nos baptizari in morte Christi, in auctoritate Dei universorum, & in testimonio Spiritus Sancti lib. 5. cap. 6. quæ quantum Arrianis ac Macedonianis faveant, nemo non videt. Propterea Christianus Lupus in Scholiis ad Canonem secundum Trullanæ Synodi, loquens de Constitutionum libris octo, existimat, eas opus esse Arriani hominis, dicens : *Fuit opus editum a nescio quo, quarti seculi homine Arriano, variè & in dogmate & in ritu maculosum &c.*

XCvi. Secundo conjugium, & deinceps manifestam esse

scor.

scortationem, & indubitam impudicitiam esse, decernunt, quod Manichæorum error est. Tertiò concedunt Ancillis, ut heris infidelibus morem gerant, modo solis, lib. 8. cap. 32. Quartò Baptismum ab Hæreticis collatum iterari jubent lib. 6. cap. 15. & Sabbati solemnem celebrationem æque ac Dominicæ diei instituunt lib. 8. cap. 37. ut vidimus. Quintò affirmant ut Christi esset Episcopus *non minorem natu esse quam annorum 50.* lib. 2. cap. 57. hoc autem nulli ex Apostolis aut viris Apostolicis in mentem venit: imo S. Paulus Ephesiorum Ecclesiæ præfecit Timotheum valde juvenem, ad quem scribens, ait *Nemo adolescentiam tuam contemnat* 1. Timoth. 4. 12. Alia partim falsa partim apocrypha enarrant, quæ collegit Alexander secul. 1. disert. 19. proposit. 1. Ad quæ fortè respicientes Synodi Trullanæ Patres Canone 2. protulerunt: *Has Constitutiones ad Christianismi gregis ædificationem ac securitatem conducibiliter rejecimus, hæretica falsitatis satus nequaquam admittentes, & germana ac integræ Apostolorum doctrinæ inferentes.*

XCVII. Hactenus dictis contrarii videntur aliqui ex Patribus. Primum S. Epiphanius Constitutiones istas ut Apostolicas veneratur, argumenta ex iis profert, præcipuè hæresi 75. contra Aetium, & hæresi 80. contra Mesiarianos; hæresi verò 70. (quæ est Audianorum, qui dictis Constitutionibus abutebantur ad suam de Paschate firmandam sententiam) eas exponit, & apertè Apostolorum eas esse supponit.

Secundo S. Cyrillus Hierosolymitanus Catechesi 18. narrans historiam Phanicis, quæ lib. 5. Const. Apost. cap. 6. continetur, eam tribuit Clementi.

Tertiò S. Athanasius in fragmento Epistolæ festalis Constitutiones Apostolorum inter eos libros retulit, qui etsi in Canonem admissi non sint, tamen legebantur in Ecclesia, & ab apocryphis secreti erant. Et in Synopsi Sacræ Scripturæ inter libros Novi Testamenti, quibus contradicitur, numerat *Doctrinam Apostolorum, Clementina* &c.

XCVIII. Respondeo ad primum, dato, hanc fuisse privatam S. Epiphaniï opinionem, non tamen omnium illius seculi, unde ait: *Audianiverò ad institutum suam quamdam ex Apostolorum Constitutione auctoritatem accommodant: qui liber, tametsi dubia apud multos fidei sit, non est tamen improbandus.* Epiphanius ergo supponit, multos suo ævo de illis dubitasse, ipse tamen positivè non probat, sed non improbat. Non fuisse autem omnibus acceptas, ostendit silentium de illis apud Eusebium & Hieronymum, viros hac in re accuratiores. Imo Hieronymus epist. 28. ad

ad Lucinium scribit: *Apostolum Paulum, & cum eo credentes, diebus Pentecostes & diē Dominica jejunasse, in Actibus Apostolorum legimus.* Ex quo concludit, jejunium omni tempore Deo acceptum: Hoc autem non dixisset Hieronymus, si Constitutiones ab Epiphanio sibi amicissimo laudatas alicujus existimasset auctoritatis, cum illæ jejunium Dominica die sub comminatione divinæ maledictionis interdican.

Addo, fuisse quidem S. Epiphanii tempore Constitutiones Apostolis adscriptas, sed planè diversas ab eis, quas modo habemus. *Illæ enim, ait Epiphanius, nihil aut in fide, ac Catholica professione depravatum, aut Ecclesiæ administrationi, ac decretis contrarium continebant:* nostras verò plurimis scaterere erroribus, sive quoad dogmata, sive quoad Ecclesiasticam disciplinam, offendimus.

XCIX. Respondeo ad secundum, historiam de Phænice non solum legi in libris Constitutionum, sed etiam in Epistola ad Corinthios, quæ Clementis opus genuinum est, ideoque ex quo S. Cyrillus recitaverit ex Clemente Phænici historiam, non infertur eum agnovisse Constitutiones illas, vel eas pro Apostolicis habuisse. Protulit ergo Clemens historiam Phænici avis (sive veræ, sive fictæ) quæ ex suis cineribus reproducitur, tanquam exemplum ad resurrectionis fidem illustrandam.

C. Ad tertium respondeo, Doctrinam, quam vocat Athanasius Apostolorum, non esse Constitutiones, de quibus agimus. Primò quia doctrinam illam Apostolorum inter eos libros recenset, qui legendi sunt ab iis, *qui nuper ediscendi pietatis verbi gratia acceperint*, i. Catechumenis, & nuper ad fidem accedentibus. Constitutiones autem, de quibus agimus, datæ sunt non Catechumenis, sed Episcopis, resque ad Ecclesiæ regimen spectantes tradunt. Rursus quomodo iis, qui fidem addiscere cupiunt, legendum librum, qui, ut vidimus, de Divinitate Filii Dei adeo malè loquitur, proponeret Athanasius, qui pro vera Filii Dei Divinitate, & Consubstantialitate contra Arrianos tam strenuè dimicavit? Alius ergo liber à Constitutionibus fuit, quem sub nomine Doctrinæ Apostolorum proposuit legendum in Epistola festali laudata. Quod verò additur ex eodem Athanasio in Synopsi, non solum non favet, sed potius nocet objicienti. Ibi enim S. Pater doctrinam Apostolorum, & Clementina, enumerat inter libros, quibus contradicitur; imo simul cum Itineribus Petri, Itineribus Joannis, & Evangelio secundum Thomam: atqui hæc nullius auctoritatis in Ecclesia censentur; ergo neque liber dictus Doctrina Apostolorum, & Clementina. Imo enumeratis omni-

omnibus prædictis subjungit : *Hi omnes cognitionis gratia expositi sunt , perverse tamen scripti , nobis , ac reprobi . Et nullus istorum maxime apocryphorum approbatus , aut utilis est , præsertim Novi Testamenti : sed omnes (iis exceptis , de quibus alium est superius , qui & à priscis sapientibus , ac Patribus approbati sunt) digni sunt qui abscondantur magis , quam qui legantur .* Ex quibus patet quanti fecerit Athanasius librum Doctrinæ Apostolorum dictum , & Clementina .

CI. Inquires , etiam Trullanam Synodum Can.2. anno 691. agnoscere Constitutiones , ut opus Apostolorum , quamvis eas legi prohibeat , quia sunt ab Hæreticis interpolatæ .

Respondeo , Synodi Trullanæ auctoritatem non esse tanti ; ut nos dimovere debeat à sententia , quam amplexi sumus . Nam Synodus illa recipit etiam ut genuinos 85. Canones Apostolorum , quos omnes , ut vidimus , ferè nullus Recentiorum recipit , cum ex illis solum 50. tanquam genuini ab aliquibus recipiantur . Imo aliqua etiam statuit , quæ ut falsa , & erronea ab omnibus repudiantur . Secundo vetat illas legi quia ab Hæreticis interpolatas . At cur non secevit depravatas à puris ? Etiam Marcion corruerat Evangelium Lucæ , & Pauli Epistolas : & tamen Ecclesia non vetuit legi Evangelium Lucæ , & Pauli Epistolas , sed eas repurgatas Ecclesiæ tradidit . Cur ergo idem de hisce Constitutionibus Trullani Patres non fecere ? Anne omnia penitus exemplaria corrupta , ac interpolata fuerant , ut nullus superesset Codex genuinus ac purus , ad cujus comparisonem emendari possent ? At hoc incredibile , ne dicam , impossibile est . Nam etsi Hæretici corrumpere potuissent Codices , quos apud se habebant , non tamen universos , quos habuisset Catholica Ecclesia toto orbe diffusa . Verosimilius ergo est , Constitutiones illas ab Hæreticis nedum fuisse corruptas , sed ex integro fabricatas , & sub specioso Apostolorum nomine suppositas . Hinc Photius Bibliothecæ Cod.112. ait , *Constitutiones porro tribus ex Capitibus dumtaxat reprehensioni obnoxia videntur . Ex mala nimirum fictione , quam depellere non est admodum difficile : deinde quod contra Deuteronomium criminationes quasdam adducant , quæ & ipsa dilui facillime possunt : denique ex Arrianismo , quem item paulò acrius instando , refellere queas .* Facile ergo erat Constitutiones illas repurgare , teste Photio . Cur autem Trullani Patres , nec ipse , id facere aggressi sunt ?

§. XIII.

Canones Antiocheni dicti Apostolorum.

PRæter Canones, ac Constitutiones supra repudiatas, Apostolis tribuuntur à Turriano lib. 1. pro Canon. Apost. c. 25. Baronio ad ann. 102. & Binio in sua Conc. editione tom. 1. alii novem Canones, cuidam Apostolorum Antiocheno Concilio adscripti; quorum auctoritatem in examen modò vocamus.

CII. Apocryphos ego & planè supposititios illos censeo. Primò quia Synodus illa Antiochiæ habita ab Apostolis omniño fictitia est: tum quia nulla illius mentio in Actis Apostolicis, in quibus recenferi debuisset, sicut recensetur Synodus Hierosolymitana: tum quia altum de illis Canonibus silentium est in Veteribus Ecclesiasticæ historiæ monumentis, in scriptis Patrum: tum quia varii sunt in eis referendis eorum Patroni, Turrianus, Baronius, ac Binus, quæ varietas indicium est falsitatis: tum denique quia plura continent falsa & absurda. Primus enim Canon decernit, *ut credentes in Jesum, quos illius temporis homines vocabant Galilaos, Christiani vocarentur.* Hoc falsum esse constat ex historia, Galilæorum namque nomen solo quarto seculo impositum Christianis fuit ab impio Juliano. Legimus quidem in Actis cap. 11. 26. Discipulos nomine *Christiani* primum vocari coëptos Antiochiæ, sed eo tempore soli Barnabas & Paulus Antiochiam intrant, ut ibi legitur, nullumque ibi Concilium adhuc coactum propterea apparet. Insuper in Canone 2. 7. & 9. sancitur abstinentia à Circumcisione, à sanguine, suffocato, fornicatione, & permittitur vesci carne suilla, & pisce, testam, idest tegumen durum, habente, nec non de eo, qui squamis caret: At quis sibi persuadeat, Apostolos, qui in Concilio Hierosolymitano adeo luculenter ac nitidè hanc rem statuerant, recudisse postea decretum Canonibus verbosis adeo & inutilibus? Rursus Canone 8. statuit, loco Idolorum adorandam esse Statuam Christi Domini; quod insigne quidem argumentum esset pro cultu Sac. Imaginum, sed cùm aliundè conflat, primis Ecclesiæ seculis Imagines Christi, & præcipuè statuas, non fuisse publicæ venerationi expositas (quod probat ipsorum Ethnicorum silentium, qui certè Christianis exprobrassent, quod cultus Idololatrici objectum mutassent, non reliquissent; & prohibitio picturæ, & statuariæ artis, quam promovere antiqui Christiani abstinebant, ne viderentur Idololatriæ manus

dare, ut ex Tertull. contra Hermogenem cap. 1. & de Idololatria c. 3.) & Statuarum in Ecclesiis usus nondum invaluisset tempore Nicæni secundi, ut constat actione 7. ejusdem Synodi: palam fit, Canonem illum supposititium esse. Si enim Apostoli Christi statuum Idolis subrogassent, certè Veteres in ejus usu scrupulum non habuissent.

CIII. Atqui, inquires, Innocentius I. ep. 18. agens de Antiochena Ecclesia his eam laudibus exornat: *Ubi & nomen accepit religio Christiana, & quæ Conventum Apostolorum apud se celeberrimum meruit: quæque urbis Romæ Sedi non cederet, nisi quod illa in transitu meruit, ista apud se susceptum consummatumque gaudet.* Supponit ergo Innocentius habitum ab Apostolis Conventum, seu Synodum Antiochiæ.

Secundò idipsum clarius ostendit Gregorius Pisinuntensis Episcopus, qui in 7. Synodo Generali Aët. 1. citat primum illorum Canonem dicens: *In Synodo Sanctorum Apostolorum apud Antiochiam &c.*

CIV. Respondeo ad primum, Innocentium I. non loqui de aliquo Conventu Synodali facto ab Apostolis Antiochiæ, sed de Conventu Petri, Pauli, & Barnabæ Antiochiæ, in quo Paulus reprehendit Petrum, ut legitur Galat. 2. 11. &c. ; vel de Conventu multitudinis fidelium coacto Antiochiæ à Paulo, Barnaba, Juda, & Sila, missis illuc à Concilio Hierosolymitano, ut ibi statuta illius Concilii promulgarent, ut legitur Aët. 15. à ver. 23. Dici etiam potest, Innocentium nomine Conventus Antiocheni innuisse Synodum ipsam ab Apostolis Hierosolymis habitam, quod existimaverit Antiochenam, eo quia de Antiochena Ecclesiæ causa, ejusque rogatu celebrata fuerit.

CV. Ad secundum dico, Canonem illum ex Synodo Antiochena prolatum fuisse à Gregorio Pisinuntensi Episcopo non tantquam rem certam, sed dubiam; ait enim (ita vertit Anastasius Bibliothecarius tom. 4. Concil. edit. Harduini) *In Synodo Sanctorum Apostolorum, quæ apud Antiochiam congregata dicitur &c.* Cur, quaeso, Anastasius Bibliothecarius, qui Synodum septimam ex Græco transtulit, non dixit simpliciter congregata est, ut habet textus Græcus; nisi quia sciebat, hanc Synodum, sibi inauditam, prolatam fuisse à Gregorio non ex propria sententia, sed quadam subobscura fama ab aliis accepta? Ceterum etsi etiam Gregorius absolutè id pronunciaisset, quid juvaret opinio unius privati hominis, quæ licet in Synodo ab ipso recitata, non tamen à Synodo mansit positivè approbata?

CAPUT V.

De Libris suppositis ab Hæreticis.

HActenus percurramus libros illos, qui licet ut apocryphi habiti fuerint ab hominibus sanioris consilii, in honore tamen fuerunt apud aliquos Ecclesiasticos, & Catholicos Scriptores. Supereffent alii ejusdem classis; sed cum fuerint antiquis fere ignoti, ac nullius utilitatis, satius est eos prætermittere, ut transeamus ad eos, qui à viris Catholicis perpetuò reprobati fuere, vel quia ab Hæreticis conficti, vel quia suspectæ fidei.

§. I.

Prædicatio, Evangelium, Actus, & Apocalypsis Petri,

I. **D**E istis Eusebius lib. 3. cap. 3. hist. ait: *Librum verò, qui Actus Petri dicitur, & Evangelium ejus nomine inscriptum, Prædicationis quoque, & Revelationis ejusdem libros, pro Catholicis scriptis nunquam esse habitos: quandoquidem nec vetustiorum quisquam, nec recentiorum Ecclesiarum Scriptorum, desumpto ex istis libris testimonio, usi sunt.* De Prædicatione S. Petri ut de Opere dubio loquitur Origenes tom. 13. in Joann. Doctrinam ibi ejusdem S. Apostoli nomine falsò inscriptam non esse opus hominis à Deo inspirati, docet idem Origenes lib. 1. Periarchon.

II. Evangelium, & Actus Petri inter opera ab Hæreticis sub Apostolorum nomine evulgata rejicit Eusebius lib. 3. hist. c. 25. Et lib. 6. c. 12. narrat, Serapionem edidisse librum de Evangelio Petri, quæ in eo falsa erant coarguendo: *Quem quidem librum composuit in gratiam quorundam ex Rossensi paracia (urbe Ciliciæ) qui occasione illius Evangelii ad doctrinam à recta fide alienam declinaverant.* Hoc Evangelium Petri, dicit Serapion, se commodatum accepisse à successoribus quorundam Hæreticorum, qui Docitæ dicebantur, quorum hæresim sectabatur Martianus. Quis fuerit iste Martianus, non dicit Eusebius. Docitæ autem seu Docetæ, teste Valesio annotat. ad hoc caput 12. lib. 6., Eusebiani hæretici erant, qui Christum non verè, sed opinione tantum incarnatum passumque esse dicebant, ut ex Clemen. Alexandr. lib. 7. Stromat., & Theodoret. lib. divinorum decret. cap. 12. Huius sectæ principem facit Clemens Alex. lib. 3. Stromat. p. 465. Julium

Cassianum: *Talibus*, inquit, *argumentis utitur quoque Julius Cassianus, qui fuit Princeps visionis seu phantasiae*. Et propterea qui à Græcis Docitæ, i. opinantes, dicebantur, à Latinis *Phantasmatarii* dicti sunt teste Prudentio. De his Methodius in Convivio pag. 110. Eusebius lib. 1. de Ecclesiastica Theologia contra Marcellum cap. 7. dicens: *Carmen certè Salvatoris Atbei quidam heretici abnegando, & opinione tantùm nudâ, atque per phantasiam in terris apparuisse solam dicendo, primi erant, qui in hoc genere à scopo veritatis exciderunt*. Videndus Hieronymus in cap. 1. & 4. Epistolæ ad Galatas, & in cap. 6. ubi Tatianum hujus sectæ facere videtur auctorem: *Tatianus* (inquit) *qui putativam Christi carnem introducens, omnem conjunctionem masculi ad feminam immun- dam arbitratur*. Quem loquendi modum sumsit ex Tertulliano, qui initio libri de carne Christi ita dicit: *Sed & qui carnem Christi putativam introduxit* &c. S. autem Augustinus hujus sectæ non Tatianum, non Julium Cassianum, sed Marcum quemdam facit auctorem. Ita lib. de hæres. cap. 14.: *Marcus etiam, nescio quis, hæresim condidit, negans resurrectionem carnis, & Christum non verè sed putativè passum asseverans*: qui Marcus idem forte est ac Marcianus, de quo supra Serapion apud Eusebium. Ut sit, horum prolem Manichæos fuisse crediderim. Cum ergo in pseudo-evangelio Petri aliqua suo errori favorabilia adinvenirent, eo abutebantur.

III. Revelationem, seu Apocalypsim Petri inter spuria rejicit Eusebius lib. 3. cap. 25., non tamen inter hæretica. Aderat etiam Itinerarium Petri, quod percensuit Gelasius I. in suo Concil. Rom., at ut apocryphum repudiavit.

§. II.

Pseudo-Evangelia ceterorum Apostolorum.

INter libros sub Apostolorum nomine evulgatos recenset Eusebius lib. 3. cap. 25. præter Evangelium Petri, etiam Evangelia Thomæ, Matthiæ, & quorundam aliorum, de quibus modo.

IV. Sub nomine Thomæ Apostoli ferebatur primò Evangelium, quod à Thoma quodam Manis Persæ discipulo editum dicunt: & ideo familiare erat Manichæis, ut notat Gelasius in Concilio Romano: *Evangelium nomine Thomæ, quo utuntur Manichæi, apocryphum*. Sub ejusdem nomine simul cum Evangelio ferebatur etiam liber dictus *Circuitus Thomæ, seu Itinera Thomæ*, qui

qui ab Athanasio in Synopsi refertur inter libros, quibus contradicitur. Item *Liber actionum Thomæ*, qui ab Innocentio I. epist. 3. ad Exuperium reprobatur. Item *Apocalypsis* ejusdem, quæ à Gelasio rejicitur: *Revelatio, quæ appellatur Thomæ Apostoli, apocrypha*.

V. Evangelium S. Philippo Apostolo attributum à Gnosticis censent aliqui; ego tamen anceps sum, an iste Philippus sit, qui unus ex Apostolis fuit, an verò qui unus ex septem Diaconis, quem S. Augustinus Serm. 266. & alibi vocat Evangelistam, non quia scripserit Evangelium, sed quia *propter promptum predicationis eloquium Evangelista propriè mernis appellari*. Ejus nomine vulgabantur etiam *Actus*, quos tamen Gelasius apocryphis annumeravit dicens: *Actus nomine Philippi Apostoli apocryphi*. Citantur hi ab Anastasio Sinaita apud Cotelerium tom. 3. Monument. Eccl. Græcæ.

VI. Evangelia SS. Bartholomæi, Thaddæi, & Barnabæ tanquam apocrypha contempsit Gelasius. Evangelium Bartholomæi à Hieronymo, præfat. in comment. Matthæi, recensetur inter illa, *quæ diversarum hæresicon fuisse principia*.

VII. Inter hæc enumerat etiam Evangelium Matthiæ: quod parentes hæreticos habuisse, testatur etiam Eusebius lib. 3. hist. cap. 25., & Gelasius apocryphis annumerat. Ferebantur etiam ejusdem Apostoli Traditiones, ex quibus locum profert Clemens Alexandr. Stromat. lib. 2. pag. 380., iisque abusus fuisse Valentini, Marcionem, & Basilidem ad suas ineptias statuendas, refert Stromat. lib. 7. pag. 765. dicens: *Ex hæresibus antem alia quidam appellantur ex nomine, ut quæ appellata sunt à Valentino, Marcione, & Basilide, etiamsi gloriantur se Matthiæ opinionem adducere: suis enim una omnium Apostolorum sicut doctrina, ita etiam Traditio*.

VIII. Judæ demum Iscariotæ suum attributum fuisse Evangelium, testis est S. Epiphanius hæresi 48., addens, apud Cajanos hæreticos multo in honore fuisse. In eo extollitur maximè Proditoris scelus, quia illud subsecuta est hominum redemptio, & Satanici regni everfio, quam Judas præviderat. Simul & *Judam traditorem* (de Cajanis ait S. Augustinus de hæresi cap. 18.) *divinum aliquid putant, & scelus ejus beneficium deputant, asserentes, eum præcisse, quantum esset generi humano Christi passio profutura, & occidendum Judæis propterea tradidisse*.

§. III.

Alii falsi Apostolorum Libri.

IX. **P**Ræter supra dictos alii circumferebantur sub ementito Apostolorum nomine Codices. Vulgabatur *Raptus*, seu *Adscensus*, seu *Apocalypsis* S. Pauli, in quo fingebantur contineri ea, quæ S. Paulo in raptu ad tertium cœlum fuerant revelata. Censetur ab iisdem Cajanis confictus, eoque maximè utebantur Gnostici, ut suis fabulosis commentis auctoritatem conciliarent. Inter apocrypha rejicitur à Gelasio. Aderant etiam *Pauli Acta*, de quibus tanquam de spuriiis loquitur Eusebius l. 3. c. 25. sæpe laudato.

X. *Acta S. Andreae* teste Innocentio I. Ep. 3. ad Exuperium à Xenocharide & Leonida Philosophis edita sunt, vel à Leucio Manichæo, ut ex lib. de fide contra Manichæos, olim Augustino, nunc Evodio adscripto cap. 38. Hæc Augustinus lib. 1. contra Adversar. Legis & Prophet. cap. 20., & Gelasius inter apocrypha recensent; Innocentius autem I. supra relatus non solum repudianda, sed & damnanda decernit. Et sane Eusebius lib. 3. c. 25. de his ut de figmentis hæreticæ pravitatis loquitur: tractans enim de Actibus Andreæ, Joannis, & aliorum Apostolorum ait: *Sed & ipsum dicendi genus longè ab Apostolica simplicitate discrepat. Sensus quoque ipse, & quæ ibidem traditur fides, cum à vera & Catholica doctrina plurimum quantum aberret, hæc hæreticorum hominum figmenta esse manifestè coarguit.* Unde concludit. *Quocirca, ne quidem inter spurios collocandi sunt hi libri, sed tanquam absurdi & impii prorsus repudiandi.*

XI. His accedunt *Liber Apostolicus* à Marcione conflatus, teste S. Epiphanio: *Apostoli magni Revelationes* à Cerintho collectæ: *Apostolorum duodecim Vita* à Paulo IV. inter damnata opera relegatæ: *Apostolorum Scripta* à Diſtinnio hæretico adinventæ: *Apostolorum Sortes*, *Laus Apostolorum* à Gelasio proscriptæ: *Apostolorum Itinerarium* à Nicæna secunda Synodo reprobatur: *Apostolorum Evangelium*, cujus meminit Origenes homil. 1. in Lucam: *Apostolorum Doctrina* repudiata ab Eusebio, & Athanasio in Synopsi: & *Apostolorum Actus*, quorum multiplices editi fuerant tum ab Ebionitis, tum à Leucio Manichæo, & aliis.

XII. Aderat etiam *Apocalypsis Stephani Martyris*, à Gelasio inter apocrypha amandata.

Insuper *Evangelium Perfectionis*, & *Evangelium Hevæ*. Hæc summa veneratione suscipiebantur à Gnosticis Hæreticis, qui hoc nomine ob excellentiam doctrinæ, quam affectabant, insigniri volebant, sed à multis aliis potiori titulo *Borboritæ* vocabantur, quasi *Cænosi ob nimiam turpitudinem* (ut notat S. Augustinus lib. de hæres. cap. 6.) *quam in suis mysteriis exercere dicuntur*.

XIII. *Evangelium Veritatis* Valentini appellabant illud, quod ab ipsis confictum erat: unde S. Irenæus lib. 3. contra hæres. cap. 11. non procul à fine: *Siquidem* (inquit) *in tantum processerunt audaciæ, uti quod ab his non ulim conscriptum est, veritatis Evangelium titulent, in nihilo conveniens Apostolorum Evangelii; ut nec Evangelium quidem sit apud eos sine blasphemia*.

XIV. Liber de *Ortu Mariæ*, liber etiam de *Infantia Salvatoris*, utpotè Gnosticorum, & Valentinianorum figmentum ejeci sunt à Gelasio in Concilio Romano tanquam apocryphi. Matthæo olim affictus fuit alter liber inscriptus *Mariæ Stirps vel Prosapia* apud Gnosticos celebris, teste Epiphanio lib. 1. Panarii, horrendam ac perniciosam doctrinam continens; inter cetera autem Zachariam Sacerdotem in penetralibus Templi ingressum, ut incensum coram Deo adoleret, vidisse formam quandam asinino capite præditam, quam visionem cum narrare vellet, & Populum monere, ne Asinum adoraret, is, qui visus est, vocis & linguæ usum illi ademittit, sed ademptum paucis post diebus restituit: eo recepto Zacharias visionem prodidit Judæis, illi indignati ipsam obtruncarunt. Hac de causa commotus Hebræorum Legislator Sacerdoti præcepit, ut ingrediens ad sacra peragenda, tintinnabula vesti appensa gerat: quo sonitu admonitus Asininus ille Deus se occultet, ne forma ejus intempestivè conspecta interitum afferat spectatori. Serapion Thmvenus Episcopus in lib. adversus Manichæos affirmat, ex hujus libri occasione Christianos olim accusatos ab Ethnicis, quod Judæis permixti Asinum Judæorum numen colerent. Tertullianus tamen in Apologetico autumat, Gentiles venisse in hanc suspicionem ex iis, quæ Cornelius Tacitus 5. histor. libro scribit, ubi referens Judaicæ originem religionis, ait, Judæos ex Ægypto pulsos, cum in vasta Arabiæ solitudine siti macerarentur, ab Asinis sylvestribus, qui fortè de pastu ad potum petebant, aquarum fontes didicisse: & beneficii memores bestiam divinis honoribus coluisse, ejusque effigiem postea in Templo consecrasse. Atque inde præsumtum à Gentibus, Christianos, utpote religioni Judaicæ propinquos, Asinum pro Deo venerari. Hinc & quidam jumentorum locator Tertulliani temporibus apud

apud Carthaginem ante stabulum jumentorum, velut suæ artis insigne ausus est appendere tabulam, in qua depictus esset homo togatus dextra librum tenens: de cujus capite Asininæ prominerent aures, in pedibus verò Asini ungues spectarentur, hoc lemmate *Deus Christianorum, Ononybitis* idest *Asiniunguis*.

XV. De B. Virgine Maria circumferebatur olim liber, cui titulus: *Mariæ Interrogationes Magnæ, & ejusdem Interrogationes parvæ*: liber execrandis impietatibus & blasphemis à Gnosticis, & Stratioticis Hæreticis repletus, in quo præter alia detestandæ fœditatis mysteria, ritus traditur Cœnæ Dominicæ tanta apud eosdem Hæreticos abominatione celebratus, ut animus eloqui horreat, manus refugiat scribere. Videri possunt quæ narrat Epiphanius in primum Panarii, & ex eo Sixtus Senensis Biblioth. sanctæ lib. 2. in *Maria*.

XVI. Liber dictus de *Transitu B. Mariæ*, sive *Mariæ Transitus*, à Gelasio ad apocrypha mandatur. In eo varia de transitu B. Virginis apocrypha narrantur. Jacobus Archiepiscopus Genuæ lib. Annuarum festivitatum refert, se incidisse in volumen quoddam apocryphum ejusdem argumenti & tituli, D. Joanni Evangelistæ adscriptum, in quo scriptum esset, Mariam Virginem anno 24. ab Adscensione Filii sui ex hac vita migrasse; & omnes Apostolos momento temporis per aera raptos morienti adfuisse, atque ejus cadaver publico funere, & solemnibus exequiis elatum, lapideo monumento condidisse; eamque post diem tertiam revixisse, & integro corpore, deducuntibus Angelis, in cœlum evolasse: Thomam verò, cum abfuisset, & rediens credere recusaret, zonam, qua corpus Virginis præcinctum erat, è sublime demissam accepisse, resurrectionis & corporeæ in cœlum assumptionis argumentum. Io Trithemius de Script. Eccles. inter opera Melitonis Episcopi Sardensis, qui floruit sub Antonino Vero anno Domini 160., recenset librum de Transitu S. Mariæ, cujus initium est *Melito Christi servus*: Eusebius tamen lib. 4. hist. cap. 26., & D. Hieron. de Vir. illustr. cap. 24. enarrantes Melitonis opera, libri hujus nec verbum faciunt. Primus, qui librum de Transitu Mariæ Melitoni affiaxit, creditur fuisse Beda in Retractionibus in Acta cap. 8. & 13., ubi ipsum rejicit notans in eo nonnulla Sacræ Scripturæ veritati repugnantia, alia fabulosa, alia inverisimilia, ut legere est apud Sixtum Senensem Biblioth. sanctæ lib. 2. in *Maria*.

XVII. De B. Virginis Transitu adest Judicium Fulberti Episcopi Carnotensis, vel cujuscumque alterius, qui auctor sit Sermonis olim 35. inter Augustinianos, nunc 208. in Appendice.

tom. 5. oper. S. Augustini, qui est de Assumptione B. Mariæ. *Hodierno*, inquit, *die ad cælos assumpta fuisse traditur Virgo Maria. Sed quo ordine hinc ad superna transierit regna, nulla Catholica narrat historia. Non solum autem respuere apocrypha, verum etiam ignorare dicitur hæc eadem Dei Ecclesia: & quidem sunt nonnulla sine auctoris nomine de ejus Assumptione conscripta; quæ ut dixi ita caventur, ut ad confirmandam rei veritatem legi minimè permittantur. Hinc sanè pulsantur nonnulli, quia nec corpus ejus in terra invenitur, nec assumptio ejus cum carne, ut in apocrypha legitur, in Catholica historia reperitur. Quibus dicendum est, quia si Moyse corpus ab homine non invenitur in terris, cum quo locutus est Deus facie ad faciem; illius quærere dementia est, per quam idem majestatis Deus incarnatus effulsit in terris. Neque enim dignum est, de corporis ejus notitia sollicitum quempiam esse, quam non dubitat, super Angelos elevatam cum Christo regnare. Subinde postquam dixit, nullum latinum Scriptorem de ejus morte verba facere, nec Joannem Evangelistam, quo nullus fidelius narrare poterat, si hoc Deus manifestari voluisset, concludit: *Restat ergo, ut homo mendaciter non fingat apertum, quod Deus voluit manere occultum. Vera autem de ejus Assumptione sententia hæc esse probatur, ut secundam Apostolum sive in corpore sive extra corpus ignorantes, assumptam super Angelos credamus.**

XVIII. Idem asserit Sophronius, vel alius, qui nomine Sancti Hieronymi edidit sermonem de Assumptione Virginis ad Paulum & Eustochium, & reperitur tom. 5. ultimæ editionis oper. S. Hieronymi. *Quomodo autem (inquit) vel quo tempore, aut à quibus personis sanctissimum ejus corpus inde ablatum fuerit, vel ubi transpositum; utrum ne resurrexit, nescitur, quamvis nonnulli adstruere velint eam jam resuscitatam, & beata cum Christo immortalitate in cælestibus vestiri. Quod de B. Joanne Evangelista ejus ministro, cui Virgini à Christo Virgo commissa est, plurimi asseverant: quia in sepulcro ejus (ut fertur) nonnisi manna invenitur; quod & scaturire cernitur. Verumtamen quid horum verius censeatur, ambigimus. Melius tamen Deo totum, cui nihil impossibile est, committimus, quàm ut aliquid temere definire velimus auctoritate nostra, quod non probemus: sicut & de his quos cum Domino (Evangelio teste) resurrexisse credimus, de quibus aliquibus perfunctum est, adhuc cum Christo immortalitate frui, ut sint testes perennes resurrectionis ejus: Unde & B. Petrus (loquens de David) ... Et sepulchrum, inquit, ejus apud nos est, quasi non sit ausus dicere, quod ipse aut corpus ejus apud nos est, sed tantum sepulchrum, quo conditus fuerat: hinc ajunt resurrexisse & eum cum ceteris*

Sanctis: & ideo vacuum remansisse Mausoleum, ut nunc B. Maria cernitur. ... Quod (quia Deo nihil est impossibile) nec nos de Beata Maria Virgine factum abnuimus, quamquam propter cautelam (salva fide) pio magis desiderio opinari oporteat, quam inconsulte definire, quod sine periculo nescitur. Epiphanius autem in Panario hæres. 78. & 79. ex una parte improbat errorem Collyridianorum hæreticorum, asserentium B. Virgini naturam divinam, illamque sacrificio colentes velut Deam; Et ex alia de ejus morte non audet certi aliquid definire dicens: *Non autem omnino definio hoc, & non dico quod immortalis mansit, sed neque affirmo quod mortua sit.* En quanta apud Veteres circa hoc hæsitatio.

XIX. Ecclesia tamen Catholica omni hæsitazione sublata firmiter credit, semperque credidit, B. Virginem fuisse mortuam, non quidem martyrio, ut quidam opinati fuerant, contra quos auctor, qui nomine Isidori fertur lib. de Vit. Obit. Sanctorum cap. 68. citatus à Baron. in Martyrolog. ad 15. Augusti, & alii post ipsum. Et insuper (quidquid fenserint Pseudo-Augustinus, & Pseudo-Hieronymus supra citati) esto repudiet apocrypha, quæ de ejus morte lætitantur; ut firmiorem Traditionem amplectitur eam, quæ docet, Mariam anima & corpore simul assumptam fuisse in cælum; ejus propterea festum sub nomine Assumptionis solemniter celebrans. Hujus Traditionis testes sunt Græci, qui Assumptionem B. Virginis habent in suo Menologio eodem die ac nos. Joannes Damascenus homil. 2. in dormit. Deiparæ, ubi ex Euthymiaca historia refert totum quod accidit in Virginis morte, & quod Ecclesia recitat in lectionibus pro Officio Assumptionis. Cùm autem in dicta historia citetur Dionysius Areopagita lib. de Divinis nominibus cap. 3. esto liber ille à modernis Criticis Areopagitæ abjudicetur; cum tamen sub illius nomine cœperit vulgari ante quinti seculi finem, colligere licet ex dicto Dionysii loco, tunc temporis narrationem de obitu & Assumptione B. Virginis fuisse evulgatam: quod eò magis roboratur, quia in libro Sacrament. S. Gregorii adest Missa tam pro Vigilia, quàm pro Festo sub nomine Assumptionis, quod repetit ejusdem Missæ Præfatio; Gregorius autem 6. seculo floruit. Hujus Traditionis assertor celebris fuit Juvenalis Episcopus Hierosolymitanus, qui floruit circa annum 430., eamque ex Majorum Traditione evulgavit coram Marciano ac Pulcheria Augustis, ut refert Damascenus homil. 2. in dormit. Deiparæ. Hoc idem referunt Nicephorus lib. 2. cap. 22. & lib. 15. cap. 14., Metaphrastes, Glycas, aliique Græcorum. Ex Latinis verò, missis duobus apocryphis supra relatis sub S. Augustini & Hieronymi

mi nomine, de Virginis Assumptione agitur in Ordine Romano, in Concilio Moguntino sub Carolo Magno Can. 36., aliisque monumentis agentibus de Divinis Officiis. Gregor. Turon. de glor. martyr. lib. 1. cap. 4. & 9. S. Bernardus Abbas, Petrus Damianus de Assumptione sermones edidere.

XX. Sub Christi nomine plures Hæreticos sparsisse libros, memoriæ Veteres prodidere. Prætereo librum magica continentem, quem aliqui blasphemum à Christo editum, Apostolicque Petro & Paulo inscriptum, fuisse mentiti sunt, quemque supra refutavimus cum S. Augustino lib. 1. de Consensu Evangelist. cap. 10. Alios libros sub Christi nomine ab Hæreticis & Impostoribus evulgatos fuisse, detestatur S. Hieronymus in Ezech. cap. 44. dicens: *Salvator nullum volumen doctrinæ suæ proprium revelavit, quod in plerisque apocryphorum deliramenta confingunt; sed Patris & suo Spiritu quotidie loquitur in corde credentium.* Alii forte superessent apocryphi recensendi, sed cum horum vix nomen supersit, propterea, ne tempus inutiliter teramus, eos omittimus.

CAPUT VI.

De Symbolo Apostolorum :

I. **S**ymboli vocabulum non unam apud Auctores Ecclesiasticos habet etymologiam. Quidam enim observantes, *Symbolum* Græce derivari à verbo *Symballon*, quod idem est ac *conferre* & *cum alio congruere*, existimant, *Symbolum* idem esse, ac *collationem*: hoc est quod plures in unum conferunt. Ita Rabanus Maurus lib. 2. de Instit. Clericorum cap. 56, Ruffinus in exposit. Symboli, S. Iudorus lib. 2. de Ecclesiasticis Officiis c. 22. & in hoc sensu *Symbolum Apostolorum* nil aliud erit, quam regula Doctrinæ, quam Apostoli in unum contulerunt. Et in hoc sensu accepit *Symbolum* S. Augustinus serm. 1. ad Catechumenos cap. 1. cum ait: *Hoc est enim Symbolum, quod recensurū estis, & reddituri. Ista verba, quæ audistis, per divinas Scripturas sparsa sunt; sed inde collecta, & ad unum redacta, ne tardorum hominum memoria laboraret, ut omnis homo possit dicere, possit tenere, quod credit.*

II. Alii *Symbolum* putant derivari à signo, seu tessera, qua olim notabantur milites, ut dignoscerentur ab hostibus, vel quæ olim in pactis aut conventionibus syngrapharum loco tradebantur. Primam significationem animadvertit Ruffinus lib. de exposit. Symboli ad Laurentium; secundam verò S. Petrus

Chrysologus serm. 62. de Symbolo Apostolorum . Undecumque ergo Symbolo etymologia derivetur , commodè aptatur Symbolo Apostolorum . Hoc enim collectio est eorum , quæ nobis credenda Apostoli contulerunt . Hoc distinguimur , ceu militari signo , & secernimur à Christi hostibus . Hoc demum veluti syngrapha obtestamur fœdus , quod cum Deo inivimus in Baptismo . *Symbolum* (ait laudatus Chrysologus) *inter duos firmat semper geminata conscriptio , & in stipulatione tantum reddidit humana cautela . . . Sed hoc inter homines , inter quos fraus . . . Inter Deum verò & homines Symbolum . fidei fila fide firmatur : non littera , sed spiritui creditur : & mandatur cordi , non charta , quia divi um creditum humana non indiget cautione &c.* Ab his ergo omnibus dici potest Symbolum , de quo acturi sumus . Ita Ruffinus expos. Symbol. ad Laurent. *Symbolum autem hoc multis & iustissimis ex causis (Apostoli) appellare voluerunt . Symbolum enim Græcè iudicium dici potest , & collatio ; hoc est quod plures in unum conferunt . Id enim fecerunt Apostoli in his sermonibus , in unum conferendo , quod unusquisque sensit . Iudicium autem , vel signum idcirco dicitur , quia illo tempore . . . multi ex circumcisis Judæis simulabant , se esse Apostolos Christi . . . Idcirco ergo istud iudicium posuere , per quod agnosceretur is , qui Christum verè secundum Apostolicas Regulas predicaret &c.*

§. I.

Heterodoxi quid sentiant ?

III. **T**Ria Christianæ Religionis Fidem continentia edita sunt . Symbolum primum dictum Apostolorum , seu Apostolicum , alia duo primi explicationes & declarationes sunt , nimirum Nicænum editum in Concilio Nicæno primo , & Constantinopolitanum editum in Concilio Constantinopolitano primo ; quibus additur quartum vulgè S. Athanasio tributum . De primo hic agimus , an habuerit auctores ipsos Apostolos .

IV. Calvinus dicit , se non esse sollicitum de Symboli Apostolici auctore ; fatetur tamen , tempore Apostolorum fuisse conditum , ita lib. 2. Institut. cap. 16. §. 18. *Apostolicum autem Symbolum nuncupo , de auctore interim minimè sollicitus . Apostolis cerè magno veterum Scriptorum consensu adscribitur : sive quod ab illis in commune conscriptum , ac editum existimabant , sive quod compendium istud ex doctrina per eorum manus tradita , bona fide collectum , tali elogio confirmandam censuerunt . Neque verò mihi du-*

dubium est, quin à prima statim Ecclesiæ origine, adeoque ab ipso Apostolorum seculo, instar publicæ, & omniū calculis receptæ confessionis, undecumque tandem initio fuerit profectum. Nec ob uno priusquam fuisse conscriptum, verisimile est; quum ab ultima usque memoria sacrosanctæ inter pios omnes auctoritatis fuisse conslet. Ita Calvinus: qui esto rem in dubio relinquere videatur, attamen in eam, ut patet, propendit opinionem, ut Apostolorum opus non sit.

V. Magistrum suum apertius & audacius sequuntur Calvini gregales. Gerardus Vossius lib. de tribus Symbolis disert. 1. negat, ab Apostolis editum; atque ideo dici Apostolicum putat, quia Apostolicæ doctrinæ compendium. Chamierus l. 9. de Canone cap. 10. *Eff. ab Apostolis*, inquit, *Symbolum sic compositum, si non est falsum, certè, quod proximum falso esse nemo negat, incertum est.* Apertè negat Basnagius Annalium Politico-Ecclesiast. ad ann. 42. num. 24., ubi erepto Apostolis Symbolo concludit, nec à tempore Apostolorum fuisse conditum, sed secundo aut tertio seculo: *In ea igitur (inquit) sententia versamur, secundo, tertioque seculo ex Apostolica doctrina constat esse Symbolum &c.* Idem senserat Ottius ad annum 44. §. 6. & 7. Quibus omnibus præiverat Erasmus Præfat. ad lectorem Paraphrasis S. Matthæi dicens: *Librum hanc concinnare cupio, non ex humanis lacunis, sed ex fontibus Evangelicis, & Apostolicis literis, & ex Symbolo, quod à Apostoli prædictum sit, nescio.* Ita etiam se sentire, testati sunt Græci in Concil. Florentino part. 2. collat. 13.

Orthodoxi autem contrarium sentiunt, illud genuinum Apostolorum traditum verbum asserentes, inter quos Baron. ad ann. 44. num. 15. & 16., Natalis Alexander Secul. 1. disert. 12.

§. II.

Orthodoxorum mens:

VI. **S**ymbolum dictum Apostolorum, seu Apostolicum, censendum est ab Apostolis traditum. Probo assertum hoc discursu. Non est recedendum à communi Veterum Traditione, si non urgeat prudens & rationabilis causa, vel motivum: atqui Veterum Traditio est, Symbolum, quod dicimus Apostolorum, fuisse revera ab Apostolis Ecclesiæ traditum, nec urget prudens ullum & rationabile motivum, cur ab hac Traditione recedamus: ergo &c. Maj. videtur non neganda; hac enim

ra-

ratione quia Veterum Traditio nos docuit, credimus quatuor Evangelia esse opus eorum, quorum præferunt nomen. Minorem autem propositionem pro prima parte, nimirum talem fuisse Veterum Traditionem, ex ore ipsius Calviui supra audivimus lib.2. Inst. cap.16. §.18. *Apostolis certè magno Veterum consensu adscribitur, quod repetit in Catech. Ecclesiæ Genevensis c. de Fide.*

VII. Hujus Traditionis testes sunt primò Irenæus lib.1. contra hæres. cap. 10., qui unam ac eandem esse totius Ecclesiæ fidem probans, ait: *Ecclesiæ enim per universum orbem usque ad fines terræ seminata, & ab Apostolis ac Discipulis eorum accepit eam fidem, quæ est in unum Deum Patrem omnipotentem, qui fecit cælum & terram: & in unum Jesum Christum Filium Dei &c. recensens subindè omnia ferè, quæ in Symbolo credimus. Secundò Tertullianus lib. de præscript. cap.37. In ea, inquit, Regula incedimus, quam Ecclesiæ ab Apostolis, Apostoli à Christo, Christus à Deo tradidit. Hanc autem Regulam esse Symbolum, de quo agimus ostenderat supra cap.13. dicens esse illam, qua creditur, unum omnino Deum esse: & apertius lib. de velandis Virginibus cap.1. Regula fidei una omnino est, sola immobilis & irreformabilis, credendi scilicet in unum Deum omnipotentem, mundi conditorem; & in Filium ejus Jesum Christum &c. Tertiò S. Hilarius lib.1. ad Constantium num.3. non longè ab initio conqueritur de Arrianis, quòd non cessent rectam Apostolorum Regulam depravare, ubi loqui de Symbolo perspicuum est: quod lib.2. ad Constant. num.6., ut & lib. de Synodis num. 63., vocat fidem Apostolicam, & dicto lib.2. num.4. dicit in regenerationis sacramento esse confitendum.*

VIII. Quartò idem sentit Lucifer Calaritanus ad Constantium scribens lib.2., vocans hoc Symbolum *formam disciplinæ, & regulam fidei per Apostolos traditam.* Et libro de non conveniendo cum Hæreticis increpans Arrianum, quòd Patrem non esse verum Patrem, sed appellari Patrem assereret, ait: *Cum e contra videamus, Apostolos credidisse in unum Deum Patrem omnipotentem, verum Patrem, propterea verum Patrem, quod verè, non putativè habeat Filium: & in unicum Filium ejus Jesum Christum, hoc est in verum Dei Filium, & in Sanctum Paracletum verum Dei Spiritum.* Quintò S. Ambrosius lib.1. epist.7. ad Siricium Pont. Max. Credatur, inquit, *Symbolo Apostolorum, quod Ecclesiæ Romana intemeratum semper custodit & servat.*

IX. Sextò Cœlestinus Papa I. Epistola ad Nestorium arguit istum, quod abstulerit verba *Symbolo ab Apostolis tradito.* Et Con-

Concilium Ephesinum in relatione ad Theodosium de Nestorii depositione protestatur, se istum condemnasse *Sacra Fidei expositione præmissa, quæ primum à Sanctis Apostolis nobis tradita, postea fuit à trecentis decem & octo Sanctissimis Patribus in Metropoli Nicæa à sancta memoria Constantino congregatis exposita.*

X. Septimò S. Leo scribens ad Pulcheriam Augustam Ep. 13. *Ipsius (inquit) Catholici Symboli brevis & perfecta confessio, quæ duodecim Apostolorum tandem est signata sententiis, tam instructa sit in munitione cælesti, ut omnes Hæreticorum opiniones solo ipsius possint gladio detruncari.* Prælaudatis Cælestini & Leonis testimoniis usus est in Synodo Florentina Cardinalis S. Angeli (ut videre est p. 2. collatione 13.) ubi disputans cum Marco Ephesino, ostendit contra ipsum, aliosque Græcos id negantes, Symbolum esse verè Apostolorum factum. Et collatione 8. Archiepiscopus Colossensis Andreas Rhodius O. P. in disputatione Archiepiscopo Nicæno comprobans, Evangelium esse principium, ex quo Symbolum desumptum est, ait: *Hoc clarum est, Evangelium esse Symboli principium, quia Apostoli exsequi volentes Dei præceptum, ut omni creaturæ Evangelium prædicarent, ut pariter in evangelizando convenirent, ex Evangelio fecerunt Symbolum, quod dicitur Apostolorum, ex quo infer, doctrinam Evangelii non esse extrinsecam à doctrina Symboli, ut Græci autumabant.*

XI. Hæc crediderim Andræam Rhodium præfatum summisse ex Rufino, qui in præfatione exposuit. Symboli ad Laurentium, quæ extat inter opera S. Cypriani, ita scribit: *Tradant Majores nostri, quod post ascensionem Domini, cum per adventum Sancti Spiritus super singulos quosque Apostolos ignea lingua sedissent, ut loquelis diversis variisque loquerentur... præceptum eis à Domino datum, ob prædicandum Dei verbum ad singulas quemque proficisci nationes. Discessuri itaque ad invicem normam prius futuræ sibi prædicationis in commune constituerunt; ne fortè alius ab alio abducti, diversum aliquid his, qui ad fidem Christi invitabantur, exponerent.* Omnes ergo in uno positi, & Spiritu Sancto repleti, breve istud futura sibi, ut diximus, prædicationis indicium conferendo in unum, quod sentiebat unusquisque, componunt, atque hanc credentibus dandam esse regulam statuunt. Et post multa. *Discessuri ergo, ut diximus, ad prædicandum, istud unanimitatis & fidei sue indicium Apostoli posuere: non sicut filii Noè discessuri ab alterutro, turrem ex latere cocto & bitumine constructes, cuius cacumen pertingeret usque ad cælum, sed munimenta fidei, quæ starent adversus faciem inimici, ex lapidibus vivis & margaritis Dominicis adificantes &c.*

XII. Suffragantur S. Isidorus Hispalensis lib. 2. de Ecclesiast. Officiis cap. 22. , Cassianus liber 6. de Incarnat. c. 3. & 4. , S. Maximus Homil. de Traditione Symboli, & Hincmarus Remens. Epist. ad Presbyt. Remens. Parochiæ tom. 5. Concil. Harduini col. 416. , ubi præscribens ritum in Baptismo servandum num. 5. ait: *Deinde verò Symboli Apostolici traditur ei fides . . . Quod enim Symbolum Græcè dicitur, latine iudicium, vel signum, sive collatio interpretatur. Iudicium, quia per id indicatur fidei integritas. Signum, quod eo bene retento & intellecto Fideles ab Infidelibus secernuntur. Collatio, quia in eo Sancti Apostoli omnem fidei integritatem contulerunt: quod autem omnes Apostoli pari fidei sinceritate corde retinebant, ore confessi sunt, & singuli proprias sententias conferentes, Symbolum, idest totius fidei collationem ediderunt. Discessuri enim ab invicem per totius orbis provincias normam prædicationis in commune statuerunt, ne localiter ab invicem dissidentes, diversum aliquid vel diffonum prædicarent. Ex hæcenus prolatis sufficienter apparet firma apud Veteres Traditio, quod Symbolum dictum Apostolorum, Apostolos habuerit Auctores.*

XIII. Quod autem ab hac Traditione recedendi, causam & rationale motivum non habuerint Protestantes, ostendemus infra, solvendo eorum momenta. Deinde quia dum negant esse factum Apostolicum, nesciunt assignare, quisnam fuerit eius parens, nesciunt, quo tempore editum fuerit. Calvinus enim, ut supra, ut indubium censet, à prima statim Ecclesiæ origine fuisse confectum, adeoque ab ipso Apostolorum seculo. Calvini verò sequaces illud putant recentius, Basnage supra relatus in secundum aut tertium seculum rejicit. Ottius Annal. Eccles. ad ann. 44. num. 7. dicit, de illo nullam fieri mentionem usque ad Concil. Nicænum. Dico ergo sic. Qui negat aliquod instrumentum esse illius; cuius fertur, & eo tempore conditum, quo hæcenus traditum est, ei incumbit certò ostendere, cuius determinatè alterius sit, & quo tempore editum; alias ab eo, quod sibi incertum videtur, prolabetur in incertius. Sed qui negant, Symbolum Apostolicum, esse editum ab Apostolis, nesciunt determinare à quo, & quo tempore conditum fuerit: ergo temerè & absque fundamento veterem hanc traditionem repudiant.

XIV. Quæres primò, quandonam Apostoli Symbolum hoc ediderint?

Respondeo ex Ruffino & Hincmaro supra laudatis, probabilius esse, illud edidisse, cum post Hierosolymitanum Conven-
tum, de quo Act. 15., proximè separandi erant: *Discessuri itaque*
ad

ad invicem (ait Rufinus) normam sibi prius futurae predicationis in commune constituunt, ne forte alius ab alio abducti, diversum aliquid his, qui ad fidem Christi invitabantur, exponerent. Colligo ex Paulo Galat. 7. v. 1. Deinde post annos 14. iterum ascendi Hierosolymam: & v. 2. Et contuli cum illis Evangelium, quod prae dico in Gentibus: seorsum autem iis, qui videbantur aliquid esse. Ecce collationem factam inter Paulum aliosque Apostolos de fidei Articulis, seu de Evangelii praedicati doctrina, anno quatuordecimo, qui correspondet secundum multos anno, quo habitum fuit Concilium Apostolicum Hierosolymis. Credibile ergo est, hac occasione Apostolos invicem conferentes Symbolum edidisse. Cui assentitur. Adrichomius, qui in descriptione Hierusalem. num. 6. asserit, ibi conditum ab Apostolis, in sui divisione post Concilium, fuisse Symbolum. An autem locus, ubi illud condiderunt, fuerit Coenaculum Sion, ut ipse opinatur, an Mons Oliveti, ut vult Quaresmius Elucid. Terrae Sanctae tom. 2. lib. 4. cap. 1., incertum relinquo.

XV. Quæres secundò. An singuli singulos articulos protulerint, an omnes ab omnibus collectis editi sint?

Respondeo, Auctorem Sermonis 241. olim 119. de tempore D. Augustino tributi censere, singulos singulas sententias protulisse, ait enim: *Petrus dixit: Credo in Deum Patrem omnipotentem. Joannes dixit: Creatorem celi & terræ. Iacobus dixit: Credo & in Jesum Christum Filium ejus unicum Dominum nostrum* &c. & sic de singulis. Sed verius crediderim, non singulos singulas partes, sed omnes simul communi consensu Symbolum edidisse, ut colligitur ex Rufino, aliisque supra laudatis, qui nihil dicunt de sententiis ab unoquoque Apostolorum prolatis, quamvis Hincmarus videatur huic opinioni subscribere dicens: *Singuli proprias sententias conferentes, Symbolum idest totius Fidei Collectionem ediderunt.*

XVI. Quæres tertio. Quot articulis constiterit Symbolum prout ex Apostolis prodit?

Respondeo cum Concilio Vaurenfi anno 1368. cap. 1., quod extat tom. 7. Concil. Harduini column. 1806., Symbolum Apostolorum distinctum esse in 14. articulos fidei, quorum septem sunt pertinentes ad Divinitatem, alii septem ad Christi humanitatem, seu septem de Deo secundum se, & septem alii de Deo ratione humanitatis assumptæ, qui omnes in istis quatuor versibus continentur:

*Unum crede Deum, Patrem, Filium, quoque Flamen,
Et hi spectant ad Deum in se.*

Qui creat, & recreat homines, quos salvificabit.
Et hi sunt de effectibus ipsius Dei in homines.

Conceptus, natus, passus, descendit ad ima,
Surgit, & ascendit, venit discernere cuncta.

Et hi pertinent ad naturam à Filio Dei assumptam. Subjungit autem idem Concilium: *Aliqui tamen computant secundum numerum Apostolorum duodecim, qui istus fidei Articulos distinxerunt. Sed prima distinctio melior est, quæ accipitur secundum numerum credendorum.*

S. III.

Defenditur Symbolum ab impugnantibus.

XVII. **P**rimum & potissimum Adversariorum argumentum editum, Lucas in Actibus Apostolicis rem tanti momenti non præterisset, aut certe aliquis Apostolorum in suis scriptis ejus meminisset.

XVIII. Insuper debuisset in Canonem Sacrarum Scripturarum referri. Quid dignius, & magis Canonicum, quam Symbolum universæ fidei, habens parentem totum Apostolicum cœtum? Si singulorum Apostolorum opera Canoni Scripturarum inferi meruerunt; si Clementis Epistolæ, & octo Constitutionum libri pro Canonicis ab aliquibus habiti sunt, cur non hoc Symbolum? Sanè si nos Epistolam Christi ad Abgarum, si Canones Apostolorum, ut non genuinos, sed ut suppositos fortis explosimus, quia non fuisse, ut debuissent, Canoni Scripturarum inserti; nulla videtur ratio, cur amplectamur tanquam legitimum Symbolum Apostolorum, quod à Canone Scripturarum semper exulasse conspiciamus.

Præterea si hoc Symbolum Apostolicum revera esset, Nicæni Patres illud indicassent, maxime cum Symbolum suum condere sunt aggressi.

XIX. Respondetur, silentium S. Lucæ esse argumentum negativum & infirmi roboris; respondebo enim cum S. Hieronymo in Epist. ad Galat. cap. 2. *mirum non esse, si Lucas rem hanc tacuerit, cum & alia multa, quæ Paulus sustinuisse se replicat, Hieronymi licentiâ prætermiserit*: vel cum S. Chrysostomo homil. 1. in Acta, & lib. contra Gentiles, ubi de libro Act. Apostol. ait: *Continet autem non acta ipsa omnia, neque omnium, sed unius tantum & alterius, & ea quidem numeratæ facilia.* Ejus ta-

men

men meminisse Paulum, supra dixi ad Gal. 2., ubi ait, se cum Apostolis contulisse Evangelium : tunc enim editum fuisse omnium consensu Symbolum, credere par est.

XX. Ad aliud, cui maximè fudit Basnagius, respondet Natalis Alexandre Secul. 1. disert. 11., quod Symbolum, etsi ab Apostolis editum, non fuit in Canone repositum, quia esto doctrinam Apostolorum contineat, non tamen continet doctrinam scriptam, quæ sola in Canone Scripturarum recensetur, sed verbo ac ore tenus traditam. Et quod ita sit, ostendit tum ex S. Hieronymo, qui Epist. 61. ad Pammachium *Symbolum* (inquit) *fidei, & spei nostræ, quod ab Apostolis traditum, non scribitur in charta, aut atramento, sed in tabulis cordis carnalibus*: tum ex Rufino laudata Exposit. Symboli. Idcirco denique (ait) *hæc non scribi in chartulis, neque membranis, sed retineri cordibus, tradiderunt; ut certum esset, neminem hæc ex lectione, quæ interdum pervenire etiam ad infideles solet, sed ex Apostolorum Traditione didicisse sufficeret*: tum ex S. Petro Chrysologo serm. 62. dicente *Symbolum fidei sola fide firmatur, non litteræ sed Spiritui creditur, & mandatur cordi non chartæ*. Hinc fit, non debuisse inter Scripturas Canonicas referri. Debuissent quidem inter eas referri Epistola ad Abgarum, quia à Christo conscripta, & Canones Apostolici, quia, si revera fuissent eorum, vel fuissent ab ipsis conscripti, vel saltem dictantibus ipsis, aut eorum iussu exarati.

XXI. Ex his dissipata manet prima Basnagii contra Alexandrum instantia. Sed dicit insuper. Fallitur si vir eruditus arbitretur, eò Regulam fidei esse Canonicam, quia scribitur. *Verba Servatoris, atque præcepta, prius utique Canonica erant, quam scripta mandarentur; Canonica etiam Conciones Apostolorum, utpote à Spiritu Sancto editæ: imo scriptæ sunt, quia Canonica, non eò Canonica, quia scriptæ*. Dicit ulterius: *Neque Apostolorum Epistolæ propria manu sunt exarata. Scripta fuit illa ad Ephesos per Tychicum; illa ad Romanos, si vera inscriptio, per Phæben; illa ad Philippenses per Epaphroditum: existimabantur tamen Pauli Epistolæ, quia amanuensis utebatur, qui dictata excipiebant. Jam verò Apostoli verba Symboli dictasse dicuntur. Cum igitur Symbolo requisita inessent omnia, ut Canonica Regula haberetur; multo magis scribi debuit, & Canonica censeretur, quàm in Hierosolymitana Synodi ad Antiochenam Ecclesiam Epistola, cuius nec materia tam gravis est, nec tam necessaria fidelibus ac illa Symboli*. Hæc Basnagius Annal. ad ann. 42. num. 19.

XXII. Verum nihil horum nos premit. Non primum, quia scimus, & fatemur nos etiam, non ideo aliquid esse Regulam

fidei, & Canonicum, quia scriptum; imo verba Dei & Apostolorum prius esse Canonica, quàm scripta: ideoque Symbolum Apostolorum tanquam Regulam fidei, & Canonicum suscipimus, sicut & ceteras divinas Traditiones, etsi non fuerint scripto traditæ. Sed dicimus, Symbolum Apostolorum non numerari inter Canonicas Scripturas, quia ab Apostolis non fuit scripto mandatum, sed traditum. Licet autem non omne quod est Canonicum, debeat esse scriptum, omnis tamen Scriptura Canonica debet esse scripta, ut vel ipsis verbis palam sit. Miror tamen, hanc doctrinam, quæ mirificè favet Traditionibus non scriptis, ex viri Protestantis calamo excidisse. Si enim doctrina aliqua non eò est Canonica, quia scripta, si priùs est Canonica, quàm sit scripta: ergo dari potest aliqua doctrina, quæ sit Canonica & Regula fidei, & tamen non sit scripta. Ergo Traditiones non scriptæ, quas Ecclesia quasi per manus ab Apostolis accepit, possunt haberi & esse Canonicae, & Fidei Regula. Cur ergo id Protestantes inficiantur?

XXIII. Nos non premit secundum. Do enim, non omnes Epistolas esse propria Apostolorum manu exaratas, illam ad Romanos per Phæben, ad Ephesios per Tichycum, ad Philipenses per Epaphroditum (quamvis verius existimem istos talium Epistolarum fuisse delatores, non amanuenses) tamen dictæ Epistolæ fuere Apostolis dictantibus vel mandantibus conscriptæ, ideoque revera inter Canonicas Apostolorum Scripturas referri debent. At Symbolum nec scripserunt Apostoli, nec Amanuensis dictarunt scribendum, sed invicem conferentes statuerunt, ut esset communis Regula in prædicatione Evangelii, & quasi totius Fidei compendium prædicandum, non scribendum in charta, sed in cordibus credentium. Neque ex quo Symbolum sit Canonica Regula, scribi debuit. Unde enim id probat Basnagius? Scribi quidem debuit ex Synodo Hierosolymitana Epistola ad Antiochenam Ecclesiam, quia cum decretum illius Synodi deberet innotescere Antiochenis, nec posset id fieri ore, ac voce omnium Apostolorum, debuit subrogari epistola, quæ nomine omnium testaretur, qualiter inter absentes fieri solet. At Symbolum erat ipsorum Apostolorum voce ac prædicatione in omnes terras personaliter deportandum, ideoque etsi materiam magis necessariam clauderet, non oportuit, ut scripto per Apostolos mandaretur; quia Scriptura in supplementum præsentis personalis adhibetur.

XXIV. Tertium, quod supra adjicebatur, respondebatur à Græcis in Synodo Florentina p. 2. collat. 13. Cum enim Cardina-

nalis interrogasset Græcos : *Habetis Symbolum Apostolorum ?* Respondit Marcus Ephesius : *Non : etsi fuisset , fuisset factum verbum de eo , nimirum in Concilio Nicæno , cum in eo condere- tur Symbolum .* Respondeo , hoc non favere Basnagio , nec Calvinio . Nam si ex quo Synodus Nicæna non meminit hujus Symboli , arguitur , non esse Apostolorum , nec ab Apostolis conditum ; arguitur etiam tale Symbolum pro eo tempore non- dum extitisse , quod est contra Calvinum , qui illud putat secundo aut tertio seculo à viris piis editum fuisse . Erat ergo jam Nicæ- ni tempore Symbolum , seu credendi Regula , cujus expositionem Nicæni Patres in suo Symbolo instituere : cum autem nec Ad- versarii sciant , quo tempore , vel à quo factum fuerit ; credendum est illud ab Apostolis traditum juxta regulam S. Augustini lib. 5. de Baptismo contra Donat. cap. 24. *Quod universa tenet Ecclesia , nec Conciliis institutum , sed semper retentum est , non nisi auctoritate Apostolica traditum rectissime creditur .*

XXV. Secundum Basnagii momentum est : Si Symbolum ab Apostolis institutum est , ut fideles ab infidelibus atque hæ- reticis fecernerentur ; vel Apostoli respexerunt ad solos infide- les tunc existentes , vel etiam ad posteros . Non primum , quia longè plures damnantur in Symbolo , quàm qui Apostolis fuere coævi , dum in terrarum orbem legati fuerunt ; non enim eo tempore adhuc emerferat Cerinthus , aut Ebion , quos forte so- lus Joannes vidit . Non secundum , quia in Symbolo non præclu- duntur omnes hæreses , quæ posterioribus temporibus emerse- runt . Num enim duodecim Apostolici Symboli Articulis præ- cluduntur errores Pelagii , originale peccatum & gratiæ ne- cessitatem negantis ? Num Socinianorum , Christi Sacrificium , & Divinitatem pro nihilo habentium ? Num Anabaptistarum circa sacramenta , juramenta &c. ? Si ita esset , non fuisset opus , ut Synodi Nicæna & Constantinopolitana nova ederent Symbo- la ; & sic ostenderent , Apostolos non plenam & consummatam , sed mancā & mutilā Regulam præscripsisse . Ita Basnagius num 20.

XXVI. Respondeo , Apostolos Symbolo suo voluisse gene- raliter consulere Fidei & Ecclesiæ , nedum pro illo tempore , sed etiam pro futuro . Nec enim tempore Apostolorum deerant hæ- reses , ut benè notat Natalis Alexander . Aderat Simon Magus , qui teste S. Augustino lib. de hæres. cap. 1. negabat , Deum fecisse mundum , negabat carnis resurrectionem , & asserbat , se esse Christum , imo & Spiritum Sanctum . Aderat Cerinthus , qui teste S. Epiphanio hæres. 28. , & Philastrio lib. de hæres. in Ce- rin-

rintho, movens quæstionem de legis Mosaicæ cæremoniis observandis, occasionem dedit Apostolis Hierosolymitanæ Synodi celebrandæ. Negabat iste, Deum verum esse conditorem mundi; Christum merum hominem docebat ex Joseph & Maria genitum: cui coætaneum facit Eusebius lib. 3. hist. cap. 27. 28. & 29. Ebionem, & Nicolaum, illum Ebionitarum, istum Nicolaitarum parentem. Aderant etiam inter fideles seductores, falsi Prophetæ, falsi Fratres, ut S. Paulus in suis Epistolis prodit, & Lucas in Actibus Apostolicis. Hi omnes occasionem dederunt Apostolis condendi Regulam Fidei, qua veri fideles sciarent, quid tenendum, quidve repudiandum. Hinc Rufinus laudata Exposit. in Symbolum: *Indicium autem (inquit) & signum idcirco dicitur, quia illo tempore, ut Paulus Apostolus dicit, & in Actis Apostolorum refertur, multi ex circumcisis Judæis simulabant, se esse Apostolos Christi . . . , nominantes quidem Christum, sed non integris Traditionum lineis nunciantes &c.*

Esto autem in præfato Symbolo expressè non refellantur omnes hæreses, quæ successu temporum ab inferis emerferunt: in eo tamen Apostoli fundamenta jecerunt, quibus possent per Ecclesiam Scripturâ duce extirpari, dum enim jubebantur fideles credere sanctam Ecclesiam, consequenter docebantur ipsam audire ut Magistrum, & tenere id, quod ulterius ex Scripturis sanctis tenendum, credendumque eis proposuisset: nec enim Symbola posteriora Nicænum, Constantinopolitanum, errores Pelagii, Socinianorum, ceterorum Hæreticorum expressè confodiunt, & tamen eos detestamur, quia eos detestatur Catholica Ecclesia. Dici etiam potest, præcipuum Apostolorum scopum in suo Symbolo fuisse, illos exprimere Articulos, quibus Christiani ab Ethnicis, & Judæis, quibus prædicabant, discernebantur, relinquentes alios, Ecclesiæ nata occasione exponendos, quos Ecclesia in Symbolis successivè editis imitata est: Nicæni enim Patres explicarunt ea, quæ contra Arrium, contra quem agebant, militabant; Constantinopolitani, quæ contra Macedonium.

XXVII. Verùm ecce tertium Basnagii argumentum. Si Symbolum illud fuisset ab Apostolis prolatum, fuisset opus à Spiritu Sancto dictatum, non minùs ac Sacra Scriptura. Sicut ergo nulli licet, vel verbum, vel apicem Sacræ Scripturæ sufficere; aliàs injuria fieret Spiritui Sancto: ita nec licuisset Ecclesiæ verba addere Symbolo; Cùm autem constet, multa addita fuisse, quæ in Symbolo, ut ab Apostolis, non erant; multa etiam variata, ut inferius expendemus: evidenter colligitur, illud,

illud, ut ab Apostolis editum, Ecclesiam non cognovisse.

XXVIII. Respondeo, ut dicebamus, Symbolum fuisse ab Apostolis consignatum Ecclesiis, quas fundabant voce ac predicatione, non scripto; quo factum est, ut aliæ aliis verbis illud exceperint, & fidelibus suis tradiderint: in quo differt Scriptura divinitus inspirata a Traditione; in illa enim, tam doctrina, & sensus, quam verba ipsa à Spiritu Sancto sunt; ideoque nulli licet detrachere, aut minuere: quod autem Spiritus Sanctus per Traditionem docuit, cum constare non possit, quibus verbis docuerit; sufficit, ut teneatur quoad sensum substantialem, etsi non quoad verba: ideoque Ecclesiam illi addere posse aliquid, magis explicativum sensus à Sancto Spiritu intenti, prout sibi visum fuerit expedire.

XXIX. Sed dices. Saltem in omnibus Ecclesiis deberet esse idem quoad doctrinam, & numerum Articulorum, quod tamen est falsum; cum in aliquibus Ecclesiis olim pluribus sententiis, & articulis constiterit, in aliis autem paucioribus. In Symbolo enim, quod recitat Tertullianus tum lib. de velandis Virgin. c. 1. , tum de Præscript. hæretic. cap. 13. , tum adversus Praxeam cap. 2. , non habentur articuli de Christi descensu ad inferos, de Spiritu Sancto, de Ecclesia, de Sanctorum communione, de remissione peccatorum, de vita æterna. Imo S. Hieronymus Epist. 61. Symbolum describens, omittit *de vita æterna*, dicens: *Post confessionem Trinitatis, & unitatem Ecclesiæ, omne Christiani dogmatis sacramentum Carnis Resurrectione concluditur.* Idem Rufinus sæpè laudatus: *Sed ultimus iste sermo, qui resurrectionem pronuntiat, summam totius perfectionis succincta brevitate concludit.* Hanc vocem *Catholicam* certè Apostoli Symbolo non addiderunt, cum Ecclesia eo tempore angustis conclusa finibus Catholica dici non posset, idest universim diffusa: quare in Symbolis antiquis, & maxime Aquilejensi, vox illa *Catholica* præteritur; sicut & à Marcello Epist. ad Julium: imo & à Rufino, qui tamen totum Symbolum explicare assumit. Articulum de Christi descensu ad Inferos omittit Marcellus Ancyrae Episcopus Epist. ad Julium, cujus exemplum exhibet Epiphanius hæres. 72. §. 3. sicut etiam hæc verba *Creatorem celi & terræ*. Symbola autem Romanum, & Orientale, Christi ad inferos descensum non meminere. Symbolum Apostolicum dicit: *Credo in Deum.* Orientale verò: *Credo in unum Deum.* Aquilejense post *Omnipotentem*, addit *invisibilem, & impassibilem*. Quomodo autem, si ab Apostolis editum esset Symbolum, ausæ fuissent Ecclesiæ, ab illo detrachere articulos, vel addere?

XXX. Respondeo, quod cum Symbolum fuerit ab Apostolis traditum non scripto, sed voce, ut dictum est, non mirum est, si apud aliquas Ecclesias non omnia expressè in eo posita fuerint, sed aliqua prætermisissæ; non ita tamen, ut Fides esset substantialiter mutila. In sola Ecclesia Romana eodem ordine, iisque planè verbis, & sententiis recitatum semper fuit, ut ab Apostolis prodierat. Unde Ambrosius ad Siricium Papam lib. i. Epist. 7. *Credatur inquit Symbolo Apostolorum, quod Ecclesia Romana intemeratum semper custodit, & servat.* Idem testatur Rufinus.

Tertullianus tamen citatis locis non intendit, repræsentare totum Symbolum, sed ea sola capita, quæ militabant contra hæreses tunc dominantes, scilicet Praxeæ, Valentini, Marcionis, & Apellis, quæ de Divinitate Christi, ejus Passione, ac Resurrectione malè sentiebant. Quare ex silentio Tertulliani colligi non potest, Ecclesiam Africanam suis tradidisse Symbolum ita diminutum, ut omitteret articulos *de Ecclesia, Sanctorum communione, Remissione peccatorum, & Vita æterna.* Imo oppositum colligitur. Nam tempore S. Cypriani, Baptismo tingendis præmittebatur interrogatio: *Credis in vitam æternam, & remissionem peccatorum per Sanctam Ecclesiam?* ut habetur in Concil. Carthagin. i. sub Cypriano anno 254. Quare S. Augustinus Serm. i. de Symbolo dictos articulos recenset & exponit. Dici etiam posset, non mirum; si Tertullianus Montanistarum errore maculatus omiserit in Symbolo *Ecclesiam Catholicam*, quam subfannabat, homines illius injurioso *Psephicorum* nomine vocandos sicut & *Remissionem peccatorum*, quam ab Ecclesia Montanistæ auferebant, cum dicerent, graviora peccata esse irremissibilia.

D. autem Hieronymus dicit: *Omne Christiani dogmatis Sacramentum carnis resurrectione concluditur*: quia carnis resurrectio est inter Christiana dogmata potissimum, & quasi totius Fidei finis, & complementum. Unde D. Paulus 1. Cor. 15. 13. Sic argumentatur: *Si autem resurrectio mortuorum non est, neque Christus resurrexit. Si autem Christus non resurrexit, inanis est ergo prædicatio nostra, inanis est & fides vestra.* Ita ergo ibi errorem Joannis Hierosolymitani oppugnans, qui non carnem, quam modò habemus, sed corpus alterius rationis surrecturum assererat, dixit resurrectione carnis omne Christiani dogmatis sacramentum concludi: non quia sit ultimum, quod in Symbolo recitaretur, sed quia est totius fidei Christianæ fundamentum. Et hoc intendit etiam Rufinus loco citato dicens: *Hic sermo, qui resurrectionem carnis præannunciat, summam totius perfectionis succin-*
tit

Haec brevitate concludit. Vel dici potest, D. Hieronymum & Rufinum *Carnis resurrectione* non exclusisse *Vitam aeternam* animæ: loquebatur enim ille de resurrectione carnis glorioſæ, dicens: *Hæc est vera resurrectionis confessio, quæ sic gloriæ carni tribuit, ut non auferat veritatem:* quare sub eodem articulo gloriæ corporis, & animæ concludit. Et Rufinus: *Tunc resurgent, qui sunt in terræ pulvere: hi quidem in vitam aeternam: hi autem in opprobrium, & confusionem aeternam.* Verum quidquid sit; tempore S. Hieronymi fuisse in Symbolo articulum de vita æterna, testis est S. Augustinus serm. 1. de Symbolo cap. 9.

Quoad vocem *Catholicam* censent aliqui, non fuisse primitus positam ab Apostolis, sed additam fuisse majoris explicationis causâ; cum antea contineretur in eo articulo, quo profitemur sanctam Ecclesiam: sola enim ea Ecclesia sancta est, quæ est Catholica. Unde S. Augustinus serm. 1. de Symbolo cap. 6. *Ipsa est Ecclesia sancta, Ecclesia una, Ecclesia vera, Ecclesia Catholica, contra omnes hæreses pugnans* &c. Neque esse *Catholicam* dicunt esse notam Ecclesiæ nascentis, & quasi adhuc infantis in cunis positæ, qualis erat cum Apostoli Symbolum hoc tradiderunt; sed Ecclesiæ jam firmatæ, & quasi adultæ: sicut aliæ sunt notæ hominis infantis, & aliæ adulti.

Ego tamen existimo (ut fusè ostendi in opere de Vera Ecclesia) notam *Catholicam* convenire Ecclesiæ in omni statu, & proinde vocabulum hoc bene potuisse inferi ab Apostolis suo Symbolo. Ecclesia enim ut Catholica sit, non requiritur, quod quovis tempore sit, & fuerit toto orbe diffusa, sed illa, quæ una manens, toto orbe effundenda est, taliter enim eam descriperat Christus Apostolis Act. 1. 8. *Eritis mihi testes in Hierusalem, & in omni Judæa, & Samaria & usque ad ultimum terræ.* Quare S. Augustinus Epist. 80. num. 199. ad Hesichium cap. 12. *Quo pacto igitur ab Apostolis est prædicatio ista completa, quando adhuc usque sunt gentes (quod certissimum est nobis) in quibus modo capis, & in quibus nondum caput impleri? Non itaque sic dictum est Apostolis: Eritis mihi testes in Hierusalem &c. tanquam ipsi soli, quibus tunc loquebatur, tantum munus fuerint impleturi: sed sicut eis solis videtur dixisse, quod dixit: Ecce vobiscum sum usque ad consummationem sæculi, quod tamen eum universa Ecclesia promississe, quæ aliis morientibus, aliis nascentibus, hæc usque in sæculi consummationem futura est, quis non intelligat?* Unde & supra idem Augustinus dixerat: *In quibus ergo gentibus nondum est Ecclesia, oportet ut sit, non ut omnes, qui ibi fuerint, credant: omnes enim gentes promissa sunt, non omnes homines omnium gentium.* Poterat ergo

Ecclesia. Christi tempore Apostolorum *Catholica* nuncupari, quamvis tunc arctis finibus conclusa, & nondum per orbem diffusa: sicut tempore S. Polycarpi Apostolorum discipuli, licet nondum extensa, sed quasi tyrannorum metu abscondita, adhuc coepta erat vocari Catholica, ut legere est in Epistola Smyrnenſis Ecclesiae apud Euseb. lib. 4. hist. cap. 15., cui inscriptio erat: *Ecclesia Dei, quae est Smyrna. . . . Omnibus ubicumque terrarum Sanctae, & Catholicae Ecclesiae Populis.*

XXXI. Neutra tamen responsio placet Basnagio num. 23. Non prior, quia si illa vox *Catholica* addita Symbolo fuit; ergo Symbolum non fuit ab Apostolis editum; aliis nullus illi ausus fuisset quidquam addere, sicut nec eorum Epistolis. Non secunda, quia Christianum nomen prius usurpari coepit, quam Catholicum: atqui Christianum ante dispersionem Apostolorum non fuit in usu; ergo minus Catholicum. Deinde: si Ecclesia dicta fuisset ab Apostolis Catholica, quia licet tunc non foret extensa, esset tamen futura extensa per terrarum orbem, sequeretur, in hoc Apostolos vaticinatos fuisse, & fuisse idem ac dicere: *Credo Sanctam Ecclesiam futuram Catholicam*, quod est inverisimile: cum enim Ecclesia simul exhibeatur Catholica, & Sancta; si vox *Sancta* refertur ad praesens, cur vox *Catholica* referri debet ad futurum?

XXXII. Sed vel non intelligit, vel refugit intelligere Basnagius; nec quae opponit infringunt datas responsiones. Non primam; quia cum ex dictis supponamus, Symbolum fuisse ab Apostolis non scriptum, sed traditum, non quoad verba, sed quoad substantiam, & sensum; est in potestate Ecclesiae addere aliquod verbum magis explicativum, ad pleniorum fidelium instructionem. Non enervat secundam, quia *Christiani* titulus coepit in usu esse Antiochiae, ut habetur Act. 11. 26. & consequenter ante Concilium Hierosolymitanum, & ante dispersionem Apostolorum: cur ergo non & Catholici titulus? Neque credendo tunc Ecclesiam *Catholicam*, fuisset idem ac credere *Ecclesiam futuram Catholicam*: erat quippe tunc Ecclesia verè Catholica, quia, ut dixi, erat illa, quae secundum Christi Oraculum una ac eadem per omnes gentes erat effundenda, sicut Regi adhuc puero, ac in cunctis existente, verè convenit titulus Regis, quia est ille, qui regnaturus est, esto adhuc non regnet. Erat etiam tunc motivum monendi fideles, Ecclesiam, quam credere debebant, debere esse Catholicam: cum enim aliqui tunc scinderentur, privatas sibi condentes Ecclesias, & dicentes: *Ego quidem sum Pauli; alius autem: Ego Apostoli*, ut 1. Cor. 3. 4., oportuit eos monere, Ec-

Ecclesiam, quam credere debebant, esse unam in toto orbe, sicut in toto orbe unus est Christus. Potest etiam dici, Ecclesiam dici Catholicam illam, quæ fidem Christi non mutilam, sed integram servat: quo in sensu nomen Catholici usurpavit Vincentius Lirinensis in Commonitorio dicens, eos esse Catholicos *qui tenent id quod semper, quod ubique, & quod ab omnibus creditum est*. Hanc autem esse Ecclesiam, quam credere debemus, docuerunt nos Apostoli, ut etiam Rufinus in Exposit. Symboli testatur, qui juxta Pamelii editionem Cyprianicam non præterit in Symbolo vocem *Catholicam*. Quod si in aliis editionibus eam prætereat, dico, Rufinum exposuisse Symbolum, ut recitabatur in Ecclesia Aquilejensi, in quo forte vox *Catholicam* non exprimebatur, sicut nec expressa fuit à Marcello Episcopo ad Julium. Sed testimonium unius, vel alterius Ecclesiæ non convincit, vocem illam non fuisse ab Apostolis appositam, cum in aliarum Ecclesiarum Symbolo, & præsertim Romanæ, vox *Catholicam* custodita fuerit. Sed hæc satis.

XXXIII. Voces illas: *Descendit ad inferos*: fatetur Calvinus lib. 2. Infit. cap. 16. §. 8. à principio appositas non fuisse, cum à multis Veteribus fuerint omissæ, quamvis ab aliis inserantur. Quare putat, *post aliquantum temporis insertas, non protinus, sed sensim Ecclesiis insuevisse*. Posset Calvino responderi, cum juxta ipsum descensus Christi ad inferos à quibusdam quidem Veterum omittatur, ab aliis tamen in Symbolo exprimitur, ut Calvinus ipse concedit; non video, cur potius dici debeat, illa verba non fuisse primitus ab Apostolis apposita, quam apposita quidem fuisse, sed temporis tractu fuisse detracta. Et sane subtracta fuisse dicuntur à Joanne Episcopo in Concilio Florentino Sess. 10. Verum Calvino non dissentiam; & dicam, fuisse addita: non enim legebantur in Symbolo Romano, & Orientali, ut testatur Rufinus; neque apud S. Augustinum Serm. 1. de Symbolo exprimuntur. Descensus tamen ad Inferos implicitè continebatur in illis verbis: *Et sepultus*: quia sæpe in Scripturis sepulchri nomine infernus locus designatur; unde Rufinus in laudata Exposit. Symboli *Vis* (inquit) *tamen Verbi eadem videtur esse in eo, quod sepultus dicitur*. Quatenus scilicet, sicut corpus Christi descendit ad locum suum, nempe terram, quæ est locus corporum; ita & anima ad locum animarum, nimirum ad eam inferorum partem, in qua captivæ tunc detinebantur Sanctorum animæ: ut eas inde educens, & captivam ducens captivitatem, Triumphator in cælum ascenderet. Calvinus loco citato hæc duas interpretationes contemnit loc. cit. §. 8. & 9. sed audiendus non est.

XXXIV. Illa porro verba *Creatorem Celi & terra*, quæ à Romano, & Aquilejensi Symbolo absunt, continentur in ista voce *Omnipotentem*. *Omnipotens autem* (ait Rufinus) *ab eo dicitur, quod omnium teneat potentatum. Tenet autem omnia Pater per Filium, sicut & Apostolus dicit Coloss. 1. Quia per ipsum creata sunt omnia, visibilia, & invisibilia* (videatur Augustinus de Symbolo serm. 1.) Illa autem verba *Invisibilem, & impassibilem, in Ecclesie Romanae symbolo non habentur* (inquit Rufinus) *constat autem apud nos (i. apud Ecclesiam Aquilejensem) addita hæreseos causa Sabellii, illius profectò, quæ à Nostriis Patripassiana appellatur; idest quæ Patrem ipsum, vel ex Virgine natum dicit, & visibilem factum, vel passum affirmat in carne.*

XXXV. Quartum Basnagii argumentum est: dicimus, Apostolos in uno edendo symbolo, antequam invicem disjungerentur, convenisse, ne fortè alius ab alio *diversum quid his, qui ad fidem Christianam invitabantur, exponerent*, ut ait Rufinus. Hoc autem beatissimis Apostolis injuriam infert, inquit Basnagius, *Quid? Num Apostoli dispersi per orbem terrarum, diversum quid, quod fidem spectaret & mores, auditoribus instillare potuerunt? Torpebatne in singulis Spiritus ille Sanctus, à quo, promittente Domino, ad omnem dirigi veritatem debueret? Nonne Scriptura Veteris Testamenti ea omnia complectitur, quæ & Symbolum; ut vel in ea sola Regulam haberent Apostoli, ad quam loquerentur? Num Paulus, qui triennio prædicavit in Arabia, antequam ullam salutaret Apostolum, diversum aliquid his, qui ad fidem invitabantur, exposuit?*

XXXVI. Respondeo vicissim interrogando Basnagium: Exorta quæstione de usu Legalium, ut habetur Act. 15., *Surrexerunt quidam de hæresi Phariseorum, qui crediderunt, dicentes, quia oportet circumcidi eos, præcipere quoque servare Legem Moysi: Convenerunt Apostoli & Seniores videre de verbo hoc. Cùmque magna conclusio fieret &c. Quid opus erat Apostolis hoc Conventu, ut veritas statueretur? Num Spiritus Sanctus, qui omnes collectos dirigebat, singulis deerat? Num unus divisus ab alio diversum aliquid hac in re quoad fidem, ac mores instillare potuisset? Nonne Scriptura sufficiens erat ad edocendum quidquid statui poterat ab illo cœtu? Rursus: Paulus Galat. 2. *Ascendi* (inquit) *Hierosolymam secundum revelationem, & contuli cum illis Evangelium, quod prædico in Gentibus; seorsum autem iis, qui videbantur aliquid esse, ne forte in vacuum currerem, aut cucurrissem. Quid? Num Paulus poterat in vacuum currere, aut cucurrisse, ut egeret, Evangelium conferre cum Apostolis ceteris? Quid ad hoc dicit Basnagius, quod ego non potero dicere in meo casu?**

XXXVII.

XXXVII. Interim dicam. Nulla facta fuit injuria Apostolis, nulla Sancto Spiritui ex conventu illo ad edendum symbolum; eadem enim, quæ omnibus simul inspiravit, singulis inspirasset, nec unus diversam ab altero doctrinam venientibus ad fidem prædicasset: quia tamen dispersis jam, nec amplius colligendis Apostolis refragari aliquis potuisset, expediens fuit, ut invicem in una formula convenirent edenda, ut doctrinam, quam quisque prædicabat, asserere posset, esse doctrinam omnium; atque ideo facilius susciperetur. Hac de causa editum est Hierosolymis Concilium: hac de causa revelante Spiritu Paulus contulit cum Apostolis Evangelium: *Contulit*, inquit S. Hieronymus, *non dicit. Aliud est enim conferre, aliud discere. Inter conferentes equalitas est: inter docentem, & discitent minor est ille, qui discit. & infra. Non quod Paulus timuerit, ne per decem & septem annos falsum in Gentibus Evangelium prædicasset: sed ut ostenderet præcessoribus suis, non se in vacuum currere, aut cucurrisse, sicut putaverant ignorantes. Ita Hieronymus in dictum Cap. 2. ad Galat. Et S. Augustinus Lib. 28. contra Faustum c. 4. Ipse Apostolus Paulus post Ascensionem Domini de cælo vocatus, si non inveniret in carne Apostolos, quibus communicando, & conferendo Evangelium, ejusdem societatis esse apparet, Ecclesia illi omnino non crederet. Sed cum cognovisset eum hoc annunciantem, quod etiam illi annuntiabant, & in eorum communione, atque unitate viventem... meruit auctoritatem, ut verba illius hodie sic audiantur in Ecclesia, tanquam in illo Christus, sicut ipse verissime dixit, locutus audiat. Eadem ergo causa, quæ movit Paulum ad conferendum cum Apostolis Evangelium, ut nimirum ii, ad quos Verbum annuntiabat, facilius crederent, movit etiam omnes Apostolos ad conferendum, & communicandum in eodem Symbolo absque injuria characteri Apostolico, & Spiritus Sancti afflatui ipsis assistentis.*

XXXVIII. Demum urget Basnagius. Si Symbolum Apostolicum ab ipsis institutum Apostolis fuit; hocce verisimile, in Missis celebrandis Constantinopolitanum ipsi fuisse præfatum; quod in multis factum Ecclesiis legimus: in Hispanicis ex Concil. Toletan. III. æræ vulgaris anno 589.: in Gallicis, & Germanicis, docente Walafrido Strabone de Rebus Eccles. c. 22.; & in Romana, ut ex Ordine Romano constat, & etiam hodiernis temporibus facitatur?

XXXIX. Respondeo, à nobis Symbolum Constantinopolitanum Apostolico non præferri: Apostolicum enim docemus omnes pueros, adultos, viros, foeminas, idiotas, rusticos, & tanquam Christianæ fidei tesseram proponimus: æquè ac Orationem Do-

Dominicant: Symbolum verò, & Orationem Dominicam omnis Christianus memoriter sciat, omnis ætas, omnis sexus, omnisque conditio; masculi, feminae, juvenes, senes, servi, liberi, pueri, conjugati, innuptaque puella: quia sine hac benedictione nullus poterit in caelorum regno percipere portionem. Ita Concil. Fotojulense sub Carolo Magno 791. & quod anno 706. in Concilio Trullano statutum fuerat can. 7. Symbolum autem Nicænum & Constantinopolitanum solis Sacerdotibus, ac Ecclesiasticis publice in Missis recitandum, & decantandum proponitur. Rationem autem, cur Symbolum Apostolorum privatè, & quasi secretò, omnes doceat, & recitet Ecclesia; publicè autem Nicænum solum & Constantinopolitanum; dedit Concil. Vaurensè anno 1368. c. 1. tom. 7. Concil. Harduini pag. 1086. dicens: Symbolum Apostolorum silenter & secretè dicitur quot idè in Completorio, & in Prima: quia fuit editum tempore, quo nondum erat fides Catholica propalata. Alia autem duo publice in diebus Dominicis, & festivis, quando major ad Ecclesiam congregatur populus, decantantur; quia fuerè edita tempore fidei propalata. Symbolum quidem Nicænum post Evangelium cantatur in Missa &c. quasi Evangelicæ fidei expositio. &c.

TOMI PRIMI FINIS.



INDEX RERUM

Quæ primo Tomo continentur.

A

Aronis Virga, ac Manna vas plenum unquamne aut juxta Arcam, aut intus cum Tabulis servarentur. Pagina 293. & seq.

Abdiæ Babylonii falso inscripta Historia Certaminis Apostolici quam fabulosa. 345. numer. 73.

Abgari Regis ad Jesum legatio, ejusque curatio. 308.

Christi ad ipsum Epistola. 309. plerisque apocrypha. ibid. Catio, & Gratio probatur. ibid. Eorum momenta. ibid. & seq. refelluntur 310., 314., seqq.

Tum Abgari tum Jesu Epistolis fidem adimis ipsarum materies. 311., seq. Adimunt annorum nota. 313. Quod de eis judicium Gelasius tulerit. 311.

Acta Pauli & Theclæ apocrypha. 336. seq. Quis eorum verus auctor. ibid.

Actus Petri apocryphi. 363. seq.

Actuum Apostolorum liber Canonice Petri & Pauli res gestas continet, de ceteris Apostolis pauca. 257. num. 2.

Adulteræ Mulieris Evangelica Historia pluribus olim dubia. 306. Joanni Evang. vindicatur. ibid., 397.

Ære Mahumetana exordium. 125. n. 2.

Æthiopum Missa, qua & Liturgia Matthæi, apocrypha. 343. n. 67.

Aggæi Prophetæ de Christo vaticinium. 121. seqq.

Albanensium contra Dei unitatem error. 67. n. 9.

Albigenses Manichæorum de Deo errori consentiunt. 68. n. 10.

Albitij Card. de B. Maria Virginis ad Messanenenses Epistola, S. R. Inquisitionis Decreto rejecta, testimonium. 318.

Alcoranum Mahumetis legem Evangelio successisse, uti Evangelium Legi, Mahumetani putant. 138. n. 21. quam stulte. 139., seqq.

Alexandri Nat. de Apostolicorum Canonum auctore sententia non probatur. 354. seq.

S. Ambrosii de Symbolo uti ab Apostolis tradito, testimonium. 374. n. 8.

S. Andreæ Acta commentitia a quibus edita. 366. n. 10.

Andreæ Rhodii Ord. Prædic. in Florentina Synodo contra Græcos disputantis de Symbolo Apostolis asserendo sententia. 375.

Annæi Senecæ ad Paulum, & Pauli ad ipsum, quæ leguntur Epistola, an genuina. 330., seq.

An aliquod saltem inter ipsos Epistolicum commercium. 331.

An-

Antiocheni qui feruntur *Apostolorum novem Canones plaud* *fistitii*. [361.](#)

Antiochiæ nulla ab *Apostolis co-* *acta Synodus*. [361.](#), seq.

Apellitarum circa Deum error. [66. n.6.](#)

Apocalypsin ex *Hæreticis* qui *re-* *cipiant*. [297. n.46.](#) Ex *Catholi-* *cis olim qui rejecerint*. [n.47.](#), *qui acceptarint, qui dubii*. [298.](#) *seq.*

An auctor ejus alius ab *Evange-* *lista Joannes*. *ibid.* *Evangelis-* *ta assertitur*. [299.](#), seq. *Luthe-* *ri cavillatio, dicacitas*. [297. n.46.](#), [300. n.51.](#) dissolvitur, *castigatur*. [301.](#)

Quo tempore scripta sit, quo lo- *co*. [302.](#)

Apocalypsis alia *Petro affixa*. [363.](#), seq.

Alia *Paulo, quæ & Raptus,* *seu Adensus Pauli*. [366. n.9.](#)

Alia *Stephano adscripta, Gno-* *sticis acceptissima*. *ibid.* [n.12.](#)

Apocryphus proprie qui *Liber di-* *cendus*. [307.](#)

Quot apocryphorum ad *Nov. Te-* *stam. spectantium classes*. *ibid.*

Qui *Christo ipse tribuuntur*. [308.](#) *seqq.* *Epistola ad Regem Ede-* *sa*. *ibid.* *Epistola Hierosoly-* *mam de cælo missa*. [317.](#) *Liber* *magicus*. *ibid.* *Hymnus Domi-* *ni*. *ibid.*

Apostolicæ Traditionis in *re Li-* *turgica Grævi, & Grotii inge-* *nua confessio*. [339. n.60.](#)

Apostolis Christi Resurrectionem *prædicantibus fidem negaverit* *nemo prudens*. [154.](#), seqq. Ita

& *narrantibus Christi miracu-* *la*. [184.](#)

Scribendi Evangelia non eis *præceptum*. [250.](#) *Ex illis duo* *scripserunt tamen, sed quare?* *ibid.* *V. Libri plures. Libri* *ab Hæreticis.*

Symbolum neque scripserunt ipsi *neque scribendum aliis manda-* *vere. Non charta tradendum,* *sed credentium cordibus decre-* *verint*. [380. n.23.](#) *Quando condi-* *derint*. [376.](#), seq.

Ecclesiis à se institutis aliquem *sacrificandi ritum eos tradidisse,* *habendum pro certo*. [339. n.60.](#)

Apostolos super omne peccatum *peccatores impie quam falsò tra-* *ducit Epistola Pseudo-Barnabe.* [325. n.30.](#)

Arianam Hilarius Hæresim Infir- *mitatis vocat*. [306. n.59.](#)

Ariani Historia de Sanguine *Christi sudore abutebantur*. [305.](#)

Aristonis de inimicis non male ha- *bendis præclara sententia*. [202. n.28.](#)

Articuli, qui in Symbolo, an singuli *à singulis Apostolis editi*. [377. n.15.](#)

An juxta Apostolorum, aut cre- *dendorum potius numerum com-* *putandi*. [n.16.](#)

Asinina Gnosticorum & Valen- *tinianorum fabula*. [367. n.14.](#)

Asiniungius Deus, uti quem co- *lerent, Christianis exprobratus* *ab Ethnicis*. [367. n.14.](#)

S. Athanasius an probaverit Con- *stitutiones vulgo Apostolicas*. [358. n.97.](#), [359. n.100.](#)

Ejusdem de eis, ac de Clemen- *ti*

tinis, aliisque libris iudicium .
360. n. 100.

Athei vel paucissimi vel nulli , 3. ,
seq.

Pulcre ab Augustino capti . 6.
n. 6.

Forum à communi de Deo sensu
defectionis vera origo , & crassa
deceptio . 5. n. 3.

Atheorum novissimi quidam capti
ac pœnis addicti . 4. n. 1.

Auctor malorum pœna Deus ,
Diabolus malorum culpæ . 74.
n. 23.

S. Augustinus Abgari ad Chri-
stum & Christi ad Abgarum
Epistolas, sibi à Dario Comite
memoratas, neglexit . 311.

B

Babylonis nomine quid in Epi-
stola priori sua Petrus intelli-
gat . 235. , seqq. Spahanemius
refellit . ibid. V. Romam .

Baptismum trina non semper im-
mersione Apostoli ministrarunt .
381. n. 81.

Bar-Cosba, aliis Barcochebas, Ha-
driano Principe à Judæis uti
Messias habitus, supplicio scelerum
penas dedit . 163. n. 22.

S. Barnabæ inscripta Epistola aliis
olim spuria, dubia aliis . 324.
Quibusdam Patribus genuina .
325. num. 25. plane apocrypha .
324. , seq. Sed ejus quis auctor?
326. , seq.

Baronii interpretatio Gelasianæ in
Canones Apostolicos animaver-
sionis . 351. num. 82. rejicitur .
352. n. 85. de Antiochenis Apo-

Tom. I.

stolorum Concilio, & Canonibus
assertio refellitur . 361. , seq.

S. Bartholomæus Apostolus idem
aliquibus est ac Nathanael à
Christo in Evangelio laudatus .
325. n. 30. Evangelium Mat-
thæi hebraicum Iudis reliquisse
perhibetur , 221. num. 6. , 226.
n. 13.

S. Basilii Magni pro Traditione
insigne testimonium atque argu-
mentum . 344. n. 70.

S. Basilii Seleucienfis an Auctor
Actorum S. Thecla . 338. an
eorum, quæ Pantinus vulgavit .
ibid.

Basnagius Apostolis Symbolum,
Symbolum ævum Apostolicum eri-
pit . 373. Latè refellitur . 378.
ad 390.

Beli simulacrum fuisse primum
Idolum, verisimile . 23. n. 11.

Bellarmini de Apostolicorum Ca-
nonum auctoritate & numero
sententia . 346. n. 74.
Gelasiani contra eos iudicii ex-
plicatio . 351. n. 82. infirmatur .
352. n. 84.

Belli expeditiones unde & quam
piè olim Constantinop. Imperato-
res auspiciarentur . 242. n. 41.

Beroeæ à Nazaræis assertum ve-
tus Matthæi Evangelium he-
braicum 227. n. 14. consuluit
Hieronymus, transulitque . ibid.

S. Bernardo quæ fuerit Maria,
quam Christiferam vocat, uti
ad quam scripserit Martyr Igna-
tius . 322. , seq.

Beveregii, & aliorum de Apo-
stolicorum Canonum libro senten-
tia . 347. n. 74.

Ddd

Bi-

- Binii** de Canonum Apostolicorum auctoritate & numero extrema opinio. 346.
De Antiochenis item Apostolorum Canonibus & Concilio. 361., seq. refutatur. *ibid.*
Bona sine malis esse possunt, mala sine bonis esse non possunt. 72. n.19.
Borboritæ qui hæretici. 367. n.12.
Byzantina Hodegorum Basilica quæ & unde dicta. 242. n.41.

C

- C**ælatores, Statuarios, & id genus artificum ex gente sua habuerint ne unquam Hebraei. 242.
Calvinus aurei Vituli hebraicam Idololatriam callide ac falso interpretatur. 94. ad 60. Inde cultum sub imaginibus Deo à Christianis præstitum perperam damnat. 61. n.15.
Canonum Apostolicorum numerus. 346. De iis inter Eruditos contentio. *ibid.*, & seq.
Quæ auctoritas quinque prioribus Ecclesiæ seculis. 347., seq.
Quæ ante & post eorum à Dionysio Exiguo Collectionem. 348. seq.
Omnes ne aut aliquos Gelasius Papa rejecerit. 351., seq. *Turriani, Bellarmini, & Baronii exceptiones.* 351. n.82. *excluduntur.* *ibid.*, & seq.
Nec Apostoli Auctores neque Clemens. 350., 351., seq. *Neque Firmilianus, aliive cum eo*
Episcopi Iconiensis Concilii. 354., seq. *Et tamen Rebaptizantibus favent.* 350. num.81.
Collectores Clemente Alexandrino posteriores fuerint, oportet. 347. n.75. *pii aliqui viri.* 353. *Unde illos & qua ratione collegerint.* 353. n.86., 355. n.92. *Hinc mari atque Isidori Hispalensis sententia.* *ibid.*
Novem alii vulgo Antiocheni rejiciuntur. 361., seq.
Carpocratiani ana cum Homeri, Pythagora, aliorumque Philosophorum imaginibus, Christi imaginem proponebant, collabantque. 65. n.1.
Castabolistæ quædam, an Dei Mater Bernardo fuerit Maria illa, quam Christiferam vocat, ad quam scripserit Martyr Ignatius. 322., seq.
Cave Guillelmi pro Epistola Christi ad Abgarum veritate momenta. 309., seq. *V. Abgari.*
Cœlestini I. pro communi Symbolo Apostolis asserendo testimonium. 374. n.9.
Cerdonianorum de Deo error. 65. n.3.
Certaminis Apostolici Historia Abdiæ afficta, à Wolphango Lazio vulgata, quam fabulosa. 349. n.73.
Christianæ Religionis Veritas ex Christi auctoris præstantia. 187., seqq.
Ex doctrina sublimitate, & sanctitate. 191., seqq.
Ex Martyrum constantia ac numero perquam ingenti. 212.
Ex admiranda Fidei propaga-

- tione. **204.**, seqq., per infima plebis illitteratos. **208.**, seq., citra vim quamlibet, hominumque potentiam. **211. n.41.**, inter efferatas, imo Potentium persecuciones. **212.**, seq.
 Ex perseveranti firmitate. **215.** seqq.
 Christiana Lex non uni Populo, sed universo homini ad salutem necessaria. **89. n.18.**
 Mosaicam non damnat, sed absolvit. **140.**; imo una eadem cum ista est sine spectato; non alia nisi mediorum varietate. *ibid.*, & seqq.
 Christiani Sanctorum uni pro una, alteri pro re altera quare supplicent. **47. n.38.**
 Eorum inter & Paganorum sacrificia discrimen. **76. n.26.**
 CHRISTUS Svetonio, & Paganis Chrestus. **152. n.2.** Ejus nominis Tertulliani pro Christianis Interpretatio. **153.**
 V. JESUM. V. Oraculum.
 Circumcisio inutilis Pauli tempore, non mortifera. **264. n.17.**
 S. Clemens Petri successor an auctor Epistola Canonica ad Hebraeos. **295.**
 An Liturgia sub ejus nomine vulgata. **343. n.68.**
 An Collectio Apostolicorum Canonum. **346.**, seqq.
 An Constitutionum Apostolicarum. **356.**, seqq. V. Constitutiones.
 Clerici Jo: de Matthæi Evangelio non hebraicè scripto sententia. **222. n.8. refutatur. 223.**, seqq.
 V. Jo. Clerici.
- Colossis ac Laodicea, qui sparsè errores Simonis Magi Paulum ad scribendum excitaverint. **262. n.13.**
 Concilii Ephesini pro Symbolo Apostolis asserendo testimonium. **375. n.9.**
 Concilium nullum ab Apostolis Antiochia coactum. **361.**, seqq.
 Constitutiones vulgo Apostolicarum Apostolorum factus, aut Clementis. **356.** Hæreticorum potius. **360. num.101.** Arianis certè, Macedonianis, Manichæis, aliisque Hæreticis favens. **357. n.95.**, seqq.
 Quæ nunc extant, aut alias an Epiphanius probaverit. **358.**, seqq., an Cyrillus Hierosolymitanus, *ibid.*, an Athanasius. *ibid.*, an Trullana Synodus *ibid.*, cujus an cogat auctoritas. **360.**
 Conventus Antiochenus ab Innocentio I. laudatus an verum Concilium. **362.**
 Corinthiari quid olim Græcis. **260. n.7.**
 Corinthiorum, ad quos Paulina Epistola, contentiones atque licentia. **359. n.7.**
 Corpora hominum fluminum more rapiuntur. **159. n.14.**
 Cum ea materia resurgant, quo primo constarunt. **160. n.15.**
 Cyrus Messia typus. **95. n.14.**

D

D Allæi & aliorum de Canonum Apostolicorum libro sententia. **347. n.74.**
 Ddd 2 Da-

Danielis de Messia duplex vaticinium . V. Oraculum .

Darius Comes Jesu atque Abgari Epistolas Augustino commemorat . 310. eas ne probaverit Augustinus . 311.

Deorum Gentilium falsitas . 25. n. 1. 2.

Quod non à se, sed Dii hominum arbitrato . 26. , seq.

Quod eorum gesta Deo prorsus indigna . 28. , seqq.

Quod inbonesta eorum sacra . 31. n. 9. , 42. n. 29.

Quod geniti ex sexu mixtione perhibentur . 42. , seq.

Ex multiplici de iis opinionum discordia . 40. , seq.

Oracula, quæ jactantur, fragmenta, ludificationes . 48. n. 40.

Dæmonum quandoque conjectationes . 49. n. 41. Certè aut non vera miracula, aut non ab alio, quam ab uno vero Deo . 50. , seqq.

Deorum Pluralitatem ex Christianorum Divina Trinitate, iuxta perperam Pagani contendunt . 44. n. 32. , seq.

Deorum Minorum sub uno Deo Magno communi Patre commentitium systema refellitur . 45. , seqq.

Deum Mundum hunc corporeum qui dixere ex Paganis sapientiores, impugnantur . 38. , seqq.

DEUM esse, Philosophorum sententia, communis consensus, vox natura . 1. , seq.

Clamat rerum adspectabilem ab alio processio . 7. , seq. Mundi fabrica, ordo, conceitus . 9. , seqq.

Unum esse, Mundi unitas ordoque depradicat . 13. n. 3. 4.

Natura item repentini impetus . 12. n. 2.

In Bonum, & Malum, atque aliter, ex Christianis qui differunt . 64. , 65. , seqq.

Imaginibus, suapte natura, usque & consuetudine ad falsum Numen significandum definitis, eum colere, Idololatricum . 54. n. 4. ; at non iis, quibus Ecclesia . 61. n. 15.

Pœnituisse aliquando, miserrari, irasci, zelare, quo sensu intelligendum . 80. n. 34.

DEUS unus & ipsa Veritas . 15. n. 7.

Hebræorum idem atque Christianorum . 68. , seqq.

Deus hujus Seculi quis interpretandus . 77. n. 28. 29.

Deutero-Canonici libri, qui dicuntur . 219. n. 1. , 270.

Diabolus malorum culpæ, malorum paucæ auctor Deus . 74. n. 23.

Dii Gentium celebriores, qui criminibus insigniores . 29. n. 5.

Dionis præclara de injuriis non ulciscendis sententia . 202. n. 28.

Dionysii M. Areopag., quæ fertur Liturgia, apocrypha . 344. n. 69.

Dionysius Exiguus Canonum Apostolicorum collector . 348. n. 77. trigintaquinque posteriores rejecit . ibid.

Discipulis Evangelia scribendi nusquam à Christo preceptum . 450. Scripserunt tamen, sed quare? ibid.

Docitarum *Pseudo-Evangelium*.

& haresis . 363. , seq.

Setia quis princeps . *ibid.*

Dominico die *Paulum* , & cum eo plures , tempore *Pentecostes* jejunasse . 359. n.98.

Doxologia *Trisagii* quando cœperit . 341. *Facti narratio* . *ibid.*

E

E Bionitis commune cum *Nazarenis* *hebraicum Matthæi Evangelium* . 227. n.15. à quo tamen plura deleverint illi , non item isti . 228. n.15.

Ecclesia in Symbolo Apostolorum an quicquam mutaverit . 382. , seqq. Pro *Romana* egregium ea de re *Ruffini* atque *Ambrosii* testimonium . 384. n.30.

Ecclesias Paulus dixit privatas etiam *Fidelium* domus , exiguoſque *Conventus* . 265. n.20.

Ecclesiis à se institutis sacrificandi *Ritum* aliquem *Apostolos* tradidiſſe , habendum pro certo . 339. n.60.

Edeſſam urbem ob *Chriſti* imaginem ab obſidione miraculo liberatam , narrat *Evagrius* . 315.

Edeſſeni Regis Abgari curatio compendio narrata . 308. de ejus ad *Jeſum* , & *Jeſu* ad ipſum *Epistoſa* . 308. ad 317.

Edeſſenorum Acta Abgarum ſpectantia quanti faciendâ . 314. n.9.

Electa , ad quam *Joannis* altera *Epistoſa* , mulier ne quadam fuerit , an particularis *Eccleſia* . 282. n.20.

Emmanuel à *Schelestrate* circa

Libri Paſtoris auctorem *S. Hieronymum* immeritò notat . 336.

Ephesii , ad quos *Paulina Epistoſa* , *Sapientia* ſtudioſi . 261. n.11.

Ephesini Concilii pro communi *Symbolo Apostolis* aſſerendo teſtimonium . 375. n.9.

S. Ephram de Abgari Regis curatione commemoratio . 310. quam faciat facti fidem . 315. n.11.

S. Epiphanius *Constitutiones* vulgo *Apostolicas* an probaverit . 358. , seq. Si quas non rejicit , à nunc vulgatis fuerint planè diverſa . 359. n.98.

Epistoſa B. V. Mariæ ad *Mefſanenſes* . 318. n.18. *V. Mariæ* .

Epistoſa Jacobæ quis verus *Auctor* . 272.

Apud Veteres quæ auctoritas . 273.

Lutheri in ea cæpenda *rusticitas* , *calliditas* , *inconstantia* .

274. *Objectiones* repelluntur . 274. , seqq.

Epistoſa Joannis primæ qui ſcopus , quæ auctoritas . 268. n.25. Ad quos illa , quando , unde data . *ibid.*

Major aliquando appellata eſt . 280. n.16.

Locus ille *Cap. V.* Tres ſunt , qui teſtimonium dant in cœlo &c. an intruſus aliunde .

268. n.26. Eone nunquam uſi *Patres* contra *Arianos* . 269. n.26.

Cur ergo deſit à tot exemplaribus . *ibid.* n.27.

Secundæ & Tertiæ quæ apud *Ve-*

- Veteres auctores* : 280.
Auctor an alius Joannes ab Evangelista . 280. , seqq.
Quibus, quando, & unde data . 282. n. 20. 21.
Epistolæ PAULI quo sermone scriptæ fuerint, quo ordine . 258. n. 4.
Quæ præstantiores . 262, n. 14.
Quæ ad Romanos quid doctrinæ contineat; quo fine, tempore, ac loco data . 259. n. 5. 6.
Ad Corinthios primam quæ scribendi occasio, tempus, locus . 259. n. 7.
De ad Corinthios altera . 260. n. 8.
Quæ ad Galatas . 260. n. 9. 10.
Quæ ad Ephesios . 261. n. 11.
Quare exactior, cultiorque ibidem .
Quæ ad Philipenses . 261. n. 12.
Quare blandior . ibid.
Quæ ad Colossenses . 262.
Utraque ad Thesalonicenses . 263. n. 15. 16.
Utraque ad Timotheum . 263. n. 17.
Quæ ad Titum . 264. , seq.
Quæ ad Philemonem . 265. , seq.
Quæ ad Hebræos, latè à 285. ad 297.
Quæ supposititiæ . V. Paulus.
Epocha Mahumetanorum . 125. n. 2.
Ernesti Grabii rationes pro Jesu Epistola ad Abgarum , 309 , seq.
Elaui pœnitentia non vera . 290. n. 32.
Evangelia ab Hæreticis supposita . V. Pseudo-Evang. ab Hæreticis .
Evangelia apocrypha . V. Pseudo-Evang. apud &c.
Evangelia Justinus M. Commentarios appellat Apostolorum . 230. n. 17.
Evangelia scribendi nulli à Deo mandatum . 250.
Aliunde data occasio . ibid.
Evangelicæ Legis scriptionem à Deo præceptam contendit Joannes Clericus . 247.
Refutatur, atque oppositum sustinetur . à 248. ad 256.
Evangelii secundum Marcum] quis verus auctor, quæ scribendi occasio, qui sermo, qui locus . 229. seqq.
De Capite ultimo qui dubitarent . 302.
Qua ratione Marcus ibi, qui mane, cum Matthæo conciliandus, qui Vesperis Christi Resurrectionem consignat . 304. n. 57. 58.
Evangelistæ Joannis Historia, Prochoro uni ex septem Diaconis afficta, commentitia est . 344. seq.
Evangelistis miracula Christi narrantibus fidem negaverit nemo prudens . 185.
Ita & Christi Resurrectionem predicantibus . 154. , seqq.
Evangelium Joannis quam Vita Christi partem historiam suppleat ab aliis prætermissam . 245. n. 48.
quare non omnem . 246. n. 49.
Adultera mulieris historia, aliqui-

quibus olim dubia, eisdem vindicatur.

V. Joannes.

Evangeliū Matthæi. *V. Matthæi Evangelium.*

Evangeliū Nazarenorum *vetus idem ac Matthæi hebraicum incorruptum.* 277. n. 14. 15.

Ebionitis item commune, sed ab Ebione vitiatum. *ibid.* n. 15.

Evangeliū *non uni Populo, sed universo homini lutam.* 88., *seq.*

Mosaica Legi non adversatur, imo verò consentit. 140. n. 24.

Cum ea una lex eadem est, sine spectato, non alia, nisi varietate mediorum. 14., *seqq.*

Eusebii Cæsariensis *de Regis Abgari curatione narratio,* 308. *auctoritas expenditur.* 314. n. 9.

F

Fabula *de Joanne Apostolo multiplex ex Pseudo-Probo-* 344., *seq.*

Feriarum *nomen cui initium re-* 320. *ferat.*

Fidem *sine operibus justificare, an & qua ratione asserat Pau-* 275. n. 7. *lus.*

Fides & Religio *semper eadem ba-* 89. n. 19. *tens ab initio, variis licet protestationibus significata.*

Fides *in Christum ad salutem omni* 87. 88. 89. *semper homini necessaria.*

Firmilianus *aliique Iconien. Con-* 354. *cilii Patres, num Apostolico-* *rum Canonum auctores.*

D. de Marca, & Natalis Alex.

sententia non probatur. *ibid.*

Florentina *B. Virginis Epistola* 323. *apocrypha.*

Fortunatæ *qui.* 63. n. 21.

G

GAjus *sive Cajus, ad quem* 280. n. 21. *tertia Joannis Epistola, qui-* *nam fuerit.*

Galatæ, *ad quas Paulina Episto-* 261. n. 10. *la, meticulosi Christiani.*

Quare Judaismo addicti. *ibid.*

Galilæorum *nomen non ante quar-* 361. n. 102. *tum seculum Christianis im-* *positum.*

Gelasius *de Christi & Abgari* 311. *Epistolis quod iudicium tulerit.*

An Collectionem Canonum vul- 351. *go Apostolicorum totam rejecit.* *seq.*

Gentiles *quæ præ ceteris miracu-* 22. n. 8. *la jactarint, quæ oracula. V.* *Deorum Oracula.*

Gentilium *Theologia quæplex.* 22. n. 8.

Ingeniosiores quid pro tuendis 35. n. 18. *Deorum simulacris reponerent* *Christianis.*

Resolantur. n. 19., 37. n. 21. *seqq.*, 38., *seqq.*

Rudiorum *evasiones confutantur.* 34. n. 16. *seqq.*

Eorum *inter & Christianorum* 76. n. 26. *sacrificia discrimen.*

Gnostici *quæ de Deo fabularentur.* 65. n. 2.

Eorundem commentum asuinum. 367. n. 14.

No-

- Nominis etymon* . 367. n. 12.
 Græbius Ernestus *Epistolam Christi ad Abgarum germanam* propugnat . 309. , seq.
 Græci *Deos absque simulacris primum coluere* . 24. num. 12.
Eorum, aliarumque Gentium Philosophi ut suis quique vitiis sorderent . 187. , seqq.
 Grotii Hug. *de posterioris Epistola Petri vero auctore singularis opinio* . 228. n. 12. 13. *Rejicitur* . ibid.
Confessio ingenua Apostolica Traditionis in re Liturgica . 339. n. 60.

H

- H**æresis *qua ab Hilario Infirmitatis vocaretur* . 306. n. 59.
 Hæreticus *Traditionem negans, quomodo suo etiam sermone capiendus* . 7. n. 7.
 Hagira *Mahumetanorum Epochæ* . 125. n. 2.
 Hebdomadum *Danielis quoddam genus* . 91. n. 3.
Initium unde desumendum . 92. n. 4. *Opinionum in eo diversitas minimè juvat Judæos* . ibid. seq.
 Hebræorum *idem Deus, qui Christianorum* . 68. , seqq.
Religio olim vera . 81. , seqq.
Regiminis historica Synopsis . 100. seqq.
Idololatria multiplex . 54. , 61. seqq.
Preces in Christianos crudelissima . 193. n. 12.
 Neomenia *initium mensis* . 318.
 Qui *Vitulum in deserto adorare, non eos falsum Egyptiorum, sed verum Deum Israel in illo, sicut in imagine coluisse, Vossii & Sectariorum post Calvinum callida interpretatio refutatur* . 54. ad 60. *Inanis item atque irrita, quæ ne minimum quidem Catholicos lædat* . 61. n. 15.
 Hegira . V. Hagira.
 Henricus IV. *Francorum Rex ad Calvinismum ejurandum quo argumento adductus* . 150. n. 39.
 Hermas *Pauli discipulus Libri Pastoris auctor, non Hermes Pii I. Rom. Pont. frater* . 336. V. Pastoris.
 Herodes *Hebræusve an alienigena* . 107. *Scaligeri de eo sententia refellitur* . 109. , seq.
Templi instaurator, non à fundamenti auctor . 121.
Messias ab Herodianis habitus . 108. n. 42. , 111. n. 48. , 163. n. 22.
 Herodiani . V. Herodes.
 Heterodoxorum *opiniones de Canonibus vulgò Apostolicis* . 347. n. 74.
 Hevæ *Evangelium apud Gnosticos* . 367. n. 12.
 Hierosolymitanum *Templum reparavit Herodes, minimè à fundamenti erexit* . 121.
 Hilarii *pro communi Symbolo Apostolis asserendo testimonium* . 374. n. 7.
 Hincmari *opinio de Canonibus vulgò Apostolorum* . 353. n. 86.
 Hiram *calator à Tyri Rege Salomo*

- moni missus, Tyriusne fuerit genere an Hebraeus. 243.*
Historia Certaminis Apostolici, *Abdia Babylonio attributa, quam fabulosa. 345. n. 73.*
Historia Joannis Apostoli, *Prochoro uni ex septem Diaconis Apostolicis adscripta, nugarum plena. 344., seqq.*
Historia Passionis S. Petri, & S. Pauli altera, *Lino Papæ afficta. 345. n. 72.*
Historia Sanguinei Christi sudoris à Catholicis abrafa olim ex Evangelio, & quare. 305, seq.
Hodegorum, *quæ Constantinopolis erat, Basilica notitia. 242. n. 4.*
Homoufion, & Theotocon voces adhuc ante Nicanum atrium, Ephesium Patres usurparunt. 341.
Hugo Grotius. V. Grotius.
Hymnus Domini apocryphus liber CHRISTO ipsi affictus. 317. n. 15.

I

- S. J**acobi Apostoli Liturgiam qui recipiant. 340. n. 52.
Qui rejiciant. ibid. n. 53.
Ab objectis vindicat Card. Bona. 341. n. 64. an prospere. ibid. n. 65.
Epistolam. V. Epistolæ Jacobæ.
Jacobi Patriarchæ de Messia vaticinium. V. Oraculum Jac.
Jacobus Epistolæ Canonica auctor unusus Discipulorum Christi, Tom. I.
an Apostolorum, & quinam. 272.
Idola non Dei sunt. 23., seq.
Non per quæ Deus. 35. n. 16.
17., non Angeli loquerentur, docerent, invocarentur. n. 18. 19.
Non signa rei adoranda. 37. n. 22.
Idololatria notio. 17., 19, Origo, Processus, Diversitas. 19. 20., seqq.
Quæ interna & phantastica. 22. n. 9.
Quæ externa, sine simulacris una, simulacrorum altera. 23. 23. seq. quando cæperit. ibid.
Idololatria Hebræorum multiplex. 54., 62., seqq.
Jejunare Sabbato Ambrosii ævo Romanis solemne. 350. n. 81.
Contra Orientalium praxim per secula plura servatum. 356. n. 94.
Die Dominico, & quovis tempore, acceptum Deo. 359. n. 98.
JESUM Nazarenum sub Augusto ac Tiberio vixisse. 151., seqq., Cruci affixum, mortuumque. 153., seq., ac vere à mortuis surrexisse, negaverit nemo prudens. 154., seq.
Vaticinia Christum spectantia in ipso impleta. 165., seq.
Verus ipse Deus & Homo. 180. seqq.
Josephi de eo testimonium celeberrimum. 151. n. 1.
Oraculis Ethnicismo probationibus commendatur. 190. n. 6.
Nullo vel ab hostibus crimine notatus. ibid.
Ecce **N**on

Non legem scripsit ipse suam.
 247., 309., non aliis scriben-
 dam, sed ore tradendam manda-
 vit. 247., seq.

V. Christum. V. Oraculum.

S. Ignatii Mart. Epistola ad Ma-
 riam spuria. 322.

Imagines B. **MARIÆ** V. an Lu-
 cas pinxerit. 241., seqq.

Illam Constantinopolim delatam.
 V. **MARIÆ**.

Impietas magna paucorum, uti
 & Pietas magna. 4. n. 1.

Indictionum Nota quando cape-
 riunt. 319.

Infirmittatis quam hæresim vocaret
 Hilarius. 306. n. 59.

Inimicus qui est, sibi amicum red-
 dere, animi est vere regis. 202.
 n. 28.

Injuriarum remittendarum præ-
 clara ex Dione commendatio.
 ibid.

Joannes Apostolus trium Episto-
 larum auctor. V. Epistolæ Joan-
 nis.

Apocalypsim descripsit. V. Apo-
 calypsin.

Evangelium item omnium novis-
 simus. 244., quo sermone, quo

stylo. ibid., quo tempore & lo-
 co. 245. n. 47. Scribendi occasio
 duplex. ibid. n. 48.

Ad prædicandum quæ ei pars
 obvenit. 244. n. 46.

Relegatio, Revocatio, Obitus.
 ibid.

Joannis Clerici opinio de Evan-
 gelica Legis scribenda mandato
 Christi. 247.

Resutatur; prædicandi scilicet
 Evangelii præceptum legimus,

scribendi non legimus. 248.
 n. 51.

Versatile ingenium detegitur:
 ibid. n. 52.

Exceptio. n. 51. dilemmate ca-
 pitur. n. 52.

Ex Petri item expositione de sibi
 à Christo imperata Redemtionis
 testificatione. 249. n. 52.

Ab opposito de Veteri scribenda
 Lege mandato. ibid. n. 53.

Ex nulla Apostolis cura scriben-
 di. 250. n. 53. Eorum verò, qui
 scripsere, alia prorsus à præce-
 pto causa scribendi. ibid.

Alia ex Chrysostomo hausta ra-
 tione. ibid. n. 54.

Triplex, quo nititur, argumen-
 tum. 247., seq. refellitur. 251.
 ad 256.

Priori occurritur. 251. n. 55.
 Occurritur alteri. 252. n. 56.

De Evangelica puritatis præ-
 tento periculo callidus timor ex-
 citatur. ibid. Neque ullum, nisi
 in una, quam metuit, Traditi-
 one tutum refugium. ibid. &

355. n. 59. ea inveniendum tu-
 tissima methode. 254. seqq., qua
 non recens, sed vetus est doctri-
 na & praxis Ecclesia. 253. n.

57., 254., seqq.

Ultimum momentum diluitur.
 256. n. 60.

Joannis Marshami de Danielis
 vaticinio interpretatio notatur,
 ac multis modis redarguitur.

93., seq.

S. Isidori Hispalensis de Canonibus
 vulgo Apostolicis sententia. 356.
 n. 92.

Isidorus Mercator alter Apocry-
 pho-

phorum parens. 250. num. 79.
Itinerarium Petri apocryphum. 364.

Judæorum olim Religio vera. 81. seqq.

Quæ secta Christi temporibus. 205. n. 25.

Messia sub idem tempus expectatio. 162. seq.

Fabula in Christi miracula ineptissima. 183. n. 56. refelluntur. 547. seq.

Politia Synopsis historica. 100.

Judæ Proditoris Evangelium Cautius solenne. 365.

Judas Epistolæ Canonica auctor an Apostolus, qui & Thaddæus. 284. Græci opinio notanda rejicitur. ibid.

S. Justino Martyri in Christum credendi quod argumentum. 213.

K

K Alendæ Romanis initium mensis. 318.

L

L Aconum instituta ad unam pene vim bellicam collineabant. 193. n. 12.

Laodicensibus an illam Paulus Apostolus Epistolam scripserit. 329. seq.

Quæ circumfertur, apocrypha. ibid.

Lapillus statum Nabuchodonosoris comminuens Christi typus fuit, regniq. ejus. 96., seqq.

Legni Sylvester & Julius Atheorum novissimi milites Romæ de-

posita errore damnati. 4. n. 1.

Leonis Magni pro communi Symbolo Apostolis asserendo testimonium. 375. n. 10.

Lex Vetus quoad moralia perseverans, quoad cetera præcepta quare sublata. 76. n. 27.

Bona est, non tamen perfecta. 83., seqq.

Data est ut gratia quæveretur; Gratia data est ut lex impleretur. 86. n. 12.

Salutem dabat non de se, sed ex Fide & gratia Christi Mediatoris. ibid.

Ligabat non omnes Gentes sed solam Judaicam quoad addita legi natura. 87. Sed quare solis illa Israelitis, Lex verò Christiana universo homini lata? 88. seq.

Libertini olim plures Judaismo nomen dabant, & quare. 238. n. 35.

Liber Pastoris. V. Pastoris. Libri ab Hæreticis suppositi Divo Petro. 363.

D. Paulo. 366.

DD. Andræ, Joanni Evang. & aliis. ibid.

DD. Philippo, Bartholomæo, Thaddæo, Matthiæ, Barnabæ.

Judæ proditori. ibid. 365.

D. Stephano. 366.

Hevæ Evangelium. 367.

Evangelium Veritatis. ibid.

De Ortu Virginis. ibid.

De Infantia Salvatoris. ibid.

MARIÆ Interrogationes Magnæ: Interrogationes Parvæ. 368.

Ecc 2

De

- De Transitu *MARIÆ*. *ibid.*
 Libri apud Catholicos *apocryphi*.
 a 308. ad 362.
 Christo suppositi. 308.
 B. Virgini. 318.
 Petro. 338.
 Paulo. 329., 330., 336.
 Jacobo. 328., 340., seq.
 Matthæo. 343.
 Duodecim Apostolis. 343.,
 346., 361.
 Barnabæ. 323., 343.
 Marco. 342.
 Nicodemo. 328.
 Clementi. 343., 346. 356.
 Dionysio Areopag. 344.
 Lino, Prochoro, Abdîæ Baby-
 lonio. 344.
 Libris Nov. Test. Christianorum
 doctrinam contineri. 219. n. 2.
 Eorum alii Proto-canonicali, alii
 Deutero-canonicali. *ibid.* n. 1.
 Proto-canonicali auctoribus, quo-
 rum inscribuntur, asserendi.
ibid. n. 3. 4. de iis. a 219. ad
 270.
 De Deutero-canonicalis. a 270.
 ad 307.
 Linus: Historiarum Passionis Di-
 vi Petri & D. Pauli fictitius
 auctor. 345. n. 72.
 Liturgiæ notio. 338. n. 59.
 Aliquas Apostolos Ecclesiis à
 se institutis tradidisse, habend-
 um pro certo. 339. n. 60. Gra-
 bii & Grotii ingenua confessio.
ibid.
 Liturgiæ Veteres, quæ circum-
 feruntur, an probandæ. 338.
 Quæ Petri inscribitur. *ibidem*.
 n. 61.
 Quæ Jacobi. 340., seq.
 Quæ Matthæi. 343. n. 67.
 Quæ Duodecim Apostolorum
ibid. n. 68.
 Quæ Barnabæ. *ibid.*
 Quæ Marci. 342. n. 66.
 Quæ Clementis. 343. n. 68.
 Quæ Dionysii Areopag. 344.
 n. 69.
 Quæ Missa Æthiopum. 343.
 n. 67.
 S. Lucas Pauli discipulus, & pe-
 regrinationum comes. 239. num.
 36.
 Quo genere, Patria, Religio-
 ne. 238. n. 35.
 Evangelium scripsit. 239. n. 37.
 scribendi occasio. *ibid.*, tempus,
 locus. 24. n. 38. Locus de sudore
 Christi sanguineo, an intrusus.
 V. Sudorem sanguineum.
 Actuum Apostolorum Scriptor.
 240. n. 38., 257.
 Imagines B. V. eum pinxisse,
 vulgata opinio. 241. n. 40.
 Ab Hæreticis perperam ride-
 tur. *ibid.* & seqq.
 Epistola ad Hebræos an dicen-
 dus auctor. 295.
 Luciferi Calaritani pro communi
 Symbolo Apostolis asserendo tes-
 timonium. 374. n. 8.
 Lucii Ann. Senecæ ad Paulum,
 & ad ipsum Pauli Epistola num
 genuina. 330., seqq.
 Lucilius quidam ardens pertinax
 Tholosa combustus. 4. n. 1.
 Lutherani Epistolam ad Hebræos
 Novatianis uti faventem car-
 punt. 288. n. 29. Reselluntur.
 289.

M

Magicus Liber Christo affi-
sus. 317. n. 15.

Mahumetana Sectæ Origo, Pro-
pagatio. 124.

Mores & instituta, 125., seq.
Vaticinia ex Vet. & Nov. Te-
stam. jactata. 138., 143.

Quam falso atque ineptè. 144.,
seq.

Mahumetana Religio falsitatis
convincitur. 128. ad 151.

Quod vetet omnem de sui verita-
te quaestionem. 128., seq.

Ex admittis ab Auctore Mahu-
mete. 130. ad 136.

Quod lex ejus mendax, atque in
Deum blasphema. 136., seq.

Quod ante Mahumetem vera ali-
qua Religio extiterit. 137.,
seqq. Exceptio Mahumetanorum.

138. rejicitur. 139., seq.

Quod nullis confirmata signis.
145. Responsiones Sectariorum

impugnantur. 146., seqq.

Quod doceat, quemque in sua
quavis secta salutem consequi
posse. 149., seqq.

Mahumetanorum Epochæ, quam
Hagiram vocant. 125. n. 2.

Miracula falso jactata. 148.
n. 37.

Mahumetes quis, cujus, qualis.
124., seq.

Malorum culpæ Diabolus, malo-
rum pœnæ auctor. Deus. 74.
n. 23.

Manichæorum de Deo blasphe-
mia. 67. n. 7.

Manna plenum vas, ac virga Aa-

ron, unquamne aut juxta Ar-
cam Fœderis, aut intus servata.
293., seq.

Marcioni commune cum Catholi-
cis Evangelium Luca, in non-
nullis tamen ipse mutavit. 128.
n. 15.

Marcionitarum de Deo error.
66. n. 5.

S. Marcus Petri discipulus Evan-
gelii Scriptor. 229. n. 17.

Quod illi genus. 230. n. 18.

Quæ scribendi occasio. 229. n.
17. quæ dictio. 231. n. 21. 22.

Qui locus. 231., seqq. Valesii
opinio. 234. n. 26. rejicitur

n. 27. seqq. Spanhemii arguta-
iones refutantur. 332., seqq.

Liturgiæ cujusdam auctor falso
vulgatus. 342. n. 66.

MARIÆ V. Imaginem à D. Lu-
ca depictam, Antiochiæ pri-
mum, dein Constantinopoli ser-
vatam. 242. n. 41., quam pie

colerent Imperatores. ibid.

De gloriosa ejus in cœlos As-
sumptione Fulberti judicium.

268.

Epiphaniî sententia. 370. pro-
bata Ecclesiæ Traditio. ibid.

Epistola ad Mesiāenses. 318.
n. 18. commentitiam ipsa se pro-

dit. 319., & Luca silentium
& verba. 320. n. 10. Exceptio-

nes n. 21. præclusa, 321 seq.

Rejicitur argumento ex Eccle-
siastica Traditione petito. 322.

ex supremæ Inquisitionis decre-
to. 318.

Epistola ad Ignatium Marty-
rem fingitur. 322. uti ad Flo-
rentinos glia. 323.

Ma-

Maria quam illa, quam Christiferam Bernardus vocat, uti ad quam scripserit Martyr Ignatius. 322., seq.

Matthæi Evangelium aliis olim secundum Hebræos. 221. n. 5. à D. Matthæo Apostolo editum. ibid., & seq. Hebraicis litteris, & sermone Syriaco, seu Syro-Chaldaico conscriptum. ibid. Joannes Clericus negat. ibid. at refellitur. 223., seqq.

Idem quod Nazaræorum Beræensium Vetus. 227., seq.

Ebionitæ recipiebant, sed ab Ebione maculatum. ibid. n. 15.

Græcum exemplar antiquissimum. 228. n. 16. quo interprete, & quando exaratum, maxime incertum. ibid.

Hebraicum vetus perit. ibid.

Illi, quod Tillius & Munsterus edidit, quæ fides? ibid.

Quæ Syriaco, quod extat? ibid.

Liturgia, quæ & Missa Æthiopum, fictitia est atque erronea. 343. n. 67.

Medicina ars olim Romæ servilis. 328. n. 35.

Menfis initium Hebræis Neomenia, Romanis Kalendæ. 318., seq.

Messianæ Paulum aliquando fuisse. 320., seqq. negatur. ibid.

Messianensis B. V. Epistola. V. MARIÆ.

Messiam quemdam natum quo die dirutum Templum, nec tamen hæcenus apparuisse, Judæorum quorundam fabula. 164. n. 24.

Geminum alii commentum sunt,

ex Tribu Joseph unum, ex stirpe Davidis alterum. 171.

MESSIAM, quo tempore natus est Christus, cum Judæi tum Gentes expectabant. 162. seq.

Fore Deum, Scripturarum, ac Rabbiorum, testimonia confirmant. 174., seqq. Imo & Judæorum, Christo in terris agente, vulgaris opinio. 179. n. 50.

De eo prædictiones Jacob, Danielis, Aggæi, Malachiæ. V. Oraculum.

Miracula à Gentilibus falso jactata. V. Deorum.

Missæ Æthiopum, quæ & Liturgia Matthæi, apocrypha est atque erronea. 343. n. 67.

Molochitæ qui. 64. n. 24.

Mundi fabrica, ordo, contentus Deum prædicat. 9., seqq., ac Dei Unitatem. 13. n. 3. seq.

Mundum hunc aspidabilem qui Deum esse commentum sunt, Paganorum sapientiores refutantur. 38., seqq.

Muscaronitæ qui. 62. n. 18.

Musoritæ qui. 63. n. 19.

N

NABUCHODONOSORIS somnium Christi signum, Regni que ejus. 96., seqq.

Nathanael à Christo laudatum ipsum esse Bartholomæum Apostolum, aliorum sententia est. 325. n. 30.

Natura universa in unitate consentit. 13. n. 3.

Natura omnis bona. 72. n. 19.

Nazarenorum Vetus Evangelium

- lium parum Matthæi Hebraicum*. 227., seq. Hieronymus consuluit, ac transtulit. *ibid.*
Ebionitis commune, sed ab Ebionæ vitiatum. *ibid.* n.15.
 Religio verè Christiana, quam Legalia servarent. 228. n.15.
 Neomenia Hebraici mensis initium. 318., seq.
 Ninum Beli filium primum fuisse simulacrorum superstitiose colendorum auctorem, verisimilius. 23. n.11.
 Nicæni II. tempore statuarum in Ecclesiis usus nondum obtinuerat. 362. n.102.
 Novatianis Epistolam ad Hebræos favere, Lutherani contendunt. 288. num. 29., irritò conatu. 289.
 Oblationes & cetera Veter. Test. legales in Deum observantia cur in Nov. Test. sablata. 76. n.27.
 Observationis vanæ plura exempla ex Augustino. 18. n.3.
 Onesimus, à Paulo Philemoni commendatus, qui, & quantus in fide. 265. n.20.21.
 Ononychitis uti Christianorum Deus ab Ethnicis in ludibrium vulgatus. 367. n.14.
 Oracula à Gentilibus jactata. V. Deorum Gent.
 Oracula Messiam spectantia in JESU Nazareno impleta. 165. seqq.
 Judæorum objecta repelluntur. 167. seq.
 Oraculum Aggæi de Christo. 121. n.64.
 Ex eo Messiam venisse, demonstratur. *ibid.*
 Hebræorum responsiones impugnantur. 122., seqq.
 Oraculum Danielis ex Cap. IX. 90. seq. explicatur. 91. n.2.
 Harduini & Jo: Marshami interpretatio notatur, ac plurifariam redarguitur. 93., seq.
 Aliorum item ea de re damnandus error. 94. n.11.
 De Cyro inepte interpretantur Hebræi recentiores. 95., seq.
 Alterum ex Cap. II. de Christi regno. 96. seqq. Augustinus eleganter ut valide interpretatur. 98. n.21.
 Oraculum Jacobæum. 99. n.33.
 Ejusdem lectio varia. *ibid.* varia interpretatio. 100., seqq.
 Quid Sceptri quid Ducis nomine intelligendum. *ibid.*
 Quid Juda nomine. 102. Opinio sextuplex. *ibid.* sexta magis aridet. 106., seq. vindicatur. 111. seq.
 Impletum circa Jesu nati tempora. 107. n.40. Messiamque venisse inde conficitur. 113. n.51.
 Grotii ratiocinium minime probatur. *ibid.* n.52.
 Evasiones Hebræorum precluduntur. 114., seqq.
 Oraculum Malachiæ. 121. Messiam venisse inde confirmatur. *ibid.*
 Judæorum exceptiones repelluntur. 122., seqq.

P

P Aganorum *systema de Diis pluribus sub uno Deo Magno communi Patre refellitur* . 45.

Oracula, portenta &c. V. Deorum Gent.

Eorum inter & Christianorum sacrificia discrimen . 76. n. 26.

Papiae de Matthaei Evangelio *hebraicè scripto testimonium contra Joannem Clericum sustinetur* . 221. n. 9.

Patrum iniquitatem punit Deus in filios, & filios filiorum, adhuc ex misericordia . 75. n. 24.

Pastoris Liber cuius olim auctoritatis . 332.

Nunc apocryphus . 333. n. 48. nec tamen noxius . 334.

Non Novatianis favet . *ibid.*

n. 51. non Arianis . 335. n. 52.

Carpitur à Tertulliano . 332.

sed minimè audiendus qui jam

tum Montanista . 334. n. 50.

Hermæ Pauli discipulo, non

Hermeti Pii II. R. Pont. fratri

tribuendus : 336. n. 54.

S. PAULI *Apost. genus, religio,*

res gesta, obitus indicantur .

258. n. 3.

Scripta recensentur . 258. ad

266.

Epistolas per concives eorum,

ad quos dabat, mittere consuevit .

265. n. 18.

Epistolam ad Hebræos illius

factum esse, Veterum pauci du-

bitantur . 286. n. 25. *affirma-*

runt Græcorum plurimi, Latini-

orum celebriores . 287. Cum iis

asseritur . *ibid.* vindicatur . 288.

295. seq.

Ea an hebraicè primum scripta :

ibid. unde data . 296. num. 44.

quodque ejus argumentum . 297.

A Lutheranis carpitur . 288.

uti Novatianis favens . 289.

uti Arianis, Socinianis, atque

Unitariis . 291. *quæ item in-*

firmis utatur argumentis . 292.

294. n. 38. *quod mendax* . 293.

Singula refutantur citatis locis .

Trefdecim Epistolæ aliæ . V.

Epistolæ Paulinæ .

Ad Laodicenses quæ extat

Epistola an apocrypha . 339.

seq.

Ulla ne fuerit unquam data vel

missa . *ibid.*

Epistolæ, quæ feruntur, ad

Senecam, & Senecæ ad ipsum

an genuinæ . 330. an aliquas

saltem aliquando invicem scri-

pserint . *ibid.*

Apocryphis accensenda : Rap-

ptus, seu ascensus Pauli: Acta

Pauli . 266. num. 9. Acta item

Pauli & Theclæ . *ibid.* Historia

Pallionis Pauli Lino afficta .

345. n. 12.

Messianæ illum aliquando fuisse .

320. seq. negatur . 321.

seq.

S. Petri Chrylogi de Fidei Sym-

bolo præclara sententia . 379.

n. 20.

S. PETRUS *Apost. Græce ne an*

Latine Evangelium docuerit .

322. n. 22.

Prior Petri Epistola Catholica

quare dicatur . 267.

Posterior Epistola an dubie

ali-

- aliquando auctoritatis.* 277.
Isdem missa est, quibus prior.
 279. *eandemque ob causam.*
ibid.
Auctor ejus idem ac prima Petrus ipse Apost. 278. n. 12. 13.
Grotii singularis opinio rejicitur. *ibid.*
Liturgia, à Sirleto Card. recepta, commentitia est, atque illi falso adscripta. 339. n. 61.
Apocrypha item illi attributa: Evangelium: Actus: Apocalypsis, atque Itinerarium. 363. *seq.*
Apocrypha Passionis Petri Historia S. Lino afficta. 345. n. 72.
Philonis Hebraei de Deo Trinitati favens doctrina. 196. n. 19.
Pictores, Stagnarii, Celatores, & id genus artifices fuerint ne olim apud Hebraeos. 243.
Pietas magna paucorum, uti & impietas magna. 4. n. 1.
Platonicum convivium. 194. n. 14.
Poenitere, misereri, irasci, zelare Deum, quæ ratione dicatur. 80. n. 34.
Poetarum fabulae sunt, quæ plura Pagani narrant, & facta Deorum & Dii. 29. n. 6. *seqq.*
Portenta ac cetera à Gentibus pro Deorum cultu jactata. V. Deorum Gent.
Præcepta Vet. Test. quæ in Novo retenta sunt, quæ sublata. 76. n. 27.
Cur antiquata caeremonialia, moralia non item. *ibid.*
- Prædicatio Apostolis præcepta, non scriptio.* 247. ad 256.
Joannes Clericus latè resellitur. *ibid.* V. Joannis Clerici.
Prochoro uni ex septem Diaconis falso adscribitur Historia d. Joanne Apostolo commentitia. 344. *seq.*
Pseudo-Evangelia ab Hæreticis olim vulgata. 363. ad 367.
Petro unum attributum, Decretis in usu. 363. *seq.*
Thoma aliud, Manichæis familiare. 364.
Philippo aliud à Gnosticis. 365.
Alia aliis: ibid.
Quin & Juda Proditori suum Cajanis probatum. *ibid.* n. 8.
Evangelium Perfectionis, & Evangelium Hevæ, Gnosticis accepta. 367. n. 12.
Evangelium Veritatis à Valentinis confictum. *ibid.* n. 13.
Pseudo-Evangelia apud Catholicos. 327. *seq.* *Evangelium secundum Hebraeos idem ac illud Matthæi, quod Ebionitas interpolasse, censent non pauci.* 327.
Evangelium quoddam secundum Ægyptios, quo Sabelliani utebantur. 328. n. 36.
S. Jacobi Proto-Evangelium. *ibid.* n. 27.
Evangelium Nicodemi. *ibid.*

Q

Quæresmii opinio de loco editi
 ab Apostolis Symboli. 377.
 n. 14.

R

R Abbinorum quorundam Trinitatis Myſterio ſaveus do-
Etrina . 197. n. 20.

Ranatiſſe qui 62. n. 17.

Rebaptizantibus aperte conſenti-
re videntur Canones vulgo Apo-
ſolorum . 350. n. 81.

Regiminis Hebraici Synopſis hi-
ſtorica . 100., ſeqq.

Regnum Chriſti Nabuchodonoso-
ris ſomnio pramonſtratum . 96.,
ſeqq.

Religio Chriſtiana quam late
quam citò per Orbem propaga-
ta . 204., ſeqq. Efficax inde at-
que pulcherrimum Auguſtini
argumentum . 310.

Ejuſdem Veritas . V. Chriſtia-
næ Religionis Veritas .

Religio Hebræorum olim vera .
81., ſeqq.

Religionis natura, atque etymo-
logia . 1., ſeq. In ejusdem nego-
tio duo potiſſima . Præfat. init.

Religio vera ubi quaerenda . Præ-
fat. poſt init.

Nunquam varia, varii licet ri-
tus, ſacrificia &c. 89. n. 19.

Remphanitæ qui . 64. n. 23.

Reſurrectionem proſus impoſſibi-
lem nulla ratio convincit ; Deo
auctore poſſibilem ſuadet multi-
plex argumentum . 157., ſeqq.

Imo ne quidem Philoſophos la-
zuit . 158. n. 12., 161. n. 18.

Quod eam Orbis crediderit, mi-
rum ; quo eam credidit, modus
mirabilior . 210.

Rhodii Andrea Ord. Præd., con-

tra Græcos in Florentina Syna-
do diſputantis, de communi Sym-
bolo Apoſtoliſ aſſerendo ſenten-
tia . 375.

Ritum Sacri faciendi aliquem Ec-
cleſiis à ſe inſtitutis, Apoſtoli�
tradidiſſe, habendum pro certo .
339. n. 60.

Romam Babylonis nomine tegi in
Epiſtola priore Petri, mirum,
quod Proteſtantes nolint . 267.
n. 24.

Romanæ Indiſtinctionis nomen quan-
do ceperit . 319.

Romani Deos abſque ſimulacris
multo tempore coluere . 22. n. 9.

Romanis Ambroſii tempore jeju-
nare ſolemne . 350. n. 81. 99. in
plura ſecula contra Orientalium
praxim cuſtoditum . 356. n. 94.

Romanorum, ad quos Paulina
Epiſtola, de pralatione diſſidium.
259. n. 5.

Ruffini de communi Symbolo Apo-
ſtoliſ aſſerendo ſententia . 375.

S

S Abbato jejunare . V. Roma-
nis .

Sacrificia Paganorum inter &
Chriſtianorum quodnam diſcri-
men . 76. n. 26.

Sacrificium Chriſti non crudeli-
tatis, ſed Divina juſtitia atque
amoris ſignum . 199. n. 23.

Sanctimonialium alia, atque Ve-
ſtialium virginitas . 16. n. 26.

Sanctorum uni pro una, alteri pro
re altera Chriſtiani cur ſuppli-
cent . 47. n. 38.

Sanguinei Chriſti Sudoris hiſto-
riam

- riam referens locus Luca aliquibus olim dubius, jure Canonis insertus. 305., seq. V. Sudo-rem.*
- Scaligeri de Herodis genere opinio. 107. refellitur. 109., seq.
- Schelestrate Emmanuel, circa Libri Pastoris auctorem, S. Hieronymum immerito notat. 336.
- Scriptio Veteris Legis præcepta, Nova præcepta Traditio. 249. seqq.
- Opinio Jo. Clerici refutatur. V. Jo. Clerici.
- Scythianus Manichæismi præformator. 67. n. 7.
- Senecam plures Epistolas ad Paulum dedisse, ab eoque vicissim recepisse, vetus opinio. 330., seq. an probanda. 331. quæ nunc extant eorum ad invicem Epistolæ num genuinæ. ibid.
- Severianorum circa Deum deliramenta. 67. n. 8.
- Simonis Magi qui errores Colossis, ac Laodiceæ, Paulum ad scribendum excitavit. 262. n. 13.
- Simulacrorum cultus quando inter Gentes cæperit. 23. n. 11.
- Socrates Græcorum laudatissimus perquam impotens ira. 187.
- Statuarii, Galatores, & id genus artifices num olim apud Hebræos. 243.
- Statuarum in Ecclesiis usus ante Nicænum II. nondum obtinuerat. 362. n. 102.
- S. Stephani Apocalypsis commentitia Gnosticis accepta. 366. n. 12.
- Sudorem Christi Sanguineum re-
- ferens Luca locus plurimis à Codicibus olim à Catholicis abusus. 305. quare? ibid.
- Perperam eo Ariani abutebantur. 306. n. 8.
- Superstitiosæ observantiæ exempla ex Augustino plurima. 18. n. 3.
- Symbola Christiana Fidei quatuor. 372. n. 3.
- Symboli etymon duplex. 371.
- Apostolorum symbolo aptum utrumque. 372.
- Symbolum vulgo Apostolorum an verè ab Apostolis ore traditum. 372.
- Heterodoxi quid sentiant. ibid. & seq.
- Orthodoxi jure asserant. 373.
- Constans de eo Patrum Traditio. 374., seqq. ab Hæreticis temere rejecta. 376. n. 13.
- Primum ex Basnagio argumentum negans. 378. infirmatur. ibid., & seqq.
- Secundum dilemmate ductum ex scopo momentum. 381. diluitur. ibid. & seqq.
- Tertium ex mutatis in Symbolo. 382. depellitur. 383., seqq.
- Quartum iterum ex scopo rationcinum. 388. dissolvitur, atque in adversarium reverteritur. ibid. & seqq.
- Ultimum ex Constantinopolitani, non Apostolici Symboli inter celebrandum recitatione derivatum inconueniens. 389. submovetur. ibid., & seq.
- Quando & ubi editum. 376., seqq.
- Singuline singulos articulos Apostoli tulerint. 377.

Articuli *an juxta credendorum potius, quam Apostolorum numerum computandi*. 377. , seq. *Unquamne symbolo quicquam demturi, additumve*. 382. seq. *Quid de illo: Descendit ad Inferos*. 387. n. 33.

T

T Alionis *pœna limes fuit, non fomēs furoris*. 75. n. 25.
 Templum Hierosolymæ ab Hero de reparatum, non à fundamentis erectum. 121.
 Tertulliani *pro communi Symbolo Apostolis asserendo testimonium*. 374. n. 7.
Idem jam Montanista quam pudice de Ecclesia. 332. n. 41.
 Test. Vet. *præcepta quæ in Novo retenta, quæ sublata*. 76. n. 27.
V. Lex Vetus.
 S. Theclæ *Acta apocrypha*. 336. , seq. *an quo ad omnia rejiciantur*. 327.
 Theologia Gentilium *quotuplex*. 22. n. 8.
 Theotocon & Homousion *voces ante Ephesium adhuc atque Nicænam Patres quandoque usurparunt*. 342. n. 64. 65.
 S. Timotheus *Pauli Discipulus cujus fuerit, non una sententia*. 263. n. 17. à Paulo circumcissus, atque Ephesium Episcopus constitutus, tametsi junior. 264. n. 17.
 Tophetix *qui*. 63. n. 22.
 Traditionis Apostolicæ auctoritatem simpliciter qui negaret, quam facili suo sermone capiat. 7. n. 7.

Vis, atque Utilitas *pro Fidei puritate custodienda*. 252. , seq. *Aptissimis ab Irenæo exemplis illustratur*. 253. n. 57.
 Et inter scripta, & inter varias quoque Traditiones ipsa discernit. 252. n. 56. sua nimirum adest vera à spuris secernenda certa, ac tuta methodus. 254. , seq. , ad ipsas quoque de Scripturis Divinis dirimendas lites, ex necessitate servanda. 255. n. 59.

Neque recens ea, sed à prioribus seculis vetus Ecclesiæ doctrina. 253. , & seqq.
 Necessitas amplior, altiusque petenda, quam illa Scripturarum. 248. n. 51. 250. n. 54.
 Munus Apostolis à Christo mandatum, non mandatum munus scribendi. V. Jo: Clerici.
 In re Liturgica Græbii & Grotii ingenua confesso. 339. num. 60.

Trisagii recitatio *quando cæperit*. 341. n. 64. *Facti narratio, ibid.*
 Trismegisti Hermetis pronuntiatum de Dei unitate. 16.
De origine Simulacrorum. 24. n. 12.
Deorum systema. 36. n. 20.

V

V Alentiniana hæresis *quantum delira*. 65. n. 4.
 Vanæ observationis aliqua ab Augustino exempla facete recensita. 18. n. 3.
 Vaticinia Messiam spectantia. V. Oraculum.

Va-

Vaticinia Deorum apud Paganos.

V. Deorum Gent.

Venerem Deam uti execratur Antisthenes. 48. n. 39.

Veritas Christiana Religionis.
V. Christiana Religionis Veritas.

Vespasianus Caesar pro Messia ex Lege promisso à Josepho pronuntiatus. 162. n. 20.

Vestalis qua ope ingentem navim cingulo traxerit, uti & qua cribro aquam gestavit. 51. Quin ea fuerint vera miracula, nil certe vetat. 52.

Vestaliū longe diversa, atque Sanctimonialium virginitas. 76. n. 26.

Vet. Testamenti idem Deus, qui Novi Test. 68., seqq.

Præcepta. V. Lex Vetus.

Vindictam in inferentem minime regerere, præclarum opus. 202. n. 28.

Virga Aaron, ac Manna vas plenum unquamne juxta Arcam Fæderis, aut intus cum Tabulis servarentur. 293.. seq.

Vitæ Apostolorum apocrypha sub Abdia Babylonii nomine edita. V. Wolphangi.

Vitia ipsa nullam esse testantur Naturam malam. 72. n. 19.

Vituli aurei in deserto Hebrai adoratores, qua ratione idololatricam peccaverint. V. Hebræorum.

Unum omnino DEUM Mundi creatio, gubernatio, unitas, at-

que ordo pronunciant. 13., seq. Unum quod est apud multos, non est erratum, sed Triditum. 256. n. 59.

Voces Homouſion, ac Theotocon adhuc ante Nicanam, & Ephesinam Synodum aliquando Patres adhibuere. 341. seq.

Vossius, alique post Calvinum, ut falso, callidè, sed irritè, adversus cultum Deo sub imaginibus à Catholicis præstitum, hebraicam aurei Vituli idololatricam interpretentur. V. Hebræorum.

Wolphangi Lazii, quæ fertur editio Historia Certaminis Apostolici sub Abdia Babylonii nomine, à Paulo IV. quam merito rejecta. 345., seq

X

X Enopanis de formarum atque animorum in Diis varietate narratio. 48. n. 39.

Xerxes quod Tempia sustulerit vel à Calvino damnatus. 62. n. 15. In Calvinum inde Catholicis argumentum pro usu Imaginum. ibid.

Z

Z Elare, irasci, miseri, pænitere Deum, quam ratione dicatur. 80. n. 34.

Zoroaster quid de mortuorum resurrectione conjiciat. 161. n. 18.

F I N I S.



ERRATA

CORRIGE.

Pag.	lin.		
18.	16.	variarum	vanarum
47.	1.	infra	infra .
52.	12.	& si	et si
66.	27.	Ecclesie	Ecclesie
67.	33.	quorundam	quarundam
68.	35.	quia	qui
75.	16.	non rependeret	rependeret
80.	15.	per turbati	perturbati
100.	10.	Pro	Pro quo
143.	12.	promittit	permittit
152.	37.	tumultuante	tumultuantes
205.	14.	nequo	neque
246.	32.	tertium	trigesimum
309.	31.	configunt	confinunt ,
356.	17.	veritas	unitas .
399.	9.	quas	quos



